
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google[™] books

<https://books.google.com>



P E F

MENTEM ALIT ET EXCOLIT



K. K. HOFBIBLIOTHEK
ÖSTERR. NATIONALBIBLIOTHEK

15.L.4

15. L. 4.

M. MARVLI SPALATENSIS

DICTORVM FACTORVM'QUE
MEMORABILIVM
LIBRI SEX;

Sive,

De bene beateq; viuendi institutione ad normam vitæ
Sanctorum vtriusque Testamenti, collecti
atque in ordinem digesti:

*In finitæ mendis diligenter repurgati, atque SS. Patrum locis
figillatim appositis insigniti, per Ioan. Foulerrũ Bristolien.*


Ierem. 6.

Interrogate de semitis antiquis, quæ sit via bona, &
ambulate in ea: & inuenietis refrigeriũ animabus vestris.



ANTVERPIÆ,
Apud eundem Iohan. Foulerrum.
M. D. LXXVII.
CVM PRIVILEGIO.

REVERENDISSIMO
ILLVSTRISS. ^{moq;} CARDINALI
CAROLO BORROMAEO, MEDIOLA-
nensi Archiepiscopo, Iohan. Foulerus sempiter-
nam Felicitatem.

 I quod vnquam tempus fuit, R. ^{me} atque
Ill. ^{me} Cardinalis, in quo fidei Catholi-
cæ, Religionisq; Orthodoxæ ratio ha-
beri debuit summa cum vigilantia, con-
iunctisq; omnium Ordinum studijs
opibusq; : hoc sanè illud tempus est, ad quod infelici
hoc atque calamitoso nostro seculo nunc sumus de-
uoluti. Siue enim nequissimos hominũ mores omni
vitæ licentia ac lasciuia diffuentes, siue errorũ hære-
sumq; repugnantissimas sectas infinita & veterum &
nouorum dogmatum absurditate refertissimas, siue
ex vtrisque his malis, tanquam è duabus radicibus
exortam totius fidei, & humanæ erga mortales (qua
ciuilis huius vitæ ratio omnis & vis potissimùm con-
sistit) & Christianæ erga Deum (qua omnis vitæ &
præsentis & futuræ virtus ac religio constat) corru-
ptionem perniciemque manifestam consideremus:
non, puto, vllò vnquam seculo extitisse illum diem,
in quo iustius aut exclamare potuerit Oratorum ille
facundis. ô mores, ô tempora; aut in quo verius
scriberet Apostolorum ille dilectissimus, Mundum ^{i. 102.}
totum in maligno esse positum. ^{5.}

Itaq; sic planè existimandum est, aut adesse nunc
in ipsis foribus supremam illam diem, & ineluctabile
tempus, in quo adueniens Filius hominis vix vllam ^{Luc.}
in terris sit inuēturus fidem: aut (siquid adhuc superfit. ^{18.}
† 2 inter-

EPISTOLA

Apoc.
7. interualli, in quo inhibetur Angelis vindicibus, ut ne noceant terræ & mari, quousque signentur serui Dei nostri in frontibus eorum, ac compleatur illorū numerus, qui consummandi sunt in terra) tum demū contendēdum esse ac summis viribus elaborandum ijs omnibus, qui Angelo Dei coooperari, plagasque imminētes auertere tantisper velint à suis suorumque ceruicibus, ut Remp. Christianam collapsam subleuare, mores deprauatos corrigere, errorum hæresumque occasiones & scandala tollere, fidem & humanam hanc inter ciues, & orthodoxam inter Dei Ecclesiæque filios restaurare ac stabilire, omni cura & industria connitantur.

Luc.
21. Igitur cum in hoc vnū sedulò incumbere teneatur pro modolo quisque suo, quicumque verè Christiani Catholicique viri officio deesse noluerit in hoc tempore tam turbulento, tantaque opportunitate atque adeò necessitate omnis Superum atque hominum opis, grassante etiam vbique ferè vel bellici furoris rabie, vel diræ pestis contagione non minus vndique saeuente: quum nullum aliud in promptu esset officij genus, in quo ego mea pro condicione ac tenuitate conferre quicquā possem ad sustentandam fabricam hanc Ecclesiæ Occidentalis, non minus nunc, quàm Orientalis olim, iisdemque planè vestigijs ac gradibus, ruinam manifestam minitātis: imitatus sum saltem viduam illam pauperculam in Euangelio, & cum duo minuta non haberem, at vnū hoc de penuria reliquum mea iamdiu cupiebā mittere in gazophylacium. In quo vno si totum nunc victum meum constare ac restare dixero, post hæc tam multa ac graua bellorum, incendiolorum, dire-
ptio-

DEDICATORIA.

ptionumque damna & incommoda, nihil profecto à vero alienū dicere cuiquam temerè videri debeo.

Tibi verò, Card.^{us} præstantiss.^{me} qui spiritualis huius Gazophylacij Thesaurarius quidam iure dici poteris, & qui pro reedificanda Dei domo non modicum & curæ, & operis, & impendij contuleris in vita tua, omnemque adeò copiarum abundantiam profudisse diceris & in pauperib. Christi assidue fouendis, & in bonis lapidibus & donis conquirendis ad reparandum restituendumque Templum Dei ornatum, vt meritò & Cardio & Columna quædam firmissima torius huius Diuinæ Machinæ & sis, & habearis: hoc munusculum exhibeo, quod tamen cum quo ab Authore profectum, ac prima incude perfectum, tum quàm varia multiplicique materia & sententiarum pondere perpolitum, quãta deinde ingenij arte, adiectorumque epiphonematum grauitate, acumine & lepore exornatum, quanto denique pietatis veræ zelo ac omnibus proficiendi studio absolutum fuerit, reputaueris; non iam munusculum aliquod exiguum aut contemnendum, sed egregium planè atque excellens Opus existimandum, ac meritò prædicandum erit, & quod non modicum quid emolumenti ad spirituales hanc pietatis fideique Catholicæ structuram videatur allaturum: qua verò ex parte à me nō nihil honestatū, aut potius splendori tuo (quamuis non satis pro Authoris merito ac dignitate rei, pro mea tamen facultate, diligenter certè & studiosè) restitutū, Patrumque Sanctorum adiectis passim authoritatib. auctum & illustratum, & à plurimis mendis vindicatum, typisq; elegantiorib. quàm vnquā antehac excusum, luci;

EPISTOLA

ac vsui communi paulò commodius concinnatum (quanquam hoc totu pro nihilo habendum sit omnino præ eo, quod ipsemet Author effecit præstititq;) quantulūcunq; tamen est, Tuæ, vt dixi, Amplitudini dono dedicoq; : tūm sanè pro mea animi affectione erga insignes virtutes tuas omniū sermone & testimonio tantopere prædicatas, tūm pro eo studio ac voluntate, quam ego quoque habeo de Christiana Rep. bene merendi, Catholicæq; imprimis Ecclesiæ inferuendi, vel vnico hoc minuto, interea dum maiorem aliquam facultatē præbuerit Deus benignissimus: ita mihi planè persuasum habens, & meū hunc laborem effectum fructumque aliquem felicius consecuturum, & Authoris tam pij doctique studium maiorem vtilitatem omnibus pariturum, quòd hæc ipsa cuncta simul dedicata, & quasi consecrata tandē fuerint Nomini quoq; Tuo: ex quo & multò maior apud posteros commendationis cumulus, & splendidior apud omnes honoris titulus & Authori, & ipsius operi accesserit: tantum abest, vt quisquā malignè suspicetur, vllam inde ipsi iniuriam factam, aut quicquam prorsus derogatum, quòd priori Nuncupationi præfixa sit hæc posterior, dicata quidem Personæ non minus celebri aut illustri, cum Tua sit & fama virtutū celeberrima, & veræ Nobilitatis splendore apud omnes Illustrissima.

Hoc ipsum ergo Opus, Cardinalis Ampliss. perinde suscipe, atque si commendatum manibusq; tuis traditum exhiberetur ab Authore ipso viuere adhuc (& viuit certè Deo) qui productis his atque in ordinem pulcherrimum digestis Sanctorum exemplis, quibus vita tota nostra institui, & quasi ex integro infor-

DEDICATORIA.

informari queat, & viuus & mortuus non minus populo Christiano prodesse studuit, quam Romano olim populo Valerius ille Maximus, quem noster Marcus Marulus (hoc ipso nomine vel Maximi appellatione quoque dignis.) imitatus est forre & argumenti genere, & orationis lepore, sed in rei ipsius dignitate atque præstantia tantu supergressus, quantum æterna illa vita huic nostræ mortali, Diuinaque bona omnia firma & perennia, caducis his ac momentaneis antecellunt. Illam verò æternam vitam bonaque immortalia propter egregia pietatis ac virtutis opera, quæ in hac vita edidisti, Cardinalis Excellentiss. retribuat tibi Dominus in illa die: sed ita demum, vt cursum hic prius consummes tuum, nobisque interim quàm diutissimè concedaris, tùm ad Ecclesiæ Catholicæ tam necessariam nauandam operam, tùm ad bonorum omnium non mediocrem consolationem. Antuerpiæ, Cal. Iulij. 1577.

*Qui T. Amplitudinis
est Studiosissimus,*

Iohan. Foulerus,
Bristolienfis.

AD REVERENDOS OMNISQUE ET DOCTRINAE ET RELIGIONIS Christianæ studiosissimos Patres, Societatis

I. B. S. V.

CVM huius libri studio teneri Societatem vestram, Patres
Doctiss. mi Religiosiss. mihi; eiusq; lectione in Collegijs vestris
iamdudum frequentari, intelligerem: non immerito sanè plus
quàm quatuor his annis excitatus sum & ipse ad eam curam
suscipiendam, quod idem liber typis paulò elegantiorib. excusus, &
emendatiore lectione exornatus in lucem prodiret, præsertim cum vix
ulla iam extarent vspiciam tam ppi atque eruditi Operis exemplaria.
Igitur quod hoc tam utile, ac studiosis omnibus pijsq; viris tam diu
expetitum negotium non citius expedierim, id turbulentis his tempo-
ribus adscribite, quæ nos bellicis tumultibus ac terroribus retardarunt
hactenus, & ab inchoando opere sæpius absterruerunt, iamq; id in-
ceptum intermittere coegerunt, atque adeò olei operaq; sumptum omnem
hostili aliquo casu corrupissent ac perdidissent penitus, nisi Deus ipse
manifestò nobis adfuisset, pacemq; optatissimam pro sua summa mi-
sericordia (si nos modo tanto bono non indignos nos ipsos præstiterimus)
in terras has tandem immisisset.

Itaq; & hoc vestro studio, & meo simul animi affectu, & alijs quoq;
nonnullis causis, videbar ipse mihi prouocatus, & quasi manu ductus,
ut hanc nostram in hoc libello recudendo oppellam qualemcunq;, vestre
quoque commendarem Societati. Quam quidè Societatem ego summè
semper colui, atq; ita animo sæpius co:itavi, hoc vestrum castissimum
pijsimumq; Institutum diuinitus planè concessum esse postremis his
nostris temporibus, quod seculi huius nequariz, mores corruptissimos,
fidem infirmissimam ac Religionem deprauatissimam, restituere pau-
latim, Remq; publ. Christianam maxima ex parte iam collapsam, ac
tantum non eversam funditus, denudò restaurare, ac suis quasi humeris
sustentare niteretur: non secus profectò, quàm priscis illis temporibus
laboranti similiter Ecclesie, varijsq; Schismatum, errorum, hæresumq;
ac scelerum fluctibus agitata, penèq; interdum obruta, extremaq; tunc etià
& morum & fidei iacturas patienti, Dei dono & gratia infinita missi
sunt Patres illi omni memoria celeberrimi, qui suo exemplo, studio ac
sapientia

SOCIETATIS IESV.

Sapientia cælesti auctores fuerūt instituendæ omnis disciplinæ Eremiticæ, Monasticæ, & cuiuscunque Ordinis Cænobitici. A quibus tanquã à fontibus quibusdam puris ac perennibus ad totius Ecclesiæ decorem magnopere illustrandũ amplificandũq; emanavit tanta virisque sexus varietas, & cuiusq; etatis tâta multitudo in omni perfectæ vitæ castitate, cultuq; religioso erudita. In quo quid aliud voluerūt viri illi verè Euangelici, quàm ut certis regulis quasi limitibus quibusdam purior Christiani populi pars continere se posset securius, veriç Euangelij vestigijs insistere confidentius, non sermone tantum ac verbo (quod nostri noui homines faciunt, idq; solum sibi fide sua ficta satís esse falso iactitant) sed spiritu ac virtute bonorũ operũ, tum ad suã ipsorũ vocationẽ certam faciendã, ex Principis Apostolorũ Petri consilio, tum ad lumen aliquod pietatis ac vitæ sanctioris in domo Dei uniuersis hominibus clariùs extollendum.

Quamobrem cum nunc, Patres Optimi, aduenerint vestra vices deseruiendi in Templo Dei, tantoq; magis, quod postremi omnium videamini, quando & D. Paulus suo etiã tempore putarit, quod ipsos Deus Apostolos nouissimos ostendisset, quibus tamen successerunt multi (ut 1. Cor. modò diximus) varijs diei horis vocati in vineam: debetis sanè ita 4. Mat. 20. vobiscũ reputare, magnam vobis imposuĩ esse rei bepe gerendæ necessitatem, idq; pluribus maximisq; de causis. Primum etenim, quando venistis serius, tantò maiore alacritate, diligentia atq; industria vobis est elaborandũ, quò & aliorum quæcunque murmura leuius sustineatis, & ipsi salario vestro diurna nõ minus digni efficiamini, quàm qui venerunt primi: centuplumq; porro accipere mereamini, & in hoc seculo, & in futuro. Deinde verò & vos quoque facti estis spectaculum uniuerso mundo, Angelis & hominibus: quò magis vobis prudenter est ambulandum, ac vocationi vestra incumbendum sedulò, ex quo & mundus scandalizetur minus, & Angeli tum vobis, tum nobis congratulentur magis; atque omnes homines ad suam salutem pacemq; cum Deo conciliandam vos missos esse, certius agnoscant, ac palam confiteantur. Denique (quod tamen imprimis ac præcipuè animaduertendum ac prospiciendum est) si ad correptionem nostram, in quos seculorum fines deuenerunt (ò quanto nunc magis, quàm quo tu tempore, ò Paule Dei v. m. electissimũ, apertissima sententia sic scriptũ 1. Cor. 10. annis plus mille quingentis iam elapsis pronunciaſti) si ad nostram, inquam,

AD PATRES

inquam, correptionem, si ad penitentiam mundo prædicandam, si ad scandala præsentis viæ murmuraq; grauissima tollenda, ut ne pereamus omnes ab exterminatore propter scelera & peccata nostra, si denique ad ipsum Domini iam aduentantis diem illum horrendum, Iudiciūq; extremum ac terribilissimum quasi retardandum paululum, vos præmissi sitis, tanquam ad congregandas prius dispersas oves, & reliquias Israel in Catholicæ Matris gremium colligendas: Videte Patres, per Deum Immortalem Superosq; omnes Sanctissimos, quæta, ut dixi, vobis imposita sit necessitas hoc vestrum munus sollicitè obexandi, quandoquidem hæc omnia vel bona vel mala ex vestro officio vel bene vel male administratio, & vobis ipsis, & nobis omnibus impendere iam iamq; videantur.

Profecto si omnium temporū historiarum memoria repetere, si Principum mundi diris persecutiones, si Schisma:um hæresumq; nefanda portenta, si morum maximam deprauationem, si scelerum grauissimorum effrenatam licentiam, si hæc singula suis queque diuisa locis, ac temporibus olim exor. a varijs, velimus reputare: atque eadem nunc simul omnia quasi in vnum coniecta cumulum, atque adeo supra modum aucta, nos pariter hoc uno tempore, atque vni ysdemq; locis opprimere, serid animaduertamus: quid nos inde tandem expectemus euenturum, aut quem nos nostri seculi futurum exitum, merito formidemus? Si tota ferè Asia & Africa, atq; omnis Ecclesia Orientalis olim ipsis Apostolorum fundata manibus, & primis Spiritus S. imbuta, atque ditata donis, propter has ipsas malorum causas defecit tamen paulatim à vera in Deum fide, ac tandem ab Ecclesiæ Catholicæ unitate penitus auulsa, non in Paganissimū denuò relapsa suum, sed in potestatem Christiani nominis inimicissimam redacta, Tyranni Turcici iugum barbarum, crudele, immane ferens, deploratio atque adeo desperatio & rerum omnium & animarū damno, iam diu suum casum frustra queritur ac lamentatur: quid iidem Europæ nostræ pars reliqua, quid Ecclesia hæc Occidentalis simili expectet modo, non dissimili quidem via & gradu, sed longè magis certis & manifestis vestigijs ad idem ruinæ præcipitium continuò festinans? Si ipsa oliua primitiua tantā ramorū comminutionem passa, tanta Dei seueritate à radice penitus est excisa: quid porro continget oleastro, ubi à radicali bonitate sua deficiens, non permanserit neque steterit firmiter in ea fide,

Rom.

u.

SOCIETATIS IESV.

fide, qua Maiorum radici, et quasi pinguedini Oliuæ bonæ insertus est? Et si (ut ipsemet dixit Seruator) in viridi ligno hæc contingunt: quid Luc. demum fiet in arido? Et merito sanè aridos nos ipsos nunc appellemus, 23. non tantum bonorum operum sterilitate excciatos penitus, sed peccatorum insuper conscientia, ac futurorum inde malorum expectatione Luc. et timore arescentes indies, ut ipsius quoque Seruatoris nostri deseritis 21. utar verbis.

Hanc igitur Occidentalem mundi Plagam, hæresum et nequitiarum omnium mole ruentem, et à Catholica fidei firmitate (qua hætenus nixa constanter stetit floruitq;) manifestè decidentem, non iam Mahometes aliquis Saracenicus, aut Sultanus Arabicus Persuásue, vel etiam Tyrannus quispiam Turcicus, ut in Oriente nunc et olim (quanquam nec ab his quoque Grassatoribus ubique tuta est aut fuit Europa ob remotiorem suâ distantiam) sed ipsemet Perditionis filius, ipse ementitus, idemq; mendacissimus Messias, ipse planè singularis ille Impostor Antichristus (cuius quidem Antesignani multi, vocati 1. Ioã. et ipsi Antichristi, et olim sæpè, et nunc iam in mundo extant) vi. 1. et 4. deus occupaturus: eò quòd Temporum ultimorum series, et ipsum omnium nequitiarum fastigium summum, extrema iam omnia quasi ultrò accersere videatur. Nam si in ipso ferè mundi exoratio propter multam tunc hominum malitiam, ipsamq; coram Deo corruptam terram, et repletam iniquitate sua, deleuit Deus hominem quem Gen. creauit, à facie terræ, usque ad animantia et volucres cæli: nunc in 7. ipso mundi exitu, cum nullus videatur superstes Noë iustus atque perfectus in generatione sua, neque Arca vlla amplius fabricanda ad seruandum semen uiuentium, sed neque aquarum diluuiò res denuò peragenda sit ex promisso Dei: quid restat porrò, completis iam fortè Gen. Sodomorum iniquitatibus, et Babylone magna maire fornicationum 9. et abominationum terræ, inebriata iam sanguine Sanctorum, et Apoc. sanguine Martyrum Iesu, quò minus ab homine et animantibus, et 17. auihus cæli, etiam usque ad pisces omnes et monstra maris pertingat Diuina ultio: nullog; alio iam reliquo supplicij genere, quod tantarum impuritarum scditates ac sordes valeat eluere, extremo sulphuris atq; ignis incendio omnia penitus horrendum in modum concrementur?

Cum igitur ad hanc Iudiciorum Dei tum seueritatem, tum accelerationem tantopere formidandam, permoueant merito, hinc grauisime

AD PATRES

2. Tim
3.
 nissimæ bellorum & pestium plage, quas & oculis & manibus ipsis
 persentimus quotidie, faciliq; in ijs agnoscimus certissima occidentis
 Mundi signa & præagia: inde verò non minus, obcecata atque ob-
 durata tamen hominum corda, charitatis omnis refectio, philantia
 maxima & amor huius seculi, tanta superbie, blasphemie, prodicionis,
 scelerumq; omnium grauissimorum enormitas, vitæ tam parû emen-
 datæ perpetuus cursus, tanta animorû propensio ac docilitas ad nouas
 & inauditas quasuis dogmatum vanitates hæresesq; perdiscendas,
 Religionis verò orthodoxæ vel retinendæ, vel instaurandæ neglectus
 tantus, tantusq; aded contemptus ad intelligendum, prouidendum, &
 nouissima ista præcauendum: in his nos medijs malorum vniû consti-
 tutos & conclusos quodammodo (post Dei solius clementiam, quæ his
 ipsis quoque diebus ostensa est multis ac miris modis) nulla profectò res
 alia ita recreat ac consolatur, quàm ea spes & expectatio, quam modò
 concepimus, Patres chariss. ex industria, diligentia & solitudine ve-
 stra in agro Dominico repurgando etiâ hac nouissima diei hora. quan-
 quam & hæc quoque Dei vniû clementia est & summum donum,
 ac non solùm vestri proprium: iametsi ex mera Dei gratia quæcunq;
 vobis collata sunt dona cælitus, & Dei dona sunt & vestra, qui sua
 dona coronat in nobis.

Vos ergo commissum nunc vobis Gregem Domini pro parte vestra
 custodite sedulo, vos oues & Agnos Christi pascite, implete ministeriû
 vestrum, resuscitate gratiâ Dei quæ in vobis est, ac collaborate Evan-
 gelio secundum virtutem Dei qui vos vocauit vocatione sua sancta.
 Et (quod facitis) prædicate verum Verbum, instate opportunè, impor-
 tune arguite, obsecrate, increpate in omni patientia & doctrina.
 Collegia & Societates vestras bona disciplina institutas, & ab omni
 specie mali mundas, seuerè conseruate, ut tum Dei nomen clarificetur
 in vobis, ipsiusq; Ecclesia unica & Catholica ab hæretica prauitatis
 corruptionisq; omnis & æ anis expurgetur, bonaq; frugis uberrimè
 prouentura locus abundè fiat, tum vos quo cæpistis cursu, eodem porro
 positis semper pergere, ad vestram propriam, & nostrâ, & ad ipsius
 usque mundi consummationem. Vos estis sal terræ, quale iam aliàs
 sæpius misit in mundum Deus ad condiendos hominum mares. Hoc sal
 nunc bonum est. quod si & ipsum quoque euauerit, aut insulsus
 aliquando fuerit; heu nobis miseris quid deinceps superest, quàm ut &

vos

Luc.
 24.

SOCIETATIS IESU.

vos, & nos projiciamur foras, & conculemur ab hominibus, & illo demum omnes rapiamur igne, qui in fine mundi conflagrans ac consumens uniuersa, nunquam post moritur, nec extinguatur. Sin verò, (ut admonuit Seruator hominum Iesus) retinueritis hunc salem in vobis, si pacem inter vos habueritis, si odorem boni vestrorum operum & Deo & mundo praeberitis, si ab instituto & disciplina primi Praeceptoris vestri nihil prorsus unquam deflexeritis, si huius mundi luxum omnem & delicias à vestris tabernaculis procul abdicaueritis, si in omni vitae puritate & perfectione vosipsos castos & incontaminatos custodieritis, si nullam proficiendi hominibus occasionem prae-miseritis, si denique omnia rectè & prudenter S. Spiritus illustratione docti administraueritis (uti sanè fecistis hactenus): proculdubio & vos ipsi (tanquam pueri Iesu Socij ac Sectatores verè facti) sapientia & gratia apud Deum & homines indies proficietis, & centuplo adhuc maiora incrementa breuissimo temporis spacio accipietis, & plures terrarum Principes populique, gratiam & virtutem vestram admirabundi suscipient suscipientique, & ampliora mundi Regna Ecclesiae Catholicae unitati coniungere se festinabunt, cunctique mortales Haereticorum fraudes, vanitates, & spurcicias detestabuntur magis, & Antichristi Tyrannis ultima noudum reuelabitur, neque Filius hominis aduentum suum ac Iudicium accelerabit adeò, sed expectabit tantisper conuersionem Gentium fratrumque suorum consummationem, ac tum demum florebit adhuc denuò ubique terrarum & una fides, & grex unus, & unus Pastor, in Vna, Sancta, Catholica per uniuersum Orbem Ecclesia. Quod & vobis nobisque atque omnibus Christi nomen profitentibus bonum faustumque, ut sit, tam opto ex animo, quàm id cunctis simul mortalibus necessariò expedire, horum temporum ratio & deplorata conditio clariissime demonstrat.

MARCI MARVLI CAR- MEN DE DOCTRINA

Domini nostri Iesu Christi pen-
denti in Cruce.



Christianus interrogat: Christus
respondet.

- Christianus **S**umme Deus, quare mortales induis ar:us,
Et terras, cœli lapsus ab arce, colis?
Christus. **V**t per me terrenus homo, quem torserat error,
Ad cœlum recta disceret ire via.
Christianus **Q**uid te, qui semper procul esses crimine ab omni,
Velle pati pœnas compuli: atque necem?
Christus. **E**rga ipsum pietas. ut quem sua culpa grauabat,
Lustra: um noster ferret in astra cruor.
Christianus **Q**uare expansa tibi tenduntur brachia? quare
Consertim iuncti sunt tibi, Christe, pedes?
Christus. **H**inc illinc quoniam diuersas conuoco Gentes,
Inq, vnam stabili fœdere iungo fidem.

Sed

*Sed cur demissa pariter cervice rectum,
 Sic defixa venes ora, oculosq; solo?
 Mortales moneo, non inturgescere fastu,
 Sed submissa pio colla domare iugo.
 Quæ causa est nudi tibi corporis? arida quare
 Stet vultu macies, membraq; sicca rigent?
 Hoc volo, ne pigeat luxum te spernere mundi,
 Atque famem mecum pauperiemq; pati.
 Candida sed graciles cingunt velamina lumbos:
 An ne, rogo, quicquam pars quoque testis monet?
 Hinc discas, quod casta placent mihi corpora, & odi
 Si quibus illicitus turpia nudat amor.
 Quid colaphi, quid spūta notant, opprobria, flagra,
 Spinea sarta, Cruis cætera supplicia?
 Perferat offensas omnes, non inferat ullas,
 Qui super alta cupit sydera pace frui.
 Vita brevis, modicus labor, optatissima merces,
 Immensum semper perpetuumq; bonum.
 Quid si quem ne summa quidem iam præmia tangunt,
 Terreat æterni carceris exilium:
 Indomitq; ignes, indiscussaq; tenebræ,
 Semper edax vermis, semper amara lues:
 Horrendi gemitus, dolor acer, mæsta querela,
 Assidui luctus, & sine fine malum.
 Talia quippe manent, quos deserit ira voluptas
 Nunc tenet, & blandis decipit illecebris,
 Diuitius cupidis ostentans, otia pigri,
 Mollibus infandæ concubitus Veneris,
 Dulce merum, dulces ventri indulgentibus escas,
 Inflatu pompas, fortibus exuvias.
 His illecta doli infelix turba, salutis
 Immemor, in pænas perniciemq; ruit.
 Nec monitus audit, mea nec vestigia servat,
 Denique iudicium nec timet inde meum.
 Iudicium horrendum, cum tandem venerit ille,
 Ille dies iræ, turbini ille dies;*

Christianus

Christus.

Christianus

Christus.

Christianus

Christus.

Christianus

Christus.

Cam

Cum concussi ingens fragor ætheris, astra rotata
Turbabit rapido, decutietq; globos :
Sanguinea populos terrebit lampade Luna;
Sol nulla, radios contrahet ille suos:
Cuncta tremant, totusq; simul quassabitur orbis;
Angelicos videas obstupuisse choros:
Corripiet mundum flammis crepitantibus ignis;
Atque unus fiet terra fretumq; rogi:
Mox virtute potens et Maiestate verendus
Adueniam, et ru:ila nube sededo super.
Circumfusa aderunt Sanctorum milia multa,
Multa coruscantum millia spirituum.
Extemplo horrificum sonitum iuba fundet ab alto;
Diffundens terras, tartara et ima ciens:
Nec mora, consurgunt omnes, quos lumine cassos
Excepit magno magna parens gremio.
Stabit et ante meum rediuiua caterua Tribunal;
Expectans pauido iussa tremenda metu.
Nanque indiscussum nihil, occultum-ve, latens-ve;
Nec quod quis tacitus mente agitarit, erit.
Pro meritis dabitur merces, seu vita perennis,
Seu iam non ulla mors moritura die.
Ergo, agite, o miseri, quos nunc malus implicat error;
Dum licet, impliciti soluite vincla pedis.
Euigilate, graui ne pressos lumina somno
Occupet extremi temporis atra dies.
Cernite quàm celeri labantur tempora cursu;
Quamq; fugax nullam sentiat hora moram:
Felix qui semper vitæ bene computat usum;
Cogitat et finem iam fore iamq; suum.

REVERENDO IN CHRISTO PATRI

HIERONYMO CIPPICO, DIVINI

humaniq; Iuris Consulto, Canonico & Archidiacono Metropolitana Spalatensis Ecclesiæ dignissimo,

MARCUS Marulus

S. P. D.



*Q*UOD fecere quidam historias evoluendo Gentilium, idem tentare mihi venit in mentem vitas lesitanti Sanctorum, ut scilicet inde exempla traherem virtutum, imitandaq; proponerem his, qui & ipsi sancti esse percipiunt: Cum praesertim natura comparatum sit, ut humanus animus ad duriora subeunda negotia magis moueatur exemplo, quam institutione atque praeceptis. Quisque enim ei operi libentius confidentiusq; sese accingit, quod ab altero factitatum, quam quod suasum agnoscit. Nemo ferè paupertatem, humilitatem, castitatem, vigiliis, ieiunia, reliquaq; corporis fatigationes, etiam si omnes homines ea magnificarent, observare animum induxisset, si nullus reperiretur, à quo antè observata fuissent. Atque aliquis tanto oneri nullius vires sufficere ratus, hortatoribus diceret: Hypocrita, ut quid humeris meis imponitis, quod ipsi ne digito quidè attingere vultis? Audio monitores, non video operadores: facite ipsi prius quod praecipitis, ne tam difficile factu, quam videtur putè,

G. fa-

& facienti aequè, atque asseritis, profuturum credam: nisi
 verbis facta respondere in vobis perpexero, non consuli
 mihi, sed illud arbitrabor. Hinc quidem satis patet, vir
 egregie, & in Christo reuerende Hieronyme, quantum de-
 bemus illis, qui primi ita eiusmodi virtutes coluerunt, vt
 ceteris ad easdem capeffendas aditū aperirent, suorum exem-
 plo ostenderent, quæ ratione, quibusq; artibus veram glo-
 riam sibi parare possent. Neque ea in re ego (vt multi)
 priscos illos, vel Romanos, vel Græcos, vel alios inanum
 Deorum cultores valde miror, in quibus nihil perfectū esse
 potuit, viam veritatis ignorantibus: sed Iudæos primū,
 deinde nostros, id est, Christianos, qui soli Deo credentes,
 neque impossibile factū esse duxerūt, quod ille præciperet,
 neque implere dubitarunt. Sequantur igitur, qui volent,
 Catones, Scipiones, Fabritios, Camillos, imitentur Socra-
 tem, Pythagoram, Platonem reliquosq; humanæ sapientiæ
 professores: Nos Patriarcharū, Patrumq; & Prophetarū,
 nos Christi & Apostolorū, nos utriusque Testamenti San-
 ctorū gesta, moresq; perpendere & amulari studeamus, vt
 beatitudinis æternæ præmia, quæ ipsi adepti sunt, adipis-
 camur. At illos omnino relinquamus, qui omnē industriā
 ad captandā hominū gloriā, omnemq; laborē conferentes,
 & à vera sapientiā aberrantes, in tenebris erroris dispe-
 rière. Iter enim, quod ad beatitudinē tenderet, sibi ipsimet
 constituere conati sunt, & monstratū ab ipso beatitudinis
 autore & largitore Deo, non peruiderunt. Ideoq; mentis
 hallucinatione elusi, nequiuērūt eò peruenirē quò volebāt.
 Hi verò, quibus curæ fuit, diuinis potius quàm humanis
 niti doctrinis, & Philosophiam non terrenam, sed quæ de
 cælo lapsa est, sequi atque amplecti, in cælum, vnde illa
 erat, ascenderunt. Neque enim errare poterant, illo viam
 docentē,

PRÆFATIO.

docente, qui solus nec fallit, nec fallitur unquam. Quamobrem ipsam quoque hominū gloriam repudiando fugiendū compararunt: & longē quidem ampliorem, quam illi qui quasiere. Quamvis enim istos popularis auræ venatores magnopere mirata sit vetustas, multò magis nostros nunc uniuersa celebrat Ecclesia, nullo nō die in præconijs laudibusq; ipsorū occupata, quos in cælestibus habitaculis cum Deo viuere minimè dubitat. Ita sit, ut & illic inter Angelos beati, & hic inter nos magni præclariq; habeantur. His Aræ Templaq; dicata sunt, horum ubiq; Imagines erectæ, horum acta dictaq; ab omnibus per Orbem prædicantur, ab omnibus extolluntur, horum ossa in terra honorantur, in cælo anima exultant, horum non sine multo mentis stupore, tum vetera, tum noua narratur miracula, utpote omnem naturæ vim atque modū supergressa. Nam primum quod ad vitæ probitatem spectat, quæ tanta unquam constantia, fides, temperantia, animi magnitudo, iustitia, mansuetudo, misericordia, liberalitas in vllis fuit, quanta in istis extitit? Nulli tyrannorum cesseramini, ut obedirent Deo, nullis largitionibus corrumpi, nullis voluptatum illecebris deliniri poterunt: & dum pro veritate starent, horrenda supplicia, mortemq; ipsam contempsere. Pro illorum, à quibus cadebantur, salute Deo supplicabant, ignoscere quàm vltisci iniuriā, & aduersus capitales inimicitias beneficijs certare, quàm vindictam appetere, malebāt. Ad hæc alij in Virginitatis, alij in Castitatis continentiaq; proposito perpetuò permansere. Possessiones, opulentaq; patrimonia, totū deniq; peculium suum, ut egestati subuenirent alienæ, prodegerunt, semper luxuria pietatem, diuinijs paupertatem præferentes, ut terrenis expediti rebus, cælestes facilius capere possent.

AVTHORIS

Nulli denique labori pepercerunt, quo se Deo inferuire existimarent. Proinde tanti apud illum fuere, ut potestatem eis daret curandi omnem languorē, mortuos ad vitam reuocandi, Mysteria intelligendi, futura diuinandi, demonijs imperandi, & quæ nemo hominum facere potest (nisi cum eo Deus fuerit) faciendi. Taceatur igitur opulentissimorum quondam Regum potentia, fortissimorumq; virorū robur: plus pauperculi nostri potuerunt. Taceatur Philosophorum acumen: soli ij qui Deo credidēre, veritatem inuestigarunt. Obmutescat virorumq; gloria: splendidiorē perenniorēq; & cuius neque magnitudinem comprehendere, neque lōgitudinem metiri possumus, Christi serui consecuti sunt. Itaque non temerē solos imitandos cunctis proponimus, quos etiam cunctis meritō præferendos censemus. Istas igitur nostras de illis qualescunque lucubrationes, à omnium amicorum meorum optime, omnique honore & amore pariter prosequende, tibi nunc muneri mitto, tibi libenter offero: tum quòd sciam, nihil abs te crebrius in manum sumi solere, auidiusq; lectitari, quàm scripta illa, quæ ad Dei Sanctorumq; eius laudem edita sunt: tum quia pro summa tua erga me beneuolentia, innumerisq; beneficijs, cumulatiorē tibi gratiam me referre posse non sperem. Leges in ijs fortasse quæ sæpè alibi legisti: at plus aliquid oblectationis capies, cum singula singulis virtutum generibus non incongruè (ut reor) accommodata, & quæ apud Autores effusè sparsimq; referuntur, in ordinem collecta in compendiumq; redacta, ac etiam (ut confidenter loquar) magis argutulè prolata inspexeris atque consideraris. Plurimorum quidem actiones, operaq; ad vnum citantur documentum: genera autem documentorum capitulatim digesta tituli indicant. multis
in locis

PRÆFATIO.

in locis idem repetitur exemplū, cū idem interdū multie
conueniat ob cognationem, affinitatemq; virtutū. Si quid
in ijs disponendis, explicandis, differendis ve à me erratum
deprehenderis: oro, tuæ incudi redde, tuam limam adhibe,
& castigando poliendog; effice, vt munusculū hoc meum
non tam donatore, quā acceptatore dignū esse videatur.
Per te publicum recipiat, per te in aliorum manus venire
ne formidet, per te neque in circo consistere, neque in me-
dium prodire theatrum quicquam dubitet. Nullos liuoris
morsus, nullū sibilum verebitur, si prius plausum merue-
rit tuum. Et quis enim reprehendere opus pudebit, cui tu
summam manum imposueris? Qui & ingenio, & eloquen-
tia præstas, humani Diuiniq; Iuris scientia excellis, & Ec-
clesiastica dignitate non parum emines, & antiqua Cip-
pica domus claritate fulges, generisq; nobilitatem animi
virtute superas: quem denique omnes, summi, medij, in-
fimi, amant, obseruant, venerantur. Aut si prorsus nihil
vsqueadeo ex omni parte absolutum, vt malignorum ho-
minum inuidiam vitare queat, & adificantiſſimis muros
Ierusalem deesse non possit Sanaballath subsannator: satis
mihi erit, hac quæ à me cōscripta sunt, tibi tuiq; simillimis
non distlicuisse. Interim Deum & Dominum nostrum
Iesum Christū deprecabor, vt sicut Sanctis ad sequendum
se opitulatus est, ita ad ipsos imitandos adsit nobis: quò
tandem exantlatis vitæ huius laboribus, cum ijsdem
in illo ineffabili Diuinitatis eius recepti sinu,
quietis æternæ fructum capia-
mus. Vale.

CARMEN HIERONYMI MACARELLI
Archipresbyteri Tragurionensis.

Marulas hic profert Sanctorum exempla virorum,
Per qua iter in calum cuiq; patere queat.
Atamen ille suos mores, exemplaq; vita
Non profert, cunctis qua referenda forent.
Nam quis eo melior? Quis vita sanctior omni?
Cui tantus vera Religionis amor?
Deniq; quisquis eum factis imitabitur, hic se
Ad Superos recta nouerit ire via.
Dalmatiae tellus tali se iactet alumino:
Cuius suo antiquum gaudeat Aspalatum.

Item, IOAN. Foulteri Bristolienſis in M. MARULI
Libriq; ipsius laudem, Carmen.

Maxime, qui veterum narras exempla virorum:
Prouenit ex illo laus tibi magna libro.
Scilicet illa quidem scripsisti facta priorum,
Quae tolerant mores, seculaq; illa tibi.
Hac igitur, Valeri, propria tibi laude fruaris,
Incideat nemo quod tibi iure datur.
Marulus at noster (merito vel Maximus alter)
Longè alto titulo nobile scripsit Opus.
Scilicet ille alios mores & secula vidit,
Teq; magis multò hac parte beatus erat.
Quod Deus, Authorq; immortalis gratiae Iesus
Contulit, illud ei demere nemo potest.
Vive igitur Caelo, vixisti, Marule, mundo,
Et viues, qui nos tam bene vtrumque doces.
Quid dixi? quod vtrumque doces? tùm viuere caelo,
Tùm mundo? Hoc bene non constat vtrumque simul.
Aſt bene qui viuít mundo, ſic viuít, vt idem
Cogitet hic viuens, ſe tamen uſque mori.
Et bene qui mundo viuít, moriturq;, proſectò
Non mors prima illi, mors uè ſecunda nocet.
Sed bene tranſactam hic vitam, noua vita ſequetur,
Vita beata, omni ſine, maloq; carens.
At tibi, qui mundoq; mori, & bene viuere mundo,
Et caelo, hoc vno tradis vtrumque libro:
Et caelo, & mundo viuus vt laude perenni
Percelebris, dabit hic vnus vtrumque liber.

INDEX CAPITVLORVM.

LIBER I.

D E terrenis bonis contemnendis propter Christum. cap. 1.	fol. 1
De elemosynis faciendis. cap. 2.	fol. 10
De hospitalitate seruanda. 3.	35
De inani gloria fugienda. 4.	39
De humilitate appetenda. 5.	37
De dignitatibus non concupiscendis. 6.	43
De auaritia vitanda. 7.	49
De paupertate seruanda. 8.	56
De vita solitaria. 9.	65
De vigilijs, & somno, & stratu. 10.	77

LIBER II.

D E cura & modo orandi. cap. 1.	81
De orationis virtute. 2.	95
De tentationibus tempore orationis. 3.	112
De contemplatione. 4.	115
De scripturarum lectione. 5.	123
De fide vnium Dei contra Gentiles. 6.	133
De fide Christi contra Iudæos. 7.	134
De fide Christi contra Gentiles. 8.	138
De fide Christi contra Magos. 9.	141
De fide Christi contra Philosophos. 10.	144
De fide Christi contra Hæreticos. 11.	145
De spe diuina misericordia. 12.	151

LIBER III.

D E charitate erga Deum. cap. 1.	162
De charitate erga proximum. 2.	174
De charitate erga inimicos. 3.	185
De officio doctoris Euangelici. 4.	196
De Sacerdotibus honorandis. 5.	215
De pace colenda. 6.	221
De consortio habendo fugiendoque. 7.	232
De vestitu cultuque corporis. 8.	239
De operibus manu exercendis. 9.	246
De corporis castigatione per flagella. 10.	256

LIBER IIII.

D E corporis castigatione per ieiunium. 1.	263
De cibi potusque vilitate ac parsimonia. 2.	277
De obedientia seruanda. 3.	291
De x-	

<i>De veritate colenda mendacisque fugiendo.</i> 4	309
<i>De mansuetudine animi</i> 5	319
<i>De taciturnitate, sermonisq; moderatione.</i> 6	326
<i>De castitate seruanda, exempla virorum.</i> 7	333
<i>De castitate seruanda, exempla feminarum.</i> 8	351
<i>De penitentia peccatorum per exempla veterum.</i> 9	368
<i>De penitentia peccatorum per exempla novorum.</i> 10	379
<i>De peccatorum confessione.</i> 11	402
<i>De sacrosancta Communione.</i> 12	410

LIBER V.

D E nemine temerè iudicando. 1	428
<i>De patientia iniuria.</i> 2	445
<i>De patientia damni.</i> 3	462
<i>De patientia egrotationis.</i> 4	469
<i>De patientia martyrum sexus virilis.</i> 5	482
<i>De patientia martyrum feminei sexus.</i> 6	504
<i>De ratione resistendi diabolo.</i> 7	518
<i>De perseverantia bene agendi.</i> 8	536
<i>De mortis meditatione.</i> 9	547
<i>De hora mortis.</i> 10	554
<i>De Purgatorio.</i> 11	572


LIBER VI.

D E signis ultimi Iudicij 1	581
<i>De Antichristi persecutione.</i> 2	584
<i>De die Iudicij incerta.</i> 3	592
<i>De apparitione Crucis, & Christi, interitq; Antichristi.</i> c. 4	595
<i>De horrendo Christi ad iudicandum aduentu, & creaturarum aduersus peccatore accusazione, & igne quo consumienda sunt omnia.</i> ca 5.	599
<i>De resurrectione mortuorum</i> cap. 6.	605
<i>De Domini descensu ad iudicandum vivos & mortuos.</i> cap. 7	609
<i>De sententia Christi aduersus impios.</i> 8	613
<i>De sententia Apostolorum aduersus peccatores.</i> cap. 9	615
<i>De sententia Prophetarum aduersus iniquos.</i> cap. 10	617
<i>De damnatorum ad inferna abductione.</i> cap. 11	626
<i>De Sanctorum cum Christo ad cælum ascensione.</i> cap. 12	630
<i>De damnatorum pœna.</i> cap. 13	633
<i>De reuelationibus infernalium pœnarum.</i> cap. 14	644
<i>De Beatorum gloria.</i> 15	657
<i>De reuelationibus Cœlestis beatitudinis.</i> cap. 16	669

IN-

RERVM ATQVE EXEMPLORVM

INDEX.

 Aron à Deo electus, in monte Hor sepultus est.	455	Abraam Aegyptius contempta hereditate eremum ingressus est.	4
Aaron & Maria fratre Moysen iudicantes, Maria lepra percutitur.	429	Abraam Patriarcha Angelos suscepit hospitio in specie humana.	26
Aaron & filij eius intrando tabernaculum vinum non biberunt.	278	Achab rex poenam sceleris ieiunio disulit.	264
Abdemelech charitatis amore liberatus est.	176	Achior dux Ammonitarum interrogatus veritatem dixit.	305
Abraam Patriarcha cum posteris suis sepeliri voluit in spelunca.	554	Achab correptus est à Domino propter inobedientiam.	292
Abraam in seruitio Dei perseueravit usque in finem.	537	Achab rex pessimus audito Propheta periiit poenitentiam egit.	372
Abraam solitarius fidei habitus simulatione, neptim profugam reduxit.	179. & 315.	Adam & Eua tunicis pelliceis contenti erant.	239
Abraam, Isaac, ceterique Patriarchae Deum contemplati sunt.	116	Adam & Eua fructibus arborum aliti sunt.	277
Abraam credidit Deo, &c.	133	Adā & Eua à Deo compulsi sunt peccata sua confiteri.	402
Abraam uxorem suam sororem dicebat.	306	Adā & Eua serpenti credentes, maledictionibus succubere.	516
Abraam oratio prolem optatam meruit.	95	Adam & Eua consilio serpentis à mandato Dei recesserunt.	232
Abraam Eremita veste cilicina indutus erat.	56	Agapius paterfamilias verbis papis Augustum ad fidem conuertit.	149
Abraam filium suum immolare voluit ex charitate.	163	Agar cum Hismaele fonte ab Angelo ostenso refocillatur.	288
		Agatha virgo omnia contempsit;	ut

INDEX.

ut virginitatem illibatā Deo offerret.	353	Amata abbatissa de hac vita migratura, se veluti sepeliendā in sepulchro composuit, et sic expiravit.	292 468
Agatha virgo in infirmitate spē totam in Deo posuit.	579	Amator episcopus coactus uxore duxit cū qua castē vixit.	339
Agathon abbas nunquam somnū cepit, nisi prius reconciliatus proximo.	225	Amator episcopus mortē sibi imminere longē pręsciuit.	565
Agathon abbas lapillum in ore porciabat.	328	Ambrosius episcopus in extremis laborans, fari nesciens, à Domino sacram Communionem exoptans accepit.	424
Agilius monachus persequenti se beneficium referens.	453	Ambrosius episcopus felicitatem seculi: periculum animę monstravit.	468
Albanus martyr pœnitundine peccata diluit.	382	Ambrosius episcopus expāsīs brachijs orans expiravit.	560
Albinus circumuentos criminatōnibus liberari posse monstravit.	108	Ambrosius episcopus Imperatori insultare non dubitavit.	218
Albinum obedientem etiam elementum honoravit.	296	Ambrosius episcopus suis prædicationibus Augustinū ab hæresi purgavit.	204
Alcimus sacerdos Assyden proditor fit.	229	Ammon abbas terribilē draconē sua oratione necavit.	102
Alcimus pace simulata, viros pacis interfecit.	ibid.	Amandus episcopus quindecim annis pane tantum et aqua sustentatus est.	283
Alcibiadi panis, sal, et aqua cibus erat.	286	Amos propheta ob veritatem per tempora transfixus est.	305
Aldebertus Pragę episcopus ad modestius viuendum episcopatum reliquit.	206	Amos abbas quingētis monachis præfuit.	329
Alexander episcopus philosophos ad fidē Christi conuertit.	145	Amos eremita proximos in charitate correxit atq; cōuertit.	189
Alexius in domo paterna 17. annos mansit incognitus.	41	Amos abbas cum uxore castitatem seruauit.	338
Alexius Romanus paupertatem intantum adamauit, ut gauderet se à seruis patrīs sui elemosynas recipere.	59	Am-	

INDEX.

<i>Ammonius</i> linguā sibi se ampu-	<i>Anna</i> uxor Elcana orauit & ex-
saturū protestatus est potius	audita est. 92
quā episcopatū acceptaret. 46	<i>Anna</i> filia Phanuelis die noctūq;
<i>Anastasia</i> praeulit nobilitati al-	orabat. 93
titudini charitatis humilita-	<i>Anna</i> Elcana coniux prece prole
tem. 184	impetrauit. 110
<i>Andreas</i> cuidam Nicolao libidini	<i>Anna</i> prophetissa annos quadra-
dedito continentiam impe-	ginta octo in uiduitate con-
trauit. 100	sumpsit. 352
<i>Antonius</i> abbas episcopis presby-	<i>Anima</i> in purgatorio, uiuentiū
terisq; submittebat ceruicem	orationibus iuuari possunt. 105
captans benedictionem. 39	<i>Anselmus</i> episcopus fratrem a
<i>Antonius</i> abbas mansit in solitu-	demonibus liberauit. 107
dine viginti annis pane &	<i>Antonius</i> uidit orbem terrarum
aqua contentus. 66	laqueis refertum. 117
<i>Antonius</i> monachus magnā sciē-	<i>Antonius</i> Minorum Ordini euan-
tiam legendo acquisiuit. 129	geliz audi munus humilitate
<i>Antonius</i> abbas hereticos suis	acquisiuit. 209
praedicationibus couertit. 205	<i>Anacletus</i> praecepit summum ho-
<i>Antiochus</i> fidefragus cōtra pacis	norem presbyterū deferen-
iuramentum venit. 229	dum. 217
<i>Anianus</i> episcopus Aurelium ab	<i>Antonius</i> abbas sacerdotes in
obsidione hostiū precationibus	summo honore habuit. 218
liberauit. 109	<i>Angelus</i> Antonium induxit ad
<i>Antonius</i> abbas manibus labo-	laborem manua'em. 243
rabat. 248	<i>Antonius</i> abbas dicebat seruis
<i>Ananias</i> per Ieremiam de men-	Christi nō expedire domos se-
dacio arguitur. 304	cularium frequentare. 234
<i>Antonius</i> abbas hora uespertina	<i>Anna</i> uxor Elcana flendo ora-
panem cum sale comedeat. 269	bat. 273
<i>Anianus</i> episcopus intuitus mu-	<i>Anna</i> filia Phanuelis abstinendo
lierem, scandaliz antiem ocu-	& orando intellexit quod
lum eruit. 346	Scribae nō perceperunt. 274
<i>Antonius</i> abbas semper flexis ge-	<i>Andreas</i> apostolus ab hora tertia
nibus orabat. 88	usque ad nonam pro Nicolao
	episcopo orauit. 386

INDEX.

<i>Andreas tergum fœmina tetigit.</i>	<i>Apollonius abbas collobio stuppeo</i>	
<i>de quo iactantē dæmonem au-</i>	<i>operiebatur.</i>	242
<i>diēs, postea cautius egit.</i>	530 <i>Apostoli etiam post conuersionem</i>	
<i>Antonius abbas visus est, ab an-</i>	<i>manibus laborabant.</i>	247
<i>gelis ad cælos ferri.</i>	385 <i>Apostoli ieiunio usi sunt.</i>	267
<i>Antonius Minorū ordinis ei qui</i>	<i>Apostoli spicas segetum manibus</i>	
<i>se mutilauerat ob pœnitentiā,</i>	<i>confriabant.</i>	281
<i>membrum restituit.</i>	387 <i>Apostoli veritatis assertores ex-</i>	
<i>Antonius nulla unquam iniuria</i>	<i>iriere.</i>	305
<i>etiam à dæmonibus deterre-</i>	<i>Apostoli in mansuetudine omnia</i>	
<i>tur.</i>	522 <i>pertulere.</i>	320
<i>Antonius in eremo perseuerauit.</i>	<i>Apollonius suis fratribus man-</i>	
<i>et angelorum soritus est</i>	<i>suetudinem impetrauit.</i>	324
<i>gloriam.</i>	540 <i>Apelles monachus diabolum sub</i>	
<i>Anna filia Phanuelis perseueran-</i>	<i>mulieris forma ferro candēti</i>	
<i>tia castitatis meruit Saluato-</i>	<i>percuſsit.</i>	349
<i>rem in carne videre.</i>	544 <i>Appia virgo precata est mori ca-</i>	
<i>Antonius abbas in eremo perse-</i>	<i>sta, quam nuptia viuere.</i>	363
<i>uerauit, humilitatemq; te-</i>	<i>Apostoli paupertatem strictissi-</i>	
<i>nuit.</i>	558 <i>mam seruauere.</i>	56.62
<i>Antonio monacho dictum est, ne</i>	<i>Apollonius cœtes in die flectebat</i>	
<i>differret migrare, quia ei pec-</i>	<i>genua ad orandum.</i>	88
<i>cata dimissa essent.</i>	562 <i>Apostolorum tempore maxima</i>	
<i>Antonius Patraug in extremis la-</i>	<i>obedientia fuit.</i>	293
<i>borans, hymnum O gloriosa</i>	<i>Apollis abbas quendam iuuenem</i>	
<i>decantauit.</i>	566 <i>pijs uerbis ad confessionē per-</i>	
<i>Apollonij motiū intrādi eremū</i>	<i>duxit.</i>	407
<i>fuit vitare inanē gloriā.</i>	33 <i>Apostoli omnia constanti animo</i>	
<i>Apollonius suis manibus hospiti-</i>	<i>reliquerunt.</i>	463
<i>bis pedes lauabat.</i>	38 <i>Aplaidis virgo toto tempore sa-</i>	
<i>simili modo Nytriae monachi, et</i>	<i>niosa, nullis alio cibo vixit,</i>	
<i>Hor abbas.</i>	ibidem. <i>quàm Eucharistia pane.</i>	480
<i>Apostoli perseuerantes erant in</i>	<i>Apostoli cum gaudio cōtumeliam</i>	
<i>oratione.</i>	87 <i>passi sunt.</i>	485
<i>Apostoli calceati fuerunt sanda-</i>	<i>Apronianus, Christianus una die</i>	
<i>lyis.</i>	240 <i>et martyr effectus.</i>	493
	<i>Apo-</i>	

INDEX.

- Apostoli in veritate perseuerarunt, moriētes priusquā tacentes.* 539
- Apollo abbas oblitus est mundi, & ob hoc mortuum se putabat.* 551
- Apostoli martyresq; pro Christo mortui sunt.* 557
- Arrogantia in oratione fugienda est.* 88
- Arnulphus episcopus oratione animā ab inferno liberauit.* 105
- Arsenius abbas nedum fœminarum, sed etiam virorum consortia vitabat.* 344
- Arsenius quadraginta annos solitarius sedit.* 71
- Idem hominū consortia fugit.* 72
- Arsenio somnus breuissimus fuit.* 78
- Archebius monachus parentes labore manūū honorabat.* 252
- Arsenius opus faciens lachrymas fundere solebat.* *ibid.*
- Arnulphus etiam post remissionem peccatorum eremum reperiit.* 385
- Arsenius abbas ob frequentes lachrymas turgidulis oculis fuit.* 389
- Arnulphus neptim duxit uxore, non ut carne, sed spiritu iungerentur.* 340
- Archebius solitarius modico dāno simulato charitatem vtilitati preferebat.* 314
- Asella virgo pane & aqua contenta fuit.* 274
- Assuerus cognita innocentia ludæorum, vertit sententiā in accusatorem.* 432
- Augustinus ex diuinis scripturis Christianus effectus est.* 126
- Augustinus Episcopus Anglorum fide cæcum illuminauit.* 139
- Augustinus episcopus audiendotantum agnouit veritatē.* 148
- Augustinus episcopus in vestitu similis illis fuit quibus præfuit.* 241
- Augustinus noluit habitare cum sorore.* 343
- Augustinus cōtemplans nihil exteriorum percepit.* 118
- Augustinus in extremis dicebat neminē debere discedere sine confessione.* 561
- B** *Bartholomæus Syriæ regum origine clarus non dignatus est in piscatorum numero haberi.* 2
- Bartholomæus à dæmonibus obsessos liberauit.* 100
- Basilus dedit se ad Stripituras diuinas.* 126
- Basilus magnus explorator philosophiæ, demum Christo credere cœpit.* 144
- Basilus magnus episcopus Ecclesiæ ab Arrianis possiditam iterum a cepit.* 147
- Bartholomæus indutus fuit collo-* bio

INDEX.

- bio albo. 240 Bernardus abbas fratres suos religiose dormire docebat. 79
- Basolus precibus fontē obtinuit. 287 Bernardinus minorū ordinis super pauimento vestitus iacere per pauimento vestitus iacere fera ostendit. 321 consueuerat. 80
- Basiani episcopi benignitatē cerua ostendit. 322 bat ubi equitabat. 129
- Banon monachus pœnitudinē catalogo Sanctorū inscriptus est. 382 Bernardus abbas sola assiduitate legendi intellexit scripturas. 128
- Bartholomæus apostolus argentum aurumq̃ contempsit. 51 Bernardinus minorum ordinis ex delectatione scripturæ religionem ingressus est. ibid.
- Barbara oratione præmissa à patre protecta est. 111 Bernardinus in charitatis negotio assiduus fuit. 182
- Basilus magnus Iudæum ad fidem Christi conuertit. 137 Benno abbas nunquam iratus ṽsus est. 226
- Basilio intercedente is qui diabolo se manciparat, liber euasit. 386 Benedicto abbati quidā presbyter prandium attulit. 287
- Barbara virgo à patre interfici potuit, cogi verò ut castitati præferret nuptias non potuit. 355 Beon abbas in summo silentio vixit. 328
- Barbara post longissima tormēta à patre proprio capite truncatur. 505 Benedictus abbas corpus suum in spinas proiecit. 342
- Banon suffraganti angelo sacram Communionem accepit. 424 Bernardus abbas docuit in prædicatione inanem gloriā esse fugiendam. 210
- Barnabas igne consumptus martyriū gloriā accepit. 486 Bercharius ob obedientiæ promptitudinem vinum effusum re:uperauit. 297
- Benedictus abbas impubis parentes reliquit eremumq̃ mirauit. 5 Bernardus abbas pecunia subalta Deo gratias habuit. 468
- Bernardinus Minorum Ordinis prandioliū suum cū pauperculis pariri consueuit. 13 Beniamin eremita fratribus supplicare solebat, ne corporis sui

INDEX.

- fui sed animæ curam haberent.* 476 *tum prorumpbat.* 389
- Bernardus abbas oratione discipulum à tentatione recedendi liberavit.* 520 *Cain ob mansuetudinē qua fratrem suum imitari debebat interfecit.* 319
- Benedictus abbas discipulū virgini à tentatione liberavit.* 521 *Cassius quotidie cōmunicans ad cenam aternā vocatur.* 423
- Beda presbyter Domino reuelate cognouit se corporis vinculis exuendum.* 564 *Chananea mulier perseverans in oratione à Salvatore exaudita est.* 444
- Benedictus papa, intercedente Odilone abbate, à purgatorio liberatur.* 577 *Cassius episcopus per visum accepit se Natalitio Petri & Pauli migraturum.* 564
- Bonifacio archiepiscopo ieiunia pro delicijs erant.* 268 *Catharina virgo non est verita insultare tyranno propter periculum proximorum.* 507
- Bonifacius vestimentū miri candoris à beata Virgine in viso accipit.* 117 *Catharina virgo ob Christi fidē decapitata est.* ibid.
- Bonifacius pœnitudinem agens cœcium ingreditur.* 381 *Catharina virgo patienter tolerabat tormenta propter virginitatem.* 354
- Bonifacius archiepiscopus evangelizando verbum Dei nudis pedibus incescit.* 358 *Cecilia virgo cilicio squalebat.* 262
- Brigida abbatissa pauperibus equos, quibus ipsa & sorores utebantur, dedit.* 22 *Celestinus papa pontificatum iuvitus gerebat.* 48
- Brigida abbatissa omnia humilitatis opera in monasterio faciebat.* 42 *Cecilia Romana codicem evangelij nunquam à se dimisit.* 131
- Briccius episcopus prunis ardentibus suam innocentiam ostendit.* 438 *Cecilia virgo angelū habuit defensorem virginitatis.* 354
- C** *Arilephus muliebres gressus semper refugit.* 346 *Cecilia virgo credentem maluit quàm thori habere consortem.* 357
- Cassius episcopus Eucharistiam sumpturus crebro in fletu* *Cecilia virgo ob fidem Christi in ignem deicitur & illa sa permanens decollatur.* 506
- Ceci inclamare perseverantes,* 4 *quod*

INDEX.

quod volebant affecti sunt.	Crato philosophus prædicatione	
540.	Iohannis sua vendēs eleemo-	
Cyriacus dona oblata recusavit.	synas dedit.	10
52	Christus docuit nos ante oratio-	
Cyprianus Christi amore capitis	nem corda nostra præparare.	167
amputatione martyriū sum-		
psit.	503	Christus docuit semper orare. Ibid.
Cyprianus magus Christianus ef-	Christophori cruore regis oculus	
fectus tyrannorum tormenta	sanatus est.	188
facile contempsit.	143	Christus nasci voluit sub pace in
Elara discipula Frācis-vidit pue	orbe terrarum.	223
rum. Iesum in die natiuitatis	Christus ieiunabat & demonem	
quasi iam natum.	123	vincebat.
Cornelij centurionis eleemosynæ	Christus discipulis ieiunādi docu-	
ascenderant in memoriam in	mentum ingessit.	ibid.
conspēctu Dei.	12	Christus beatus dixit esurientes
Constantinus monachus osculatus	& sitientes.	280
est eos qui eum despiciēbāt.	33	Christophorus in tēlationibus do-
Copres presbyter ignem illasus in	minum inuocabat.	349
fide ingressus est.	147	Christiana virgo interēptos pro-
Columbanus abbas annis sexde-	pter eam ad vitā renouauit.	
cim herbis tantum sustenta-		192
tus est.	286	Christus docuit proximos dilige-
Columbano abbati vrsi obtem-	re.	176
perauēre.	321	Christus suo exemplo docuit pa-
Cosmus & Damianus munera	rentibus obediendū esse.	294
regis repudiauerē.	52	Christus de virgine nascens vir-
Constantinus Augustus Christo	ginitatem commendat.	336
templa construxit.	136	Christus interdum fleuit, sed nū-
Consortia non sunt habenda cū	quā risit.	379. & 389
ij, qui sibi sapientes videntur.	Christus docuit pro iniuria vin-	
	dictam non querere.	448
232	Christus ignominiosissimam mor-	
Columbam virginē vrsus ab in-	tem sustinuit.	484
iuriā tutatus est.	456	Christophorus post longa tormēta
Columbani discipulus mori ap-	petebat.	552
	capite mulēatur.	494
	Chri-	

INDEX.

- Christus à demone tentatus eum* David Saul regis in se odium be-
uerbis scripturæ superauit. neficijs æquauit. 187
516 David propter pacē Saulem fu-
Christus exēpla docuit pijs atti- git. 222.
bis inherere. 538 David ieiunanti peccata dimis-
Christus nobis memoriā mortis sa sunt. 265
ingerebat dicēdo Vigilate. 550 David finxit insaniam & libe-
Christus suo exemplo uiuere & ratus est. 309
mori docuit. 557 Daniel flexis genibus orabat. 84
Christus nos confiteri oportere in- Danieli in oratione numerus an-
nuēbat, cum mundatos lepro- norū Christi Natiuitatis in-
fos ad sacerdotes mittebat. diuatus est. 99
405 Daniel munera contempsit. 50
Christus patientiam docuit dicen- David monacho pœnitentiam a-
do, auferenti pallium tunicam genti, peccata dimissa sunt.
non esse negandam. 464 382.
Chananea flendo post Dominum David latro spe ductus monachus
misericiordiā impetrauit. 391 factus est. ibid.
Charitas est ignis quem dominus David monachus sperans mise-
misit in terram. 165 ricordiam Dei eam consecu-
Charitas apostolum Petrum am- tus est. 155
bulare fecit super aquas. 166 Daria uirgo persequentes ad fi-
Charitas beatum Petrum fecit dem conuertit. 194
omnia credere. ibidem Daniel manibus laborans preciū
Chusi simulabat amicitiam ad pauperibus erogabat. 251
Absolon. 310 Daniel propheta contemp: a re-
Cudherio episcopo obitus suus di- gis mensa legumina comedē-
uinitus prænunciatus fuit. bar. 279
564 David pœnitentis magnus dolor
David septem Horas Ca-
nonicas orandi docu-
mentum reliquit. 84 David pœnitens & mœrens deli-
quisse se confitetur. ibid.
David exultabat in spe & mise-
ricordia. 152 Daniel etiam pro populi peccatis
David latabatur in reductione
arce. 163 Daniel peccata populi confitens,
mox

INDEX.

- mox liberationem futuram* Dorothea capitale supplicium su-
auduit. 404 *bñt, rosasq; post obi. um Theo*
Danielem abbatem puer ab in- philo miste. 508
famia liberavit. 438 *Dominicus incidens in latrones*
Daniel leonibus deuorandus tra- mar:tyrium non expauit. 504
ditur. 482 *Donatus episcopus instante die*
David peccatū pœnitundine dele- dormitionis orauit donec ex
uit sinceriusq; vixit. 538 *halaret spiritum.* 565
David reminiscens se esse mor- *Dominicus ultimo vitæ suæ die*
ta, ab iniustitia recessit. 548 *fratribus humilitatem, cha-*
David morti proximus dedit præ- ritatem paupertatemq; lega-
cepta filio suo Salomoni. 556 *uit.* 566
Deus aliquibus sanctis specialem *Doctōri officium in Moyse ap-*
prærogatiuam intercedendi paruit. 196
concessit. 109 *Doctōri officium est detestari*
Desperans non considerat diui- vitia hominum. 197
nam misericordiam. 151 *Drusiana ob eleemosynas susci-*
Deicoli lenitudinem aper ostē- tata est à mortuis. 24
dit. 321 *Dunstanus episcopus post mor-*
Diues purpuratus Lazaro ne- bum religioni se dedit, mul-
gans eleemosynam sepultus taq; vitæ sanctitudine polle-
est in inferno. 13 *re cepit.* 477
Dionysius philosophus per Pau- **E** *Admundus archieps prædi-*
lum apostolum ad fidem con- cās præcepit umbri ne ver-
uersus. 144 *bum Dei impediret.* 208
Diſta Hieronymi de laudibus *Eadmundas archiepiscopus iei-*
eremi. 73 *nabat in pane & aqua.* 268
Dionysius in passione millies pas- *Eadmundū Bibliam legentē cā-*
surus Christum se nunquā dela super librum cadens in-
negaturum dixit. 470 *offensum reliquit.* 130
Dominicus Hispanus libros ven- *Eadmundus semper cilicium ge-*
dens pecuniam pauperibus e- slauit, & in quadragesima
rogabat. 13 *loricam.* 257
Dorotheus & Gorgonius post *Eadmundus participatione sa-*
multa tormēta laqueis suspē- cramenti intelligentiam ac-
fi cbiēre. 501 *cepit.* 425
Eadmun-

IN DEX.

- Eadmundus** archiepiscopus oppressus somno à diabolo delitatur. 531
- Eadmundus** rex Britannorum cum uxore castitatem tenuit. 340
- Egidius** corpore latus ad deum orauit ne sanitatem acciperet. 476
- Egidio** abbate intercedente, regi Carolo peccati venia conceditur. 387
- Egidius** genere nobilis seipsum despolians amiculum proprium mendico dedit. 7
- Egidius** iactationis casum fugiens in eremum se recepit. 35
- Egdarus** rex sedecim annos in summa quiete regnavit. 226
- Eduardus** rex Missam audiens Christum ea corporis forma quam de matre sumpsit vidit. 415
- Effren** monitus magni Basilii à temerario iudicio refiliit. 440
- Eulalius** monachus maluit in spelunca habitare, quam foris ab hominibus honorari. 35
- Euphemianus** cum uxore Aglae pauperes in domo propria reficiens, propriis manibus ministrabat eis. 11
- Eustachius** ob eleemosynas Christum in cruce inter cornuacerui vidit. 12
- Euphraxia** humilia semper affectauit, ut inanem gloriam vitaret. 37
- Euphraxia** vidua suscepta unica prole cum viro castitatem tenuit. 359
- Euphraxia** amula veniam impetravit. 194
- Euphraxia** continuè laborabat. 255
- Euphraxia** virgo vacuum continentem gerens ut animam virtutibus replet. 275
- Euphraxia** Romana post mortem viri nubere noluit. 8
- Euphraxia** virgo superatis parentibus iniurijs nulla iniuria ab humilitatis officio auocari potuit. 458
- Euphrosina** causa obedientiae, triginta annos mansit in cella. 301
- Euphrosina** virgo parentes patri amicum dimisit, ne nuptui traderetur. 361
- Eustachius** martyr cum uxore et liberis igne aduersus martirium sumpsit. 498
- Eusebius** in extremis demones videns, clamauit. 560
- Eustracius** post tormentorum congeriem igne consumptus est. 490
- Eustachius** Romanus amissis fortunis Christum nunquam dimisit. 467
- Eugenia** virgo electa in abbatem semper tamen infirmis et alijs fratribus ministrabat. 42
- Eua-

INDEX.

<i>Enagrius in puteum, Bernardus</i>	<i>Eliz abeth leprosis varijsq; lan-</i>
<i>abbas in lacum descendere ca-</i>	<i>guoribus grauatis ministra-</i>
<i>stitatus amore.</i>	<i>bat.</i>
348	41
<i>Eugenius Aphricæ rex vitare ti-</i>	<i>Eliz abeth paupertatem summo</i>
<i>muus virgines Floram et</i>	<i>animo affectabat.</i>
<i>Lucillam.</i>	64
361	<i>Eliz abeth Christum in nubibus</i>
<i>Enagrius presbyter pœnitēs lusti</i>	<i>vidit.</i>
<i>nomen accepit.</i>	122
383	<i>Eliz abeth virgo interdū in con-</i>
<i>Eugenia virgo munera refuta-</i>	<i>templatione velut exanimis</i>
<i>uit.</i>	<i>iacebat.</i>
53	123
<i>Eusebius episcopus virginitatem</i>	<i>Eliz abeth vidua corpus suū fla-</i>
<i>ab ineunte ætate custodiu.</i>	<i>gellis verberabat.</i>
350	261
<i>Eulogius presbyter patientiæ vir</i>	<i>Eliz abeth virgo quotidie se fla-</i>
<i>tutus meruit coronari diade-</i>	<i>gellis cædebat.</i>
<i>mate.</i>	<i>ibid.</i>
455	<i>Eliz abeth ut obedientiam ser-</i>
<i>Euphemia post maxima tormen-</i>	<i>uaret, lorū diuerberata fuit.</i>
<i>ta gladio confossa spiritum</i>	301
<i>tradidit.</i>	510
<i>Elpidius abbas tantum bis in he-</i>	<i>Eliz abeth post mortem viri ca-</i>
<i>bdomada comedebat.</i>	<i>stitatem seruauit.</i>
269	364
<i>Elphegus suis spoliatus charitatis</i>	<i>Eliz abeth animo orationi inten-</i>
<i>amore facili periculit.</i>	<i>debat.</i>
190	94
<i>Edelirudis virgo cum marito ca-</i>	<i>Eliz abeth vidua quendā iuuenē</i>
<i>stitatem seruauit.</i>	<i>ad Christum conuertit.</i>
359	111
<i>Elphegus archiepiscopus post de-</i>	<i>Eliz abeth vidua multis labori-</i>
<i>ceptionem dæmonis reingres-</i>	<i>bus corpus suū fatigabat.</i>
<i>sus carcerem martirium sum-</i>	255
<i>psit.</i>	<i>Eliz abeth gaudebat se iniuriam</i>
527	<i>patri pro Christo.</i>
<i>Elpidius abbas orādo nunquam</i>	459
<i>vertit se ad o. casum.</i>	527
443	<i>Eliz abeth vidua diem extremū</i>
<i>Eliz abeth Pannonum regis filia</i>	<i>agens Christum vidit, à quo</i>
<i>defuncto marito, pauperibus</i>	<i>ad cælestem thalamum inui-</i>
<i>seruiuit.</i>	<i>tata mox ire perrexist.</i>
9	570
<i>Eliz abeth ob assiduā benignita-</i>	<i>Eliz abeth de Sconaugia toto cor-</i>
<i>tem in pauperes mater eorum</i>	<i>pore ulceribus tab. facta, ob</i>
<i>cognominatur.</i>	<i>hoc nusquā tristitiam vultu</i>
23	<i>prætulit.</i>
	480
	<i>Elias, Elisæus, Iohannes Baptista</i>
	<i>soli-</i>

INDEX.

- solitudinem affectabant.* 65 *E. leutherius diuersa genera tor-*
Elias ieiunabat quadraginta dies *mentorum pro fide Christi ex*
& quadraginta noctibus. 264 *pertus est.* 499
Elias miraculo fide ostendit. 134 *Eleazarus non edens cibos pro-*
Elias uxore caruit. 336 *hibitos in lege, audacter vapu-*
Elias eremita vidit animā Theo- *latus est.* 165. 483.
dosy senatoris infernū meren- *Episcopi etiam paupertatem co-*
ti, Hieronymo intercedēte ad *lant.* 62
purgatorium decerni. 575 *Episcopi pœna prædicationis offi-*
Elias memoriam mortis habuit, *cium exercere nolenti.* 206
dū vita defungi optauit. 549 *Ephesus nunquam ante vespertū*
Elias eremita in cibo exiguus *quicquā gustauit.* 271
fuit. 182 *Equitius abbas semper secū por-*
Elias monachus septem annos so- *tauit libros sacre Scripturæ.*
lus in solitudine perdurauit. 128
70 Equitius abbas prædicandi au-
Elias propheta pluuiam oratione *thoritatem à Deo accepit.* 211
impetrauit. 96 *Equitius abbas dum immundis*
Elias abbas dū carnis molestias *cogitationibus quateretur, ad*
ferre nequiret ad eremum se *precū cōfugia recurrerat.* 350
dedit. 350 *Erasmus a corui sustentatus est.*
Elias præsens mori non timuit. 287
549 Ez echias rex plebem filere ius-
Eliseus propheta renuit accipere *sit.* 326
munera. 49 *Ez echia rege deprecante Assyrii*
Eliseus terram oratione fœcun- *perculsi sunt.* 97
dauit. 96 *Ezechias oratione ab infirmitate*
Eliseus viginti panibus, centum *conualuit.* *ibid.*
homines pauit. 378 *Ezechias rex penitudine hostiū*
Eli exteriorem gestum in Anna *multitudinem prostrauit, vi-*
notauit, sed Deus intima cor- *tamq̃ prolongauit.* 374
dis respexit. 431 *Ezechias ob peccatum patienter*
Eli filios suos remisse arguens, *sustinuit.* 463
Deum offenderat. 163 *Ezechie exemplo docemur, in*
Eremita quidam digitos cōbuſsit *mortis hora maxime mœrore*
castitatis amore. 347 *pœnitentiæ opus esse.* 556
Eze-

INDEX.

Ezechias egrotans exspers delicti vestes suas pauperi dedit. 60
fuit, sed mox ut conualuit ia- *Franciscus vidit in contempla-*
Elantie crimen incurrit. 472 *tione Seraph in specie cruci-*
fixi. 128

Familiaritas faminarū Sam *Franciscus unica tunica conten-*
sonem compulit ad necē, *tus fuit. 243*
David ad adulteriū. 232 *Franciscus fure durē se verbe-*
rabat. 260

Farra virgo plura ob virginita- *Franciscus precibus obtinuit for-*
tem periculit cum vini non *tem à Domino. 287*
potuit. 358

Faustinus & Louisa, sacramentū *Franciscus in niuem se immerfit. 348*
à columba acceperunt. 419

Felix monachus liberaliter dedit *Franciscum orantem diabolus*
ei qui furari venerat. 189 *tentaui. 114*

Felicula virgo abstinentiæ vir- *Franciscus Sacerdotes semper ho-*
tute roborata est ad mariy- *nore maximo persecutus est. 218*
rium. 257

Felicitas cum septem filijs pluri- *Francisco assiduitus plorandi he-*
bis tormentis fatigati, mar- *betauerat visum. 389*
tyrj palmā sumpserē. 513

Flocellus passionibus superatus *Franciscus obliquæ suspicionis cul-*
per patientiā tandē præfoca- *pam in fratre castiganit. 437*
tione beati interijt. 489

Florentinus solitarius pro inferen- *Franciscus perfectus factus post-*
tibus iniuriā inconsolabiliter *quā maximas infirmitates*
tristatur. 456 *incurrisset. 478*

Fortunatum peregrini simulata *Franciscus post Christum vadēs*
forma à diabolo sumpta in- *paratus erat omnia aduersa*
famia polluit. 440 *pati, quā à proposito rece-*
dere. 542

Franciscus beatus apparenti pau- *Franciscus expectans extremum*
peri eleemosynam elargitus *diem vitæ suæ, nudum se su-*
est. 22 *per nudam humum deponi*
fecit. 566

Franciscus beatus se coram ho- **G***Allicanus gener regis Au-*
minibus vilipendere iussit, *gusti monachus effectus*
ut vitaret inanē gloriā. 34 *oia opera seruilia fecit. 38*

Franciscus amator paupertatis, *Gal-*

INDEX.

- Gallus abbas** factus dormit non solum mandati rem, sed etiam verba esse perpendenda. 300
- Galla vidua** nubere noluit. 364
- Galla vidua** omnes infirmitates perpeti maluit, quam ad coniugium redire. 480
- Galla Romana** à Beato Petro visitata euocataq; ex hac vita migravit. 569
- Gabaonitis** mendacium attulit salutem. 308
- Gallicanus Romani** dux exercitus conuersus à coniuge sibi parita quam victoria acquisiuit, religionem ingressus est. 5
- Gerbonius episcopus** mori maluit, quam pauperes quos habebat hospitio irudi. 28
- Germanus episcopus** lectum suum cinere strauit. 80
- Germanus episcopus** naufragium patientibus oratione subuenit. 103
- Germanus episcopus** tenuissimo cibo contentus à vino abstinuit. 283
- Geraldus monachus** tempore tentationis ad orationem fugit. 107
- Gernasius & Prothasius** legendo fidem conseruauerunt. 129
- Geminianus electus** à populo honorem fugit. 47
- Genebaudus episcopus** penitendo sanctus factus est. 383
- Goar monachus** dominum deprecatus est pro infirmitate ut non eligeretur episcopus. 145
- Gregorius antequam Pontifex**, urbis Romae senator erat, sed sua propter Deum disperfit, & monachi vitam duxit. 3
- Gregorius aliquando angelis** sub forma mendicantium eleemosynas elargitus est. 14
- Gregorius interdum Christum** hospitio accepit in persona pauperum. 28
- Gregorius primus Papa** fuit qui se seruum seruorum appellauit. 40
- Gregorius desperans** se posse effugere episcopatum, dolio se condidit & exportari fecit. 47
- Gregorius episcopus** panes hordeaceos escebat. 286
- Gregorius papa Eleutherio** abbate intercedente ieiunare potuit. 273
- Gregorius papa dum Corpus Christi** porrexerat mulieri, id ipsum in carnem uersum est. 415
- Gregorius adhuc abbas** quendam fratrem de grauissimis penis liberauit. 425
- Gregorius elegit** quamdiu uinceret languoribus agitari, quam biduo post mortem in purgatorio vexari. 475
- Gregorius martyr** capiti amputatione martyrium sumpsit. 490
- Hag-

INDEX.

H Agnes virginis fulgo-	Hieronymus eremi incola fuit.	
re, infamem locum ho-		73
nestavit.	355 Hieronymus in eremo corpus suū	
H agnes virgo ferro iugulatur,	fatigabat.	76
cui ignis pepercerat.	506 Hieronymus magno studio legit	
H ero abbas diabolus credens ce-	aiuias Scripturas.	126
cidit in lacum, & post triduum	Hilarion scripturas, quasi Deo	
miserabiliter obiit.	525 presente recitabat.	125
H ilarion Palaestinus disperse te-	Hieronymus sacca tunica erat	
poralibus eremum ingredi-	indutus.	243
tur.	5 Hieronymus ex mansuetudine	
H ilarion fiebat quotidie se cum	contentionem fugiebat.	321
fratribus habitare propter	Hieronymus in contemplatione	
inanem gloriam.	36 meruit audire ingentem dul-	
H ilarion non habens quod pro-	cedinem.	119
mercede vectori daret, euan-	Hieronymus fide Christi fidem	
gelium cepit offerre.	58 Sabiniani extinxit.	149
H ilarion abbas viso Antonio mu-	Hieronymus Demetriadem vir-	
tauit habitū, & vasta eremo	ginem hortabatur, ut posset	
fruebatur.	68 saluare animam suam.	256
H ilarion abbas corpus suū sacco	Hieronymus die noctuq; labori-	
tegebat.	243 bus verberibusq; corpus suum	
H ilarion abbas pectus pugni ca-	fatigabat.	258
debat.	348 Hieronymus corpus suū ieiunij	
H ilario abbas super humo nuda	& vigilijs fatigabat.	272
cubitaui.	77 Hieronymus corpori in iuuentu-	
H ilarion nunquam ante Solis oc-	te iustam alimoniam iribuere	
casum cibum gustauit.	271 dum ait.	290
H ilarion abbas in extremis la-	Hieronymus dicit quosdam per	
borans apertis oculis loqueba-	septennium filuisse.	330
tur.	558 Hieronymus monuit Celantiam	
H ilarion abbas arma latronum	moderati esse sermonis.	332
non timuit, cum ad mortem	Hieronymus docuit nō omni tem-	
paratus fuit.	552 pore esse loquendum.	333
H ieronymus de laudibus eremi-	Hieronymo quotidie gemitus la-	
tarum.	72 chrymāq; erant.	389
	Hie-	

INDEX.

- Hieronymus in extremis Corpus Christi sumpturus super humū se deponi fecit.* 284. & 559
- Hieronymi intercessiōe tres viri à mortuis suscitati.* 574
- Hieronimi ad prædicandum eunti, aqua submissa est, donec pontem transiret.* 208
- Hiero presbyter matrem cum filio pacificauit.* 225
- Hiero ieiunia Ecclesiæ in pane, & aqua ieiunabat.* 268
- Hieronis benignitatem quædam auis ostendit.* 323
- Hieron presbytero celebranti globus igneus super caput ipsius visus est.* 418
- Hiero presbyter moriens, intentus in imaginem Crucifixi oculis, obiit orando.* 566
- Hippoliti membra diuidi potuerunt, Christi verò amor ab eo scindi non potuit.* 503
- Hosualdus rex solitus erat quotidie pauperes alere.* 11
- Hor abbas scientiam literarum non studio, sed oratione didicit.* 104
- Honoratus abbas adhuc paruulus à carne abstinerebat.* 282
- Hor abbas herbis radicibusq; sustentatus fuit.* ibid.
- Hospitius pane & pomis vescabatur.* 285
- Honophrius herbis fructibusq; contentus fuit.* 283
- Honophrius nullum certū locum dormiendi habuit.* 78
- Hospitius monachus ferro solebat lumbos præcingere.* 259
- Hugo abbas oratione tentationibus resistit.* 519
- Hugo abbas exhortationibus fratres suos à tentatione liberauit.* 520
- I**acobus Maior Apost. Philetem Magum ad fidem conuertit. 142
- Iacobus Iustus habuit amiculum lineum.* 241
- Iacobus Iustus vinū & ficeram non bibit.* 281
- Ieremias mandatum accepit ne uxorem duceret.* 411
- Iacob simulauit se esse primogenitum.* 307
- Iacobus Artuatus pœnitens gloriam meruit.* 381
- Iacobus Denodatus sperans misericordiā adeptus est.* 190
- Iahel Sizararam adactis in tempora clauis interfecit.* 369
- Iacob mansuetudine fregit odiū fratris.* 319
- Iacobus Apost. dixit confessionem faciendam inuicem.* 405
- Isaias in duas partes scissus.* 305
- Ieremias loqui se negabat.* 327. & 197
- Iacob. Maior ab Herode Agrippa capite detruncatur.* 485.
- Iacobus deartuatus consummavit mar-*

INDEX.

uit martyrium.	503	mabat & liberatus est.	99
Iacobus Maior lapidatus, fullo-		Iohannes Drusianam à mortuis	
nifq; fufte interēptus est.	486	fufcitauit.	100
Iacob Laban feruiuit, & rerum		Iohānes Chryfoftomus ab Arria-	
fuccellu potius est.	537	nū à Deo protectus est.	146
Iacobus Atoft. uitam præfentem		Iohannes & Paulus Terentiani	
vaporem appellauit.	550	præfetti filium à demone li-	
Iefus Sirach iubet os custodire.		berum reddidēre.	188
	327	Iohannes Abbas nunquam fuit	
Iehu rex propter obedientiā re-		iratus.	226
gnare meruit.	292	Ioab Ifofeth & Amafam dolo	
Iefus Sirach mortis memoriam		interfecit.	228
commendabat.	549	Iohānes syndone amictus.	241
Ignatius præfocatus à leonibus		Iohannes Abbas opere fabrilī tē-	
martyrizatus est.	492	pus terebat.	248
Inanem gloriam Chriftus vitare		Iohannes Baptifta locuftas come-	
docuit.	10	dit.	280
Inanem gloriam vitandam efle,		Iohannes presbyter crudis herbis	
Beatus Antonius dixit.	32	& aqua frigida fufientatus	
Iofaphat Indie Auenir regi fi-		fuit.	286
lius Barlaā eremita falubri		Iofeph finxit fe fratres fuos non	
perfuafu terrenū regnum con-		nofle.	307
tempfis propter Chriftum.	7	Iofeph mitiffimi ingenij adolefcēs	
In auaritiā.	54	fuit.	320
In opulentiā & luxum cleri-		Iob pænituīt fe locutū efle.	326
corum.	61	Iohannes nunquam locutus est	
In impudicos.	366	cum mulieribus.	343
Iohānes patriarcha pauperes do-		Iohannes eremita folitariē habi-	
minos fuos appellabat.	15	tauit iriginta annis.	69
Iohannes monachus Aegyptius		Iohannes eremita tribus conti-	
vetuit de fe dicere bona ad		nuatū annis fletit femper ora-	
vitandā inanem gloriā.	32	nifq;.	70. & 89.
Iohānes patriarcha moriens Deo		Iohannes patriarcha exemplo po-	
gratius egit quod nihil habuit.		pulum docebat audire totam	
	63	Millam.	91
Ionas de ventre ceti ad Deū cla-		Iofue orante Sol & Luna in-	
		moti	

INDEX.

- moti steterunt.* 97 *Iohannis Abbatis duo discipuli ob*
Ioachaz rex oratione ab iniuria obedientie mandatum fame
liberatus est. *ibid.* *interierunt.* 299
Iosaphat inimicos oratione su- *Iohannis Cassian. doctrina de si-*
gavit. 98 *lentio.* 329
Iohanes fuit in spiritu & audiuit Iosaphat rex Iuda, implorans
arcana Dei. 117 *Deum, meruit auxilium.* 273
Iohannes Apostolus in fide vene- *Ioram rege penitentiam agente,*
num bibit. 138 *summa inopia conuersa est in*
Ionathas erga David amicitiam *summam copiam.* *ibid.*
non immutauit. 174 *Ioachaz rex penitentiam egit &*
Iob charitatem erga pauperes *datus est illi saluator.* *ibid.*
ostendit. 176 *Ioseph adolescens a domina ada-*
Iohannes elemosynarius nepoti *matus consentire noluit.* 335
iniuriam facienti benefecit. *Iob gaudebat se non esse deceptum*
191 *super aliena muliere.* 336
Iohannes Damasceus iniuriam Iohannes Baptista virginitatem
sibi irrogantem a morte libe- *meruit.* 337
rauit. 192 *Iohannes Euangelista virgo e-*
Iohannes Baptista formam pre- *erat.* *ibid.*
dicandi exhibuit. 199 *Iosias rex penitens omnium ca-*
Iosaphat rex correptus est pro- *lamitates diuertis.* 374
pter amicitiam factam cum Iob iussus carnem suam cinere
Ochosia rege. 233 *operuit.* 377
Iohannes Baptista de pilis came- *Iohannes Baptista durissimam pen-*
lorum vestitus fuit. 239 *itentiam egit.* 379
Iohannis pontificis equi usus sa- *Iohannis Apostoli cura summa*
cerdoti honorem tribuere do- *peccatores ad penitentiam*
cuit. 219 *trahere fuit.* 385
Iohanes monachus sub caua mo- *Iob rectum a Deo probatum.* *Hus*
ris rupe tres annos rectus per- *habitatores iudicant inui-*
stitit. 360 *sum.* 431
Iohannes Abbas nihil aliud quam Iohannes episcopus etiam publice
Corpus Christi gustabat. 271 *peccantes absentes taxari ve-*
Iohannes Abbas nunquam aliquid *tuit.* 437
docuit, quod prior ipse non fe- *Ioseph in se fratrum inuidiam*
cisset. 295 *** 2 *bene-*

INDEX.

beneficiorum relatione com-	Isaac per cecitatis errorē ad po-
pensauit.	446 steritatis suae felicitatē à Deo
Iob ab omni semper prorsus vin	promissam peruenit.
dicta fuit alienus.	448 Isaac Deo fidelis in finem per-
Iobi patientia.	462. 471. & 516 seuerauit.
Iohannes Baptista in gratiā adul	Iudocus regnum à fratre obla-
tera obtruncatur.	484 tum acceptare nolens, clam
Iohānes Baptista perseuerauit in	profugit.
abstinentiae propositio.	539 Iudocus pro modico pane accepit
Iohannes abbas non comedit, nisi	dum naues plenas fructibus.
occasus Solis adesset.	543 20
Iob memoriā mortis in omnibus	Iudocus Britanniae de regū stirpe
habuit.	547 in eremum se trāstulit propter
Iosue in extremis filios Israël	inanem gloriam vitandā.
hortabatur ad obseruatiā	Luuenalis episcopus unius incre-
legū.	555 duli poena multū causam cre-
Iohannes Anachoreta diē obitus	dendi dedit.
sui praesciuit.	558 Iudith ieiunjs & abstinentia cer-
Iphigenia Egippi regū filia casti-	tauit.
tatem vouit.	352 Iulianus hospitator poenitēdo fa-
Isaac monachus indignū se iudi-	ctus est celi habitator.
cabat sacerdotio.	44 Iustus episcopus fugiebat digni-
Isaac patriarcha semper quesi-	tatem, solitudinē intrans.
uit ubi tranquillius viuere	Iudas Thaddaeus aurum & ar-
posset.	222 gentum recusauit.
Ismael Godoliam incautum ne-	Iudas Machabeus orationibus
cauit.	229 magnū quā armis debellauit
Idem septuaginta viros eodem	hostes.
facinore necauit.	ibid. Iudas desperās dānatus est.
Israelite à periculū liberati sunt.	Iudith figmento fugae ab Hebraeis
369 veritatem promissam im-	
Isaac monachus dies tres & no-	pleuit.
ctes totidem continuas ora-	Iudeos Dominus tutatus est, quo
uit.	90 niam eum inuocauerūt.
Isaac mala sibi inferre deside-	Iulianus martyr cum Basilissa
rantibus cibos obtulit.	465 castitatem seruauit.
	Iudith

INDEX.

- Indistincta viduitatem prætulit nu-* in sedem episcopatus. 299
ptijs. 351 *Latro sperauit consequi miseri-*
Iustina virgo munita signo cru- cordiam. 153
cis, magis Cypriani supplan- *Latro pœnitens ad paradysum*
tari non potuit. 356 *euolat.* 380
Iudas Ischariotes falso iudicio *Laurentius lenita thesauros Ec-*
perditionē vocat unguentum *clesiæ dedit pauperibus.* 16
quo Saluator perfunditur. 434 *Launomarus abbas orans à de-*
Iuliana virgo capitis cæsiōe mar- *mone tentatur.* 114
tyr effecta est. 509 *Laurētius ob Christi amorē mar-*
Iulita capitis amputatione mar- *tyrium opulas vocauit.* 502
tyrium sumpsit. 512 *Launomaro Abbate orante in*
Iuliana virgo in carcerem post *Ecclesia, diabolus lapidē extin-*
pœnas recepta diabolum vin- *guit, reīncensam diuinitus.* 530
xit. 533 *Leonardus natione Gallus dila-*
Iustina virgo recipiens in serui- *gitis facultatibus suis, religioni*
tutem demonem, virginita- *se tradidit.* 6
tem se vouisse asserens, cruce *Leonardus in curia regiæ Gallia-*
signata effugit. 534 *rum præcipuus, in Aquitaniā*
Iustus monachus intercessiōe Bea- *discedēs fugit episcopatū.* 46
ti Gregorij à purgatorio libe- *Leo papa castitatis amore manū*
ratus est. 576 *sibi abscidit.* 342
Iuda Machabeo teste, efficax est *Leonardus dona oblata respuit.*
pro defunctis oratio. 578 52
K *Vnegundis Henrici impe-* *Leonardo monacho orāti serpens*
ratoris cōiunx post obitū *in sinum eius reptauit.* 114
mariti religionem in- *Liberalis alimonia Corporis et*
trauit. 10 *Sanguinis Domini sustenta-*
Kunegundis virgo super canden- *basur.* 271. & 424
tes vomeres inoffensa ambu- *Libertinus monachus ab abbate*
lauit. 360 *grauiter percussus, tacitus in*
L *Amon monachus mori præ-* *cellam suam se recepit.* 453
optauit, quàm episcopus *Liberinus præpositus accipieb*
uiuere. 45 *equū etiā flagellū dedit.* 464
Lambertus ob obedientiam exhi- *Loth Angelos accepit hospitio in*
bitam abbati meruit restitui *specie peregrinorum.* 26
 *** 3 Lodo-

INDEX.

- Lodouicus Gallorū rex cilicium portauit.** 257
- Lodouicus Gallorum rex dum agrotaret, nō in sericū, sed in cinere iacere voluit.** 567
- Lucas manibus post vocationem laborauit.** 248
- Lucia illæsa mansit à flammis.** 25. & 507
- Lucia virgo letabiliter vulnera ta mori non potuit, donec Eu-
charistiam à sacerdote sum-
psisset.** 427
- Lucia virginitatem vitæ habuit
chariorem iuvene cui passā
erat.** 353
- Lupus regia stirpe Gallia ortus
pro indefinēte in cælo thesauro
bona sua pauperibus elargitus
est.** 6
- Lupus episcopus quosdā clericos
oratione ad continentiam ad-
duxit.** 106
- Lupus episcopus ciuitatē ab At-
tila precatione liberauit.** 108
- Lupus archiepiscopus à Domino
vinum precatu est.** 287
- Lupus epi. aiebat nō offendere ob-
loquentiā verba, quem propria
nō inquinat conscientia.** 438
- Lupus episcopus patientia quam
habuit, inimicos mansuetos
reddidit.** 451
- M** **Attæus publicanus sta-
tim ut à Christo vocat⁹
est, telonū reliquit.** 2
- Maria magdalena & Martha
vendidit hereditatibus suis,
pecuniam projecere ante pedes
Apostolorum.** 3
- Martinus pauperis nuditatē di-
midiatā chlamydi suæ parte
operuit.** 17
- Martha Christum hospitio rece-
pit.** 29
- Maria Gallica, ut humilitatem
seruaret, vitā solitariam du-
xit.** 37
- Martinus episcopus seruo suo mi-
nistabat.** 40
- Marcus Euāgelista ut sacerdotio
reprobis haberetur, pollicem
sibi amputauit.** 44
- Martinus Episcopus frangebat
somni molliem lectuli rigore** 78
- Magnobonus episcopus impetra-
uit captiuorum liberationem
à Deo.** 108
- Maria Magdalena assidua me-
ditatio.** 121
- Mariam Aegyptiacā Zoar in as-
orantem corpore super terrā
suspensam vidit.** 122. & 220
- Vixit nuda in eremo.** 244
- mortua est.** 568
- Machabei fratres maxima tor-
menta sustinuerunt.** 165. & 496
- Maria Decegnies lepræ morbo
affectū seruiebat in charita-
te.** 184
- Ma-**

INDEX.

- Maria Decernies virgo flagris Martinus monachus totā Missam
acriter distringebat se. 261 audiebat. 91*
*Maiori episcopi ieiunium. 268 Martinus Episcopus etiam labo-
Maxentius pane & aqua victi- rando orabat. ibid.*
*tauit. 286 Maria virgo mater Dei multum
Martha virgo post mortem Do- oravit. 93*
mini, quotidianum servavit Martha centies in die orabat. 94
*ieiunium. 289 Maximum monachum diabolus
Magdalena diuinis alimentis su- tentavit superbia. 113*
*flentata est. ibid. Maria Virgo Dei genitrix lectio-
Maria Decernies pane & aqua nibus vacabat. 130*
*contenta fuit. ibid. Marcellæ viduæ ardor incredi-
Mariani monachi benignitatem bilis in diuinis scripturas.
ostendit aper. 321 131*
*Marinus solitarius vrsus pro Manasses petiit misericordiā &
afino habuit. 322 exauditus est. 152. 374*
*Maxentij abbat in manibus infi- Mattheus & Zachæus misericor-
dere aues. 323 diā consecuti sunt spe. 153*
*Martinus solitarius solus habita- Maria magdalena sperante, pec-
bat, ne mulierē afficeret. 345 cata dimissa sunt. 158*
*Margarita virgo sponsum dimi- Maria Aegyptiaca penitens mi-
sit castitatis amore. 362 sericordiam adeptā est. ibid.*
*Marcellinus papa penitens gau- Maria neptis Abraæ misericor-
dia aterna meruit. 380 diam penitendo recuperavit. 159*
*Maurilius episcopus post penitu- Maria magdalena amore Christi
dinem cælū ingressus est. 383 mundum contempsit. 173*
Maiorus archiepiscopus dignitatē fugiens eremum intrauit. 48
*Maxentius Abbas virtute cha-
Martinus eremita nulla difficul- ritatis aliquos ad fidem con-
tate ab eremo discessit. 72 uertit. 190*
*Maria magdalena annis triginta Maurus à persequente liberatus,
in deserto vixit omnibus in- eidem viā impetravit. ibid.*
*cognita. 74 Martinus Episcopus sacerdotem
Maria Aegyptiaca diu in deser- prætulit Imperatori. 217*
*to vixit vitamq; in eo con- Maria Aegyptiaca sacerdotes
elapsit. 75 honoravit. 220*

*** 4

Mar-

INDEX.

- Marcellini sacerdotis honorem* *Maiorona Alexandrina* aluit vi-
 ignis demonstrat. 219 *duam patienter sustinens sibi*
Maria virgo in templo labora- iniuriantem. 459
 uit. 254 *Mamerini abbatis patientia.* 467
Maiorus episcopus semper cilicium *Mammes septennis puer patientia*
 gessit. 257 *crudelitatem tyrannorum su-*
Machario saccus fabulo repletus *peravit.* 489
contra tentationes remedio *Marinus cum uxore & filijs pa-*
 fuit. 258 *tienter capitis truncationem*
Martinus monachus catena fer- *sustinuit.* 491
rea pedē saxo affixit. 259 *Marcus & Marcellianus fratres*
Maria A Egypt. quadraginta an- *& martyres lances confossi*
nis herbis sustentata fuit. 275 *patienter martyrium adepti*
Maria Decegnies tribus annis in *sunt.* 494
pane & aqua ieiunavit. ibid. *Maximus martyr obrutus lapidi-*
Maria Decegnies cū marito ca- *bis martyrium adeptus est.* 496
stē vixit. 359 *Margarita victo diabolo signo*
Mas docheo ad Deum clamante, *crucis capitalem sententiam*
Deus liberauit populū Israël. *subijt.* 509
 377 *Matthæus cuspide transfixus est.*
Maria soror Aaron commissum do- 486
luit & veniā meruit. 378 *Matthias lapidatus securig per-*
Maria prior cōsolari meruit quæ *cussus interijt.* *ibid.*
uberius lachrymas fudit. 391 *Maximia & Donatilla ambæ ca-*
Maria mater Dei virgo electa est *puii abscissione palmam mar-*
ut Deum pareret. 352 *tyrj sumpserunt.* 512
Margarita virgo corporis cru- *Macharius abbas non obstupuit*
ciatus pati maluit, quā ma- *demonēs decubans in sepul-*
trimonio copulari. 354 *chrū.* 523
Maria Decegnies sub Missa for- *Martinus episcopus diabolum*
nam pueri vidit. 416 *transfiguravit in Angelū lucis,*
Maioro episcopo orate, Angelus *verbis Christi vicit.* 528
sacram Communionē ter por- *Margarita virgo in carcere post*
rexat. 419 *t tormenta glutita a demone,*
Marcus scriptor Eucharistiā ab *euomitur sana.* 534
Angelis suscepit. *ibid.* *Maria Magdalena perseverans*
 ad

INDEX.

- ad sepulchrum, Christum me-
ruit videre. 545
- Martinus episcopus obitum suum
multo ante prædixit, nec mori
timuit. 563
- Maria Magd'ena humiliter an-
te Aliare prostrata spiritum
tradidit. 567
- Martha virgo decessura lampa-
des accendi iussit. ibid.
- Medericus abbas quendam mo-
nachum à carnis tentatione li-
beravit. 350
- Melania vidua monasterium in-
trauit. 366
- Metron confessor post pœnitudinē
beatitudinē ingressus est. 384
- Mennæ eremitæ paucula tantum
aluearia victum suppedi-
tabant. 57
- Mederici abbatis cilicium etiam
a ijs contra tentationes reme-
dio fuit. 257
- Mendacium perniciosum quid. 306. & 317
- Medardus presbyter vastatorem
vineæ suæ deprehendit illæ-
sumq; absoluit. 466
- Merulus monachus. 562
- Micheas propheta Achab nihil
locutus est ad gratiam. 304
- Michol uxor David punita est,
quia regem David despexit. 432
- Miphiboseih pedū egritudo con-
tulit ut diutius uiueret. 471
- Moyse abbas videri noluit pro-
pter uitandam inanem glori-
am. 32
- Moyse feruenter orauit pro fi-
lijs Israël. 84
- Moyse pro Maria deum orauit,
& à lepra curata est. 186
- Moyse ex malitia populi nun-
quam commotus est ut bene-
facere cessaret. ibid.
- Monachi in Aegypto strictissimū
silentium seruauerunt. 330
- Moyse monachus post magna
peccata multa charitatis ope-
ra operatus est. 382
- Moyse abbas recto corpore ora-
bat. 89
- Moyse intercedente, plagæ Ae-
gypti cessabant. 95
- Moyse veritatem fidei sapissi-
me ostendit. 133
- Moyse abbas latro fuit, spe mo-
nachus factus est. 155
- Monachi Aegypti nullum uoti-
puebant nisi obedientem & la-
boriosum. 253
- Monica Augustini mater lugēdo
pro filio orauit, & exaudita
est. 392
- Moyse saluatur, cuius mansue-
tudo egregie apparuit. 319
- Moyse abbas exemplo docuit pœ-
nitenti fratri ueniam indul-
gere. 436
- Moyse illatam sibi contumeliā
fratri statim ignouit, & pro
Maria

INDEX.

- Maria sorore deprecatus est.* 446
Moyſes ſemel peccando prohibi-
tus eſt intrare terram promiſ-
fionis. 538
Moyſes ſepultus eſt in valle ter-
re Moab. 555
Mutius Abbas ex quadā viſione
ad fidem conuerſus eſt. 140
Mutius abbas tantum Dominica
die comedit. 269
Mulier Chanaanæ deſpecta orare
non deſtitit. 93
Mulier in adulterio deprehenſa
ſperando miſericordiam ade-
pta eſt. 158
Mutius abbas proprium filium
obedientiæ cauſa ſubmergere
voluit. 298
Mutius abbas pro altero Deum
precatus ſpiritu ad pœnitē-
dum impetravit. 386
Mutius abbas cum filio octenni in
greſſus eſt monaſterium. 541
Muſa virgo viſa Beata Virgine,
leta de corporis carcere exiit.
 570
N *Azarius et Celfus tantū*
beneficium reuerunt,
quantam iniuriam ac-
ceperant. 188
Natalia vidua fugam fecit ne
nubere cogeretur. 363
Nazaræus præceptum fuit ne vi-
num biberent. 279
Nabuchodonofor pœnitēs ſanitati
regnoq̃ reſtitutus eſt. 378
Nathanaël Anachoreta deſerit
derelinquens, viſo diabolo in
forma terribili reuerſus. 521
Nemo poteſt perfectè diligere, qui
non credit. 166
Nicolaus Miroæ epiſcopus, paren-
tum vnicus hæres, omnia di-
ſtraxit in pauperū alimēta. 4
Niuardus relictis parentibus, hæ-
reditateq̃ magna, Ordinem
S. Bernardi ingreſſus. 5
Nicolaus infansulus adhuc ieiun-
nabat. 267
Niceta martyr caſtitati amore
linguā dentibus diſſecauit. 501
Niniuite fiduciam habentes mi-
ſericordiā coſecuti ſunt. 152
Nicolaus ſenex ſpe diuinæ miſe-
ricordiæ ſaluatus eſt. 156
Nicolaus cognomento peregrinus
inſaniæ ſimulatione circūiens
ciuitates, mortuus languores
ſanauit. 316
Nicomachus paſſionibus ſupera-
tus, idoli ſacrificans, miſera-
biliter interijt. 427
Nicolaus quidā breuiſſ. oratione
dæmones effugauit. 531
Noë perſeuerauit omnibus die-
bus vitæ ſue in ſeruitio Dñi.
 537
O *Bedientia triplex eſt.* 302
Obſetrices maluerūt men-
dacio vti, quàm regi
parere. 308
Oddo coart⁹ abbas effectus eſt. 45
 Odi-

INDEX.

- Odilonis Abbatis ieiunium quod dragestimale.** 272
- Oddo abbas ei qui equum abegerat veniam presentis indulgit.** 466
- Odilonem abbatem demon in extremis terrere non potuit.** 361
- Olympius Arrianus a Christo percussus est propter nominationem Trinitatis.** 146
- Onophrius tantum vereda folijs tegebat.** 243
- Onophrius sexaginta annos in solitudine vixit.** 68
- Onophrius solitarius animam exhalans visus est ab Angelis in celum tolli.** 359
- Oratio pro defunctis cibis defunctorum est.** 105
- Oratio iustorum etiam vinis suffragari solet.** 106
- Orationis tempore diabolus tentat specialiter.** 115
- Oratio quibus verbis facienda.** 86
- Orationes ab Angelis offeruntur Deo.** 112
- Orestes super lectum ferreumustus patienter martyrium sumpsit.** 490
- Othilia Abbatissa pro stragulo urfina pellis, pro pulvillo saxum erat.** 82
- Othilia virgo leguminibus pane usa fuit.** 290
- Othilia patrem precibus liberavit, qui mortem ei machinatus est.** 195
- Othilia virgo caeca nata, Deo gratias egit, ac tandem visum recipere meruit.** 468
- Paula Romana.** 8.43
- Paulinus Nolane urbis episcopus seipsum in eleemosynam tradidit.** 180
- Paula ut eleemosynam daret, pecuniam mutuo accepit.** 23
- Paulus Apostolus precepit hospitalitatem.** 30
- Paulus Apostolus docuit vitare inanem gloriam.** 31
- Pacomius abbas infirmis fratribus diligenter ministrabat.** 39
- Pastumius monachus renuit acceptare abbatum honorem.** 44
- Paulus primus eremita a iuventute habitavit in spelunca saxea usque ad mortem.** 66
- Paula Romana super durissimum humum quiescebat.** 81
- Paulus Apostolus claudum a nativitate sanabat.** 101
- Pacumium ad cultum Dei adduxit charitas.** 180
- Pannusius Thaidem in charitate ab impudicitia auertit.** 181
- Patritius Episcopus primus in Scotia fidem Christi evangelizavit.** 205
- Pasnutius cuidam viro cum uxore comparatus est.** 225
- Pastor abbas docuit pacem etiam cum inimicis habere.** 226
- Paulus**

INDEX.

Paulus primus eremita tunica de palmæ folijs contexta operiebatur.	242	Pacomij abbatii monachi omnes manuum labore victum comparabant.	252
Paulus Apostolus manibus laborabat.	246	Paulus abbas quotidianum laborem fugiendi otij causa sumebat.	253
Pacomius Abbas corpus suū verberibus castigabat.	260	Paulus primus eremita nonaginta annis hominibus incognitus fuit.	235
Pasumio abbati panis tantum & aqua victus erat.	282	Paulus Apostolus corpus suū castigabat laboribus multis, spirituiq; subijciebat.	256
Patemō monachus in die Pasche holus oleo & sale conditum comedit.	283	Paula vidua corpus ieiunij & laboribus debilitabat.	274
Pambo abbas in solitudine nunquam panem gustavit.	285	Paulus simplex etiam absurda obediencie causa nunquam distulit perficere.	298
Paulus monachus per triennium nulli locutus est.	328	Pacomius quendam ex fratribus suis ad penitentiam convertert.	387
Paulus abbas solitudinē ingressus est, ne feminā videret.	343	Paulus apostolus viduas virginēsq; ad castitatem observantiam hortatur.	338
Pasnuius intellexit tutius esse habitare cum demonibus, quàm cum muliere.	344	Paulus Abbas discipulo alapam dedit, qui tanta patientia pertulit, ut nec quidē mutiret.	454
Paula vidua post obitū mariti cū viri nunquam comedit.	363	Paphnutius presbyter pro infamante se oravit, & a demone liberatur.	ibid.
Pastumius semper super nuda humo cubitavit.	77	Paulus simplex deprehendens uxorem in adulterio, se vindicare noluit.	457
Pastumium ab orandi studio nulla infirmitas impediēbat.	88	Paula vidua nihil quicquam molestè ferebat.	459
Paulus abbas solitus erat semper prius orare, quàm laborare.	90	Paulus solitarius paralyticis cæcosq; egrotantes curabat, p sua vale-	
Paulus Apostolus raptus est ad tertium cælum.	117		
Paulus Apostolus hereticos dixit esse vitandos.	150		
Paulus Apostolus spe diuinæ gratiæ vni electionu factus est.	154		

INDEX.

- valetudine nihil sollicitus. 477
- Paula Romana** ob aegritudinem
noluit ab instituto vitæ mo-
nastica declinare. 479
- Paulus** flagellatur & torquetur,
demum Romæ crucifigitur. 485
- Panthaleon** martyr capite puni-
tus est. 495
- Paulus** sola gratia opitulante spe
rat euadere Satanae tenta-
tiones. 518
- Pacomius** abbas inimicum fugā-
uit Crucis signo. 528
- Pacomius** monachus visibili libi-
dini resistens, magnas tenta-
tiones superauit. ibid.
- Paternianus** episcopus demonem
sub forma visibilis tentantem,
Deo adiuuante, vicit. 529
- Paulus** primus eremita in Dei
seruitio perseuerauit, unde
meruit diuinitus nutriri, &
ab Antonio sepeliri. 540
- Paulus** simplex inorando perse-
uerauit, & ab Antonio rece-
pitus est. ibid.
- Pacomius** abbas coronam mereri
legitimè certando dixit. 542
- Paulus** primus eremita orās ex-
pirauit. 558
- Pascasius** precibus Germani epi
à purgatorio liberatus est. 575
- Pax** mala detestanda. 227
- Pax** simulata fugienda. ibid.
- Pax** cum impijs non habenda. ibid.
- Petrus** telonarius ex furore pa-
nem proiecit pauperi, & sal-
uatus est. 19
- Petrus** telonarius gaudebat in
contumelijs. 40
- Petrus** apostolus orationibus Ec-
clesiæ à vinculis liberatus est.
100
- Petrus** Apostolus maledixit Si-
moni mago. 141
- Pelagia** spe diuinæ misericordiæ
à lasciuia se cōuertit. 154 392
- Pergēnius** & Laurētinus fratres
orarunt pro inimicis. 188
- Petrus** Apostolus uno die tria
millia hominum baptizauit,
& alio quinque. 202
- Petri** tegumenta fuere tunica &
pallium. 240
- Petronilla** maluit casta mori,
quàm nuptia viuere. 445
- Petrus** & Iohannes munera cō-
tempserunt. 51
- Petrus** vidit cælum apertū. 116
- Pergentius** & Laurentinus in
fide Christi nudis pedibus su-
per prunas ambulauerūt. 139
- Petrus** in charnate super mare
ambulauit. 166
- In** charitate crucifixus est. 169
- Peccatores** in sermone modestè
corripiendi sunt. 212
- Petrus** apostolus ardentissimus,
tunc refriguit, cum impiorum
colloquijs se implicuit. 233
- Petri** exemplo iussa superiorū sine
cūctatione capeßeda sunt. 294
- Petrus**

INDEX.

Petrus & Paulus interdum simul lauerunt de Iudaismo propter gentiles.	313	fligi, quàm ambitione deliniri.	39
Petrus negationis culpam amare fleuit.	388	Pion Abbas deambulando cibum sumebat.	285
Peccatrix in Euangelio fleuit, & ob penitudinis humiliationem sancta obiit.	390	Pion Abbas sororem suam afficere noluit.	344
Petrus Apostolus castitatis amore uxorem reliquit.	338	Pygmenius presbyter equo animo ferebat, quod captus oculis esset.	474
Petronilla ne sine viatico discederes, à presbytero Nicodemo panem Trinitatis accepit.	427	Potamiens virgo illum, à quo tormenta acceperat, saluari petijt.	293
Petrus Abbas oculo amisso, se ab uno inimicorum liberum aiebat.	473	Polycarpus dicebat periculosum esse religiosum habitare cum mundanis.	234
Petrus ob prædicationem Christi morti addicitur crucis.	485	Populus Israël manna alitur & aqua potatur.	278
Pelagia idololatra conuersa per Christum diabolum tentantem vicit.	533	Pontianus post multa tormenta superata, capite plexus martyrium sumpsit.	492
Periculum vitæ solitariae.	76	Polecronius episcopus, & Parmenas presbyter; post linguæ præcisionem, capitis pœnam patienter sustinuerunt.	495
Pesius monachus nūquam iratus fuit.	543	Praxedis virgo orauit huius vitæ finem & impetrauit.	553
Pharon Episcopus nauem ab imo in summis aquas enatare fecit.	104	Prædicatores apud discretos manent hospitio.	200
Philiberto Abbati orati oculi veluti hydera fulsere.	92	Prædicatoris non deperit meritum propter obstinationem auditorum.	201
Philorunius presbyter abstinentia se fatigabat manibusq; laborabat.	251. & 259	Prædicator sit prudens & simplici.	ibid.
Philippi Apostoli quatuor filiae virginisatem seruare.	353		
Pinifius Abbas maluit fame aff-			

Pra-

INDEX.

- P**redicator non predicet his quos
credit Euangelium contem-
nere. *ibid.* 111
- P**redicator predicet his à quibus
inuitatur ad sermonem fa-
ciendum. *ibid.* 483
- P**redicanti Euangelium adulari
non decet. 205
- P**redicatores mala detestentur,
& veniam proponant. *ibid.* 323
- P**redicator sollicitus cautusq; esse
debet in sermone. 200. 201
- P**redicatores boni multum pro-
sunt. 214
- P**resbyter Centumcellus Eucha-
ristia à purgatorio quendam
liberat. 425
- P**resbyteri Susannam accusan-
tes, falsitatis cunctis lapidibus
obruiti sunt. 429
- P**roximos diligere tenemur. 174
- P**robis Episcopis in extremis la-
borans. 561
- Q**uiriacus Episc. & martyr
gladio transfuerberatus, post
longa tormenta. 496
- Q**uibus verbis orandum. 85
- R**abba mater pietatis cau-
sa mendacium dixit. 308
- R**adegundis regina cilicium
portabat. 261
- R**adegundis filia postquam aliquod
tempus vixit cum marito, ca-
stitatem tenuit. 366
- R**adegundis regine orationibus
vincula ferrea disrupta sunt. 111
- R**asias mortem sibi conscivit ne
cibos inhibitos gustaret. 483
- R**egulus episcopus Iohannis apo-
stoli discipulus plures ad fidem
conuertit. 205
- R**emigij Archiepiscopi mansue-
tudinem passeret ostenderunt. 323
- R**emalchus episcopus officium de-
posuit, solitudinem ingressus. 49
- R**omualdus Abbas pelagi vento-
rumq; scitiam oratione pla-
cauit. 103
- R**omualdus panem & fabam co-
medit. 285
- R**omualdus abbas captus, sancto-
rum verborum meruit acci-
pere anagogen. 118
- R**oboam cum seruis suis audito
propheta penitentiam egit. 372
- R**omualdi Abbatis silentium. 331
- R**omanus post multa tormenta
martyrij coronam accepit. 502
- R**omula virgo, sacra Commu-
nionem accepta, psallentium
choros audiens expirauit. 569
- R**uth pro modico cibo gratias e-
git. 288
- S**abba monachus dans viam
propter Deum, in triplo
accepit compensam. 21
- Salo-

INDEX.

- Petrus & Paulus** interdum simul
lauerunt de Iudaismo propter
gentiles. 313
- Petrus** negationis culpam amare
flevit. 388
- Peccatrix** in Evangelio flevit, &
ob penitentiam humiliationem
sancta obiit. 390
- Petrus Apostolus** castitatis amo-
re uxorem reliquit. 338
- Petronilla** ne sine viatico disce-
deret, à presbytero Nicodemo
panem Trinitatis accepit. 427
- Petrus Abbas** oculo amisso, se ab
vno inimicorum liberum aie-
bat. 473
- Petrus** ob prædicationem Christi
morti addicitur crucis. 485
- Pelagia** idololatra conuersa per
Christum diabolum tentan-
tem vicit. 533
- Periculum** vite solitarie. 76
- Pesius** monachus nūquam iratus
fuit. 543
- Pharon** Episcopus nauem ab imo
in summas aquas enatare
fecit. 104
- Philberio** Abbati orati oculi ve-
luti sidera fulsere. 92
- Philoronius** presbyter abstinentia
se fatigabat manibusq; labo-
rabat. 251. & 259
- Philippi** Apostoli quatuor filie
virginitatem seruare. 353
- Pimifus** Abbas maluit fame af-
fligi, quàm ambitione delini-
ri. 39
- Pion Abbas** deambulando cibum
sumebat. 285
- Pion Abbas** sororem suam assi-
cere noluit. 344
- Pygmenius** presbyter equo ani-
mo ferebat, quod captus ocu-
lis esset. 474
- Polemus** Indorum rex Bartho-
lomæi Apost. prædicatione cō-
uersus, reliquit imperium. 7
- Potamiena** virgo illum, à quo
tormenta acceperat, saluari
petiit. 293
- Polycarpus** dicebat periculosum
esse religiosum habitare cum
mundanis. 234
- Populus** Israël manna alitur &
aqua potatur. 278
- Pontianus** post multa tormenta
superata, capite plexus mar-
tyrium sumpsit. 492
- Polocronius** episcopus, & Par-
menas presbyter; post lingue
præcisionem, capitis pœnam pa-
tienter sustinuerunt. 495
- Praxedis** virgo orauit huius vi-
te finem & impetrauit. 553
- Prædicatores** apud discretos ma-
neant hospitio. 200
- Prædicatoris** non deperit meri-
tum propter oblationem
auditorum. 208
- Prædicator** sit prudens & sim-
plex. ibid.
- Pra-**

INDEX.

- Predicator non predicet his quos credit Euangelium contemnere.* ibid. 111
- Predicator predicet his à quibus inuitatur ad sermonem faciendum.* ibid. 483
- Predicanti Euangelium adulari non decet.* 212
- Predicatores mala detestentur, & veniassem proponant.* ibid. 323
- Predicator sollicitus cautusq; esse debet in sermone.* 200. 201
- Predicatores boni multum profunt.* 214
- Presbyter Centumcellis Eucharistia à purgatorio quendam liberat.* 425
- Presbyteri Susannam accusantes, falsitatis cunctis lapidibus obruti sunt.* 429
- Proximos diligere tenemur.* 174
- Probus Episcopus in extremis laborans.* 561
- Q** *Viriacus Episc. & martyr gladio transfuerberatus, post longa tormenta.* 496
- Quibus verbis orandum.* 85
- R** *Ab metetriz pietatis causa mendacium dixit.* 308
- Radegundis regina cilicium portabat.* 261
- Radegundis filia postquam aliquod tempus vixit cum marito, castitatem tenuit.* 366
- Radegundis regine orationibus vincula ferrea disrupta sunt.* 111
- Rasias mortem sibi consciuit nec cibos inhibitos gustaret.* 483
- Regulus episcopus Iohannis apostoli discipulus plures ad fidem conuertis.* 205
- Remigij Archiepiscopi mansuetudinem passeris ostenderunt.* 323
- Remalchas episcopus officium deposuit, solitudinem ingressus.* 49
- Romualdus Abbas pelagi ventorumq; scuitiam oratione placavit.* 103
- Romualdus panem & fabam comedit.* 285
- Romualdus abbas captus, sanctorum verborum meruit accipere anagogen.* 118
- Roboam cum seruis suis audito propheta penitentiam egit.* 372
- Romualdi Abbatis silentium.* 331
- Romanus post multa tormenta martyrij coronam accepit.* 502
- Romula virgo, sacra Communionem accepta, psallentium choros audiens expirauit.* 569
- Ruth pro modico cibo gratias egit.* 288
- S** *Abba monachus dans viuas propter Deum, in triplo accepit compensam.* 21
- Sal-

INDEX.

<i>Salomon sapientissimus regum</i>	<i>Salomon à vino abstinebat, ut</i>	
<i>ex totis præcordijs Deû præca-</i>	<i>sapientior fieret.</i>	279
<i>tus est.</i>	<i>84 Saul inobediens regnum perdi-</i>	
<i>Savinianum martyrem nullus</i>	<i>dit.</i>	292
<i>ausus est adire tempore ora-</i>	<i>Salomon veritatem simulatione</i>	
<i>tionis.</i>	<i>inuestigauit.</i>	310
<i>Sauitulus Abbas in charitate se-</i>	<i>Samuelis admonitione ad pœni-</i>	
<i>metissum ad vincula dedit</i>	<i>tentiam inclinantur Israëlita.</i>	
<i>pro diacono suo.</i>		371
<i>Sabunus episcopus Venustianum</i>	<i>Samson liberauit pœnitētes. ibid.</i>	
<i>pro fidelem eum martyrizan-</i>	<i>Salomon in iudicando errare ti-</i>	
<i>tem sanauit.</i>	<i>mens, sapientiā postulauit.</i>	432
<i>Sacerdotes honorandi sunt mul-</i>	<i>Sara filia Raguēlis ab ancilla ap-</i>	
<i>ti de causis.</i>	<i>pellata est virorum interfe-</i>	
<i>Sacerdos quàm perfectus esse de-</i>	<i>trix.</i>	458
<i>beat.</i>	<i>Samsonis fortitudinem non mi-</i>	
<i>Sarae abbatissæ oculorum conti-</i>	<i>nuit cecitas.</i>	470
<i>nentia.</i>	<i>Sara Abbatisa ten:ationem car-</i>	
<i>Samuelis deprecationes & popu-</i>	<i>nus diu passa vicit.</i>	531. 545
<i>li ieiunium respexit Deus.</i>	<i>Salomō ex memoria mortis aie-</i>	
<i>264 Saul & Ionathas virtute ieiunij</i>	<i>bat: Vanitas vanitatū.</i>	548
<i>præualuerunt.</i>	<i>ibid. Savina virgo Deum orauit ne</i>	
<i>Samson archiepiscopus per totā</i>	<i>ultrā viueret.</i>	553
<i>quadragesimam bis vel ter</i>	<i>Saleberga Abbatisa iam mori-</i>	
<i>comedebat.</i>	<i>tura iocundissima visione ro-</i>	
<i>269 Saleberga vidua genitis quing</i>	<i>boratur.</i>	568
<i>filijs deinceps deo seruauit.</i>	<i>366 Sacerdotibus solis in Altari mi-</i>	
<i>Samuel propheta noluit accipere</i>	<i>nistrare conuenit.</i>	215
<i>pecuniam.</i>	<i>49 Serapion monachus.</i>	18
<i>Sara uxor Tobie dies treis in</i>	<i>Seruulus mendicus cibum refi-</i>	
<i>oratione perseuerauit.</i>	<i>duum pauperibus dabat.</i>	21
<i>92 Samson archiepiscopus necē sibi</i>	<i>Seuerinus abbas oratione glaci-</i>	
<i>molientem ad pœnitentiā hor-</i>	<i>em soluit.</i>	102
<i>tatus est.</i>	<i>192 Seruatius episcopus prædicando</i>	
<i>Sara uxor Tobiam ieiunando</i>	<i>à diuersis nationibus intelli-</i>	
<i>seruauit incolumem.</i>	<i>274 gebatur.</i>	207
		Sera-

OPERIS.

<i>Serapion Abbas mercede manuum victum querebat.</i>	249	<i>Simon monachus dās cibū suum pauperibus, à Christo cibatus fuit.</i>	21
<i>Seuerus abbas tantū Dominica die comedebat.</i>	269	<i>Syluester Papa omnibus ad urbem a'uentantibus pauperibus, hospitium dedit.</i>	27
<i>Secularis quidā undecim annos castē vixit cum uxore.</i>	341	<i>Simon Magus à demonibus in aëra subleuatus est.</i>	142
<i>Seruatio Episcopo oranti igneus radius apparuit.</i>	92	<i>Simeon monachus fune corpus suum circumdedit.</i>	260
<i>Seruulus mendicus ex eleemosynis libros comparauit.</i>	123	<i>Sifinius Episcop. adhuc vagiens in cunabulis, ieiunabat.</i>	267
<i>Serapion seipsum vendidit ut proximum de inferno liberaret.</i>	179	<i>Simulare & mentiri, quando necessarium sit.</i>	306
<i>Serui Saul reuerentiam sacerdotum domina furenti prætulerunt.</i>	216	<i>Simon monachus dicitur habitasse 48. annis super columnas.</i>	71
<i>Seculo renuntiantes fugere debēt consortia potentum.</i>	287	<i>Sifinius abbas tribus continuatis annis orauit nunquā sedēs.</i>	89
<i>Seuerus presbyter usque ad mortem silentium tenuit.</i>	330	<i>Syluia eloquentissima lectitando Deum considerabat.</i>	130
<i>Seuerus presbyter cuiusdam mortuū vitam impetrauit, ut confessionem faceret.</i>	406	<i>Syluester Papa fidem Christi miraculis firmavit.</i>	136
<i>Serapion Abbas crapula morbo tentatus, mox ut confessus est, eam vicit.</i>	408	<i>Simeon monachus scribendo vitium comparabat.</i>	253
<i>Sergius elephantico morbo liberatus, Deo seruiuit toto animo.</i>	477	<i>Syluanus fratres exemplo laborare instruxit.</i>	254
<i>Sebastianus fustium caesione interijt.</i>	491	<i>Simon Phariseus à Christo falsae existimationis couincitur.</i>	434
<i>Syluester Papa, pauperes scribebat in libro, ut subueniret eis.</i>	14	<i>Syluani infamia non temerē iudicare docuit.</i>	439
<i>Similiter Clemens Papa factitasse dicitur.</i>	ibid.	<i>Syluia virgo in infirmitate medicinam renuit, cauens molliem carnis.</i>	479
		<i>Symeon monachus tredecennii ingressus monasteriū, acerbius se cunctis afflixit.</i>	541

Sylua-

INDEX

Sylvanus Episcopus ex frequenti meditatione mortis, mortē non timuit.	552	Stephana uxor cuiusdam militis discerpta est.	511
Spes Abbas oculis captus videre cepit cū ē vita egreditur.	475	Stephano Abbati Angeli in exiremū astūtēre.	562
Spiritalis cōsolatio non reuelāda propter inanem gloriam.	34	Stnaminū Eliscum hospitio recepit, & ob hoc mortuū filium sanum accepit.	29
Spoletana uirgo inscio patre monasterium intravit.	358	Susanna ab iniquis iudicibus dānata, precatione liberatur.	111
Stephanus presbyter impleuit quæ legit.	128	Sulpitius Episcopus confidens in Domino, a temptationibus liberatus est.	113
Stephanus orauit pro lapidantibus se.	187	Sulpitius Episcopus demones horrentes precibus expulit.	530
Stephano Abbati fuit uestis rudis modicā.	241	T Abita uirgo uitam solitariam duxit, ut uideret inanem gloriam.	136
Stephanus presbyter singulis noctibus totum Psalterium legebat.	90	Thaurinus Episcopus signo Crucis à magnis liberatur.	143
Stephanus protomartyr fidem Christi prædicauit.	135	Thas meretrix Pasnuū admonitione conuersa est.	160
Stephanus anachoreta doctus euasit diuinitus.	210	Tacere non semper uile est.	327
Stephanus solitarius morbū existimauit otiositatem.	250	Thas ad pœnitentiam conuersa peccata luxit multum.	393
Stephanus presbyter herbas cum sale comedit.	270	Tarficius Martyr maluit mori, quàm corpus Christi infidelibus publicare.	429
Stephanus uirtute patientie malum illatum pro nihilo reputauit.	465	Theodora uirgo cum uno milite capite plexa est.	184
Stephanus anachoreta infirmas non intermittebat laborē manuum.	476	Theonas Abbas uxorem dimisit & castē uixit.	341
Stephanus lapidatus est.	486	Theodora Romana oratione maritum ad Christum conuertit.	112
Stephanus Papa iugulatus, ante Altare Domini martyrium sumpsit.	495	Theophilus spe diuinæ misericordiæ saluatus est.	157

Theo-

OPERIS.

<i>Theophilus presbyter egit pa-</i>	<i>Tobias charitatem erga parpe-</i>
<i>rentiam.</i>	<i>res ostendit.</i>
388	175
<i>Theodora adulterij cōmissi con-</i>	<i>Thomas archiepiscopus tunicam</i>
<i>scia, virum relinquens mona-</i>	<i>& femoralia cilicina gestita-</i>
<i>sterium intrauit.</i>	<i>uit.</i>
393	257
<i>Tecla virgo Paulo euangeliz an-</i>	<i>Thomas Aquinas silentio doctis-</i>
<i>te credidit, & virgo mansit.</i>	<i>simus euasit.</i>
352	331
<i>Tecla virgo multis tormētis ma-</i>	<i>Tobias ob patientiæ meritum vi-</i>
<i>etata, demū quietē obiit.</i>	<i>sum post quartum annum re-</i>
508	470
<i>Theodosta post plura tormenta ca-</i>	<i>Thomas Aquinas domi à fratri-</i>
<i>pitis eafione obiit moriē.</i>	<i>bus carnalibus inclusus redire</i>
510	<i>in seculum renuit.</i>
<i>Theodorus monachus matri pos-</i>	542
<i>centi egressionem Religionis,</i>	<i>Tobias in fine vitæ suæ docuit</i>
<i>dissenfit.</i>	<i>filium suum.</i>
542	556
<i>Timotheus eremita in eremo nu-</i>	<i>Trafilla in genibus cubitisq; du-</i>
<i>dus fuit.</i>	<i>ritiem camelorū habuit.</i>
243	94
<i>Timotheus eremita palmæ fru-</i>	<i>Tranquillinus martyr lapidatus</i>
<i>ctibus & aqua sustētatus est.</i>	<i>est.</i>
284	494
<i>Tyburcius & Valerianus ab Al-</i>	<i>Triphon sub pacis specie Iona-</i>
<i>machio pro Christo passi sunt.</i>	<i>than necauit.</i>
499	230
<i>Thomas Archiepiscopus Cantua-</i>	V <i>Baldus episcopus in peri-</i>
<i>riensis quotidie pauperibus pe-</i>	<i>culo audax factus est pa-</i>
<i>des lauabat,</i>	<i>cis amore.</i>
38	224
<i>Tobias cū lachrymis orauit.</i>	<i>Vbaldus episcopus cæco persuasit,</i>
85	<i>ne visum sibi restitui expete-</i>
<i>Thomas Didymus Sinitica ocu-</i>	<i>ret.</i>
<i>los redintegravit.</i>	474
101	<i>Vando Abbas de operibus manūū</i>
<i>Thomas Aquinas solebat prius</i>	<i>suarum vixit.</i>
<i>orare, quā quicquā agere.</i>	250
104	<i>Vando Abbas nō potuit compelli</i>
<i>Idem in contemplatione altitu-</i>	<i>ut castitatē nō seruaret.</i>
<i>dine ferē cubitali in aëre pen-</i>	340
<i>dere visus est.</i>	<i>Venerius monachus propter obe-</i>
120	<i>dientiā solitudinē dimisit.</i>
<i>Tora virgo semper vestimenta</i>	300
<i>peiora sumpsit.</i>	<i>Veneranda virgo illum, à quo tor-</i>
244	<i>menta passa est, Deo credere</i>
	<i>fecit.</i>
	193

INDEX

<i>Venerius</i> abbas manibus labora-	cussore orauit.	191
bat.	250	<i>Simile fecit Isaac Abbas.</i>
<i>Veritas</i> colenda.	303. &c.	<i>Viterbꝝ miraculum factum in</i>
<i>Venantius</i> martyr post tormenta	Corpore Christi.	415
multa capitis supplicium pas-	<i>Vitus</i> martyr puerꝫ omnia tor-	
sus est.	497	menta superans, quiete emisit
<i>Vgoni</i> Abbati frater quidā post	spiritum.	488
mortem apparuit, qui mox	<i>Vincentius</i> multis tormentis su-	
confessus, à pœnis liberatus	peratis, Martyrium adeptus	
est.	407	est.
<i>Vidua</i> Eliæ non dubitauit totum	<i>Victor</i> superno splendore fulcitus,	604
quod habuit dare.	24	coronam martyrꝫ subiit.
<i>Vincentius</i> Prædicator parvus	<i>Vrbanus</i> Papa thesauros Cæ-	
somni.	80	ciliæ dispensauit pauperibus.
<i>Vitalis</i> ex charitate libenter tole-		16
rabat correctionem.	181	<i>Vrsinus</i> presbyter in extremis
<i>Vincentius</i> in Hispania quinque	sensit adhuc ignem concu-	
millia Iudæorū ad fidē Christi	piscentiæ.	482
conuertit.	208	<i>Vrius</i> pro Lege Dei interfectus
<i>Victorinus</i> pœnitentiam faciens,	est.	482
vitam meruit æternam.	381	<i>Vrsinus</i> presbyter in visione An-
<i>Vitalius</i> monachus pro suo pet-	gelos vidit.	563

FINIS INDICIS.

M. MARVLI

DE RELIGIOSE PIEQUE VI-

VENDI INSTITVTIONE PER EX-

empla ex veteri nouoq; Testamento collecta, atq; ex

optimis Autoribus, D.D. Hieronymo, Gregorio

Magno, Eusebio Cæsariensi, Iohan. Cas-

fiano, alijsq; qui vitas conscripserunt

Sanctorum, Liber Primus.

PROLOGVS.



PER Æpretium mihi visum est, quæ-
dā quæ de diuinis hominibus in histo-
rijs ecclesiasticis diffusius narrata sunt,
carptim collecta breuiter describere, vt
propositis euāgelicarum virtutū, id est,
Christianæ perfectionis exemplis, & me-
desidia adhuc torpentem excitarem, & alios excitatos
alacresq; ne lassescerent, magis animarē: alios verò etiā
redderem cautiore, ne tametsi boni sanctiq; sint, facile
de se popularibus auribus credant. Quàm enim peri-
culosa sit humilibus Christi seruis mortalium laudatio,
tunc planè intelligent, cū relatu legerint, nō aliam ob
causam quosdam reliquisse monasteria, vastasq; pene-
trasse solitudines, annosq; plurimos feris tantū peruias
habitasse terras. Tu igitur, cuius nutu cuncta reguntur
fautor mihi adsis Deus, dictatē inspires, scribentē ad-
iuues, ingeniū, verba, manū, calamū moderare, vt nus-
quàm ab eo, quod tibi placitum fuerit, declinasse argui
possim. Tuq; Fili Dei, Deus Christe, mētem animumq;
eorum, qui hæc legent, tua gratia sic penitus confirmes,
vt istos sectatores tuos æmulari cupiant pariter & pos-
sint, atque ad tui solius cultum inflammari, iisdem tan-
dem vestigijs ad te perueniant quibus illi peruenēre. *Marci 19.*
Sed quoniā ijs, qui te sequi volunt, dimittenda esse pri- *Luca 14.*

A

mm

DE TERRE NIS BONIS
nūm omnia præcepisti : ab illis potissimū, qui ingen-
rioribus se abdicarunt bonis, dicēdi initiū capiamus, vt
& qui pari fortunarum copia perfruantur, in promptu
habeant quos imitentur; & qui tenuiores diuitias possi-
dent possederuntve, eas vel erogare, vel iam erogasse
pro tui nominis amore, minus grauari possint.

*De terrenis bonis contemnendis pro-
pter Christum. Caput. I.*

*Mattheus
Apostolus*

*Bartholome-
us Apost.*

Apostoli.

Matth. 15

IAM PRIMVM vt à quibus Ecclesiæ Christianæ
iacta sunt fundamenta, ab his & operis nostri cuda-
tur exordium : Matthæus publicanus statim vt à
Christo vocatus est, teloniū derelinquēs, pecuniosis ve-
tigalibus præposuit Apostolicæ cōuersationis nudita-
tem. Bartholomæus quoq; Syriæ regum origine clarus
non est dedignatus in piscatorū numero haberi, vt place-
ret Christo : & cœlestis regni spē animo cōcipientis, seruire
maluit in terra, quā imperare, & persecutiones pati, quā
seculi honoribus perfrui. *Abdias in vita Bartholomæi.*

OMITTO nunc alios huius ordinis viros, nō quia
in contemnendis rebus minus constantes fuerint, sed
quia & ante Apostolatū humiles, inopesq; extitisse
apparet, stulta tunc & infirma Deo eligente, vt sapientia
fortiatq; confunderet. Quāuis verissimum sit eos quoq;
nō minus multa reliquisse, qui sibi nihil reseruauerint.
Hinc est, quod tamen piscatoriā nauim, & quæ resar-
ciebant retia dimittentes, audacter proloquuntur,
Ecce dimisimus omnia, & secuti sumus te : quid ergo
erit nobis præmij? Et respōsum merentur accipere Do-
mini, dicentis : Amen dico vobis, quod vos qui secuti es-
tis me, in regeneratione cum sederit Filius hominis in
sede maiestatis suæ, sedebitis & vos super sedes duode-
cim, iudicantes duodecim Tribus Israël : & omnis qui
reliquerit domum, vel fratres, aut sorores, aut patrem,
aut matrem, aut vxorem, aut filios, aut agros propter
nomen

nomen meum, centuplum accipiet, & vitam æternam possidebit.

C V I V S quidē pollicitationis tūm fide certi, tūm magnitudine accēsi, Maria, Martha, & Lazarus cūm inter se partiti essent hæreditatem, Mariæq; Magdalū op-
Maria
Magdalena
Martha.
Lazarus.
 pidum, Marthæ Bethania, Lazaro pars vrbis Ierusalem sorte obuenerat: omnibus post ascēsum Domini distra-
 ctis adiuuēditis, pecuniā ad pedes Apostolorū proiecere in terrā, vt corda erigere possent in cælum, quō Christū iam præcessisse conspexerant. Hunc morem sedulō à fidelibus ea tempestate obseruatum Lucas in Apostolorum Actis testatur, dicens: Omnes etiam qui credebāt erant pariter, & habebant omnia communia, possessiones & substantias vendebant, & diuidebant illa, prout cuique opus erat. Et iterum: Multitudinis autem credētrū erat cor vnum & anima vna, nec quisquam eorum quē possidebat aliquid suum esse dicebat, sed erāt illis omnia cōmunia. Et paulō pōst: Possessores agrorum aut domorum vendentes, afferebant pretia eorū quæ vendebant, & ponebant ante pedes Apostolorum. Diuidebatur autē singulis, prout cuiq; opus erat. Subiungit etiam, Iosephum Barsabam cognominatum, agrum quē habebat vendidisse, pecuniāq; Apostolorū conculcandam pedibus apposuisse, vt scilicet ea contēpta, agrum sibi illum de Euāgelio parare posset, in quo absconditus est thesaurus regni cælorum. Nunc qui
Iosephus
Barsabas.
Marth. 13.
 deinde horum vestigia sunt sequuti, ordine referamus.

G R E G O R I V S antequā Pontifex, vrbis Romæ Senator erat, neque diuitijs minus, quā nobilitate potens, in Sicilia sex monasteria sua impensa construxit, Romæ vnum, paternas auitasq; ædes in illud commutans, in quod se quoque ipsum conferens, viritimq; indigētibus dispertito, quicquid bonorum reliqui fuerat: ex nobili humilis, ex diuite pauper factus, monachi vitam duxit, donec cōmuni Patrum populiq; consensu, ad pontificale culmen vel inuitus meruit promoue-
Gregorius
PP.

ri, multò glorioſius à Domino promouèdus in cœlum, pro cuius amore dilargitus fuerat terrena. *Io. Diacon. in vita Gregor. lib. 1.*

*Nicolaus e-
piſcopus.*

E A D E M cupiditate in distribuèdis opibus ardens Nicolaus Myreæ vrbis Episcopos, cùm Patarę Lyciæ opido patri matrisq; vnicus eſſet, eiꝝ hęreditas ſatis ampla ſatisq; commoda obueniſſet, nihil prius animo agiſſe dicitur, quàm quo pacto diſtractis in pauperum alimenta rebus, expeditius liberiusq; ſoli Deo obſequeretur atq; deſeruiret. Hinc illud memoratu digniſſimũ: Quòd dũ vicinus quidã, vrgente in ſcelus inopia, proſtitutis trium natarum corporibus, victum ſibi quęrere decreuiſſet, ille accedens domui eius nocte intempeſta, vt eleemoſyna in occulto fieret, tantũ auri per fenestrã iniicit, vt & inde virgines honeſtè locarẽtur, & pater ipſe in ſpẽ ſuſtẽtandi ſe nõ iniquã ſimul deueniret. Nicolao verò, quoniam bona ſua prudenter diſpenſauerat, eccleſiaſtica credita ſunt, & in Episcopum Myreæ diuinitus eſt electus. Ac poſt breuiſſimos vitę huius labores, ad æternam vocatus eſt quietẽ, dicenſe Domino: Euge ſerue bone & fidelis, quia ſuper pauca fuiſti fidelis, ſuper multa te conſtituam in gaudium domini tui. *Ioan. Diacon. Sur. Tom. 6.*

Matth. 25.

*Abraam E-
remita.*

A B R A A M quoque Ægyptius non minus grandem (iam deſeſſis ætate parentibus) hęritatem mox aditurus, non expectauit, ſed vt erat nudus, diſcedens in ſolitudine ſibi cellam conſtituit. Deinde illis vita deſunctis, cùm ad capiendum tantarum opum patrimonio vocaretur, tanti illud fecit, vt loco pedem nõ efferret. Porro per procuratorem ita egit, ne quid ſibi reliquum foret, ſed rebus diuenditis, pecunia omnis mendicantiũ turbę, viduiſq; & pupillis diuideretur. Igitur diuitias & cùm non haberet, cõtẽmpſit, & cùm haberet, ne reſpexit quidem, ſed alteri dilargiendas commiſit, maiores diuitias exiſtimãs Chriſti paupertatem. *Effren in viſis SS.*

HILA-

HILARION Palæstinus (sicut de illo Diuus Hie. *Hilari^{us} Ab*
ronymus literis commendauit) parentibus defunctis, *bas.*
partem substantię fratribus, partem pauperibus largitus est, nihil sibi omnino referuans, Dominicę sententię memor dicentis: Qui non renuntiauerit omnibus quę habet, non potest meus esse discipulus. Erat autem annorum xv. cum sic nudus & armatus in Christo solitudinē ingressus est, sacco tantū & pelliceo pallio mēbra coopertus. *Hieron. in vita Hilarion.*

BENEDICTVS verò ille Abbas, qui viuēdi for *Benedict^{us}, Ab*
mulas (quas nunc plerunque sequuntur Monachi) scri- *bas.*
ptas edidit, à parētibz ex Nursia Romā ad excolēdum liberalibus disciplinis ingenium missus, impubis adhuc ac penē puer, altius quā ea cōsueuit etas, diuinitus inspiratus, cogitans literarum studia, Romā ipsam parētesq; deseruit, vixitq; solitarius, orationem studijs, Romę eremum, parentibus preponens Christum. *Greger. Dialog. 2. cap. 1.*

PARI puer admiratione dignus mihi videtur *Niuard^{us}*
Niuardus Bernardi Clareuallensis frater. Qui postquā ipsum reliquosq; omnes, Cecilino patre, & Aletha matre scq; relictis, ad Religionē aspirare videret, maluit abeūtes sequi, quā paterna in domo hæres ex asse futurus manere. Illi enim proficiscentes, paruulo inter æquales in foro ludēti dixere: Niuarde frater, nunc te solum totius summa respicit patrimonij: nos namq; ius omne vni tibi cedentes, Christum sequimur. Tunc ipse: Cælū vos ergo possidebitis, inquit, ego terram? Nihilq; moratus post eos adiit monasteriū, vt potius coelestes cum fratribus, quā cū parētibz manēs diuitias obtineret terrenas. *In vita Bernard. lib. 1. c. 3.*

S E D quid de illis dicam, qui matrimonio copulati *Germanus*
effecēre, ne coniugatis tam sanctę conuersationis adiutū minus patēre putaremus. Germanus Antifiodorēsis Burgundię Præfectus, ingenuisq; artibus apprimē eruditus, pari cum vxore castitatis religionisq; suscepto

voto, magistratum vltro deposuit, & tantas opes, quā-
tas ea præditus dignitate habere poterat, pauperibus e-
rogauit, nihilq; sibi quicquā reliqui fecit, tunica, cu-
culla, cilicioq; contentus, vt lucrifaceret Christum. *Hen-*
ricius Monach. ad Car. Caluum. & Sur. Tom. 4.

Gallicanus.

GALLICANVS quoq; Romani dux exercitus,
postquā Scythis Dacisq; & Thracibus pugna supe-
ratis, Constantiā Constantini Augusti filiam coniugem
sibi pactā victor accepisset: ab ea conuersus Christianus.
q; factus, cōtinuo dignitatis abiecit insignia, detrectauit
militiā, & quicquid plurimorū annorū stipendia, victo-
riæq; parauerant, repente sustentaculū fit debiliū. De-
niq; sponsam virginē, forma insignē, & quod maius est,
Imperatoris filiam relinquens intactā, humilis, pauper,
castus, voto se obligauit Religionis. Neque illi tam ma-
gnificū fuit hostes vincere, quā quæ affectus fuerat,
honore, opes, voluptatesq; contemnere. Illud enim ho-
minis est, hoc supra hominē. *Teren. in pass. Ioan. & Pauli.*

Leonardus.

SED nec Leonardus natione Gallus silentio est
prætermittendus, qui inter aulicos Regis primo locō
habitus, relicta Regia, dilargitisq; facultatibus religioni
se tradidit, monasticisq; sacris initiatus in Aquitaniam
est profectus, atque operam prædicationibus dedit,
haud dubiè stabiliorem amplioremq; seruitij sui mer-
cedem à cœlesti Domino accepturus, quam receperat à
terreno. *Iacob. Ianuens. Episc. in Legend.*

*Lupus episco-
pus.*

NON minus memoratu dignus, Leonardoq; ali-
quantō maior, siue fortuna spectetur, siue genus, Lupus
Senonū tandem Archiepiscopus nunc occurrit. Siqui-
dē regia stirpe in Gallia ortus, nobilitatē æquauerat di-
uitijs. Sed dū indeficientē in cœlo thesaurum sibi cōpa-
rat, eas pia in pauperes largitate libèter effudisse, nō tā li-
beralis, quā prudētis hominis esse existimauit. *Sur. To. 5.*

Egidius.

EGIDIVS Atheniēsis & ipse regio genere nobilis
dum adhuc sub tutela patris etatē ageret, medico egro-
tanti (quoniam aliud quod daret non habebat) se ipsum
despo-

despolians, proprium amiculum dedit. Quo quidem ille indutus (tantum donatoris misericordiae meritum fuit) est vestigio sanus consurrexit. Postea vero quam defunctis parentibus liberam suscepit honorum possessionem, tam prompto animo omnia egenis dispersiuit, ut ea non prius habuerit, quam donauerit. Sed iam ad eos veniamus, qui non modo priuatis opibus, verumetiam maximis regnis in terra renuntiantes, digni fuerunt qui cum Christo regnarent in coelis. *Fulbert. Carnoten.*

POLEMVS potentissimus Indorum rex Bartholomaei Apostoli praedicationibus ad fidem conuersus, atque baptizatus, relicto Imperio, eidem constanter adhaesit, discipulusque maluit esse Apostoli quam Indiae dominus. *Polemus.*
Abdias in vita Bartholom.

IOSAPHAT quoque Indiae rex Auenir regis filius, Barlaam eremite salubri persuasum fide amplexus Christi, postquam omnes qui suae ditionis erant baptismatis gratia renouandos diligenter curasset, coedificatis vicatim ecclesijs deposuit regnum, nihilque secum ferens nisi mundanae gloriae contemptorem animum, secessit in solitudinem. Cum enim in urbibus adhuc sine honore esse non posset ab hominum frequentia procul se habendum decreuit, iunctusque ipsi Barlaam, vitam traduxit in eremo quae dicitur terrae Senair. Itaque quae urbis instar regia vix capere poterat, angustum informis speluncae tenuit habitaculum: & qui tot populis, totque gentibus imperitauerat, vnius hominuli praecipis obediuit. *Iosaphat.*
Dama. lib. de Barlaam et Iosaph.

AT NON solum susceptum sceptri honorem deponere propter Christum, sed etiam oblatum refutare, exemplis admonemur. Etenim Iudaellus Britanniae rex cum monasticam vitam ducere in animo haberet, Iudoco fratri voluit tradere regnum. Ille itidem ad Dei aspirans seruitium, ne quod ultro offereretur, vel inuitus suscipere aliquando cogeretur, claudinde profugit, atque ad ripam Alzei fluminis in agro Potinij constructo paruo, humilique tugurio solitarius habitauit. *Iudocus.*
I nunc, vana & stulta mortalitas per

cædes & parricidia, quære tibi dominatum, quem sanctissimi viri tam vili habuerunt, vt alter deponere vellet, alter recusaret accipere. *Florent. Abb. Rodolph. Agricola. in vita Iudoci.*

Fæmine. IN HOC sanctitatis genere, Fæminæ quoque æternæ sibi laudis locum vendicant, eundem affectum, quoniam & eodem impulsæ spiritu, in terrenis rebus contemnendis præ se ferentes.

Euphrasia. EUPHRASIA Romana, genere nobilis, opibus pollens, ætate florens, forma præstans, post mortem viri Antigoni neque rursus cuiquam nubere voluit, licet multum suaderet Theodosius Augustus, neque Romæ manere, quamvis & patria esset & orbis Domina, neque diuitias possidere, tametsi honestissime posset. Prociis repulsam dedit, mare transiit, ad Thebaidem venit, & eò loci confidens, quicquid secum attulerat facultatum, partim erogauit egenis, partim Ecclesijs, neque aut sibi, aut filiæ paruulæ Euphrasiæ quicquam residui fecit. Quinimò moriens eidem in monasterio manenti sollicitè iniunxit, ne tardaret, quod reliquum Romæ fuerat, simili liberalitate vt distribuatur, curare. *Sur. Tom. 4. & in vitis Patrum.*

Paula. PAVLA etiam Romana tanta quidem in hac parte ac talis sese offert, vt non alio ore satis dignè laudari queat, quàm quo laudata est. Quid enim haberiùs elegantiusve ab vllò vnquam afferri possit ijs, quæ de illa Diuus Hieronymus literis commendauit? Sed quæ ad rem spectant quam nunc tractamus, hæc sunt: Paula, inquit, nobilis genere, sed nobilior sanctitate, potens quondam diuitijs, sed nunc Christi paupertate insignior, Gracchorum stirps, soboles Scipionum, Pauli heres cuius vocabulū trahit, Martiæ Papyriæ matris Africani vera & germana progenies, Romæ prætulit Bethlehem, & auro tæcta fulgètia, informis luti vilitate mutauit. Post hæc discessum eius ab vrbe describès, ait: Descendit ad portū, fratre, cognatis, affinibus, & (quod his maius

maius est) liberis prosequantibus, & clementissimā matrem vincere pietate cupientibus. Iam carbasia tendebatur, & remorum ductu naus in altum protrahabatur. Parvulus Toxotius supplices manus tēdebat in litore. Ruffina iam nubilus vt suas expectaret nuptias, tacens fletibus obsecrabat. Et tamen illa siccos oculos tendebat ad cœlum, pietatē in filios, pietate in Deum superās. Nesciebat se matrem, vt Christi probaret ancillam. O magni animi fœminam, & tanto virtutum suarum præcone dignam, quantus fuit ipse Hieronymus. *Epir. Paulæ. Hieron. in Epist. Si cuncta.*

PARIS propositi, nec minoris constantiæ fuisse cre
 ditur Elizabeth Pannonum regis filia, quæ Lantgrauio Turingiæ Regulo nuptui data, deinde marito Ierosolymis peregrè defuncto, ab ijs qui eius Tetrarchiā hæreditario acceperant, nequiter eiecta maleq; habita, quasi rem viri sui dissipasset, quoniam in dandis eleemosynis minus parcā fuisse dolori erat auaris animis, cū vix tandem dotalia ab illis extorsisset bona (ea erant duo millia pōdo argēti infecti, facti cēlatiq;) pauperū & peregrinorum satis amplū in Marupre construxit receptaculum. Ibiq; ijs humiliter ministrando, quantō se inter mortales fecerat viliores, tātō sublimius inter Sanctos & electos postmodum fuit exaltata. Cōstantis verō animi haud obscurum argumentum fuit, quod cū à patre, vt in Pannoniam rediret, missis nuntiis plurimū sollicitaretur, nunquam acquieuit, malens alienigenarum opprimi iniurijs, quàm suorum illectationibus blādimētis ve deliniri. Denique orasse Dominum dicitur vt contemptis omnibus, liberorum etiā, quos propinquus commendarat, abiecta cura, ei solitoto corde, totusq; viribus famularetur ac deseruiret: & responsum accepisse, preces suas esse, vt petierat, exauditas. Adeo illi omnia extrema potius pati, quàm à seruitio Christi dīcedere, certum ac deliberatum erat *Conrard. Concionator S. Elisabethæ.*

Kunegūda.

SI TAMEN relictarum rerum metiri voluerimus magnitudinem, non animū : omnium Christi ancillarum parem, priores partes dabimus Kunegundi Henrici Imperatoris coniugi. Quæ cum summum dignitatis locum adhuc inter principes foeminas retinere posset, defuncto tamen Henrico, ingressa ecclesiam, inspectante populo abiicit imperialia ornamenta, & religionis induit habitū. Maluit enim, abiecta vivere in domo Domini, quàm sublimis versari in tabernaculis peccatorum. *Sur. Tom. 2.*

De elemosynis faciendis. Cap. II.

Danie! 3.

SED ne nimius sim in huiuscemodi exemplis recensendis, cum multa præterea sese offerant: non incommode nūc ad elemosynas trāsītū fecerim, quando & eiusdem generis sint, & ad omnes prorsus spectēt, latissimèq; pateant: cum etiam peccatori dictum sit. Peccata tua elemosynis redime, & iniquitates tuas misericordijs pauperū. Verūm ut in reliquis omnibus, ita & hac in parte tuissimū erit Sanctorum niti exēplis, ne vel in dando manus errer, vel in supputando mens vacillet, vel in largiendo inani ostentatione elatus animus liberalitatis amittat mercedem, dum hominibus magis quàm Deo placere studeat.

*Iohannes
Apostolus.*

NE QVE enim immeritò Cratonem Philosophū, dū Ephesi contempendarū opū ederet spectaculū, gentī mas immodicæ æstimationis contudentē, à Iohanne Apostolo reprehēsum ferunt. Nā si pietati magis, quàm gloriæ stucuiisset, nunquā profectò illas contriuiisset, sed potius venditarum pretio indigētibus succurrisset. Quā quidē sententiā & ipse postea est secutus. Lapillis quippe ab Apostolo pristinae integritati restitutis, miraculo ad fidē Christi conuersus, quod ad suā ipse iactātiā instituerat, ad proximorū vertit vsum, iā satis doctus, Sapientia huius mūdi stultitiā esse apud Deū. *Abd. in vita Io.*

*Thomas
Apostolus*

THOMAS autē Apostolus ad Condophorū Indiam

dix regem pro architecto nō terreni (vt ille putauit) sed
 celestis ædificij missus, cū magnā pecuniæ vim in æ-
 dificandę regię sumptus accepisset, profecto in aliā pro-
 uinciā rege, argentum omne pauperibus diuisit. Quod
 vbi innotuit regi, vinctus ductus est in carcerē. Interim
 Gød frater regis elatus, cū die quarto reuixisset, testa-
 tus est, vidisse se in cœlo mirabilis structurę basilicā gē-
 mis auroq; fulgentē, atq; audisse à Thoma Regi condi-
 tam, nisi ea se ipse fecerit indignū. Rex itaq; rediuiui fra-
 tris, tū miraculo attonitus, tū verbis permotus, Apo-
 stolum vinculis liberat, Christū prædicanti credit, & cre-
 dēs intelligit, nō in terra, sed in cœlo eleemosynis parā-
 da esse mortalibus habitacula. *Abdias in vita Thom.*

NEC secus quidē sentiens Osualdus Britāniæ Rex *Osualdus:*
 miserorum turbam quotidie ad se in atrium confluen-
 tium alere solitus perhibetur: & cū die quodam ma-
 ior esset mendicantium multitudo, quā ciborum co-
 pia, ne eos qui superfuerant vacuos dimitteret, totidem
 argenti fragmentis, escaria lance comminuta, donauit.
 Fortē aderat Aidanius Lindisfarnensis episcopus. Et libe-
 ralitatem miratus, apprehensam Regis dexteram dum
 deosculatur, ait: Tam promptam in dando manum se-
 nescere prorsus non debere. Hinc aiunt adhuc integrā
 in monumento illibatamq; ostendi, vt quā meritō
 id olim ab Episcopo prolatum fuerit, tam certus euen-
 tus testis etiam posteris foret, & nemo vnquam dubi-
 tarēt, ipsius animum fulgere in cœlo, cuius corporis
 partem tot iam annos incorruptam permanere cerne-
 ret in sepulchro. *Bed. h. ß. Eccl. Angl. lib 3. Cap. 6.*

EVPHEMIANVS quoque Romanus & Aglaë *Euphemia.*
 vxor eius, quum diuitijs pollerent, nec prolem vllam *uni & A-*
 habere possent, quotidie positis triclinijs pauperculos *glæ.*
 domi conuocatos reficiebant, proprijs manib; mi-
 nistrantes. Quibus pietatis officijs meruerunt parentes
 fieri sanctissimi viri Alexij. Quo vnico cōtenti, deinceps
 continentiam inter se perpetuō seruauerunt. Tot igitur
 fructus

fructus produxit eleemofyna, vt sterili partum daret, partui sanctitatem, parentibus castitatem, omnibus paradisum. Talem pietatis cultum ne in Ethnicis quidem sine vitæ æternæ retributione marcescere passa est Diuina clementia. *Metaphrast. in vita Alexij.*

*Cornelius.
Acto. 10.*

CORNELII namq; Italicæ cohortis Céturionis eleemofynæ (vt in Actibus Apostolorum legimus) adscenderat in memoriam in conspectu Dei, atq; ad illum adhuc Gentilem, Angelum de cœlo, Simonem Petrum ab Ioppe Cæsaream vsque euocarunt, dignum vtique reddentes, qui cum Angelo colloqueretur, ab Apostolo baptizaretur, à Spiritu sancto priusquàm baptizatus sit, visibiliter illustraretur. Adeo vt & qui aderant ex circumcissione fideles, mirati sint, Spiritu sancti gratiam etiã in Nationibus esse effusam, & Petrus in veritate se comperisse dixerit, quia non est personarum acceptor Deus, sed in omni gente, qui timet Deum & operatur iustitiam, acceptus est illi.

Eustachius.

EADÉM quidem de causa & beatum Eustachium tradunt ex Gentili Christianum factum, ex Christiano Martyrem immortalitatis palmam assecutum. Cæsaris enim Traiani temporibus Magister equitû super cornibus cerui, quem venando insecutus fuerat, Christum in Cruce fulgentem videre meruit. Qui dum ob ipsius erga inopes beneficia ei se apparuisse diceret, & mysteria veritatis reseraret, credentem baptizari iussit: Vt qui charitate iuuerat miseros, fide inter verè felices recipi idoneus foret. *Damascen. lib. 3. de Imag.*

Luce. 19.

Zachæus.

IGITUR cùm hæc ita sint, quis mentis compos non iam, excussa tenacis auaritiæ compede, ad liberalitatem gradû feret: & de ijs, saltè aliquid quæ suæ supersunt necessitati, aliorum indulgebit inopiæ? Zachæus publicanorum princeps & ipse diues, eodem die, imò eadem hora, qua se bonorum suorum partem dare dixit pauperibus, oraculum accepit: salutem factam esse domui suæ, scq; nō iam inter publicanos & peccatores, sed inter

inter Abrahæ filios computari.

A T C O N T R A diues ille purpuratus, quia luxurie suę deditus, Lazari pro foribus iacentis non respexit erumnas, impietatis poenas tulit sepultus in inferno. Et qui dudum panis micas de mensa cadentes, non concesserat mendicanti, nec ipse postea in igne positus, vel vnā aquę guttulam, qua linguam refrigeraret, valuit impetrare. Quoniam sine misericordia iudicium fiet illi, qui non facit misericordiam. Et qui obturat aurem suam ad clamorem pauperis, & ipse clamabit, & non exaudietur. *Luce. 19. Diues purp. ratus. Luc. 16. Iacob. 2.*

S E D non talia Bernardinus ordinis Minorum secunda gloria, qui cū parentibus orbatu sub Dianę materterę tutela degeret, & virenti adhuc etate futurę perfectionis floreret signis, prandiolum suum cum pau perculis partiri consueſſe dicitur. Et dum in panario die quodam vix qui domesticis sufficeret, panis extaret, ac materfamilias mendicanti defectum, qui tunc casu affuit, excusaret: eam Bernardinus tam diu orare non destitit, donec exorauit, id saltem petenti concedi, quod sibi reseruabatur, affirmans semet esurire malle, quā esurientem non pauisse. *Bernardinus. Sur. Tom. 3. fol. 365.*

DOMINICVS Hispanus dū Valentię bonis artibus perdiscendis operā daret, ciuitas annonę caritate laborare cœpit. Ille multorum famem miserans, cū pecuniā non haberet, qua indigentibus pro tēpore subueniret, libros vendidit: nec dubitauit literarū studijs studium præponere pietatis. Et quoniam scriptum est: Qui pronus est ad misericordiam, benedicetur: ad tantā deuenit perfectionem, vt Ordinis Fratrum Prędicatorum fieret Author. *Dominicus. Prover. 22. Sur. Tom. 4.*

N V N C sanctorum Sacerdotum munificentia refertur, vt Ecclesiarum Prępositi, pensionum atque prouentuum, qui vel Episcopatus, vel alio id genus titulo censentur, dispensatores se, non possessores esse, agnoscant.

SYL

Syluester
P P.

Iacob. 1.

Clemens
P P.

Gregorius
P P.

Idem.

Idem.

SYLVESTER Pontifex, viduarum & orphanorum, reliquorumq; Christi pauperum nomina in codicillo seriatim descripta lectitabar, neque die vllò præteriret, cuius miseriam æqua ope nō iuuaret, seruans illā religiositatis vitæq; mundiciē, de qua Iacobus Apostolus ait; Religio munda & immaculata apud Deum & Patrē, hæc est, Visitare pupillos & viduas in tribulatione eorum, & immaculatum se custodire ab hoc seculo. *Io. Gerson.*

HOC idem ante eum & Clementem Pontificem factitasse tradunt, sed ita, vt etiam ad longinquas regiones transmitteret indigentibus subsidia. Neminem ex ijs, quos ad veritatem ab errore conuerterat, passus est mendicare, vt qui se autore iam Christo viuerent, se quoque adiutore famē non timerent. *Simo. Metaphrast.*

VERVM ijs vt sciētia præstantior Gregorius & dignitate par, ita sanctitate vitæ nō inferior, nō contentus vulgi tantum subuenire inopiæ, omnibus vbiq; Christi seruis, quātū Romæ cēsus ecclesię suppeditare potuit, necessaria ministravit, & ministrādo effecit, vt in monasterijs monachorum cresceret numerus, in solitudine degentibus incommoda solitudinis minus graua forent, per Syriā dispersis & in Syna vsq; habitantibus Roma nō ita multū abesse, vt abest, videretur. *Io. Diacon. lib. 2. cap. 24.*

AD eundem etiā, dum adhuc Abbatis officio fungere retur, venisse quendam atq; elemosynam poposcisse legimus, quod senafragiū fecisse diceret: & cum sex numos ab eo accepisset, mox reuersum, totidē pari facilitate (tāta erat largitoris benignitas) impetrasse. Per eundem deinde rursum accessisse lamentantē, minimū quid pro ijs, quæ in mari amiserat, sibi fuisse emedicatum, proinde ad opē eius implorandā, iterū atq; iterum necesse se habere confugere. Tunc murmurāte multum dispensatore ac dicente: Iam aliud nihil, quod dari possit, præter argenteam lagunculam in monasterio restare, continuō eā ipsam à Gregorio tradi iussā. *Io. Diacon. lib. 2. ca. 23.*

CÆTÈRVM Gregorius haud multō post summus

mus Pontifex designatus, cum duodecim tantum peregrinos pauperes, in illis Apostolos Domini veneraturus, inuitari præcepisset, discumbentes intuitus, præstituto numero unum superesse animaduertit: & cum inuitatorem criminis argueret, quod plures quam iussus fuerat conuocasset, ille è contrario nequaquam plures esse asseueraret, eos de integro considerare coepit, atque eum ipsum, quem ut solus videre potuit, ita solus residuum esse adnotarat, subinde mutari deprehendit, & modò iuuenis, modò senis specie vultu præferre: tali ostento attonitus, silentium tantisper tenuit, donec peracto conuiuium seorsum euocatum, quisnam esset interrogauit. Ille se non hominem, sed Angelum esse respondit, cui aliquando sumpta naufragi forma medicanti, ipse & pecuniâ & argenteâ lagunculâ largitus esset. Cumq; subiunxisset, tum demum illum à Deo electum, qui præesse Ecclesiæ post Pelagium Pontificem deberet, è vestigio tenues dilapsus in auras conspectum eius dereliquit. Gregorius igitur quoniam neq; sapius petentis procacitate sic offendi potuit, ut non misereretur, neque monasterii sui tenuitate sic deterreri, ut petenti aliquid non tribueret, dignissimus iudicatus est, cui vineæ Dei manu plantatæ, & mundi per Christum saluati cura regimenq; committeretur. *Id. Dia. in vita Greg. lib. 2. cap. 23.*

NON dissimile benignæ liberalitatis exemplum de Iohanne Alexadrino Patriarcha ab his, qui vitam eius conscripsere, memoratur. Nam (ut aiunt) cum aliquando mendico sibi obuiam facto sex nummos dispensatorem dare iussisset, ille acceptis diuertit paululum de via, & progredientium præuertens vestigia, gestu, habituq; aliū mētutus, alios sex, non quia non agnosceretur, accepit, sed quod talem nactus fuerat datorē, qui etiam deprehensa dolositate manū poscenti subtrahere nesciret. Et iam tertio pari astu uso, cum Patriarcha duplicatam pecuniam numerari præcepisset, succlamare dispensator in malitiam hominis coepit. *Conuersus verò*
Iohan-

Iohannes Patriarcha.

Iohannes: Tace, inquit, fili . nam fortasse hîc Dominus noster est Iesus Christus, periculum nostri faciens, an tãdem offensi crebris repetitionibus cessabimus misereri. Hic, quia maximè in dando propèsi animi erat, cognomento Eleemosynarius dictus fuit. *Levntius Episc. in vitis SS. Patrum.*

Idem.

IDE M pauperes non aliter quàm Dominos suos appellare solitus dicitur . Et cùm à diuite quodam vile ac sordidum grābatuli sui tomentum miserante, plumeam culcitram dono missam accepisset, vbi primùm ea substrata cubavit, noctem illam totam insomnem egit, identidem ingemiscens, mollius tunc se iacere, quàm Dominos suos. Cumq; illuxisset, culcitram venūdari, pecuniam pauperi erogari mandavit. At diues ille ab emptore redemptam iterum misit, precatus ne munus suū vltrā venale haberet, sed eo ipse frui vellet. Verùm diuitis preces superabat Patriarchæ in egenos misericordia, neque vlllo modo Iohannes tenere se potuit, quin rursus itidem faceret vt prius. Diues autem iana secūdò recuperatā eidem referri iussit: videbimus, dicens, vter nostrum citius defatigabitur, tu vendēdo, an ego redimendo. Ille ioculo dicta modesto admodū risu excipiēs: Deo gratias ago, inquit, quodd inituri simus certamen diuiti salubre, pauperi commodum, mihi iocundum. Itaque quoties id muneris missum sibi accepit toties vendendum curavit, vt inde Dominis suis, id est Christi pauperibus subuenerit, faciens sibi sacculos qui nō veterascunt, thesaurum indeficientem in cœlis, quod fur non appropriat, nec tinea corrumpit. *In vitis Patrū.*

*Vrbanus
P P.*

RES etenim, quæcunque in sinu miserorum recōduntur, illuc inferri palā testatus est Pontifex Maximus Vrbanus, à quo cùm Cēciliæ martyris thesauri, quos dispensandos acceperat, quærerentur, quoniam eos iā indigentibus impenderat, ait: Cēciliæ thesauros pauperum manus in cœlum sustulerunt. *In histor Cēciliæ.*

Laurentius

LAVRENTIVS quoque Leuita à Decio tyranno

no questione agitatus, vt argentum indicaret, quod Philippum Philippi Augusti filiū olim Ecclesiæ obtulisse constabat, protensa in pauperes manu, quibus iam dudum erogatū erat: Apud hos, inquit, Philippi argentum depositum seruatur. At Decius sibi proculdubio illud putauit, quia vbi veræ diuitiæ essent & vera gloria, ignorauit, *Prudent. in Peristeph. & Ambr. Off. lib. 2.*

C V I V S quidem gloriæ cupiditate quondam flagrans Abbas Soranus, Longobardis Italiam vastantibus, redimere captiuos, & eos, qui amissis rebus prædæ superfuerat, iuuare non destitit, donec latronum gladijs, Ecclesiæ thesauros ab eo frustra quærentium (quoniam iam nulli erāt) confossus occubuit. Eo corruente, terra tremuit, testata (credo) tam pium hominem tam impiè cæsum non oportuisse, nisi ad pietatis mercedē cumulus accederet corona martyrij. *Gregor. Dial. lib. 4. c. 22.*

C E L E B R A T I S S I M V S in hoc laudis genere Martinus, nec à nobis nunc silentio prætermittendus est. Cuius pietatem militis adhuc, an iam Turonensium Episcopi, magis mirer, incertus sum. Constantino & Iuliano imperantibus, stipendia faciebat, quando brumæ tempore pauperis nuditatem dimidiatæ chlamydis suæ parte operuit, Et in quiete Christum se in paupere texisse agnouit, dum eadem illa lacinia indutum cernit, dicentemque audit: Martinus adhuc catechumenus, hac me veste contextit. *Seuer. Sulpitius, circa principium.*

P O S T E A verò Turonensium Episcopus factus, cum in vestibulo Ecclesiæ offendisset hominem detrita lacerna seminudum, in sacrarium euocato, tunicam quam sub pallio solam habebat, dedit. Allato sibi demum collobio, indutus ac superindutus podere, reliquisq; sacerdotalibus ornamentis, dum sacra peragit, atque inter agendum ambas suppliciter manus ad cælum tollit, delabèribus lineis manicis brachia nudata ostendit. Sed prius quàm ea demitteret, amicta apparuere tegumento ornatus supra modum mirabilis oppidoque stupendi. Vt scilicet miraculo admo-

DE ELEEMOSYNIS

niti crederemus, eum qui indigentes vestierit, vestierum celestis glorię lumine, cum Dominus Iesus Christus transformabit corpus humilitatis nostrę, cōfiguratum corpori claritatis suę. *Seuer. Sulpit.*

Philip. 3.

Paulinus.

SE P quid de Paulino Nolanę vrbs Episcopo dicam? qui depopulata Campania Wandalorum excursionibus, cum in redimendis captiuis cuncta cōsumpsisset, seipsum quoque in eleemosynam tradidit. Profectus enim in Aphricam, vicaria seruitute redemit viduę Nolanę filium. Olitoremq; se fecit barbari domini, vt matrē vnici amissione consternatā, eo recuperato consolaretur. Iactent se, qui volunt facultates nō modicas in pauperum vsum impendisse. Ecce qui omnia impenderat, inuenit pręterea, quemadmodum inops factus, omnium diuitum eleemosynas superaret. Cęterū misericordię remunerator Deus, virum tanta pietate pręditum, non est passus diutius iugo pręmi impiorum. Contulit illi prophetię spiritum, quo afflatus cum prędixisset regem in proximo moriturum, diuinationique respondisset euentus, tantę admirationi fuit, vt statim libertatem sibi acciperet, alijs impetraret. Pro vnus liberatione se in seruitiū obtulit, sed cum omnibus simul qui è Nola abducti fuerant, liberatus, frumento insuper nauibus imposito, ad patriam postliminio redijt, pristinęque dignitati honorificentissimē fuit restitutus. *Aug. de Ciu. Dei. lib. 10. c. 10. Gregor. Dialog. lib. 3. c. 1. Prosser. lib. 2. cap. 9. vit. contempl.*

*Serapion
Monachus.*

SERAPIONIS quoque Monachi eleemosynę haud minori cōmendatione dignę, si donantis tantum animus perpendatur, nō etiam doni magnitudo. Cum enim nihil pręter tunicam, & pallium, & Evangeliorum Codicem haberet, duobus pauperculis obuiā factus, alteri pallium, alteri tunicam dedit, & cum nudus sederet, interrogatus quis eum despoliaffet, protento codice illo quem manu tenebat: hic, inquit. Iterū alios mendicantes conspicatus, etiam codicem vendidit, & vēditi pretium illis distribuit, dicens à Domino pręceptum esse: Vende omnia quę habes,

Mar. 10.

bes, & da pauperibus. Necdum se istud impleſſe putauit, *Lac. 11. 2.*
donec ſemetipſum quibuſdam Gentilibus vendidit, ita
tamen vt ipſos Domino lucraretur. Cumq; eos ad Chri-
ſtum conuertiffet, pecunia quam acceperat ſe redemit.
Rurſum idem Lacedæmonia feciſſe dicitur, eodem ſuc-
ceſſu, conuerſo diuite quodam ac principe viro. Poſt talia
charitatis officia in Abbatem electus apud Arſinoën, de-
cem millium Monachorum pater fieri meruit, & qui om-
nes præbat pietate, omnibus præeſſe dignus fuit. *In vitis*
PP. Palladius hoc refert de Beſarione.

AEQVÆ pium virum & Petrum Conſtantinopolita- *Petrus Telo-*
num cognomento Telonarium fuiſſe ferunt, ſed tantò *narius.*
maiori admiratione dignum, quantò ante conuerſionem
vixit nequius. Cùm enim opum copia redundaret, dubi-
tatum eſt, utrùm ditior, an auarior eſſet. Hinc inter men-
dicos ortum eſt certamē: vnus profitebatur ſe ab eo elee-
moſynā eliciturū, cæteri id omnino fieri poſſe negabant.
Qui ſe facturū promiſerat, acceſſit cū multo precū ambi-
tu, & dū hominē auertentē ſeſe vrgere coepiſſet, in iram
concitauit, ita vt furore ardens repentē arreptum panem
(panes autē caſu ancilla è fornace domū coctos referebat)
in faciē precantis intorqueret, qui cū declinaſſet ictum,
ſublato pane diſcedens, ſe tandē voti ſui cōpotem factum
ſocijs nuntiauit. Petrus verò poſtea aduerſa valetudine
agitatus, cū poſtremò horis aliquot exanimus iacuiffet &
reuixiſſet, narrauit ſibi interim viſum fuiſſe, ſe ante tribu-
nal Dei in cælo ſiſti, ab alijs accuſari, a b alijs defendi, in al-
tera libræ lance peccata quæ commiſerat appēdi, in altera
vnicū panem illū, quem ipſe quondā proiecerat iratus. Et
cū exæquatū vtrinq; pondus ſtaret: reuerti, ac panī ſu-
peraddere aliquid quod præponderet, ſi multi reatus ſup-
plicia cuperet euadere, ſibi iuſſum. Itaq; cū cōualuiſſet,
quæ cupidè cōſtauerat, liberaliter coepit effundere, nemi-
nē indigentū opis ſuæ expertē fieri paſſus. *In vitis Patrū.*

D I E quodā cū cōſpexiſſet hominē attrito laceroque *Idem.*
amictū tantū, non nudū, ad ſe euocatum veſte qua ipſe

induebatur, donauit. Eā pauper (quia honestior erat, quam
 vt personæ suæ conueniret) in forum delatum vendidit.
 Quamobrem Petrus se indignū ratus, cuius vestibus pau-
 per tegetetur, animo vehemēter angi cœpit. Et dū doleret
 nocte infecuta vestimento illo indutum Christum vidit.
 Hoc somnio facile persuasum habēs, id Christo dari, quic-
 quid datur inopi, omnia dilargiēdo nihil sibi reliqui fecit.
 Nec sic quidē satiatus, Ierosolymam profectus, venū seip-
 sum dedit, vt haberet quo adhuc aliorū subueniret inopi-
 seruisq; factus est hominis, vt seruitutis pretium offerret
 Deo. Dixi dubitatum aliquādo, diuitijs, an avaritia, magis
 præstaret: nunc adijciam, & hoc incertum esse potuisse, an
 illis vtriusq; maior in eo deinde liberalitas fuerit, si idem li-
 beralitatis qui opū finis fuisset, & nō impensis facultatibus
 necessitati proximorum ipse semet etiā superimpēdisset.
 O verē mutatio dexteræ Excelsi, in vno homīne summæ
 cupiditati, summa successit munificentia. Quod si tantum
 panis cum iniuria datus efficere potuit, quid non efficiet
 benignē & cum charitate porrectus? *In vitis PP.*

Indocum.

SIC VTI porrexisse aliquando Iudocum legimus. Qui
 cū ad fluminis ripam in solitudine sibi domicilium con-
 stituisset, vno duntaxat discipulo contentus, partem quar-
 tam panis, quem tunc vnicum habebat, mendicātī dedit:
 mox iterum, & tertio, & item quarto, diuerso semper ne
 agnosceretur habitu, petitem reuertenti semper partē lar-
 gitus, nihil sibi, neq; discipulo, nisi certā in Domino spem
 dereliquit. Et dum hāsitantē discipulum consolatur ne de
 victu dubitaret, ei seruiens qui irrationabilia quoq; pasce-
 ret animalia, aspiciūt duos lēbos proximæ ripæ applicuisse
 vectore nullo. Cumq; comperissent omni cibariorum ge-
 nere, quo ipsi vesci solebant, plenos: Deo gratias egerunt,
 qui pro vno pane pauperi dato, tam vberem alimentorum
 copiam sibi sine cunctatione prouidisset. *Rodolp. Agricola
 carmine scripsit vitam Iudoci.*

Sabba

Monachus.

SIC & Monachus Sabba, dum Hilarionem Abbatem
 cum trium millium Monachorum comitatu venientem
 excipiens

excipiens in vinea sua ad vuas, quæ iam maturæ erant, inuitasset, & omnes earû pasto refocillati essent, vsque adeo multiplicatum inde collegit fructum, vt vinea, quæ integra centum lagenas æstimata fuerat, depasta trecentas redderet. *In vita Hilarion.*

OLIM huiusce rei exempla præmiserat Dominus nos Iesus, iubens Discipulos, vt turbis in deserto epulum darent. Quinq; panes & duos pisces, cum nihil aliud præterea haberent, discumbentibus apposuerunt. Atque vbi omnes pransi ac saturati essent, pro quinq; panibus, duodecim cophinos reliquiarû plenos retulere. Alias item de apposis septem panibus, & paucis pisciculis, cum multitudinem esurientem satiascent, septem sportas fragmētis, quæ superauerant impleuere. Vt experimento dicerent, nequaquam fallere eum, qui dixerat: Date, & dabitur vobis, mensuram bonam, & cōfertam, & coagitatam, & supereffluentem dabunt in sinum vestrum. *Luc. 6.*

HANC grandem vberemq; mensuram, non tam in terra, quàm in cœlo nobis repositam esse, non ignorauit Simon monachus Sitionis filius. Qui cum in cœnobio illo, vbi tunc manebat, in vesperum edēdi mos esset, viritimq; cibaria fratribus diuiderentur, sæpenumero nihil delibās, cœnulam suam integram seponebat, demū quàm poterat secretius pauperculis eò ventitantibus offerebat, hebdomadarum interdum inediam passus, vt alijs alimenta præbere posset. Et cum tot dies nihil gustaret, famem nō sentiebat, dum fami prospicit aliorum: Spem sibi certissimam extendens ad illud veræ felicitatis pabulum, de quo Psalmista ait: Satiabor cum apparuerit gloria tua, Domine. *Psal. 16.* Sumant hinc documentum ieiunantes, vt saltem cibo, quem sibi interdixerint, pauperes alant: aliopuī non ieiunare, sed impensæ parcere meritò videbuntur. *Euagr. Eccl. Hist. lib. 4. c. 33.*

NEC est vt causetur quis fortunarum suarum tenuitatem, Nemo tam pauper est, vt pietatem colere non possit. Seruulus mendicus erat, imò mendicorum miserimus, si

B iij tantum

DE ELEMOSYNIS

tantum sortis attendatur malignitas, non etiam animi patientia, qua sola poterat videri foelix. Hic (vt Gregorius in Dialogo refert) paralyfi resolutus, cum se prorsus mouere non posset, iacebat in carruca sub porticu Sancti Clementis Romæ, à prætereuntibus victum mendicans. Et cum elemosynis sustentaretur, quicquid in diem sibi residui erat, cæteris offerebat, nihili sollicitus in crastinum, sed quærens regnum Dei, & iustitiam eius. Quod quidem facile est adeptus, dum & suam calamitatem patienter fert, & miseretur alienæ. *Greg. Dial. lib. 4. c. 14.*

Franciscus.

FRANCISCUS Ordinis Minorum pater (quibus solis tantum possidere lex est, vt mendicare necesse sit) dum iter ageret, incidit in hominem, cuius vestimenta diutino vsu detrita, vix pudenda corporis operuerant, & nuditatem eius dolens substituit, suspirauit, ingemuit. Frater verò, qui illum comitabatur, quid, inquit, ita tristaris pater? etsi hic indumentis eget, forsitan abundat concupiscentijs. Tunc Franciscus fraterni erroris non dissimulatur, sed corrector, iussit protinus vt ille sua se tunica exuens pauperem tegat: & quod de ipso perperam opinatus fuerat, ab eodem veniam roget, ac tandem discat, nefas esse miserorum mores fugillare, indigentiam negligere. Vtinam talem subire cogantur mulctam, ne poenis grauioribus obnoxij sint, qui mendicos ob hoc solum interdum improbitatis arguunt, & increpationibus repellunt, vt quod eis subuenire nolunt, iudicij esse videatur, non impietatis. Nunc infirmioris sexus haud infirmiora exempla subnectam. *Bonavent. in vita Francisci. c. 8.*

*Femina.
Brigida
Abbatissa.*

BRIGIDA Abbatissa aliquando simul cum aliquot sororibus curru vehebatur, & occurrens pauperibus lignorum fascies dorso baiulantibus, vt alterius onera portando implerent legem Christi, solui iugales equos iussit, eisque tradi. Oneratis iumentis læti abierunt, ipsa cum suo comitatu in via residens præstolabatur Domini auxilium. Ecce autem eandem viam quidam regulus ingrediens, vbi causam moræ earum intellexit, suis illis equos largi-

largitus est. Brigida ergo tantæ pietatis fuit, vt necessitati proximorum suam polthaberet; tantæ spei, vt nunquam se à Domino deserì timeret. Sic lanipadi infundens oleum, id est, virginitatis decus misericordiæ operibus exornans, admissa est ad sponsi nuptias cœlestis celebritatis, ineffabili gaudio semper fruitura. *Bonifac. 9. Sur. Tom. 4.*

PAULAM in largiendo sic profusam fuisse ferunt, vt *Paula* sibi tandem necesse fuerit, ne rogantibus repulsam daret, pecuniam mutuò accipere, vsuris sese obligare, versuras facere. Prodigalitatis accusata Deum testabatur, se pro illius nomine cuncta agere, & hoc habere voti, vt mendicans ipsa moreretur, & in funere suo alieno syndone inuolueretur. Ego, inquit, si petiero, multos inueniam qui mihi tribuant; mendicans si à me non acceperit, quæ ei possum etiam de alieno tribuere, & mortuus fuerit, à quo anima eius requiretur? Nulla itaque in pauperes liberalitate satiata, ad egestatem penè ultimam peruenit, sed quātò tunc se fecerat pauperiorem, tantò postea amplioribus locupletata est diuitijs in regno cœlorum. *Hieron. in Epistaph. Paulæ.*

ELIZABETH nondū marito Lantgrauio viduata, ob *Elizabeth* assiduā in pauperes benignitatē, mater eorū cognominabatur. Sanis vitæ subsidia mittebat, afflictos consolabatur, ægrotos visitabat, mortuis funus sua procurabat impensa. Quos in plebe magis inopia oppressos animaduvertebat, ex his cōpatruos, atq; cōmatruas sibi cōparabat, vt eis liberius subueniēdi causas haberet. Si quando pecunia non suppetere, vestimēta védebat. cernēs pauperculū quendam nudū efferri, detracto sibi capitis velamine, inuolui iussit. cadauer. Quo tépore fame laboratū est, vim magnam frumētī diuisit. Et id quidē absente viro atque incōsulto, vel quia approbaturū speraret, vel quia quod vnius erat, alijs quoque cōmune esse debere, faciliè persuaserat. necessitas multorū. Deniq; cū esset regis Pannonū filia, & Turingiæ dñi cōiux, nere, texere, suere suis ipsa manibus nō est dignata, vt de laboris sui peculio eleemosynas dare posset.

Prov. vi.

Et de illa ergo non incongruè dici potest : Manum suam misit ad fortia , digiti eius apprehenderunt fufum . Manum suam aperuit inopi , & palmas suas extendit ad pauperem . Fortitudo & decor indumentum eius , & ridebit in die nouissimo . *Conrard. Minor. Concionalor.*

Vidua de Evangelio.

*Marc. 12.
Luc. 21.*

SE D multa dare locupletiorum est , pauca tenuiorum : nec tamen ideo non par meritum , quarum æqualis affectus . Animum etenim largientis pensat Deus , non donum . Nec quantum oblatum est inspicit , sed de quanto . Vidua paupercula duo æra minuta misit in gazophylacium , & diuitibus præfertur . *Luc. 21.*

*Vidua Eliæ
Propheta
hospita.
3. Reg. 17.*

V I D V A etiam illa , cui nihil aliud erat præter pugillum farinæ in hydria , & paululum olei in lecytho , totum id quod habuit petenti Eliæ Prophetæ concedere non dubitavit . Et ex illa die hydria ei farinæ non defecit , nec lecythus olei fuit imminutus , donec pluuiam dedit Dominus super terram . Denique paruulum filium , quem mors abstrulerat , pietas viuum in sinu matris restituit , annuente Domino precibus Prophetæ , quem illa & cibo pauerat , & fouerat hospitio . 3. Reg. 17.

*Tabita.
Aster. 9.*

P R O Tabita quoque Dorca , nonne pauperum , quibus illa se benignam præstiterat , obsecrantium voces Apostolorum Petrum compulerunt , vt illi iam cõclamatae ad pristinam vitam reditum à Domino impetraret ? *Aster. 9.*

Drusiana.

N O N N E & pro Drusiana egenorum Ephesi turba Iohanni Apostolo occurrens , vt quæ illi tunc efferebant , ipse protinus suscitaret , obtinuerunt , dum vestes ab ea receptas ostentant , dum illa incolumi se nunquam famem timuisse affirmant ? Mulier igitur ad vocem Apostoli à morte veluti à somno exurgens , illum suscepit hospitio , solitaq; subsidia pauperulis misit , nunquam pietatis deferens officium , ob quam & ad hanc vitam redire illi licuit , & proficisci ad æternam . *Abdias in vita Iohannis Euang.*

Ⓞ P R E G R A N D I S elemosynæ virtus ! Diuites sanctificat , pauperes beat , peccatores iustificat , iustos glorificat , mortuos suscitatur , & immortalitatem mortalibus donat .

S E D

Sed ne cuiquam tam fructuosum opus tunc demum exercendum differatur, cum aut nihil, aut parum profuturum sit, documento nobis erit Lucia virgo. Quæ cum matrem Euticiam ad erogandas pauperibus facultates hortaretur, illaq; diceret, vti vitæ suæ finem expectaret, ipsa postea quod vellet, de opibus suis factura: Nō est (inquit) admodum gratum, o mater, Deo munus, quod qui offert, ideo offert, quia illius vsum suprema sibi interdicat dies. Da dum sana es, ne si moriens dederis, inuita dedisse arguaris, rem vtiq; quā (velis nolis) relinquere cogeris. Victa rationibus Euticia, laudauit filiae sententiam. Lucia verò iam bonis omnibus ad votum erogatis, cum dijs sacrificare compelleretur, ait: Sacrificium Deo acceptissimum esse, visitare pupillos & viduas in tribulatione eorum. Et quia etiam inter tormēta misericordiæ in egenos cōminiscebatur, misericordiæ semper remunerator Deus effecit, vt cū ad lupanar traheretur, loco moueri non posset: cū vreretur, illæsa inter flammās maneret: cū iugularetur, morti nō cederet, donec ad cœlos itura, vitale viaticum de manu sacerdotis accepit: Corpus videlicet & sanguinem Agni, pro cuius amore sua omnia in elemosynam, seipsam in sacrificium, tam confidenter, quā libenter obtulerat. *In Martyrol. Sur. Tom. 6.*

De hospitalitate seruanda. *Caput, III.*

Post elemosynas, hospitalitas sibi postulat locū, ex eodem fonte manans charitatis, Nam vt mendicanti porrigere aliquid, misericordiæ opus est: sic peregrinos suscipere hospitio, humanitatis officium. Quæ profectū virtus vel qualiter exercenda, vel quanti apud Deum momenti sit: & Patrum exemplis patet, & aliorum deinceps Sanctorum, quos aut apostolicus sermo celebrat, aut celebrandos postea censuit Ecclesia.

A E R A A M

*Abraam.
Gen. 18.*

ABRAAM in valle Mambre ante ostium tabernaculū sedet, ne quis pertranseat, quem ad se diuertere nō roget. Tres venire videt, neque donec adueniant expectat, sed currit obuiam atque adorat, ut hospites non fouendos solum, sed etiam honorandos scias. Orat ne se prætereant, quasi accepturus, non daturus beneficiū. Et primū aquam pedibus parat, ut doceat omnium virtutum fundamētum esse humilitatem. Subcinericios panes, butyrum, & lac, & vitulum coctū apponit, ut copiosè potius, quàm luxuriosè, hospites pascendos esse demonstrat. Denique discendentes deducit, ut quos benignè accepimus, eisdem cum honore discamus dimittere, ne si in comitati hospitij limē exierint, expulsi magis quàm dimissi esse videantur. Nec arbitreris, ideo illos ab eo sic acceptos, quia scierit Angelos esse: sed potius quia sic homines acceperit, Angelos quoque accipere meruisse, & tales Angelos, in quibus sub Trinitatis typo Maiestas vnius Dei adoranda faciliè appareret. *Genes. 18.*

*Loth.
Gen. 12.*

EAD E M erga externos obseruatione & Loth Sodome vsus, eosdem etiā Angelos hospitio suscipere meruit, licet plures ad Abraam accesserint, quia pater multarum gentium ille: sed Loth non rogasse solum, verum etiam compulisse eos, ut ad se diuerterent, dicitur. Itaque alter exoratos statim suscipiendos monet, alter si vltius recusarint, cogendos suadet, arguens nempe illos, qui sic summis labijs etiam notos interdum inuitant, ut palam sit, ipsos hospitales videri, quàm esse, nalle. Loth præterea tanto affectu hospites suos ab iniuria nefandissimorū hominum eripere nixus est, ut duas virgines filias pro illis stuprādas offerret. Sed perturbatus, flagitium flagitio voluit commutare: nos in illo fidem hospitij imitemur, non mentis turbationem, ne dum hospes præter modum defenditur, offendatur Deus. Denique Angeli, ut Loth gratiā referret, illum de consortio eorum, quos pro scelere vltum aduenierant, cum suis simul incolumem eduxerunt. Cumque euerterent Sodomam & Gomorram, sulphure & igne de celo

caelo misso, pepercerunt Segor propter eum, quia illuc confugerat, ne simul cum impijs perderent iustum, & cum aduenarum infestatoribus aduenarum susceptore. *Gen. 12.*

NON dissimilis hac in re mihi videtur senis illius fuisse fides, qui (vt in Iudicum libro legimus) habitans in Gabaa vrbe Tribus Benjamin, cum vidisset hospiti suo Leuitæ vim parari ab infrenatæ libidinis viris, loco ipsius filiam eis virginem tradere voluit. Hospes verò ne illi, à quo benignè exceptus fuerat, dedecoris ignominieque causa existeret, sua, quam secum habebat, coniuge raptoribus satisfecit, qua illi sic abusi sunt, vt extinctâ reddiderint. Digna ininitatu & senis humanitas, & Leuitæ gratitudo, si modò seruaret affectus. Sed defugiendum execrandumque exitiale Gabanonitarum scelus, quo effectum est, vt Tribus Benjamin propè deleta fuerit, vrbes vicique eius incensi, & his qui cædenti fuga euaserant, connubia reliquarum Tribuum diu interdicta. Tam magni mali causam præbuit libido paucorum. Ad recentiora veniamus. *Iud. 19.*

ONESIPHORVS Ephesius Discipulos Christi suscipere solitus, sic ab Apostolo Paulo benedicitur, vt dubitandum non sit, quin hospitalitatis officijs æternæ vitæ præmia sibi compararit. Det, inquit, misericordiam Dominus Onesiphori domui, quia sæpe me refrigerauit, & catenam meam non erubuit, sed cum Romam venisset, sollicitè me quæsiuit, & inuenit. Det illi Dominus inuenire misericordiam à Deo in illa die. Et quanta Ephesi ministravit mihi? O felix igitur Onesiphorus, qui aliquando auditurus est optatissimam vocem illam vocantis Domini, ac dicentis: Veni benedicte Patris mei, posside tibi regnum paratum à constitutione mundi: hospes enim eram, & collegisti me: in carcere eram, & venisti ad me. Amen dico tibi, quicquid fecisti vni de his fratribus meis minimis, mihi fecisti. *1. Timoth. 1.*

SYLVESTRVM quoque hospitalitatis præter cætera studiosum fuisse ferunt. Timotheum ab Antiochia venientem presbyterum, & ipse presbyter domi suæ benignif-

Senex Gabaa nita.

Iudic. 19.

Onesiphorus.

1. Tim. 1.

Matt. 25.

1. Tim. 1.

Syluester PP.

Job. 31.

nignissimè suscepit : eundem mox , quia Christū prædica-
bat, martyrio coronatum condidit ac sepeliuit. Cui enim
vivo hospitium præstiterat, mortuum tumuli honore ca-
rere non sustinuit. Deinde ad pontificale officium promo-
tus effecit, vt omnibus ad urbem aduentantibus, apud se
hospitandi ius esset. Ita vt cum beato Iob iure suo dicere
poterat: Foris non mansit peregrinus: ostium meū viatori
patuit. *In Actū Syluestri.*

Gregorius PP.

GREGORIUS verò Pontifex non solum facilem ad
se aditum concessit peregrè aduenientibus, sed etiam per
fora & compita passim quæritos inuitauit. Insuper discum-
bentibus interdum ipsemet ministravit. Qua humilitate
meruit aliquando conuiuiam habere Christū. Semel enim
inter ministrandum, dum se paulisper auertisset, cōuersus
deprehēdit vnum ex conuescentibus non apparuisse. Quā
rem vehementer secum admiranti, nocte proxima affuit
in visu Dominus, dicens: Eò quod cæteris quidem diebus
membra sua hospitio mensaq; acceperit, dignum fuisse,
qui hesternò acciperet & caput. Palam quippe fieri voluit
Saluator noster, qui est Caput nostrum, seipsum in peregrini-
nis recipi, quos sua membra esse dixit: sibi que præstitum
imputari, quicquid præstaretur illis. Si ergo Iesum susci-
pere cupimus, aduenas & peregrinos non contemnamus.
Ioan. Diac. In vitā Greg. lib. 2. c. 22.

Gerbonius E-
piscop.

QVOS quidam sub tecto receptos sic tutati sunt, vt
eorum salutem sua potiorem haberent. Gerbonius Popu-
lonij Episcopus occidi potuit, cogi autem, vt hospites pro-
deret, non potuit. Totilæ regis irati minas contempsit, no-
lens prorsus latebras indicare eorum qui ad se confuge-
rant. Et cum vrsis ferocissimis obijceretur lacerandus, atq;
inter illos illæsus versaretur: verecundia regem coepit,
nolle ei parcere, cui fera beluæ pepercissent, ac protinus
hominem dimitti iussit. *Greg. Dial. lib. 3. c. 11.*

Marinus Mo-
nachus.

AD MARINVM Monachum pariuulo sub tugurio in-
solitudine habitantem, aprum aliquando à venatorijs ca-
nibus actum cōfugisse legimus. Quem ille apud se tamdiu
latere

Tatere permisit, donec ei sine periculo ad sua lustra redeundi facultas affuit. Cui tantæ curæ fuit tutum bestię præstare hospitium: quo eum studio vel suscepisse homines, vel suscepturum fuisse putabimus? Certè etiam rationis expers ac syluestre animal humanitatem, fidemq; illius quodam naturæ prælagio videtur persensisse, cum in tam præsentî periculo sese ei credere, quàm sylvas fuga petere, maluerit.

In viti PP.

Nunc pauca foeminarum exempla referantur. Neque enim multis conuenit virorum consortium, ne dum hospitalitas seruetur, periclitetur pudicitia. *Femina.*

Mulier Sunamitis transeuntem Elisæum legitur tenuisse, & secum panem comedere compulisse, tam familiariter, ut deinde non pigeret Prophetam ad illam virumque eius frequenter diuertere, eorum consuetudine uti, cum ipsis vnà cibum sumere. Multas hospitis aduētus (putas) restinxerit studium erga se eorū? Minimè quidem, sed magis inflammauit, ut etiam coenaculum illi construerent, in quo veniens requiesceret, & diutius apud se manendi occasionem haberet. Quibus meritis precante Elisæo, & filium genuerunt, cum antea steriles extitissent, & eūdem cum decessisset, vitæ restitutū receperūt. *Sunamitis.*
4. Reg. 4.

Hic iungatur Marthæ mira sedulitas: postquàm excepit Iesum in domum suam, ministerio intenta, parandiq; conuiuij sollicitudine ardens, nequit facere animo suo satis. Proinde Mariam sororem, uti se adiuuet, secumque collaboret, citat. Itaque quali cura, quantoque affectu hospes honorandus sit, documento nobis est. Nec ideo nos negligentiores esse debemus, aduenam aliquem suscipientes, quia seruum, nō dominum suscipimus, cum ipse protestetur ac dicat: Qui suscepit vnum paruulum talem in nomine meo, me suscipit. Et iterum: Quod vni ex minimis meis fecistis, mihi fecistis. Nec quenquam moneat, quod Maria sedens secus pedes Iesv, & verbum illius audiens, optimam partem dicitur elegisse. Non enim propterea hospitalitatem Marthæ improbatam credimus, sed bono melius

Martha.

Luc. 10.

Matt. 18.

Matt. 23.

*Ab actione ad
contemplatio-
nem ascendimus.*

melius prælatum, actioni contemplationem. Ad quem tamen non potest peruenire; qui non prius iustitiæ exercitationibus labem expiauerit delictorum. Vt tunc demum ad consideranda Dei inuisibilia animus attollatur, cum liberum se esse persenserit onere peccatorum. *Luc. 10.*

*Duo discipuli.
Luc. 24.*

DE NIQVE duo illi ex Discipulis in castellum Emaus tendentes, cum Iesu simul eunt, simul fabulabatur, & externum ac peregrinum esse putant, donec compulsum secum manere, & secum recumbere, in fractione panis agnouerunt eum. Sic igitur hospitalitatis officium ad agnitionem Dei nos adducit, vt quem nunc in ænigmate & per speculum videmus, post hæc facie ad faciem, & sicuti est, videre valeamus. *Luc. 24.*

1. Cor. 13.

*Paulus Apo-
stolus.
Hebr. 13.
Matt. 18.*

ID CIRCO Paulus Apostolus Hebræis præcipiens, ait: Charitas fraternitatis maneat in vobis, & hospitalitatem nolite obliuisci. Per hanc enim placuerunt quidam Angelis hospitio receptis. Et Dominus ad discipulos: Qui recipit vos, me recipit: & qui me recipit, recipit eum qui me misit. Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet. Et quicumque potum dederit vni ex minimis istis calicem aquæ frigidæ tantum in nomine Discipuli, amen dico vobis, non perdet mercedem suam.

De inani gloria fugienda.

Caput IIII.

NVNC, quoniam periculum est, ne pijs operationibus inanis gloriæ surrepat appetitio: de ijs dicendum videtur, qui vt iactantiam vitarent, aut occultari magnifice facta voluerunt, aut eorum laudem alijs, nō sibi attribuere, ne se existimantes stare, in præcipitium elationis ruerent,

ruerent, & gloriam quærentes hominum, gloriam quæ à Deo est, amitterent.

HVIVSCE rei documenta exhibere nobis volens *Iesus Christus*
magister ac Dominus noster Iesus Christus, leprosos mū- *Matth. 9.*
dat, cæcos illuminat, infirmos curat, surdo & muto auriū
linguæque officium instaurat, & tamen singulis ne nemini
quicquam dicat iniungit. Archisynagogi quoque filiam *Marc. 5.*
mortuā suscitaturus, turbam iuxta cadauer tumultuantē, *Luc. 8.*
abscedere præcepit, nec in publico, sed domi vitale opera-
tus est remedium, ne popularem gloriam expetere videretur.
Quòd autem multa id genus non ita secretò, sed in
conspectu peregerit plurimorum, atque etiam prædicari
voluerit, non fuit inconstantia volubilitas (nullum vitium
in eo, qui Dei sapientia est, cadere potest) sed pia dispensa-
tionis misratio, quæ diuinæ conuenit bonitati. Non
solum enim illi, qui iam credebant, quomodo ostentatio-
nem vitarent, instruendi, sed etiam qui nondū credebant,
ad fidem manifestioribus signorum spectaculis conuer-
tendi erant. His dicitur: Si mihi non creditis, operibus cre- *Ioan. 10.*
dite. Illis: Cauete, ne iustitiam vestram faciatis coram ho- *Matth. 6.*
minibus, ut videamini ab eis.

SI C & Apostoli dominica vestigia secuti, ad cōfirma- *Apostoli.*
tionem prædicatæ fidei, in propatulo quidem miracula o-
perabantur: reuelationes autem visionumq; mysteria, nisi
necessariò in vulgus proferenda essent, occultabant.

PAVLVS Apostolus cūm raptus in paradysum, siue in *Paulus.*
corpore, siue extra corpus, audisset arcana verba, quæ non *2. Cor. 12.*
licet homini loqui, annos XIII. rem tantam silentio
texit, conscientia sua cōtentus, donec Corinthijs (veritus
ne pseudoapostolos sibi vel sui similibus præferrent, aliena-
ti à veritate quam ab ipso didicerant) eam aperuit,
palamque fecit. Sed & hanc gloriandi necessitatem insi-
pientiam vocat. Factus sum incipiens, inquit: vos me
coëgisistis, ego enim à vobis debui cōmendari. Nihil enim
minus feci ab ijs qui sunt supra modum Apostoli, tamen
nihil

nihil sum. Quibus sanè verbis testatus est, minimè de se loquendum, nisi cum incumbit necessitas. Sed & tunc ita téperandú, vt & res dicatur, & euitetur iactatio. 2. Cor. 12.

*Iohannes
Monachus.*

TALI quidem temperamento vsus Iohannes AEgyptius prius monachus, cum Spiritus sancto reuelante multis futuri euentus responsa daret, inferebat, non suis meritis eam reuelationem sibi factam, sed illorum qui rogatum aduenerat. Morbo affectos coram se curationis gratia adduci vetuit, quoniam vltro citroque commeatum agmen ostentationi esse potuisset. Oleum eis benedictum mittebat, quo peruncti conualescebant, atque à languoribus liberabantur. *In vit. PP.*

*Antonius
Abbas.*

ANTONIUM quoque Abbatem tradunt Martiniano militum Præfecto pro filia, quam nequitia spiritus possederat, supplicanti respondisse: Ne se opem posceret, cum & ipse peccator esset. Sed si in Christo consideret, eidem supplicaret, iuxta fidei meritum gratiam ab ipso impetraturus. Credidit Martinianus, & domum rediens Deum precatus incunctanter, filiam à dæmonio liberauit, vt prædictum ab Antonio fuerat. Pulchrè igitur vnico responso Antonius tria simul expressit bona, humilitatis obseruationem, fidei virtutem, infirmitatis remedium. *Athanas. in vita S. Antonij.*

*Moyse
Abbas.*

MOYSES verò Abbas haud dissimulauit, non solum se laudationem sui non querere, sed etiam detractatione delectari. Si quis enim visendi eius studio aduenisset, raro aditus copiam faciebat, tanti se habere, molestissimè ferēs. Quamobrem Præfidi quoque prouinciæ spe conueniendi primum quidem decepto, deinde iterum aduentanti obuiam tandem profectus, cum interrogaretur, vbinam esset Moyse Abbas (nam fama tantum ipsi notus erat): Quid tibi respondit cum stulto illo ac deliro sene? Denique de semet quasi de alio licentius obloquendo, discedere hominem compulit, non mediocriter mirantem, quod tam diuersa de illo, quem iam secundo quæsitum venerat, sibi audire cõtigisset. Qui reuersus ab indigenis, cum quidem ipsum

ipsum Moysen fuisse, à quo eiusmodi respōsum accepisset, & magis mirari coepit, tam gratum illi esse sui contemptum. *In viui PP.*

NON minus se contemni gaudens Constantius Anchaonitanæ Ecclesiæ Monachus, cum è lōginquis partibus quidam (ut ipsum videret) aduenisset, ostensumque despersisset, eò quod statura admodū breui esset, quasi corporis vitium animi virtuti officere possit: irrisorem suū osculo excepisse dicitur, latari se affirmans, quod tandem nactus esset hominem, à quo iure paruipendendus existimaretur. Seruum enim se esse vt habitu pusillum, ita ad ea quæ factio opus erant; ignauium inertemque, ac prorsus inutilem. Nonne satis declarauit, quantum ab humanæ gloriæ concupiscentia procul esset, qui sic exultauit cōtemptus? *Greg. Dial. lib. 1. c. 5.*

Constantius Monachus.

MAGNA quidem hæc Constantij erga calumniantes patientia, sed non minor illa Gregorij Pontificis erga laudantes modestia. Cuidam enim probato viro ipsum attolenti, respōdisse fertur: Deum deprecare, frater, vt his, quæ de me prædicas, dignus efficiar, sicuti & tu dignus es, cuius opinio improbari nō debeat, sed plerunque euenit, vt ea, quæ de ijs quos amamus, in medium proferimus, maiora vero sint. Itaque quamuis ista commendatione tua longè inferiorem me esse agnoscam; charitati tamē gratias ago. Huiuscemodi responso sapientissimus Pontifex & laudatori satisfecit, & cum summo honore præditus esset, ab humilitate non discessit. *Ioan. Diac. lib. 4. c. 62.*

Gregorius PP.

QUAM autem arduum & difficile sit, non illici quandoque humanæ laudis affectatione; testis est Apollonius Abbas. Qui cum annos x l. in deserto solitarius vixisset, iussus voce sibi è cælo delatā iam tandem ad frequentem locum pergere; coenobium construere, discipulos comparare, tam constanter Dominum rogasse dicitur, nequa se deinde inter homines versantem iactantiæ aura perstringi fineret: vt nō aliud olim magis veritus ad eremi latebram confugisse videatur, non ante vitæ finem fortasse inde dis-

Apollonius Abbas.

C

cessurus,

cessurus, nisi iussio intercessisset diuina, quæ postremò dignum illum iudicauit, vt consuator & autor fieret salutis multorum. *In vitâ PP.*

Idem. HINC eundem haud parum sæpè Monachis præcipere solitum tradunt, ne quis propterea se ante alios esse existimaret, quòd aliquo miraculi ostèto insignitus esset; quandoquidem & Dominus Discipulos suos non ideo gaudere iusserit, quia daemonibus imperarent, sed quia in libro vitæ æternæ scripti, censiq; essent. *In vita Apollonj.*

Idem. ITERVM admonebat, siquâ aliquis ex illis vel secretæ visionis, vel spiritalis fructuosis dotem à Deo accepisset, nemini nisi necessitate coactus proderet. Alioqui si exinde illum præ cæteris æstimationi haberi contigerit, haud facile vanæ gloriæ vitio cariturum. Eo autem surrepente, gratiam omnem, quam assecutus fuerat, irritam fore, dicente Scriptura: Qui in vno peccauerit, multa bona perdet. Denique domicilia eorû ob hoc cellas appellari, quòd in his celarentur quæ occulta esse velint.

Franciscus. Nunc mirum, aliquem interdum plausu assentatorum suorum blanditijsq; duci: cùm frater Leonardus etiam cogitationum suarum circumuentus fuisset, nisi maturè, qui eum periculo eriperet, inuenisset. Beatum Franciscum asclo insidentem ipse pedes comitatus mente voluere coepit, quantò ante illum quondâ ierit generis nobilitate, potentiaque seculari. Franciscus Spiritus sancto edoctus, vt intellexit gliscentem in præcordijs comitis tumorem, statim defiliens asellum se illi cedere dixit, ipse potius pedibus iter facturum, eò quòd obscuriore loco natus esset. Agnouit ille, insolentis cogitatus culpam penè apertè sibi obijci, & miratus deprehendi potuisse, ad pedes eius suppliciter prouoluitur, seque peccasse confitens, veniam impetrat, cautius deinceps humilitatis propositû seruaturus.

Luc. 9. Aratrum quippe tenens post tergum respexerat, sed magistri opera rursum citò conuersus, aptû se fecit regno Dei.

Idem. Bonauent. *in vita Francisc. c. 11.* IDEM Franciscus cùm se inter homines fama sanctitatis

tatis effertur percepisset, nequam ex eo voluptatē caperet, alteri negotium dedit, ut e contra probis, petulantiaque ipsum incesset. Et cum ille rusticanum, idiotam, ignavū, inutilemque eum appellasset, calumniante gratias agebat, affirmās vetiūs de se sentire oblocutores suos, quā laudatores, qui opinione decepti, supra id quod esset se aestimarent. Itaque quanto ab alijs magis extollebatur, tanto se gerebat submissius, catullationibus potius, quā commendatione ingenij morumque suorum delectatus, Isaiæ memor dicentis: Popule meus, qui te beatum dicunt, ipsi te decipiunt, & viam gressuum tuorum dissipant. *Ibid. c. 6.*

EGIDIUS Atheniensis quoniam miraculis clārere coeperat, iactationis occasionem fugiēs, patriā dereliquit, ad eremū se cōtulit. Et dum apud Veredenium Eremitam in agrō Arelatēsi habitaret, fabuloso ac sterili solo, ab ipso terræ conditore Deo fecunditatem precibus impetrauit. Mox inde discedens, vastioris solitudinis latebras petijt, ibi quærens domicilio locum, vbi non facilē mortaliū de se rumores audire posset. *Fulbertus Carnotens.*

IUDOCUS item fama sanctitatis regumque Britanniz sturpe iuxta clarus, dum solitarius habitaret, & signorum, quæ fecerat, rumor multos ad visendum eum a diuersis partibus exemisset, videns in tanta se aduentium frequentia periclitari humilitatem, in vltiorem deserti angulū sedem transtulit, ut tam ab inanis gloriæ cupidine semiotis esset, quā a consuetudine hominū. *Rodolph. Agric. carmine scripsit eius vitam.*

EULALIUS quoque monachus criminis olim suspectus, ut innocentiam probaret, iubete abbate, fiscellam, quam de palmeis folijs ipse texerat, igni imposuit, atque vbi a flammis ea laedi non posse animaduersum est, non solum omni suspitione fuit absolutus, verum etiam ob miraculum venerationi haberi a fratribus coepit. Ceterum se in celebritate esse indignè ferēs, procul inde secessit in desertum, maluitque in speculicis cum feris habitare, quam in monasterio ab hominibus honorari, memor dictum esse a Propheta: Saluabuntur qui fugerint *Ezech. 7.*

ex eis, & erunt in montibus quasi columbæ conuallium.
In vita PP.

Hilarion.

SE D quid de Hilarione Abbate dicemus? qui iam sexagenarius cernens circa se tùm monachorum multitudinem, tùm eorum qui sanandi ad eum vndiq; confluabant, flebat quotidie, & ad seculum redisse se, atque in vita mercedem recepisse, aiebat. Abire cupientem inhibebant. Denique biennio in tali animi sollicitudine peracto, cum postremo comedere nollet, donec discessum impetraret, & iam dies septem nihil gustasset: ne inedia conficeretur, dimissus reliquit Palaestinam. Præterea gloriam semper fugiendo, dum crebro sedem mutat, Bethilium, Pelusium, Theubaton, Babylonemque peragrauit, deinde Aphroditon, eremum Antonij, rursum Aphroditon, Alexandriam, Osam, Brutium, Paretonium, inde Siciliam, & inde Epidaurum, ac post hæc Cyprium. In cuius insulæ vastiore minusq; noto angulo cum sese abdidisset, diu latere non potuit, miraculis eum ubiq; prodètib. Quia tamen viribus partim ætate, partim labore exhaustis, inde iam emigrare illi incommodum erat, ibidem & fugæ finis, & vitæ fuit. Hunc tantum in ipso honoris contemptum præter cætera extollens Hieronymus: Mirentur, inquit, alij signa quæ fecit, mirentur incredibilem abstinentiã, scientiam, humilitatem; ego nihil ita stupeo, quàm gloriam illum & honorem calcare potuisse. Concurrabant Episcopi, Presbyteri, Clericorum & Monachorum greges, Matronarum quoque Christianarum grandis tentatio, & hinc & inde ex urbibus & agris vulgus ignobile, sed & potentes viri & Iudices, vt benedictum ab eo panem vel oleum acciperent. At ille nihil aliud quàm solitudinem meditabatur.
Hieron. in vita Hilarion.

*Femina
 Tabita
 virgo.*

IN HAC salutarium virtutum parte foeminas quoque sua laude fraudare non decet. Tabita virgo sacra monasterij magni Thebaidis cum se omni humilitate deiecisset, insanire putabatur. Verum quia stultum Dei sapientius est hominibus: Sancto Pierio Abbati in eremo degenti reuelatum

latum fuit, illius merita suis esse potiora. Proinde ad visitandam eam perrexit, & responsa quæ diuinitus acceperat, palam fecit. Ex quo ipsa ut vidit se non iam ut stultam contemni, sed potius ut sanctam honorari, clam discedens, monasterium pariter, honoremque dereliquit, & in solitudine vitam duxit.

MARIA natione Gallica de vico Niueila Episcopi Legendiensis, ignobilis genere, celebris sanctitate, frequentiam hominum illuc ad se visitandam turmatim, accurrentium moleste ferens, precata est, ostendi sibi locum sanctæ quieti magis opportunum. Et reuelatione accepta discedens, triidui iter arripuit, nullo labori parcens ut humilitatem conseruaret. Peruenitque quod volebat ad Ecclesiam Sancti Nicolai cognomento Decegnies, & ibidem solitaria consedit. Ferunt facelli illius fores, cum clausa obserataque essent, aduentanti sua sponte protinus paruisse, ut vel hinc intelligas, gloriam humanam, fugientibus facilem preberi aditum ad gloriam Angelorum. *La ob. Kiriacæ Cardin.*

Maria Gallica.

EUPHRASIA etiam Christo dicata, virgo signis in Thebaide diuinitus factis clara, cum puerum quandam paralyticum, mulieremque phanaticam sanitati restituisset: ne miraculorum magnitudinis insolesceret, laboribus cumulum addidit: crebrius utens ieiunijs, vigilijs, precationibus, cæterisque corporis exercitijs, nullum otio tempus remittens, ne desidiola aliquando cogitaret se alacrius momenti esse, cum nihili æsumari mallet. Igitur tamen à monasterio non recessit, inuenit tamen quemadmodum abesse posset à gloria. Corpus enim castigando, & in seruitutem redigendo consentire coëgit spiritui, semper humilitatem affectanti. *Inuim. PP.*

Euphrasia.

De Humilitate appetenda.

Capitulum V.

PERIQUE vero non solum à iactantiae vitio procul abesse induerunt, sed etiam sic humilitatem sectari sunt,

sunt, ut penè omnibus seruilibus officijs sese addixerint. Qui nihil detrectantes eorum, quæ vilissima factu putantur, tantò excellentiores in conspectu Dei apparuerunt, quantò inter mortales magis infimi videbantur. Horum nunc exempla percurrere non intempestiuum dico.

*Monachi
Nitrye.*

Iohan. 13.

MONACHIS Nitrye morem fuisse constat, præter cetera in peregrinos beneficia, pedes eorum lauare, linteolisque abstergere, illum imitari volentibus, qui Magister & Dominus, discipulorum pedes lauit: Exemplum, inquit, dedi vobis, ut quemadmodum ego feci, ita & vos faciatis. *In vit. PP.*

*Apollonius
Abbas.*

HINC Apollonius Abbas ad se magis, quam ad eos quibus præerat, huiusmodi seruitiũ pertinerè arbitratus, suis ipse inanibus hospitum lauabat pedes, abbatemque se in monendo dũtaxat corripiendoque nouerat, præterea omnium minimus erat. *In vit. PP.*

Her Abbas.

HO etiam Abbas eadem erga peregrinos obseruatia, certo tamen ordine vsus dicitur. Primum cum illis simul suppliciter prouolutus Deum adorare, deinde pedes eorũ abluere, postremò ablutis præcepta salutis dare, quasi innuere volens, ijs qui peccatorum sordes poenitentia lauacro mundare cupiunt, necessariam esse pietatem, humilitatem, iustitiam. *In vit. PP.*

*Thomas An-
thiepijsopus.*

THOMAS Cantuariensis Archiepiscopus quotidie xiiij. pauperes domi conuocabat, sedere iussis genuflexus pedes lauabat, discumbentibus ministrabat, abeũtes cum dono dimittebat, singulos eorum quatuor nummos largitus, ita ut liberalior, an humilior fuerit, non facile discerni queat. Veruntamen serui interdum dedignantur mendicis ministrare, Archiepiscopus etiam pedes lauit. *Herbert. de Hoschan. Sur. Tom. 6.*

*Gallicanus
Monachus.*

GALLICANVS quoque monachus, quem & consulem, & victorem, & Constantini augusti generum fuisse diximus, omnibus pro Christo contemptis, tam ardentè in monasterio serui functus est officio, quam prius in castris Imperatoris ac Ducis. Nec magis olim militaris glo-

ria 3.

APPREHENDA. LIBER I.

riz audius fuit,quàm postea humilitatis. Operæpretiũ erat
 videre pauperum lauante pedes , Monachorũ manibus
 aquas dantem, mensas concinnantem, pauimenta verren-
 tem, & reliquã id genus exercentem, paulò antè tot clien-
 tium patronum, tot seruorum dominum, tot militum du-
 ctorem, quot conuenire potuit principi viro , Caesaris ge-
 nero, Romani exercitus Præfecto, sæpè victoria potito, nũ-
 quam victo, Tantam status mutationem nequisset efficere
 fortuna , quantam ille sua sponte suscepit, haud ignarus,
 multò maiorem, certiorẽque felicitatẽ esse seruire Chri-
 sto,quàm dominari mundo. Quoniam (vt Isaias inquit) à *Isaia. 64.*
 seculo non audierunt, neque auribus perceperunt, oculus
 non vidit, Deus absque te, quæ præparasti expectatibus te.
Terentian. in Pass. Ioannis & Pau'i.

PACOMIVS Abbas fratribus morbo implicitis affedit, *Pacomius.*
 nõ dedignatus ministri operã, vt obsequiũ præstaret Do-
 mino iubeti, ac dicenti : Qui maior est vestrum, fiat sicut *Matth. 20.*
 minor : & qui præcessor est, sicut ministrator. *In vita PP.*

ANTONIUS Abbas nõ minus mansueti ingenij vir, *Antonius*
 Episcopis & Presbyteris solitus est submittere ceruicem, *Abbas.*
 captans ab eis benedictionem . Idcirco benedixit ei Do-
 minus, & custodiuit illum, ostendit ei faciem suam, & mi-
 sertus est ipsius, conuertit vultum suum ad illum, & dedit
 ei pacem. *Athanas. in vita eiusdem.*

E V N D E M tradunt spiritu raptum vidisse orbem ter- *Idem.*
 rarum quaque versum laqueis oppletũ , & cùm mirabun-
 dus quis illos euadere possit, quæsisset, responsum fuisse,
 humilitas. Beati igitur humiles , quibus à periculo erutis
 conpetere poterit illa Prophetiæ gratiarũ actio, dicentis : *Psal. 123.*
 Benedictus Dominus qui non dedit nos in captionẽ den-
 tibus eorũ. Anima nostra sicut passer erepta est de laqueo
 venantium. Laqueus contritus est, & nos liberati sumus.
 Adiutorium nostrum in nomine Domini, *Athanas. Ibidẽ.*

H I N C est quòd Pinifius Abbas (vt liberius humilitatis *Pinifius*
 incubere operibus posset) diuersa perquisiuit loca, in qui- *Abbas.*
 bus minus notus maneret : ab Ægypto transmigravit in

Thebaidem, & inde ad Palæstinam, semper inter alienos serui fungens officio, donec agnitus cogeatur simul relinquere & locum. Postquam nullibi se diu ignotum futurum vidit, ad suos tandem monachos reuersus, aliam cōseruandæ humiliationis rationem inijt, vt quò plus honorabatur, eò magis corpus suum ieiunijs, inediaque maceraret. Mallens fame affligi, quàm ambitione deliniri, & de cibis cogitare, quàm de honoris illecebra. *In vitâ PP.*

*Gregorius
Papa.*

VERVM TAMEN quid Abbates, Monachosve tantopere miramur? ipse summus Pontifex Gregorius primus se Seruum seruorum Dei appellauit, ac ne dictu id illi, quàm factu, facilius fuisse putes, aduenienti Iohanni Abbati assurrexit, & prior honoris gratia in terram prouolutus est Pontifex, quàm Abbas. Cæteri deinde Maximi Pontifices nomenclaturæ istius titulum omnes vsurparunt, opus rari. Omnes se Seruos seruorum Dei dici, pauci esse voluerunt. Igitur Gregorij humilitatem approbasse videntur etiam qui imitari neglexerunt. *Ioan. Diaç. lib. 2. c. 1.*

*Petrus Tolen-
nari.*

SE D quòd ad priuatos attinet, mirabilis in primis humiliatio Petri Tolenarij fuit, qui distractis pro amore Christi facultatibus, à Byzantio Ierosolymam petijt, seruumque se venalitium fecit. Et cum in aliena domo à cōseruis maledictis verberibusque afficeretur, gaudebat in contumelijs, nunquam de iniuria sibi illata conquestus: intantum vt de medio calumniatorum suorum nusquam discefferit, nisi cum Bizantij hospitis indicio cognitum honorare coepissent. Denique tunc profugit, cum coleretur vt liber, non cum sperneretur vt seruus: humilitati studēs, à gloriationibus abhorrēs, displicere cupiens hominibus, vt Christi seruum exhiberet. *In vitâ PP.*

*Martinus
Episcopus.*

MARTINVS dum adhuc stipendia faceret, nec tamen tam Cæsari, quàm Christo militaret, præter illud celebratissimum pietatis opus, haud minus celebre præstitit humilitatis exemplum. Vno seruulo contentus, eundem vt fratrem dilexit, vt dominum coluit, cœnanti ministrabat, cubitum eunti calceamenta detrahebat, cæteraque penè omnia

Omnia mutata cum illo officij vice exercebat, seruus serui factus, vt Christo se seruire probaret, non mundo. Miles erat, necdum baptizatus, sed tantum catechumenus, & & iam perfectionis viam ingressus, Spiritus sancti sententiam sequebatur per Salomonem in Proverbijs prolata: Melius est humiliari cum mitibus, quam diuidere spolia cum superbis. *Seuer. Sulpit. in vita Martini. Prov. 16.*

ALEXIUS quoque Euphemiani consularis viri filius, *Alexius.* spreta generis nobilitate, Roma decedens, Edeffam Syriæ urbem venit, & inter alienigenas xvij. annos incognitus mendicauit. At postquam vulgatum est, vocem diuinitus allatam, Alexium mendicum in Ecclesia recipiendum, videns ibidem miraculum illud honori sibi futurum, Laodiceam est profectus, à Laodicea Tharsum, à Tharso redijt Romam. In paterna domo pro peregrino pauperculo susceptus, alios xvij. durauit annos in summa rerum inopia, statuque miserabili, nec ipsis genitoribus suis sese manifestans, ob hoc solum, ne agnitum honore afficerent. In exitu vitæ & quis, & quantus esset, apparuit, hoc signis prodigijsque instanter editis, illud chirographo in manu defuncti reperto, ac rei ordiné indicante, tunc scilicet, cum iam superato vanæ ambitionis periculo, secura humilitas ad cælos properabat, veræ & immortalis gloriæ honore semper fruitura. O beatum & felicem illum, qui sic se humiliat, vt sic exaltetur. *Simon Metaphr. Spar. Tom. 4. Luc. 14.*

NUNC ancillarum Christi humilitas referatur. Elizabeth *Femine.* & regis Pannonum filia, & Lantgrauix Thuringiæ *Elizabeth.* Principis coniux, Deo gratificari cupiens, non alienum à dignitate sua putauit, mendicum quendam infirmum, obfitum, squalidum, olidum, suo recipere sinu, suisque manibus crinem illius pectere, tondere, caput lauare, totum corpus, quantum licuit, à pedore sordibusque vindicare. Multos præterea eiusdè sortis pauperes visitare, benignè consolari, ad patientiam exhortari, cibos porrigere, potum propinare, modis omnibus opem ferre, & vlceratorum plagas contrectare, regere, linire, circumligare, & si

quando fasciæ deficerent, sui capitis velamēto obuoluere? Denique defuncto viro Lanigrauiō, cū multorū pauperum capax construxisset habitaculū, semet illis in ministerium dedit. Ibi puerum quendam ventris profluuiō laborantem, ipsa in suis vlnis ad exonerandum aliuū, etiam noctu cōsurgens, pluries portauit. Ibidē mulieris leprosæ curam habens, omnia illi libenter præstitit, officioseque ministravit, quæ ipsa per infirmitatē non poterat. Post hæc nō est passā se ab ancillis vocari Dominā, sed sororem, & eis aliquō de industria emissis, ipsarū interim munus vsurpabat, vasa lauādo, coquinā parando, pauimēta verrendo, vtensilia suis disponendo locis. Cæteraq; diligentius exequendo, ancillis etiā se magis infimā fecerat. Nunquā tāta mulier ad tantam humilitatem descendisset, nisi prius ardentissimæ charitatis seruire medullitus incaluisset. Nihil quippe tam paruum aut tam vile est, vt id se ducat indignū, qui perfectē diligit. *Corrad. Minor. Concion.*

*Brigida
abbatissa.*

BRIGIDA etiam virgo licet abbatissam gereret, minorem tamen se ijs quibus præerat, exhibebat. Quasdam in monasterio lōga valetudine oppressas, vt saltē squalore leuarentur, lauari iusserat, sed ancillis sororibusque cūstantibus, protinus ipsa accedens lauit, tantumque humilitatis abbatissæ fuit meritum, vt illæ lōte ē vestigio sanarentur. Tres erant diuersis infirmitatibus laborantes, alia paralytica, alia dēmoniaca, alia verò leprosa. Magnum miraculū fuit, tales languores curasse, sed non minus miræ extitit humilitas, sic affectas lauisse. Equidem opinor, parem virtuti datam fuisse gratiā, vt quæ dignata est lauare, ipsa etiam mederi posset. *Sur. Tom. 4.*

Eugenia.

EUGENIA virgo Philippi Alexandriæ præfecti filia, quoniam parentibus Idolorum culturæ deditis, Christo seruire non poterat, eos reliquit. Et sexu celato, virorum monasterium ingressa, monachi habitum induit, & se Eugeniū vocari fecit. Tandem ob animi sapientiam morumq; integritatem in Abbatē electa, hæc primum à Fratribus exegit, vt quamuis dignitate præstaret, permetteret tamen

tamen se interdum officia obire infimorum, ne per otium insolesceret, præsertim in illo Præposituræ honore constituta. Impetrata igitur venia, aqua portauit, ligna cõcidit, pauimenta euerit, cellulam sibi omnium despectissimam elegit. Denique quo feruore concita parentes fugerat, eodem Primatum inter monachos tenens humilitatē coluit, & tandem martyrij palmā meruit obtinere: vt quæ mundi pompam calcauerat, tyrannorum quoque tormenta superaret, & in caelesti gloria humilitatis præmium perfectæ patientiæ merces augetet. *Simeon Metaphrast.*

PAULA Romanæ (vt Hieronymus refert) maternum *Paula* genus à Scipionibus Gracchisque, paternum ab Agamemnone potentissimo quondā Græciæ rege erat. Liberos è Toxotio susceperat, qui ab ipso Anea Iulioque trahere originem credebatur: postquam autē contemptis omnibus Christo coepisset seruire, tāta se humilitate deiecit, vt qui eam videret (videre autem propter nominis celebritatē, multi gestiebant) ipsam esse non crederet, sed ancillarum vltimam: quamuis enim frequentibus virginum cingere-
tur choris, veste tamen, voce, habitu, incessu, minima omnium apparebat. Intellexit profectō sapientissima mulier, hominis nobilitatem non genere, non potentia, sed virtute constare. Inter virtutes autem Christianæ professionis nihil esse præstantius humilitate, nihil fructuosius. *Hieron. in Epitaph. Paula.*

De Dignitatibus non concupiscendis.

Caput VI.

PROPTEREA quidam sanctissimi viri cū seculares, tū Ecclesiasticas dignitates, aut omnino recusarunt, aut inuiti, coactique susceperūt. Sciebāt enim, quāto quis altius euectus fuerit, tantō propius periculo esse necadat: & si ceciderit, grauiorē ruīnā fore. Honoris gradū superbis iumentum, & inanīs gloriæ materiam esse, nisi ita

44 DE DIGNITATIBVS. NON

1. Tim. 3.

nisi ita caute adbeat, ut is, qui Episcopatum desiderat (iuxta Apostolum) opus bonum desideret, non honorem: & labores, non delicias: neque præfice, sed prodesse cupiens, seruum se & ministrum hominum constituat, propter Christum,

Marcus Evan-
gelista.

DIVVS Marcus Evangelista, ut sacerdotis reprobis haberetur, pollicem sibi amputasse dicitur. Veruntamen (ut ait Hieronymus) tantum consentiens fidei prædestinata potuit electio, ut nec sic in opere verbi perderet, quod prius meruerat in genere. Cum enim ex Leuitis esset, ut Alexandriz Episcopus fieret, eo compelli dignior fuit, quod magis refugit. Hieron. in Prolog. ante Marcum.

Isaac Mona-
chus.

ISAAC etiam Monachus, cum rescisset, decerni sibi Presbyteratum, de Scythia transmigravit in Aegyptum, vastæ solitudinis secessum queritans, ut hominum effugeret conspectum. Sed qui diuinitus eligebatur, latere non potuit. Cum enim fratres in Aegyptum usque illum queritum profecti essent, & asellus, quem secum habebat, per desertum fugiens ad speluncam ipsius substitisset, eo insecti, dum asellum comprehendunt, Monachum quem vix inuenire sperauerant, conspiciunt. Quare læti, gratantesque, simul ipsum ut secum redeat hortantur. Igitur cum se ille muti animalis indicio deprehensum agnouisset, intellexit Dei voluntatem, & fratrum votis annuens, ad monasterium reuersus, presbyteri officium suscepit. Hic mihi probe obseruasse videtur, quod Apostolus ait: Nec quisquamumat sibi honorem, sed qui vocatur a Deo tanquam Aaron. Sic & Christus non semetipsum clarificauit, inquit, ut Pontifex fieret, sed qui locutus est ad eum: Filius meus es tu, ego hodie genui te. Tu es Sacerdos in æternum secundum ordinem Melchisedech. In vita PP.

Psal. 2.
Psal. 109.

Pastorius
Monachus.

PASTORIUS quoque Monachus, a Machario Abbate post vitæ huius labores, ad beatitudinis quietem decedente, in locum suum succedere iussus, & fratrum curam habere diu renuuit atque recusauit, obnixæ affirmans, se Abbatis honore indignum, officij ignarum, sollicitationum labori impa-

imparem: Verum obedientiae pressus iugo, flens, tandem regendi monasterij munus suscepit. Et quia ex humilitate sibi prorsus diffidebat, à Domino meruit adiuuari, atque ita, ut ei per Angelum suum praecepta, institutionesq; dirigeret. Quibus ille fratres sibi commissos instruendo, in omni sanctitatis genere facile reddebat perfectos. O verè *Psal. 93.* igitur beatus homo, què tu erudieris Domine, & de lege tua docueris eum. *In vita Pat.*

ODD Ò item Cluniacensis Coenobij Monachus à Be- *Oddo Monachus.* none Abbate proximè successuro susceptus, cum fugam pararet, à fratribus comprehensus, coramq; adductus, non solum Abbatis compellente iussione, verumetiam Episcoporum vrgentibus censuris, regimen inuitus accepit. Indignum enim se esse arbitrabatur, qui praesse deberet, cum se cunctis inferiorè cõstituisset: sic tamen se gessit, ut multis postea miraculorum signis nobilitatus sit, Deo humilitati eius gratiã conferente. *Ioan. Monach. Sur. Tom. 6.*

AT VERO quoniam quãtò dignitas maior, tantò maius in dignitate positi periculum, Lamon Monachus *Lamon Monachus.* mori praoptauit, quàm Episcopus viuere. Hieropoli electus, nullis suasionibus adduci potuit, ut electioni assentiret. Cumq; Theophilus Episcopus fortè ex itinere eodem loci diuertisset, atque itidem suaderet: quando iam tantæ autoritatis virò apertè refragari difficile erat, diem ad deliberandum impetrauit. Dum autem in solo loco genibus prouolutus, toto eo tẽpore secretæ precationi intendisset, muentus est efflassee animam: Hoc ipsum petenti illi diuinitus indultum credi par est. Verenti vtique si Episcopum gereret, quæ Episcopi sunt, præstare non posset: aut si prætisset, ne vel ex hoc in elationem aliquam mentis incidens, illis iam tandem comparandus euaderet, quibus dicitur: *Matth. 23.* Væ vobis qui diligitis primas Cathedras in synagogis, & salutationes in foro.

PARR animi humilitas, vel idem periculi metus fuisse *Goar Monachus.* perhibetur Sancti Goar Monachi in Gallia. Qui à Rege *chus.* Sigiberto ad Treuerensem Episcopatû vocatus, postquam *recu-*

recusando nihil se proficere videret, triginta dierum ieiunendi in monasterio moram, quasi res suas expediturus, petijt. Interim in cellula sua se includens, Dominum precatus est: Paratum se ad omnia dura pro illius amore sustinenda, tantum hoc Episcopalis officij onere ne se grauari sineret. Mox ergo febri correptus, reliquum vite in lectulo æger peregit, ne sanus ad Præsulatum cogeretur, quandoquidem etiã quoduis pati sibi satius putauit. *Vandelbert & Prumiens. Sur. Tom. 4.*

*Ammonius
Monachus.*

AMMONIUM Originis Didymiꝯ, discipulum, aurem sibi præcidisse ferunt, ne idoneus Episcopali officio haberetur: & cum nihilominus ad eam dignitatem suscipiendam ab omnibus vrgeretur, etiam linguam sibi se amputaturum, nisi missum facerent, protestatus est. Tam ergo periculosam rem Episcopatum putauit, vt inde membrorum mutilatione se redimere non dubitaret. *Hist. Tripart. lib. 8. c. 1. & Pallad. Hist. 12.*

Thomas Archiepiscopus.

Hæc ipsa de re non mediocriter sollicitus Thomas Cantuariensis Archiepiscopus, vbi primum dignitatē iniit, continuò inanis gloriæ lasciuientes cogitatus, carnis macerationibus reprimere coepit, instatius orauit, frequentius ieiunauit, ciliciũ induit. Qui sic agit, is planè declarat, non se ad Põtificale fastigiũ, sed ad multipliciũ laborũ acerũ ascendere, nec de honoris pompa sibi blãdiri, sed de tentationum ingruentiũ pugna, iam anxiũ æstuarẽ. *Sur. Tõ. 6.*

*Leonardus
Monachus.*

Hic quidem Beatus Leonardus inter aulicos regis Galliarum aliquãdo primo loco habitus, cum tandẽ contempta mundanæ ambitionis luxuria, ad religionem conuersus, Dei seruitio sese addixisset, nec adhuc tamen minoris æstimationis apud regem esset: Episcopatum ab eodem sibi oblatum recusauit. Ac ne deinceps huiusce rei illectatione aliqua tentari capere posset, quandoquidẽ & in dignitate periclitatur humilitas, & in diuitijs molestia, inde in Aquitaniã discedens, operã prædicationibus dedit. *Jacob. Iannens. Episc.*

Quidã senex.

IN quãto enim salutis suæ discrimine versentur hi, qui cæteris præfunt, venusto admodũ exẽplo D. Hieronymus

docere aggressus: Sanex quidam (inquit) eremi cultor, & Spiritu sancto plenus, nepotē suū querentē, vtrū episcopus electus munus accipere deberet, super disco satis altē à terra erecto diu fecit volutari. Cumq; ille postremò casum se timere dixisset, iussit vt descenderet, atque itidem super latam in mollioris soli planiciem sese agigaret. Ex multa volutatione sudanti ac defesso: Surge (inquit) & iam facere perge, quod tibi tutius factū putas. Itaque edoctus de præminentiz periculo iuuenis, electioni renuntiavit. ætatis vitio delirasse senem dicere possent improbi cauillatores, nisi rem saluberrimi consilij plenam, miracula confirmarent. Constat enim iuuenem illum postea vita defunctum seni apparuisse, & postquam gr̃atias egisset, dixisse: Scio quia nunc essem de numero damnatorum, si fuisset de numero Episcoporum. *Hieron. Regul. Monac. c. 15.*

Idipsum oppidò formidās Geminianus Mutinēsis clericus, defuncto Antonio Ep̃o, à populo electus fugit. Dum autē latitaret, & queri dignus fuit, & inueniri. Qui quia inuitus cōsecratus est, tantā promeruit gratiā, vt nō solum Mutinensem Ecclesiā optime gubernarit, sed etiā miraculorū fama celebris mūdo fuerit. Ioviniani Imperatoris filiā à demonio liberauit. Attila Italiā vastāte, suos non repugnādo, incolumes seruauit. Ipso enim orāte, hostis apertis portis vrbe mediā percurrēs, eā prorsus inoffensam intactamq; reliquit. *Sur. Tom. 1. fol. 787. facit huius mentionē.*

GREGORIUS quoque Pontifex, quā grauatim Ecclesiæ gubernādæ subierit onus, hæc res indicio est. Quòd cum illud palam repudiare sibi integrum non esset inhi-bente populo, clādestina fuga ab vrbe decedere decreuit, & cum exitum omnem diligēti septum custodia videret, dolio se condi & exportari fecit. Tum proximi mōtis vastam solitudinē penetrans, antrū quoddā adiit, satis ibi se latere sperans. Cæterū cum quæreretur, lucida nubes loco incumbens prodidit latentem. Inuentus ergo in sedem, quam fugerat, rediit, non tam ab hominibus, quā à Deo miraculo testāte electus, Vt igitur Deo soli obediret,

non vt

*Geminianus
Episcopus.*

*Gregorius
Papa.*

non vt sibi blandiretur , ad tantæ rei gubernacula mantini-
porrexit. At nunc quibus artibus is honos ambitur , quæ ve
aditur temeritate : dolendum magis , quàm dicendū puto .
Sed vt nihil aliud prò vero affirmare auserim , neminem ta-
men ætas nostræ ex ijs qui eliguntur vidit recusantē . *Ioan.*
Diac. lib. 1. c. 44.

Cælestinus
PP.

ANTE HAC autem & Q. Cælestinus cū menses sex
rexisset Ecclesiam , Pontificatum , quem Caroli regis soli-
citationibus agitatus acceperat , tā libérè deposuit , quàm
inuitus gerebat . Hinc primum degenerātis Curiz signum
apparuit , quoniam tantæ intēgritatis vir à nemine ne id
faceret , interpellatus est , aut cū secisset , discessisset quē
reuocatus , nisi ab eodem (cui ob virtutem charus fuerat)
rege : quanquam ille solitariæ vitæ , quam repetebat , captus
dulcedine , nullius iam dissuasionibus à pròposito moueri
potuisset , quoniam nec regis motus est . Id neque impro-
uidè , neque inconsultè factum facillè vel vno argumento
probari potest , quòd magis deinde miraculis claruit , quā
tunc Pōtificatu , & tandem in numero Sanctōrum est ha-
bitus . Quis adeò mētis impos est , vt proposita sibi optio-
ne , non mallet eius priuati habere conuersationem , quàm
aliorum in dignitate constitutorum honorem ? in cellula
latentis consolationem , quàm in Cathedris sedētium po-
tentiam , opes , delicias , luxum ? *Platina.*

Episcopi.

EXTANT hoc in genere etiam & minorū Pontifi-
cum , fortasse non minus imitatione digna exempla . Qui
postquàm aliquandiu rectè ac diligenter rexissent populū ,
alijs gubernaculo substitutis , tranquillæ contemplationis
quieti sese deditere .

Maior Ar-
chiepif.

MAIORVS Britannus Dolensis Archiepiscopus , cū
Budocum in sua collocasset Sede , ipse se ad eremum con-
tulit , & solitariam deinceps vitam duxit , tantò factus Deo
vicinior , quantò ab vrbaniis tumultibus fuit semotior .

Iustus Episco-
pus.

FECIT idem & Iustus Lugdunensis Episcopus , qui
cū in terra positus vitam egisset cælestem , de solitudine
deserti ad paradisi celebritatem euolauit , tugurioli angu-
stias

stias commutans cum amplitudine cæli. Corpus verò eius ab eremo ad Lugdunum relatus est. Et honore, cui renuntiauerat viuens, non caruit mortuus, exhibitis exequijs, pompæque funerali, non tantum vt Præsuli, sed etiam vt Sancto. *Martyro. Vsuard. & Sur. Tom. 5.*

REMA LCHVS quoque Traiectensis Episcopus, postquam commissum sibi gregem, tum verbi pabulo, tum vitæ exemplis piè sanctèque annos aliquot nutriuisset, dignitatem officiumque deposuit, & cœnobium ingressus, monachum se fecit ex Episcopo. Vt enim tutius, ita tranquillus futurum iudicauit, obedire quam imperare, & subiectum esse, quam præminere. Alterum optare, arrogantis est: alterum, se in omnibus submittentis, & veri serui Christi, qui ministrare venit, non ministrari. *Matth. 10. Iacob. Placent. de Episc. Leodiens. & Sur. Tom. 5.*

EX HIS iam dictis exemplis, hanc demum summam colligi, atque hoc concludi, quis ignorat? vt nemo Primum appetat, ne humilitatem amittat, nemo oblatum accipiat, nisi inuitus, vt electus & arrogantiam euitet, & ab obedientia non discedat. Quamdiu liceat, recuset, ultra ne protrahat pertinaciam. Tam enim superbum est, dignitates concupiscere, quam maiorum iussis omnino parere nolle, & diuinæ reluctari voluntati.

De Auaritia vitanda.

Caput VII.

AT VERÒ quia plerique religionis habitum induit, non vt Christum, sed vt pecuniam lucrentur, quibus dicitur: Non potestis Deo seruire, & Mammonæ: eorum auaritiæ Sanctorum continentiam opponamus. Vt qui piè in domino viuere volent, omni cupiditate deposita, iam hinc discant: Quod gratis acceperint, gratis dare. *Matth. 6. Matth. 10.*

ELISÆVS Propheta cum Naaman Syrum à lepra curasset, nullis precibus moueri potuit, vt dona acciperet. *Elisæus Propbeta.*

At Gihezi minister eius cupiditatis stimulo percitus, cucurrit

D

currit

4. Reg. 5.

currit post Naaman, quasi à magistro missus, mendacique procacitate impudenter vsus, argentum & vestes ab eo accepit: propterea & lepra, qua Naaman fuerat liberatus, adhæsit illi & semini eius vsque in sempiternum, vt saltem sic punitus discat, charitatem erga proximum gratuitam esse debere, non mercenariam. 4. Reg. 5.

Samuel
Propheta.
Eccl. 46.

NAM & de Samuele Propheta in Ecclesiastico scriptum legimus, quòd pecunias & vsque ad calceamenta ab omni carne non accepit, & nō accusauit illum homo. Hoc quidem post multas eius inibi enumeratas laudes, id præstasse in fine quasi in vestibulo collocatur, vt scias, d. Poru contemnendorum curam non solum virtutem esse, sed etiam virtutum seruatricem atq; custodem. Quæ si abscefferit, cupiditati linquens aditum, irruente vitio dissipabitur virtutum coetus. Conturbat quippe domum suam (vt Salomon in Prouerbis ait) qui sectatur auaritiam: qui autem odit munera, viuet. Eccl. 46.

Prouer. 15.

Daniel
Propheta.
Daniel. 5.

HINC etiam Daniel oraculi diuinitus in pariete descripti mysterium expositurus regi, dona dignitatemque pollicenti ait: Munera tua sint tibi, & dona domus tuæ alteri da: Scripturam autem legam tibi Rex, & interpretationem eius ostendā tibi. Quod verò deinde legitur, eum mox purpura fuisse indutum, torque aurea circumdatum, potestate præditū: argumento est, licere aliquādo peracto opere oblata recipere, nō tamen ex pacto, sed ex donantis liberalitate, neque ad luxuriam, sed ad necessitatem. Considerandum autem, sic etiam acceptum munus quantæ paruit inuidiæ. Nonne tantæ, vt acceptorem suum leonibus obiecerit laniandum? nisi quòd mitior tunc syluestrium beluarum exitit feritas, quam semper malesuadus flagitiosorum hominum liuor. Nec mirum, si Deo volente protectus est, qui ut suos protegeret, honorem munusque admisit, non vt sibi indulgeret. Daniel. 5.

SE D si hi, qui adhuc sub Legis vmbra versabantur, venalitati sese exponere in excipiendis diuinis nefas esse ducebant: quantò eos continentiores esse par est, quos iam
cho.

exhoruscante Euangelio in lucem eductos, omnium virtutum decet consummata perfectio? Proponantur nunc igitur *In Clericis* Christi Apostoli, ut magis confundantur, qui ne veterum *avaros.* quidem Sanctorum parsimoniam imitari student, luxurie potius cupiditatibusque dediti, nomen atque professionem Clericorum habentes, non vitam. Quos per Malachiam arguit *Mal. 1.* Dominus, dicens: Quis est in vobis qui claudat ostia, & incendat altare meum gratuito? Non est mihi voluntas in vobis, dicit Dominus exercituum, & munus non suscipiam de manu vestra. Sed iam audiat, quam moribus eorum diuersa gesserint illi, quorum sectæ se esse autumant.

Petrus & Iohannes missi in Samariam, baptizatis *Petrus & Iohannes* imponebant manus, & accipiebant Spiritum sanctum. *Apostoli* Tunc Simon Magus & ipse baptizatus, sed magis ad auaritiam quam ad fidem corde conuerso, pecuniam Apostolis *Act. 8.* offerre coepit, ab eis petens, ut simili euentu, quibus ipse manum imposuisset, Spiritum sanctum acciperent: haud parum lucri se facturum ratus, si hanc potestatem assequi potuisset. Adeo quippe mentem animumque eius excæcauerat malitia, ut nesciret Sacramenta Dei, & venale putaret, quod nec vendi, nec emi potest. Ideoque meruit audire: Pecunia tua tecum sit in perditionem, quoniam donum Dei existimasti pecunia possideri. Apostoli ergo non modo præmium non acceperunt, verumetiam offerentis nequitiam acerba execratione persecuti sunt. *Act. 8.*

BARTHOLOMÆVS quoque Apostolus Polemo Indiæ rege offerente sibi camelos argento auroque oneratos, *Bartholomæus* eo quod filiam eius ab immundo spiritu liberam reddidisset, *Apostolus.* nihil prorsus accipere voluit, sibi his nequaquam opus esse dicens, neque ob hoc se venisse ut munera acciperet, sed ut in Christum credentibus viam adipiscendæ salutis monstraret. Hæc res profecto non minus, quam miraculum sanatiæ filie, impulit regem, ut Baptisma susciperet, & postremo relicto regno, discipulus Apostoli fieret, qui fuerat Indiæ dominus. *Abdias in vita eius.*

IVDA: etiam Thaddæus cum Abagarum gentis ultra

DE AVARITIA

Euphratem positæ regem, graui valetudine laborantem, solo tactu sanitati restituisset, magnam vim argenti atque auri pro eo sibi oblatam constanter recusauit. Si nostra, inquit, dereliquimus, quomodo accipiemus aliena? Itaque tantum diuitiarum contemptum, in tam paupere viro rex admiratus, non ita cupidè paulò antè expetuerat sanitatem, vt tunc Christi suscepit fidem. Neque enim dubitauit, veritatem ab eo syncerè prædicari, à quo aberat captatio lucri. *Abdias in. vii. Apost.*

**Cyriacus
martyr.**

PARI animi magnitudine præditus Cyriacus Martyr, cuius gloriosus exitus VI. Idus Augusti nobis celebris habetur, à Roma ad Persas vsque ab Sapore eorù rege euocatus, cum filiam illius Iobiam à dæmoniaca vexatione vindicasset, dona, quibus vel lōgi itineris labor cōpensari potuisset, oblata repudiavit. Neque enim pro terreno præmio peregrinationem illam suscepit, sed pro cœlesti. Itaque qui mortalis regis gazam contempsit, ab immortalis Domini martyrio coronatus, æternam adeptus est beatitudinem. *Syr. Tom. 1. pag. 363.*

**Cosmas &
Damianus.**

COSMAS & Damianus germani fratres, medendi arte clari, sed pietatis officio clariores, gratuitò curationē exercebant. Et cum Damianus Palladia matrona morbo liberata, munusculi aliquid ab ea precibus pulsatus, ac penè coactus accepisset, adeò id ægrè Cosmas tulit, vt mandasse dicatur, ne eodem tumulto cum fratre cōponeretur, quandocunque ipsis vita defungi cōtigisset: nihil tam iniquum existimans, quàm pro labore, qui propter Deū susceptus fuerat, ab homine mercedem querere. *Syr. Tom. 5.*

Leonardus.

EADDEM animi constantia Leonardus Sancti Remigij discipulus, quoniam Gallorum regis coniugem difficili partu laborantem, medicis iam desperantibus, ipse diuina virtute à periculo liberarat, regi amplissima dona offerēti, haudquaquàm se ijs indigere respōdit: proinde neque accipere velle, nihil cuiquàm defuturum asserens, quicquid habere necessarium fuerit, qui omnium opifici libenter seruiert. Cum ipsa veritas dicat: **Querite primùm regnū**

Matth. 6.

Dei,

Dei, & hæc omnia apponentur vobis. *Iacob. Ianuens.*

HILARION Abbas, vt in cæteris omnibus, ita hac quoque in parte circumspectus, Orioni, à quo legionem demonum Christu virtute propulerat, dona immodica secum allata porrigenti: nonne legisti, ait, quid Gihezi, quid Simon passi sint? quorum alter accepit pretium, alter obtulit, vt ille venderet gratiam Spiritus sancti, hic mercaretur. Cumque Orion flens diceret: Accipe, & da pauperibus, respondit: Tu melius potes tua distribuere, qui per vrbes ambulas, & nosti pauperes: ego, qui mea reliqui, cur aliena appetam? Multis nomen pauperum occasio auaritiæ est, misericordia verò artem nō habet. Nemo melius erogat, quàm qui sibi nihil reſeruat. Tristi autem & in terra iacenti, noli (inquit) contristari fili: quod facio pro me, & pro te facio. Si enim hæc accepero, & ego offendā Deum, & ad te legio reuertetur. *Hieron. in vita eiusdem cap. 6.*

IDEM candidato cuidam Constantini Imperatoris, quem itidem nequitia spiritali vexatum sanum fecerat, decem auri libras dono offerenti, hordeaceum porrexit panem, dicens: quod qui tali cibo aluntur, non pluris aurum æstiment, quàm lutum. *Ibidem Cap. 8.*

IN Sicilia etiam quidam de primoribus viris morbo aquæ intercutis, ea ipsa die, qua ad eum venerat, curatus: cum postea eidem offerret plurima munera, audiuit dictum Saluatoris ad discipulos, Gratis accepistis, gratis date. *C. 14 Matth. 10.*

EUGENIA virgo (ne foeminarum etiam in refutandis muneribus constantiam fileamus) dum sub persona Abbatissæ, sexu dissimulato, virorum præesset collegio, Melanciam Alexandriæ nobilem matronam, quadam desperatissima corporis ægritudine affectam, Deum precata, & repente & efficaciter curauit. Et cum pro tali beneficio ingentia sibi offerrentur dona, nihil accepit, se Christi paupertatem præferre diuitijs dicens, & pro eius amore ea, quæ cum seculo transeunt, contemnendo, ad illas, vbi ipse est, nunquam deficientes delicias anhelare: quæ quidem vitæ huius incommodis, non opibus cōparantur. Et certe fieri

fieri non potuit, vt quæ seipsam abnegauerat, ita vt etiam inter viros viuens mulierem se nesciret, quicquam præter Christum concupisceret. *Simeon Metaph. Sur. Tom. 6.*

LVCRI autem pecuniarumque detestandam cupidinem, in ijs qui sacris initiati sunt, si forte Gihezi superius à nobis propositum exemplum non satis deterret, tanquam vetustate iam oblitteratum, audiant recentiora. Cyrillus Ierosolymitanus Episcopus, post D. Hieronymi in Domino dormitionem, ad Augustinum scribens tradit, fuisse monasterium quoddam in Thebaidis partibus ducentarum ferè foeminarum, sanctarum vtique, si non auaritiæ foeditate sanctitatis decorem polluisent. Consuetudo pessima apud illas inoleuerat, nullam in Collegium admittendi, quæ certum pecuniæ numerum non afferret. Cuidam ex ijs, cuius Deo deuotus animus à tam prophana negotiatione abhorrebat, apparuit in somnis Hieronymus, iubens vt cæteris pergeret nuntiare, nisi actutum poenitentes ab ea exactione desisterint, vltionem à Deo paratam iam ipsarum capitibus imminere. Cumque hæc in conuentu omnium narrata fuissent, ridiculo excepta sunt, existimantibus deliramentum esse mulierculæ aniliter desipientis, nec vera (vt erant) referentis. Altera deinceps & item tertia nocte eadem visa rursus coram replicantem, iam odio habitam probris agitantes eiecere: Deo pro illa disponente, ne scilicet Loth cum Sodomis disperiret, iustus cum impijs. Vix etenim mulier septa Monasterij egressa fuerat, cum monasterium ipsum terribili fragore funditus concussum reliquas oppressit ruina, vt ex tato numero, ne vna quidem saltem extremum in mortem anhelitum ducens, post casum illum sit inuenta. Itaque cõtusis miserabiliter artibus, vna omnes tam paruo temporis momento extinctæ, tunc demum auaritiæ, cum vitæ, finem fecere. *Epist. 206. inter Epist. August. l. 8.*

*De auaritia
quarundam
Monialium.*

*Advertât hæc
diligenter mo-
derna Monast.
Rectores.*

In auaritiâ.

QUIS hæc audiens non contremisceret? quis prauum animi propositum in melius non commutaret? Scio tamen & vehementer doleo, esse quosdam, qui etiam multa talia legent.

legentes, nihilo segnius insistere cœpto sceleri pergunt, spinis concupiscentiæ præfocantibus sementem verbi. De quibus Ieremias clamat, dicens: Ecce incircuncisæ aures *Ier. c. 6.* eorum, & audire non possunt: ecce verbum Domini factū esse eis in opprobrium, & non suscipient illud. A minore quippe vsq; ad maiorem omnes auaritiæ studēt, & à Propheta vsq; ad Sacerdotem cuncti faciunt dolum. Cur ita, *Sapient. 15.* nisi quia (vt Philo ait) existimauerunt lusum esse vitam nostram, & conuersationem vitæ compositam ad lucrum, & oportere vndecunque etiā ex malo acquirere? Aurum enim suum (sicut Qsee testatur) & argentum suum *Osce 8.* fecerunt sibi idola, vt interirent. Auaritia nanque (si Apostolo credimus) simulachrorum seruitus est, radixque malorum omnium cupiditas. Propterea quidem & Dominus in Exodo præcipit, dicens: Nō accipies munera, quæ excæcant prudentes, & subuertunt verba iustorū, Idē in Euangelio: Videte, inquit, & caute ab omni auaritia, quia non *Luc. 12.* in abundantia cuiusquā vita eius est ex ijs quæ possidet. In Ecclesiastico quoque legimus: Qui aurū diligit, non iustificabitur: lignū offensionis est aurū. Væ illis, qui sectantur illud, & omnis imprudēs deperiet in illo. Deperierūt népe *Iosue 7.* in illo Achan anathematis reus, Iohel & Abias peruerterentes iudicium, Saul victis Amalechitis, mandati Dei præuaricator, Achab cum Iezabele, Nabaoth Iezrahelitis intersector, & vineæ eius cruentus occupator. Deperijt in illo & Iudas, Domini venditor, & Ananias cū Saphira pretij, *Matth. 27.* quod vouerant, malignus interuersor. Quid multa? non *Actu. 5.* homines solūm, sed vrbes etiam & regna auri sacra fames hausit atque cōsumpsit. At nos egredi cupientes de Babylone, fugere de Chaldæis, id est, de consortio eorum, qui fatiari diuitijs nequeunt, simul cum Psalmista nostro clamemus ad dominum: Domine, inclina cor nostrū in testimoniam tuā, & non in auaritiā: vt, sicut Isaias dixit: Projicientes illā, & manus nostras excutiētes ab omni munere, *Isaia. 33.* in excelsis habitemus tecum. Beati epim qui habitant in domo tua, Domine: in sæcula seculorum laudabunt te.

DE PAUPERE
De Paupertate seruanda.

Caput VIII.

DI X I M U S qua constantia Sancti, ne Deum offenderent, munera recusarunt: Nunc quali patientia (ut illi soli placerent) paupertatem coluerint, pertractemus. Hinc altera diræ cupiditati inuratur nota, dum monstratur, quàm hi, qui hominibus benefacientes, hominum mercedem respuerunt, paruo modicoque cõtenti vitam sustentarint.

*Apostoli.
Mat. 19.*

P E T R U S, Andreas, Iacobus, Iohannes, piscatu sibi victum quærebant, relictis retibus & nauì, secuti sunt Christum, & dixerunt: Ecce, dimisimus omnia, & secuti sumus te. Cõstat igitur eos & ante Apostolatam fuisse pauperes,

Matth. 10.

& in Apostolatu pauperiores. Eisdem insuper præcipitur, ne quid auri, ne quid argenti possideant, non pecuniam in zonis, non peram in via, non duas tunicas, non calceamenta, non virgam habeant. Quid hac vita tenuius? quid hoc angustius statu?

Luc. 1.

Veruntamen quibus rerum copia interdicitur, ijs nosse mysterium Dei datur, ijs curandi, ligandi, soluendi potestas conceditur, & ut dæmonijs imperent, hominibus euangelizent, Angelis exæquentur, cum Christo regnent, impartitur. Verè ergo Dominus esurientes impleuit bonis, & diuites dimisit inanes, quos eligere contempsit.

Apostoli.

Q U O D de ijs dicimus, idem de reliquis Apostolis dicendum, quâdoquidem eadem lex omnibus pariter dicta sit, & omnes dominicis mandatis æquè obnoxij fuerint, neque alicui plus alio quicquam habere possiderẽve, aut aliquo frui, vtiue licuerit. Vnde etiã interrogat illos Dominus, dicens: Quando misi vos sine sacculo, & pera, & calceamentis, nunquid aliquid defuit vobis? Et respondet, nihil. Ut ex hoc etiam intelligas, quâto minus inopi homini nihil vnquam defuturum, cui affuerit Christus.

Luc. 22.

*Abraam
Eramita.*

Q U I P enim defuit Abraz illi ægyptio, vasta in solitudine, clausa etiam cellula, demoranti, cui nihil omnino
supel-

supellectilis erat præter catinum vestemque cilicinam, & rusticum sagum. Sic usque ad quinquagesimum ætatis suæ annum (qui vitæ ultimus fuit) dicitur perdurasse, ita ut nihil unquam amplius concupisset. Bona enim, & ea non modica, in quibus hæreditario absens successerat, egenis delargiri mandavit, ne obolum quidem passus ex his ad se deferri. In summa igitur inopia tam dives fuit, ut nihil appeteret: in summis opibus tā largus, ut omnia donaret, semper divitijs præferens paupertatē. *Effren. in vit. Patrū.*

MENAS quoque Samnitum provinciæ Solitario (ut *Menas* Gregorius tradit) paucula tantum apum aluearia victum *Eremitæ.* suppedibant. Eò accedens quidam Longobardus latro, frustra ne aliena raperet monitus, sacrilegas apibus intulit manus. Sed sicut Isaias ait: Væ qui prædaris, nonne & *Isaia. 33.* ipse prædaberis? Continuo sceleris ultor Deus, raptorem tradidit Satanæ, vexarique permisit. Indoluit autē Menas inimici casum. Sciebat enim & inimicos diligere, ut obediret Christo. Indoluit ergo, ita ut vellet nec apes habuisse. Et cum decretum ei fuisset, nihil in vita possidere, nihil quærere: proximi vici beneficio sustentatus est, in diem panem afferentibus, quos ille præceptis imbuebat salutis. *Greg. Dialog. lib. 3. Cap. 26.*

NARRATUR & aliud de illo miraculum, quò facile *Idem.* cognoscas, pauperis virtutem divitum potentia antefrendā. Sæpe enim sylvestres vrsos ferula, qua gradus ambulando firmabat, a suis aluearijs dicitur abegisse. Et qui frequenter venatorum tela contempserant, ferulæ idum imbelli senis manu molliter vibratæ pertimescebant. Proh facinus indignum, pauperem beluz fugiunt, & ledere formidant: hominis avaritia quod inuideret inuenit, & quod inuiderat rapuisset, nisi in operibus manuum suarum com- *Psal. 9.* prehensus peccator prius poenas dedisset, quam coeptum peregisset scelus. Nō est autem passus Dominus eam paupertatem ludibrio esse malis, qua boni mercantur sibi divitias regni cælorum. *Ibidem.*

EADĒM sanè benignitate Hilarionem quoque Ab- *Hilarion.*
batem

DE PAUPERE

batem à latronum iniuria tutatus est. Hunc adolescentulum in solitudine habitantem, tota nocte queritantes inuenire nequiverunt, cum nec locus illis ignotus esset, gratulationibus eorum frequens, nec hominis nuper illuc impulsus sedes. Ut autem illuxit, inventum de improviso circumstetere, & mirati, quod intrepidus expectaret rei eventum: Quid tu hic, inquiunt, adolescens, si te adoriretur latrones? Nudus latrones non timet, respondit: At si vitæ aut præsens intentaretur periculum? Nec id quidem timet, inquit, qui paratus est mori: Tunc illi stupentes tantam in tam tenera ætate constantiam atque in Deum fidem, pariterque noctis errorem reuoluentes, extemplo animos demittunt, propositum mutant, crimen confitentur: & quæ vel terrere, vel spoliare venerant, eidem veniam poscentes supplicant, & impetrata, reuerenter discedunt. *Hieron. in vita Hilarion. c. 4.*

Idem.

ID E M sanctus ad Siciliam nauigio applicans cum discipulo suo Gazano, nec aliud habens quod pro mercede vectori daret, Euangelium manu sua olim exaratum cepit offerre. Sed qui accipere rogabatur, cum nihil eos habere cerneret præter codicem illum, & ea quibus testis erant, oblatum recusavit, neque deinde quicquam exigere voluit, & inopiam eorum miseratus, omni debito solutos dimisit. O & periculorum victrix paupertas, & libera pensionum! inter rapacissimos latrones securitatem, inter mercenarios nautas inuenisti tibi remissionem. Hi opera gratis præstiterunt: illi terrere non potuerunt, offendere noluerunt. Cui unquam locupletum hoc contigisset, qui quocunque se converterint, neque inuidia, neque invidia carere possunt. Et dum omnia metuunt, quantum diuitijs, tantum animi solitudinibus abundant. *Ibid. cap. 14.*

Idem.

AT VERO HILARIONI pauperculo tametsi penè nihil esset, cum tamè nihil appeteret, nihil deerat. In secretiori Siciliæ angulo manens, succisuius temporibus ligna colligebat, ut venditis vitam sustentaret, ac demum mereretur audire: Labores manuum tuarum quia manducabis: beatus es, & bene tibi erit. Detestabatur autem monachos, qui

Psal. 27.

qui infidelitatem quandam præ se ferre videbatur, victui providentes in futurum, & curam habentes sumptuum, aut indumentorum, aut cæterarum huiusmodi rerum, quæ non magni momenti sunt: quasi quicquam ex his deesse possit Deo fervientibus, cum nequam seculo fervientibus non desit. *Idem.*

QVENDAM ergo de fratribus cum percepisset hortuli fructus intentius custodire, & habere aliquantulum *Idem.* nummorum, à consuetudine sua submovit ac repulit. Ille in gratiâ reduci cupiens, ciceris virentes scapos dono fratribus misit, quos mensæ appositos solus Hilarion graviter olere persensit, & in cicere foetere mittētis avaritiâ dixit, statimq; totum projici iussit, ne multos quidē greges tam foetidam frugem comesturos clamitans, & fidem fecit euentus. Fasciculo enim illo ante boues in præsepiū projecto, non modò gustare noluerunt, sed immugientes atque aversi perfractis stabuli repagulis diffugerunt, præcipitatore impetu proruendo, quâ si stimulis verberibusq; agitarētur. Hinc patet, neutiquâ esse comunicandū, neq; cū ijs, qui sua cupidè servāt, neq; qui aliena turpiter appetūt, & cupiditatē, tanquā malū virus omnibus quidē, sed præcipuè Christi servis, vitandā fugiendamque. *Cap. 11.*

QVANTVM autem illam cauerit idē ipse omnis sanctitatis exemplū Hilarion, cū ex his quæ diximus perspicuū sit, tūm ex epistola, quâ spiritum Domino redditurus iam octogenarius, ad Hesichium discipulū suū scripsisse fertur. Diuitiarum, inquit, mearum hæres esto. Hæ autem sunt, Euangelium, tunica saccea, cuculla, & palliolū. Qui tantā tenuitatē diuitias suas vocat, satis declarat, quā à diuitiarum cupiditate semper fuērit alienus. *Cap. 17.*

PORRO Alexius nobilis Romanus clam patre Euphemiano in Syriam abiens, intantū adamavit paupertatem, ut gauderet se à servis patris, qui ad quærendū eum missi fuerant, & non agnītum fuisse, ut eleemosyna donatum. Ex his quæ emendicabat in diem vivens, quicquid sibi supererat, alijs impertiebat, nihil sollicitus in crastinum. *Alexius.*

Tali

Tali vitæ tenore cum xvij. annos in Syria peregisset, Romam rediit, & maioris etiam in paupertate constantiæ exemplum domi, quàm foris, dedit. In paternis enim ædibus pro mendico susceptus, nec ulli cognitus, nec ipse se prodens, totidem peregit annos. Mortuus postremò indicavit, quod viuens celauerat, relicto breui ehirographo, quo quis esset, quidve egisset, descriptum continebatur, ut tunc demum se manifestum faciendo, cum pro temporali inopia diuitias esset recepturus sempiternas, & patri adhuc orbiatæ suâ lugenti, causam præberet cōsolationis, & nobis materiam imitationis. *Simeon Metaph. Sur. Tom. 4.*

Franciscus.

PARI paupertatis voto ardens Minorum Pater Franciscus, & nescio an etiam magis in proposito firmus, quandoquidem neque persecutionibus auerti potuit, quin nudus nudum Christum sequeretur; Iam primùm Romam profectus, cum pauperulo cuidam occurrisset, suas cum illius vestibus permutauit. Quibus indutus, mendicantium turba se cōiunxit, & cum ipsis die illo consedit, cum ipsis manducauit, ipsis sese exequari concupiuit. Iam tū tacitus gloriari videbatur, ac si diceret: Ego medicus sum & pauper: Dominus sollicitus est mei. *Bonauent. in vita eius. c. 1.*

Psal. 39.

CUM autem haberet fortasse non parum pecuniarum, ut qui antehac mercaturæ operam dederat, & egenis distribueret, idque percrebuiisset, à patre, cuius pietatem in furorem verterat auaritia, manum sibi iniici, iniuriamque irrogari æquanimiter tulit, atque eidem quicquid sibi reliquum vel pecuniæ, vel tegumenti fuit, tam lubenter cessit, quàm auide petebatur. Simulque abdicatione impetrata, & nudus, & latus abiit: nec minus lætus, quàm olim Ioseph, cum de manu adulteræ dominæ relicto euasit pallio. Nec minus nudus, quàm adolescens ille, qui reiecta Tyndone, Pharisaicas effugit manus. Nuditatis pudorem libertatis gaudium superabat, in illam forsan erumpens vocem: Diripuisti Domine vincula mea, tibi sacrificabo hostiam laudis. *Ibidem.*

Genes. 39.

Marci 14.

Psal. 115.

EXINDE vili tunica contentus, detectisque incedens vestu-

vestigijs, verbum Dei disseminare cœpit, Sanctorum Apostolorum vitam aggressus effingere, sicuti nuditate, ita & prædicandi cura.

VICTV quàm tenuissimo utebatur, & tamen vinci se dolebat, si quis ipso pauperior apparuisset: paupertatem dominam suam vocabat, se non modò pauperem constituens, sed etiam pauperum seruum.

DOM cum fratribus posita mensa recumberet, super mensarium lectorem de virginis puerperæ in Bethlehem hospitantis angustia mentionem fecisse audiuit, & continuo consurgens, humi resedit, atque ait: Nunquid ego peccator, ego nequam, & inutilis seruus, ad mensam sedere debeo: cum Dei Genitrici in diuersorio locus non fuerit, cum mundi opifex ac Dominus, natus sit in stabulo, reclinatus in præsepio? sic dicens, panem suum prouoluit in terra cum gemitu comedit.

DENIQUE quemadmodum ipse seruandæ paupertatis in primis, maximeque studiosus erat, haud aliter etiã fratres suos instituendos curauit, iussos proprii habere nihil, possidere nihil, & quò se submissius gerant, victum mendicando querere.

INHIENT nunc struendis facultatibus mortales, & totis viribus congregare nitantur diuitias: nisi plus gloriæ Frâncisco sua compararit inopia, quàm vlli vnquam regnum suum regnum, nisi eius nomen etiam regibus ipsis honori habeatur, & hominibus pariter, & Angelis celebre sit.

VOS verò Ecclesiæ Antistites, qui villici personam induistis, dicentis: Fodere non valemus, mendicare erubescimus: Villici saltem & exemplo facite vobis amicos de mammona iniquitatis, fideliter dispensantes quæ vobis cõmissa sunt, alioqui audituri: Si in alieno infideles fuistis, quod vestrum est, quis dabit vobis? Bona, quæ habet Ecclesia, pauperum sunt: bona verò Sacerdotis, vita æterna. Qui ergo ea, quæ pauperibus debentur, in suos cõuerterit vsus: vitam æternã, quæ sibi propria erat, amittet. Et cum nec illa secum ferre poterit, quoniã velit nolit relinquenda sunt:

*In opulentiam
& luxum ele
riorum.*

LUC. 16.

DE PAUPER-TATE

sunt: nōne egere incipiet? nōne qui dudum mendicare erubescēbat, iam etiā illis, qui mendicauerunt, inuidebit? & more diuitis purpurati nequaquam verecundabitur opem poscere ab ijs, quibus, cū deberet, dare neglexit. Tormenta patietur, & nemo miserebitur, sed dicetur ei: Memento quā recepisti bona in vita tua, mendicantes autem mala. Tu nunc cruciaris, illi consolantur.

*Episcopi etiā
colāz pauper-
tatem.*

IGITUR quisquis Ecclesiastici dispensatoris curam gerit, si metu supplicij liber, & spe prēmij securus esse desiderat, agnoscat se pauperis Domini seruum, & paupertatem quam ille coluit, & ipse colat. Pontificali dignitate fulges, non est cur Christi vitam imitari non debeas, qui Christum in terra vicem tenes. Non est, inquit, discipulus super magistrum, nec seruus super dominum suum. Sufficit discipulo, vt sit sicut magister eius: & seruo, sicut dominus eius. Attēde itaque cuius magistri discipulus es, cuius domini seruus: nempe illius, quem etiam Propheta non nisi pauperem venturum prädixerunt, vt est illud Zachariae, dicentis: Exulta satis filia Sion, Iubila filia Ierusalem: Ecce rex tuus veniet tibi iustus & saluator: ipse pauper, & ascendens super asinam, & super pullum filium asinae. Tam autem pauper, tam inops, tam egenus, vt (sicut Evangelicæ veritatis testatur autoritas) non habuerit vbi reclinaret caput suum, non vnde pro se & Apostolo didragmam solueret. Alieno vsus est hospitio, alienis impensis sustentatus, aliena syndone inuolutus, alieno conditus sepulchro: denique suum habuit nihil, cuius sunt omnia. Quæris quare tam pauper vixerit in terra, qui tam diues est in cœlo? Quare nisi vt discas, terrena contemnere, & amare cœlestia? Hæc apprehendi non possunt, nisi illa relinquuntur. Hinc ipse ait: Vade, quæcunque habes vende, & da pauperibus, & habebis thesaurum in cœlo, & veni sequere me. Qui ergo pauper non fuerit, Christum sequi non poterit.

Matth. 12.

Marci 10.

Lucæ 10.

Apostoli.

PRIMI quidem illum secuti sunt Apostoli, qui & ipsi quā pauperes fuerint, in principio Capitis huius diximus,

mas, Evangelicæ historiæ sequentes fidem. Id si parum est, age modò, citentur etiam Prophetarum vaticinia, ut vtriusque Scripturæ collatis testimonijs, nullus ambiguitati relinquatur locus: Isaias Propheta: Conculcabit, inquit, eam (hoc est Ierusalém) pes pauperis, gressus egenorù. Rursus idè: Pauperes homines in sancto Israël exultabunt. Sanctificabunt Sanctum Iacob, & Deù Israël prædicabunt. Item Ieremias: Ecce ego mittam piscatores multos, dicit Dominus, & piscabuntur eos: Sophonias quoque ait: Derelinquam in medio tuo populum pauperem & egenù, & sperabunt in nomine Domini, dicit Dominus. Quæ quidè omnia de ipsis Domini Apostolis fuisse significata, expositorum nostrum assertio consentit. Igitur si Ecclesiæ Christianæ fundatores atq; ædificatores iam ab initio pauperes & egeni à Deo Optimo Maximo electi sunt, quid est quod te pudeat pigeatve, pauperem esse, qui operi illorum præpositus es minister & custos?

*Isaie 16.**Ibid. 19.**Ierem. 16.**Sopho. 3.*

RESPICIENDUM est, & quid vas electionis Paulus ea de re decernat, diligenter attendendum. Habentes, inquit, alimenta & quibus tegamur, his contenti simus. Nam qui volunt diuites fieri, incidunt in tentationem & laqueù diaboli, & desideria multa inutilia, & nociua, quæ mergunt homines in interitum, & perditionem. Radix enim omnium malorum est cupiditas.

*Paulus Apo-**stolus.**1. Tim. 6.*

IDCIRC o sanctissimi viri habentes tantum, sine quibus hic viui non potest; nihil præterea quæsierunt, & illi (quibus res erat) eis, quibus non erat, erogabant. Multa id genus exempla posuimus, cum de eleemosynis tractaremus, & nunc repetere superuacaneum est. Iohannes tamen Alexandrinus Patriarcha (à quo pauperes dominos diximus appellatos) non est silentio prætermittendus. Cum enim ex hac vita migraret, haud parum lætatus fuisse dicitur, dum gratias Deo ageret, quod morienti sibi nihil superesset præter vnum nummum, sed & hunc statim indigenti dari præcepisse. Annuum quippe illi Patriarchatus vestigal annuæ in egenos eleemosynæ erant, nihil sibi referuanti præter

*Iohannes**Patriarcha.*

præter Christum. Neque enim quicquam aliud suum esse aiebat, asserens ideo Sacerdotibus neque possessionem, neque partem, neque hereditatem, inter reliquas Tribus datam, quoniam pars, & hereditas, & possessio eorū esset Dominus. Vē ergo vobis (ut Amos Propheta ait) qui opulenti estis in Sion, & confiditis in monte Samariæ, optimates capita populorum, ingrediētes pompaticè domuna Israël. Talibus & per Ezechielem comminatur Dominus, dicens: Vx pastoribus Israël, qui pascebant semetipsos: nōne greges à pastoribus pascuntur? Lac comedebatis, & lanis operiebamini, & quod crassum erat occidebatis: gregem autem meum non pascebatis. Vbicunque autem vx positum est in Scripturis, poenam æternam obnuntiat delinquēti, quod tanto magis cauendum est, quanto quis maiori dignitate officioque præcellit. Scriptum est enim: Iudicium durissimum in eos, qui præsumunt, fiet. Potentes potenter tormenta patientur, fortioribus fortior instat cruciatio. *Leontius Episc. in vit. Patrum.*

Femina. SED dum nōs auaritiæ ardorem extinguere cupimus paupertatis commēdatione, penè modum excessit oratio. Ne tamen & foeminæ suæ laudatione hac quoque in parte fraudentur, vno duntaxat exemplo eam cōcludamus, iam ad reliquas tractationes generatim processuri.

Elizabeth. ELIZABETH regis Pannonum filia, Lodouicoque Lantgrauio Turingiæ Principi matrimonio iuncta, non ignara dictum à Propheta: Si diuitiæ affluant, nolite cor apponere: cū inter opes luxumque potentia secularis versaretur, paupertatem animo affectabat. Interdū domi sola cū ancilla manens, vilissimū sumebat amictū, totamq; sese ad pauperularum morem componebat, dicens haud alio ornatus genere vsuram, si quando tandem dignatus fuerit pius & misericors Dominus, expeditius viuendæ copiam sibi concedere. Ad hæc quoties ad Ecclesiā audiendæ Euangelicæ prædicationis gratia accedebat, non nisi inter infimas foeminarum sibi deligebat confidendū locū. Ut iam apertè concupiscere videretur, se de illarum

nume-

DE VITA SOLITARIA. LIBER I. 65
 numero fieri, quarum tam libenter inibat consortium.
 Defuncto itaque viro, omnia quæ habere potuit, indigen-
 tibus dedit, parumq; putauit, fortunas tantum pro Chri-
 sto impendisse; nisi amore illius etiam seipsam addiceret
 seruitio miserorum. Igitur postquam constructo diuerso-
 rio, non modicam egenorum ægotantiũ turbam coegisset,
 ministram se eorum fecit. Cumque à patre in Pannoniam
 reuocaretur, noluit eò ire, talem vitam præponens regno.
 Hinc, vbi ea postremo in Sanctorum gloriã recepta, mira-
 culorum patuit indicijs, apparuit verum esse quod Pro-
 pheta ait: Quia melius est modicum iusto, super diuitias *Psal. 36.*
 peccatorũ multas. Et verissimum quod à Domino dicitur:
 Beati pauperes spiritu, quoniam ipsorum est regnum coe- *Matth. 5.*
 lorum. Væ autem diuitibus, qui habent consolationem
 suam. Argentum eorum; & aurum eorum non valebit li- *Soph. 3.*
 berare eos in die furoris Domini, dicit Dominus. *Conrad.*
in vita Elisabeth.

De Vita solitaria.
Cap. IX.

DIXIMVS de obseruatione paupertatis: nunc de his
 dicemus, qui vt liberius cœlestium contemplationi
 vacarent, innocentiusque sese haberent, delinquendi
 occasione sublata, relictis vrbibus in solitudine victitarũt:
 habentes iam olim propositi huius duces, Eliam in Tor- *Elias.*
 rente Carith prope Iordanem à coruis nutritum, Eliseum *3. Reg. 17.*
 in monte Carmeli cum Prophetarum choro habitantem, *Eliscus Pro-*
 Filios Rechab sub tentorijs demorantes, & incertis sedibus *pheta.*
 vagos, Iohannem denique Baptistã in Ennon iuxta Salim *Sancti filij*
 iam Baptismi mysteriã auspicantem, & eos, qui ad se con- *Rechab.*
 fluerent, nunc arguentem, nunc docentem. Erat enim vox *Iohannes*
 clamantis in deserto: Dirigite viam Domini, rectas facite *Baptista.*
 semitas eius. Et quoniam hos omnes, quò magis à cõsue- *Iohan. 1.*
 tudine mortalium semoti erant, eò familiarius Dei collo-
 quijs reuelationibusq; vsos, nemo dubitat: multi deinde
 E ex Chri-

ex Christianis eorum exemplis incensi, solitariae vitae conuersationem inire.

Paulus primus Eremita.

QUOD PRIMUM primus Paulus Thebens apud inferiorem Thebaidam, cum Decij & Valeriani persecutionem fugeret, sedecim annorum adolescens, solus deserta petijt. Et inuenta in montis radicibus saxea spelunca, quam iuxta molliter fluuens riuulus terram irrogabat, & effusis desuper ramorum umbraculis palma Solis defendebat ardores, captus amoenitate loci, ubi latere concupierat, habitare coepit: intantum, ut cum centum & tredecim vixisset annos, nusquam inde decesserit, hominem nunquam viderit, praeterquam die vitae supremo Antonium, à quo & humatus fuit. Palmae primò fructibus nutritus est, deinde per annos LX, dimidiati panis fragmentum singulis diebus comedit, coruo alite homini ministrante. Neque aliud quam aquam bibit: Indumento de palmarum folijs contexto nuditatem operuit. Hoc tenore vitae in Dei seruitio tamdiu perdurans, non effugisse mihi videtur martyrium, sed protraxisse, & qui dici vnus mortem non tulerit, mortem annorum septem & nonaginta tulisse. Tanto quippe tempore hic perpetuus eremi cultor, humanis aspectibus semper inuius, quotidianis corporis mortificationibus sese afficere, ut in aeternum cum Christo viueret, non cessauit. *Hieron. Epist. de vita Pauli.*

Antonius Abbas.

ANTONIUS verò XXXV. annorum erat, quando eremum adiit, multas daemonum insidias, insuper & verbera passus, à proposito deterrentium: Cum scirent, se in solitudine vincendos, qui in frequentia solerent esse victores. Superatis igitur eorum machinationibus, montem conscendens, in quodam castello ab hominibus deserto se inclusit, ubi pane tantum & aqua sustentatus, cum iam XX. peregisset annos, vi eductus, & Abbas ordinatus, obstructis monasterij foribus manere coepit, ita ut mutasse latebram videretur, non deseruisse. Cum tamen multi varijs morbis laborantes eo ventirent, & sani reuerterentur, cresceretque in dies confluentium numerus: gloriam fugiens, procul

procul in vltiore deserti partē solus abiit, & in loco ab Angelo sibi monstrato cōsedit, vbi etiam sementem fecit, & oluscula coluit, fratrum labori parcēs, ne sibi necessariis deferēdo fatigarētur, cū tridui iter ab eis distaret. Ibidē vltimū Deo spiritū reddidit; cū centū & quinq; vixisset annos, miraculis ac virtutibus claris. *Athanas. in vit. eius.*

Non alienū videtur de hoc Antonij habitaculo verba Hierōnymi apponere, in Hilarionis Abbatis vita sic dicentis: Saxeus & sublimis mōns per mille circiter passus ad radices suas aquas exprimit, quarū alias arenā ebibūt; aliz ad inferiora delapsę paulatim riuum efficiunt. Super quem ex vtraque ripā palmę innumerabiles, multum loco & amoenitatis, & cōmodi tribuunt. De Hilarione deinde loquens, cū post obitum Antonij discipulos eius visendi gratia adisset: Videres, inquit, sēnem huic atque illuc cū discipulis Beati Antonij Isaac & Pelusiano discurrere: Hic, aiebant, psallere, hic orare, hic operari, hic fessus residere solitus erat: has vites, has arbusculas ipse plantauit. Illam areolam manibus suis ipse composuit. Hanc piscinam ad irrigandū hortulū multo sudore fabricatus est: istum sarculū ad fodiendā terrā plurimis annis habuit. Iacebat in stratu eius Hilarion, & quasi calens adhuc cubile deosculabatur. Erat autem cellula non plus mensurę per quadrū tenens, quā homo dormiens extendi poterat. Pręterea in sublimi mōtis vertice, quasi per cochleam ascendētib; & arduę valde, duę eiusdem mensurę cellulę visēbantur, in quibus venientiu frequentiam, & discipulorum suorum contubernium fugiēs, mortuus est. Verū hac in viuō excisā saxo, ostia tātū adita habebāt. His quidem verbis Diuus Hierōnymus (vt mihi videtur) non solum loci formam, atque naturam pulchrę expeditęq; descripsit, verumetiam eleganter effinxit, enucleatęq; expressit, quantus in illis Dei seruis intimi amoris feruor accendebatur, dum singula circumspectando; sic penitus Antonij memoria commouentur, tanquam pręsentem cernerent, non tanquam desiderarent absentem.

*Habitaculum
S. Antonij
Abbatis.*

Vsq̃ue adeo ille efficax atque admirandum sanctitatis exemplum fuit. *Hieron. in vita Hilarion.*

*Hilarion
Abbas.*

P O R R O ipse Hilarion, viuente adhuc Antonio, xv. annos natus, cum visendi eius cupiditate flagraret, ad eremum est profectus. Vt autem eum vidit, repente mutato habitu non ante discessit, quam vitæ eius ordinem morumque præstantiâ edidicisset. Deinde frequentiam ventitantium non ferens, cum quibusdam monachis ad patriam redijt, & postquam defunctis parentibus omnem hæreditatem partim fratribus, partim pauperibus distribuisset, solitudinem, quæ in septimo milliaro à Maioma Gazaræ emporio, per littus euntibus Ægyptum ad leuam flectitur, ingressus est. Sacco tantum membra coopertus, & pelliceum habens ependyten, quem Beatus Antonius proficiscenti dederat, sagumq; rusticum: vasta & terribili eremo fruebatur, nunquam in eodem loco mansitans, ne latronum pateret iniuriæ. Sed & dæmonum ibi multas variasque terrificationes constanter tolerauit. Multas tentationes, multas eorundem euasit insidias. A sextodecimo vsque ad vicesimum suæ ætatis annum, æstus, & pluias iunco & carice texto tuguriunculo, declinauit. A vicesimo vsque ad tricesimum primum cellula vsus dicitur, cuius latitudo pedum quatuor erat, altitudo quinque, longitudo paululo protensior quam eius corpusculum patiebatur, vt sicut Hieronymus ait, sepulchrum potius, quam domum, crederes. Profecto qui talibus delectantur habitaculis, etiam si tacuerint, clamare cum Apostolo mihi videntur: Non habemus hic ciuitatem manentem, sed futuram inquirimus. *Hieron. Ibidem. Sur. Tom. 5.*

Hebr. 13.

Honephrius.

H O N O P H R I U S quoq; Monachus cum Hermopoli in monasterio sese aliquamdiu exercisset, quasi è ludo ad certamen progredi cupiens, ad quandam vastissimam Ægypti eremum solus abiit, & in ea annos lx. hominibus prorsus incognitus permanfit. Consumptis autem quæ secum tulerat indumentis, superiorem corporis partem barba & capillis, inferiorem, vbi plus pudoris inest, arborum

rum folijs, virgultisque contexerat, annos xxx. non alio pabulo usus est, quàm quod arbores herbaeque syluestres dabant. Totidem pane se & aqua frigida sustentauit. Hunc tandem humaniorem victum sibi ab Angelo, à quo etiam Eucharistiam dominico quoque die accipere solitus erat, suppeditatum ferūt. Pafnutius Abbas, qui vitā eius Græco sermone scriptam edidit, dum desertum illud peragraret, eodem die quo in eum incidit, cum viuo collocutus est, & defunctum sepeliuit. Non est enim passus Dominus, serui sui, tantæ sanctitudinis viri, neque corpusculum dinitti inhumatum, neque conuersationem posteros latere: Illi prouidit tumulum, nobis virtutis exemplū. *In vitis PP.*

IOHANNES Ægyptius Anachoreta, cuius responsis *Iohannes Eremita.*
Theodosium Principem (in suis aduersus barbaros expeditionibus) vsum accepimus, habitauit in ea Thebaidis eremo, quæ adiacet oppido Lyco. Spelūca eius in prærupi montis vertice, ascensu difficili, adituque obstructo erat, ita vt nemo ad eum ingressus sit à quadragesimo vsque ad nonagesimum ætatis suæ annum. Per fenestram aduenientibus præcepta salutis dabat. Eisque extrinsecus, vbi commodè requiescerent, hospitium fecerat. Ipse intus solus (si tamen solus dici potest, cum quo Deus est) morabatur, finem expectans vitæ, vt vitam, quæ finem non habet, inchoaret: ea spe lætus forsā etiam decātabat: Singulariter *Psal. 140.*
sum ego, donec transeam; transiturus vtrique ad consortiū Angelorū, qui se à cōsortio secluserat hominū. *In vitis PP.*

THEONEM etiam intra suam cellulam clausum habitasse apud Thebaidam non procul ab vrbe, atque etiam porrectæ de fenestra manus tactu infirmos curasse, sed tamen noctibus ad eremum progredi solitum tradunt. De Domino quoque Lucas ita ait: Erat diebus docēs in templo, noctibus morabatur in monte qui vocatur Oliueti. Discamus igitur & Domini & serui exemplo, locum tempusque seruare: aliud, quo iuuetur proximus: aliud, quo Deus adoretur. *In vitis PP.*

APOLLONIUS Abbas, vt ætatis primitias Domino *Apollonius.*
confe-

consecraret xv. annos natus eremū adijt, in finibus Her-
mopolis apud Thebaidam. Quadagesimo secessionis suæ
anno, propius urbē redire diuinitus iussus, discipulos con-
gregauit. Iam enim dignum se fecerat, per quem & ceteri
immortalitatis præmia consequerentur. *In vit. PP.*

Eliz Monachus.

ELIAS Monachus in finibus ciuitatis Athineos (quæ
quondam Thebaidis Metropolis fuit) annos lxx. in va-
stissima solitudine perdurauit. Erat desertum horroris ple-
num, semita, quæ ad ipsum ducebat, angusta scrupæque,
& inuentu etiam difficilis. Antrum quoque, quod inhabi-
tabat, tetrum atque horrens, ac statim propius accedenti-
bus nescio quid terroris incutiens. Hunc se ibi uidisse
Diuus Hieronymus testatur, iam centum & decem annor-
um senem. Ferebatur autem interdum etiam futura præ-
dicere, euentu haud incerto: Vt super eo quoque Eliz
Prophetæ spiritum requieuisse dicerent, cuius & nomen
sortitus fuerat, & secutus propositum, Deo in solitudine
seruando. *Hist. Tripart. lib. 8. c. 1.*

*Iohannes
Brenita.*

RARISSIMUM est quod de Iohanne quodā relatum
legimus. Dicitur enim cum primū ad eremū secessisset,
tribus continuis annis sub cuiusdam saxi rupe stans sem-
per orasse, nunquam resedisse, tantū somni cepisse quan-
tum rectus capere potuit, cibū quoque non alium gustasse
quàm dominicis dūtaxat diebus, Eucharistiæ Sacramentū
à sacerdote sibi delatū. Denique de pedibus, quod tam diu
immobiles persisterint, fluxisse saniem aiunt: O beatum
virum, qui tantam gratiā consecutus est, ut hæc agere vel-
let: beatiorē, ut posset! Non immerito igitur post hæc
Angelum Domini aduenisse dicunt, vlcera eius tactu cu-
rasse, labia sapientiæ spiritualis fonte perfudisse, & ut dein-
ceps ceteros fratres per eremum visitando instituere ac
docere pergeret, simul iussisse. Dignus quippe magisterio
iudicatus est, cuius vel solus cōspectus potuit esse nō par-
uum hortamentum, aspera quæque pro Christo subeundi
atq; perferendi. Dicerē equidē talia nemini factū possibilia
esse, si quocquā impossibilibus esset credentibus. *In vit. PP.*

NI

NEQUE tamen (vt mihi videtur) minus stupendæ *Simon Monachus.* vitæ speciem præbuit Simon Susotionis filius. Hic annum tantum cum fratribus in monasterio Antiochiæ conuersatus, ad desertum abiit, annos tres in spelunca clausus permansit. Sed hoc ei commune cum multis: illud autem proprium & peculiare, quod deinde super columnas dicitur habitasse, quarum altissimam cubitorum xxx. fuisse ferunt. In vna eum perstitisse annos iiii. in alia xij. in alia rursum xij. in alia iterum iiii. & in illa postremo, quæ procerrima erat, usque ad obitum vitæ, xvj. Eas pro pulpitis habuisse satis probabiliter videri potest, quandoquidem multi ex gentibus rei nouitate exciti ad videndum illum confluebant, & ab idolis ad Christum prædicationibus ipsius conuertebantur. Vtunque tamen sit, proculdubio durum atque difficile, & quod nemo vel ante eum fecerit, vel postea imitatus sit, *Euagr. Hist. Eccl. lib. 4. c. 33.*

QUANTUM autem profectus sit, quantæque utilitatis *Arsenius.* Christi seruis ipsa solitaria vitæ observatio, locupletissimus testis est Arsenius. Etenim antequam religionem inisset, rogasse dicitur sibi à Domino reuelari, quæ se potissimum ratione saluare posset: & responsum accepisse, vt consortia hominum, præcipueque sæcularium declinaret. Factus verò monachus, inter precandum rursus vocem audiuit dicentis: Arseni, fuge, tace, quiesce, vt scilicet deuictæ fuga, frequentiam: taciturnitate, iactantiam: quiete, fluxarum atque fragilium rerum solitudinem. Proinde secedens in partes Syriæ, eo loci qui Troen dicitur, sedit solitarius annos xl. Deinde in deserto vastiore ultra Babylonem, Memphin versus, annos decem: postea ad Canopum Alexandriæ, annos tres. Rursum in Troe annos duos. Sicque peracto vitæ cursu, nonagenarius terram reliquit, & ad Dominum migravit, bonis celestibus semper fruiturus. *Metaphrast. & Sur. Tom. 4.*

IDEM cum Theophilus Alexandriæ Archiepiscopus, *Idem.* quodam nobili Alexandrino ciue comitatus, ad eum non multo procul à Canopo habitantem venisset, rogatus

ab eis sermonem, dixit se facturum, si modò quicquid præciperet seruare vellent. Sponsione autem facta: Præcipio, inquit, vt vbicunque Arsenium morari audieritis, illuc ne accedatis. Alia quoque die cum ab eodem Pontifice, per nuntium, vt sibi adeundi copiam cõcederet, sollicitaretur: Si vñeris ait, & quod petis concedam, & loco cedam. Itaque Theophilus mutauit aditionis propositum, ne ille longiùs discedèdo mutaret habitaculi locum. Grata enim ei erat in sua diocesi talis ac tanti viri māsio, cuius merita sibi quoque adiumento esse credebat, ad conciliandā gratiam apud Deum. *Metaphrast. & in vit. PP.*

Idem.

QUA MOREM autem Arsenius se ab vllo hominum adiri agrè pateretur, breui responso declarauit. Id enim a Marco Abbate interrogatus: Cum Deo & hominibus simul se omnino esse nō posse, dixit. Vsq̃ue adeo vel modica alicuius interpellatione, à diuinæ contemplationis dulcedine se auocari, indignè terebat. Quamuis enim adhuc in terris esset, iure suo tamen cum Apostolo dicere poterat: Conuersatio nostra in cælis est. *Ibidem.*

*Philip. 8.
Iudocus.*

HINC illud est, quod Sanctus Iudocus non dubitauit eremi angustias præponere Britannia regno, malueritque in deserto Christo seruire, quàm in patria Britannis imperare. Inde fugitans, ad Alzeum fluuium agri Pontini peruenit. Et cum ibidem sedē sibi ponere vellet, ab Hymeone regionis Tetrarcha prohibitus est. Sed neque ideo propositi pœnitens, dum ad vltioris solitudinis loca pergit, ab eo ipso, à quo pulsus fuerat, reuocatus redijt, atque etiā ope illius adiutus, in qua cœperat ripa gurgustiolū compegit, & cū vnico discipulo solitarius habitauit. Vis nosse quantū in eā solitudine manens profecerit? Pro terreno & caduco regno quod cōtempserat, cæleste & æternū accepit quod concupierat. *Florent. Abb. & Rodolph. Agric.*

*Hieronymus
de laude eremitarum.*

QUID mirum igitur, si & ipse aliquando vastæ solitudinis, nunc Paradisi incolā Hieronymus, dum Heliodorū inuitat, sic demum illam laudibus efferat, dicens: O desertum Christi vernans! O solitudo, in qua illi nascuntur lapides,

Lapides, de quibus (in Apocalypsi) ciuitas magni regis cō-
struitur. O eremus familiaris Deo gaudens! Quid agis,
frater, in seculo, qui maior es mundo? Quamdiu te tecto-
rum umbræ premunt? Quamdiu fumosarum vrbiū carcer
includit? Crede mihi, nescio quid plus lucis aspicio. Liber
farcina corporis abiecta, ad purum ætheris volare fulgo-
rem. Paupertatem times? sed beatos pauperes Christus
appellat. Labore terreris? nemo athleta sine sudore coro-
natur. De cibo cogitas? sed fides famem non timet. Supra
nudam metuis humum exesa ieiunijs membra collidere?
sed Dominus tecum iacet. Squallida capitis horret inculta
cæsaries? sed caput tuum Christus est. Infinita eremi vasti-
tas terret? Sed tu Paradisum mente deambula. Quoties-
cunque illuc mente conscenderis, toties in eremo non
eris. Scabra sine balneis attrahitur cutis: sed qui in Chri-
sto semel lotus est, non habet necesse iterum lauare. *Ex Ioh. 13.*
breuiter ad cuncta audias Apostolum respōdentem: Non
sunt condignæ, inquit, passionēs huius seculi ad superuen-
turam gloriam quæ reuelabitur in nobis. Delicatus es,
frater, si & hic vis gaudere cum seculo, & postea regnare
cum Christo. Beatus seruus, quem Dominus inuenierit vi-
gilantem. *Hieron. Epist. ad Heliodorum, Lucæ 12.*

IPSE VERÒ Hieronymus in illa, in qua hæc scripsit, Hieronymus
cremo, in illa, in qua (vt ipse ait) vasta solitudine, qua solis
exusta ardoribus horridum monachis præstabat habita-
culum, annos quatuor moratus est, Scorpionum tantum
& ferarum socius, sacco vestitus, humi cubans, aquam fri-
gidam bibens, & cibus crudis vtens, cochymq; comedere
luxuriæ deputans, carnis lasciuientis pugnas hebdomada-
rum interdum inedia vincens. Et tamen inter has tantas
corporis fatigationes, adeo spiritu exultabat, vt diceret:
Oppidū mihi carcer, solitudo paradysus est. Post hæc cum
ad Bethlehem accessisset, & constructo monasterio cum
fratribus habitaret, flens fateri solebat, se iam nō esse eum
qui fuerat: adeo in solitudine sibi melius fuisse existima-
uit. Post labores, inquit, & lachrymas, & celo inhaerentes
E s oculos,

oculos, nonnunquam mihi videbar agminibus interesse Angelorum, & lætus gaudensque cantabam: Post te in odorem vnguentorum tuorum curremus. *Hieron. Epist. 22. ad Eustoch.*

Cant. 1.

*Martius
Eremita.*

HAVD equidem dubitauerim, quin pari consolatione perfrui solitus sit etiam Martius ille, quem Gregorius in Marsico Campaniæ monte vitam duxisse tradit. Etenim tanti solitudinem fecit, ut nequando vlla vel rerum difficultate, vel dæmonum molestia superatus inde recederet, ad ferream catenam, quam saxo affixerat, vix solubili compede ipse se deuinxerit. Atamen Beatus Benedictus Abbas ubi id rescivit, volens ut iugis in deserto commoratio constaret potius viri, quam ferreis nexibus ascribi posset, protinus nuntium ad eum misit, inquit: Si seruus Dei es, non te teneat catena ferrea, sed catena Christi. Quamobrem ille vincula quidem deposuit, sed tamen speluncam ingressus, aditu oblitrufo habitare cepit. Deinde etiam discipulos aliquot secum adunauit, multisque præterea miraculis nobilitatus est, atque inter Sanctos habitus. Nunc spatia metitur Paradisi, qui tam anguste habitauit in terris. *Gregor. Dial. lib. 3. c. 16.*

Anachoretæ.

FVSSÆ etiam quoddam monachorum genus legimus, qui per diuersa solitudinum loca errantes ac vagi, sedibus semper incertis, ne ab hominibus conueniri possent, peregrinabantur. Hos quia protulsecdebant, Anachoretas appellatos. Alios ex illis panem & sale ad desertum delato victitasse, alios verò herbas tantum & radices pro cibis habuisse. Tanta vitæ asperitas intolerabilis prorsus videretur, nisi etiam intolerabilia, tolerabilia fecisset Dei amor, & Dei timor. *Isidor. de Off. Eccl. lib. 2. c. 15.*

Femine.

SVBTRCTAMVS aliquot etiam infirmioris sexus exempla, ut appareat, foeminas quoque habere de Sanctarum collegio duces, quas ad eremum sequi secundum diuinitus gratia donum, aut optent tantum, aut simul & possint.

Maria Magdalena.

MARIA Magdalena omnia peccata sibi dimissa esse iam pridem audierat, optimam partem, quam non auferretur ab ea,

ab ea, Domino attestâte, se elegisse cognouerat, resurgentem Dominum prima videre meruerat, pro amore illius omnia contempserat. Denique apud Massiliam Galliarum urbem inanum Deorum simulachra, Christi prædicatione iam prostrauerat, salutiferâq; Crucis vexillum erexerat, necdum tamen se fecisse satis putauit, donec solitudinis angustijs, carnem suam aliquando delicti ream, macerasset afflissetque. Annos itaq; triginta nulli hominû visa, nulli cognita vixit in deserto, non humano cibo, sed Angelicis sementis assidue sustentata, vt ex hoc intelligas, Angelorum ministeria promereri, quisquis propter Deum declinauerit hominû consortia. Die verò obitus sui imminente sacram communionem de manu Maximini Episcopi accepit, ne sine illo ad cælum ascenderet, cui in terra toto corde, totis viribus seruierat, fidem ipsius in vrbibus prædicando, gloriâ in solitudine meditando. *Iacob. de Vorag. Episc. Ianuen.*

*Luce 10.
Marci 16.
Iohan. 20.*

MARIA Ægyptiaca cum corpus suum vulgaret, viuens mortua erat. Sed qui venit quærere quod petierat, & non iustos, sed peccatores vocare ad poenitentiam, ipse tandem cordis eius domum ingressus, ait: Puella, tibi dico, surge. Et confestim surrexit, quæ diu iacuerat in impudicitæ coeno. Surrexit, vt Iesum, quem in delicijs amiserat, in amaritudine animæ suæ quæreret. Cum enim de Alexandria Ierosolymam venisset, non potuit Templum Dei ingredi. Vique inuisibili inhibita, subsistit in limine, miratur, stupet, erubescit, & pedem inuita refert. Vbi recognouit, sacro aditu se indignam, quod prophanis vitæ oblectamentibus esset polluta: nequiter actæ ætatis poenitudine grauitèr angere animo coepit, & lachrymas effudit, decernens ibi turpitudini finem imponere, vbi Dei erga se indignationem coeperat experiri. Rursumq; tetrato ingressu, libere absque impedimento introiuit. Mox ante Crucem Domini suppliciter prostrata, tamdiu flere non desinit, donec audiuit, si salutis suæ consultum vellet, Iordanem transiret. Transmisso ergo Iordane, desertum penetrauit, iam aliam vitam, alios mores sequens, quam quos ad eam usq;

*Maria Ægyptiaca.
Luce 19.
Marci 2.
Matth. 9.
Marci 5.
Luce 8.*

diem

diem non deseruerat. Tam primum caput illud, quod sepe margaritis & auro ornauerat, cœli obiecit iniuriæ, nullo tecto cõtenta, crines quos frequenter calamistro intortos crispauerat, cum desecuisset, pedibus conculcandos proiecit. Faciem, quam pluries cerussa, & purpurisso fuceauerat, lachrymis rigauit, & solis excoxit ardoribus. Pectus, quod fasciis papillarum tumorem cohibentibus astringere consueuerat, pugnis diuerberauit. Totum denique corpus, quod prius omni voluptatum genere diffluxerat, extenuauit ieiunijs, vexauit vigilijs, fatigauit laboribus, sollicitauit assiduitate orationum, deuenustauit nuditate, oppressit inopia. Sic penitus immutatam post quadragesimum cõuersionis suæ annum, Zozimas Abbas (dum fortè per desertum illud solus incederet) vidit, deprehenditque orantem procul à terra subleuari, trans flumen euntem super aquas siccis vestigijs ambulare. Ad tantam perfectionem eremi cultrix deuenit, tam dispersita urbium cultrix. *In vitis PP.*

*Periculū vite
solitariae.
Eccl. 4.*

VERVM ne quis solitariae vitæ affectione incautus, in laqueum incidat diaboli, cum scriptum sit: Væ soli, qui cum ceciderit, non habet subleuantem: Antè præparet domi viatica virtutum, qui vult diu vagari peregrè foris. Exerceatur prius in simulachro pugnae, qui ad singulare certamē callidissimi hostis cupit prodire. Hoc cõgrediēdi genus veteranos desiderat, nō tyrones. De ludo monasteriorū Hieronymus noster inquit; Volumus huiuscemodi egredi milites, quos eremi dura rudimēta nō terreat, qui specimen conuersationis suæ multo tēpore dederint, qui omnium fuerint minimi, vt primi omnium fierent, quos nec esuries aliquando, nec saturitas superauit, qui paupertate letantur. Quorum habitus, sermo, vultus, incessus, doctrina virtutum est, qui nesciunt secundum quosdam ineptos homines, daemonum pugnantium contra se portenta confingere, vt apud imperitos & viles homines miraculum sui faciant, & exinde lucra sedentur. Qui ergo talis erit, qualem hic Ecclesiæ nostræ Plato luculenter expli-

*Hieron. ad
Heliodorū.*

DE VIGIL. ET SOMNO, LIBER 2. 77
 explicuit, huic solitudo non periculum, sed periculorum
 effugiū erit, & puppis diu in alto iactatz portus, & animi
 soli Deo vacantis quies, & locus myrrha, stacte, casia, om-
 nibus sanctimoniz aromatis fragrans, manna inuisibi-
 lis rore perfusus, sanctiq; Spiritus lumine illustratus, no-
 ctes quoq; lucidas habes, & iam quidā in terra paradysus.

De Vigiljs, & Somno & Stratu.

Caput X.

QVONIAM verò siue quis in solitudine solus, siue
 cum multis in monasterio, vitam ducere cōstituerit,
 in primis eniti debet, ne somnolentiz deditus, ad ea
 quæ religiose obeunda sunt segniter exurgens, ignaua
 cunctatione obtorpescat : qua cura, quo studio, sacras vi-
 giliis obseruarint, qualibus etiam stratis vsi sint, ac quā
 minimum sopori indulserint hi, quos veniens Dominus *Luc. 12.*
 inuenit vigilantes, hinc iam perscrutemur.

TRADITVM est, in ea eremo, cui Euagrius Abbas *Eremita.*
 præsuit, fuisse monachos, qui sedendo somnum caperent,
 non iacendo, magis repugnantes sopori, quā dormien-
 tes. Hi profectò iure suo dicere poterant: Omnes nos filij *1. Thess. 5.*
 lucis & filij diei sumus, nō noctis, neque tenebrarū. Igitur
 nō dormiamus sicut ceteri, sed vigilemus & sobrij simus.

BEATVM Hilarionem, Hieronymus refert, super nuda *Hilarion.*
 humo stratuque iunceo vsque ad mortem cubitalle. Scie-
 bat enim eos, qui exquisitoribus culcitris per luxum vtun-
 tur, Prophetæ verbis deuoueri, dum ait : Vx vobis, qui *Amos 6.*
 dormitis in lectis eburneis, & lasciuitis in stratis vestris.
Hieron. in vita eius. c. 3.

PASTVMIO quoque, quamdiu in eremo moratus est, *Pastumius.*
 nudum, atque interdū sparsis ex industria scrupulis aspe-
 ratum solum lectus fuit. Quid hoc est, nisi nolle vnquam
 ita resoluta corpore obdormiscere, vt mens ad Deum nō
 vigilet? Hinc sanè & Isaias Propheta semper cum Deo esse *Isaia 26.*
 anhelans ait : Anima mea desiderauit te in nocte, sed &
 spiritu

DE VIGILIIS, ET SOMNO
spiritu meo in praeordiis meis de mane vigilabo ad te.
In vitâ PP.

Honophrius. HONOPHRIO verò neque testum vllum, neq; certus quietis locus fuit. Ibi somnus erat, vbi per desertum vaganti nox occurrisset. Sed & ipsa quoque nox per uigilio magis quàm dormitione peragebatur, vt illud seruaret à Propheta dictum: In noctibus extollite manus vestras in sancta, & benedicite Dominum. *In vitâ PP.*

Arsenius. ARSENIUS tam breui quidem somno naturæ satisfecit, vt etiam dicere solitus sit: Monacho satis esse, si horam vnā dormierit. Surreptenti somno obnixè repugnans, illum improbum seruum appellabat, quoniam nō vocatus sese ingereret; & inuitum traheret ad quiescendum. Sabbatis omnibus hoc diligentissimè obseruauit, vt cum occidente Sole orare coepisset, non nisi ex oriente cessaret. Itaque semper sic cum somno pugnauit, vt sabbatorū noctibus nihil ei cederet, alijs tam parū, vt etiam naturam vicisse videretur. *Metaphrast. & Sur. Tom. 4.*

Hieronymus. BEATVS Hieronymus ad Eustochium virginem scribens, dum quibus in cremo corporis fatigationibus cōtra vrbānarum voluptatum cogitationem contēderit, enarrat, de ipsa etiam cubandi austeritate mentionem faciens: Si quando, inquit, repugnantem somnus imminens oppressisset, nuda humo vix ossa hærentia collidebā. Et quisquam securum se arbitratur, si vel in stratis paleis, vel vili tomento cubitauerit, vel plusculum, quā compellit necessitas, quieti indulserit? Non potest resistere diabolo, qui facile superatur à somno. *Hieron. ad Eustoch.*

Martinus Episcopus. PROPTEREA quidem Martinus quoque Turonensis Episcopus (sicuti de illo Eusebius ad Seuerum scribens testatus est) substrato humi cilicio cubans, frangebat somni molliem lectuli rigore. Itaque nunquam tam altè consopitus est, vt sentire nō posset furem illum, qui perfosso pariete pedetentim ingrediens expilat stertentium domos. Diabolus enim semper vigilat, vt eos, qui non vigilant, perdat, perimat, & mactet. *Seuer. Sulp. Dial. 2.*

IDEM

Idem sanctissimus Præsul, cum in monasterio quodam *Idem.*
 sine diœcesis reuerenter susceptus, hora quiescendi cellam
 ingrederetur, cubili paulo apparatiùs instructo offensus,
 stragula, paleasq; euertit, & in nudis tabulis (sicut vestitus
 erat) sese collocauit. Iamq; delibutis leni sopore membris
 quiescebat, cum stramenta, quæ eiecerat, igni succensa ia-
 centem excitauerunt. Illicò exurgens ac trepidans cum
 cellæ exitum, per quem effugeret, fumo omnia inuoluente,
 non inuenisset, ad orationem se vertit. Mox flammæ vis illa
 omnis extincta, fumusq; consumptus illæsum reliquerunt.
 Et impletum est in eo illud Prophetæ dictû: Probasti cor *Psal. 19.*
 meum Domine, & visitasti noctes: igne me examinasti, &
 non est inuenta in me iniquitas. Potuit quidem illi quies-
 centi turbare somnû repétinus ardor, nocere non potuit:
 quoniam qui sic dormiunt, Dominus pro eis vigilat. *Ibid.*

BERNARDVS Abbas & ipse præcipuus vigiliarum *Bernardus*
 obseruator, dum ad eas capeffendas alios hortatur, dicere *Abbas.*
 solebat: Dormientem monachum Deo mortuum esse, nec
 sibi, nec vlli vtilem. Huic sententiæ si cõtrariam apponere
 vouerimus, dicendum erit: Vigilantem monachum Deo
 viuere, nec non & sibi, & alijs vsui esse. Iam ex hac oppo-
 sita inter se diuersitatis comparatione nemo ignorare po-
 terit, nisi qui animo magis quàm oculis dormitauerit,
 quantum vigilia sopori præstet: quâ tum hæc iuuat, quan-
 tum ille officiat: quàm altera appetenda, alter fugiendus
 sit. *In vita Bernardi lib. 1. c. 4.*

Idem quoque conuersationis eorum quibus præerat, *Idem.*
 non segnis speculator, si quem ex fratribus aliquando ster-
 tentem perlensisset, parû religiosè illum dormire aiebat,
 modum, modestiamq; ab eis exigens, sicuti cæteris in re-
 bus, ita etiam in dormiendo. Quòd si brevis etiam somni
 ronchus viris religiosi vitio datur: quomodo nõ dabitur
 nimia dormitio? Cui quâ tumcunque temporis indultum
 fuerit, tantum à spiritualium actionû exercitatione com-
 putabitur cessatû, Scriptum autem est: Manè semina semē *Ecc. 11.*
 tuum, & vespere ne cesset manus tua. *Ibidem.*

GER-

Germanus Episcopus. GERMANVS Antisiodorensis Episcopus, lectulum suum cilicio saccoque & cinere strauit, vt non lectum, sed luctum, & doloris potius, quàm quietis locum diceret. Insuper ipse quoque (vt in vita eius scriptum legitur) sic iacens identidem suspirare ingemiscereque audiebatur, ita vt cum parumper iacuisset (ad nocturnas enim ceremonias celebrandas primus exurgebat) multò minus dormisse putaretur, quàm prius quàm iacuerat. O te felicem, Germane, qui in cinere dormiès, in vitam euigilasti sempiternam, ascendenis ad illud Christi Beatorumque omnium immensum, inestimabile, coeleste diuinumque contubernium! Quàm exigui temporis labor, quàm ingentis iocunditatis tibi peperit quietem? *Hericius Monach. in vita Germani ad Car. Cal. Sur. Tom. 4.*

Vincentius Prædicator. AD quam perueniendi cupiditate incensus non mediocre Ordinis Prædicatorum ornamentum Vincentius, diem penè totum sermonibus ad populum faciendis, noctem multam obsecrationibus lectionibusque, partem eius minimam somno dicitur impendisse. Cubitasse autè, cum durius, sarmetis substratis: cum mollius, paleis: cum honestius, sacco. *Sur. Tom. 2.*

Petrus Prædicator. PETRVS quoque eiusdem & ordinis & sanctitatis vir, dum etiam ipse interdum prædicandò excubat, & noctu deprecando, psallendo, legendoque vigilat, ad martyrij vsque palmam peruenit, & quia per omnia sanctorum Apostolorum vitam expresserat, ad eorum propectus est & gloriam. *Antonin. Hist. part. 3.*

Bernardinus. BERNARDINVS verò nec ideo illis (mea quidem sententia) minor, quia de collegio Minorum fuit, etiam antequam religionem profiteretur, religiosi vitam vixit. Quodque ad rem pertinet, tunc quoque ad offerendum Deo laudis sacrificium noctu consurgens, ne quiete occuparetur, contemptis lecti stratis, super pauimento vestitus iacere consueuerat. Cum hoc vigiliarum præludio ad monasterium venit, tantò deinde minus somno concessurus, quantò perfectius viuendi subibat institutum. Et quo-

Et quoniam sacris initiatus omni sanctitatis genere prae-
celluit, etiam vigilantissimum fuisse nemo dubitat. Quod
ergo noctu didicerat vigilando, hoc die alios docuit praedi-
cando. Multosque qui peccatorum oppressi vetero, in
morte dormiebant, excitauit in salutem. Dederat enim
Dominus verbū euangelizanti, dederat voci illius vocem
virtutis: Nisi somni semper parcissimus fuisset, nunquam
tantum in Dei seruitio profecisset. *Anton. Hist. part. 3.*

Psalm. 67.

PROPONAMVS & foeminis quae sequantur exem- *Foeminae.*
pla, quibus attendentes, somnolentiae grauedinem possint
discutere.

PAVLA illa Romana, quae summam generis nobilita- *Paula.*
tem superauit vitae sanctitate, in grauissima etiam febre
(vt Hieronymus inquit) mollia lectuli strata non habuit,
sed super durissimam humum in stragulis cilicinis quies-
cebat; si tamen illa quies dicenda est, quae iugibus penè o-
rationibus dies noctesque iungebat, illud implens de Psal-
terio: Lauabo per singulas noctes lectū meum, lachrymis
meis stratum meum rigabo: *Hieron. de laudib. Paula.*

Psalm. 6.

IDEM autor Asellae virginis sanctitatem efferens lau-
dibus, ait: Vnius cellulae clausa angustijs, latitudine Para-
disi fruebatur: idem terrae solum & orationis locus extitit
& quietis. *Hieron. Epist. ad Asellam.*

Asella virgo.

LEGIMVS etiam in monasterio illo Thebaidis, in
quo Euphraxia Virgo summis effulsit virtutibus, moris
fuisse, in terra cilicino stragulo tecta cubitare, ac quoties
aliqua sororum minus pudici somnij praestigijs ludificata
se cognouisset, Abbatissae confiteri, & quantum visa dis-
plicerent, cinere stratis insperso testari. Quis igitur dubi-
tat, quin ijs, quae somnium crimen vt commissum dole-
bant, dormitio ipsa multò plus sollicitudinis attulerit,
quàm quietis? semper verentibus, ne quam eiusmodi som-
norinam speciem menti obuerfari contingat. Præter hæc
autem Euphraxia, cum quicquam tale per quietem passa
fuiisset, biduanis, triduanisque ieiunijs sese macerabat, vt
in cinere iacens, etiam cum obdormiuisset, cibos potius
quàm

*Virgines Deo
dicatae.*

Euphraxia.

DE VIGILIIS ET SOMNO

quàm abominaciones somniaret. *In vit. PP. in vita Euphrasie.*

Othilla Abbatissa.

NON tamé minori curæ Othillæ virginis vigilias fuisse accepimus. Cui quamuis Monasterij in quodam Bauariæ môre siti preposita esset, pro stragulo vrsina pellis, pro puluillo saxum erat. Solebat enim, vti in cæteris religiosæ cõuersationis laboribus, ita & in hac parte grauius onus sibi ipsi, quàm alijs, quibus præerat, virginibus imponere. Super vrsi autem pelle cubans, magisq; vigiliæ, quàm somno indulgens, conculcauit vrsum illum, quem Dauid typum gerens CHRISTI, scribitur interfecisse, & de quo per Ieremiam dicitur: Vrsus insidians factus est mihi. Lapidem verò capiti supponens, placuit lapidi illi, qui factus est in caput anguli, qui fecit vtraque vnum, cui nunc inseparabiliter iuncta, & ipsum, quocunq; ierit, sequens concinit canticum nouum, quod in Apocalypsi nemo potest dicere, nisi fuerit virgo. Virginitas autem ipsa in tãtis quidem versatur periculis, vt nequando corrumpatur, custodiri à vigilantibus rarò potest, à somnolentis nunquam.

1. Reg. 17.

Thren. 3.

Ephes. 3.

Apocal. 14.

Iacob. de Vor. Episc. Ianuens.

Exhortatio.

Vos igitur, siue virgines, siue viduæ, quæcunque estis quibus castitatis & sanctimoniz amor inest, quæque integritatem mentis ac corporis obseruare proponitis, iam suscipite tale vigilandi studiũ, si talem à Deo consequi exoptatis mercedem. Præparate lampades vestras, vt cum sponsi aduentũ media nocte repente irruens clamor nuntiauerit, promptum vobis sit obuiam illi procedere, cum illo ad nuptias introire, per illum supernæ celestisq; celebritatis gaudijs perpetuò frui. At contra cauete maximè & enitimini, ne quando in illam fatuarum virginũ sortem concedatis, quæ veniente Sponso dormitauerunt & dormierunt, seriuſque quàm oportuit excitatę, tunc demum oleum emere volebant, cum peractis nundinis iam nemo esset qui venderet. Extinctis iam lampadibus in tenebris remanentes, aditu beatitudinis indignæ, somnolentiæ suæ poenas dederunt. Vigilate itaque, ait Saluator noster, quia

Matth. 25.

Mart. 13.

quia nescitis quando Dominus domus veniet : serò , an media nocte , an gallicantu , an manè : ne cum venerit repentè , inueniat vos dormiètes . Præcipuè autem noctibus vigilandù esse etià Prophetę exemplo admonemur , qui in Psalmis ait : Memor fui in nocte nominis tui , Domine : & custodiui legè tuā . Media nocte surgebā ad cōsistendum tibi . In noctibus extollite manus vestras in sancta , & benedicite Dominū . Isaias quoq; : Anima mea , inquit , desiderauit te in nocte . Et itè Ieremias : Cōsurge , lauda in nocte , in principio vigiliarum effunde sicut aquam cor tuum in cōspectu Domini : leua ad eum manus pro anima paruulorum tuorū . Quid multa ? Ipsum noctis silentium , quiesq; actionum , ad contemplāda cēlestia , ad preces Deo offerendas , nos hortantur , vt scilicet à terra prorsus abstracti , atq; mundo ipso altius mente sublati , soli iungamur Deo .

Psalm. 118.

Psalm. 131.

Isaia. 26.

Thre. 2.

LIBER SECUNDVS.

De cura & modo orandi.

Cap. I.



GE igitur , hinc iam sanctarum precum exempla perscrutemur , deinceps etiam contemplationis altitudinem ostensuri , qua diuini homines in terra degentes , mente cœlos permeabant . Hi verò quātū orandi studio dediti fuerint , vel quā efficaciter orarint , vel quātas inter orandum diaboli molestias tolerarint , si quē considerare non piguerit , nec imitari fortasse pigebit . Quandoquidem nihil est , quod petēri salubre futurum sit , vt illud non impetret oratio , dicente Domīno : Petite , & dabitur vobis : quærite , & inuenietis : pulsate , & aperietur vobis . Omnis enim , qui petit , accipit : & qui quærit , inuenit , & pulsanti aperietur .

Matth. 7.

F 2

DV 3

Moyſes.

Dux Iſraëlitici populi Moyſes, quàm olim ſolicite pro
eorum delictis Domino ſupplicarit, ipſe conſitetur, dicens :

Deuter. 9.

Et iacui corâ Domino xl. diebus ac noctibus, quibus eum
ſuppliciter deprecabar, ne deleret vos, vt fuerat commi-
natus. Vtinam nos noſtris peccatis tam impenſè atq; per-
ſeueranter veniam poſcèremus, quàm ille alienis. *Deut. 9.*

Dauid Rex.

SEPTIES in die laudem Domino dicens, ipſe ſanctus
Pròpheta Dauid, ſeptem Canonicarum Horarum, quas
nunc ſeruat Eccleſia, orandi documentum reliquit. Quali
autem quantòve mentis affectu orauerit, teſtatur, dicens:

Pſalm. 118.

Deprecatus ſum faciem tuam ex toto corde meo. Et item:
Clamaui in toto corde: exaudi me, Domine. In corde ad
Dominum clamant, qui ardentè orant: non qui tantum
vocibus obſtrepunt, & quod labijs volutant, mente non
conciipiunt.

*Salomon Rex.
Sapient. 8.*

POſt illum Salomon omnium Iudææ regum ſapient-
tiſſimus, in eo libro (ſi modò illius liber eſt) qui Sapientie
inſcribitur: Adij, inquit, Dominum, & deprecatus ſum
illum, & dixi ex totis præcordijs meis. Ex toto quippe
corde rogandus eſt, qui ex toto corde præcipitur diligen-
dus. Negligentè autem orantes, & cum à quo aliquid
petunt, parum reuereri, & id, quod petunt, non ſatis mag-
nè pendere arguuntur, ideoq; nec impetrant. Reprobatur
enim eiufmodi rogator, dicente Domino in Apocalypſi:
Apocal. 3. Quia trepidus es, & nec frigidus, nec calidus, incipiam te
euomere ex ore meo.

*Daniel.
Daniel. 6.*

VIR deſideriorum Daniel ingreſſus coenaculum, id eſt,
ſuperiorem partem ædium, apertis fenestris contra Ieru-
ſalem, ter in die ſtatutis horis genua ſua flexiſſe, & adorari
Deum ſuum dicitur. Hinc tu quoties orare volueris, do-
mum Dei ingreſſus, mente cælum conſcende, apertisq;ue
fenestris, puræ, ſynceræque intentionis Spiritui ſancto ad
cor tuum aditum para, & ſemper ad coeleſtem Ieruſalem
animo conuerſus terrena contemne, ac die vno ter genua
flectens, Trinitatem Perſonarum, Vnitatemque ſubſtantie
in Deo crede, conſitere, adora. *Daniel. 6.*

TOBIAS

TOBIAS cum lachrymis orasse perhibetur, & cum *Tobias Pater.*
casu quodā oculos amisisset, ab Angelo Raphaelē de cælo *Tobia. 2.*
in terras misso, meruit curari, adeo inter orandum illi fle- *Tobias filius.*
uisse profuit. *Tob. 2.*

TOBIA autem filio eius, etiā nuptiarum celebritatē *Tob. 8.*
sacris precationibus placuit initiari. Cū Sara enim vxore
sua, priusquā copulæ coniugali operam darent, tres no-
ctes totas in cubiculo simul orando consumpserunt. Inde
illa, quæ primo statim concubitu iam septem extulerat vi-
ros, cum hoc postremo diu feliciter vixit. *Tob. 8.*

POST hæc quoque & pater à cæcitate, & filius ab in- *Idem pater &*
ternecione liberati, vt pro beneficio gratias agerēt, vterq; *filij.*
in faciem se prosternentes, per horas tres benedixerunt
Deum. Et cum exurrexissent (vt ait Scriptura) narrauerūt *Tob. 12.*
omnia mirabilia eius, vt scias, peractis etiam precibus, à
laudibus Creatoris non esse cessandū. Præterea orationes
eorum coram Deo ab Angelo oblatas fuisse legimus, ne
quid precemur, nisi quod Angelorum relatione dignū sit,
quodque Dei aures delectet audire. *Tob. 12.*

DELECTATA autem illum, quicquid de Scripturarum *Quibus verbis*
fontibus haustum orando effundimus, quod Propheta, *orandum.*
quod Apostoli nobis tradiderunt, sed præcipuè quod Do- *Iesus Christus*
minus, noster Iesus Christus. Ipse enim est Patris Verbū,
ipse Filius suus dilectus, in quo sibi bene complacuit, ip-
sum audiamus.

SIC, inquit, orabitis: Pater noster, qui es in coelis. Si *Matth. 6.*
Pater in coelis, filij quæ sursum sunt querant, quæ sursum *Coloss. 3.*
sunt sapiant, non quæ super terram. Sanctificetur nomen
tuum. Ita, ne quid à nobis existimetur sanctius. Adueniat
regnum tuum. Ne in nobis regnet peccatum. Fiat volūtas
tua sicut in cælo & in terra. Quoniam qui facit volūtatē
tuam, manet in æternum. Panem nostrum supersubstātia-
lem vel quotidianum da nobis hodie. Panem qui de cælo
descendit. Nostrium, quia pro nobis oblatusest. Supersub-
stantialem, quia omnibus substātijs, omnibus præminet
creaturis. Vel quotidianum: quia Christus Iesus heri &
F 3 hodie

hodie, ipse & in secula. Da nobis hodie. Da semper, ne vnquam separemur ab eo : quoties enim separamur, toties deficimus in via. Et dimitte nobis debita nostra, sicut & nos dimittimus debitoribus nostris, vt cum ignouerimus in nos peccatibus, tu nobis ignoscas quicquid peccauimus tibi. Et ne nos inducas in tentatione, id est, ne patiaris nos tentari supra id quod possumus, sed facias cum tentatione prouentum, vt possumus sustinere. Sed libera nos à malo, vt tandem sine timore de manu inimicorum nostrorum liberati, seruiamus tibi, in sanctitate & iustitia coram te, omnibus diebus nostris, Amen.

Luc. 1.

Iesus Christus

VERVM TAMEÑ idem Saluator noster ac Dominus, sicuti nos orare docuit, ita etiam ante oratione vt pie nos preparemus, iubet: fidem, spem, charitate exigens à nobis. Fidem ibi: Omnia quaecunque petieritis in oratione credentes, accipietis. Spem ibi: Nolite timere, pusillus grex, quia complacuit Patri vestro dare vobis regnum. Charitatem ibi: Cum stabitis ad orandum, dimittite si quid habetis aduersus aliquem.

Fides Spes.

Matth. 21.

Luc. 12.

Charitas.

Marc. 11.

Humilitas

Orantis.

Quo deinde corporis gestu, quaque humilitate orandum esset, suo sepe exemplo monstrauit: Dum (sicut veritatis Scriptores retulerunt) nunc procidens in faciem, nunc positis genibus, nunc eleuatis in coelum oculis obsecrat Patrem.

Locus.

Matth. 21.

Matth. 6.

Matth. 14.

LOCVM quoque orantibus aptum designauit, vel dicens: Domus mea, domus orationis vocabitur. Vel monens: Cum oraueris, intra in cubiculum tuum, & clauso ostio ora Patrem tuum in abscondito. Vel faciens: Quando dimissa turba ascendit in montem solus orare.

Tempus.

Matth. 14.

Luc. 6.

Marc. 1.

Luc. 21.

TEMPVS etiam orandi prescripsit, & vespertinum, Vespere facto orans in monte: & nocturnum, pernoctans in oratione: & antelucanum, valde diluculo surgens, & in desertum locum secedens vt ibi oret: & pene continuu, dicens: Vigilate omni tempore orantes.

Persuerantia

ASSIDVITATE denique in orando opus esse, tum verbis docuit, tum exemplo significauit. Dormientibus

Apostolis

Apostolis, ipse vigilans iterum & tertio, eundem repetendo sermonem orasse dicitur. Et ut Lucas ait: Factus in agonia prolixius orabat, nescilicet aliter egisse videretur, quam præcepisse. Præceperat autem similitudinem affrens, ac dicens: Si quis nocte intempesta ad amici pulsans fores perseveret, ipsa poscendi improbitate coget illum de stratu suo surgere, & panes quos petierat, sibi mutuo dare. Parabolam etiam proponens Iudicis Deum hominesque contemnentis, qui viduæ quotidie interpellantis victus tardio, eam ab adversarij sui calumnia tandem decrevit vindicare: Audite, inquit, quid Iudex iniquitatis dicis; Deus autem non faciet vindictam electorum suorum clamantium ad se die ac nocte, & patientiam habebit in illis. Non vindictam intelligas contra inimicos, quos diligere iubemur, sed contra tentationes, quibus resistere nemo valet, nisi Domini ope auxilioque adiutus fuerit. Quoad ergo cum his nobis colluctandum est, tandiu & orandum. Neque huic sententiæ illam contrariam putemus, quâ idem salutis nostræ autor ac doctor protulit, dicens: Orantes autem nolite multum loqui, sicut Ethnici faciunt. Ethnici enim, id est, gentiles longas orationes orabant, orandi affectum non habebant. Itaque non multum orare prohibuit: sed eos, qui labijs multum, corde parum orant, imitari. Ideoque subiunxit. Nolite vos assimilari eis.

SI QUIDEM & Apostoli, postquam ille devicta morte ad cœlos unde venerat rediit, in Ierusalem reuersi, cum conaculum ascendissent (ut Lucas in Actis eorum testatur) perseverantes erant unanimiter in oratione cum mulieribus, & Maria matre Iesu, & fratribus eius. Inde refert, Spiritum sanctum aduenisse, domum ubi erant sedentes repleuisse, supra singulos eorum linguas tanquam ignis apparuisse, ut intelligas, perseveranti ac iugi oratione Spiritus sancti gratiam conciliari solere. Act. 1. & 2.

PETRUS & Iohannes ascendebant in templum ad horam orationis nonam, & languido ante vestibulum mendicanti pro eleemosyna sanitatem dederunt. Itaque

Matth. 26.

Marc. 14.

Luc. 22.

Luc. 11.

Luc. 18.

Matth. 6.

Apostoli.

Act. 1.

Act. 2.

Petrus Apost.

Iohan. Apost.

Mat. 3. documento nobis sunt, ne soli orationi vacantes, misericordiam in egenos obliuiscamur. Scriptum est enim: Non apparebis ante conspectum Domini vacuus.

Phariseus superbus. *Publicanus humilis.* ARROGANTIAM quoque in orando fugiendam, humilitatemque sequendam, hinc Phariseus, hinc Publicanus monent, alter insolenter sese efferens, & inani iactatione ceteris præponens, reprobatur: Alter verò cælum intueri non ausus, sed in terram pronus pugnis pectus verberans, redijt (vt veritas ait) iustificatus præ illo. Quia omnis qui se exaltat, humiliabitur: & qui se humiliat, exaltabitur. Oratio humiliantis se (vt Ecclesiasticus inquit) nubes penetrabit. *Luc. 18.*

Paulus Apost. *Bartholomæus Apostolus.* *Iacob. Apostol.* HINC ipse vas electionis Paulus in Apostolorum Gestis vbiq; memoratur, positis genibus preces Domino obtulisse. Bartholomæum quoq; centies in die, & centies in nocte flexisse genua, dum orationes iteraret, ferunt. Iacobo: Alphei vtrunq; genu, in modum Camelorum, procumbendi assiduitate oecaluisse. Quod si sic orarunt, qui iam Spiritus sancti igne excocti omni purius auro renitebant: quid nos facere oportet, qui peccatis peccata cumulant, quotidie diuinâ in nos indignatione prouocamus? Submissius supplicare debet, qui grauius delinquit.

Apollonius Abbas. *Orationum frequens repetitio.* P O R R O Bartholomæum imitatus Apollonius Abbas, & ipse centenis genu flexionibus die noctuq; preces repetisse perhibetur. In repetendo assiduitas, in genu flexendo laudem meretur humilitas. *In vita PP.*

Antonius Abbas. A N T O N I V S Abbas, & ipse non nisi submissis genibus orans, sæpe diem noctemque peregisse dicitur precatione perpetua. Nescio quod maius miraculum, an illo corporis gestu tamdiu immotum persistisse, an tam continenter orasse? Vtrunque sanè difficile, sed timor gehennæ, & amor Christi omnem vincunt difficultatem. *Athanas. in vita S. Anony.*

Pastymius Abbas. P A S T Y M I V S quoque Abbas vsque adeo orandi studio ducebatur, vt nulla corporis debilitas animi debilitatem coerceret: aduersa valetudine pressus, cum de lectulo surgere

surgerenon valeret, iacens orabat. Iam languor vehemens expeditius loquendi ademerat facultatem, & tacitus labiorum motus etiam tum illū orare testabatur. Denique discedens anima, non prius orationem, quā corpus reliquit. Orantem adhuc Angeli exceperūt, & ad cælum tollentes Domino obtulerunt, vt semper latari possit, eam se beatitudinē impetrasse, quā semper petierat. *In vitu PP.*

MOYSEN etiam Abbatem noctem penē totā orando *Moyse Abbas* peruigilare solitum ferunt, ac dum oraret, recto corpore patentibusq; oculis ne sopori succumberet, perstitisse. Sic superasse Dæmonum tendiculas atque dolos, qui sopitum voluptuosis phantasmatum imaginibus ad illicita prouocabant. Experimento ergo didicit, quanti momenti illud Domini præceptum sit: Vigilate, & orate, ne intretis in *Matth. 26.* tentationem. *Tripart. Hist. lib. 8. c. 1.*

STANTEM atque orantem & Iohannem Abbatem *Iohan. Abbas.* in superioris Thebaidis eremo, sub quadam caux rupis fornice, annos treis perseuerasse legimus, nunquam procubuisse, ne minus orare, quā vellet, cogeretur. quoniā cubāti citius obreperet somnus. Quietis molliem standi frangebat labor, standi laborem seuabat auiditas deprecandi. Miraculum auxit toto eo tempore nihil gustans, præterquā Dominicis diebus sacrosanctam Eucharistiæ communionem: quæ illi simul & animæ cibus, & sustentamentum corporis erat. *Pallad. Hist. 61.*

PAR obsecrādi cura Sisinnii Elpidij Abbatis discipulū *Sisinnius.* cōmendat. Qui cū annos septē sub illius institutionibus fuisset cōuersatus, tandē discedēs, & in quodā satis grandi lapideo monumento se occludens, per triennium semper rectus orasse dicitur, neq; interim aut sedisse, aut iacuisse, aut inde pedē extulisse. Quid prius mirer nescio, angustē habitantem? an immobiliter stantem? an continenter orantem? Cuncta quidem dura, factūque difficilia, nisi quod corporis lassitudinē animus Deo intentus minus sentire potuit. Qui enim tam perseueranter orauit, is in cælo magis quā in sepulchro fuit. *Pallad. Hist. 109.*

Paulus
Abbas.

Orationum
numeratio.

Isaac Mo-
nachus.

PAULVS in finibus Aphricæ quingentorū monachorum quondam pater, nullo vitæ suæ die quicquam prius egit, quàm trecentas orationes genibus prouolutus Domino obtulisset, quas, calculos in sinum ingerendo, numerabat. Atque hi multò feliciter in sinum iactati sunt, quàm illi in sitellâ, quibus in Senatu decerni magistratus solent: alteris terrenus honor quæritur, alteris Paulus cælestē gloriā est adeptus. *Hist. tripari. lib. 8. c. 1. Pallad. Hist. 23.*

Prover. 19.

ISAA C Syrus tunc quidem monachus, deinde etiam ipse Abbas, postquam Spoletum Piceni oppidum appulisset, presbyteros rogauit, vt ibidē orandi, quandiu vellet, copiam sibi concederent, nec sineret interim oranti quenquā impedimento esse. Ea re impetrata, dies treis continuos, & totidem noctes genibus innixus orauit. Hoc quidam hypocrisis vitio deputans, eò processit dementiā, vt post verborum insultationem etiam colaphum illi incuteret. Sed quoniā parata sunt derisoribus iudicia, & mallei percutientes stultorum corporibus: repenti maligno arreptus spiritu, vexari coepit. At Isaac pietatis memor, iniuriæ immemor, percussorem suum precatione à supplicio liberauit. Offensamq; omnem tunc remisit cū accepit, & eodem die remissam beneficio rependit, vt addito benignæ paciētiae cultu, triduanæ orationis huberior fructus fieret. *Greg. Dial. lib. 3. c. 14.*

Arsenius
Abbas.

Zach. 6.

ARSENIUM Abbatem (sicuti a!ibi iam diximus) hūc morem habuisse satis constat, vt vnoquoque Sabbati die submissis genibus à vespere vsque manē orationem protelaret, facie semper ad orientem versa, illum adorans orientem, de quo per Prophetam dicitur: Ecce vir, oriens nomen eius. *Metaphr. & Sur. Tom. 4.*

Stephanus
Presbyter.

SE D ne quando (vt vsu venire solet) inter orandum sopore correpti dimidiatas relinquamus preces: Stephani presbyteri Constantinopolitani exemplum nos hortatur, Qui cū totum Psalterium singulis noctibus perlegeremoris haberet, atque aliquando citius, quàm consueuerat, consopitus ipsum semilectum dimisisset, monitus est à

Petro

Petro Apostolo in somnis, vti surgeret, & cœptum opus intentius perficere curaret. Quæ res argumento est, non nisi peractis finitisque orationibus dandum esse quieti locum. *Nicephor. lib. 22.*

Na quando etiam à Missarum auditione, orante tunc pro nobis Sacerdote, res aliqua non ita necessaria nos abducatur, meminisse debemus, quòd quidam à Martino Bituricensi Monacho vocatus, vti die Dominico Missam vnà secum audiret, nondum finita, ne tardius negotio tunc vrgenti occurreret, abire voluit. Sed ascenso equo frustra que calcaribus fatigato, vbi bestiam vt inde se moueret compellere nequiuit, semetipsum reprehendens desiliit, & Missam perfectè integreque audiuit. Atque eodem equo statim, quò optabat, est auctus. Et in tempore domum reuersus, rei gerendæ occasionem non amisit, sed promptiorem expeditioremque, quasi præuenisset, habuit.

*Martinus
Monachus.*

Hac eadem in re Iohannis Patriarchæ Alexandrini in primis laudanda est solertia, qua populum, audito Euangelio, mox ab Ecclesia delabi solitum curauit continere. Et ipse enim intermissa celebratione sequi egrediētes cœpit, dicens: Vbi oues, ibi & pastorem adesse oportere. Hoc modo redargutis pudorem iniecit, ita vt nunquam postea prius ab altari discederent, quàm Sacerdos peracto Sacrificio benedictionem daret. *Leontius Episc. in vitâ PP.*

*Iohannes
Patriarcha.*

ASSIDVVS autem deprecandi labor etiam Bonifacium Episcopum ad cælum, imò supra cælum, ad Dei vsq; conspectum exaltauit, quotidie duplicatum laudis sacrificium Domino offerentem. Monasticas enim Canonicasque preces simul iungēs, alteras Episcopus factus assumpsit, alteras iam pridem Monachum professus nō deseruit. Ad inferiorem Mysiam perueniens, primus Christum prædicauit, Rhutenorum regem baptizauit, martyrio coronatus est. *Apud. Surium.*

*Bonifacius
Episcopus.*

MARTINVS verò. Turonensis Episcopus ne tunc quidem, cum quicquā operis manibus exerceret, linguam ab oratione cohibebat, effecitque, vt illud Apostoli præceptum

*Martinus
Episcopus.*

1. Theſſal. 5. ptum (Sine intermiſſione orate) illi etiam, qui ſimpliciter dictū intelligūt, à ſe planè ſeruatū nō negent. *Seuer. Sulp.*

Idem. IDEM Sanctus diem obiturus extremū, frigefcentibus membris iam immotus iacebat, labia tamen mouebātur. Deniq; orare non deſtitit, donec ſubitò lumine circumſuſus reddidit ſpiritū. Dum ergo moriendo orat, & orando moritur, mortis tenebras non ſenſit. *Idē in vita Martini.*

Servatius Episcopus. SERVATIO autē Traiectenſi Epīſcopo oranti, igneus ſupra verticem radius apparuit, qui mox in ſublime euolans, cælum petijt, teſtatus (vt mihi videtur) in ignis ſpecie, orationum eius ſeruorem: in ſplēdore, vitæ puritatem; in aſcenſu, meritorum altitudinem. *Gregor. Turon. lib. 2. c. 13.*

Philibertus Abbas. PHILIBERTI quoque Abbatis apud Rothomagum (Galliarum urbem) in Eccleſia deprecātis oculi velt duo ſydera, fulgere viſi ſunt, vt ex hoc cognoſcas, humiliter intenteq; deprecantium mētis oculos Spirituſſancti fulgore illuminari, ne vnquā obdormiant in morte, ne quando dicat inimicus eorum: Præualui aduerſus eos. *Sar. Tom. 4.*

Femina. NVNC vt alter etiam ſex ſua habeat exempla, ſceminarum in orando ſtudia breuiter explicemus.

Anna Elcana. ANNA Elcanę vxor ita ardentè orauit ad Dominum, vt temulēta putaretur. Heli Sacerdoti ſibi ebrietatem exprobranti, nihil turbata reſpondit: Vinum, & omne quod inebriare poteſt, non bibi, ſed effudi animam meam in cōſpectu Domini. Et tunc quidem homo faciē tantūm videns deceptus eſt, ſed ſcrutator cordis & renū Deus cōpunctionem conſiderauit orantis, & miſertus quod rogabatur conceſſit, vt quæ propter ſterilitatem contemnebatur, propter partū multis matribus honorabilior appareret, edito Samuele Sacerdote ſimul & Propheta. *1. Reg. 1.*

Sara Tobie. SARA Raguelis filia in ſuperiori cubiculo ſe recludēs, dies treis in oratione perfeuerauit, cibi ac potus expers. Qua ſolicitudine à Domino meruit obtinere, ne priorum virorum interfectrix crederetur. Tobia viro ſeruato, cum hoc vnico felici admodum matrimonio iūcta, ad decrepitam vſque ætatem vixit ſine querela. *Tob. 3.*

P O R R O Iudith oratorium ingressa, cilicio induta, cinere confersa, in terram prostrata Domino supplicauit, & sola meruit Iudæam vniuersam die vno ab Assyriorum oppressione liberare. Ausa enim facinus omnibus seculis memorandum, inter tot armatorum millia Holophernè ducem sua occidit manu. Quo cæso, reliqui metu perculsi in fugam conuersi sunt. Si sic orauerimus, sternetur Sathanas, vitia recedent, malarum tentationum nexus dissoluentur. *Iudith. 9.*

Iudith.
Iudith. 9.

A N N A viduam in Euangelio legimus de templo nusquam discedentem, ieiunijs & obsecrationibus nocte ac die seruientem, & eodem in Templo vidisse Iesum, viso credidisse, creditum prophetando predicasse. Tot illi simul attulit bona, nec sola viduitatis castitas, nec solû corporis ieiunium, sed, vtrique accedens etiam assidua deuotæ mentis obsecratio. *Luc. 2.*

Anna vidua
filia Phanuel.
Luc. 2.

V E R Y N T A M E N ne continenter orando defatigatus quandoq; concidat animi vigor, & cogitationibus diffuatur atque dilabatur, rectè Maiores nostri horas diuiserunt, alias orationi, alias actioni, alias verò lectioni. Hinc quidâ tradunt, Virginem Beatam, postquam à parètib; in templo cultui diuino fuit dedicata, à manè ad horam tertiam, precibus; à tertiâ ad nonam, manuum labori; tum sumpto cibo à nona ad vesperam, Scripturarum meditationi operâ dare consueuisse. His vicissitudinum successionebus Deo seruiens, in tantum se à vitio alienam, & virtutibus refectam præstitit, vt sola eligi mereretur, quæ Deum & hominem pareret, & virgo permaneret. Sic illa igitur sacris virginibus, sicuti est humilitatis integritatisq; & cæterarum virtutum, ita & bene dispensandi temporis exemplum, vt scilicet nec semper orent, nec semper operentur, nec semper legant, & tamen semper hæc omnia, ne quis vnquam sit otio locus. Quoniam multam malitiam (vt Ecclesiasticus inquit) docuit otiositas.

Maria virgo.

Ecclesiast. 33.
Mulier Chanana.

I N orando autem fidem, patientiâ, humilitatem, necessaria esse, etiam Chananae mulieris monstrauit euentus: à Domino

Matth. 15.

à Domino sanari posse filiam credidit, & despecta supplicare non destitit, & canibus cōparata non modò non contradixit, sed etiam ad catellorum vilitatem se subnuisit. Quamobrè audire meruit: O mulier, magna est fides tua, fiat tibi sicut vis. Sic & tu, quàmuis multum aliquid diuq; petutum, nòdum acceperis: petere tamen adhuc ne cesses. Ideo dare differt Dominus, vt perseueranter instanti cumulatius tribuat.

Martha.

MARTHA centies per diem, & centies per noctē, submittere genua solitam ferunt, dum illum supra coelos regnantem adorat, quem in terris morantem suscepisse hospitio, beneficij loco habuit, non iam minus in supplicādo sollicita, quā olim fuerat in ministrando. *Petrus de Natal.*

Trafilla.

HVIVSCEMODI sollicitudinis æquè mirandum exemplum in Gregorij Pontificis Dialogo relatum legimus. Ipse enim testatur in vita Trafillæ virginis amitæ suæ, cum vita defunctam lauare vellent, genibus cubitisque concretam callorum duritiem apparuisse: Palamque factum examini iam corporis indicio, quanta illi adhuc viuēti sanctorum precum cura studiumque fuerit. Sic conseruatur Virginitas, sic ad cælestis thalamû Sponsi peruenitur. *Dialog. lib. 4. c. 16. & Homil. 38. in Euangel.*

Elizabeth.

SEd neque coniugatis, quò minus orationi animum intendant, maritalem thorum impedimēto esse, Elizabeth Lantgrauij Turingiæ Principis vxor, suo ostēdit exemplo. Impetrata enim à viro noctis continentia, ad orationem secedebat, super pauimentum distento tapetulo cubitans, ne mollius iacēti, altior somnus horas interciperet orādi. Vir quoque sanctitudine illius delectatus, ad ea quæ Dei sunt, magis magisq; inflammabatur. Inde & quod petitus erat, facilius concedere, & ipsemet impēsius orare. Diceret eos identidem recordari illud ab Apostolo præceptû: Nolite fraudare inuicem, nisi fortè ex cōsensu ad tempus, vt vacetis orationi: ita ambo eiusmodi curæ pariter incumbentes, spiritui magis, quàm carni seruiebant. Sed illa deinde viduitate facta liberior, tantò soli Deo intentæ orauit

1. Cor. 7.

oravit ardentius, quantò à rebus familiaribus iam aliena
vixit expeditius. *Conr. in vita Elizabeth.*

De Orationis virtute.

Cap. II.

HACTENUS de studio modoque orandi, nunc de
orationis vi ac potentia dicemus. Abraam orante,
Abimelech Geraræ Regis vxor atque ancillæ, cum
antè steriles essent, prolem diu optatam susceperunt, &
matrù nomine letatæ sunt. Et nos si dignè deprecati fue-
rimus Dominum, gratia eius repleti, exuberabimus prole
virtutum. *Gen. 20.*

*Abraam.
Genes. 20.*

PLAGAE Ægypti Moysè intercedente cessabant, mul-
tiplicabàtur autem & ingrauescebant, quoties Pharaò ad
cordis sui duritiam puerisitatemq; redibat: vt & oratio-
ne auerti mala intelligas, & obstinatione aueri. *Exod. 10.*

*Moyfes.
Exodi. 10.*

IDEM dum populus Israeliticus Iesu duce còtra Ama-
lechitas decertarent, stans in vertice collis orabat. Cùm-
que manus in coelum tolleret, vincebant Israelitæ: cùm
remitteret, superabàtur. Perseuerandum enim est, vt vln-
cas. Nam & ipse deinde non lassatis manibus vsque ad oc-
cubitum Solis orans, suorum gladijs terga præbuit hostiù.
Adhæc Dei iram, quoties ille populi flagitijs ac scelere
prouocatus excandescebat, deprecando placauit. Mariam
sororem lepra perfusam mundauit, pestilentiam in diffi-
dentes grassaturam inhibuit. In seditionem versos omnes
pariter cum Dathan & Abiron repétinus terræ hiatus ab-
sorbuisset, nisi ipse reliquæ multitudini veniam orando
impetrasset. *Exod. 17. Num. 12. 14. 16.*

*Idem.
Exod. 17.*

RVRVS cum in illum & Aaron turbæ insurgentes
incendio diuinitus excitato disperirét, eius monitu Aaron
obtulit thymiana, processit in medium, & cùm orasset,
flamma substitit, internecio cessauit.

POSTER-

POSTREMÒ cùm in deserto in Deum murmurantes, passim serpentium ictibus sternerentur, supplicante pro eis Moyse, Deus placatus æneum serpentem in ligno suspendi præcepit, quem percussi dum aspicerent, sanabatur. Percussum quippe erat humanum genus antiqui serpentis mortifera seductione, sed Deo miserante Christum in ligno pendentem vidit, & remedium accepit salutis. *Num. ii.*

Elias Prophet. AD ORATIONEM Eliæ Prophetæ annos tres & menses sex non pluerat super terram, donec rursus orauit, & coelum dedit pluuiam, & terra fructum suum. Sareptanz viduæ, quæ illum famis tempore hospitio susceperat, hydria farinæ non defecit, nec lecythus olei fuit imminutus, & quæ fame moritura erat, hospitis beneficio vixit. Insuper filium suum defunctum, ipsius precatione vitæ restitutum, accepit. Eodem Propheta inuocante, ignis de cælo lapsus quinquaginta & quinquaginta viros, alios post alios, ab Ochozia rege ad ipsum comprehendendū missos, consumpsit. Inuocauit autem ille, non vt se vindicaret, sed vt Dei veri immensam expauescendamq; potentiâ, contra præuicinatores, qui eo relicto Beelzebub Deum Acharon adorabant, ostenderet. Post hæc Iordanem transiturus, comitante se Elifæo, pallio percussit flumen, & diuisis aquis per siccum aluei tramitem, ambo ad ripam vteriorē peruenere. Eodemque rursus pallio Elifæus, cùm solus reuerteretur, eandem expertus est virtutē. Quòd si tanta vis in Prophetæ pallio erat, quantò maior in oratione eius? Qua etiam rimatus est secreta cæli, & præuidit futura, & viuens atque sentiens è mortalium consortio ad Paradisi loca transferri meruit. *In Lib. Reg.*

4. Reg. 4. ELISÆVS Propheta apud Ierichontem aquas potatibus noxias, cùm orasset, salubres fecit, terræ sterilitatem fecunditate mutauit. Ascendens in Bethel, pueris sibi illudentibus male imprecatus est, non vt suam, sed Dei iniuriam vlcisceretur, qui statim ab vrsis laniati poenas dederunt. In Samaria mulieris viduæ inopiâ miseratus, modico oleo non modica vasa impleuit, ita vt illa eo vendito & à cre-

& à creditore se redimeret, & victum, qui satis esset, sibi filijsq; pararet. In ciuitate Suna mulieri hospitæ infœcundæ ac sterili, vt viro suo filium pareret, à Domino impetrauit. Et eundem puerum postea exanimus ad vitam reuocauit. Reuersus in Galgala, pulmentum amarissimum in dulce cōuertit. Panibus viginti hordeaceis viros centum satiauit, & superfuit. Naaman Syrû à lepra curauit. Securis ferrum in Iordanem delapsus enatare fecit. Obsessus in Dothaim, aduersarijs subita cæcitate percussis, liberatus est. Super ossa eius, defuncti proiectum cadauer statim reuixit, vt vel hinc facile disci possit, quātæ ille virtutis fuerit viuens, qui mortuus alteri mortuo vitam dedit. *Ibidem.*

Q V I D mirum autem, quòd Sanctorum quandoq; vel *Iosue.* meritis cedat, vel inuocationibus pareat terrena corpora, cum ijsdem ad obsequendum inclinentur etiam cœlestia? Iosue orante, Sol & Luna immoti steterunt, donec ipse viscisceretur se de inimicis suis. Non fuit (inquit Scriptura) *Iosue 10.* antè & postea tam longa dies, obediēte Domino voci hominis, & pugnante pro Israël. *Iosue 10.*

P O R R O de inimicorum potestate atque iniuria oratione liberari posse, Ioacham quoque regis Israël exemplo *Ioacham rex.* apparet. Qui cum suos, eò quòd se idolorum cultura polluerant, in ditionem Syrorum redactos vidisset, ad Dominum cōuersus pro ipsis deprecatus est, & à seruitutis iugo misericorditer ereptos recepit. *4. Reg. 13.*

E Z E C H I A rege Iuda deprecante, cum in extremo *Ezechias rex.* rerum periculo esset constitutus, nocte vna Angelus Domini percussit in castris Sennacherib centum octoginta quinque millia Assyriorum. Sicque eum, quem arma nequiuerant, oratio seruauit. Hinc nos, quoties siue occultis, siue manifestis demonum oppugnationibus infestabimur, à Domino auxilium imploremus, & tunc cadent à latere *4. Reg. 19.* nostro mille, & decē millia à dextris nostris: ad nos autem non appropinquabunt. *4. Reg. 19.*

S E D neque illud nunc de Ezechia silentio est præter- *Idem.* mittendum, quòd aduersa valetudine grauitè affectus, *4. Reg. 20.*

G

cum

98 DE ORATIONIS VIRTUTE.

cum Isaiâ prophetâ se iam iam decessurum audisset, facie ad parietem versa, multis cum lachrymis Deum rogando, & vitæ longius spatium, & corporis impetrarit sanitatem. Nonne magnum hoc & admirabile, vt poenitentis oratio mutet Dei sententiam, & quem Deus ipse morti iam ad dixerat, eum rursus ne agrotare quidè permittat? 4. Reg. 20.

4. Reg. 20.

Asa rex.

2. Paral. 14.

Certe non parua orationis vim & in Asa rege Iudæ belli euentus ostendit. Cum exigua enim manu obuiam procedens Zaræ Æthiopum regi, cuius exercitus decies centum millium hominum armatorum, & trecentorum curruum erat, inuocauit Dominum, & repète lymphatico quodam pauore conterriti Æthiopes terga verterunt. Persequenteq; eos Asa à Maresa vsque Gerara, ad internecionem cæsi sunt. Quia Domino cadente, sicut in secundo Paralipomenon libro scriptum legimus, contriti sunt, & exercitus illius præliante. 2. Paral. 14.

Iosaphat rex.

2. Paral. 20.

Æquæ sanè, sed aliquantò mirabilius, & Iosaphat regi diuinus propitiatus est fauor. Nā cum innumera penè multitudo Moab & Ammon & Idumæorum venissent contra Iudam, proximeq; Ierosolymam castrametati fuissent, Iosaphat metu percussus, nihil aliud nisi Deum deprecari, indiçtoque ieiunio, se & sua illi impensius commendare. Denique urbem egressus, gladium non eduxit, nec pugna iniit, & hostes mutuis inter se vulneribus ante eum conciderunt. Iudæorumq; tunc labor nō in vincendo, sed in spoliando fuit, cum prædā propè mœnia iacentē vix per triduū præ magnitudine auferre quiverint. 2. Para. 20.

Iudas Machabæus.

Inde quoq; Machabæi orationes, magis quàm arma, de hostibus triumpharunt. Sæpè enim peracta prece solius Dei auxilio fretus, ad bellum egrediens parua manu ingentes copias vicit. Cum tribus millibus virorum penè inermium, Gorgiæ exercitum quinque millium peditum, & mille equitum, nec minus armis, quàm viris munitum, ad Ammaum fudit, fugauitque, & tribus millibus eorum cæsis, victor est reuersus. Iterum cum decē millium manu profectus in Bethoron, Lyfiam superauit, cuius copiarum erant sexaginta

sexaginta millia peditum electorum, & quinque millia *1. Mach. 7*
 equitum. Rursum in Bethoron non plus quam tria millia
 bellatorum secum habens, cum validissimo Nicanoris ex-
 ercitu, sicuti confiderenter, ita & feliciter confligit. Ea siqui-
 dem pugna aduersariorum castra fuere euerſa, Nicanor
 interfectus, reliqui fugientes à perſequentibus caſſi. Has
 tantas victorias Hebræis olim attulere, non Iudæ pauci
 milites, ſed Iudæ Deo gratæ preces. *1. Mach. 7.*

ET si adeò magnificum eſſe exiſtimatur, hoſtes vince-
 re, ſpolijs inimicorum ditari: quanto magnificentius præ-
 ſtabiliuſque eſt, animi magis quam corporis bonis excel-
 lere? Sed & hæc quidem à Deo petentibus dari, Sapientiz
 liber teſtatur, ubi ſcriptum eſt: Optavi, & datus eſt mihi *Sapient. 7*
 ſenſus, & inuocaui, & venit in me Spiritus ſapientiz, &
 præpoſui illam regnis & ſedibus, & diuitias nihil eſſe dixi
 in cõparatione illius. Iacobus verò Apoſtolus idẽ aſtrues, *Iacob. 1.*
 etiam qualiter petere debeamus docet, cum ait: Si quis
 veſtrum indiget ſapientia, poſtulet à Deo, qui dat omnibus
 affluentem, & nõ impropere, & dabitur ei; poſtulet autem
 in fide, nihil heſitans.

ALIIſ quidem Prophetis Chriſti ventura reuelata *Daniel Pro-*
 fuere myſteria: Danieli verò etiam annorum numerus, *pheta.*
 uſq; in diem ipſum quo naſci debuit, indicatus eſt, fortaliſſe
 quia ſolicitor cæteris, ac ſubmiſſior ad orandum proceſſe-
 rat. Poſui, inquit, faciem meam ad Dominum Deũ meum, *Daniel. 9.*
 rogare & deprecari in ieiunijs, ſacco & cinere. Denique
 oranti apparens Gabriel Angelus, egreſſum ſe dixit, vt do-
 ceret illum. Ab exordio precum tuarum, inquit, egreſſus
 eſt ſermo: ego autem veni, vt indicarem tibi. Is igitur grã-
 tiam recipiet cumulatiorem, qui deuotius rogarit. *Dan. 9.*

IONAM Prophetam de ventre ceti ad Dominũ Deum
 ſuum clamare legimus, & die tertia Domini iuſſu à piſce
 in aridam vomitu effuſum. Grande proſectò miraculum, *Ionas Pro-*
 tum quòd deglutitus tãdiu intra aluum vixerit, tum quòd *pheta.*
 eiectus nuſquam vt læderetur impegit. Vtrunque tamen *Ionas 2.*
 hominis precibus, ab eo qui omnia poteſt, datum. *Ionas 3.*

DE ORATIONIS VIRTUTE.

ET si his, qui sub seruitute legis erant, tanta ac talia concessa sunt: quid eorum precibus non concessum dicemus, quibus sub Euangelio dies illuxit libertatis, de quibus in Psal. dicitur: Pro patribus tuis nati sunt tibi filij: constitues eos principes super omnem terram. Memores erunt nominis tui, Domine, in omni generatione & generatione. Propterea populi confitebuntur tibi in æternum, & in seculum seculi.

Petrus Apost.
Matth. 16. Ex his Apostolus Petrus (cui regni cælorum clauces datae sunt, ligandi atque soluendi ius tributum, cura commissæ Ecclesiæ Dei) claudo eleemosynam petenti, sanitatem dedit. Æneam paralyti laborantem curauit. Dorcam mortuam vitæ restituit. Denique umbram illius contigisse, ægrotantibus saluti fuit. *Actor. 3. 9. & 5.*

Idem. Porro idem in carcere positus, catenis duabus vinculatus, à militibus custoditus, orante pro eo Ecclesia, ab Angelo de cælo missio liberatus est. *Actor. 12.*

Andreas Apostolus. ANDREAM fratrem eius ferunt, cuiusdam, cui Nicolao nomen fuit, qui toto vitæ tempore libidinibus deditus, ab his discedere, cum etiam vellet, non poterat: deprecando continentiam à Domino impetrasse, & illum penitentia ductum, castitatem deinceps perpetuò custodisse. Plerique elata corpora oratione ad vitam reuocarunt: Andreas animam diu in peccatis mortuam suscitauit. *Abdias in vit. Apost.*

Bartholomæus Apost. BARTHOLOMÆI Apostoli oratio obsessos à dæmonibus liberauit, Polemi Indiæ regis filiam lunaticam mentis compotem fecit. *Abdias.*

Iacobus maior Apost. IACOBVS Zebedæi filius, dū Herodis Agrippæ iussu decollandus diceretur, paralyticum in via iacentem saluti restituit. Et cum spiculatoris gladius ceruici suæ immineret, necis propriæ oblitus, pro alterius sanitate orauit. Vtrumque autem vera charitas faciebat, ut & proximi miseretur, & pro Christo mori non timeret. *Abdias.*

Iohannes Apost. IOHANNES frater eius (quem Iesus amasse plurimum dicitur) cum à Pathmo Ephesum reuerteretur, Drusianam defunctam ab ipso feretro, quo ad sepelendam

dum portabatur, sanam surgere, ac domum redire fecit. Virgulta in aurum, littorales lapillos in gemmas mutauit. Ac ne diuitijs illi opus fuisse putes, eadem rursum pristinae naturae formaeque restituit. Dianae Ephesinae templum funditus euertit, praesentaneum venenū in offensa hausit, eodemque haustu enectos ad uitam reuocauit. *Abdias.*

THOMAE Didymi deprecatio, Siniticae oculis captae visum redintegrait, Idola lapsu praecipiti in puluerem redegit, vt ostenderet, simulachra gentium opera esse manuum hominum. *Abdias.*

Thomas Apost.

AD MATTHAEI Apostoli inuocationem, Egippti Aethiopum regis filius, qui fuerat mortuus, exurrexit viuus, morti; pariter & diabolo ereptus, Christo viuere coepit, cōtemptis idolis Baptismū suscipiēs, ac Deo credēs. *Abdias.*

Matthaeus Apost.

IUDAS Thadaeus Abagarum Medorum regem ab elephantis morbo liberauit, credentē baptizauit, corpus vitio, animum erroribus expians atque emundans. *Eusebius.*

Iudas Thadaeus Apost.

PAVLVS vas Spiritus sancto plenum Elimam magum fideles ludificantem caecitate dānauit ad tempus, vt quantum metis oculos nō haberet, nec corporis habere posset. Claudum à natiuitate sanauit. Spiritum phitonicum à muliere expulit. Euticum vitae, Publij patrē sanitati restituit. Sudaria & semicinctia à corpore eius ad aegrotos delata morbo liberabant, immundosque spiritus ab obsessis expellebant. Ipse à vipera percussus nihil sensit lationis. Et cum Philippis in carcere, vnā cum Sylā Discipulo, compedibus victi tenerentur, nocteque intempesta Deo laudes concinerent, terra quatitur, carceris ostia aperiuntur, vincula soluuntur. Postremò à magistratu, cuius iussu in carcerem coniecti fuerant, liberi dimittuntur. *Act. 13. & 16.*

Paulus Apost.

Act. 13. & 16.

BARNABEAS Apostolus Cypri aliquandiu commoratus, morbo affectos, Euangelio Matthaei manu scripto tangens curauit, eum precatus, cuius religionem astruebat curando. *Abdias.*

Barnabas Apost.

HAEC quidem & alia huiusmodi multa operandi facultatem Discipulis suis concesserat Dominus. Sed ne mi-

Iesus Christus.

Iohan. 14.

v. 15.

Psalm. 2.

raculorum autor ignoraretur, à Deo ea petere credentes voluit. Quodcunque petieritis, inquit, Patrem in nomine meo, hoc faciam, vt glorificetur Pater in Filio. Et iterum: Quodcunque volueritis, petetis: & fiet vobis. Et quid mirum, quòd sic ad nos Filius, si sic etiam ad Filium Pater? Postula à me, inquit, & dabo tibi gentes hereditatē tuam, & possessionem tuam terminos terræ. Hinc illū in Evangelio non semel orantem legimus, quandoque tamē propria potestate vtētem: vt nec solum hominem, nec solum Deum credas, sed Deum & hominem vnum Christum Iesum, doctorem ac Saluatorem nostrum.

Ammon Abb.

QVI tamē vt in Discipulis, ita & in illis, qui postea fuerunt, Sanctis mirabilis apparēs, eadē benignitate votis precibusq; eorum semper fauit, & quicquid petierāt, indulgit. AMMONIS Ægyptij Abbatis oratio immanem atque terribilem draconem, & qui iumenta hominesq; enecaret, per medium crepare compulit, puerumq; pestifero illius afflatu interemptum suscitauit: alteri vitam, alteri mortē dedit. Quoniam qui nocet, morte dignus est: cui noceatur, miseratione.

Rophilus & Mercurialis.

ROPHILVS quoque Popiliensis, & Mercurialis Linēsis, ambo Episcopi, draconem æquē pecori atque hominibus infestum, stolis suis non repugnantem, sed quasi mansuefactum ligauerunt, ac post se trahentes in puteum altitudinis immensæ, nunquam inde exiturum deiecere. Literæ ibidem in lapide incisæ factum hoc indicant, & adhuc extantes legentibus fidem faciunt.

Severinus Abbas.

SEVERINVS in Pannoniæ finibus Abbas, cū Phauianum oppidum Danubio adiacens fame laboraret, eò quòd concreto frigoribus fluuii frumentariæ naues iter agere nequibant, oratione glaciem soluit, & vectoribus nauigationem aperiens, periclitanti oppido incunctanter subuenit, ita vt repentinē ingentem inopiam, ingens cōpia secuta sit. De hoc fortē Sur, Tom. 1.

Idem.

IDEM, quoniam Cuculli castelli agrum locustarum agmina deuastabant, iussit omnes loci incolas vnā secum
ad Ec-

ad Ecclesiam pergere. Dumq; ibi simul orarent, omnis illa locustarum tempestas inde sublata fugam fecit. Ac ne casu aliquo discessisse viderentur, pars earum non minima in cuiusdam agro refedit, qui cum alijs ad orandum non venerat. Tantumque homini illi obfuit non orasse, quantum ceteros orasse iuuit.

ROMUALDVS Abbas (qui Ordinis Camaldulensis fuit autor) cum à Parentio Liburniæ oppido soluens nauigaret, & naus magnis fluctibus iactaretur, omnesque qui cum eo erant de salute desperarent, pelagi ventorumque scruitiâ oratione placauit, illum vtique deprecatus, qui ventis & mari imperat, & obediunt ei, *Pet. Damianus. Sur. Tam. 3.* *Romualdus Abbas.* *Matth. 8.*

GERMANVS quoque Antisiodorensis Episcopus, Britanniam versus ad hæreses extirpandas contendens, vnâ cum Lupo Episcopo Trecafino, dū naus qua vehabantur, vndis impetu ruentibus, illisa tantum non operiretur, manus ambas in cælum sustulit atque orauit. Et continuò ponentibus ventis æquatum salum, tranquillum illis præbuit iter, cursuque, quò volebant, satis prosperè peruenere, *Henric. Monach. ad Carol. Caluum.* *Germanus Episcopus.*

FANTINVS Syracusanus, cum Messanâ à Stradicone Præfecto ad Martyrium quæreretur, Angelique monitu solus nauiculam ascendens fugeret, iam propè erat, vt ab insequentibus caperetur, quâdo Deum precatus, Myoparonem illorum stare fecit, ita vt neque velo, neque remis ultra impelli posset. Sicque aduersarijs pro se relictis, Dei quem inuocauit ope periculum euadens, Rhegium vsque delatus est, *Apud Aloysium.* *Fantinus.*

IDEM Tabritanam Calabriae ciuitatem accedens, cum Balzanio, diuite quidè viro, sed gentili, pro seruo se locasset, vt haberet quo aliorum inopiâ subueniret: & superbus dominus equos, quos illi pascèdos cômiserat, strigiosiores cernès, furore concitatus ipsum persequi cœpisset, nec ei vsque ad fugam iter patèret: Deum rogauit, & Motabrum flumen, quo includebatur, virga percutiens diuisit, *Idem.*

atque per siccum alueum transiens, persequentis iram rursum iungentibus se aquis, euasit. Persecutor autem praestupore iam placatus, obsecrauit hominem, ut se quoque eodem modo transire faceret, perculsoque iterum fluvio, idem secutum est miraculum. Tunc cognita Christi virtute Balzanius credidit, & simul cum multis Baptisma suscepit. Sicque Fantinus orando mortis periculum effugit, & ijs, quos effugerat, vitam quam non habebant dedit, Moysen nobis Ægyptios fugientem exhibens, nisi quod tunc Pharaon iuste submersus perijt, Balzanius verò misericorditer seruatus vixit. Iam enim Filius hominis venerat ut saluet, non ut iudicet mundum. *Ibidem.*

Exod. 14.

Iohan. 3.

Faro.

ÆQUE admirandum facinus & Faronis Maldensis Episcopi fuit. Etenim submersam in flumine simul cum vectoribus nauim, miseratus, cum in ripa se prosternens Deum orasset, ab imo fundo in summas aquas enatare fecit, saluis omnibus qui in ea erant. Tale quid & Apostolo euenisse credimus, qui ad Corinthios scribens ait: Ter naufragium feci, nocte & die in profundo maris fui. *Fulcrinus Scholast. & Sur. Tom. 5.*

2. Cor. 11.

Hor Abbas.

SEDE neque de illis nunc silendum, qui orando bonarum artium scientias, quibus operam nunquam impenderant, perceperunt. Hor montis Nitriæ Abbas literas non didicerat, & oblato sibi libello, cum orasset, legere coepit, neque minus doctrinæ illi vnius aut alterius horæ oratio contulit, quam alij multorum annorum studium. *In vitâ PP.*

*Basilii
Episcopus.*

QUAM autem efficaciter Hor ipse pro sua eruditione orauit, tam pro aliena Magnus Basilii Episcopus. Etenim Effrem Syriæ solitario Græci sermonis usum à Deo precibus impetrauit, cum ille antehac non nisi Syram linguam, in qua natus erat, habuisset. Impletum est in his illud credentium signum: Linguis loquentur nouis. *In vitâ PP. & Amphiloch. in vita Basilij.*

Marc. 16.

*Thomas Præ-
dicator.*

THOMAS Aquinas Christianæ disciplinæ egregius philosophus, quoties aut ad legendum accederet, aut disputationem iniret, aut scriptionem aliquam diuinæ tractationis

tionis

tionis assumeret, semper prius orare solitus fertur : Nihil rectè auspicari, nihil agi ratus, sine Maiestatis Diuinę inuocatione, cuius donum est, quicquid bene feceris, bene dixeris, bene cogitaueris. *Anto. Piz amarus. Etaly. Sur. To. 2.*

IDEM sacra Prophetarum Vaticinia legens, incidit in locum explicatu difficillimum. Oranti ergo, Petrus & Paulus Apostoli in visu affuerunt, & sensum Scripturę, quam percipere non poterat, aperuerunt. Hanc rem ab ipso adhuc viuente se audiuisse Reginaldus frater post obitum eius testatus est. Per orationem igitur, declaratio quoque sermonum tuorum Domine, illuminat, & intellectum dat paruulis. *Ibidem.* *Idem.*
Psal. 118.

PRÆTEREA defunctorum animas, quę nondum ita ad purum expiatę sunt, vt cęlo dignę habeantur, viuendum orationibus iuuari, non solum Ecclesię traditione, sed etiam reuelationibus exemplisq; Sanctorum cōstat. Benedictus octauus Pontifex Maximus, postquam vita defunctus est, apparuit Iohanni Portuensi Episcopo, seq; ne æternis pœnis addiceretur, Odilonis Cluniacensis Abbatis intercessionibus consecutum dixit, & tantummodo temporarię afflictioni, donec vitę maculas diluat, deputatum. Id vbi rescivit Abbas, pro illo sollicitius orauit, simulq; monachis, vt pariter orarent, iniunxit: & ecce nō multo pōst, idē Benedictus ingenti fulgore renitens, visus est primū Eldeberto monacho, deinde ipsi Odiloni, cui & gratias egit, asserens se suis fratrumq; eius precationibus, a pœnis Purgatorij ad beatitudinis quietē trāslatum. *Benedictus Papa.*
Odilo Abbas.
Petr. Damianus. Sur. Tom. 1.

HI c idem sanctus Abbas diuinitus monitus, solennes pro mortuis preces die Festum omnium Sanctorum proximè sequenti fiendas instituit, primūq; celebravit. *Idem.*
Antonin. part. 2. l. 15. c. 15.

ARNULPHVS Turonensis Episcopus, cuiusdam nuper defuncti animam a dęmonibus ad gehennam tradi vidit, & procidens diuinā clementiam, vt eius misereretur, implorauit. Tum denum reddito corpori spiritu surrexit, *Arnulphus Episcopus.*
G 5 qui fue-

qui fuerat mortuus, ac se precibus Arnulphi seruatum palam est testatus. *Gregor. Turonens.*

Malach. Episc. MALACHIAS Ceneroth Hiberniæ vrbs Episcopus, cuius vitam describit Bernardus Abbas, quotidie pro sorore sua defuncta missale Sacrificium Domino offerebat. Cumq; magnis quibusdā occupationibus impeditus offerre intermisisset, illa per noctem quiescenti apparens, conquesta est, iam triginta dierum inedia se sustinere (tātum autem teporis ab oblatione Missæ cessatum erat) proinde petens, vt ipse tandem necessitati suæ subueniret. Quo visu ille admonitus, easdem pro sorore supplicationes nullo non die celebrans, iterū ipsam vidit, & primū quidē in limine Ecclesiæ stare, deinde Ecclesiā ingredi, postremò altari proximam Albatorū quorundā choro iungi. Quo iudicio patuit, ipsam fraternarum precum assiduitate, multò celerius, quā suis meritis purgatam, ad consortium peruenisse Beatorū, Oratio ergo pro defunctis, quemadmodū & cetera pietatis opera, cibus eorū est, quo refocillati agilius illuc se trāsferunt, vbi (vt Ieremias ait) erunt quasi hortus irriguus, & yltrā nō esuriēt. *S. Bernard. Sur. To. 6.*

Ierem. 31.

Oratio pro correctione.

SED sicuti mortuis vt purgentur, ita etiā uiuis vt corrigantur, suffragari solet oratio iustorum. Stephanus Abbas ordinis Grandimontensis institutor, dum montis Moreti (qui est in Aquitania) solitudinem incoleret, pro milite quodam, vt flagitium in quo obstinator videbatur dimitteret, orauit. Hinc ille, qui neq; iam ab eo desistere se posse, neque, si posset, velle dixerat, repente mutatus, peccatum suum fleuit, vitamq; correxit.

Steph. Abbas.

Lupus Episc.

LUPI Senonum Archiepiscopi oratio, quosdā ex clericis mulierum libidinibus deditos, ad continentiam adduxit. Quosque dudum meretricius amor graui odio inter se dissidere fecerat, eos illo orante conscientię stimulus ad poenitentiam, poenitētia ad castitatis studium egit. Conuersis igitur veniamq; petentibus, tam facile Præsulis pietas indulsit, quā ardentē vt conuerterentur orauerat. *Sur. Tam. 5.*

EC ON-

ECCE CONTRA Geraldus castitatis cultor præcipuus ab ea descilisset, si tentatus ad orationem non confugisset, Cum enim & generis nobilitate, & diuitijs polleret, atq; in cuiusdam villici serui sui filiam oculos coniecisset, forma eius captus, an se illi venereo amore iungeret, delibere secum coepit; diu voluptas cum honestate contendit, & tandem vicit. Decreuit puellam domi suæ conuenire, sed prius, quàm id fecisset, orauit. Vbi verò peracta oratione illam adiit, vsque adeo sibi deformis apparuit, vt parentibus eius hæc ipsam esse, quam adamauerat, vix crederet. Itaque intactam relinquens, ad se rediit, & turpis propositi poenitens, filiã dote, patrem libertate donauit, ac deinceps vixit cautius. Postremò Monachus factus, meruit in catalogum redigi Sanctorũ. At si tunc non orasset, cecidisset: si cecidisset, fortasse nec Monachus, nec Sanctus fuisset.

ANSELMVS Episcopus cum fratrem quendã ex languore morti iam proximum, pauitate atque horrore concuti animaduertisset, causam rogauit, & ille respondens, duos ibi lupos adesse dixit, rabida toruitate terribiles, minaciterq; ringentes, & inde se timere ne dilanietur ab eis. Tunc Episcopus pro ipso Dominum orauit, ac post orationem eodem fratre referente audiuit, feras illas bestias discessisse, fugatas flamma ex ore orantis in fulguris morem promicãte. Hoc demum remedio frater pauoris molestia liberatus, ac securior factus, ad Dominum migravit. Quæ res documento est, tunc maximè nobis opus esse precibus Sanctorũ, cū è vita discedimus, nullo tẽpore acrius in nos insurgente dæmonum pugna. *Ediner. Anglus, Sur. Tom. 2.*

Nunc solum dæmones, sed quandoq; etiam homines cū orantibus congregari non ausos legimus. Sauinianũ martyrem, multos ad fidem Christi à gentilitatis errore miraculorum operationibus conuertentem, Aurelianus Imperator comprehendere iusserat: sed qui missi fuerant, orantẽ inuenientes, timuerunt ei manus inferre. Alij deinde missi, cū similiter oratẽ offendissent, & ipsi animis cõcidentes, nec vim irrogare ausi, deprecari hominem coeperunt, vt secum

Sauinianus martyr.

ut secum ad Cæsarem pergeret. Exoratus perrexit, & martyrium passus est. Profecto etiam Imperatorem, sicuti & Imperatoris ministros, sola oratione terrere poterat miles Christi, sed pro Christo martyrium pati gloriosius existimauit, quàm terrori esse inimicis. *Mariyrol. Vsuardi.*

*Albinus
Episcopus.*

CRIMINATIONIBUS quoque circumuentos oratione liberari posse, monstrauit Albinus Andegauensis Episcopus, qui quosdam tenebricosi carceris tristi squalore obfitos cernens, fleuit. Et cum Præsidē, ut dimitterentur, exorare nullo modo potuisset, Deum pro illis precatus est. Fatiscentēque carceris muro omnes euaserunt, Deo Deique seruo gratias agentes, cuius precibus homo restitit, & lapides paruerunt. *Fortunat. & Sur. Tom. 2.*

*Magnobonus
Episcopus.*

MAGNOBONUS eiusdem loci Episcopus, & ipse similiter ijs, qui in ergastulis & vinculis detinebantur, liberationem à magistratu frustra contendit, à Deo autem facile impetrauit. Nam dum ipse ante aram suppliciter prouoluit deprecatur, claustra laxantur, compedes ferrei franguntur, & qui vincti erant, liberi euadunt. Itaque quos durus magis, quàm iustus, Iudex perdere cogitabat, misericordis hominis oratio seruauit. *Vsuardi Mariyrol.*

*Lupus
Episcopus.*

SED neque Lupi Trecensis Episcopi orantis virtutem tacebimus. Atila ciuitatem eius obsidione cinxerat, cum ille Deum precatus portas aperiri, hostem admitti iussit. Ingressi, omnia exemplo euerfuri putabantur: rectè pertransierunt, ac veluti per solitudinem iter facientes, nihil prorsus hostiliter egere, nunquam armata manus minus nocuit suis, quàm tunc isti alienis. Quid multa? Lupus lupis omnibus rapaciore tyrannū, nō bellando, sed Deo supplicando à se repulit procul, & spe prædæ frustratus est. *Turonens. de gloria Confess. lib. 27. 28. & alij Sur. Tom. 4.*

*Ita ferè sentiunt
nostrorum temporū
Hæretici.
Psalm. 126.
Anianus Epif.*

VANA est ergo sententia dicentium: Non votis, neque supplicijs muliebribus auxilia Deorum parantur: vigilando, agendo, bene cōsulendo prosperè omnia cedunt. Nisi enim Dominus custodierit ciuitatem, frustra vigilant qui custodiunt eam. Quod etiam Aniani Aureliensis Episcopi exem-

exemplo probari potest. Hic etiam Gothis Aurelium ob-
fidentibus, vnâ cum suis Clericis de muro ipso Sanctos &
Sanctas omnes inuocans, Litánias decantabat. Sacerdos
autem vnus ex captiuis, quem ne captiuitatis quidem iu-
gum à procacitatē oris coercere poterat, cum fortē in acie
vrbi proxima versaretur, vocem intendens, vt ab omnibus
audiri posset: Cassa, inquit, spe duceris, ô Aniane, si verbis
abigi posse aduersarios credis: eadem preces vali-
dioribus etiâ vrbibus nihil profuerunt. His dictis corrui-
t exanimus, nec vltra quicquā est prolocutus. Posthæc bar-
baris oppidum inuadentibus, tanta vis aquæ de cœlo ce-
cidit, vt coacti sint dimissa oppugnatione in castra se reci-
pere. Sic misericors & iustus Dominus simul & orantibus
affuit, & orationum virtuti detrahentis vltus est scelus.

Gregor. Turon. Hist. lib. 2. c. 7. & Sidonius lib. 8. Epist. penult.

Si quis igitur, quò facilius Dei gratiam conciliet, de
Sanctorum coetu deligere sibi patronos optauerit, vtatur
quibus volet, id est, siue illis, quos præcipuos putat, siue il-
lis, quibus hoc priuatim à Domino indultum legimus, vt
aduersos casus eorum, qui se inuocauerint, aut imminētes
repellant, aut incidentes leuent. Huiusce autem præroga-
tiuæ hi sunt. Honophrius monachus, cuius in vastissima
Ægypti eremo defuncti animam ab Angelis ad cælū ferri
vidit Pafnutius abbas. Decem millia Martyrum, qui apud
Alexandriam pro Christo omnia penè Christi tormenta
sibi ab impijs illata cōstanter sustinuerunt. Niceta Martyr
Maximiani Nicomediæ regis filius, qui & supplicijs, & pa-
tri, à quo ea passus est, superstes, populum antè in idolis
mortuum docendo, reuiuiscere in Christo fecit. Veneran-
dus Martyr Trecaſij passus, qui de fide ab Angelo meruit
instrui, & à Christo ad fluuium Sequanam sibi apparente
baptizari, cuius interfecti sanguis interfectori suo Cæsari
Aureliano illitus, vt beneficium referret pro iniuria, ocu-
lum amissum reparauit. Veneranda Virgo & Martyr,
quæ in Gallia Christum prædicando multos vnâ secum ad
palmā adduxit Martyrij, Antonino Imperatore Ecclesiam
perfe-

*Honofr. Sur.
Tom. 3.*

*Decem millia
Martyrum.*

Niceta Mart.

Metaphr. &

Sur. Tom. 5.

Venerandus

Mart. Hist.

Fran. lib. 2.

c. 13.

Veneranda.

Catharina. persequente. Catharina Virgo & Martyr, per quam Dei sapientia mundi sapientes vicit, & cuius corpus de Alexandria, ubi pro Christo passa est, ad montem Syna Angelicis manibus translatum dicunt, vt nemo dubitet, eam multum posse in in coelo, quæ sic honorata est in terris. *Simon Metaphr. Sur. Tom. 6.*

Maria. SED profectò inter Sanctos Sanctasq; omnes, vt primū apud Deum locum obtinet, ita prior inuocari debet Regina cœli grātia plena, benedicta in mulieribus, Maria Virgo, Maria simul & mater, cuius immaculatus & intactus venter Spiritu sancto repletus edidit Saluatorem mundi. Nihil certius speratur, largius tribuitur, tutius cōseruatur, quàm quod ipsa pro nobis poposcerit Filium. An quicquā maternis precibus nō gratificaturum credimus, quem cū Deo Patre legē, q̄ matres honorari iubet, sanxisse scimus?

Femina. NUNC ne à proposito discessisse videar, quantum foemina quoq; orationū vi efficere potuerint, breuiter exponam, quibus nihil obstitit sexus fragilior, quin par cum viris meritum, & æquam mirabilium faciendorum potestatem adipiscerentur.

Anna Elcanæ. ANNA Elcanę coniunx diutinæ sterilitatis opprobriū, cū Deum orasset, foecunditate cōpensauit. Genuit primò Samuelem, genuit deinde filios tres, duasq; filias. Phennenna verò altera Elcanę vxor, cōsorti suę semper infensa, post susceptos liberos parere desijt, & in idem vitii, quod illi petulanter obijcere consueuerat, ipsa incidit. Denique sterilis peperit plurimos, & quæ multos habebat filios, infirmata est. Ultio enim superbiam, orationem sequitur gratia. *1. Reg. 1.*

1. Reg. 2.

Judith.
Judith. 12.

IUDITH in humilitate cordis Deum precata, tantū audaciæ cōcepit, vt à Bethulia ad hostes, qui eam obsederāt, egressa inter tot millia militum armatorum Holofernem ducem, qui iam Ciliciam, Mesopotamiam, Syriamque deuicerat, ipsa & sola, & inermis, & mulier interimeret, interempti caput absccnderet, abscessum secum in urbem ad suos referret. Iam seruituris iugum

Israclita-

Israëlitarum imminabat ceruicibus: omnes simul vno die vna Iudith liberauit. Nunquam tantum facinus perpetrare potuisset, nisi prius perpetrandi facultatem à Domino precibus obtinuisset. *Iudith. 12.*

QVI DE Susanna dicam, quæ Iudicum sententia mortiam addicta, exclamauit ad Dominum, & Dominus exaudiuit vocem ipsius. Spiritum quippe Danielis pueri suscitauit, qui malignos accusatores falsitatis cōuictos talionem subire compulit, plebe illos iisdem ipsis lapidibus obruente, quos in Susannam apprehenderat. Duo erant, senes erant, Presbyteri erāt, numerus, ætas, dignitas verbis fecerat fidem. Nisi inuocatus prelo affuisset qui manifestat occulta cordium, pudicitia infamiam, innocentia necem passa fuisset. *Daniel. 13.*

*Susanna.
Daniel. 13.*

ET in Barbara quidem virgine, vt constans Sanctę Trinitatis confessio, ita efficax fuit pro necessitate deprecatio. Dum enim infidelem & iratum fugeret patrem, & fugam prærupti montis crepido inhiheret: orauit Dominum, ac protinus illo, in quo hæserat, saxo in aduersam paris altitudinis partē se inclinante euasit, neq; tamen tato miraculo inclinatus est impius pater, vt vel sic elapsam quærere cessaret. Proh nefas! Pater persequitur, saxa miserantur, & ad inuocationem Christi montes mollescunt: hominis infidelitas obduratur. *Simon. Metaphrast. Sur. Tom. 6.*

Barbara.

AD RADEGVNDIS Clotarij Gallorū Regis vxoris, sed magis Christi Ancillæ orationem, ferreæ pedicæ eorū, qui in vinculis publicis erant, contritæ sunt, illi absoluti. Sic & nos orare oportet, vt peccatorum nostrorū nexibus liberemur, & liberati Deo gratias agamus, dicētes: Dirupisti, Domine, vincula nostra, tibi sacrificabimus hostiam laudis. *Fortun. in vita eius. Greg. Tur. li. 9. c. 39. Sur. Tom. 4.*

Psal. m. 117.

ELIZABETH vidua, & ipsa quidem regia progenies, sed melius regnans cū Christo, pro iuvene quodam seculi vanitatibus dedito orasse dicitur, qui continuò nouum induens hominem, seculi huius amorem in amorem conuertit Christi, religionisq; suscepto voto, Ordinē Fratrum Minorum

*Elizabeth.
vidua.*

12 DE ORATIONIS VIRTUTE.

Minorum subiit. Et ingenuè confessus est, se illa orante ita intimis flagrasse præcordijs, vt ardori remedium nullum inuenerit, donec vitâ mutare decreuit. Ad eius ergo orationem Dominus igne misit in terram: & quid voluit, nisi vt accendatur? *Iacob. Mōian. Spirens. Cōrad. Concion. Sur. 6.*

Luc. 12.

Theodora.

THEODORA Romana Sisinij coniux, à Clemente Pontifice conuersa, & ob hoc à viro infideli odio habita, pro conuersione eius orauit, & exaudita est. Petrus Apostolus oranti apparens, Sisinium precibus eius à Domino concessum nuntiauit. Hinc demum deposito errore Sisinii, Christianitatem accepit, & vir infidelis per mulierē fidelem saluatus fuit. Non illum suasionibus, non argumentis est aggressa, ne peruicacis animi hominem, dum lenire nititur, grauius irritaret. Tacita Dominum rogauit, & lupus in agnū mutatus est, factaq; sunt praua in directa, & aspera in vias planas. *In gestis Alexandri PP.*

1. Corin. 7.

Isaia. 40.

*Orationes ab
Angelis offeruntur Deo.
Tobie 12.
Apocal. 8.
Psal. 133.*

QVID mirum autem, tantum virium inesse orationibus Sanctorum, cum hæ vsque ad illius solium auresque perueniāt, qui quodcumque vult, facit in coelo & in terra? Angelus ad Tobiam: Ego, inquit, obtuli orationem tuam Domino. Et in Apocal. dicitur: Ascendit fumus incensorum de orationibus Sanctorum de manu Angeli coram Deo. Sancti orant, Angeli ministrant, Deus dat gratiam; qui facit mirabilia solus: & cuius potentiam, sapientiam, bonitatem admirari licet, comprehendere non licet.

De Tentationibus tempore orationis.

Caput III.

QVONIAM verò orationes arma sunt, quibus prostermitur omne diaboli robur, idcirco maligni spiritus interdum orantibus nobis impedimēta struunt, vt vel torpeamus pertæsi, vel territi obmutescamus, vel vagis cogitationibus abducti, verba quæ pensiculatè ruminanda sunt, contemptim effugiamus, similes ebrijs, qui sæpè multa quidem loquuntur, nec tamen quid loquantur satis

satis sciunt. Detegamus nunc huiusmodi inimici dolos atque insidias, Sanctorumque in cauendo industriam simul consideremus, ut hos imitando, illos, qui neminem nisi volentem vincunt, floccifacere atque contemptui habere possimus.

SULPITIUS Bituricensis Episcopus, dum nocturnis *Sulpitius* precibus incumberet, horrendos circa se strepitus, vocesque *Episcopus*, terribiles audiuit, neque tamen aut loco cessit, aut orare desijt, donec sedatus est tumultus. Qui enim confidit in *Psal. 124.* Domino, sicut mons Sion non commouebitur in æternum: par terrori erit, atque dicet: Si consistent aduersum me castra, non timebit cor meum. Si exurgat aduersum me praelium, in hoc ego sperabo. *Sur. Tom. 1.*

QVÆ Sulpitium terrere volebant, iidem Maximus monachus (qui postea Rhegiensis Episcopus fuit) seducere *Maximus monachus.* conati sunt. Nam cum noctu ad litus processisset ut oraret (Monasterium enim non procul a mari erat) vidit nauem applicuisse, a qua descendentes nautæ, ipsum reuerenter adierunt, atque laudibus attollere coeperunt, quod scilicet fama eius usque ad Syriæ fines peruenisset, quodque multi eum videre desiderarent, quod denique si illò proficisci vellet, salutis plurimis foret, & si modò secum ire disponeret, se iam in rem paratos esse, pro lucro habituros, si talè virum vehere sibi contigisset. His inanis gloriæ officijs diaboli calliditas nitebatur subuertere hominis mentem, ut qui in oratio humilitatem imitabatur Publicani pectus percutientis, iam tandem imitaretur iactantiam Pharisæi sese arroganter efferentis. Attamen Maximus antiqui hostis captiosas tendiculas circumspecto sagacique animo percipiens, positus in litore genibus, sicut proposuerat, orauit. Et statim auersi sunt erubescences, qui dixerunt illi, Euge, euge. Discamus eius exemplo cauere adulantium *Psal. 69.* adopertos delinificis sermonibus dolos, mellèque circumlita venena, cum etiam Salomōn præcipiat, dicens: Fili mi, *Prouer. 1.* si te lætauerint peccatores, ne acquiescas eis. *Dinamius* *Patrisini in vita eius.* & *Greg. Turon. de glor. Confess. c. 83.*

DE TENTATIONIB. TEMPORÉ

*Launomarus
Abbas.*

LAUNOMARUS Abbati Carnotensi noctu oranti, lucernam ter à dæmonio extinctam fuisse ferunt, & ter ab Angelo rursus accensam. Non enim passus est Dominus, illum deridituli gratia in tenebris derelinqui, qui orando seruebat luci. Quoniâ Deus lux est, & tenebræ in eo non sunt ullæ. Quid tunc solatij, quid gaudij cepisse Launomarus dixerim? cùm pro se, contra nequitia spiritum, stare Dominum videret. Potuit lætus concinere Dauidicum iud: Quoniâ tu illuminas lucernâ meam, Domine: Deus meus, illumina tenebras meas. In te eripiar à tétatione, & in Deo meo transgrediar murum. *Sur. Tom. 1.*

1. Ioban. 1.

Psal. 17.

*Leonardus
monachus.*

LEONARDUS Corbiacensi monacho oranti, serpens à pedibus in finem. vsque fursunt versus reptauit, quæ quidam ille vsque ad eò nihil expauit, vt immobilis permaneret, donec precum finem fecit. Quinetiam peractis precibus, vltro sese pestiferæ bestia ingerebat, dicens: ne facere differret, quicquid faciendi facultatis aduersus ipsum à Domino accepisset. Sed illa sicuti orantem nò terruit, sic etiâ omnia pati paratû minimè læsit. Quotûsquisque vel viso tantum iuxta se serpente, nò continuo trepidus exiisset? At Leonardus etiam intra gremium illabentem contempsit. Cur ita? nisi quia verum est, quod in Proverbijs Salomonis ait: Fugit impius, nemine persequente. Iustus autem quasi leo confidens, absque terrore erit.

Prover. 38.

Franciscus.

SERPENS autem ille antiquus, qui fraudulentiis, perniciosissq; suasionibus seducere mortales nò cessat, neuiquam decipere potuit humillimum precatorem, fidissimumque Dei seruum Franciscum. Qui cùm die quodam prolixius oraret, audiuit clamantem: Francisce, poenitentibus ignoscit Deus, non se tam pertinaci fatigatione conficientibus. Agnouit in verbis dolos, & sicut coeperat, orando perseverauit, atque etiâ ad perferendos pro Christo labores magis exarsit. Sciebat enim, inimici consilia semper eò spectare, vt fallat, nunquam vt doceant, scriptumq; esse: Ne desideres de cibis eius, in quo est panis mendacij. *S. Bonavent. in vita eius. c. 5.*

Prover. 22.

R v r

Rursus tamen humani generis perpetui hostes, quoniam *Idem*
 fraudulenta inductione nihil profecerant, terrifica-
 tionibus aggredi illum decernunt. Dumque ipse nocte qua-
 dam precationi operam daret, super tectum domus im-
 maniter strepere, atque horribiliter mugire coeperunt. At
 ille intrepidus exurgens: En assum, inquit, nequissimi spi-
 ritus, venite, exercete in me quicquid vobis permissum
 est. Quod si corpus hoc verberibus affeceritis, quid aliud
 quam vindicabitis me de aduersario meo? His dictis con-
 fusi discesserunt. Ille ad preces deo persoluedas rediit, nullis
 tentationibus cedens, sed fiducia habes in Domino semper.

CATECHVM neque sic superata Satanae improbitas con- *Idem*
 quiescere potuit, iterumque oranti illi plus etiam molestie
 intulit tacita suggestione, quam intulerat manifesta infer-
 statione. Intimo namque medullarum titillatu, cogitatio-
 nem ei libidinis excitauit, atque ille intermissa precatione
 repente exurgens, violentum mentis motu dura corporis
 flagellatione repressit, venarumque calescentiam pruritui,
 semet in gelida niue nudam prosterbens, extinxit. Hoc
 enim est genus illud quod non eijcitur, nisi per orationem
 & ieiunium. *Ibidem.* *Marc. 9.*

His iam dictis exemplis Agathonis Abbatis sententia *Agathon*
 probari potest, qui interrogatus: Cuiam spiritualium *Abbas*
 actionum plus laboris inesset: Precationi, respondit. Quonia
 precationis tempore, ipse nequam spiritus plurimum nobis
 negotij exhibet, nunc aperte oppugnans, nunc occulte in-
 fidians, modisque omnibus enitens, ut confundat depre-
 cantium mentes atque conturbet, haud ignarus, quanti
 apud Deum momenti sit constans, continua, perseverans
 humiliter orantis intentio. *In viii PP.*

De Contemplatione.

Cap. IIII.

SARTIS haec de oratione: nunc res ipsa poscere videtur,
 ut gradum faciamus ad contemplationem. Prius enim
 orandum, deinde contemplandum, ut cum gratiam

H 2 impe-

impetraverimus, tunc deum in cubiculū introducāmur regis, iam tacito mentis obtutu consideraturi Maiestatem gloriæ illius, cuius potentia nihil potentius, sapientia nihil sapientius, bonitate nihil melius, æternitate nihil prius, nihil posterius, neque esse, neque excogitari potest.

Huiusmodi meditationum altitudine absorpti, quidā ita obstupeſcunt, ut ſenſibus corporis alienati (quod Græci Extasim vocant) mortui magis quā viui videātur. Sed interim animus cælestium viſione fruitur, diuini luminis dulcedine paſcitur, reuelationes quandoque accipit Myſteriorum Dei.

Extasis vnde.

*Abraham
Isaac
Iacob
Moyses
David.
Psal. 50.
Propheta
omnes.*

Sic credimus Abraham, Isaac, Iacob, cū Deo collo- cutis, futurorum notitiam recepiſſe: Moysen etiam, præ- teritorum. Is enim mundū à Deo in principio creatum verè didicit, & omnibus palam fecit. Sic præterea David verſu oracula cecinisse, de quibus gloriatur, dicēs: Incerta & occulta ſapientiæ tuæ manifestasti mihi. Sic denique Iſaiam, Ieremiam, Ezechielem, cæterosq; Prophetas om- nia in ſpiritu hauſiſſe, quæ quondam ad populum nunc prospera, nunc aduerſa vaticinantes effuderunt. Semper enim de Deo cogitātes, digni habiti ſunt, qui cū Deo etiā ſermones miſcerent, & (ut ait Scriptura) facie ad faciem loquerentur. Latius contemplationis eorum typicæ viſio- nes reuelationeſque modo à nobis enarrari poſſent, niſi omnibus ſatis notæ forent, & ab ijs, qui ſub lege erant, ad eos, qui ſub Euangelio fuerunt, noſtra feſtinaret oratio.

Exod. 33.

Exod. 33.

*Petrus Apost.
Actor. 10.*

De Simone Petro in Actis Apoſtolorum traditum le- gimus, quod cū in coenaculum circa horam ſextam ora- tum aſcendiſſet, cecidit ſuper eum mentis exceſſus, & vidit cælum apertum, & inde vas quatuor initijs ſubmit- ti, immundis animalibus plenum, ſed quæ à Deo mundata dicerentur. Ex quo ſignificatum eſt, gentiles quoque, qui planè immundi errorum iniquatione erant, per fidem Euangelicæ veritatis mundandos, & Eccleſiæ gremio ex- cipiendos eſſe, ſicuti & Iudæos. Quoniam non eſt, inquit, perſonarum acceptor Deus, ſed in omni gente, qui timeat

cum

eum & operatur iustitiam, acceptus est illi: *Act. 10.*

P A V L U S Apostolus raptus vsque ad tertium celum, *Paulus Apo-*
vtrum in corpore, an extra corpus, nescit, Deus scit, audi- *stolus.*
uit arcana verba, quæ nō licet homini loqui. Hinc demum *2. Cor. 11.*
in illam prorupit vocem: O altitudo diuitiarum sapientiæ *Rom. 11.*
& scientiæ Dei, quàm incomprehensibilia sunt iudicia eius,
& inuestigabiles viæ eius? Quis enim cognouit sensum
Domini, aut quis consiliarius eius fuit? aut quis prior de-
dit illi, & retribuetur ei? Quoniam ex ipso, & per ipsam,
& in ipso sunt omnia: ipsi gloria in secula, Amen. *2. Cor. 11.*

I O H A N N E S Apostolus; Fui, inquit, in spiritu Domini *Iohannes*
nica die, & audiui, & vidi, eaque vtique quæ in Apocal. com- *Apost.*
memorat, Quorum præstantiam Diuus Hieronymus ad- *Apocal. 1.*
mirans, ait: Apocalypsis Iohannis tot habet Sacramenta,
quot verba, Parum dixi, in verbis singulis multiplices la-
tent intelligentiæ, & pro meritò voluminis laus omnis
inferior est. *Apocal. 1.*

A P O S T O L I C I quoque viri coelum ipsum animo
transcendentes, & viderunt, & prædicauerunt multa non
mediocri admiratione digna. Antonius Abbas, dum seculi *Antonius*
voluptatum malignas illectiones secum considerat, to- *Abbas.*
tum terrarum orbem laqueis refertum vidisse dicitur. Quæ-
res nōne apertè nobis indicat, in quantis versetur vitæ
periculis, qui quotidie inter mortiferarum cupiditatum tam
multiplices pedicas, vestigia figimus? Quod si ijs nolu-
mus implicari, meditanda sunt coelestia, relinquenda ter-
rena, contemplationis alis ad superna euolandum, inferiora
dimittenda atque contemnenda. Qui sic agunt, securi sunt. *Prover. 1.*
Et de illis in Proverbijs dicitur: Frustrà iacitur rete ante
oculos pennatorum. *Athanas. in vita eius,*

B O N I T I V S Aruernensis Episcopus, dum noctu in *Bonitus*
Ecclesia meditationibus inuigilat diuinis, ecce pulchram *Episcopus*
vt Luna, electam vt Sol, Beatam Virginem Mariam virgineis
choris comitatam ad se venire videt, iussus Missam cele-
brat, indumentum miri candoris ab ipsa Dei Genitrice
sibi oblatum accipit. Visio abiit: Ille ad se reuersus, insom-

DE CONTEMPLATIONE.

num fuisse putabat, donec id ipsum indumentum iuxta se iacere conspexit, quod adhuc extare dicitur, & cernētibus rei fidem facere, nemine deprehendēte neque lini, neque texturæ genus. Magnū fuit tale munus accepisse, sed maius tali spectaculo interfuisse, & eius visionis dulcedinē, quæ nunc fruitur in coelo, gustare cœpisse in terra. *Ser. Tom. 1.*

*Romualdus
Abbas.*

ROMUALDVS Abbas ordinis Camaldulensis autor, cū ad Sutrij montis monasterium deuenisset, & ibidē Missam celebraret, aliquandiu in-extasi raptus stetit. Posthæc Psalmorum effici meruit expositor, quorū pauloantē ne lector quidem satis idoneus fuerat. Dum enim ipsum Dei verbū (quod tunc manibus contrectabat) intentius considerat, sanctorum verborum percipere meruit anagogen, latentemq; sub litera sensum. Plurimorum annorum studium ad tantum diuinæ eruditionis profectum nunquam illum extulisset, ad quantum die vna Christi perduxit contemplatio. *Pet. Damian. Anton. part. 2. tit. 15. c. 15.*

*Augustinus
Episcopus.*

AVGVSTINVS Hipponensis Episcopus, Philosophiæ Christianæ assertor egregius, dum Sanctæ Trinitatis mysterium solus in cubiculo sedens contemplatur, ita se à seipso abcesserat, vt à muliere, quæ illum quadam de re consulere vehementer cupiebat, sapius interpellatus, nihil responderet, imò ne respiceret quidem. Mulier denique quia se contemptam putauit, abiit tristis. Postero autem die cū eum in Ecclesia Missam celebrantem audiret, in spiritu rapta vidit de Trinitate disputantem, atque audiuit idcirco se illum die hesterno frustra quidem adisse, quòd eiusmodi meditatione occupatus, ipsam neque videre, neque omnino sentire potuisset. Ac proinde ne redire dubitaret. Rediit, & quod petierat consiliū, sine cunctatione accepit. Maioriquē deinde reuerentiæ habere hominem cœpit, quàm antè habuerat, cū talia de illo sibi videre contigisset. Quid igitur mirum, si tam copiosè tamq; argutè de Trinitate scripserit, qui mente sic abstracta Trinitatis Sacramentum fuerat contemplatus? sed nec contemplando tantum apprehendisset, nisi vt apprehenderet,

piē

p̄e prius ac iuste viuendo dignus euasisset. Vix sanctitate meritum sibi comparet, qui vult cōtemplatione proficere. Scriptum est enim : Homini bono in conspectu suo dedit Deus sapientiam, & scientiam, & lætitiā. *Psalms 112. Sur. Tom. 4.*

QVA quidem bonitate præditus Diuus Hieronymus, *Hieronymus.* meruit etiam ipse spiritalis contemplationis ingentem & ineffabilem haurire dulcedinem. In eo quippe libro, quem de Virginitate seruanda edidit: Post multas, inquit, lachrymas, post cœlo inhaerentes oculos, nonnunquam videbar mihi interesse agminibus Angelorū, & lætus gaudensque cantabā: Post te in odorē vnguentorum tuorū curremus, *Cant. 1.* Et ad Virgines Deo dicatas scribens, ait: Experto itaq; ser deuotē consuletū credite, filix, si semel gustastis quā dulcis est Dominus, ad quē accedentes lapidē vitum; ab hominibus quidē reprobatū, à Deo autem electū, poteritis ab eo illud audire: Venite, & ostendā vobis omne bonū, & tūc ostēdet vobis talia, qualia nō nisi mentes assuetæ norunt, *Exod. 33.* Scio quid loquor, charissimæ. Nam vt meam insipientiam loquar, ego homūculus sic abiectus, sic vilis in domo Dñi, adhuc viuens in corpore, Angelorū sæpe choris interfui, de corporeis per hebdomadas sustentationibus & nutritis nihil sentiēs, diuinæ visionis intuitu. Post multorū fortē dierum spatia præscius futurorum, redditus corpori flebam. Quid ibi manens felicitatis habebā, quid inenarrabilis delectationis sentiebā, testis est ipsa Trinitas, quam cernebā, nescio quo intuitu. Testes sunt & ipsi beati spiritus qui aderant, testis est etiam conscientia mea, qui tantis bonis ipse fruebar, quot & qualia nescit proferre mollities corporis mei. Denique subiungit, dicens: Non potest ad tantæ contemplationis dulcedinem cor secularibus plentū negotijs aspirare, sed oportet vt seculo moriatur, vt soli Deo per tantas meditationes & desideria supernis inhaereat. Vnde granum frumenti cadens in terram, nisi mortuum fuerit, semper sic solum manet vt cecidit: quod si moritur, fructum plurimum affert. *Epist. ad Eusebium.*

Thomas
Aquinat.

THOMAS Aquinatem Catholicæ veritatis locupletissimum differtorem, dum de Deo diu multumque cogitat, à solo attolli, & altitudine ferè cubitali in area pendere visum ferunt. Neque deinde tantę contemplationis fructu dissimulare potuisse, vultu prodente iocunditatem, quam intima conceperat præcordia. Extasi autem tam profunda rapi solitum, vt interdum candelam accensam tenens, eademum ad manum vsque consumpta, flammæ calorẽ non senserit. Quom prorsus nõ sensisse, ijs etiam, qui id factum non viderunt, fidem facere poterant non pauca in manu ipsius ac digitis adustionis vestigia. Qualia ergo illa aut quantz delectationis fuisse dixerimus, quibus occupatus animus non advertebat corporis tormẽta, vel ad quz sese mens erigens, carnis quoque pondus secum trahere videbatur, dum supinum stare, & humum non contingere cogit. *Anton. Pix aman. & aliq. Scr. Tom. 2.*

Bernardus
Abbas.

Nunc in Bernardo Clarenallensi Abbate non satis clarum signum mentis in coelo versantis fuit, quod cum aliquando equum ascendens fratres Cartusienſes inuisere perrexisset, & Præpositus eorum ephippio nimis decoro illum vsum arguisset: quærere à comitibus coepit, quale equi sui ephippium esset. neque enim aut insiliendo, aut desiliendo, aut etiam insidendo animum aduerterat quale foret. Iterum prope ripam Lausanensis lacus diu iter fecerat: Cumque iam occaso Sole ad hospitium diuertisset, & fratres, qui eum comitabatur, inter se de lacu ipso verba iactarent, rogauit vbi lacus ille fuisset. Postquam audiuit, miratus est, seque eum penitus non vidisse asseruit, Nectamen mirum videri debet, si rem oculi cernere non potuerint, cui animus non attenderit, qui sapius quidem cum Deo, quam cum hominibus erat. *In vita Bernardi lib. 3. c. 1. Scr. Tom. 4.*

Benedictus
Abbas.

Atque altæ contemplationis indicium in Benedicto Abbate mirabilis visus præbuit. Nocte intempesta cælum per fenestram intuens Deum adorabat, quando lumen vidit, quo non ipsa ita resplenduit, vt cum die posset contendere,

dere. Mox totum mundum conspexit arcu atque angustâ
 consipatum perexiguâ pilâ instar. Cælum quippe intus,
 supra cælum mente euectus est, & per creaturâ considera-
 tionem, ad Creatorem vsque peruenit. Illius ergo lucem,
 quam animo agitauerat, oculis vidit, & in illius luce tan-
 quam in speculo mundum vniuersum. Sed ideo quidem
 tam paruum, quoniam tanquam momentum staterâ (vt
 Scriptura ait) sic est ante Deum orbis terrarum, & tan- *Sapient. 11.*
 quam gutta rosis antelucani, qui descendit in terram,
Greg. Dial. lib. 2. c. 15.

S E D quid nunc de te, Pater Franciscus dicam? Quantû *Franciscus.*
 tibi quoque adhuc in terrâ degenti tua contulit contem-
 platio? Vidisti fulgentem Saluatoris nostri Crucem, vidisti
 sanctum Seraph, a quo Seraphicus dici meruisti. Inde tibi
 singulari quodam priuilegio Dominicæ crucifixionis ci-
 catrices corporaliter vendicasti, vt cuius paupertatem,
 mansuetudinem, humilitatem fueras imitatus, eius etiam
 Sacratissimæ Passionis signa in manibus, in latere, in pedi-
 bus referres, & cum Paulo gloriari posses, dicens: Christo *Galat. 2.*
 confixus sum Cruci: viuo autem, iam non ego, viuit verò
 in me Christus, Mihi autem absit gloriari, nisi in Cruce *Galat. 6.*
 Domini nostri Iesu Christi, per quem mihi mundus cruci-
 fixus est, & ego mundo. Ego enim stigmata Domini Iesu in
 corpore meo porto. O felicem seruû, cui Dominus quinq; *Matth. 25.*
 tradidit talenta, vt quibus ille perditum redemit mundû,
 hic labentem repararet Ecclesiam, *In vita Fran. c. 13.*

N V N C quæ foeminis in meditando miracula conti- *Famina.*
 gère, vt instituti nostri ordo seruetur, referamus.

M A R I A M Magdalenam, cum in solitudine ætatē age- *Maria Mag-*
 ret, statutis diei horis supra cælum ab Angelis veſtatam *dalena.*
 tradunt: quod si (vt aiunt) in corpore, cum Apostolus de se
 dubitet: quanti illam meriti fuisse dixerim? Mirarer post
 hæc mori potuisse, si non eodem die semper ad terras re-
 latam dicerent, Tantillû temporis in illis æternitatis locis
 morabatur, quâ tum competere poterat mortali. Interim
 ergo, etiam corpori proxima, illi inhærebat, quem mente

H ;

atque

atque animo nunquam admittebat: adeò assidua Dei meditatio prius carnem ipsius coelo dignâ fecerat, quàm terrena labe liberam. Et si tantus fuit Mariz in deserto contemplantis fructus, quanta est nunc in Paradiso cū Christo regnantis gloria? Iam ibi perpetuò habitat, vbi quondam vel vnus horæ momento mansisse felicitatis fuit. *Siluest. Prieras, & alg. Sur. Tom. 4.*

Maria Aegyptiaca.

MARIAM quoque Aegyptiacam, quæ Urbani luxuriæ mollietiem eremitæ peritate fregit, Zozimas Abbas orantē corpore supra terram suspensio altitudine fermè cubitali vidit. Itaque quantum olim per corporis turpitudinem in profundū perditionis corruebat, tantum postea per mētis contemplationem, necdum sarcina carnis deposita, extolli meruit, dum oraret. Quàm malè cum illa actum erat cū delitijs diffuere, tam deinde bene, cū resipiscere coepit & in sensu cogitare circumspectionem Dei. *In vitu PP.*

Elizabeth vidua.

ELIZABETH Pannoniæ regis filia, cuius sæpe mentionem fecimus, dñ se supra se tollēs coelestia meditatur, in extasim abibat, & mēte cernebat, quod oculi peruidere non possunt: quod ne tum quidem, cū ad se redisset, dissimulare poterat, tantam etiam tacita facies hilaritatem præferebat. Eadem cū aliquando nimio labore fatigata lassaque resedisset, oculis in cælum intentis, fronte modò iocunda, modò tristi apparuit. Et confessâ est, se in nubibus vidisse Iesum, qui nunc se ostendens lætam reddebat, nūc teneas, moestam. Denique ipsum sibi dixisse: Bono animo esto, filia: ego tecum sum. Et se respondisse: Ita Domine, tu mecum, atque ego tecum. Magnum profectò diuinæ liberalitatis beneficiū, vt homo Deum alloquatur, manus, vt alloquentem audiat; maximum, vt vnâ cū illo sit. Et tamen quoties cum contemplamur nihil in fide hæsitantes, quoties eius amore desiderioque inardescimus, toties cordi nostro infidet. Et verè nobiscum, atque adeò intra nos est, dicente Apostolo: Qui adhæret Domino, vnus spiritus est. *Conrad. Concion. Eliz. ab.*

1. Cor. 6.

Elizabeth virgo.

HINC etiam Elizabeth virgo egregium Comagienfis mona-

monasterij decus, cum sese celestium contemplationi penitus dedidisset, obstupefactis interdum corporis membris ac sensibus, diu veluti exanimis iacebat. Inde illi non pauca quæ futura erant, diuinitus reuelata fuisse perhibent, solitamque Beatæ Virginis frui colloquijs, Librum etiam, qui Viarum Dei dicitur, Angelo distante ab ea scriptum. Cum hæc ita sint, nonne Paradisum habuit in terris, quoniam mente semper in cœlis fuit?

CLARA Virgo Beati Francisci præceptis imbuta, di- *clara.*
 gnaq; tanto magistro discipula, pridie quam Natalis Domini veniret, agrotauit, nec licuit illi cum reliquis sororibus ad agendas sacræ noctis preces pergere. Veruntamen aduersa valetudo corpus impedire potuit, animum non potuit, & ancilla Christi affuit in spiritu, ubi in carne adesse nequibat. Reuersis quippe sororibus, quicquid inter absentes actum dictumque esset, ordine retulit, & mirantibus adiunxit: Sibi tunc ibidem loci, ubi absens cum ipsis fuit, Iesum puerum qua hora quondam nasci voluit, apparuisse. Iesum ergo deuotè cōtemplata, cum in lectulo iaceret, omnia quæ præcyl in Oratorio agerentur, perspiciebat. Et quod ne ipsæ quidem, quæ illò conuenerant, viderunt, videre meruit. *Sur. Tom. 4.*

ALIAS etiam, à die Coenæ Domini, vsque ad Sabbatum *Eadem.*
 sanctum, corporeorū sensuum vsu subtrahito, quasi mortua permāsit. Sed interim toto animi vigore in Deū translato, omnia Dominicæ Passionis Mysteria iisdem horis, eodem ordine geri cernebat, quæ gesta nouerat. Vbi autē corpori fuit reddita, haud amplius quam vnius horæ spatio se dormisse putauit. Ex quo facile percipi potest, quàm illi gratū erat huiusce dormitionis spectaculum. Breue enim videri solet omne quod delectat. Delectabat autē eam, non Christum pati videre, sed videndo compati Christo. *Ibidem.*

Nos quoque Sanctos pro virili parte imitati, abiecta *Exhortatio ad*
 atque contempta terrenarum rerum cura, ad celestium *contemplatio-*
 meditationē accingamur. Pensemus quàm potēs sit, à quo *nem, eiusque*
 condita sunt omnia, quàm sapiens, qui gubernat vniuersa, *fructus.*
 quàm

quàm bonus, per quem cuncta quæ ubique sunt conser-
uantur, ac in sua natura permanent, quàm magnificus sit,
cui semper adsistit cælestis militiæ innumerabilis exerci-
tus, Angeli, Archangeli, Throni, Virtutes, Potestates, Do-
minationes, Cherubin, & Seraphin, & omnis Beatorum
Spirituum cõcio gloriõsa. Quem vigintiquatuor Sêniores
in facies suas cadentes adorant. Et cuius Maiestatem ve-
nerantur centum quadraginta quatuor millia signatorum
ex omni Tribu filiorum Israël, & illa omnis generis om-
niumque populorum turba, quam in Apocalypsi dinumẽ-
rare nemo potest. Hunc omnis spiritus laudat, omnis lin-
gua confitetur, huic omnia famulantur elementa, hulus
nutui cuncta etiam inanimata & omni prorsus sensu ca-
rentia, absque vlla tardatione parent. Cum igitur talem ac
tantum cogitauerimus, qualis quantusque nec verbis ex-
plicari, nec cogitatione possit comprehendi, semper Dau-
dicum illud occurrat: Seruite Domino in timore, & exul-
tate ei cum tremore.

Apocal. 4.
7.

Psal. 150.
Rom. 14.

Psal. 2.

Dei beneficia.
Genes. 1.
Psal. 8.

A D hæc, multum quidem nobis conferre poterit suo-
rum erga nos beneficiorum assidua iugisque meditatio,
Ad imaginem & similitudinem suam nos fecit, coelum,
terram, mare vsui nostro subdidit, Patriarchas, Prophetas,
leges, ceteraque multa egregia sanè & admiranda, quæ in
veteri Testamento continentur, quibus & in viam iustitiæ,
& agnitionem sui plenius dirigeremur, nobis indulsit. Po-
stremò cum omne hominum genus primorum parentum
culpa sub maledicto deperiret, ita vt neque lex ipsa quen-
quam iustificare posset, misertus nostri expandit pietatis
sinum, Filiumque suum vnigenitum nobis misit, qui non
vitulorum, aut hircorum, sed proprio sanguine nos rede-
mit, & filios fecit lucis, qui fuimus tenebrarum. Erat enim
Deus in Christo, mundum reconcilians sibi. Pro nobis
Christus Dominus formam assumpsit ferui, Discipulorum
pedes lauit, paupertatem, inopiamque sustinuit, persecu-
tiones tulit, labores suscepit, omnia aduersa atque aspera
toleravit, ieiunauit, esuriuit, sitiuit, peruigilauit, fleuit, à
sua

Hebr. 9.

Iob. 1.

à suis proditur, ab impijs comprehenditur, & ligatur, alapis
 creditur, conspuitur, irridetur, flagellis verberatur, spinis
 coronatur, arundine percutitur, manibus pedibufq; Cruci
 affigitur, felle aceto diluto sitiens potatur, lancea vulnera-
 tur. Denique occiditur ac sepelitur, Deus pro hominibus,
 Dominus pro seruis, Iustus pro peccatoribus. Quæ quidẽ
 omnia tam patienter excepit, vt & accusatus taceret, &
 pendens pro crucifixoribus suis oraret. Nos quoque ista
 tam grauiã, tamque acerba quotidie secum recensentes,
 quæ pijsimo Domino pro nobis subire libuit, vicissim eni-
 tamur, pro nomine illius, quæcunque voluptatis & otij &
 arrogantie esse videntur, euitare: dura autem laboriosaq;
 & humilia semper sectari. Ne fortè cum ille ad iudicandũ
 mundum venerit, ipsi nulla præ nobis ferentes vitæ eius
 insignia, audiamus: Amẽ dico vobis, nescio vos: discedite
 à me omnes qui operamini iniquitatem. Denique vt bre-
 uiter concludam: Dominus noster pro nobis mortuus est,
 & resurrexit. Commori Domino nostro nos oportet in
 humilitate, si cum illo cupimus consurgere in gloria.

*Perquam de-
 gans oratio.*

Math. 25.

De Scripturarum lectione.

Caput V.

His & alijs huiusmodi meditationibus eò com-
 modiùs vtemur, quò diligentius lectioni Scriptorũ
 incubuerimus. Ad quam accedere si quando fasti-
 dierit animus, excitandus erit ijs, quæ modò referemus,
 Sanctorum exemplis, vt eorum legendi studium secutus,
 fructum quoque percipere, quẽ illi perceperũt, mereatur.

HILARION Abbas in omni sanctitatis genere me-
 morandus, Scripturas diuinas (vt inquit Hieronymus)
 post orationes & Psalmos, quasi Deo præsentem, recitabat.
 Quæ enim per Prophetas & Apostolos, dictante Spiritu-
 sancto, prolata nouerat, ea non irreuerenter, nec inconfi-
 deratè, neque omnino ineptè legenda iudicauit. *Hieron.*
in vita eius, cap. 3.

BASI-

126 DE SCRIPTVRARVM LECTIONE.

*Basilius
Magnus.*

BASILIVS ille magnus, cum primitus mundanæ philosophiæ studijs plurimum delectaretur, ubi deinde scientiæ spiritualis dulcedinem gustare coepit, illa contempsit, & huic soli totum se dedit. Sunt qui eum dicant panis ac vini usum sibi interdixisse, donec Mysteriorum intelligentiam plenius perciperet. Parum erat secularē sapientiam diuinę postposuisse: duo præcipua vitæ humanæ sustentamenta panem & vinum à se abdicauit, dum cibos colligit vitæ æternæ. Quorum suauitatem Propheta quoq; admiratur, dicens: Quam dulcia faucibus meis eloquia tua, Domine? super mel ori meo. *Sur. Tom. 1.*

Psal. 118.

*Hieronymus
Presbyter.*

DIVVS Hieronymus vanitatem seculi fugiens, Roma relicta, Ierosolymam petijt, & cum nec adhuc se tenere posset, quin Gentilium libros, præcipueq; Ciceronis audiens legeret, fatetur in quiete sibi visum fuisse, se ad superni Iudicis tribunal in cœlum trahi, accusari, verberibus affici, quod Ciceronianum dicerent esse, non Christianum. Denique cum iuramento dimissum, ne vnquam posthac alios, præterquam diuinos codices, præ manibus haberet: tanto deinde studio legisse diuina, quanto antè mortalia non legerat. Itaq; latentium sub velamento mysteriorum dulcore iam tandem plenius hausto exclamauit, dicens: Quæ pars fidelium infideli? quæ cōmunicatio luci ad tenebras? quis cōsensus Christo cum Belial? Quid facit cum Psalterio, Horatius? cum Euangelij, Maro? cum Apostolo, Cicero? Demum ait: Non debemus bibere simul calicem Christi, & calicem dæmoniorum. Eadem sentire, si quem non mouet admonentis autoritas, moueant saltem patientis flagella, quæ ille experrectus, cum & vitices in corpore apparerent, & discedente somno dolor non discederet, intellexit non soporis fuisse, sed punitionis. *Hieron. Epist. ad Eustochium.*

2. Cor. 6.

*Augustinus
Episcopus.
Rom. 13.*

AVGVSTINVS dum inter Dialecticorum sophismata Christum quæreretur, hæresi se implicauerat Manichæorum. Tandem Pauli Apostoli epistolas euoluens, reperit scriptum: Induimini Dominum Iesum Christum. Ac statim discussis erroris tenebris, aspicere coepit lucem veritatis, consuluitq;

Ambro-

Ambrosium Episcopū, quid primum de Scripturis legere deberet, quod iam confidentius Catholicæ fidei posset adherere. Et audiuit, Isaiam sibi legendum esse, utpote qui ea, quæ in Christo contigerint, explicatius prophetarit, & gentium vocationem annis multis post futuram, quasi præsentem, viderit. Denique ab Ambrosio baptizatus, Divinos codices perlegendo, non solum fidelis, sed etiam Ecclesiæ Doctor præstantissimus evasit, cuius paulo antè, dum seculari tantum scientiæ studeret, fuerat oppugnator. Contra Ecclesiam cum Manichæo consurrexerat: pro ea mox decertans, & ipsum, & reliquos omnes hæreticos facile convicit. Scripturas igitur Catholicas legant, qui puræ syncretæque veritatis luce cupiunt illustrari, dicente Propheta: *Lucerna pedibus meis Domine, verbum tuum, & lumen semitis meis: Aug. Confess. lib. 8. c. 12.*

Psal. 118.

THOMAS verò Aquinatis vaticinia Prophetarum legenti, ut alibi diximus, cum in locum obscuriorem incidisset, hæreticæque velut in salebra, atque adeo intelligentiam efflagitaret, Petrus & Paulus Apostoli apparuerunt, & quod quærebatur exponentes, satis ei fecere. Id quoties legentibus nobis vsu venerit, doctiores consulamus, vel Thomæ exemplo, à Deo erudiri instruique precemur: nec interim Scripturam ab Ecclesiæ institutione dissentire putæmus, sed nos non intelligere. Et sanè melius est, aliquid non intelligere, quam malè intelligendo errare. *Anton. Pizani, Sur. Tom. 2.*

Thomas Aquinas.

Quam longe aliter faciunt nostri temporis hæretici

IDEM sanctus ita solerti studio lectitasse Scripturas perhibetur, ut interdū neque propius astantes viderit, neque interpellantes audierit, sensibus omnibus cum mēte simul vni lectioni intentis. Hinc est, quod ad confirmationem Fidelium, infideliumque cōfutationem, tales nobis Commentarios reliquit, ut nihil in Ecclesia quicquam scrupuli sit, nihil nodi, quod non explanatum in illis absolutumque inuenies. Declaratio sermonum eius illuminat, & intellectum dat paruulis. Et ipse verè Scriba doctus in regno cor-
lorum, proferens de thesauro suo nova & vetera. *Ibidem.*

Psal. 118.

Marc. 13.

Ber.

28. DE SCRIPTVRARVM LECTIÖNE.

*Bernardus
Abbas.*

BERNARDVM Abbatem, cuius non inelégans ingé-
nium, neque mediocrem doctrinam testantur Opuscula
ipsa quæ edidit, nullo magistro vsum aiunt, sed sola legédi
orandique assiduitate mysticos de Scripturis sensus eli-
cuisse. Vt legeret, intelligendi cupiditas fecit: vt intellige-
ret, oratio impetravit: vt autem impetraret, quid nisi vitæ
sanctitas promeruit? Sic cupiat, sic oret, sic viuat, qui sic
intelligere, Spiritus sancto docente, desiderat. *In vita
Bernard. Sur. Tom. 4.*

Bernardinus.

BERNARDINVS, cuius prædicationibus Fratrum
Minorum collegiū creuit, primum quidem Pontificij Iuris
disciplinis operam dedit: postquā autem ad Theologiam
animum applicuit, ei studio se prorsus totum tradidit,
adeoque ipsum delectauit de Deo sermo, vt mox relicto
seculo, Religionem sit ingressus. Itaq; Iuris peritia virum
quidem bonum constauit, sed Theologiæ ratio etiam per-
fectum reddit. Altera neminem offendere docet, altera se-
metipsum quoq; abnegare, & Crucem tollere, & Christū
sequi omnibus suadet, multisq; persuadet. *Sur. Tom. 3.*

Matth. 16.

Marc. 8.

*Stephanus
Presbyter.*

SACRARVM literarum studiosissimum etiam Step-
hanum presbyterum Constantinopolitanū fuisse accipimus.
Qui quoniam omni vitæ perfectione præstantissimus fuit,
videtur quicquid legerat, opere impleisse. Vt se probaret,
non viam, de qua semen verbi Dei ab auihus auertitur: nō
petrosam, in qua arescit: non spinas, in quibus suffocatur,
sed terram illam bonam, in quam cum ceciderit, fructum
affert virtutum. *Niceph. lib. 22. & Zonar. in Copron.*

Matth. 13.

Luc. 8.

*Equitius
Abbas.*

EQVITIVS Valeriæ vrbis monasterij Abbas, ne quæ
die deesset quod legeret, quocunq; ibat, scortas manticas
libris refertas secum deferabat, neq; illi oneris huius mo-
lesta erat grauitas, dum lectionis sacræ compensatur vti-
litas. Sic nec militem strenuum ferrea lorica, cassis, ensiq;
grauant, quæ sibi saluti fore sperat. Vtque ijs munitus in
certamen prodire, & confidenter cum hoste congredi so-
let, ita qui sese lectionibus diuinis libenter instruit, omnia
diaboli machinamēta facile contēnit. *Greg. Dial. lib. 1. c. 5.*

ANTO-

ANTONIVS monasterij olim à Beato Gregorio Romæ *Antonius monachus.*
 constructi monachus non (vt multi) captiosam, argutamq;
 scientiam in legendo perquisiuit, sed piè viuendi doctri-
 nam, cordis compunctionem, poenitentia lachrymas. Illis
 dūtaxat lectionibus occupabatur, vnde tales fructus pos-
 set carpere: multò malens effici sanctus, quàm variaram
 quæstionum dissertatione eruditus, cū scriptum sit: *Eccl. 18.*
 Melior est indoctus timens Deum, quàm doctus transgrediens
 legem. *Gregor. Dial. lib. 4. c. 47.*

GERVASIVS & Prothasius gemelli fratres, qui se vno *Gervasius & Prothasius.*
 partu editos, non magis formæ, quàm morum similitudi-
 ne comprobabant; cū persecutionem fugientes, annos
 decem domi latuissent, toto eo tempore nihil aliud quàm
 orasse atque legisse narrantur. Quantæ autem hoc vitæ in-
 stitutum perfectionis esset; diaboli inuidia patuit. Qui in
 idolo loquens dum cōsuleretur, nō se prius responsa da-
 turum dixit, quàm Geruasius Prothasiusq; sibi thura ado-
 lerent. Sed qui legendo fidem, orando constantiam perce-
 perant, occidi potuerunt, cogi autem vt Christum nega-
 rent, non potuerunt. Itaque inimici malignitas atque dolus
 in contrarium cessare: quos perdere cupiebat, martyrij
 corona honestatos vidit. Armis enim, quæ de manibus il-
 lorum eripere cogitauerat, ipse victus succubuit, hoc est,
 oratione & lectione. *Ambros. Epist. 85. Metaphr. & alij.*
Sut. Tom. 3.

SERVVLVS, mendicus, & æger, & literarū ignarus, *Servulus.*
 Ecclesiastica opuscula ex eleemosynis comparauerat, alijs
 quidem legenda, quoties lectorem nactus fuisset: sibi verò
 auscultanda atque ediscenda. Audiendi assiduitas reddidit
 eruditum, vt in alijs memoriter predicaret, quæ ipse legere
 nesciebat. Quò magis illi arguendi sunt, qui literatura im-
 buti, proficere negligunt, & legendi laborem refugientes,
 otio sese ignauiaq; corrumpebunt tradunt. Inde fit, vt ad
 omnem fortunæ ictum pauidi imbecillesq; sint. At Ser-
 vulus noster mundi calamitates ridens, inopiam diuitijs,
 ægritudinem sanitati præferebat. Quia lectiones audiendo
 I didi-

Ecl. 1. iudicerat: Vsq̃ue in tempus sustinebit patiens, & postea redditio iocunditatis. *Greg. 4. Dial. c. 14. & Homil. 15. Euag.*

Eadmundus Episcopus. QVAM verò grata acceptaq; Deo sit sanctę lectionis cura, miratorũ quoq; testimonijs probari potest. Eadmundus Cantuariensis Archiepiscopus, dũ Bibliã legĩ, soporatur, candelã ardens super paginas delapsã ipsa consumitur, sed librũ inoffensum relinquit. Flãma ceras deuorauit, chartã non adussit, verita literas delere, quas Dominus extare, vt perlegerentur, voluit. *Abbo Floracen. Sur. Tom. 6.*

Ibidem. I D E M cũ aliquando inter legendum obdormisset, mox expergiscens, lucernã extinctã reperit, & legendi sibi occasionem sublatã dolens, Sanctã Virgine inuocauit, lucernãq; repente illuxit. Hinc ille legẽdo quod, coeperat prosecutus est, cũ prius Deo & Deiparã Virgini gratias egisset, quod sic fauerent ijs, qui sacris lucubrationibus libenter inuigilant. *Ibidem.*

Femina. S E D ne fœminas quidem ab hoc studij genere alienas fuisse monstrabimus. Traditũ est, hanc ipsã (cuius modo mentionem fecimus) Sanctã Dei Genitricem Virgineq; Mariã, ab hora diei nona vsq; ad Occubitũ Solis lectionibus veteris Instrumenti sese exercuisse, vt scias huic rei tempus certũ decerni oportere, sicuti & orationi, ceterisque huiusmodi negotijs. Nam vt arborum fructus, qui statutis diebus proueniunt, paulatim aucti dulcescunt, qui autem præcoces vel serotini, id est, non suo tempore apparent, sæpe decidui sunt, & prius corrumpuntur, quã ad maturitatẽ peruenerint: Ita religiosę actiones, ordine seruato, iuuant; confuso, tardium sui faciunt, & plerunque mentis affectum languere cogunt.

Sylviam legit Palladius. E S cura nocturnũ tẽpus Syluia Ruffinã Alexandrię Professor soror dedicauerat, quã quidẽ eloquẽtissimã fuisse aiunt, & cũ in eremo Thebaidis vitã duceret, fama sanctitatis plurimũ claruisse. In solitudine ergo inuenerat, quẽadmodũ sola nõ esset, eorũ propẽ consuetudine ac familiaritate vtēs, quorũ in Deũ pietatẽ lectitando considerabat, cõsiderando æmulabatur, æmulado æquabat. *Pallad. Hist. 142.*

CACI-

CACILIA Romana Patritij quidem generis virgo, *Cacilia*
sed fidei claritate superas genus, dicitur Evangelium in co-
dicem nunquam à se dimisisse; & si quò illi eundum esset,
in sinu repositum secum tulit; colloquijs eius in Scripturis
assidue fruens, quem gestabat in precordijs. Sic castitatem
conseruauit, sic ad Martyrij palmam peruenit; tormento-
rumque acerbitate forti animo pertulit; dum ad Chri-
stū festinat; cuius dulcedine quotidie aliquid de illo legens
capta fuerat. *Metaphr. Sur. Tom. 6.*

De Matcella verò vidua nobili ac sancta femina Hæ- *Marcella*
ronymus ficat: Diuinarum Scripturarum ardor incredi- *vidua.*
bilis ei semper cantabat: In corde meo abscondi eloquia *Psalm. 118.*
tua, vt non peccem tibi. Et illud de beato viro: In lege *Psalm. 118.*
Domini voluntas eius; & in lege eius meditabitur die ac
nocte. Meditationem Legis non in replicando, quæ scriptæ
sunt (vt Iudæorum existimant Pharisei) sed in opere im-
agens; iuxta illud Apostolus: Sine comeditis, sine bibitis. *1. Cor. 13.*
sine quid agitis, omnia in gloriam Domini facientes: Et
Propheta verba dicentis: A mandatis tuis intellexi, vt *Psalm. 118.*
postquam mandata compleisset, tunc se sciret mereri in-
telligentiam Scripturarum: Quod & alibi legimus, quia *Act. 17.*
cepit Iesus facere, & docere: Et rubescit enim quantis
præclara doctrina, quam propria reprehendit conscientia,
frustrum; eius lingua prædicat paupertatem & docet ele-
mosynas, qui ex ostentatijs tunc et, vilique opertus pallio,
pugnat contra tinea vestium sericarum. Hæc ille *Hieron.*
Epist. ad Marcellam.

Sed idē & ad Furiā viduā scribens: post Scripturas *Hieronymus*
sanctas, inquit, doctorum hominum tractatus lege, eorum *ad Furiā.*
duntaxat, quorum filles nota est: Nō necesse habes aurum *Matth. 13.*
in luto quærere: multis margaritis diuenditis, vnā rodime
margaritam. *Hieron. Epist. ad Furiā.*

ILLI igitur haud immerito reprehendendi sunt, qui *In eor. qui fa-*
gentium Poetarum, nemis figmentis que delinunt, ne re- *bulari magis,*
spicere quidem ad Scripturas sacras volunt; Delegerunt *quàm veritas*
sibi magistros (vt Apostolus ait) prurientes auribus, & a *lectione*
veritate

DE SCRIPTVRARVM LECTIÖNE.

1. Tim. 4.

veritate quidem auditum auerterunt, ad fabulas attentius conuersi sunt: & tamen eo impudentiæ processere, ut se doctos putarent, cum mendacia didicerint. Sed esto; eruditorum tantam consecuti sint, apud omnes magnæ estimationis habeantur, ab omnibus ubique præficientur. Nati quid vitæ defunctis, cum ad inferos descenderint, inter tormenta horribilesque cruciatus, vocabit post se relictæ laudis nuntios audire? & non magis magisque affligentur earum rerum recordatione, quibus effectum est, ut ad tam miserandam sortis perpetuam infelicitatem deuoluere? Quam tunc vellent; animarum suarum saluti, non inani gloriæ comparandæ, operâ impendisse, cum iam pro cantu personatus fletus, & pro cithara dentium stridor, cum iam pro iocis & lusibus & risu prement tenebræ, torrebunt ignis, rodet vermis, nonquam conquiescent dira atque horrenda supplicia. Hic fructus, hæc merces operis eorum erit, qui poëtis præponunt Euangelio, id est, Barrabam Christum. Non me quidem fugit, quosdam Sanctorum multæ etiam versibus lusisse, sed quæ ad Christianum dogma pertinent, non quæ sapiant gentilitatem. Procul est ab ore eorum Saturnus, Iupiter & Mars, ceteraque non numina, sed portenta, quæ Christianæ religionis assertores ut adorarent, nullis minis, nullo unquam supplicio compelli potuerunt. Nobis, si quos aliquâdo vel Poëtici fabulosis, vel mundanæ sapientiæ libros euoluere cupido incesserit, enitendum erit, ut mutili delectationis penitus seclusa, id solum exquiratur, quod pietatis institutionis disciplinâ iuuare possit. Itaque fecernenda erit à voluptate continentia, à lasciuia honestas, ab omni vitio virtus. Zizania palæstræ leues in fasciculos colligendæ ad comburendam, tritici verò in horreum, ad salubrioris vitæ usum recondendæ. Neque tamen his contenti, Domini nostri sermones, in quibus perfectæ consummatæque iustitiæ certissima documenta sunt, die villo vel legere, vel audire prætermittamus. Quoties ab ijs discedimus, toties periclitamur, ne in sempiternæ perditionis barathrum corruamus. Horret verba,

iacet

Euangelia. a-
liæque sacra
Scripta.

isæ oratio. Sed si maturè discutiuntur, nihil est eorum præstancia sublimius, autoritate grauius, traditione verius, præceptione iustius, sensu suauius, pollicitatione felicius. Abest quidem nimis compositi eloquij lenocinium, & elaboratæ dictionis ornatus, quoniã suã sinceritate satis nitida veritas non indiguit fūco alieno. Et quod æque ad omnes pertinebat, communi sermone triuialibusque verbis exponendum fuit. Alioquin alij nõ intelligerent, alijs autem daretur calumniæ locus, quia credentium numerum arguta potius facundiæ, quàm recte fidei ascribere conarentur.

De fide vnius Dei contra Gentiles.

Caput VI.

QUAM ipsam fidem nos peropportune nunc more nostro exemplis altruere pergenius, ne quis in scrupulū aliquem incidat infidelitatis, cum nusquam plus periculi sit. Impossibile enim est (vt Apostolus ait) sine fide placere Deo. *Hebr. 11.*

PER hanc autē primū placuit pater noster Abrahā, *Abrahā Pater.* Cum enim promissiones seminis sui, id est, Christi, in quo benedicendæ omnes nationes erant, accepisset, sic de illo scriptū legimus: Credidit Abrahā Deo, & reputatum est ei ad iustitiam. Non est autem scriptum tantum propter ipsum, inquit Apostolus, quia reputatū est illi ad iustitiam, sed & propter nos, quibus reputabitur, credentibus in eū, *Genes. 15.* qui sulcavit Iesum Christum Dominum nostrum a mortuis, qui traditus est propter delicta nostra, & resurrexit propter iustificationem nostram. *Rom. 14. Gen. 15.*

AD HÆC fidei veritatē sapissimè apertissimè quoque ostendit errantium pertinax contentio. Moyse signa & miracula diuinitus operanti cum diu resistissent Pharaonis malefici incantatores, victi tandem confitentur, dicentes; Digitus Dei est hic. Pharaō, qui credere noluit, perijt. Et delibis verò mare ipsum, discussis aquis vt illesi euaderent, siccum præbuit iter, fideique virtutem etiam insensibilia

DE FIDE CHRISTI CON. GEN.

bilia sententiat, Pharaonis duritiz non admisit. In aquis maris Pharaon, in aquis Baptismi diabolus interijt: credentes vero saluati sunt. *Exod. 8.*

*Elias Pro-
pheta.*

3. Reg. 8.

ELIAS quoque Propheta cum prophetis idoli Baal contendens, coram Achab rege in monte Carmeli, vt eos qui auersi erant reuocaret, ita conuenit, vt duos boues in frusta coccifos, super geminam lignorum struem separatim componerent, offerentes holocausta pro se quisque Deo suo. Et cuius Deus ignem mitteret ad perficiendum sacrificium, is esset omnium Deus, alijs Dijs repudiatis. Sacerdotibus ergo Baal & Prophetis nomē Dei sui, à mane vsq; ad meridiem frustra inuocantibus, vbi ad Eliam fors inuocandi peruenit, struxit altare de lapidibus, fossa circumdedit, ligna cum carnibus superposuit, omnia aquis perfundi, donec fossa impleretur, iussit. Et cum Deū Abraam & Isaac, & Israël inuocasset, illico ignis e coelo delapsus carnes, ligna, lapides, aquamq; , & omne fossa limū hausit atque absumpsit. Quo miraculo commotus populus, & in Deum verum credidit, & Elia seruo eius obediuit, mactās Prophetas Baal, Deo volēte vt qui mortiferum idolorum cultum alijs persuaferat, impietatis crimen morte luerent. Et quoniam propter illorum flagitium atque scelus diutina siccitate (annos enim tres, & menses sex non pluerat) omnia in agris exaruerant, orante Elia Dominus dedit pluuiam, & terra protulit fructum. Fides restaurauit, quod vastauerat perfidia. *3. Reg. 18.*

De fide Christi contra Iudaos.

Caput VII.

CREDERE deinde in Iesum Christū Dei filium, Patribus promissum, nobis datum, & quicquid de illo Apostolica autoritate sancitum firmatumq; esse nouimus, quā certū atque indubitatum sit, cū veterum Prophetarū iam impleta vaticinia, tūm quōdiana penē miracula, tum etiam itidem, vt suprà, multorum in diuersum agentes, eiecit tamen explosaque sententiz docent.

PRI.

PRIMVS ergo Religionis nostræ propagator Ste-
 phanus, cum signa & prodigia ficeret in populo, infideliū
 in se inuidiam concitauit. Conspirant omnes de synagoga
 Libertinorum, Cyrenensium, Alexandrinorum, Cilicium,
 & Asiaticorum, vt inita cum illo disputatione, fidem ab
 eo prædicatam, quoquo modo possint, fugissent. Nec ta-
 men resistere potuerunt sapientiæ & spiritui qui in Sancto
 loquebatur, & dum pudet tam multos ab vno superatos,
 innocentem blasphemix aduersus Moysen insimulant.
 Postremò quem argumentis vincere non poterant, vi op-
 primunt, & lapidibus obruentes enecant. Tantum autem
 profecerunt, vt nisi sic egissent, minus patuisset, eos de fide
 disceptando succubuisse. Obstinatum enim est, cum ra-
 tione nequeunt, malignitate contendere. Sed si fidelis
 coelos ad se suscipiendum apertos vidit, quis dubitat,
 quin infidelibus ad eos deglutiendos aperiat infer-
 nus? *Act. 6.*

NEC tamen omnes vsque adeò obfirmato nisu repu-
 gnarunt, vt non quàm plurimi eorum victos se facerentur,
 veritatiq; concederent. Nam (vt Lucas de Apostolorum
 gestis scribēs testatur) Petro Ierosolymis Christum euan-
 gelizante, die vno tria millia hominum baptizati sunt. Et
 quidem in tanta fidei vnitate, vt omnia inter eos cõsumia
 haberentur. Altero etiam die, eorū qui Christo crediderat,
 quinque millium numerus fuit: indies præterea crescente
 multitudine, de synagoga ad Ecclesiam, de circumsione
 ad Baptisma salutis conluentium. *Act. 2. Petrus Apost.*

SE D dicet aliquis veritatis calumniator, facile fuisse
 rudem plebeculam verbis decipere, suasionem supplantare.
 Quid Paulus in Lege doctissimus, qui prius spirans mina-
 rum & cædis in Christi discipulos erat, nōne mox con-
 uersus eorum, quos persequabatur, factus est socius, col-
 lega, coapostolus? nōne synagogas ingressus prædicauit,
 quod Iesus esset Christus Dei filius? Denique qui prius in
 gratiam Iudæorū vinciebat Christianos, idem deinde pro
 Christianis cõfundebat Iudæos qui Damasci erāt. Qui, cū

quod responderent non habuissent, in necem illius coniuraru-
runt. Sed qui iam apertis mentis oculis Christum aspi-
ciebat, nullis minis, ne illum prædicaret, coerceri poterat,
atque in ipsum, qui vita est credens, mortem non perti-
mescebat. *Act. 9.*

*Syluester
Papa.*

CONTENDIT cum illis & Syluester Pontifex, sed
ita felici successu, ut superatos baptizaret. Hic primus
Romanum Imperiū Christo subdidit, Constantino Cæsare
in fidem recepto. Constantini verò mater Helena, cum esset
in Bithynia, ut conuersionem filij audiuit, eidem scripsit,
se quidē gaudere, quòd idola vana reliquerit, sed molestē
ferre, quòd hominem crucifixum adorare maluerit, quàm
Deum Iudæorum. Postremò cum vtra eorum vera esset
opinio, disceptatione dirimi placuisset, Helena Romam
rediens, Phariseorum Scribas in Lege peritos secum ad-
uexit, ex his duodecim præstantissimos delegit vni Sylue-
stro aduersarios. Causæ cognitio alienæ sectæ viris defer-
tur, ne iudicium suspectum foret. i. gētilibus Philosophis,
Cratoni Zenophiloque. Quibus tandē Sylvestri rationes
approbāribus, ventum est ad experientiam miraculorum.
Iudæus Zambri magicis incantationibus, taurum ferocis-
simum repente corruū mortuum fecit, sed eundē Syluester
Christum suum precatus, & viuū & mansuetum reddidit,
quod ille efficere nequibat, utpote mortis, non vitæ, scien-
tiam tenens. Omnes ergo se victos fatentes, ipsi Sylvestro
consensere, & Iesum quē modò calumniati fuerant, sanctē
colere atque adorare coeperunt. Impletum est illud Isaia
vaticinium dicentis: Venient ad te cūru filij eorum qui
humiliauerunt te, & adorabunt vestigia pedum tuorum
qui detrahebant tibi. Pontifical. c. 34. Metaphr. & alij.
Sur. Tom. 6. Mart. Vsuardi.

*Constantinus.
Augustus.*

CONSTANTINVS præterea Christiano nomini tē-
pla posuit, dona contulit, urbē, oppida, agros cessit. Quod
idem Propheta præuiderat futurum, sic olim ad nostram
hanc nouam Ierusalem loquens: Aedificabunt filij pere-
grinorum muros tuos, & reges eorum ministrabunt tibi.

Et ier-

Isaia 60.

Et iterum : Sugessac gentium, & martymilla regum lacta-
beris. Tūcprimum quidem Roma ipsa Ecclesiz iugū vltro
suscepit, multo felicius iam Christo seruiens, quā quon-
dam orbi terrarū imperitans. *Enseb. de vit. Constant. lib. 4.*

BASILIVS Magnus eò quidem maior, quod iam de- *Basilius*
sperate pertinaciē virum, euidentissimi tandē experimenti *Magnus.*
argumēto ad credulitatē egit. Cum enim morbo grauiter
affectum Ioseph Iudæus medicus adiens, deprehēsis mor-
tis signis, eū vesperi illius diei decessurum, dixisset: Quid,
inquit, & alterum diem superuixero? se ille tunc Chri-
stianum fore, cum id contigisset, respondit. Igitur Basilius
non vitæ suæ in terris producendæ, sed salutis proximi cu-
pidus, orando à Domino impetrauit exitus dilationem.
Maneq̃ue hora tertia sanus de lectulo confurgens, ad Ec-
clesiam venit, ac Iudæum tāto miraculo stupentem bap-
tizauit. Et quem sæpè antehac testimonijs conuictum Scri-
pturarum flectere nequiuerat, fidei tandem virtute mol-
liuit. Mox deinde ad strarū suum rediens, extemplo expi-
rauit: Ita vt dubium non sit, quin hora illa, qua prædictum
erat, fuerit moriturus, nisi mortis suæ mora vitam medico
esset allatura. *Amphiloch. in vita Basilij.*

I O S E P H I huius cæterorumque cōuersionem miris *Iohannes Ba-*
mirabitur, qui animum attenderit, quod Iohannes Ba- *maſceus.*
maſceus Mesuz Iudæi filius Iudæorum omnium doctis-
simus, Hebraicis, Græcisq̃ue literis æquē eruditus, nemine
cogente, contulerit sese ad Christianitatem. Nunquid
nesciuit Legem? Ignorauit Prophetas? Nō intellexit Psal-
mos? Imò quia ista omnia percalluit, ideo credidit in eum,
quem in ijs scriptum reperit, ipso dicente: Scrutamini *Iohan. 3.*
Scripturas; illæ sunt, quæ testimonium perhibent de me.
Et iterum: Si crederetis Moyſi, crederetis forsitan & mihi.
De me enim ille scripsit. Signanter (vt mihi videtur) dixit
forsitan, Sciebat enim, quosdam ex illis futuros, qui etiam
Moyſi credentes, magis eligerent obstinatione sua perire,
quā Christum à Moyſe & Prophetis præmonstratū con-
sistendo suscipere, & per eum saluari. Neque enim est aliud

nomen sub coelo datum hominibus (vt Petrus Apostolus ait) in quo oporteat nos saluos fieri. *Iohan. Patriarch. reuerentia eius.*

De fide Christi contra Gentiles.

Caput VIII.

*Bartholomeus.
Apostolus.*

VICIMVS Iudzos: nunc vertenda est acies aduersus gentilium fatuitatem, quorum Dij daemoniz erant.

BARTHOLOMAEO Apostolo in partibus Indiae Templum ingresso, idolum Astaroth desijt responsa dare, atque obmutuit. Demum iussu Apostoli se non Deum, sed diabolum, esse seductorem hominum, confiteri coepit, vt cum sibi cultum diuinum exhibuerint, secum simul ad inferna corruant. Tunc rursus iubente Apostolo simulachrum in puluerem redigitur, teterrimus demon catenis circumligatus visibiliter apparet, omnibusque palam fit, quam peruersa haecenus fuerit eorum religio. Ille, magno & horrenti edito ululatu, e medio abiit, populus conuertitur, Templum Deo vero dedicatur, Polemus rex baptizatus, relicto regno Apostolum sequitur, vt in paupertate Christum adoret, qui in diuitijs & potentia adorauerat diabolum. *Abdias.*

*Iohannes
Apost.*

EPHESII quoque fidem à Iohanne Apostolo praedicatam recepturi, vt eam signis approbaret, petierunt. Qui Christi nomine inuocato, vetustum Dianae Templum muerfecit, vt in qua illi plus confidebant, minus pro ipsis valere intelligerent: quandoquidem semetipsam Dea defendere nequibat. Aristodemus verò templi Antistes adhuc incredulus, aliud etiam experimēti genus perquisiuit. Venenum propinat, quo dudum capitis reos necauerat. Id acceptum Apostolus hausit inoffense. Et impletum est, quod Dominus noster de credentibus praedixerat: Et si mortiferum quid biberint, nō eis nocebit. Ipsos insuper, qui necati fuerant, ad vitam reuocauit. Tunc demum Aristodemus, & qui spectaculo aderat Consul, reliquumque vulgus, derelicta idolorum superstitione, ad salutis laticrum

Marc. vii.

erum confugerunt. Et Apostoli iussu per omnem Asiam
euerfis Deorū simulachris, Crucis vexillum erexere, cum
iam compertū haberēt, verbū Crucis pereuntibus quidem *1. Cor. 3.*
stultitiam, his autē, qui salui fiunt, Dei virtutē esse. *Abdian.*

AETII verò Tiburtius Praefectus, Pergentinus &
Laurentinum fratres, ne Christū praeedicarent, suasionibus
primū blanditijsque lactat. Vbi id parum successit, com-
prehensos fustibus verberari iubet; verberantium brachia
aruerunt. In carcere conclusis cibum denegat, ab Angelo
aliti sunt. Eductos super cādentes prunas ambulare nudis
pedibus cogit: vt super arenam, ierunt illasi. Allato Iouis
simulachro vt adorarent, minaciter hortatur: Illis autem
Iesum inuocantibus, zneus Iupiter in puluerem solutus
periit. Parum nempe fuerat Tiburtij saeuiciam immanita-
temque calasse, nisi & Deos eius contriuisent. Multi gen-
tiles; cum illos dijs suis fortiores vidissent, ad Christum
conuersi sunt. At impiissimus tyrannus capite eos postre-
mō cædi iussit, nullo tamen manifestiore indicio vtrum
se ostendens, viuere permissurus quos occidit, si vixisset.
Sax. Tom. 3.

AVGVSTINVS præterea Anglorū Episcopus, à Gre- *Augustinus*
gorio Pontifice (vt Beda tradit) in Britanniam missus, cum *Anglorum*
Iesum Dei filiū asseruisset, Edilbertū regem, magnamque *Episcopus*
Procerū eius partē credentes baptizauit. Cæterum multis
adhuc religioni refragantibus, cum idolorum Pōtificibus
comēdit. Qui quoniā satis firmam rationem, qua causam
suā tueri possent, nō habebāt; miraculis certare decernūt,
atq; oculis captū quendam in mediū producūt, nescientes
minus veri se videre, quā ille lucis; pro eo, vt visum reci-
peret, supplicarunt dijs, quasi verò lapides preces possent
audire, & nō etiā ipsi cæci, insuper & surdi, & muti essent.
Cām ergo cura laborq; eorum omnis incassum recidisset,
Augustinus Christū suū deprecatus, sine cūctatione ho-
minē sanū reddidit, & reliquā plebem eo signo conuertit,
Britanniam totam eripiēs diabolo, & subiiciens Christo.
Tunc terra illa inculta (iuxta Ezechielē) facta est vt hortus *Ezech. 36.*
volu-

140 DE FIDE CHRISTI CON. GEN.
voluptatis, iam exuberans fructibus salutis. Beda. Hist. lib.
1. cap. 25. 26.

Mutius Abb.

Iosue 10.
1. Paral. 4.

QUI de Mutio Abbate dicemus: Qui dum esset gen-
tilis, natura ferox, & latrocinij deditus, ita vt etiam San-
ctorum delubra expoliando prophanaret, vidit tandem
in quiete viri formam habitumq; augustiorem quam humano,
comminantem sibi necem, nisi protinus à flagitijs sacrile-
gioque se submoueret. Cumq; pauore percussus repente
euigilasset, nihil moratus ad Ecclesiam confugit, & bap-
tismate suscepto eremum petijt. Tantæque sanctitatis fama
breui illustratus est, vt aliquando iter faciens, Solem stare
(sicuti de Iosue & Ezechia legimus) fecisse feratur. Iacent
se gentiles Romani orbem subegisse terrarum, virtute ac
robore ante omnes semper stetisse: Sideribus imperare,
non nisi fidelium fuit. In vitis PP.

Fidei virtus
preualuit.

PRÆTER hæc etiam licet populus Romanus omnes
reliquas nationes suo subiecerit imperio, latèque domina-
tus sit, fidem tamen Christianam euertere (cum maxime
conaretur) non potuit. Cades passim in Christianos sua
atque horrenda peragebatur, sed interdum & ij, quæ eos
exdebant, repente mutati conuertebantur, & iam creden-
tes in Martyrum numero censi gaudebant. Ita vnius
supplicium conuersionis multorum causa erat. Videbant
enim signa inde sequi, pro quibus vitam hanc deferri, non
grauē videbatur, sed iucundum. Aut si nihil viderint (vt
quidam calumniati sunt) maius profecto miraculum est,
nullo apparente miraculo, simplici nudoque sermoni cre-
didisse mundum, & ipsos quoque Romanos Imperatores
ijs tandem celsisse, quos disperdere decreuerant. Qui cum
omnium potentissimi essent, totis viribus persequerentur
pauperculos homines, inerimes, nudos, non repugnantes,
sed occidi pro Christo cupientes. Et ecce persequendo, tor-
quendo, occidendo victi sunt. Quam enim religionem
Dijs suis obsequendo delere nitebantur, eandem contem-
ptum deorum cultura vltro susceperunt. Neque illis
rubori fuit fidem Christi palam profiteri, quam palam op-
pugnari.

pugnantes expugnare nunquam potuerunt. Reliquum est,
ut tanto triumpho laeti ac gestientes concinamus: Omnes
Dij gentium daemonia: Dominus autem coelos fecit.

Psalm. 25.

De fide Christi contra Magos.

Caput IX.

AT quoniam non defuerunt, qui Christicolarum supra
humanam naturam virtutem, Magicæ arti deputarét,
operæpretium est referre, qualiter ab his Magi quoq;
ipsi confutati sunt, ut appareat, nõ fuisse maleficia, quibus
etiam maleficiorum magistri succubuerunt.

• **MAGORUM** igitur princeps Simon, Samaritanos præ- *Simon*
stigijs dementabat, & eo temeritatis proruperat, ut se Dei *Magus.*
virtutem magnam diceret. At eum Philippus Diaconus
illæ accessisset, & Evangelium Christi miraculorum ope-
rationibus confirmasset: Samaria verbum Dei accepisse
dicitur, & ad Baptismum simul venisse. Nonne ideo, quia
maiora quædam certioraque in Discipulo Domini depre-
hendit, quàm deprehenderat in Mago? Qui ubi se Philippo
longè inferiorem vidit, & ipse credere se dixit, baptizari
voluit, non fidei ardore, sed operum, quæ ipse facere ne-
quibat, cupiditate: ratus, recepto baptismo, se etiã aquæ
grandia admirandaque facturum. *Act. 8.*

VENIT deinde Petrus, & cùm baptizatis manũ im- *Petrus*
posuisset, acceperunt Spiritum sanctũ. Hinc Simon offerre *Apost.*
pecuniam cœpit, petens sibi potestatem dari Spiritum-
sanctum conferendi cui vellet. Nunquid igitur Magus A-
postolus? Cui Simon supplicat, & se quidem non habere,
quod ille habebat, avidius poscẽdo manifestat. Pecuniam
autem offert, sperans si petita obtineat, multum se inde
lucri facturum. Sed qui spiritualia credẽtibus gratuito ero-
gabat, maledixit procacis hominis peruersam nequitiam,
quæ ille donũ Dei pecunia parandũ putauit. Qualis ergo
arbor, talis & fructus eius. In malefico infirmitas & aua-
ritia, in Christi seruo virtus & pecuniarũ contẽptio. *1. In 1.*

Post

POSTHAC Simon (ut quidam Scriptores asseruerunt) de Samaria Romam vnâ cum suis maleficijs se transtulit. Et cum eodē loci Petrus & Paulus aduenissent, cum ipsis coram Nerone miraculis certauit. Denique se relictis terris coelum petiturū dicens, à spiritibus immundis in aera ferebatur, iamque ferè omnes Simonem verè Deum esse acclamabant. Tunc in tantò certantium periculo, Apostoli minime cunctandum rati, spiritibus in nomine Christi praeceperunt, ut illum dimitterent. Itaque dæmontum auxilio destitutus, praecepis ad terram corruit, ac repentino elisu extinctus, qualis ipse Deus esset ostendit. Dignus certè qui sic interiret, ne illi, quos maleficiis incantationibus deluserat, perniciofa credulitate perirent: *Egesip. de excid. Hieros. lib. 3. c. 2.*

Paulus Apo-
stolus.

PAYLVS Apostolus cum Paphum applicuisset, Bar-
rieum Elymam magum, qui Paulum Cypri Proconsulem à fide auertere moliebatur, cæcitatem damnauit, ut nec So-
lem hunc super iustos & super iniustos orientem possit
aspicere, qui tam auersus abibat à Sole iustitiae. Proconsul
autem Apostolum secutus, Magum contempsit, nec in illo
veritatis lumen esse iudicauit, qui oculorum lumen amitte-
re dignus fuit, sed in illo, qui dum veritatē doceret, eum,
qui veritati repugnabat, in tenebris reliquit. *Act. 17.*

Jacobus Maior
Apostolus.

PHILETES quoque Hermogenis Magi discipulus,
cum Iacobo Maiore de fide certamē iniit, victus autē ere-
didit, & ad Magistrum suum reuersus: Magus abieram,
inquit, redeo Christianus. Indignatus Hermogenes, Phi-
letem ubi constiterat incantationibus fixit, ita ut se loco
mouere non posset. Tunc Apostolus sudariolū suū misit,
cuius tactu liberatus Philetēs, discipulum diaboli relin-
quens, adhæsit Discipulo Christi. Rursus tamen Hermo-
genes imperat spiritibus, ut ex templo ambos coram se
vinctos sillerent. Sed in foueam quam fecit, ipse incidit.
Profecto enim spiritus ne tangere quidem Dei seruos po-
tuerunt. Supra illos in aera pendentes, fremebant ac la-
mentabantur, quod ab Hermogene missi ut eos ligarent,
ipsi

ipsi igneis catenis ligati ibidem detinerentur. Expediti tandem, & Apostolo, quam Mago, obsequentiores facti, Hermogenem ipsum vinculis complicatum in medium adducunt; nihil præterea ei mali inferre ausi. Qui deinde liberari redditus, ab Apostoli latere discedere non audebat, ne quid gravius à daemonibus pateretur, donec baculo eius accepto, abiit securus, plus iam confidens Apostoli ligno, quam veneficijs suis. Eversus igitur maleficæ artis libros flammis tradidit, & se fidei Christi: satis expertus, nihil ea, neque verius, neque fortius, mortalibus datum.

Euseb. Hist. lib. 2. c. 8. sic or. de Parib. c. 73.

A d Taurinum Aurelianensem Episcopum, Magos Cam- *Taurinus*
bisem & Zamrim cum discipulis irruisse legimus, ut eum *Episcopus.*
interimerent: quoniam cum vivente contendere, neque dictis, neque factis poterant. Illo autem sese Crucis signo muniente, diuinitus inhibitos ne propius accederent, & ob id magis furore concitados, sibi metipsis mortem conscivisse. Confer nunc cum Magorum vanitate Crucis virtutem. Illa sibi servientes occidit, hæc à cædis periculo liberavit. Quam rem etiã maleficorum discipuli considerantes, Christiani facti sunt, & Sanctum, quæ capitali odio percuti fuerat, reuereri ceperunt. *Vincet. in Spec. lib. 10. c. 78. 79.*

CYPRIANVS Damascenus primum quidem Magus *Cyprianus*
& Gentilis, deinde verò Episcopus Christi que Martyr. *Damascenus.*
Cum enim totis maleficorum viribus Iustinam virginem in amorem Aglai iuuenis, qui eam deperibat, pellicere molitus fuisset: & demones re infecta reuersi, nullum sibi in ipsam peccandi locum relictum dixissent, eo quòd Crucis munimina Christiana forma castitatē suam protegeret: continuo relictis demonijs, Christianorum religionem sequi decreuit. Baptizatus ergo tantum fide & sanctitate profecit, ut ad Episcopatum promoueri meruerit & martyrio coronari. Idem igitur, qui Magus foeminam vincere nullo modo potuit, Christianus factus tyrannorum tormenta facile superavit. *Greg. Nazianz. in Orat. Hieron. in 3. Iona, c. 41.*

De fide

De fide Christi contra Philosophos.

Caput X.

SUBIVGATIS Magis, congregi nunc cum Philo-
sophis pergamus, ut & hi discant, quia quod stultum est
Dei, sapientius est hominibus, & quod infirmum est
Dei, fortius est hominibus.

*Paulus Apo-
stolus.*

*Dionysius
Areopagita.*

DIONYSIVS Areopagita, cum Apostoli Pauli præ-
dicationes audisset, & ea, quæ sibi iam similia veri videbā-
tur, credere adhuc dubitaret, verbis fidem se habiturum
dixit, si Paulus cæco, qui fortè aderat, Christi inuocatione
visum restituisset. Tunc ille: Ne me, inquit, magico carmine
vsum, Dionysi, suspicari possis, tunc ipse accedens cæco illi
iube, ut videat in nomine Domini Iesu Christi. Id ubi per-
egisset prospero euentu, protinus Areopagum reliquit, at-
que Apostolum secutus, & ipse Christum prædicare gen-
tibus coepit, tanta constantia, ut saevientes tyrannos nihil
timere, & mori pro Christo cuperet, quandoquidem illi
ratio iam constabat: Beatos esse mortuos, qui in Domino
moriuntur. *Metaphr. & alij. Sur. Tom. 5.*

Apostol. 14.

*Basilus
Magnus.*

BASILIUS ille Magnus, cum esset gentilis, & bonarū
artium apprime eruditus, inter confluentes Philosopho-
rum sententias nihil certi asserentium nutabat, donec ab
Athenis transiens in Ægyptum, explorato Philosophiæ
nostræ sensu, Christo credere coepit. Inde reuersus Eubo-
lum præceptorem suum de ratione veræ sapientiæ dispu-
tando superavit, & ad Domini Dei nostri cultum conuer-
tit. Reperit ergo Basilius in Ecclesia, quod in Academiâ nō
poterat reperire, & discipulos docuit, quod non didicerat
à magistro. Dum autem vterque Ierosolymis à Maximino
Episcopo baptizaretur, circumfusus lumine viderant qui
aderant, eaque res indicio fuit, eos antehac veri ignora-
tione in tenebris fuisse. *Amphiloch. in vita Basilij.*

CONSTANTINVS Imperator, ob Christi cultum,
quoniam nouam religionem in Rempublicam Romanam
inducere piaculare videbatur, à Philosophis redargutus,
diem

diem constituit, quo cum Christianis ad rem inter se contentione discutiendam cōuenirent, ut hi qui probabiliora in medium attulerint, cæteris sequēdi autores fierent. Id agebatur Bizantijs. Aderat Alexander Episcopus, mundanę quidem sapientię non satis gnarus, sed morum sanctitate præstans. Is cum disputarent, vni ex Philosophis dicere paranti, in nomine Christi silentium imperauit. Cumque ille veluti elinguis, ne verbum quidem proloqui potuisset, manum Alexandrō dedit, victum se confitens: reliqui miraculo conuersi, sepositis altercationibus, volentes fidem receperunt; ac si & ipsi Dominum audissent dicentem: Si mihi nō creditis, operibus credite. *Euseb. in vita Constant.*

*Alexander
Episcopus.*

Iohan. 10.

Catharina,

MAXENTIVS quoque Imperator, cum esset Alexandrię, & Christianos ad sacrificandum Dijs cogeret, Catharinam virginem, ne eximium formę eius decorem sectiundo deformaret, à fide Christi Philosophorum suasionibus auerti cupiebat. Igitur ex omnibus prouincię oppidis quinquaginta sapientissimos deligi curauit, qui illam respondere paratā impugnarent. Ferunt ita tunc locutam, ut omnium animos in stuporem versos tandem ad credulitatem induxerit. Immanissimus tyrannus credentium ceruicibus cum gladio imminēbat, illi verō maluerunt iugulum præbere ferienti, quàm cognitę iam & perceptę contradicere veritati: ea & certissima & saluberrima esse, quę à virgine didicerant, affirmantes. Vna ergo ancilla Christi disputando vicit, quos tota Platonis Academia vincere non potuisset. *Metaphrast. & Sur.*

De fide Christi contra Hæreticos.

Caput XI.

DE V I C T I s etiam mundanę sapiētię professoribus reliquum est, ut cum Hæreticis confligamus. Qui superfeminātes zizania in medio tritici, subuertere Scripturas conati sunt, sensum deprauare, veritatem pol-
K luere,

146 DE FIDE CHRISTI CON. HAER.
luere, sectas impijissimi erroris, perniciosissimæquæ doctrinæ
inducere.

*Alexander
Episcopus.*

ALEXANDER Episcopus Cōstantinopolitanus Con-
stantini Augusti temporibus, cū Arrium Hæresiarcham
publicè argueret, ac proinde orta plurimorum vtriusque
partis contentione, sedari tumultus nō posset, Dominum
orauit, ne Ecclesiæ suæ Catholicæ fidem impijs ludibrio
esse pateretur. Vix ipse preces finierat, cū Arrius dysen-
teriz morbo laborare cœpit. Et dum citam torminibus
aliū exonerare vellet, intestinis profluētibus expirauit.
Reliquos obmutescere fecit timor, atque illū, quem prima
Nicena Synodus damnauerat, etiam Dei iudicio damna-
tum omnibus palam fuit. *Hist. Trip. lib. 3. c. 10.*

*Olympius
Arrianus.*

MATTHÆVS quoque Palmerius Florentinus in suo
Chronicōn libro testatur: Olympium quendā Arrianum
Episcopū quingentesimo decimo Dominicæ humanitatis
anno, dum apud Carthaginem in balneis lauans sanctam
Trinitatem sacrilego ore laceffisset, tribus igneis iaculis
ab Angēlo visibiliter percussū conflagrasse. Rectè quidē
tot ictibus scelestus ille interijt, quot in Deo Personas of-
fenderat, quarum Trinitatem vnius esse substantiæ vnus
percussor, iuxta fidei nostræ confessionem declarauit. *Pla-
tina in vita Anastasij. 2.*

*Iohannes
Chrysostomus.*

VERVM Dominus noster, vt fidei veritatem ostende-
ret, sicuti sæpe ab impijs hæreticis prauitatis poenas exe-
git, ita ab eorundem insidijs tutatus est seruos suos. Iohā-
nes Chrysostomus Episcopus Bizantinus, quoniam Gainę
militiæ magistro volenti in Diocesi ipsius Ecclesiā ponere
Arrianorum, obnixè resistit, ab illo capitali odio petitus,
Dei beneficio protectus est. Gainas enim iræ impatiens,
quibusdam ex militibus suis negotium dederat, vt domū,
in qua Iohannes erat, noctu aggressi incenderent, atque
ipsum, si fortè flammās euasisset, ferro perimerent. Qui
vbi domui appropinquassent, visis circa eam Angelorum
copijs, territi fugam petierunt. Iterum nocte insequenti
missi eadem visione repelluntur, & re infecta ad Gainam
redeunt.

redeunt. Postremò ipse Gainas ratus Episcopum condu-
ctios habere, qui sibi præsidio essent, cum validiore mi-
litum manu ad eum inuadendum profectus est, sed & ipse
simili modo perterritus, celerius abiit quàm venerat.
Et quoniam putauit ciuitatem cum Iohanne stare, furorẽ
percitus, perrexit in Thraciam, cõegit exercitũ, & reuerſus
deuastabat Byzantinum agrum, etiã vrbi proxima incur-
ſans. Arcadius verò Imperator moleſtiam hæc abſque
hominũ cãde auertere cupiens, cum ad illum placandum
legationem destinare vellet, Iohannem vtrò se offerrem
miſit. Eius aduentu Gainas conſternatus humi procidit,
& ab eo, quem interempturus putabatur, veniam ſupplex
petijt. Tum præda reſtituta amouit exercitum, matureq;
receſſit, tam deinde fauẽs Chriſtianis, quàm antea fauerat
impietati, perfidiãq; Arrianæ. *Metaphr. & aliq. Sur. Tom. 1.*

BASILIVS etiam Episcopus verè columna ignis (vt *Basilius Magnus*
cuidam viſum fuit) calore æſtuans charitatis, nõ eſt veritus
Valentem Imperatorem increpitare, quòd Eccleſiam
quandam, quæ Chriſtianorum iuris erat, tradiſſet Arria-
nis. Sublatis iurgiis, eò deducta eſt res, vt fidei periculum
facerent. Clauserunt Eccleſiæ fores, decernentes vt ad
quorum precationem per ſe patefierent, illis eius poſſeſſio
cederet. Arriani dies treis perpetuis ſupplicationibus in-
caſſum orarunt. Baſilius verò poſtquàm precatus eſt, leui
bacillo portas tetigit, dicens: Attollite portas, Principes, *Pſalm. 23.*
veſtras, & eleuamini portæ æternales, & introibit rex
gloriæ. Et ſtatim ac ſi vocem iubentis ſenſu aurium, quas
non habebant, percepiffent, ſic obſecundanter paruerunt.
Idcirco nemine reſfragante, Eccleſia adiudicatur Chriſtia-
nis, & plerique etiam Arrianorum relicta hæreſi, fidelibus
ſeſe iunxere, quòd ſolis illis apertum eſſe cœli aditum di-
cerent, ad quorum inuocationem ſic aperiri Eccleſiæ aditũ
viderant. *Amphiloch. in vita Baſilij.*

Sed mira profectò extitit pertinacia nonnullorũ, qui
ne ſigna quidem videntes conuerſi voluerunt. Copres
Presbyter eremi Thebaidis cultor, cum quendã de grege

Manichæorum prauitatis suæ contagione alios corrum-
pentem; cohibere nullo modo posset; aduocata populi
concione, pyram extrui iussit; proponens vt qui ipsorum
duorum ignem ingressus aduri nequiret, ei fidem omnes
probatam haberet. Manichæus timidum animal Copretem
prius rem experiri petijt. Copres autem in Domino con-
fidens, sine cunctatione in flammam irrupit, ac qualis in-
traheretur, talis exijt, non nidoris, non caloris molestiam
sensit. Dubitantem posthæc Manichæum, auertentemque
se, hi qui spectaculo aderant, vi corripientes in ignem
impegerunt. Ardoris impatiens Copretis opem implora-
uit, & ab illo exemptus periculum euasit. Sed tamen cuius
virtutem & tentando cognouit, & inuocando confessus
est, & euidendo sensit, eius credulitatem sequi noluit.
tanta iam mentem illius præoccupauerat infania, tantus
furor. Itaque in malo perseverans thesaurizauit sibi iram
in die iræ. *Pallad. Laus. Hist. 54.*

*Augustinus
Episcopus.*

AT non ita Ecclesiæ Sanctæ illustrator Augustinus, qui
in initio eadem hæresi perditus, cum Ambrosium prædis-
cantem audisset, perspexit errorem in quo erat, atque ab-
iecit: & tandem omnis expertus ambiguitatis, Christi susce-
pit fidem, iuxta traditionem Catholicæ religiositatis, non
signa requisivit, non experimenta tentauit, audiendo tan-
tum agnoscit veritatem, & de tenebris venit ad lucem.
Denique eandem sectam illam, quam reliquit, nemo postea
fortius impugnavit, nemo acrius est persecutus. Peruer-
sissima impietas, cuius assertione tutam se putabat, eius
confutationum telis confossa periijt. *Confess. lib. 5. c. 14.*

Hormisdæ PP.

EUTICIANA verò prauitatis error, quam Chalce-
donensis Synodus damnauerat, etiam tunc manifestò ap-
paruit, cum Anastasius Augustus, vt ab eo discederet, sum-
mi Pontificis Hormisdæ denuntiationibus monitus, sed
obtemperare negligens atque contemnens, fulmine ictus
pœnas dedit. Reliqui ne idem paterentur, Catholicæ fidei
adhærentes, ab eodem Pontifice in Ecclesiam recepti sunt.
Non enim dubitarunt, eam religionem esse verissimam,
pro

pro qua Deus ipse sic depugnaret, ut neque Imperatoribus aduersus eā niti impunè esset. *Platina in vit. Hormisdæ PP.*

SUMMVS quoque Pontifex Agapetus Constantinopolim profectus, cum Iustinianum Augustum adisset, verbis aliquot ultro citroque habitis, deprehendit illum in hanc ipsam Euticetis hæresim incidisse, atque ait: Putaram me cum Iustiniano loqui, non cum Diocletiano: aperte ostendens, quāta esset erroris huius malignitas, ob quam solam mitissimum Principem sauiissimo Christianorum persecutori duxit comparandum. Veruntamen cum aliquandiu inter eos fuisset disputatum, Augustus tandem Pontificis sententiæ cedens, Catholicum se fecit. Porro Antonium Episcopum de eadem prauitate publicè conuictum, improbè tamen in flagitio persistentem, & ab Agapeto depositum, in exilium egit, suffecto in locum suum sancto ac fideli viro Menna. Sicq; sapientissimus Princeps cum fidei nostræ synceritatem paulò plenius didicisset, usque adeò approbavit, ut & ipse correctus crederet, & credere renuentem puniret. *Platina in vita Agapeti PP.*

MAGNUM ea etiam res indubitæ fidei testimonium fuit, quam Cyrillus coram se Ierosolymis ita actam tradit. Post Diui Hieronymi obitum, Hæresiarcha quidā Sabinianus opusculum execrandi dogmatis à se confectum, quo errori suo adscisceret autoritatem, à Hieronymo editum asseuerabat, Eum autem falsitatis palàm arguens Syluanus Nazarenus Episcopus, proposuit conditionem, ut nisi librum illum die crastino ipse Hieronymus ostento manifesto reprobasset, tum se poenam capitalem subiturum. Sin econtrà, idem supplicij pro mendacio Sabinianus referret. Qui cum tale miraculum nunquam euenturum timeret, sed magis speraret, Syluani exitio suam sententiam firmam fore, accepit conditionem. Dies præstituta venit, ad Ecclesiam frequentes conueniunt, signum nullum apparet. Syluanus ex pacto ad supplicium poscitur, præbet ceruicem, mori pro veritate paratus. Sed præsto illi fuit Hieronymus, cunctisque cernentibus, tenuit spiculatoris

manum iam ad feriendum erectam. Mox ad hæreticum conuersus, acerrimè illum increpuit, doli & fallaciæ accusans. Abijt visio, & maius secutum est miraculum; Sabiani caput, nemine percutiente, ab humeris auulsum in terram procidit. Denique qui aderant Orthodoxi, pro victoria, quam pauloante desperauerant, Deo & Diuo Hieronymo gratias egerunt. Reliqui ad Syluanum confugientes, illius fidei sese dedidèrunt. Et perniciosissimus error (qui iam latè manare coeperat) vnà cum suo autore extinctus defecit. *August. Epist. 206. c. 4.*

Cum Hæreticis non communicandum.
Iohannes Apostolus.

Cum eiusmodi hominibus ne communicandum quidem, duorum exemplo docebimus: Iohannis Apostoli, & discipuli eius Polycarpi. Iohannem Eusebius Ecclesiasticæ Historiæ Scriptor tradit, dum Ephesi moram traheret, balnea ingressum, viso ibi Cherinto hæretico, statim retulisse pedè, & ad suos cōuersum dixisse; Fugiamus hinc, ne balnea nos ruina opprimāt, in quibus Cherintus lauāt veritatis inimicus. *Hist. Eccl. lib. 4. c. 14. Iren. cont. hæ. lib. 3. c. 3.*

Polycarpus.

POLYCARPVS autem Martioni aliquando obuiam factus, quærentique an se agnosceret: Agnosco, inquit, primogenitum Satanæ agnosco; atque auersus ab eo pertransijt. *Ibidem.*

Paulus Apostolus.
Titum. 3.

Sic etenim & Paulus Apostolus ad Titum scribens, monet ac dicit: Hæreticū hominem post vnā & secundam correptionē denita, sciens quia subuersus est qui eiusmodi est, & delinquit, cum sit proprio iudicio condemnatus. Et ipse Iohannes Epistola secunda: Si quis, inquit, venit ad vos, & hanc doctrinam non affert, nolite recipere eum in domum, nec Aue ei dixeritis: qui enim dicit illi Aue, communicat operibus eius malignis. Et in Apocalypsi: Angelus, id est, Episcopus Pergami Ecclesiæ arguitur, non quod fidem negarit, fidelis enim erat: sed quod prope se habeat tenentes doctrinā Balaam, doctrinā Nicolaitarum. Quod si cohabitare cum illis crimini est datum, quantò grauius peccant, qui familiaritate & consuetudine eorū vtuntur?

Contra Hæreticos.

FACESSANT igitur à nobis in vestimētis ouium lupi rapa-

rapaces, Dominico semper insidiantes gregi. Recedant spinæ & tribuli, de quibus nec ficus nec vua colligi possunt. Procul absit hæreticæ insanix fermentum, ne purissima orthodoxæ fidei massa corrumpatur. Caueantur vulpium *Luce 9.* fouez, & volucrum nidi, in quibus Christus non habet ubi reclinet caput suum. Quos & Apostolus cauendos rursum præcipit, dicens: Obseruetis eos, qui dissensiones & offendicula præter doctrinam, quam vos didicistis, faciunt, & declinate ab illis. *Rom. 16.*

De spe Diuinæ misericordie

Caput XII.

POSTQUAM autem & de istis sicuti de cæteris omnibus triumphauimus, hæc est enim victoria quæ vincit mundum, fides nostra: rectè nunc de spei virtute disseremus, ut bonum quod maximè cum Deo esse credimus, etiam sperare discamus. *1. Iohan. 3.*

VT ILITER sperat, qui nec ad eò misericordiæ Dei confidit, ut iustitiam non timeat: nec ad eò iustitiam timet, ut misericordiæ diffidat. Itaque semper attendendum est, ne ad proxima Spei vitia imprudenter delabamur. Ea sunt desperatio & præsumptio. Qui desperant, non satis perpendunt diuinæ misericordiæ magnitudinem, & consicij delictorum, antè se damnant, quàm damnantur. Qui præsumunt, iustitiæ seueritatem obliuiscuntur, & dum nihil timent, licentius peccant, Neque hi præsumerent, neque illi desperarèt, si meminisse voluissent, quòd iustus pariter & misericors sit Dominus, quòd simul & fontes puniat, & poenitentibus ignoscat. *Desperatio & Præsumptio.*

IMPIUS Cain, inuidia stimulante, fraternæ cædis cruore sceleratas polluit manus. Credimus tamen eum maledictionis poenam vitare potuisse, si poenitès Dei misericordiam implorasset: execrabilior factus est post reatum fratricidij, dicens: Maior est iniquitas mea, quàm ut veniam merear. Illos autem, qui vitijs suis fauentes præsumptione labuntur, Ecclesiasticus arguit, dicens: Ne dixeris, *Desperatio & Præsumptio.*

DE SPE DIVINAE MISERICORD.

Ecl. 5.

peccavi : & quid mihi accidit triste ? Altissimus enim est patiens redditor. De propitiato peccato noli esse sine metu, neque adicias peccatum super peccatum : & ne dicas, Misericordia Domini magna est, multitudinis peccatorum meorum miserebitur. Misericordia enim & ira ab illo citò proximat, & in peccatores respicit ira illius. *Gen. 4.*

Spes.

N o s igitur errorem istorum refugientes, eos sequamur, qui vel gravissimè lapsi, sic sese (dum flagitij poenitet) crexere, ut spem recuperandæ gratiæ non amitterent, & quod sperarunt, Deo indulgente adepti sunt.

*David rex.
1. Reg. 12.*

D A V I D adulterij homicidijque crimine nequiter corruerat, sed per Nathan Prophetam reprehensus: Peccavi, inquit, Domino. Dixitque Nathan: Dominus quoque transulit peccatum tuum, non morieris. Peccatum confitendo doluit, & de misericordia Dei non diffidit. Idcirco non est spe deceptus: tunc veniam impetrauit, cum commissa ingemuit. Sed si David sic cecidit, nemo continentium se arbitretur securum: rursus si idem tanti reatus damnatione absolutus est, nemo delinquentium desperet. *2. Reg. 12.*

Manasses rex.

M A N A S S E S Regum omnium, qui Ierosolymis regnarunt sceleratissimus, stellas adoravit, aras Baalim erexit, in Templo Dei idolum posuit, somnia observavit, auguria sectatus est, super hæc sanguinem innoxium fudit, interficiens Prophetas, Isaiam serra medium secans. Cumque ob hæc flagitia Dominus tradidisset eum in manus Principum Assyriorum, ferroque victus ductus esset in Babylonem, angustiis compellentibus agnovit peccatum, egit poenitentiam, oravit, exauditus est, Deoque propitio rediit Ierusalem, & recuperavit regnum, atque in alium mutatus, idolis sublatis, prophanata expiavit, & unum Deum Israel impensè coluit. Quis igitur veniam desperet, si Manasses inuenit? Aut quis adeo pessimis moribus vivit, ut evadere bonus non possit, si ille evasit? *1. Paral. 33.*

1. Paral. 33.

Ninivite.

N I N I V I T E cum Iona prophetante urbis excidium imminere didicissent, peccatorum, ob quæ id passuri erant, poenitentiam agentes, dixerunt: Quis scit, si conuertatur, & igno-

Jona. 3.

& ignoscat Deus, & reuertatur à furore iræ suæ, & non peribimus? Grandis fiducia, in ipso diuinæ vltionis pro-
cinctu sperare misericordiam, sed frustra quidē sperassent,
nisi vitij finem statuissent. Quod sperauerāt, poenitendo
obtinuerunt, dicente Scriptura: Et vidit Deus opera eo-
rum, quia conuersi sunt de via sua mala, & misertus est su-
per malitiam quam locutus fuerat vt faceret eis, & non
fecit. Ea igitur spes impetrandæ salutis non fallitur, quam
vitæ correctio comitatur. *Iona 3.*

EVANGELII tempora percurramus. Cuius spem nō *Latro in*
incitat atque accendit latro in Cruce poenitens? Quām *Cruce.*
quidem Crucem, si nihil mali commisisset, si nemo coge-
ret, sua ipse sponte hac mercede ascendere debuit, vt à Do-
mino audiret vocem illam, qua nihil iucundius: Hodie *Lucæ 23.*
mecum eris in Paradiso. Oblatrocinia noxę deditus, mor-
tisque addictus, dum moriens dignum se supplicio confi-
xetur, dum in Christum credit, dum iuxta se pendentem
deprecatur, transiuit de morte ad vitam, de Cruce ad Pa-
radisum. O diuinæ clementiæ immensitas! quām seræ
conuersioni, quām grandem tribuisti mercedem? *Luc. 23.*

Sed neque de illis quidem desperandum est, quos in *Matthæus*
omne vitium egit cumularum opum immoderata li- *Apost.*
bido, & impudens exigendi fœnoris cupiditas. Matthæus *Marc. 2.*
de Telonio ad Apostolatū vocatus est, Zachæus Publi- *Lucæ 5.*
canorum princeps, & ipse diues, Saluatorem mūdi hospi- *Zachæus*
tio suscipere meruit. Vtérque igitur cū vsuras reliquis- *Publicanus.*
sent, lucrati sunt regna cœlorum. Talem quæstum facere
solent, qui conuersi spem suā de terrenis diuitijs in Deum
transferunt, cœlestium diuitiarum æternæq; beatitudinis
largitorem. *Marc. 2. Luc. 5.*

Næquæ enim Nouatianorum impietati adhibenda
est fides, qui aiunt ijs, qui post Baptismi lustrationem pec-
cati maculam contraxerunt, gratiæ recuperandæ non esse
locū. Petrus de piscatore Apostolus, iam carni & sanguini *Petrus Apost.*
Domini communicauerat, iam speciali priuilegio cum
Iacobo & Iohanne eiusdem Domini gloriam in monte

K §

vide.

viderat: Iam Iesum Dei filium confessus fuerat, & tamen Dominicæ passionis tempore, dum homines timet, Deum negavit. At quoniam post negationem amare fleuit, non solum quod peccando amiserat, poenitendo iterum est affecutus, sed etiam omnium Princeps factus, claves regni Ecclesiæq; gubernandę potestatem accepit. Benignissimus Dominus plus contulit eius poenitentię, quàm contulerat innocentię, pristinis beneficijs cumulū faciens tā excellētis Præpositurę honorem. *Matth. 26. Marc. 14. Lucæ 22.*

Iudas Scariot.

A T E contra Iudas de culmine ipso Apostolatus in baratrum inferni infeliciter corruit. Non utique quia Dominum vendidit, sed quia, eo vendito, magis de flagitio doluit, quàm de venia speravit. Peccaui, inquit, tradens sanguinem iustum. Conueniens poenitentię, si sibi humiliter ignosci postulasset, & non sceleri scelus addens, ad laqueū prius, quàm ad Dominum confugisset. Nunquid proditori suo non dimisisset, qui dimitti crucifixoribus suis rogavit? Nunquid se vendenti non pepercisset, qui lancea latus suum fodienti sic pepercit, ut coronam indulgeret Martyrij? *Matth. 26. 27.*

Paulus Apostolus.

Act. 9.

S E D quis præterea desperet, quamvis impius, & crudelis, & omni immanitate præditus, si Paulus Christiani nominis persecutor, factus est Christi Apostolus? si vas iræ cōuersum est in vas electionis? si is, qui infensissimus fuerat Ecclesiæ hostis, repente euasit constantissimus eiusdem Ecclesiæ propugnator? Sed dices: Ille in via vocatus est, & ut se corrigeret, penè coactus est. Quid tu, quoties peccatorum conscientia compungeris, nōne vocaris? Quoties aduersitate aliqua sollicitaris, nōne cogaris? Quid ergo auerteris? quid reluctaris? Ille increpitus statim obediuit, & tu quæso, ne obdurescas. Ille cū in terram cecidisset, iussus est surgere & ciuitatem ingredi, ut ibi audiat quid se oporteat facere: & tu terrenarum cupiditatum malignitate subuersus, iam tandem surge, & ingrediere ciuitatem mandatorum Dei, ut ibi discas quid te facere, quid fugere oporteat, ut salutem tibi parare possis. Illi

Ananias

Ananias manum imponens, visum, quem cadendo amiserat, restituit. Ananias interpretatur donū gratiæ Domini. Hoc donum tibi manū imponet conferens virtutem, vt in spe confirmeris, & visum recipias, quē peccādo perdidisti. Nō visum carnis, neque oculorum, sed, quo Deus videtur, mentis & intellectus : vt demum cum ipso Paulo gloriari queas, dicens : Gratia Dei sum id quod sum, & gratia eius in me vacua non fuit, sed gratia eius in me manet semper. *1. Cor. 13. 1. Cor. 13.*

AVD I & aliud id genus exemplū. David quidā in finibus *David Monachus.* Hermopolis grassatorū princeps, cum diu exercēdis latrocinij operā impēdisset, tandē poenitudine pulsatus ad monasteriū venit, monachusq; factus, Deo in humilitate seruauit. Et cum post aliquot dierū poenitentiam, dimissa sibi esse peccata quæ commiserat, Angelo referēte accepisset, multitudinis eorū conscius dubitauit an vera audiret. Ob incredulitatē linguæ officio caruit. Sed cum vehementer doleret, quod solitas deo laudes ore impedito cōcinere nō posset, vocis vsū ad eā dūtaxat rē recuperauit, ad cetera mutus permāsit. Sperauit ille quidē futurā aliquādo delictorum veniā, sed spem eius præcessit Dei clementia. Et vt præcessisse crederetur, non credentē puniuit, vt scias quia non est ponere numerum, neq; finem misericordiarū eius.

MOYSES EN quoque Abbatem Isodori Abbatis apud *Moyse Abb.* Thebaidem discipulū, natione Æthiopem, singularis sanctitatis ac patientiæ virum, latronem antea fuisse memorant, multorum spolijs cadibusque infamem. Igitur compunctus ad mentem redijt, misericordiam Domini orādo & poenitendo quæsiuit, sperando assecutus est. Et qui aliquando de latronum numero fuerat, in Sāctorum censum redigi meruit. Sic Æthiops mutauit pellē suam, & pardus *Ierem. 13.* varietates suas. Sic lupus rapax conuersus est in agnum. *Pallad. Laus. Hist. 23.*

NULLVM execrabilius crimen, quā post agnitam perceptamque veritatem à fide decidere. At etiam inde reditum patere ad spem salutis certissimam, non solum Petri

16 DE SPE DIVINAE MISERICOR.

Jacobus De-
modanus.

Petri exemplo, sed etiam aliorum satis edocemur. *Jacobus* Martyr à præfectis membrorum nodis Denodatus dictus, cum esset fidelis fidelibusque ortus parētibus, atque inter regis Persarum aulicos primo loco haberetur, gentili domino gratificari cupiens, eò prolapsus est, ut idolum adoraret. Deinde à matre per literas increpitus, culpam agnovit, animo resipuit, poenitentiam egit, honores quibus fruebatur contempsit. Regem nihil veritus, idola eius deestatus est, & se Christianum esse palam asseruit, tam constanter, ut articulatim dilaniatus non formidaret supplicia, sed appetere videretur. Æternæ denique felicitatis bona, quibus prævaricatio se indignum fecerat, diuina clementia suffragante martyrio suo redemit. Bonum est ergo (ut Propheta ait) confidere in Domino, quam confidere in homine. Bonum est sperare in Domino, quam sperare in principibus. *Iacob. de Vorag. Episc. Iannes.*

Psalm. 117.

Nicolaus
seuer.

Si quis verò delinquendi assuetudine ita duratus est, ut per se omnino corrigi non possit, non ideo desperet, sed senem illum Nicolaum imitetur: qui cum libidinibus ætatem consumeret, & neque anni ad finem vitæ vergentes, finem turpitudini facere possent, *Andræ* Apostolo supplicavit, uti pro se Deum obsecraret. Se enim sceleris conscientia ne orare quidem satis audere. Precibus ergo Apostoli placatus Dominus, veniam indulxit, & ille correctus, peracta semestri poenitentia, hinc decedens misericorditer in fine saluatus est. Exemplum nobis reliquit, ut si quando spes vitæ emendandæ veniæve impetrandæ, ob peccandi usum difficilior cōtigerit, ad eorum, qui Deo placent, confugiamus auxilia. Nostri enim flagitijs irritata Diuinitas, Sanctorum meritis, qui pro nobis orauerint, facilius mitigabitur, & ad miserandum citius conuertetur. *Abdias in vita S. Andræ.*

FVERE præterea qui non modò verbis, sed etiam scriptionibus Christianitati renuntiantes, diabolo se dedere non dubitauerant, posthæc tamen cum poenitentiam egissent, gratiam à qua deciderant recuperarunt. *Ierosolymis*

lymnia Proterij principis viri seruus Phantias, filiz eius *Phantias*
 amore captus, quoniam potiunda spes nulla esset, magos
 consuluit. Exciti maligni spiritus, eam illi vxorem fore di-
 xerunt, si ipse se diaboli seruum adscripserit, contempto
 Christo. Conditioni assentiens, chirographum dedit, &
 nuptias cum ea, quam adamauerat, iniit. Posthac depre-
 hendis mulier, nihil prorsus Christiani moris inesse viro,
 non orare, non ad Ecclesiam ire, non Crucis signū facere.
 Deniq; causam ab eo curiosus sciscitans, plenē didicit, &
 anxia remedium querens, Basilio Episcopo rem detulit.
 Tunc accersitum Phantiam Basilius hortatur, vt reuerti
 vellet, vnde per prauaricationem recesserat, & credere, &
 considerare in Domino: cōuersum secum domi retinuit, ac
 pro illo orauit. Et post x. dierum ieiunium, multasque in-
 terea Satanz insultationes eduxit, vt purgatum reconci-
 liaret Ecclesiz. Ibi frequenti Clero, plebeq; vrbis astante,
 voces terribiles auditz, fremantium ac lamentantium
 demonum aduersus Basilium, quasi raptorem alieni serui.
 Sed eo iubente, etiam chirographum inuiti restitunt.
 Quo discisso, apparuit deletum esse Phantiaz crimen. Itz
 per mulierem fidelem, vir infidelis saluatus est, & qui *1. Cor. 7.*
 desperauerat, Episcopi opera ad spem redijt salutis. In vi-
 tis PP. in vita Basilij. Sur. Tom. 1.

THEOPHILVS quoque Ciliciz Archidiaconus ab *Theophilus*
 Episcopo officio motus, chirographum confecerat, quo *Archidiaconus*
 Deum, Matremque Dei abnegare se, & diaboli subijci ser-
 uitiū dixit, promittente diabolo se facturum, vt ipse in
 locum suum gradumque restitatur. Restitutus deum
 animaduertit, quantum sceleris flagitijque commisisset, &
 animo conflictatus, lachrymas fudit, & veniam orauit. Die
 quadragesimo dormienti Virgo Dei Mater, cuius opem
 inuocauerat, apparens dimissum ei peccatum nuntiāuit.
 Somno excitatus, chirographum suum iuxta iaceterem re-
 perit. Ea re latus, & peccatum suum, & Dei erga se mise-
 ricordiam cunctis audientibus publicē enarrauit. Die ter-
 tio vita defunctus, etiam miraculis claruit. Quod si tanti
 crimi-

88. DE SPE DIVINAE MISERICOR.

criminis reus ad tantam beatitudinem pervenit: profecto nemo perit, nisi qui poenitere non vult: nemo condemnatur, nisi qui desperat. *Metaphr. Sur. Tom. 1.*

Femina. NUNC ne quid desit; quod spem nostram minus intra nos labascere patiamur, in foeminas etiam Domini miserationes considerabimus.

Mulier in adulterio deprehensa. MULIERI in adulterio deprehensa pepercit; iniungens tamen ei ne amplius peccaret: ut intelligas, tunc nos recte veniam sperare, cum desinimus peccare. Malignis autem in illam frementibus iniecit ruborem, propria eis exprobrans delicta, qui accusatū venerat aliena. Et hi sane unus post aliū abierūt, sicut aduenerat, nequitia & impietate pleni. Illa verò persistit, donec condonato reatu dimissa est. Perseuerare enim sperando debemus, nec villo expectationis tadio affecti deficere, dicente Apostolo: Christi domus sumus nos, si fiduciā & gloriā spei usque ad finem firmā retineamus. Quādiu ergo speramus in Christo, habitat in nobis Christus: procul est ab ijs qui desperat. *Ioh. 8.*

Hebr. 7.

Maria Magdalena.

Luc. 7.

Mat. 16.

Luc. 10.

Rom. 8.

Maria Aegyptiaca.

MARIAM Magdalēnā ob impudentis lasciviz crimen, ceterorumq; vitiorum infamiā cognomento peccatricem dixere, & tamen cum se poenitēdo Domino submisisset, dimittuntur ei peccata multa, quoniam dilexit multum, & quā diu serua fuerat peccati, meruit effici Discipula Christi, eiusq; Resurrectionem videre prima, atq; audire: Maria optimam partem elegit, quā non auferetur ab ea. Sic ubi abundauerat peccatū, superabundavit misericordia, & in poenitente omni spe maior spei merces fuit. *Luc. 7.*

MARIA Aegyptiaca meretricio quāstu diu infamis, cum aditu etiam Ecclesiae indignam se diuinitus eo prohibita cognovisset, post lachrymas eremiq; labores, ad tantam vitæ perfectionem devenit, ut orans in terra terram non tangeret, & Iordanem transiens super aquas ambularet. Ad Dominum migratura à sanctissimo viro Zozima sacrosanctam Communionē accepit, à leonibus sepulturā, cum scrobem in terra carptim vnguibus excavassent, Sanctae corpusculi capacem. Usque adeo Dominus conuersam

exal-

exaltavit, quàm peccatē ne in templum quidem intrare permiserat, tam erga poenitentem misericors, quàm erga delinquentem iustus. *In vitis PP.*

MARIA Abraam Eremitæ ex fratre neptis, virginitatis seruandæ voto, ipsum a d desertum secuta, eodem cum illo contubernio annos septem vsq, piè sancteque vixerat, elausis semper ianuis, nusquam inde discedens. Sed quid tam clausum, quò diaboli non penetraret inuidia? Iam vigesimum ætatis agebat annum, cum inimici dolis suggestionibusq; subuersa, iuueni cuidam eò ventitanti cōsentiens, in turpis luxuriæ foueam corruit. Sceleris conscientia, veniam desperauit, solitudinem reliquit, proximam ingressa ciuitatem, pristinas virtutes vitij æquauit, permisit libidini frenos, & quæ diu virginitatem accuratissimè seruauerat, prostibuli obruta est spurcitijs. Postquam verò ab ipso Abraam sene, vehemēter de eius perditione sollicito, diu quæsitæ, & tandem inuenta, illo hortante ad montem redijt, sanctitatis meritum, quod peccando amiserat, poenitendo recuperauit. Sic perdita ouis boni Pastoris humeris reportata, lupi fauces effugit, & electo tandem dominico gregi meruit computari. Nunquam in Deo vana spes poenitentis fuit. *Ephren. in vitis PP.*

*Maria neptis
Eremitæ
Abraam.*

PELAGIA Antiochena, cum & diuitijs & corporis facie multum emineret, luxuriæ ac libidini dedita, vsque adeò frontem fregerat, vt gloriaretur, nullam se neque ornatiorē, neque lasciuiorē, in publicum procedere. At vbi Nonij Heliopoleos Episcopi prædicationes audiuit, recognouit errorem suum, penitusque immutata, ornatum omnem abiecit, & quicquid habebat opum, pauperibus erogauit, atque impudicitij finem statuens, in mōte Oliueti tuguriolum sibi posuit, tum ne quis in solitudine manenti foemina insidiari in animum induceret, sexu celato Pelagium se nominari fecit. Tantumque deinde vitæ sanctitate excelluit, vt de pelago vitiorum facta diceretur pelagus virtutum, amarissimas Mara aquas in dulces conuertens. *In vitis PP.*

Pelagia.

H A C

Thaii.

THAIS etiam Ægyptia meretrix, crebris Pafnutij Abbatis admonitionibus ad poenitentiam cōuerſa, facultates, quas non modicas corporis vulgatione parauerat, cōſtructa pyra in ignem cōiecit, & de prostibulo, vbi diu diabolo ſeruierat, ad monaſterium trāſiens ſeruiuit Chriſto. Poſt triennem eius clauſuram, Paulo Antonij Abbatis diſcipulo reuelatū eſt, dimiſſa eſſe à Domino Thaidi peccata. Itaque à Pafnutio de cellæ carcere educta, cū dies quindecim ſuperuiſſet, migravit ad Paradifum, & confortio inſerta eſt Angelōrum. Talis beatitudo eos manet, qui vitam corrigūt, & ſpem ſuam in ſola Dei miſericordia ſemper collocant. *In viſis PP.*

Pſal. 30.

Hæc eſt enim de qua Dauid in Pſalmis gaudet, ob quam Domino benedicit, quam admiratur, in qua ſperat. Exultabo, inquit, & lætabor in miſericordia tua. Quoniā reſpexiſti humilitatem meam, ſaluavi de neceſſitatibus animam meam. Nec concluſiſti me in manibus inimici. Et

Pſalm. 102.

in alio Pſalmo: Benedic anima mea Domino, & noli obliuiſci omnes retributiones eius. Qui propitiatur omnibus iniquitatibus tuis, qui ſanat omnes infirmitates tuas. Qui redimit de interitu vitam tuam, qui coronat te in

ibidem.

miſericordia & miſerationibus. Et paulo poſt: Miſericors & miſerator Dominus, longanimis & multum miſericors. Non in perpetuum iraceretur, neque in æternum comminabitur. Non ſecūdum peccata noſtra fecit nobis, neq; ſecundum iniquitates noſtras retribuit nobis. Quoniā ſecundum altitudinem cœli à terra, corroborauit miſericordiam ſuam ſuper timentes ſe. Quantum diſtat ortus ab occidente, lōge fecit à nobis iniquitates noſtras.

Pſalm. 144.

Quomodo miſeretur pater filiorū, miſertus eſt Dominus ſuper timentes ſe. Et ruruſum in alio Pſalmo: Miſerator & miſericors Dominus, patiens & multū miſericors. Suavis Dominus vniuerſis, & miſerationes eius ſuper omnia o-

*ibidem.**Pſalm. 145.*

pera eius. Et iterū: Alleuat Dominus omnes qui corruſi, & erigit omnes eliſos. Oculi omnium in te ſperant Domine: & tu das eſcam illorum in tempore opportuno.

Aperis

Aperis tu manum tuam, & imples omne animal benedictione. Et rursum idem alibi: Dominus, inquit, soluit compeditos, Dominus illuminat cæcos, Dominus erigit elisos. *Psal. 119.*
 Et item alibi: Si iniquitates obseruaueris, Domine: Domine, quis sustinebit? Quia apud te propitiatio est, & propter legem tuam sustinui te, Domine. Sustinuit anima mea in verbo eius, sperauit anima mea in Domino. A custodia matutina usque ad noctem, speret Israël in Domino.
 Quia apud Dominum misericordia, & copiosa apud eum redemptio. Et ipse redimet Israël ex omnibus iniquitatibus eius. Philo etiam sapientiæ spiritu plenus: Misereris omnium, inquit, quia omnia potes, & dissimulas peccata hominum propter poenitentiam. Diligis enim omnia quæ sunt, & nihil eorum odisti quæ fecisti. Et paulò post: Parcis autem omnibus, quoniam tua sunt, Domine, qui amas animas. Et per Isaiam Dominus ipse ad populum fidelem ait: Nunquid obliuisci potest mulier infantem suum, ut non misereatur filio uteri sui? Etsi illa oblita fuerit, ego non obliuiscar tui. Ecce in manibus meis descripsi te, muri tui coram oculis meis semper. Et per Iezechielem: Nolo mortem morientis, dicit Dominus Deus: reuertimini, & uiuite. Item in Euangelio: Nô veni, inquit, vocare iustos, sed peccatores ad poenitentiam. Et item: Non est volûtas ante Patrem vestrum qui in cœlis est, ut pereat vnus de pusillis istis. Venit, inquit, filius hominis quærere & saluû facere quod perierat. Et alibi de se testatur, & ait: Ego sum Pastor bonus. Bonus Pastor animam suam dat pro ouibus suis. Hinc Apostolus Paulus: Si Deus pro nobis, inquit, quis cõtra nos? Qui etiam proprio filio suo non pepercit, sed pro nobis omnibus tradidit illû. Hinc idẽ alibi Patrẽ misericordiarum & Deum totius consolationis eum appellat. Et rursum alio loco dicit: Cũ autem benignitas & humanitas apparuit Saluatoris nostri Dei, non ex operibus iustitiæ quæ fecimus nos, sed secundũ suam misericordiam saluos nos fecit, per lauacrum regenerationis & renouationis Spiritus sancti, quẽ effudit in nos abundẽ

L per

*Sapient. 11.**Ibidem.**Isai. 29.**Iezech. 11.**Luca 5.**Matth. 13.**Luca 19.**Iohan. 10.**Rom. 8.**2. Cor. 1.**Timum 3.*

per Iesum Christum Sáluatorem nostrú , vt iustificati grátia ipsius , hæredes simus secundùm spem vitæ æternæ. Has tantas ac tales Domini nostri erga nos miserationes si quis rectè secum reputet, nemo grauius delinquit, quàm qui post delictum à spe impetrandæ veniæ decidit, & plus se peccasse, quàm quod à Deo dimitti possit, existimat: tanquam si vllum sit tam magnum peccatum , tam immane crimen , quod non condonare possit , & velit , & soleat Deus poenitenti.

LIBER TERTIVS.

De Charitate erga Deum.

Caput I.



CHARITAS quoniam & tertia in ordine harú, de quibus modò diximus, ab Apostolo ponitur, & de tribus maior ipsa prædicatur; ideo satis congruum arbitror, vt tertij núc voluminis principiú teneat, & quasi in arce collocata consistat. Quæ virtus cum talis sit, vt sine ea cæteræ nihil sint: neminè ignorare volumus, de ipsa simul tractari, vbicunque de aliqua à nobis tractetur. Quædam tamen, quæ illi magis propria censui, conabor hoc locò referre, & Sanctorum exemplis (primò quatenus Deus diligendus sit, deinde proximus, postremò inimicus) digerendo explicare.

DEVM toto corde, tota anima, totis viribus iubemur diligere. Quod vtique ita fit, vt sola erga eum dilectio omnes alias superet dilectiones. Super omnia enim amandus est autor ipse omnium atque conseruator. Nulla res vnquam cordi nostro sic inherere debet, vt eius causa ille, qui est causa omnium, minus honoretur, minus colatur. Despi-
ciantur

ciantur opēs, deferantur parentes, repudietur vxor, abij-
ciantur liberi, perferantur supplicia, vita ista effundatur,
nihil denique vel non agendum, vel non sustinendum pu-
tetur, quod ab homine agi sustinerique possit, dummodo
soli pareatur Deo, soli semper deferuiatur.

ABRAAM vnicus filius erat Isaac, & cū vnice illum *Abraam.*
amaret, manib⁹ proprijs mactare voluit, vt obediret Deo. *Genes. 22.*
Pluris fecit mandatum Dei, quā vnici vitam, neque se
crudelem esse, si sanguinem filij effudisset, existimauit, sed
pientissimum, si (eo effuso) iussioni paruisset diuinæ. Pro-
missionem acceperat de Isaac, dicente Domino: Dabo *Genes. 17.*
tibi filium cui benedicturus sum, eritque in nationes, &
Reges populorum orientur ex eo. Et tamen de quo tanta
sibi promittebantur, mox eundem impuberem adhuc
iubetur immolare. Cuius hic non titubasset fides, quis
non dubitasset, ne illo sublato irritum fiat oraculum?
At verò Abraam & pollicenti credidit, & iubenti obedi-
uit, & certissimo tandem euentu quod promissum fuerat
accepit. *Genes. 22.*

HELI Sacerdos nimia in filios indulgētia malè agen- *Heli Sacerdos*
tes remissè molliterque corripuens, Deum offenderat, & *1. Reg. 4.*
tamen cū illos tam tenera amplexaretur pietate, à Phi-
listhijm interfectos audiens, satis æquo animo tulit. Post-
quam autem & Arcam Domini simul captam fuisse intel-
lexit, impatiens doloris, de sede corruit. Et quia nonage-
narius iā erat, eo lapsu collisus expirauit, ostendēs quantò
sibi grauius erat præsētia Domini, quam arca exhibebat,
quā liberis (quamuis charissimis) orbari. *1. Reg. 4.*

QUANTVM de Arcæ amissione doluit Heli, tantum *Dauid Rex.*
de eius reductione à Philistinis restitutę latatus est Dauid. *2. Reg. 6.*
Nam cū Rex esset, & rerū gestarū gloriā omnibus qui in
Iudæa regnauerant præferretur, non erubuit, dum Arca à
Leuitis portatur, omni regię dignitatis ornatu deposito, &
ephod lineo sumpto, pedester incedere, saltare, ludere, &
quasi vnus è plebe iocūditatis gesticationibus vti, donec
illa in vrbe inuecta, sub tabernaculo, quod ipse tetēderat,

164 DE CHARITATE ERGA DEVM
venerabiliter collocaretur. Ex quanta autem in Deum pietate, quantoque amore ea Regis exultatio proueniret, Michol vxoris suæ poena testatur, quæ quoniam scurrilis leuitatis illum arguerat, Deo vlciscente perpetuæ sterilitatis damnum tulit. 2. Reg. 6.

Dauid.
1. Reg. 7.

IDEM posthæc anxie secum queri coepit, se in ædibus habitare cedrinis, Arcam verò Testamenti Dei manere sub pellibus, quibus tabernaculum tectum erat. Hinc iam in animum inducens, constituere Templum Domino, sacrificiisq; illius magis decenter reponendis dedicare, Regiam cessisset, nisi multò magnificentius habitaculum ijs quàm sibi faciendum decreuisset, & quidem tale, quale deinde à filio suo Salomone legimus ædificatum, cuius opulentiaæ amplitudinisq; gloria, apud posteros vix fidem inuenisset, si eam humanæ tantum, non etiam diuinæ Scripturæ monumenta retulissent. Sed mirètur alij opus, nos animi Deo deuoti affectu pensamus, qui mea quidem sententia maior in Dauid, quàm in Salomone fuit. Multa quippe postea populo populiq; Principibus indulgit Dominus, & propter seruum suum Dauid, ea se indulgisse protestatus est. Vt quia ipse Deum plus cæteris dilexerat, plus etià à Deo dilectus nosceretur. Quòd autem Salomon potius quàm ille, vt Templum Domino construere electus sit, non tam meritum, quàm mysterium, fuisse constat. 1. Reg. 7.

Tres pueri.

Daniel 1.

PERFECTÆ charitatis cultum & in pueris illis in Babylonem abductis viguisse, quis negauerit? quando captiuitatis necessitatem, in qua erant, superare potuerunt, nunquam Religionis suæ obseruationem deferentes. Leguminibus & frigida aqua nutrirì, quàm dapibus regijs, ne cibo lege vetito incestarentur, maluerunt. Statuamq; auream adorare iussi, mori præoptarunt, quàm fidem præuicari. Hinc in fornacem septuplo quàm solitum erat accensam, missos flamma non adussit. Illasi inter igneos globos, laudes Deo concinebant, & idem ardor, qui illis intra fornacem ignouit, raptim exhalans eos qui foris aderant, regis ministros corripuit atque consumpsit. Motus tanto mira-

miraculo rex, non iam statuat à se erectam, sed Deū Israël adorandum, edicto iussit. Sic constans ac vera pietas, captiuos rege ipso, à quo capti fuerant, fortiores reddidit, & in igne positos periculi expertes fecit, parcete illis incendio, & in suos sequente autores, quos peremit. *Daniel. 1.*

ELEAZARVS Scriba, Antiocho Epiphane fideles persequente, vt suillam carnem gustaret, compelli (quoniam illegitimum erat) nullo modo potuit, sed neque pro illa suppositam aliā, qua vesci licebat, vt sumeret exorari, volentibus amicis ea simulatione ipsum subtrahere neci, vtq; cæteris constantis animi, perpetuæq; in Deum obseruantiae exemplum fieret, extrema pati maluit, quàm quicquam prophani aut agere, aut omnino egisse videri. Itaq; corpus carnifici crudelibus poenis cõficiendum tradidit, vt spiritum absque labe commissi pariter suspectiq; sceleris conseruatum Deo offerret. *2. Machab. 6.*

MACHABEI quoque septem fratres, neque ingentibus regis promissis corrupti sunt, neque minis terri: ad perferenda fortiter supplicia mater hortatrix aderat, & magis ipsa animo torquebatur, verens ne tormentis victi contra Dei legem aliquid agere inclinarentur. Sed & illi feliciter consumpti, plus Deum quàm semet diligendum documento fuere: & mater, sic amando filios, vt eos quocunq; mortis genere affici mallet, quàm peccare. Ac ne in se quàm in liberos indulgentiorem fuisse putes, quos ad necem præmiserat, cõtinuò sequi voluit, Et id quidẽ tantò lubentius, quantò iam de eorum erga Deum fide magis fuit secura. Non supplicia reputabat, sed an Deum amarẽt gloriosam experientiam, multaque charitate ardens, probari tam se quàm filios poenis acerbioribus gestiebat. O dignam talibus filijs parentem! O dignos tali parente filios! Vtriq; pari animi cõstantia ostenderunt, quàm omni morte fortior esset sola Dei dilectio, *2. Machab. 7.*

HIC est ignis ille, quem Dominus noster Iesus venit mittere in terram, & quid volo, inquit, nisi vt ardeat? Videamus ergo qualiter in illis arserit, qui ipsum Iesum Dei

*Petrus.
Lucæ 5.*

Filium esse, certa atque indubitata fide credidère. Simon Petrus in illius amorem semper propensissimus, cùm totius noctis piscationem caslo labore peregisset, ipso tandem in nauiculam suscepto ac iubente, laxauit rete, & tantam vim piscium traxit, vt attonitus indignum se talis Domini præsentia iudicaret: Et genibus simul prouolutus diceret: Exi à me, Domine, quia homo peccator sum. Profectò qui sic humiliabatur, iam diligere coeperat. Hinc & subleuari meruit, ne timeret, quòd deinde non pisces, sed homines esset capturus. Quibus verbis ita allectus est, vt quem modò exire à se volebat, mox exeuntem sequi maturaret, & quidem relictis omnibus, vt iam palam esset, nihil se præter Christum appetere, nihil habere velle. *Luc. 5.*

Idem.

ITERVM cùm nauigantes Discipuli Dominum super mare gradientè conspexissent, & an ipse esset ambigerent: Petrus reliquis feruētior: Domine, inquit, si tu es, iube me venire super aquas: non ambulare super aquas petijt, sed venire, quàmprimùm amplecti illum, nō miracula facere, cupiens. Nauis velo remoque satis properè obuiam agebatur, sed amantis cupiditate tardior erat. Annuente Domino, succinctus profiliijt, super vndas cucurrit, mox crebrescentibus ventis, commotoque mari pauefactus, dubitauit, & cùm ob hanc animi hesitationem mergi coepisset, clamasse dicitur: Domine, saluum me fac. Arguitur itaque quia timuit, sed saluatur, quia eius ope etiam saluari posse credidit, cuius virtute super mare incessit. Vt dubitaret, fragilitas compulit: vt inuocaret, fides iussit; vt periculum euaderet, charitas impetrauit. *Iohan. 21.*

Idem.

Iohan. 6.

IDEM cùm quibusdam ex Discipulis durus ille sermo Domini videretur: Nisi manducaueritis carnem Filij hominis, & sanguinem eius biberitis, non habebitis vitam in vobis: ideoque post sensum suum abeuntes ab ipso descuiissent, reliquos duodecim interrogante Domino, an & ipsi abire vellent, pro omnibus respondit: Domine, ad quem ibimus? verba vitæ æternæ habes. Et nos credimus & cognouimus, quia tu es Christus filius Dei. Sic confide-
rabať

rabat etiam tum Petrus Dominū, vt nihil eum sine ratione dicere, nihil facere arbitraretur: sic eidem adhæserat, vt si etiam reliqui omnes dilapsi fuissent, ipse solus non recessisset. Cæterum & se, & illos non modò nusquam recessuros, verum etiam minimè dubios esse, quin ipse Filius Dei sit, affirmat, vt scilicet discas, Neminem posse perfectè diligere, qui non plenè crediderit. *Iohān. 6.*

POSTHÆC prædicente Dño ea quæ propediè Ierosolymis passurus esset, ait: Absit à te Dñe, non erit tibi hoc. *Idem. Matth. 16.*
Vide quali amoris ardore flagrabat: què in omnibus verissimū esse nequaquā dubitat, ab eodē id solū patienter audire nō poterat, quod ipsi valde indecēs & abominabile esse, nondū mysterium intelligens, existimabat. Absit à te, Dñe, imprudēter optat: sed error hic ex affectu, puenit charitatis. Increpatur ergo vt ab errore resipiscat, nō vt à charitate discedat, imò vt correctus perfectius diligat. *Mat. 16.*

INDE & in monte, cū reliqui fulgentis Domini splendore stupefacti mutire nō auderent, primus prorupit in vocem: Domine, bonū est nos hic esse. Non attendebat loci solitudinē, non deserti incommoditatem, nō rupium asperitatem, ibi sibi optimū esse censuit, vbicunq; cum illo vnā esse contigisset. Si vis, faciamus hīc tria tabernacula, tibi vnum, Moyse vnum, & Helix vnum. Cur etiam sibi vnum non poposcit? quia eodem cum Iesu contubernio vtī, & nullo prorsus intersepto ab eo seiungi velle, consilium erat. Semper oculis illum coram intueri cupiebat, quem semel animo complexus fuerat. *Mat. 17. Marc. 9.*

TUNC quoq; separari ab eo pertimuit, cū ille Discipulorum pedes loturus sibi obnixè renitenti minaretur ac diceret: Nisi lauero te, non habebis partem mecum. Hoc vt audiuit, protinus se totū eius exponens voluntati respondit: Domine, non tantū pedes, sed & manus & caput. Modò dixerat, non lauabis mihi pedes in æternū, & tam citò mutauit sententiā, quā citò illā Domino minus placere intellexit. Vtrobique tamen summi amoris argumentum, cū & reuerentiā præ se tulerit renuendo, & per-

& permittendo obsequij sollicitudinem, virtus ne quam ob causam consuetudine eius, qua sibi nihil dulcius, neque suauius erat, carere cogeretur. *Iohan. 13.*

Idem.

Iohan. 13.

QV I D illud; cum audisset quod vnus ex Discipulis conspiraturus esset aduersus Dominum suum, & à Iohāne quæreretur, quis ille esset? quo eum animo quæsisse crederemus? nonne in ipsum protinus irruendi, ipsum membratim discerpendi, & in frustra concidendi, laniandique, si cognouisset? quandoquidem nec armatorum cohortem timuit, vnum ex illis gladio feriens, dum pro Domino, cui iam manus iniecerant, furibundus contempto vitæ periculo decertat, plures inuasurus, nisi Dominus inhibuisset, Tunc gladium vaginæ reddidit, cum is, cui etiam ligato parendum erat, iussit.

Matth. 26.

Idem.

Iohan. 29.

IL L V D etiam obiter consideremus, quantæ pietatis quantæque teneritudinis fuit, cum Dominum audisset dicentem: Quo ego vado, vos non potestis venire; solus percontatur & interrogat: Domine, quò vadis? & quare non possum te modò sequi? animam meam pro te ponā. Omnia quidē præsumere cogeabat amor; sed imbecillitas non omnia potuit præstare. Iam ad supplicium raptum à longè sequitur, nec in atrium ingredi audet, sed foris ante ostiū præstolatur, & ab alijs introductus accedit ad ignē, quoniam surrepente formidine frigescibat charitas. Denique interrogatus, se nosse illū negat, pro quo paulo ante ne vitæ quidem suæ parsurū, si res ita postulasset, dixerat. Cessit tunc sanè timori amor, vt pateret quanta esset humana fragilitas, vbi auxilium subtrahitur diuinum. Sed & si cessit, non tamen recessit. Rursum se ille colligens, cum in ipsum respexisset Iesus, vsque adeò timuisse doluit, vt dolore mors leuior fuisset. Haud igitur minoris dilectionis testimonium præbuit viuus dum crimen luget, quàm præbisset mortuus, si Dominum omnino non negasset. Proinde etiam post reatum, his quoq; qui nihil tale commiserant, præferri meruit, omnium Princeps constitutus quia omnibus plus dilexit. *Iohan. 21.*

P E R.

PERSEQVAMVR & illa intimi amoris signa, quæ *Idem.*
 post Resurrectionem Saluatoris in eo apparuisse Euange-
 lica veritas docet. Cum igitur singulari cultu atque obser-
 uantia Dominum vsque ad Crucem profecutus fuisset, *Iohan. 20.*
 mortuum quoque ac sepultum quærere non cessauit. Cu-
 currit vnà cum Iohanne ad monumentum, vt citius cæ-
 teris videret illum, quem cæteris ardentius amabat. Præ-
 currit quidem Iohannes, sed antè introiuit in monumen-
 tum Petrus, corpore tardior, sed amore aliquantò fermen-
 tior. *Iohan. 20.*

ITA & cum piscationem facerent, Dominum ipsos de *Idem,*
 litore alloquentem, prior agnouit Iohannes, sed ad eum *Iohan. 21.*
 prior venit Petrus. Sic quippe traditum est: Simon Petrus
 cum audisset, quia Dominus est, tunica succinxit se (erat
 nudus) & nixit se in mare; alij autem Discipuli nauigio
 venerunt, non enim longè erant à terra. Non patitur mo-
 ras charitas, tametsi prope litus erant, haudquaquam di-
 stulit Petrus, quin ipsum nauiculæ cursum suo præueniret,
 dum ad Dominum properat. Non petijt nunc vt super aquas
 ambularet, quia & id petere tardatio videbatur; & cum
 miraculo velle agere aliquid, quod sine eo perfici potest,
 Deum tentare est. Itaque vado, quò volebat, peruenit, re-
 liqui deinde applicuere. Tum demum iubente Domino
 afferri de piscibus quos ceperant, primus ascendisse dici-
 tur, & traxisse rete in terram magnis piscibus plenū. Qui
 enim impensius amat, sollicitius paret. Magnisq; affluit vir-
 tutibus, qui perfectè eum colit. Et cum tanti essent, inquit,
 non est scissum rete. Non enim rumpi nexus possunt, quos
 verus innodauit amor, neque virtutum acerius dissipari
 poterit, si in sinum congestus fuerit charitatis. *Iohan. 21.*

ILLVM ergo Dominus, cui plus inesse erga se pietatis *Ibidem.*
 nouerat, dignum iudicauit, quem ad Ecclesiæ gubernacula
 sedere faceret. Ter interrogato, & ter respondenti quòd
 ipsum amaret, oues suas vltro committit. Quòd autem
 tertio interrogatus Petrus cōtristatur, iam ne quid vt antè
 imprudenter temereque præsumpserit dubitat, & idcirco

consideratius respondet : Domine, tu nosti omnia, tu scis quia amo te. Aliàs multum pollicitus, tam nihil præstitit, vt etiam veritatē abnegaret: modò nihil promittere ausus tantum exhibuit, vt post persecutiones, verbera, carcerē, catenas quæ pertulit, etiā crucifigi pro nomine illius non recusarit. Hinc apparet, nihil eo esse imbecillius, qui in se cōfidit: neq; fortius, qui in Deo. In Deo cōfidens, Neronē contempnit, qui in se confidens, expauerat ancillam. *Ibidē.*

*Paulus Apo-
stolus.
Act. 21.*

DE Paulo quoq; Apostolo in Actis legimus, cū esset Tyri, ab Agabo Propheta, & à Spiritu sancto fuisse prædictum, quòd vincula tribulationesq; passurus Ierolymis esset: ipse tamen eodem spiritu confirmatus, illò proficisci nequaquā dubitauit, nihil supplicia veritus, dum prædicat Iesum. Lugentibus Discipulis, & magistrum indulgentissimum pariter ac doctissimum à proposito deterrentibus: Quid facitis, inquit, flentes & affligentes cor meum? Ego autem non solū alligari, sed & mori in Ierusalem paratus sum propter nomen Domini Iesu. Iuit, in insidias incidit, comprehenditur, ligatur, cæditur, torquetur. Et tamen cū ei fandi copiā fecissent, tortores suos in viam salutis dirigere moliebatur, nō pro se sollicitus, vt vel sic acceptus dimitteretur, sed pro illis, ne errantes in æternum perirēt, pro iniuria referens beneficium, pro malo bonum. Non enim languescit odium sustinens charitas, sed accenditur, si vera fuerit. *Act. 21.*

Rom. 8.

Psal. 43.

HINC idem ad Romanos à Corintho scribens, clamat : Quis nos separabit à charitate Christi? Tribulatio, an angustia, an fames, an nuditas, an periculum, an persecutio, an gladius? sicut scriptum est: Quia propter te mortificamur tota die, & æstimati sumus sicut oues occisionis. Sed in his omnibus superamus propter eum qui dilexit nos. Certus sum enim, quia neque mors, neque vita, neq; Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro.

HINC

HINC etiam à Roma ad Philippenſes ſcribēs: In omni fiducia, inquit, ſicut ſemper & nunc magnificabitur Chriſtus in corpore meo, ſiue per vitam, ſiue per mortem. Mihi enim viuere Chriſtus eſt, & mori lucrum. Et ruruſum: Quę mihi fuerunt lucra, hæc arbitratus ſum propter Chriſtum detrimenta. Veruntamē exiſtimo omnia detrimentū eſſe, propter eminentem ſcientiam Ieſu Chriſti Domini mei, propter quę omnia detrimentū feci, & arbitror vt ſtercora, vt Chriſtum lucrificam, vt & inueniar in illo, non habēs meam iuſtitiam quę ex Lege eſt, ſed illam quę ex fide eſt, Chriſti Ieſu. Ad hæc & Corinthios hortatur, dicens: Siue manducatis, ſiue bibitis, vel aliud quid facitis, omnia in gloriam Dei facite. Et de ijs qui Deum amant, ad Rom. ait: Scimus quia diligentibus Deum omnia cooperantur in bonum, ijs qui ſecundū propoſitum vocati ſunt ſancti. Et de ijs, qui negligunt, ad Corinthios: Si quis non amat dominū noſtrum Ieſum Chriſtū, ſit anathema maranatha, quod Syrum eſſe aiunt, & ſonare, Dominus venit: vt ſit ſenſus: Eum in aduentu Iudicis, à fidelium conſortio ſeparandum, qui à Chriſti charitate inuentus fuerat alienus.

CHARITATEM autem Dei habet, quiſquis ea quę ab illo præcepta ſunt, ante omnia exequi ſtudet. Iohannes Apoſtolus: Hæc eſt charitas Dei, inquit, vt mandata eius cultodiamus, ac ne quid excuſes, ſubiungit: Et mādāta eius grauiā nō ſunt. Idem alibi: Et hæc eſt charitas, vt ambulemus ſecundū mādāta eius. Ipſe quoq; Dominus in Euāgelio: Si diligitis me, inquit, mandata mea ſeruate. Et iterū. Qui habet mādāta mea, & ſeruat ea, ille eſt, qui diligit me: qui autem diligit me, diligitur à Patre meo, & ego diligam eum, & manifeſtabo ei meipſum. Et ruruſum: Si quis diligit me, ſermonem meū ſeruabit, & Pater meus diliget eum, & ad eum veniemus, & manſionem apud eum faciemus.

QVANTA verò, vel quā neceſſaria ſit charitatis virtus, Paulus pleniffimē declarat illa Epiſtola, quam primam ad Corinthios ſcribit, affirmans vni charitati omnes ineſſe virtutes, & omnes prorsus virtutes nihil eſſe, ſi hæc

si hæc vna defuerit. Cuius quidem sententiæ verba, quoniam non solum discenda, sed etiam ediscenda sunt, operæpretium erit hic apponere.

1. Cor. 13.

Si linguis hominū, inquit, loquar & Angelorum, charitatem autem non habeam, factus sum velut æsonans, aut cymbalum tinniens. Et si habuero Prophetiam, & nouerim mysteria omnia & omnem sciētiam: Et si habuero omnem fidem, ita vt montes transferam: charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meū ita vt ardeam: charitatem autem non habuero, nihil mihi prodest. Charitas patiens est, benigna est. Charitas non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, cōgaudet autem veritati. Omnia suffert, omnia credit, omnia sperat, omnia sustinet. Charitas nunquam excidit, siue Prophetiæ euacuabuntur, siue linguæ cessabunt, siue scientia destruetur. Ex parte enim cognoscimus, & ex parte prophetamus. Cū autem venerit quod perfectū est, euacuabitur quod ex parte est. Cū essem paruulus, loquebar vt paruulus, sapiebam vt paruulus, cogitabam vt paruulus. Quando autem factus sum vir, euacuauī quæ erant paruuli. Videmus nunc per speculum in ænigmate, tunc autem facie ad faciem. Nunc cognosco ex parte, tunc autem cognoscam sicut & cognitus sum. Nunc autem manent, fides, spes, charitas, tria hæc. Maior autem horum est charitas.

Apostoli.

Hæc charitas Sanctos tuos, Domine, nō modò diuitiarum, dignitatumque secularium atque honorū, verū etiam vitæ lucis huius contemptores fecit. Nullis Tyrannorum minis supplicijsve absterri potuerunt, ne nomen vbique palam prædicarent atque extollerent. Petrus, Andreas, Philippus crucifigi non recusarunt. Iacobus & Paulus capite truncari. Iacobus alter de pinna Templi deiici, & fullonis fuste mactari. Iohannes in bullientis olei dolium nudus demitti. Thomas & Mattheus lanceis confodi,

Fodi. Stephanus lapidibus obrui. Matthias securi percuti. Simon & Iudas irruenti sacrilegorum impetu elidi atque obteri. Reliqui omnes Discipuli diuersis tormentorum generibus absumi ac perimi. Quid post illos de tot millibus Martyrum dicam? Dulcia illis tormenta erāt, per quæ ad te ascendere, tecum iungi properabant. Nihil illis formidini, nihil timori esse poterat, quoniā perfecta charitas foras mittit timorem. Vehementiores poenas expetierūt, vt maioris erga te amoris testimoniū redderent. Sed nulla tam vehemēs à persecutoribus excogitari potuit, vt æquaret patientium affectum: grauiora tolerare parati erant, quàm nouerat inferre rabies inimici in ipsos debacchātis.

Martyres.

S E D ne foeminarum in Deum pietatem omnino præterisse videamur, vnius exemplo contenti erimus, pietatem deinceps proximis debitam prosecuturi. Maria Magdalena mundi dilectione in dilectionē Domini commutata, soli illi placere cupiens, venit in domum Pharisei vbi ipse recubuerat, humiq; prostrata pedes eius osculari coepit, lachrymis rigare, capillo tergere, vnguentis perfundere: & quoniam charitas operit multitudinem peccatorum, cōtinuò de illa dictum est: Remittuntur ei peccata multa, quia dilexit multum. *Luc. 7.*

Femine.

Maria Magdalena.

Luce 7.

1. Pet. 4.

I T E R V M in domo Simonis leprosi eiusdem Domini caput vnxisse refertur vngueto pretioso. Impetrata quippe delictorum venia altius promouetur, & quæ pedes vnixerat, iam digna fit quæ vngat & caput. Sic paulatim progrediendo, ab infimis ad summa vsque peruenitur.

Eadem.

Matth. 26.

Marc. 14.

I M M E N S amoris indicium & illud fuit, cū Martha soror eius Dominum accipiens hospitio, parandi conuiuij cura distringeretur, illa audiendi verbi dulcedine delinita, nullis eisdem germanæ compellationibus auelli potuit, vt ab eo parumper secedens ipsam in ministrādo iuuare vellet. Ideoque optimam partem elegisse dicitur, quæ non auferetur ab ea. Charitas enim nunquam excidit. *Luc. 10.*

Luce 10.

1. Cor. 13.

S E D vt alia omittam, quis dignè explicare, nedum laudare queat, iam sepulto Domino animi eius sollicitudinem,

Eadem.

Iohan. 10.

nem,

174 DE CHARITATE ERGA PROX.
nem, assiduūq; angorem? Comparauit aromata, ante lucem ad monumentum venit, & non inuento corpore recurrit ad Discipulos: Tulerunt, inquit, Dominum de monumento, & nescimus ubi posuerunt eum. Rursum reuertitur, identidemq; super vacuum sepulchrum inclinata prospectat, perquirat, plorat: recedūt Discipuli, permanet illa. Qua perseverantia atque inquietudine tandem obtinuit, ut Domini à morte resurgentis gloriā prima videret, prima crederet, prima cæteris nuntiaret. *Iohan. 20.*

De Charitate erga proximum.

Caput II.

QUONIAM verò neq; Deum diligere probatur, quisquis non dilexerit proximum suum: discamus Sanctorum exemplis, ipsi quoque proximi. i. omnes homines (omnium enim vnus pater est Deus) quali amore quantoq; animi affectu prosequendi sint.

Jonathas.

1. Reg. 18. 19. et 20.

IONATHÆ erga Dauid amicitiam, non imminuit Saulis patris indignatio, sed auxit. Pater sæpe vitæ Dauid insidiatus est, semper filius detexit insidias patris, frequenter iratum placauit, & à persecutione amici auerit. Cumq; die festo Neomeniæ in celebri conuiuio requireretur, excusauit eius absentiam, & patris odium in illum concitatum in se penè excepit, lancea ab eo petitus, sed à Deo protectus. Exurgens ergo ne gustatis quidem solennibus epulis, latebras adiit Dauid, eumq; monuit, ut fuga sibi salutē quæreretur. Deniq; (ut Scriptura testatur) diligebat Ionathas Dauid sicut animam suam, intantum de salute eius sollicitus, ut potius patrē regem sibi infensum sustineret, quàm illum desereret. Documentum est, nō oportere parentum aliorūve dissidijs aut insultationibus nos moueri, ut ab officio discedamus quod proximis debemus. Scriptum enim est: Noli fieri pro amico inimicus proximo.

*Ecl. 5.
Dauid.*

DAVID regis erga populum charitas, cum in multis, tum in eo præcipuè apparuit, quòd postquā ob illegitimā simul & arrogatē plebium enumerationem puniendus,

ex tri-

ex tribus malis vnum optare cogeretur : neque famem in terram suam, neque cædem suorum ab inimicis inferendam elegerit ; cum sibi & frumenti satis suppetere posset , vt Regi , & multorum armis tectus , necem minus ipse timere , elegit autem communẽ tam sibi , quàm reliquis omnibus metum , pestilentiam , imò quam in se potius qui deliquerat , quàm in alijs desæuituram speraret . At vbi vidit , se prætermisso , populũ vastari cædique , Angelo percutiente , exclamat : Ego sum qui peccaui , ego iniquẽ egi ; isti qui oues sunt , quid fecerunt ? Vertatur , obsecro , manus tua contra me , & contra domum patris mei . Qua pietate diuinam placauit iram , sibiq; & ijs qui superfuerant veniam impetrauit , tam iustus in poena eligenda , quàm promptus in perferenda . Sed cum neque populus à culpa credatur alienus , ipse corporis , ille animi dolorem passus est , minus doliturus , si soli pati contigisset . 2. Reg. 24.

ABDIAS Iezabele impia Prophetas interficiente , centum ex eis speluncis abditos pauisse dicitur . Non percipit impensæ tot homines pascendo , & magnum vitæ suæ adiut discrimen eos occultando , quibuscum sibi vnà moriendum esse non dubitaret , si deprehensi fuissent . Quamobrem & ipse diuinatione donatus , quarto loco censetur in catalogo duodecim Prophetarum . Qui enim Prophetam accipit in nomine Prophetæ , mercedem Prophetæ accipiet . 3. Reg. 18.

TOBIA charitatem Babylonica captiuitas probatio- rem fecit . Quippe in eadem necessitate cõstitutis quoquo modo potuit , opitulari non cessauit , nũc verbis consolando , nunc rebus iuuando , & eos qui ab impijs hominibus cædebantur , sepeliendo . Hinc cum & ipse regis Sennacherib iussu necandus perquireretur , Deo fauente vnà cum suis periculum effugit . Postea rege filiorum manu interempto reuersus , omnia quæ sibi sublata fuerant recuperauit : ne benefaciendi materia deesset , cui non deerat animus . Pius ergo in medio inimicorum seruari meruit : crudelis autem nec inter filios tutus fuit . Tob. 1.

Et

Iob

Iob. 4.

ET Beati Iob pietatis opera percēsentur, dum ad eum, dicitur: Ecce docuisti multos, & manus lassas roborasti, vacillantes confirmauerunt sermones tui, & genua tremētia confortasti. Cur ergo post hæc ærumnis cōcutitur, calamitatibus premitur, ad extremam redigitur miserā? Cur? nisi, vt aurum igne probatur, sic is qui prosperis in rebus semper continentissimus fuerat, etiam in aduersis eiusdem integritatis esse noscatur? Post probationem à malis liberatus, duplicia recipit, temporale vtique & æternum bonum, ne ignores multò maximam esse pietatis mercedem. *Iob. 4.*

Abdemelech.

Jerem. 38.

ABDEMELECH. Æthiops Eunuchus Sedechiz regis seruus, Ieremiam ab ijs, qui vera audire non poterant, in cœnoso lacu ignominiosè deiectum miseratus, cū regem pro illo exorasset, solus eduxit. Inde qui Prophetam malè habuerant, in hostium potestatem deuenerunt, è quibus alij interfecti, alij in Babylonem captiui ducti sunt. Ad ipsum autem Abdemelech per Prophetam dicitur: Liberabo te in die illa, ait Dominus, & nō traderis in manus virorum, quos tu formidas. Sed eruens liberabo te, & gladio nō cades, sed erit tibi anima tua in salutem, quia in me habuisti fiduciam, ait Dominus. O grande charitatis meritum. Capitur, quatitur, vastatur, funditus eueritur Ierusalem, & inter tot gladios furentium inimicorum is, qui proximum ab iniuria liberauerat, diuina virtute protectus liber experisque periculi fuit. *Jerem. 38. & 39.*

Christus.

MULTA quidem id genus exempla de veteri Testamento adduci in medium possent, nisi plura noui mōdō sese iingerent referenda. Iam primū Christi erga nōs charitas effecit, vt nisi proximos nostros dilexerimus, non iniusti solū, sed etiam ingrati simus. Si enim Dei Filius pro hominibus homo factus est, si formam serui accepit, si mori voluit: quanta ingratitudo est, nos tantillum gratiæ illi referre nolle, vt eos diligamus quos ipse sic amauit? Profecto indignus est beneficio Redemptoris, qui communis Redemptionis aspernatur cōsortem, & inter feras beluas

beluas cōputandus, dum ita exiit humanitatem, vt hominem contemnat, quem iuuare conditio, genus, natura, Deus hortantur. Ne malos quidem odisse debemus, sed modis quibus cōmodius fieri potest, vt corrigātur, curare.

IOHANNES Apostolus, cū iuuenem, quem baptizatum peregrē proficiscens, Episcopi cuiusdam fidei commiserat custodiendum, discessisse atque in solitudine cum multis latrocinia exercere audisset, vehementi dolore affectus est, incusauitque Episcopi negligentiam in eiusmodi deposito seruando, nec cunctatus consensu equo ad grassatorum latibula abiit solus, periculi immemor, dum perditam ouem vestigat inter lupos. Eo viso, iuuenis cōmissa conscientia verecundatus, fugere coepit, Iohānes insequi, consecutusque eum, blanditijs, promissisque allicit, & ad spem veniæ animat, se pro illo rationem redditurū, modō poenitere, ac secum redire ne detrectaret. Itaque reuersum sic instituit, vt lucraretur Christo. Nobis documento est, nulli labori parcendum, vt proximum perniciosi vitæ erroribus implicatum expediamus ad salutem. Alioquin contempsisse arguemur, quem sicut nos ipsos diligere iussi fuimus. *Euseb. Hist. Eccl. lib. 3. c. 17.*

Hoc loco non omittendæ videntur Sancti huius de odio charitateque sententiæ, quod accuratius, enixiusque hanc sequamur, illud euitemus. Qui dicit, inquit, se in luce esse, & fratrem suum odit, in tenebris est vsque adhuc. Qui diligit fratrem suum, in lumine manet, & scandalum in eo non est. Qui autem odit fratrem suum, in tenebris est, & in tenebris ambulat, & nescit quod eat, quia tenebrę occauerūt oculos eius. Nos scimus, quoniam translati sumus de morte ad vitam, quoniam diligimus fratres. Qui non diligit, manet in morte. Omnis qui odit fratrem suum, homicida est. Et scitis, quoniam omnis homicida non habet vitam æternam in se manentem. In hoc cognouimus charitatem Dei, quoniam ille animā suam pro nobis posuit, & nos debemus pro fratribus animas ponere. Qui habuerit substantiam huius mundi, & viderit fratrem suum

M

necesse

L. Iohann. 4.

neceſſe habere, & clauſerit viſcera ſua ab eo, quomodo charitas Dei manet in eo? Filioli mei, nō diligamus verbo neque lingua, ſed opere & veritate. Chariffimi, diligamus nos inuicem, quia charitas ex Deo eſt. Et omnis qui diligit, ex Deo natus eſt, & cognoscit Deum. Qui non diligit, non nouit Deum, quoniam Deus charitas eſt. Deus charitas eſt, & qui manet in charitate, in Deo manet, & Deus in eo. Si quis dixerit, quoniam diligo Deum, & fratrem ſuum oderit, mendax eſt. Qui enim non diligit fratrem ſuum quem videt, Deum quem non videt, quomodo poteſt diligere? Et hoc mandatū habemus à Deo, vt qui diligit Deū, diligit & fratrem ſuum.

*Paulus Apo-
ſtolus.**Rom. 9.**2. Cor. 7.**Philip. 1.**1. Theſſ. 2.**1. Cor. 9.**Ibid. 10.**Rom. 13.*

P A V L V S quoque Apoſtolus, qualem erga proximos charitatem haberet, oſtendit ad Rom. dicens: Optabam ego ipſe anathema eſſe à Chriſto pro fratribus meis. Et ad Corinth. In cordibus noſtris eſtis, ad commemorandum & ad conuiuendum. Et ad Philip. Teſtis mihi eſt Deus, quomodo cupiam omnes vos eſſe in viſceribus Ieſu Chriſti. Et ad Theſſal. Facti ſumus paruuli in medio veſtrū: tanquam ſi nutrix foueat filios ſuos, ita deſiderantes vos cupide, volebamus tradere vobis, non ſolū Euangelium Dei, ſed etiam animas noſtras, quoniam chariffimi nobis facti eſtis. Rurſum ad Corinthios: Cū liber eſſem, inquit, ex omnibus, omnium me ſeruum feci, vt plures lucrificerem, & factus ſum Iudæis tanquam Iudæus, vt Iudæos lucrarer, ijs qui ſub Lege ſunt, quaſi ſub Lege eſſem, cū ipſe non eſſem ſub Lege, vt eos qui ſub Lege erant lucrificerem. Omnibus omnia factus, vt omnes facerem ſaluos. Idem denique ait: Ego per omnia omnibus placeo, non quærens quod mihi vtile eſt, ſed quod multis, vt ſalui fiant.

P R Æ T E R E A charitatis proximi præcepta nobis inſinuans: Qui diligit proximum, inquit, legem impleuit. Nam non adulterabis, non occides, non furaberis, non falſum teſtimonium dices, non concupiſces, & ſi quod eſt aliud mandatum, in hoc verbo inſtauratur: Diliges proximum

num tuum sicut teipsum . Dilectio proximi malum non operatur . Plenitudo ergo legis est dilectio . Rursum alibi : Omnis enim lex in vno sermone impletur : Diliges proximum tuum sicut teipsum . Quod si inuicem mordetis & comeditis, videte ne inuicem consumamini . Alibi quoque ait : Estote imitatores Dei sicut filij charissimi . Et ambulante in dilectione , sicut & Christus dilexit nos , & tradidit semetipsum pro nobis oblationem & hostiam Deo , in odorem suauitatis . Iterum alibi : Mementote, inquit, vinctorum tanquam simul vincti, & laborantium tanquam & ipsi in corpore morantes . Atq; alibi breuiter omnia comprehendens, ait : Alter alterius onera portate, & sic adimplebitis legem Christi .

APOSTOLORVM postremo omnium, & eorum qui illos secuti sunt, vnũ hoc charitatis propositũ fuit, neq; rerum presentium, neque quietis, neque vitæ mortalis vllam habere rationem; dum consulitur spiritali salutis proximorũ.

Apostoli & eorum sectatores.

SERAPION Abbas oppidum quoddam infidelium ingressus, cum publicè prædicantem in medio pellerent, venundare sese illis coepit in seruum, vt saltem cum dominis priuatim colloquendi potestatem haberet . Vbi verò frequenti assiduq; suasionem, illũ cui seruiebat credentem, de Idolotri seruitute in fidei Christi libertatẽ vendicasset, reddito ei pretio ad aliũ transibat . Hoc gentiles erudiendi genere etiam Lacedæmone & Athenis vsũ dicunt . Itaq; non recusauit venalis mancipij vilitatẽ Abbas, vt alios à perniciẽ liberaret erroris .

Serapion.

MAGNA & Abraam Eremitæ in neptem charitas, quam secum in solitudine commorantem, Deo seruire, & virginitatẽ custodire docebat assiduis mōnitis, quotidianaq; adhortatione . Sed illa tandem à iuuenē quodã sollicitata, cum scelere consensisset, patrui sanctissimi viri cōspectum ferre nō valens, clam discessit, & de venia desperas; impudicitia se dedit . Quid ageret amissa oue, pastor iam senex nesciebat, & tamē quiescere præ dolore nō poterat . Denique eremum relinquere, tegumentũ ne agnoiceretur

Abraam. Eremita.

mutare, vrbes quas fugerat intrare, nihil intentatum relinquere, donec illam inuenisset, decreuit. Hoc igitur consilio vsus, quæsitam inuenit, inuentam conuertit, conuersam secum reduxit, & tanto labore recuperatam, diligentius custodiuit, ita vt illa salutem, de cuius spe deciderat, poenitendo acquisierit. Quod si ipse delinquentē neglexisset, nunquā fortasse illa à delictis resipuisset. Sed nescit torpere charitas, quousq; subleuet corruentē. *Ephren. in vit. P. P.*

*Paulinus
Episcopus.*

PAVLINVS Nolæ vrbis Episcopus (sicuti alio loco de ipso diximus) viduę cuiusdam filium, in Africa apud Vandalos captiuum, cum pecunia non suppeteret, vicaria seruitute redemit, mulieris orbitatem miseratus: simul ne ille iuuenis, dum superbis dominis seruit, eorum ritus secutus, seruire inciperet diabolo; maluit vitam suam quàm proximì animam periclitari. *Aug. de Ciu. Dei. lib. 10. c. 10. & supra pag. 18.*

*Antidius
Episcopus.*

ANTIDIVS Turonensis Episcopus, Cacodæmonem lætum ac gestientem videns, quod Zozimum Summum Pontificem septennio sollicitatum, tandem ad stuprum committendum, se impulsisse diceret: haud cunctandum ratus, illi præcepit, vt se eadem celeritate, qua venerat, Romam perferret. Die altero Pontificem adiit, relatisq; quæ de illo dæmoni iactauerat, ruborem ei pauoremque iniecit, & confitentem protinus ad poenitentiam conuertit, eodemq; vectore vsus, diei spatio ad Turonem redijt. Timuisset sese dæmoni credere, nisi proximì charitas foras misisset timorem. Cuius quidem charitatis merito effectū est, vt is qui Papam corruere fecerat, Episcopo obediret. *Antidium habet Martyrol. Vuard. Iunij 25.*

*Pacomius
Monachus.*

PACOMIVS Monachus animaduertens proximì vici colonos, rerum ignaros à cultu abesse diuino, & tantummodo in pascendis pecoribus studium protrahere, vehementer indoluit, nihilq; moratus, eremum dereliquit, & inter illos tuguriolum sibi constituit. Neque prius ad solitudinis locum redijt, quàm illos edocuisset Deum honorare, Christo credere, pie atq; innocēter viuere. Fugerāt frequen-

frequentiam, sed fugientem reuocauit charitas: Veluti qui maris periculum euadens, iam in portu atque in tuto se recepit, tum si quos naufragari respexerit, rursum cōmittit se fluctibus, vt in alto laborantibus opem ferat, suæ ipse quieti salutem præponens aliorum. *In vitâ PP.*

VITALII etiam Monachi in vrbe Alexandrina mira admodū charitatis opera extitere. Prostibula adibat fornicinarum, & cum ea quæ impudentiore lasciuiâ diffluere videbatur, noctem pactus pretium offerebat. Admissus autem in aliquo fornicis angulo, procumbens deprecâdo peruigilabat, donec illucesceret dies. Factū admirans mulier, cogebatur interim tacita intra se cogitare, non iam quantum lucri fecisset, sed quantum turpiter viuendo Deum offendisset. Itaq; multæ ab eo hoc modo conuersæ, vitam correxere. Ipse verò peruersâ hominum opinione iactatus, quoniam circa lupanaria frequēs erat, palamque reprehensus patienter tolerabat, cū plus vtilitatis ex correctione alieni delicti caperet, quàm ex sua infamia damni. *In vitâ PP.*

Vitalis Monachus.

PANVSIVS quoque Abbas, qua ratione Thaidem nobile scortū ab impudicitia auerteret, excogitauit. Cū enim ab ea secretiorem congregiendi locum poposcisset, & in abditissimum postremæ domus cubiculum ductus, ibi etiam ne ab aliquo cōspiceretur, vehementer se vereri diceret: Ne dubita, inquit illa, nemo hic te iam videre præter Deum potest. Captata occasione Abbas interrogauit, an Deum esse crederet quem latere nihil possit, tum qui bonis præmia, & malis proponat poenas: Annuente subiunxit: Cū hoc non ignores, nōne infelicissima es, quæ propter breuissimi temporis voluptatem, & te, & omnes quibus tui copiam facis, perditū eas, cruciatibusq; æternis deputes? Scelerum cōscia mulier statim in lachrymas prorupit, ac deinceps lasciuiâ cānis frenans ieiunijs, orationumque fatigationibus domans, pudicē sanctēque vixit. Itaque neque ipse Panusius timuit in se suspicionis notam, dum in alios timet reatus poenam. *In vitâ PP.*

Panusius Abbas.

Bernardinus.

BERNARDINVS antequam Minorum Religionem profiteretur, vitam imitabatur in omni charitatis negotio assiduam. Senē pestilentia laborabant: plerique contagiosam morbi vim timentes, vrbe excesserant, & illi quoque qui resedissent cum ea familia, in qua aeger erat, commercium habere formidabant. Solus Bernardinus sic destitutis, necessarium prestare ministerium decreuit. Duodecim iuuenibus persuadet, vt secum infirmis seruiendo, Christo seruiant: cum hoc comitatu domos laborantium ingredi, sanos consolari, agrotis mederi, indigentibus victum, defunctis sepulturam prouidere, sed ante omnia curare, vt confessi, contritiq̃ue, quicquid euentus ferret, expectarent. Magis verebatur, nequid decedentibus officeret ad beatitudinem consequendam, quàm ne sibi ad vitam propagandam. Cæterum tantæ pietatis vir in tam præsentis periculo sanus atque incolumis meruit conseruari, dignusq̃ue effici, qui multò magis postea prodesset hominibus prædicando, quàm tunc profuerat ministrando.

Sur. Tom. 3.

Sanctulus
Abbas.

SANCTVLVS Nursiæ Prouinciæ Abbas, cum sibi pecunia non suppetisset, qua Diaconum suum à Longobardis latronibus captum redimeret, aliam lōgè difficiliorem redimendi rationem inijt, & vt sibi cum illo colloqui, diesq̃ue aliquot vnà esse liceret, rogauit. Qui rogabantur, hac lege concesserūt, vt si Diaconus effugisset, tunc Abbas qui per ætatem effugere non poterat, capite puniretur. At ille pro Diacono mori paratus, fugam persuadet, eumq̃ue noctu emittit. Qua de causa ad necem petitus, præbuit ceruicem. Cæterum iam ad feriendum elatam videns spiculatoris manum, protinus exclamat: Sancte Iohannes, tene illam. Immotamansit, & ridentibus neruis despectu nequiuit. Reliqui miraculo territi, Abbatem liberum fecere. Qui mox rogatus, malè affectam manum oratione curauit. Multiplicia dona certatim offerebat, venerantes iam quem dudum occidere voluerant; nihil illi accipere libuit præter captiuos, qui omnes libertati redditi, cum ei gratias

gratias egissent, abiére. Itaque Sanctulus Abbas dum se morti opponere pro vnius salute non dubitat, vñ cum multis meruit seruari, Deo id tribuente hominis pietati. *Greg. Dial. lib. 3, c. 37.*

CARPVS Pauli Apostoli Discipulus (sicuti de illo *Carpus* Dionysius ad Theophilum scribens testatus est) cum fidelem quendam ab infideli subuersum cerneret, præ dolore languere cœpit. Cumque vt conuerterentur orare debuisset, vtambo è vita decederent optauit: veritus, ne alterius suasu, alterius exemplo, alij corrûperentur. Vidit autem in quiete illos in fornacem ardentem, à spiritibus immundis trahi, violenterque impelli, & cum eo spectaculo delectari cœpisset, aspexit Christum cum Angelis è cœlo delabi in terram, ipsosque ab ignis periculo ereptû accedere. A quo & audiuit, iterum paratum se pro peccatoribus pati. Haq. yisione admonitus, pro vtriusque conuersione Domino supplicauit, & quos antea mori concupierat, demum in fide viuificatos recepit. Hinc discimus, neminè appetere debere delinquentium poenas, sed poenitentiam, orandumque esse etiam pro incredulis & iniquis. Sic est enim amplectenda Religionis fides, vt non deferatur proximi charitas, *Dionys. Areopag. Epist. 8.*

NUNC ne alterius etiam sexus pium in proximos *Femine.* amorem silentio prætermittamus, idem amor nos hortatur, vt scilicet & legentes vberiore referant fructum, & sanctæ Foeminæ sua laude, quantum in nobis est, minus fraudentur.

CATHARINA Virgo duodeviginti annos nata, cum *Catharina.* Maxentij Alexandria Præsidis edictum audisset, in quo referebatur, gladio in illos animaduerti placere, qui die præstituta Templum ingressi, Deos non adorassent: in medium prorupit, & Præsidem ipsum nomine compellans, æque infantiæ palâ arguens, Christum crucifixû adorandû esse asseuerauit, inanium autem Deorum simulachra contemptui habèda, simul cum ijs qui adorât ea. Nô est verita-
frustrissimo insultare tyranno, vbi, proximorum periclitari

184 DE CHARITATE ERGA PROX.
vidit fidem. Corporis mortem contempsit, ne fideles suppliciorum metu perterriti, in mortem ruerent infidelitatis. *Metaphrast.*

Anastasia. ANASTASIA Romana infideli quidem viro tradita, sed tantum Christo iuncta, cum Patricij generis esset, pretulit nobilitatis altitudini, charitatis humilitate. Quippe vilibus induta ne agnosceretur, Martyrum carceres inuisabat, vincula exosculabatur, ad patientiam exhortationibus animabat. His officiis digna euasit, quæ & ipsa coronam referret Martyrij. *Suidas apud Sur. Tom. 6.*

Maria Decegnies. MARIA Decegnies cognomento dicta, de pago Niuellæ Episcopatus Leodij, ipsa vitæ sanctitate maritum pellexerat, ut castitatem seruaret. Ambo ergo Christo, non mundo, seruientes, lepre morbo affectis ministerium impendisse dicuntur. Non languoris deformitas, non tabes, non sanies foeculenta, non morbi euitanda contagio, obstitit charitati. Miserabilior agrotantium facies, ministrantium curam magis accendebat. Nunc cum Christo regnat in coelis, qui leprosis ministrarunt in terra; pro breui labore præmia consecuti sunt beatitudinis æternæ. *Iacob. Vtriac. Card. Sur. Tom. 3.*

Bona Virgo. BONA Virgo in finibus Ægypti, in sanctarum Virginum coenobio Deo seruiciens, dum vnam inter illas, quam præcipue dilexerat, ex graui valetudine iam morti proximam miseratur, orauit Dominum, ut cum ea simul diem obiret, perpetuaque morientis fieret comes. Ut orauerat, impetrauit, ambae eodem die vita defunctæ sunt, ambae vno sepulchro conditæ. O inseparabile pij amoris vinculum, quod ne mortis quidem soluere licuit. Simul coelum petierunt, quæ simul in terra Christo seruierant, ut conuiuere, sic etiam commori exoptantes.

Theodora Virgo. CHARITATE inter se contenderunt apud Antiochiam Theodora Virgo, & quidam miles. Illa ob Christi confessionem ab infidelibus in prostibulum truditur: Miles ignotus eam primus adiens, persuadet ut mutatis secum indumentis, virili habitu euadens, Virginitatem intactam conser-

conseruet. Cumque ipse cum muliebri veste deprehensus pro virgine ad supplicium traheretur, non sustinuit illa, ut cuius ope pudicitiam tutata fuerat, ei necis causa fieret: palam proclamat, se esse ei poenæ addictam, non ipsum; econtra ille, imò se Iudicis sententia damnatum, non illā. Diu certarunt, vterque alterum sua morte redimere cupientes. At verò quoniam Christum consentientibus, mori viuere erat, Deo disponente, ambo simul capitis obtruncatione, gloriosum Martyrium peregerunt, ne eos tyranni gladius separaret, quos iunxerat amor Christi. *Ambros. lib. 2. de Virg. Sur. Tom. 2.*

De Charitate erga inimicos.

Caput III.

SED quoniam qui ait: Dilige proximum tuum sicut teipsum, idem deinde dixit: Diligite inimicos vestros, & benefacite ijs qui oderunt vos; hanc quoque dilectionis partem prosequamur, ut Sanctorū exemplis discamus, nulli malum pro malo reddere, ne malè agentī pares simus, & quæ ab alijs facta reprehendimus, eadem ipsi faciamus. Tempore, non opere differunt, inferens & vindicans iniuriam.

IOSEPH ingentem fratrum inuidiam, ingenti rependit beneficio: occidere eum voluerunt, in cisternam deicerunt, Ismaëlitis vendiderunt. At ille cum deinde Pharaonis Præpositus esset, & fames septennis premere cœpisset terram, venientes in Ægyptū conuiuio excepit, frumento & pecunia iuuat, singulos ex osculatus est, iniuriā omnem remisit. Ac ne sequentibus annis, qui quinq; donec septennium perageretur restabant, fame confecti perirent; ut ad se in Ægyptum cum patre totaque familia transmigrarēt, curauit. Permissuque regis terram, in qua commodè habitarent, dedit. Quid multa? Qui sibi innocenti necem seruilitutemque intentauerāt, eos, cum victus penuria laboraret, benignè suscepit, opiparè aluit, largè beneficijs affecit.

Ioseph. Genes. 37. Ibid. 43.

Genes. 45.

M s . Mor-

Moyſes
Num. 12.

M O Y S E S pro Maria ſore Deum orauit, & à lepra curatam reddidit, quam petulanter in ſe oblocutam nouerat, & ob hoc quidem lepra perſuſam. Dimittere illam Dei iudicio voluntatiq̃ue licebat, ſed ipſe pietate victus, vt morbo eo liberaretur, precibus impetrauit. Num. 12.

Idem.

I D E M à populo, quem de ſeruitute Agyptia liberatū, in terram lacte & melle manantem, id eſt, bonis omnibus affluentem, perducere tanto labore, tantoq̃; vitæ periculo moliebatur, ſæpè murmuratiōe laceſſitus eſt, ſæpè furore impetitus, & ad Tabernaculum fugere coactus. Et tamen tali ac tanta ingrati tudine nunquam ſic commotus eſt, vt benefacere ceſſaret. Proſtratus pro illis orauit, Deum placauit, Manna de cœlo, aquā de petra, dū deſerta peragrāt, ad eſum potumq̃; eis impetrauit, Legē digito Dei ſcriptā dedit: de inimicis victoriā à Domino exorauit, ducem qui eos in terrā promiſſionis inferret, reliquit. Si nihil in illū vnquam deliquiſſent, ſed ſemper iuſſis omnibus fuiſſent obſequuti, magis pro ipſis ſolicitus eſſe non potuiſſet,

Dauid Pro-
pheta.

1. Reg. 18.

Ibid. 24.

Ibid. 26.

D A V I D quoque Saulis Regis capitale in ſe odium, beneficijs æquauit. Saul enim virtuti eius laudibꝫq̃ue inuidens, & lancea præſentem appetierat, & fugientem armis perſequabatur. At ille perſecutorem ſuum bis abſque ſui periculo interimere potuit, ſi voluiſſet. Semel in ſpelunca, vbi ipſe latebat diuertentem, cum chlamidis laciniā nō ſentienti abſcidit. Iterum ſub tentorio, cum noctu iuxta caput dormientis, ſcyphum haſtamq̃ue ſuſtulit, & nulli cuſtodum viſus ad ſuos redijt. His quidem argumentis, oſtendere volens, quantum deferret regi etiam iniquo, cum ab illo declinare mallet, quā hoſtiliter perſequentem lædere. Denique à Philiſtæis cæſum luxit, & cædis eius nuntium, qui ex vulnere morientem, vt doloribus liberaret ab ipſo rogans, inſuper percuſſerat, occidi iuſſit, vt reliqui diſcerent, manum continere à Chriſto Domini. Benedixit autem illis, qui mortui cadauer mandauerant ſepulture. Ad hæc illos, qui poſt Iſboſeth Saulis filium doſe interfecerant, licet ipſe de regni ſucceſſione ſecum

conten-

contendisset, vlcisci iussit, tam in aliorum offensores iustus, quam in suos pius.

QVIDAM ex Prophetis, cum venisset Bethel, Ieroboam Israël regem idolo sacrificantem increpuit, aduersa illi prophetans, familiarumque eius. Iratus Ieroboam extendit manum iubens apprehendi hominem, & continuo arefactam retrahere nequibat. Vir Dei autem misertus, pro illa manu quam in sui iniuriam extensam mouerat, Dominum rogauit, pristinaque sanitati protinus restituit. Facillime quippe diuina exoratur pietas, ab exercente pietatem. 2. Reg. 15.

Propheta
2. Reg. 15.

QUID de Discipulis Martyribusque Christi dicam? Martyres qui etiam in eos, a quibus grauissima passi sunt supplicia, beneuolentiam, benignitatemque præ se tulere. Stephanus pro illis, a quibus falso accusatus, iniquè damnatus, crudeliter lapidum ictibus impetebatur, genibus prouolutus orauit, ne ipsis hoc ad peccatum imputaretur, quod sibi cedere sciebat ad gloriam. Act. 7.

Stephanus
Protomartyr.

IACOBVM quoque Apostolum Alphæi filium, tunc cum de pinna Templi lapidum ictibus deturbaretur, ac deturbatus insuper fullonis fuste caderetur, orasse accepimus, illis ignosci postulantem, a quibus iniuste necabatur, Sæuendo impij efficere nequuerunt, ut pius in se sæuientibus, bene optare desisteret. Euseb. lib. 2. c. 23.

Iacobus Minor
Apostolus.

VENUSTIANVS Tuscæ Præses, Sabinum Afsisij Episcopum, cum duobus Diaconis Exuperantio & Marcello, ob Christianitatem comprehendi fecerat, & in carcerem trudi. Hos ambos diuersis poenis excruciatos interfecit, illi utranque abscidit manum. Mox ipse graui oculorum dolore vexatus, ab eodem remedium poposcit, cui iam tot intulerat mala. Atque ille veluti beneficijs obstrictus, & nulla affectus iniuria, libenter accessit, diligenter orauit, efficaciter sanauit, sanando insuper hominem, ex infideli Christianum fecit. Maius bonum pro malo reddere non potuit, quam ut inimicum suum diligendo Deum amicum faceret, & eum pro Christo ad patientiam suppliciorum animaret, a quo ipse pertulerat supplicia. Beda & Ado. Sur. Tom. 6.

Sabinus
Episcopus.

P E R

Pergentius & Laurentinus. PERGENTIVS & Laurétinus fratres, sub Decio Cæsare Aretij Martyris passi, cum fustigarentur, & verberantium brachia repente obriguissent, vt illi sanitatem recuperarent orarunt: inimicorum potius, quàm suæ poenæ, remedium exquirentes. *Sur. Tom. 3.*

Iohannes & Paulus. IOHANNES & Paulus, Iuliano Apostata imperante, Romæ passi sunt. Eorum corpora humi defossa, Terentiani militum Præfecti (cuius manu cæsi erant) filium ad tumultum ipsorum adductum, à dæmoniaca vexatione liberum reddidère. Hinc patet, quales erga alios vixerint, qui hos à quibus necati sunt, etiam mortui dilexerunt. *Terentianus. Sur. Tom. 3.*

Christophorus. CHRISTOPHORVS Martyr, à Dago Lyciæ rege passus, cum post multa tormentorum genera, stipiti alligatus, tandem sagittis appeteretur, atque earum vna reflexo mirabiliter ictu regis oculum confixisset, vulneris remedium monstrauit. Rex itaque decollati Martyris cruore oculo illito sanatus est, & conuersus cadauer eius sepulturæ honore affecit, cuius vitam extinxerat: Tunc demum considerans Christi virtutē, cum expertus est erga se Martyris charitatem. *Rugger. Fulden. Sur. Tom. 4.*

Nazarius & Celsus. NAZARIUM & Celsum Martyres, ij qui in mare suffocandos de naui iactauerant, cum orta statim tempestate, periclitari cœpissent, eosque super vndas ambulantes conspexissent, vt sibi subuenirēt, suppliciter petière. Illis ergo in nauem reuersis, atque orantibus, resederūt fluctus, posuerunt venti, periculum omne sublatum est. Sancti igitur tantum beneficii retulerunt, quantum iniuriæ acceperāt, curantes ne illi mergerētur, à quibus ipsi submersi fuerant. Accessit beneficio cumulus, quoniā sic à mortis periculo liberatos, etiam quomodo in æternum beati viuerent, docuerunt. *Ambros. Serm. 92. Ado, & a'ij.*

Spiridion Episcopus. HÆC in Martyrio charitas, illa citra Martyrium. Spiridion Cypri Episcopus, fures nocturnos domi deprehensos, cum multis vt eiusmodi scelere abstinere admonuisset, nō solum impunitos, sed etiam veruece quem furatum

venē-

venerant, donatos dimisit. *Metaphrast. & alij. Sur. Tom. 6.*

FELIX quoque Monachi in furem benignitas, à Gregorio in primo Dialogi sui libro, commendatur. Cum enim hortuli curam gereret, ac subinde illum expoliari animaduertisset, serpenti præcepit, vt aditum custodiret, neminem læderet. Proh nephas, serpentes famulos Christi reuerentur, homines infestant. Fur adueniens, in primo statim ingressu viso serpente, pauidus retulit pedem, quo vepribus altè implicato, ipse in caput corruens, pronus pependit, donec superuenit Felix. Qui pendentem miseratus cõfessum deposuit, & oleribus abundè collatis, amicè hortatus est, ne per scelus quæreret, quod innocenter se largiente habere posset, quoties petitum venisset. Magis forsan impensè parceret Felix, si illum furari permisisset: sed à furandi peccato re copiosius impartiendo auertere hominis animum, satius existimauit. *Greg. Dial. lib. 1. c. 3.*

TALIS in furem & Odo Cluniacensis Coenobij *Odo Abbas.* Abbas fuit. Illum enim, qui sibi equum noctu subducere attentauerat, eoq̃ue conscenso, neq; discedere cum vellet, neque omnino descendere quierat, manè compertum benignè ac perhumanè corripuit, & ad poenitentiam criminis adduxit. Data etiam stipe veluti equi mercenarium custodem, non tanquã deprehensum abactorem, dimittendum curauit. *Sur. Tom. 6.*

AMOS quoque Ægyptius, dum in eremo manenti pa- *Amos Eremita.* nem, quo in diè vesci solebat, furto subtraherent homines impurissimi, duas serpentes cellæ custodiæ apposuit, quarum afflatu illi, cum furandi animo propius accessissent, semineces concidère, eos tamen superueniens Christi seruuus, manu quenque prehensans erexit, & criminis blanditer arguens, ad poenitentiam inflammauit, atque ita amplexus est, vt ex furibus monachos faceret. Nunquid se suppilari doluit, qui suppilatoribus suis tam se benignum præstitit? Non vt vlsceretur inimicos, custodiam serpentibus mādauerat, sed vt deprehensos à flagitijs auerteret, & jungeret Christo,

Non

*Maxentius
Abbas.*

NON minus æquo animo quidā latronum violentiam tolerarunt, quā hi dolos furum. Clodoueo rege aduersus Gothos arma mouente, quidam ex militibus prædæ cupiditate Maxentij Abbatis Pietauiensis Monasterium inuaserunt, & cū vnus Abbatem sacrilegio (vt poterat) renitentem ferire vellet, manum cū gladio sublatam demittere nequiuit; reliqui nescio qua stupiditate mentis correpti, immobiles consistere. At Maxentius immanitatis, violentiæque eorum oblitus, pœnam miserari cœpit, & precatione liberos ab ægritudine reddidit. Qui deinceps inferre illi iniuriam & timuerūt castigati, & erubuerunt beneficio victi. *Sur. Tom. 3.*

Elphegus Archiepiscopus.

ELPHEGVS Cantuariensis Archiepiscopus Romam versus pergens, cū in urbem Ausoniam diuertisset, omnibus quæ secum habedat exutus vrbeque eiectus fuisse dicitur. At cū Deo vleiscente Sancti iniuriam, repentino tecta incendio conflagrare cœpissent, reuocatus oratione flammæ extinxit. Quo miraculo malignitas hominum in munificentiam versa, plurima offerebat dona: ipse verò nihil accepit præter ea, quæ sibi modò per vim erepta fuerant, vt gratuitò potius inimicos suos, quā mercede diligere videretur. *Osbernus Monach. Sur. Tom. 2.*

Idem.

IDEM Deo supplicando, & panem benedictū morbo affectus porrigendo, pestilentiam sedauit, in ipsos tantum Cantuarię occupatores grassantem, qui ab Ethelredo rege secedentes, cum pyratibus societate, in urbem hostiliter irruerant, magnam ciuium partem fustulerant, Monachos interfecerant, Templum incenderant, sibi graue vulnus inflexerant, & carcere teterrimo constrictū menses septem incarcerationauerant. Omnes Dei ultione deleti fuissent, nisi Elphegus intercessisset, ipsis etiam benefacere cupiens, à quibus tot mala se suosque passos sciret. *Ibidem.*

*Maurus
Abbas.*

MAURO Abbati, qui Beato Benedicto in gubernatione successerat, monasterium in agro Andegauensi construenti, quidam ex operarijs inter se blaterantes detrahere licentius cœperunt, id ipsum monasterij opus non pietati

Reli-

Religionique eius, sed hypocrisi, simulataq; sanctitati deputando. Proinde Satanæ traditi, vnus qui criminis causa & caput fuerat, instanter expirauit, reliqui mirabiliter à dæmonio vexati sunt. Mauro autem pro illis cū lachrymis deprecāte, & mortuis reuixit, & qui nequitie spiritu agitabantur, liberati sunt. Non enim solet ad indignationem detractione moueri, quisquis etiam laudari contemnit. *Sigebert. Gembl. & alij. Sur. Tom. 1.*

HINC etiam Apollonius Monachus & Martyr, cū *Apollonius Martyr.* in carcere detineretur, & Philemon choraules omnibus eum opprobrijs oneraret, suspirans: Fili, inquit, misereatur tui Deus, & nihil horum quæ modò in me obloquendo effudisti, reputet ad peccatum. His verbis ille corde compunctus, & fidē quam persequebatur suscepit, & non recusauit martyrium.

VITALIUS Alexandrinus Monachus, hominem à *Vitalius Monachus.* quo alapam acceperat, statim à dæmone arreptum ac volutatum humi iactatū, dum pro illò orasset, omni prorsus molestia impediuit. Tam facilis exauditiō nōne aperte declarat, quanti apud Deum monumenti sit erga inimicos charitas? *In vitm PP.*

ISAAC quoq; Abbas eum à quo alapa percussus fuerat, cū ob hoc à dæmonio vexaretur, superincumbens poena liberauit. Idem ijs qui noctu in hortū suum furtim irrepserant, & nec auferre quicquam, nec inde discedere potuerant, manē inuētos de proposito quidem corripuit, sed quasi hospites prandio excepit, & collectis hortuli fructibus quos furatum venerant, donauit, atque abeuntes deduxit. *Gregor. Dial. lib. 3. c. 14.*

MEMORABILIS admodū & Iohānis eleemosynarij Epī *Iohānes Eleemosynarius.* cōtra iniuriā gratia. Cōquerenti nepoti de villico cōuitiatore, respōdit se ita in eū vindicaturū, vt nemo nō miraturus sit. Accersitumq; villicū annuis pēsionibus liberū fecit; docēs hoc exēplo nepotē, iniuriam hominum haud secus vindicandam esse, ab ijs præsertim, qui Deo, non sibi placere student. *Leontius, Metaphr. & alij. Sur. Tom. 1.*

IDEM

Idem.

I D E M cū à quodam mendico, pro data elemosyna contumeliam recepisset, clericos in eum insurgentes cohibuit, se in causa esse asserens, quòd petenti minus quàm indiguerat impendisset. Illoque accito, omnem quam habebat pecuniam coram effudit, ut quanta sibi opus esset, suo arbitrio sublatam ferret. Alius ab ingrato data repetisset: ille contumeliam passus, datis etiā superaddendum existimauit. *Ibidem.*

Iohannes Damascenus.

I O H A N N E S Damascenus pro eo, cuius occulta calliditate perfidiæ in Theodosium Imperatorem innocens damnatus dexteram amiserat manum, diu intercessit, ne in dolo deprehensus capite puniretur. Imperator admiratus hominis patiētiam, ipsum pro quo rogabatur interfici vetuit, sed tamen ne tantum scelus omnino impunitum abiret, in exilium ablegari iussit, Sanctum honore affecit: Scribæ illi officium, in quo antea fuerat restituens, cū eadem manus quoq; redintegrata Beatæ Virginis beneficio fuisset. Quis acceptam remittere iniuriam arduū putabit, si tantæ offensionis odium tanta repensum est animi benignitate? *Iohan. Patriar. & alij.*

Samson Archiepiscopus.

S A M S O N Dolensis Archiepiscopus eum, qui sibi veneni poculum propinauerat, spiritu immundo oppressum miseratus, Deo supplicando sanitati restituit, ad poenitentiam hortatus est, veniam indulgit, viuere illū in æternum cupiens, qui sibi per insidias molitus fuerat necem. Sic neque venena incautè sumpta nocere ipsi potuerunt, qui sibi antidotum iam præparauerat perfectæ charitatis. *Baldricus & alij.*

Femina.

H V N C quidem & foemineis in pectoribus flagrantem charitatis ardorem nequiverunt extinguere aliena odia.

Christina Virgo.

C H R I S T I N A Virgo & Martyr, pro fide ac veritate horrendos constanter perpeffa est cruciatus. Cū autem etiā serpentes in eam missi fuissent, sed mordere omnino nollēt, veneficum, à quo ad mordendum irritabantur, inuadentes, rabidis icubus, multa que veneni vi statim interimunt. At Christina sui ipsa carnificis vicem dolens,

Chri-

Christum precata, & serpentes in fugam conuertit, & ab eis peremptum ad vitā reuocauit, & eundem iam credentem ad certam beatitudinis spem erexit. *Vincent. Spec. lib. 12. c. 86. & alij. Sur. Tom. 4.*

ANATOLIAM etiam Virginem angusto carcere vnā Anatol. Virgo. cum terribili serpente conclusam, nec tamen ab eo læsam, cum tandem consumptam putarent, carcerisq̃ue ostium reserassent, serpens inde erumpens, Audacem, à quo immisus fuerat, morsu apprehensum, sinuosoq̃ue spirarum volumine colligatum, humi deijcit moribundum. Mox autem ipsius Virginis oratione serpens procul effugatur, & Audax sanus erigitur. Christianorum enim conuenit pietati, eos, à quibus offensi sunt, defendere pro viribus ac tueri, nec ab vno lædi permittere. *Aldhelm. lib. de Virginib. Sur. Tom. 4.*

POTAMIENA Virgo Alexandria passa, Basilidi Præfecto, à quo omnia penè tormentorum genera in suo exceperat corpore pro Christi nomine, postquam ad Dominum cum palma migrasset Martyrij, per visum apparuit, & coronam quam ei à Domino impetrauerat, si credere vellet, ostendit. Credidit ille, & per Martyriū æternitatis gloriam consecutus est. Tantæ curæ fuit Virgini eum, per quem torta interfecta q̃ue fuerat, saluum beatumq̃ue facere. *Pallad. Lais. Hist. 3.*

VENERANDA quoq; Virgo, dum pro Christo multis Veneranda Virgo. magnisq̃ue afficeretur supplicijs, & nunc humi dispassis manibus, pedibusq̃ue diuaticatis extenta, neruis bubaljs caderetur, nunc sic resupinata grandi lapide ventri aduoluta premeretur, nunc in cacabum sulphure, pice, oleo plenum demersa, subiectis ignibus coqueretur; eius, cuius iussu talia patiebatur, propius astantis oculum bulloris asperginē cæcatum, terra salua diluta liniens reparauit, & ipsum tandem patientia sua superatum Christo credere compulit. Quis conuitium, contumeliam, maledictū non æquo animo feret, si pro tam grauib. tormentis tam magnum redditum est beneficium?

N

DARIA

Daria Virgo.

DARIA Virginis integritatem ab infidelibus ad prostibulum tractæ leo de cauea fugiens, atque illi adfistens, tutatus est. Qui eâ vitiandi animo adire ausi fuerant, ipsos inuadens, in primo statim limine strauit, nihilque præterea mali intulit, ipsa Virgine sic iubente, vt essent quos ad fidem poenitentiamque conuerteret, non qui in erroris tenebris vitæque nequitia disperirent. Parci igitur illis iussit, qui sibi ereptū venerāt rem omnibus diuitijs, atque etiam vita ipsa pretiosiorē virginitatem. Neque enim Virginitas illi ad beatitudinem consequendam satis fuisset, si absuisset pietas.

Agnet Virgo.

PARIs exēpli & Agnetis Virginis erga inimicū dilectio. Eū quippe, qui ipsam stuprare moliebatur, à diabolo necatū vitæ restituit. Vitæ restitutus Christū confiteri palā cœpit. Illa ergo orante, is qui pudicitiam ipsius inquinare conatus fuerat, duo præcipua retulit bona: vitā, qua adhuc in terris viueret: & fidem, qua supra cœlum æternitatem consequi posset. *Amb. Ser. 90. et alij. Sur. Tom. 1.*

Eugenia Virgo.

EUGENIA Virgo Philippi Alexandriæ Præfecti filia, sub virili habitu sexum dissimulans, inter Monachos religiosè versata, & iam digna cui monasterij gubernacula committerentur: Melancia tandē matronæ, quam ad illicitos amplexus prouocantem cōtempserat, accusatione capitis rea constituitur. Accusationis summa erat, Eugeniū Abbatem domi suæ sibi vim inferre voluisse. At illa cum se non iam Eugenium, sed Eugeniā esse, vt infamiam purgaret, prodere vellet, prius accusatrici suę ignosci petijt. Deinde coram Patre (cuius iudicio nec iam addicta erat) pectus suū detegendo, detexit fallacis mulieris impiū commentum. Simul cuius ipsa filia esset, indicauit. Sic omni prorsus periculo probroque sese expediuit, antè tamen venia impetrata illi, cuius tā mendaci ac tam foeda delatione in tanta inciderat mala. *In vitis PP.*

Euphrasia Virgo.

AT etiam in Monasterijs aliquando locum sibi vendicat inuidia. Euphrasia Deo dicata Virgo ob humilitatem frequenter sese vilibus occupabat officijs. Quædā autem inter sorores non satis linguæ temperans, illam carpere & simu-

simulata sanctitati facta dictaq; eius ascribere palam ausa, cum ab Abbatisa puniendi decerneretur, eiusdem quam lacerasset intercessione liberatur. Euphrasia enim & ante ipsam se suppliciter prosternens, quasi quæ lacerasset, non quasi quæ læsa fuisset, veniam sibi petit, & ante Abbatisam illi impetrauit. *In vi. n. PP. & Sur. Tom. 2.*

O T H I L I A M Virginem pater occidere in animo habebat, solo corporis vitio offensus, quia cæca nata fuerat. Mater autem periculo subtractam Monasterio tradidit. Hinc ipsa virtutibus proficiens, defectumque oculorum mentis perspicacitate supplens, pro eo patre, quem sibi tam indignè capitali odio infensum nouerat, seruentem orando effecit, ut & viuēs poenitentia delicti ageret, & defunctus Purgatorij pœnas cum Paradisi delicijs commutaret. Ipsa verò corporei quoque visus vsum à Deo accipere meruit, quem non acceperat à parentibus. *Iacob. de Vorag.*

H Ò C quidem charitatis genus tum veteri, tum noua Lege præcipitur nobis obseruandum. In Exodo dicitur: *Exod. 23.* Si occurreris boui inimici tui aut asino erranti, reduc ad eum. Si videris asinum odientis te iacere sub onere, non pertransibis, sed subleuabis cum eo. Et in Prouerbij legimus: Cum ceciderit inimicus tuus, ne gaudeas, & in ruina eius ne exultet cor tuum, ne forte videat Dominus, & displiceat ei, & auferet ab eo iram suam. Et iterum: Si esurierit inimicus tuus, ciba illum: si sitit, da ei aquam bibere. Prunas enim congregabis super caput eius, & Dominus reddet tibi. In Euangelio quoque ipse Dominus ait: Diligite inimicos vestros, *Luce 6.* benefacite ijs qui oderunt vos. Benedicite maledicentibus vobis, & orate pro caluniantibus vos. Iterum: Diligite, inquit, inimicos vestros, benefacite, & mutuum date, nihil inde sperantes, & erit merces vestra multa, & eritis filij Altissimi, quia ipse benignus est super ingratos & malos. *Matth. 5.* Quod autem verbis præcepit, exemplo præstitit. Proditori quippe suo Corporis & Sanguinis sui Sacramentum obtulit, *Luce 6.* pedes lauit, osculum non negauit. Illis etiā, à quibus Cruci affigebatur, veniam dari petit: Pater, inquit, ignosce eis, *Christus.*

196 DE OFFICIO DOCTORIS EVAN.
quia nesciunt quid faciunt. Si tam clemens erga tantam
fratritiam Dominus, quomodo seruus eius erit, qui vindi-
ctam expetierit? Aut quomodo Christiano nomine cen-
seri merebitur, qui in diligendis inimicis Christum imitari con-
tempserit? Omnibus mandatum est benefacere omnibus,
si fieri potest: sin minus, bene optare. Ita tamen, vt homo
semper ametur, malignitas hominis nunquam. Omnis
enim malignitas diaboli seruitus est, homo autem Dei
opus est, & quidem ad imaginem & similitudinem auto-
ris sui factum.

De Officio Doctoris Euangelici.
Cap. IIII.

SE D profectò inter omnes omnium charitates, ea præ-
cipua est habenda, qua alius alij non tam ista tempo-
ralia & caduca bona, quam illa æterna atque perpetua
optare, & quantum in illo est, prouidere ac procurare de-
bet. Enitendum igitur erit ijs maximè, qui diuinarum rerum
scientia præstant, ignaros instruere, timidos animare, desi-
des vrgerè, omnes deniq; ad capeffendas virtutes, quibus
veræ felicitatis præmia comparantur, sedulò exhortari.
Huiusce rei exempla more nostro ab ijs, quos Deo pla-
cuisset nouimus, petamus.

Moses.
Aaron.
Exod. 5.

MOYSES & Aaron Dei iussu diriguntur, vt populum
suum de Pharaonis iugo ereptum ab Ægypti finibus edu-
cant, & populus ipse sacrificium sibi offerat in deserto, &
sic terram ingrediatur promissionis. Doctoris igitur par-
tes erunt, peccatores ad poenitentiam compellere, de dia-
boli seruitute in libertatē gratiæ vindicare, & de terrenis
secularibusque negotijs ad coelestium meditationem iu-
giter excitare: Vt quam beatitudinem animo contem-
plati fuerint, pietatis iustitiæque operibus parare sibi
nitantur. *Exod. 5.*

Isaias Proph.
Isaia. 6.

ISAIAS Propheta cum se ab Angelo carbonis de al-
tari sumpti tactu purgatum animaduertisset, & Dominus
dice-

diceret, quem mittam, & quis ibit ex nobis? vtrò se obtulit, dicens: Ego sum, mitte me. Quod vsurpare nequaquã ausus fuisset, nisi se prius à delictorũ iniquatione prorsus expiatum excoctumque agnouisset. Carere enim debet omni vitio, qui aliorum prauitatem paratus est corrigere, vt auditores non tam verbis ad emendationem vitæ pro-uocet, quàm exemplo. Labia enim iusti (vt in Prouerbis dicitur) erudiunt plurimos. *Isaie 6.* *Prouerb. 20.*

VND E alibi ad eundem dicitur: Super montem excelsum ascende tu qui euangelizas Sion, vt scilicet culmen sanctitatis pie viuẽdo inscendat, qui prædicationis munus assumit. Exalta in fortitudine vocem tuam qui euangelizas Ierusalem. Nempe vt, & qui propè sunt, & qui longè, audiant. Exalta & noli timere, ne timendo illis adulari incipias, quos debes increpare, & sublato cauterio, dũ lædere cutem formidas, latens sub ea malũ suppurare permittas. Ideo nanque præceptum est, non coquas hoedum in lacte *Deut. 14.* matris suæ, id est, peccantibus ne blandiaris. *Idem. Isaie. 40.*

R V R S V M dicitur illi: Clama, ne cesses, quasi tuba exalta vocem tuam, & annuntia populo meo scelera eorum, & domui Iacob peccata eorum. Proinde qui in Ecclesia declamant, apertè, perseueranter, audacter suo fungantur officio: Ita tamen malefacta omnium detestando, vt semper veniæ spem proponant poenitentibus. Quia Deus cl- *Iona. 4.* mens & misericors est, patiens & multæ miserationis, & ignoscens super malitiã,

I E R E M I A S immaturam ætatem excusans clamat: Domine Deus, ecce nescio loqui, quia puer ego sum. Noli, inquit Dominus, dicere, quia puer sum, quoniam ad omnia quæ mittam te ibis, & vniuersa quæcunque mandauero tibi, loqueris, Ne timeas à facie eorum, quia ego tecum sum, vt eruam te. Denique misit, inquit, Dominus manum suã, & tetigit os meum, & dixit: Ecce dedi verba mea in ore tuo, ecce constitui te hodie super gentes, & regna, vt euellas & destruas, & disperdas, & dissipes, & ædifices, & plantes. Si quis igitur ad prædicationis opus

198 DE OFFICIO DOCTORIS EVAN.
diuinitus eligitur, nulli rei diffidat, nihil trepidet, omnia
aderunt cui aderit Deus. Disce tamen, omne Doctoris stu-
dium eò spectare debere, vt euellat & destruat hominum
vitia, plantet autem & ædificet virtutes. *Ierem. 1.*

*Iezechiel Pro-
pheta.
Iezech. 2.*

I E Z E C H I E L etiam Dominus liberè vaticinādi præ-
stitit audaciam, dicens: Tu ergo, fili hominis, ne timeas
eos, neque sermones eorū metuas. Et rursum: Verba eorū
ne timeas, & vultus eorum ne formides. Ad hæc datur illi
pro cibo volumen intus & foris scriptum. Etenim prædi-
cator & exteriorem Scripturæ historiā, in exemplum audi-
torum, proferre debet, & interiorem mysticumq; sensum,
qui sub ea latet, cū res postulauerit, non tacere. Cuius
quidem disciplinæ scientiam si assecutus fuerit, & ipse di-
cere cum Iezechiele poterit: Comedi illud, & factum est
in ore meo sicut mel dulce. Vel cum Dauid: Quàm dulcia
faucibus meis eloquia tua? super mel ori meo.

Psal. 118.

*Daniel Pro-
pheta.
Daniel. 13.
Iohan. 3.*

A C nequando vel intempestiua ætas prædicandi mi-
nuat auctoritatem in eis qui diuinitus inspirātur, Danielis
adhuc infantis spiritum fuscitatum legimus, & puero iu-
dicante damnatos senes. Spiritus enim vbi vult spirat, cor-
daque hominum, non annos metitur, quibus lumen sa-
pientiæ suæ infundat. Et interdum quidem vt virtutem
suam ostendat, ex ore infantium & lactentium perfecit
laudem. *Dan 13.*

Psal. 8.

*Ionas Pro-
pheta.
Iona. 3.*

I O N A S ad Niniuitas prophetare iubetur, & fugit.
Quàm autem inconsideratè diuinæ reluctatus voluntati
sit, casus ostendit. Nauigat, tempestate concutitur, in mare
præcipitatur, à pisce deglutitur. Sed citò poenitens libera-
tur, moremque Domino gerens prædicat. Et Niniue quæ
mox subuertenda erat, auditis Prophetæ verbis, poeniten-
tiam egit, Deum placauit, seruata est. Quid hoc exemplo
discitur, nisi tam dignū diuinæ ultione Doctorem, qui dis-
simulat populi crimina cum ad prædicandum mittitur,
quàm populū qui ab his auerti negligit, cum redarguentē
audierit. Neque enim tantam calamitatem Niniuitæ tunc
effugissent, si Ionæ minas contempnissent. *Iona. 1.*

IOHAN-

IOHANNIS quoque Baptistæ vox clamantis in deserto, pulchrè nobis modum formamque prædicandi videtur exhibuisse. Vitia primùm omnium acriter increpanda, maximeque eorum quos in ijs obstinatior cernimus, docuit, Phariseis insultans, ac dicens: Genimina viperarum, quis demonstrabit vobis fugere à ventura ira? Remedium deinde ne desperent, continuò ingerendū ostendit, dum subiungēs ait: Facite ergo fructū dignum poenitentię. Postremò proponendū iustis præmium, impijs poenā, dicens: Congregabit triticum in horreum, paleas autē comburet igni inextinguibili. His etiam qui talia docent, neminem timendum declarauit, corripiendo Herodem regem, vincula, carcerē, necem perferre satius sibi existimans, quàm illicitū illius coniugiū adulatione obtegere, & præceptorum Dei immemorem se præbere. *Matth. 3. Lucæ 3.*

POST Iohannem autē cœpit prædicare, ipse olim prædicatus, semperque prædicandus, mundi Saluator ac Dominus. *Christus. Matth. 13.* Lex enim & Prophetæ usque ad Iohannē, exinde Euangelii Christi, & hætenus quidē terrenorum præmium bonorū, nunc iam coelestis regni æterna promittitur poenitentibus beatitudo. Poenitentiam, inquit, agite, appropinquabit enim regnum Dei. Nec certè prius Iesus prædicare cœpisse dicitur, quàm tentatus famem vicisset in deserto, avaritiā in monte, vanam gloriam in Templo. Qua in re ostendere voluit, qualem prius esse oporteat, qui diuini verbi passim disseminandi curam aggredi decernit. *Matth. 3.*

HINC iam reliquarū nationum saluti consulens, Discipulos affiscit sibi, vt habeat quos discedens, doctrinæ suæ per orbem propagandæ relinquat magistros, utque is qui docet, alijs etiam docendi disciplinā impendere discat. Circuit totam Galilæam, vt doctoribus post se futuris, vrbes, castella, vicos peragrandi sollicitudinem insinuet. Docet in Synagogis, vt illi ibi magis verba facere studeant, vbi pluribus prodesse possint. Prædicat Euangelium regni Dei, ne quid aliud in Ecclesia prædicandum inani iactatione præsumant. Cum Discipulos docet, ascendit in montem:

200 DE OFFICIO DOCTORIS EVAN.
cum turbas, descēdit in planum, vt meminerint, perfectio-
ribus, excellentiora vitæ præcepta dari oportere: imbecil-
lioribus leuiora; lac paruulis, solidum iam adultis cibum.

*Cum infideli-
bus cautè lo-
quendum.*

INFIDELIBVS verò his duntaxat, qui audire veri-
tatem concupierint, Religionis nostræ quæque creditu fa-
ciliora primùm insinuanda sunt, non statim Myſteria in-
gerenda: Ne sanctū detur canibus, & margaritæ mittatur
ante porcos, & conculcent eas pedibus, contemnentes
quicquid capere nō possunt. Audiuiſimus quendam Sacer-
dotalis ordinis virum, cū ipso præſente inter Mahome-
tanos quosdam de Deo mentio incidisset, & multa vltro
citroque iactata fuissent, tandem dixisse: Deum ipsum sepe
à se manibus contrectatum, sæpe ore hauſtum. Quod & si
verum dixerit, inconsultè tamē apud Sacramenti ignaros,
atque adeo incautè, vt illi non modò non crederent, sed
etiam ipsum quasi blasphemum vlcisci vellent. Denique
parum abſuit, quin eidem quod sequitur tunc cōtingeret,
& canes conuerſi dirumpant vos. Cuius quidem periculi
non ignarus Salomon: Qui custodit, inquit, os suum, cu-
stodit animam suam: qui autem inconsideratus est ad lo-
quendum, sentiet mala.

Nota.

Proverb. 13.

*Donum prædi-
candi.*

Matth. 9.

Luc. 10.

*Prædicatio
gratuita.*

PRÆDICANDI autem donum ne quis leue putaret,
non nisi precibus proponitur impetrandū. Rogate, inquit,
Dominum messis, vt mittat operarios in messē suam.
Cæterum ne quis lucri, & non tantum hominum causa
prædicationis opus sibi vendicet, ait: Gratis accepistis,
gratis date. At verò ne in quærendis vitæ necessarijs rebus
occupatus animus docendi studium remitteret: Dignus
est operarius, inquit, cibo suo. Vt scilicet quibus seminant
ſpiritualia, ab ijs sibi corporalia metant; non plura tamen,
quàm præſens neceſſitas popoſcerit, ne prædicationē, quæ
gratuita eſſe debet, venalem faciant.

*Apud quem
manere debeat
prædicator.*

PRÆCIPIT quoque Dominus ac monet, vt huiusce
professionis viri, ciuitatem ingreſſi, apud dignos maneāt,
ne scilicet integritati autoritatique eorum quicquam de-
roget turpis hospitij nota, & in ſuſpicionem incidant,
qua

qua linguam honestiorem, quàm vitam, habere existimentur. *Matth. 10.*

PRÆTEREA licet illi, qui in auditorio conueniunt, *Predicatoris nō deperit meritum propter obstinationem auditorum. In obstinatos.* parum aut nihil omnino profecerint: nō tamen ei qui docet, premium supprimitur laboris, dicente Domino: Si ibi fuerit filius pacis, requiescet super eum pax vestra: sin minus, ad vos reuertetur. Neq; enim inuitantiū gratia perire debet, si ad conuiuīū inuitati, venire fastidierint. *Lucæ. 10. Marc. 10.*

QVI autem vsque adeo inueterata animi peruiacia *Luc. 9, Matth. 10.* obdurant, vt pijs hortatibus mollescere prorsus nequeāt, eos Dominus anathemate videtur execrari, dicens: Quicumque non receperit vos; neque audierit sermones vestros, exeuntes foras de domo vel ciuitate, excutite puluerem de pedibus vestris. Minis quoque horrendis exterreret, subiungens: Amen dico vobis, tolerabilius erit terræ Sodomorum & Gomorrhæorū in die Iudicii, quàm illi ciuitati. Inexcusabilior procul dubio erit, quisquis prædicationes audiens, emendari, corrigique neglexerit, quàm qui omnino non audierit, casu aliquo impeditus. Seruus enim qui cognouit voluntatem domini sui & non fecit, plagis vapulabit multis. Qui autem non cognouit, & fecit digna plagis, vapulabit paucis, *Luc. 12.*

POSTREMÒ ipsos Doctores cautè incedere, ne dolis *Predicator sit prudēs & simplex. Matth. 10.* hæresum capiantur, simplicitatem custodire, ne ad hypocrisim malitiamque declinent, iubet, dicens: Estote prudentes sicut serpētes. Serpente enim minus prudēs Adam, à serpente deceptus est, Et simplices sicut columbæ. Ne scilicet sanctiores videri, quam esse, malint. Nam & Spiritui sancto ideo fortasse in columbæ specie interdum apparere libuit, vt ad imitandum auiculæ illius puritatem nos inuitaret. Profectò qui tales extiterint, non immeritò iam audire poterunt: Nolite cogitare quomomodo aut quid loquamini; dabitur enim vobis in illa hora quid loquimini. Non enim vos estis qui loquimini, sed Spiritus Patris vestri qui loquitur in vobis. Itaque nihil neque in præmeditando, neque in pronuntiando laborabūt, quibus

N 5

affatim

302 DE OFFICIO DOCTORIS EVAN.
affatim omnia, quoties vsus fuerit, diuina benignitas sup-
peditabit. *Matth. 10.*

*Apostoli.
Act. 2.*

DE Apostolis ita traditū est : Varijs linguis loqui cœ-
perunt, prout Spiritus sanctus dabat eloqui illis. Hoc ideo
sanè, quia diuersis gentibus fidei Christianę Mysteria prodi-
am vulgariq̃ue oportebat, & diu errantibus viam aperiri
salutis. Hinc tu quoq; si vnā alterāve ciuitatem ad Deū
sanctius atque syncrius colendum conuerteris, nondū te
existimes fecisse satis, donec datur facultas, etiam ad reli-
quos instruēdos proficisci. Pij sanè ac boni medici est, plu-
rimis curatis, alios insuper qui curatione indigent perqui-
rere, & opportuna omnibus remedia conferre. *Act. 2.*

Petrus Apost.

LEGIMVS Petro Ierosolymis primū verba ad po-
pulū faciente, die vno tria millia hominū baptizata fuisse,
indies quoque credentium creuisse numerum. Sed & alio
deinde die, quinque millia superioribus addita. Cū autē
Petrus gentiles quoque Dñi iugo subiiciendos, per visum
cognouisset, Cornelīū Centurionē, & qui cum illo domi-
erāt, credētes baptizauit. Qui ergo paulo antē vnā tantū
atq; altera prædicatione tam multos cōuerterat, idē etiam
paucos nō contempsit, ita vt neq; itineris laborē ab Ioppe
Cæsareā vsq; euocatus recusaret. Illi igitur qui in magna
etiā auditorum frequentia, nō suā gloriā, sed alienum
profectum quærunt, tunc quoq; cū rariores cōuenerint,
docere non erubescunt. *Act. 2. 4. & 10.*

*Paulus Apost.
& Barnabas.
Act. 13.*

PAVLVS segregatus in Euangelium Dei, cum collega
suo Barnaba, peragrant oppida Iudææ, in Synagogis præ-
dicantes. Inuidentibus verō Iudæis, & ad conuitia furenti
rabie prorumpentibus, dixerūt: Vobis oportebat primū
loqui verbum Dei, sed quoniā repellitis illud, & indignos
vos iudicatis æternæ vitæ, ecce conuertimur ad Gentes.
Relinquendi ergo sunt qui peruersa obstinatione durati, à
peccandi proposito diuelli nullo modo possunt: Ne dum
in sterili solo sementem iacimus, foecundæ interim glebæ
nullo subactę aratro, fructu vberiore fraudentur. In sum-
ma, quicumque Ecclesiam audire noluerit, sit tibi sicut
Ethni-

Ethnicus & Publicanus . Nemo saluatur inuitus . *Aët. 13.*

I D E M hi (vt Lucas inquit) prohibiti sunt à Spiritu- *Aët. 16.*
 sancto loqui Verbum in Asia. Quæ res documento est, nõ
 passim omnibus euāgelizare nos debere, & ijs præsertim,
 quos Euangeliũ ipsum contemptui habituros, non ambi-
 gimus . Ne & hi exinde grauioribus poenis obnoxij sint,
 & nos sanctũ dedisse canibus arguamur. Vnde & Salomon
 in Prouerb. ait: Qui erudit derisorẽ, ipse iniuriã sibi facit, *Prouer. 9.*
 & qui arguit impium, sibi maculam generat. Noli arguere
 derisorem, ne oderit te: argue sapientem, & diliget te.

R V R S V M illis libentissimè docendi operam debemus
 exhibere, à quibus vltro inuitamur. Iam enim se institu-
 tionibus nostris pro sua virili obsecuturos polliceri viden-
 tur, dum inuitant. Hinc est quod Paulus transire maturauit *Paulus Apost.*
 in Macedoniam, cum vir Macedo in visu apparens ei, sup-
 pliciter poposcit, vt eò veniens ipsos adiuuaret. Non petit
 auxilium, qui non agnoscit periculum. Quis autem petit,
 nisi is qui periculo liberari cupit? *Aët. 16.*

M V L T I S tandem vrbibus regionibusque docendo *Idem.*
 peragratis, Paulus contulit se Athenas, disseruitque cum *Aët. 17.*
 Epicuræis & Stoicis, palam ostendens, quantò præstaret
 eorum Philosophiæ disciplina Christi. Quanta autem vel
 argumetorum vi disputarit, vel miraculorum operatione
 illa quæ dixerat approbarit, Dionysius Areopagita indicio
 est, factus Apostoli discipulus, qui magister fuerat Philo-
 sophorum. *Aët. 17.*

R E L I C T I S Athenis venit Corinthũ, & Aquilæ Priscil- *Idem.*
 læq; hospitio vsus, artẽ schoenofactoriã cum illis factitasse *Aët. 18.*
 dicitur: Sabbatis verò in Synagoga disputationes exer-
 cuisse. Hinc ipsemet quidem ad Corin. scribens: Labora- *1. Cor. 4.*
 mus, inquit, operantes manibus nostris. Et ad Thessal. Nõ *1. Thess. 3.*
 inquieti fuimus inter vos, neque gratis panem manduca-
 uimus ab aliquo, sed in labore & fatione nocte & die
 operantes, ne quem vestrũ grauaremus, non quasi non
 habuerimus potestatem, sed vt nosmetipsos formã daremus
 vobis ad imitandum nos. Nã cum essemus apud vos, hoc
 denun-

304 DE OFFICIO DOCTORIS EVAN.
denuntiabamus vobis, quoniam si quis non vult operari,
nec manducet. Nemo igitur Euangelio seruiens, assidue
sibi de Euangelio viuendum putet: Et quod prædicationi
superest temporis, otio conterat. Ne & petendis eleemo-
synis crebrius insitens, non petere, sed exigere videatur,
& corporis quieti indulgens, ad socordiam paulatim de-
uolutus, à labore quoque spiritualium actionum animo
obtorpescat. *Act. 18.*

Apostoli.

PETRVS & Paulus postremò Romæ ad Martyrium
vsque prædicando perseuerarunt. Reliqui etiam Apostoli
dimissa Iudæa, in diuersas prouincias Idolorum cultores
ad Religionem Christi conuersuri dispergantur. Andreas
Achaïam, Philippus Scythiam, Bartholomæus Lycaoniâ,
Iacobus Zebedæi Hispaniam, Iohânes Ephesum, Thomas
Parthiam, Hyrcaniamque & Indiam, Matthæus Macedo-
niam & Æthiopiam, Iacobus Alphæi Ierosolymam, Iudas
Thaddæus Mediam, Mesopotamiam, Pontum, & cum Si-
mone fratre Perfidem, in sortem prædicationis accepere:
nulli labori parcentes, nullum vitæ discrimen deuitantes,
dum communi omnium salutis consultum volunt. Neque
Tyrannorum minis, neque supplicijs deterri sunt, ne
Christi nomê vbique circumferrent. Sic in omnem terram
exiuit sonus eorum, & in fines orbis terræ verba eorum,
Sic habitantibus in regione vmbre mortis lux orta est
eis. Meritò igitur illi sedebunt super Thronos cum Chri-
sto iudicantes, qui nunquam conquierunt Christum an-
nuntiantes. *In Actis Apost.*

Psalm. 28.

*Ambrosius
Episcopus.*

INTER Apostolicos autê viros Ambrosius Episcopus
eruditione, ingenio, ac diligetia Dei verbû prædicâdo ita
præstitit, vt facillè persuasum sit, non commentum fuisse,
quod de illo quondam iactatum cõstat, ob os scilicet eius
in cunis iacentis volitalse apum examen, stridulo tinnitu
eloquij futuri suauitatem portendens. Hic Aurelium Au-
gustinum Manichæa hæresi tabescentem, suis prædicatio-
nibus purgauit, sanumque reddidit. Qui iam Catholicæ
fidei disciplinis eruditus, omnium tandem hæreticorum
dogma-

*August. Con-
fess. li. 5. c. 14.*

dogmata certissimis destruxit argumentis, nostraque confirmavit, obscura quæque in Scripturis declarauit, & ab ijs quæ dubia erant ambiguitatem sustulit. Religiosis viuendi præcepta dedit, nemo in differendo acutius vidit, nemo melius explicauit. Quid multa? vnum tunc hominē conuertit Ambrosius, sed in vno homine totū penè terrarum orbē doctrinæ illius radijs illustrandū recepit. Qui enim docti fuerint, fulgebunt quasi splendor firmamenti, & qui ad iustitiā erudiunt multos, quasi stellæ in perpetuas æternitates. *Paulinus, Isidor. & alij. Sur. Tom. 6.*

Daniel. 12.

ABBATEM Antonium aliquando ad hæreticos conuincendos, relicta solitudine, Alexandriam venisse legimus. Intermisit ergo eremi quietem, dum ad bellum egreditur, contra illos pugnaturus, à quibus Catholicæ fidei murus quatiebatur. Accesserunt quidam Philosophi quasi rusticano homini & literaturæ ignaro illufuri. Verum vbi loquentem audissent, demirati verborum vim, sententiarumque grauitatem, veritati ab eo prædicatæ adhæserunt, & cuius corporis habitum pauloantè subsannauerant, scientiam amplexi sunt Christo credentes. Nesciebāt utiq; sub terra latere aurum, & interdū sub vili panno habitare sapientiam. *Athanas. in vita Antonij.*

Anton. Abbas.

REGVLVS Episcopus Iohannis Apostoli discipulus, in Gallia coelestis frumenti granū oppidatim disseminat, & plurimis baptizatis fructum vberimum in horreis Ecclesiæ recondendum cogit. Cæterum cum apud quendam vicum in magna virorum ac mulierum celebritate suggestum concionaturus ascendisset, ranarum è proximo lacu coaxantium strepitu præpediebatur, ne commodè audiri posset. Igitur vt fileret imperauit, atque ex illo etiamnum lacum illum ranis quidem refertum, sed nullam earum vocalem esse asseuerant. Quid mirū, si homines eius doctrinā secuti sint, cuius iussis irrationale animal obediuit? Ranæ obmutuerūt, & homines cōfiteri Christū coeperūt.

Regul. Episc.

PATRITIVS Episcopus in partibus Prouinciæ Scotiz, Christi fidem euangelizasse primus dicitur. Qui cum per Hi-

Patric. Episc.

206 DE OFFICIO DOCTORIS EVAN.
 per Hiberniam iter faceret, & se prædicationibus nihil
 proficere videret, Deum precatus est, vti ostēto aliquo ho-
 minum illorum duritiē cōmolliret, quo ab erroribus iam
 tandem resipiscerent, & ad Religionem veram conuertere-
 rentur. Diuinitus admonitus, humi circulum designauit,
 atq; inibi terra penitus subsidente, hiatus ingens apparuit,
 magnumq; omnibus incussit terrorem, ne in profundum
 acti poenas iam incredulitatis darent. Hunc hiatus adhuc
 extare ferunt, & occulto quodā sinuosoq; meatu ad nescio
 quæ Purgatorij loca deducere. Id vtrū verū sit, scire nihi-
 l nostra refert. Credimus enim Purgatorium animarum ali-
 cubi esse, etiamsi ibi non sit, magisq; illud nunc conside-
 rare expedit, quāta hic Sanctus humanæ salutis cupiditate
 flagrabat, cui non satis fuit verbis docuisse, nisi etiā mi-
 raculorum terrificationibus, quod docuerat, credere co-
 geret vel inuitos. *Bedæ Tom. 3. Sur. Tom. 2.*

*Specus S. Pa-
 triciij.*

*Disū sapien-
 ter.*

*Aldebertus
 Episcopus.*

ALDEBERTVS verò Pragæ Episcopus, cū effrenem &
 indomitā plebem nullis prædicationū sollicitationibus ad-
 modestius viuendi rationē redigere potuisset, Episcopatū
 reliquit, & Summi Pontificis permissu ad Cœnobiū Cas-
 sini montis perueniēs, Monachū se fecit. Pertimuit eo fun-
 gi officio, postquā sibi cōmissos meliores efficere nequiuisset,
 ne quēsisse videretur quæ sua sunt, nō quæ Iesu Christi,
 idest, suū honorē, nō aliorū profectū. *Crom. l. 3. Sur. Tom. 2.*

*In Episcopos
 prædicationis
 officiū exerce-
 re nolentes.*

COGITENT nunc quā recte agant, qui sibi credi-
 tum gregem pabulo prædicationis pascere negligunt, &
 se pastores profitentur: si is, qui quotidianis exercitatio-
 nibus sese fatigabat, non solum parere nolentes dimisit,
 sed etiam dignitati renuntiandum censuit. Quod si is, qui
 tanta animi sollicitudine vocisq; contentione in monendo
 vsus fuerat, ob incorrigibilem tamē plebis peruersitatem
 locum tenere Pontificis dubitavit: quantō magis timere
 debet lucerna sub modio posita, sal fatuum, canis mutus
 non valens latrare? cui Dominus per Prophetam commi-
 natur, dicens: Speculatorem te dedi domui Israël: Si di-
 cente me ad impium, morte morieris, non annuntiaueris
 ei, ne-

*Iezech. 3.
 Iezech. 33.*

ei, neque locutus fuëris, vt auertatur à via sua impia & viuat: ipse impius in iniquitate sua morietur, sanguinem autem eius de manu tua requiram. Ob hoc quidem & Propheta contremuit, dicens: Væ mihi quia tacui. Et Apostolus: Væ mihi est, inquit, si non euangelizauero.

Isai. 6.

1 Cor. 9.

Iuuenalis

Episcopus.

IUVENALIS natione Apher, arte Medicus, ordine Presbyter, cum à Pontifice Romano, vt Narniensi infideli populo Christum euangelizaret, ius potestatemque sibi concedi petisset, Episcopus eorum constitutus, illò se contulit. Multisq; ibi Catholica credulitate prædicando cõfirmatis, quendam de obstinatorum numero, cui præter ceteros error veritate charior erat, sibi insensissimum habuit. Qui comprehensum (postquam vt carnem idolo immolatam gustaret, cogere verbis non potuisset) viribus aggreditur. Cultellum ori admouet, stricthoq; dentium dirimere ordines molitur, viam facturum cibo intra fauces respicientis indendo. At multò secus quàm cogitarat euenit. Repente enim quadam lymphatæ mentis insania correptus, cuspide in se versa, ipse sibi rugulû ferit, & ad pedes eius quem inuaserat, exanimis corruit. Sic tutatus est Dominus pij Doctoris disertum guttur, vt hic, qui illud per vim polluere attentauerat, suum cõfoderet, & sua sibimet manu morté cõfisceret. Eo cadente, reliqui omnes, qui in pari infidelitate diu iacuerat, per fidem sese erexere Christi, & vnus increduli poena, multis credendi causam præbuit. *Greg. Hom. 37. Euang.*

SERVATIUM Traiectensem Episcopum hac Spiritus sancti gratia dotatum fuisse ferunt, vt prædicantem audientes alienigenæ, diuersæq; nationes, vnaquæque sua lingua locutum putarent, nihil non intelligentes, quod ab illo esset prolatum. Adhæc tot miraculis claruisse dicitur, ita purè sancteq; vixisse, vt prædicatione, virtute, moribus ad perfectionem Apostolorum proximè accessisse videatur. Igitur vitæ sanctimonia præstet oportet, qui præstare cupit prædicandi doctrina, operationeque signorum. *Greg. Turon. lib. 2. c. 5. & alij. Sur. Tom. 3.*

Servatius

Episcopus.

IVONI

Iſo Presbyt.

I V O N I Presbytero ad prædicandū eunti fluuius non modico incremento ponti ſupereffuſus viam incluſerat, mox in ſeſe collectus ac ſubſidens, velut veritus tam ſalubrem operam remorari, tranſitum præbuit, ruruſq; pontem operuit aquis. Huic ſimili miraculo olim Leuitis arcæ ferentibus Iordanis ad fontem reuerſus aridum ceſſit iter, ſed qui illos ſecuti ſunt, in terrâ promiſſionis peruenerūt, qui verò Iuonem, in cœlum aſcenderūt: alterum Legi, alterum Euangelio datum. *Sur. Tom. 3.*

Eadmundus
Episcopus.

E A D M V N D V S Cantuarienſis Archiepiſcopus, cū in Gallia apud Vigorniam urbem ſub diuo prædicaret, & populus imminentem ſupra ſe atræ nubis contractionem cernens, pluuiam timeret, dilabiq; ſub teſta pararet: ne dubitarent præcepit, & imbri ne verbum Domini impediret, iuſſit. Magna vis aquarū circa eos, qui ad audiendum conuenerant, in terram deſluxit, nullum tamen ex tanto hominum numero attigit. Et pauor pariter ac pudor omnes cepit, nolle illius præceptis obedire, cui inſenſibile elementum paruiffet. Itaque nō ſine melioris vitæ propoſito, finita prædicatione abierunt multi, dum commiſſa deſerent, lachrymis madidi, pluuiæ nemo. *Osbertus, Abbo Floriaenſ. & alij. Sur. Tom. 6.*

Dominicus.

D O M I N I C V M Ordinis Prædicatorum futurum Inſtitutorem, præſagijs quibuſdam antè monſtratum fuit. Mater eo foecunda catellum ſe peperiffe ſomniauit, qui faculam mordicus arreptam præferens, mundum incendere videbatur. Eodem iam nato, cuidam nō ignobili matronæ viſum eſt, ſtellâ fronti eius inſediſſe, cuius fulgore perinde ac ſolaribus radijs totus terrarum orbis luceſcebat. Breui ergo effectum eſt, vt ab eo plurima euangelizantiū turba per omnes ferè prouincias nationeſq; diffunderetur, paſſimq; diſcurreret. Sic ille ardentis prædicationis facibus mundum ſuccendit, ſic doctrinæ ſpiritualis luce illuſtrauit. *Conſtant. Vrbeuet. Ioan. Gurz o. & alij. Sur. Tom. 4.*

Vincentius.

E I V S itaque collegij vir nominatiſſimus Vincentiūſ tantum prædicatione valuit, vt in Hiſpania quinque milia Iudæo-

Iudæorum ad Christum dicatur conuertisse, in Mauritania octo millia Saracenorum, in vrbe quoque Granata docuit infideles, donec à rege eiectus ad suos redijt inuitus. Italiâ etiam Galliamque prædicando peragravit, nec labore victus, nec periculo deterritus, dum ad æternæ salutis beatitudinem adipiscendam omnes inuitat; illud in Psalmo *Psalm. 50.* Prophetæ promissum implens: Docebo iniquos vias tuas, & impij ad te conuertentur. *Pet. Raus. & alij. Sar. Tom. 2.*

MINORVM verò Pater Franciscus, etiam illud excutit videtur: Ite in mundum vniuersum, & prædicate *Franciscus. Matth. 28.* Euangelium omni creaturæ. Sic enim hominibus prædicauit, vt mundum repleret Monasterijs: sic auibus, vt ad audiendum dociles, intentæque silentium tenerent, ac se manu ab eo contrectari non formidarent. Illos vt piè religioseque viuerent, hortatus est: has tantum vt Creatorem suum laudarent, cuius beneficio pennas haberent ad volatum, vocem ad cantum, fructus terræ absque omni vel ferendi vel metendi labore ad alimentum vitæque sustentationem. Quo hunc amoris studio eos, quos ad fruendam beatitudinem genitos nouerat, docuisse dixerim, si etiam irrationabilia, quantum illis conueniret, monere non neglexit? *Bonauent. c. 12.º*

IDEM apud castellum Gallinarium prædicans, hirundinibus multiplici garritu obstrepētibus silentium imperauit, nullaque deinde, quamdiu ipse verba fecit, ne minimum quidem sonum aut susurrum edidit. Et quisquā tam impudens est, vt dubitet, Spiritum sanctum per os eius locutum, cum etiam bestię interdum, præter naturæ suæ vsum, quod locutus est intellexerint, & quod iusserit, obediendo peregerint? *Idem. c. 8.*

ANTONIUS Hispanus huius Ordinis vir sanctitate percelebris, cum apud Forum-Iulij moram traheret, prædicare verbū Dei iussus, imperitiam excusabat, nunquam antea eiusmodi declamationibus vsus. Veruntamen iussioni Maiorum obtemperans, talem fecit sermonem, qualis exercitatisimo tribui potuisset. Exinde prædicationibus *Antonius Abb. 44.*

Q

operam

operam dare coepit. Cumque aliquando de Cruce Domini nostri Iesu Christi verba faceret, Patrem Franciscum, qui viuis adhuc alia in Prouincia longè sepositus degebat, propè aitare in aëre vidit, nutu confirmantem omnia quæ ab ipso dicebantur. Ad tam sublime euāgelizandi munus non nisi per humilioris gradum ascendit, hoc est, dum se eo indignū reputat, & tamen quod iubebatur, obediendo experiri non recusat, sed & tunc confitens ac dicens: Doctrina mea nō est mea, sed eius qui misit me. *Ibidē cap. 4.*

Iohan. 7.

Bern. Abbas.

DE Bernardo Clareuallensi Abbate traditum est, quod mater eum editura, antè in quiete vidit se catellū in vtero latrantem habere. Id interpretatum est, eam diuini verbi præconem egregiū pariturā. Quam sanè interpretationē minimè falsam fuisse, euentus docuit. Quanti enim hic Sāctus in dicendo ingenij industrizq; fuerit, quantæ in exhortādo virtutis, ipsa scripta eius quæ in manibus habētur, indicio sunt, quæ quoties legimus, toties dicere occurrit: Argentū electū lingua iusti. *In vita Bernardi. Sur. Tom. 4.*

Prouerb. 10.

Idem.

HIC cū aliquando inter predicandū sibi ipsi placere coepisset, ad inanem gloriam occulta suggestionē illici se animaduertēs, aduersus dæmonem protinus inclamauit: Neq; per te, maligne spiritus, prædicationē hāc inchoauī, neque per te finiani. Hoc repetens & arrogantiam cauit, & conseruauit humilitatem. Ex quo satis patet, quantum illi reprehendendi sint, qui suis prædicationibus inanem tantū laudationis humanæ fucum captant, seque doctos dici malunt, quā docere: quandoquidem disciplinis non ita necessarijs occupantur, dum docent, dilatantes phylacteria sua, & magnificātes fimbrias, ita sanè, vt qui audiūt mirentur magis, quā discant. *Ibidem.*

Matth. 23.

Stēphanus

Anachoreta.

ISTOS & Stephani Anachoretæ arguit exemplū. Qui cū aliquando illiteratus ac rudis haberetur, tantum in Mareotidis eremo manens profecerat, vt neminē ad eum, discendi aliquid gratia, accessisse ferant, quin idem discens, se satis edoctum diceret. Mira illi Scripturarū intelligentia inerat, Deo ijs præcipuē Mysteriorū suorū abdita re-

ferāte,

stetate, qui nō tā se multa scire, quā alios docere, vt salui
siant, charitatis studio exardescunt. *Hist. Trip. lib. 8. c. 1.*

EQVITIVS apud Valeriam urbem Abbas, postquam *Equit. Abbas.*
scilicet sibi quandam linguæ rubiginē ab Angelo leuari
vidit, ab eodem iussus est ad prædicandum egredi. Diuersa
igitur peragrauit loca, passim Euangelium prædicans, ac se
sacrisque codicibus iumento impositis iter faciens. Accu-
satus autē, quod nulla Apostolicæ Sedis autoritate prædi-
cationis officiū exerceret, Romā citatur. Et dum eò profi-
cisci pararet, interim Pontifex per somnium exterritus,
rursus illi ne venire fatigaretur, per nuntios iussit, simulq;
opus quod coeperat, facere pergeret, quādoquidem id fa-
ciendi facultatē non ab hominibus, sed à Deo accepisset.
Spiritalis enim (vt Apostolus inquit) omnia iudicat, ipse à
nemine iudicatur. *Greg. Dialog. lib. 1. c. 4.* *1. Cor. 2.*

Hoc docendi genus Apostoli sententia interdictum *Femine.*
foeminis est. Mulieres, inquit, in Ecclesijs taceāt. Nō enim *1. Cor. 14.*
permittitur eis loqui, sed subditas esse, sicut & Lex dicit: *Maria Magda-*
Si quid autē volunt discere, domi viros suos interrogent. *lena, & Mar-*
Turpe est enim mulieri loqui in Ecclesia. Mariæ tamē Ma- *tha soror.*
gdalenæ prædicatione Massilia Euangeliū recepit Christi,
& Marthæ sororis eius Rhodani accolē. Decuit solas Apo-
stolatus fungi officio, vt, quæ cum Christo & viuentē &
resurgente conuersatæ fuerant, quicquid de illo vel oculis
cōspexissent, vel ab illo auribus excepissent, fide certiore *Altor. 4.*
testarentur. Siquidē & ijs iure suo dicere licebat: Nō pos-
sumus, quæ vidimus, & audiuius, nō loqui. *Sur. Tom. 4.*

QVALI verò diligentia, quantoq; studio in docendo *Prædicator so-*
vt debeat Catholicæ professor disciplinæ, Paulus Aposto- *licitus.*
lus ostendit, dum Timothæum hortatur, dicens: Prædica *2. Tim. 4.*
verbum, instā, opportunē, importunē, argue, obsecra, in- *Prædicator*
crepa, in omni patientia & doctrina. Eundem quoque in *cautus.*
loquendo cautum circumspectumq; esse oportere, mōstra- *2. Tim. 1. & 2.*
uit, cum ait: Formam habere sanorum verborum, quæ à me
audisti, in fide & dilectione in Christo Iesu. Et paulopost:
Noli, inquit, cōtēdere verbis. Ad nihil enim vtile est, nisi ad

22 DE OFFICIO DOCTORIS EVAN.

subuersionem audientium. Sollicitè autem cura teipsum probabilem exhibere Deo, operariū inconfusibilem, rectè tractantem verbum veritatis, prophana autem & inaniloquia deuota. Multū enim proficiunt ad impietate, & sermonum vt cancer serpit. Et iterum ait: Stultas & sine disciplina quæstiones deuota, sciens quia generant lites. Ad Titum etiam: Loquere, inquit, quæ decent sanam doctrinam. Sic & Dominus noster Iesus Discipulis suis, vt Euangelium regni Dei prædicarent mandauit, non inanes Poetarum fabellas, non rerum nihil ad institutionem vitæ pertinentium inutiles vestigationes, non captiosa sophismatum argumenta, quibus occupatus animus confunditur magis, quam eruditur.

Titum 2.

1. Tim. 3.

Qualiter corripiendi peccatores.

Galat. 6.

P R A E T E R E A modum modestiamque in corripiendo seruandam idem præcipit, dicens: Senioreni ne increpaueris, sed obsecra vt patrem, iuuenes vt fratres, anus vt matres, iuuenulas vt sorores, in omni castitate. Sic & Galatas admonet, cum ait: Si præoccupatus fuerit homo in aliquo delicto, vos qui spirituales estis, huiusmodi instruite in spiritu lenitatis, considerans teipsum, ne & tu tenteris. Illos tamen qui plus nimio duri videntur, & delinquendi assuetudine iam occaluerunt, acrius increpandos esse, cum Iohannis Baptistæ, tum Saluatoris nostri exemplo edocemur. Dum enim Phariseos palam arguerent, alter illos viperarum progeniem appellauit, alter hypocritas generationemque peruersam & adulteram dixit. Et cum in flagitijs obstinatiores esse vidisset, diaboli, non Abrahæ filios nuncupauit. Ferrum enim ferreis malleis procuditur, cera autem (quoniam tenellæ naturæ sit) manibus formatur. Hinc Paulus Corinthios per Epistolam interrogas: Quid, inquit, vultis, in virga veniam ad vos, an in charitate & spiritu mansuetudinis? Denotare vtique volens, quod si adhuc in errore perseuerarent, quo subuersos fuisse rescierat, virga iam, non mansuetudine, opus esse in castigando.

Matth. 3.

Ibid. 12. & 16.

1. Cor. 4.

Galat. 1.

D O C T O R E M enim procul ab omni assentatione esse decet, quod idem significauit, cum de se diceret: Si hominibus

nibus placerem, Christi seruus non essem. Alibi quoque ait: Ita loquimur, non quasi hominibus placētes, sed Deo, qui probat corda nostra. Neque enim aliquando fuimus in sermone adulationis, sicut scitis, Deus testis est: nec quærentes ab hominibus gloriam, neque à vobis, neq; ab alijs. Quæ in re non est prætermittenda Salomonis sententia, dicentis: Qui dicunt impio, iustus es, maledicent ei populi, & detestabuntur eos Tribus. Qui arguunt eum, laudabuntur, & super eos veniet benedictio. Et iterum: Homo, inquit, qui blandis fictisque sermonibus loquitur amico suo, rete expandit gressibus eius. Adulator enim nō euerget malos, dum palpat, sed licentiores efficit. Hoc vitio facile carebit, qui omnibus rebus antetulit veritatem, & cum Psalmista dicere poterit: Loquebar de testimonijs tuis in conspectu Regum, & non confundebar. Sic etiam Elias Propheta Achab regi irato ac dicenti: Tu nē es ille, qui conturbas Israël? audacter respondit: Non ego turbaui Israël, sed tu & domus patris tui, qui reliquistis mandata Domini, & secuti estis Baalim. Idem quoque Ochoziam regem, qui ipsum comprehendere quæsierat, ultro adijt, & eo morbo quo affectus iacebat, eò quòd de recuperanda valetudine Deum Accaron consultum miserat, perituum prædixit. Azarias etiam Sacerdos Ozia regi super altare Thymiamatis incensum adolenti, reclamauit restititque intrepidè, & quasi sacrilegio pollutum eiicere de Templo Domini nō dubitauit. Tam ergo hi sanctissimi viri ab omni simulatione, dissimulationeque alieni fuerunt, quam reges illi ab æquo honestoque. Quorum quidè potentiam, dum quicquam accusandi esse viderentur, haud formidabant. Perinde ac si & ipsi cum Apostolis audissent: Nolite timere eos qui occidunt corpus, animam autem non possunt occidere.

Quantum porro expediat mortalibus, eam super sunt illis boni doctique Prædicatores, quantumue obest cum defunt, Niniue seruata, Sodomæ & Gomorrhæ euerse docent. Illa Iona prophetante pœnitentiam egit, hæc absq;

Doctore in omne scelus præcipientes iere, Deoque vlciscete ad internecionem redactæ sunt, implètes illud Salomonis oraculum: Cum Propheta defecerit, dissipabitur populus. Et vt ad nostra veniam: Petro prædicante cecidit Spiritus sanctus super omnes qui audiebât verbum. Paulo autem absente, & inter Corinthios, quos ad Christum conuerterat, schisma oritur, & Galatz a Pseudoapostolis tentantur. Huc accedit, quod qui prædicatores acceperint, Christum accepisse, & qui eiecerint, eiecisse probatur. Et quid hac re peius, quid illa melius?

*Non omnibus
prædicandi
officiū cōuenit
Prouer. 24.
Iacob. 5.*

Sed & illud obiter animaduertendum, non omnibus prædicandi officium conuenire, Diu discite quod doceas, cum à Salomone præceptum sit: Præpara foris opus tuum, & diligenter exerce agrum tuum, & postea ædifices domum tuam: Et Iacobus Apostolus non inconsultè moneat, dicens: Nolite plures magistri fieri, fratres mei, sciètes quoniam maius iudicium sumitis. In multis enim offendimus omnes. Si quis in verbo non offendit, hic perfectus est vir. Docti igitur in populo docebunt plurimos, vt in Daniele legimus. Et vt in Euangelio: Scriba doctus in regno coelorum profert de thesauro suo noua & vetera. Quamobrem ad Apostolos quoque dicitur: Sedete in ciuitate quoad vsque induamini virtute ex alto: Ne quis diuinæ ac celestis prædicationis onus assumere sibi ausit, donec vires roburque conceperit, ad sustinendum illud, Spiritus sancti ope atque dono, & sacrarum cognitione Scripturarum. Tum demum præparato domi cōuiuio, in publicum prodeat, & ad exitum viarum confidenter procedat, multos inuitet, laxet retia in capturam, seminet semen suum, & veræ Catholicæq; scientiæ sale omnia condiat. Sed tamen calceamēta habeat in pedibus, ne terram attingat, vt tota eius cōuersatio in coelis sit. Quod alijs præcipit, prius ipse præstet: quia qui fecerit & docuerit sic, hic magnus vocabitur in regno coelorum, Qui verò aliter prædicant, ac viuunt, & ab eo quod ore præcipiunt factis atque animo dissident, ijs dicitur: Væ vobis Legis peritis, qui operatis homi-

Daniel. 12.

Matth. 13.

Matth. 5.

Luce 11.

homines oneribus, quæ portare non possunt, & ipsi vno digito vestro non tangitis sarcinas. Tales quidem erant indigni, qui legem Dei prædicent, habentur, dicente Propheta: Peccatori dixit Deus, quare tu enarras iniquitates meas, & assumis testamentum meum per os tuum? quasi diceret: Nolo te quisquam audiat, quamvis bene prædicantem, ne fortè sequatur malè viuens. Sin verò aliqui ex eo tantum quod peritia ingenioq; nõ nihil polleant, prædicare aliquando arroganter præsumpserint, viam veritatis docentes: tunc ijs qui audiunt salubriter profectò consulitur, vt magis disciplinæ eorum, quàm vitæ rationem habeant, dicente Domino: Quæ dicunt facite, secundum autem opera illorũ nolite facere, dicunt enim & non faciunt. Nemo autem efficacius ad bene beateq; viuendũ instruit, quàm cuius facta dictaq; consentiunt, cuius non minus vita, quàm os prædicat. Et hic quidem est qui magnus vocabitur in regno celorũ. Hic, inquam, est qui mercedem accipit, & congregat fructum in vitam æternam, vt qui seminat simul gaudeat & qui metit: Quod si beatus est qui iuste pieq; vixerit, quantò beatior qui simul & docet & vult vt non sibi soli, verum etiam alijs saluti sit.

Psalm. 49.

Matth. 23.

Iohan. 4.

De Sacerdotibus honorandis.

Caput V.

QUæ ad Euangelicæ institutionis Doctore spectarent, hæcenus diximus: nunc quantum honoris Sacerdotali dignitati deferri debeat, explicemus.

P R I M U S in Scripturis diuinis Melchisedec Sacerdos memoratur, qui panem & vinum obtulerit Deo, & cui Abraam Patriarcha decimas dederit, quiq; etiam rex Salem extiterit. Sed dum Rex tantum erat, non illi licuit Sacrificium ministrare, nõ decimas exigere. Sacerdos etiam factus est, vt potestate præcederet reges, & sanctitate Deo proximior fieret. Genes. 24.

Melchisedec
Genes. 24.

Aaron.

Ad hęc si quis vestes & ornamenta Aaron Pontificis & filiorum eius Sacerdotum in Exodo cōsideret, inueniet in eis creaturarum omnium typum, & hoc quidē quātum ad allegoriam pertinet. Quantum verò ad tropologicum sensum, virtutum cunctarum imaginem. Et si anagogen contemplari voluerit, figuram Christi. In fronte nomen Dei ineffabile sculptum in auro rutilat, quia caput Christi Deus est, & caput Ecclesię Christus. Oleo sanctificationis consecrantur, vt eundem significant, de quo & prædictum est: Vnixit te Deus Deus tuus oleo lætitię prę confortibus tuis. Et si tanta Pontifici ac Sacerdotibus Dei tribuuntur, vt mundum totum, virtutesq; omnes contineant, & simul mundi virtutumq; Dominum nobis exhibeant: quis non eos ante cunctos mortales qui in terra sunt, ponendos arbitrentur? quis vel sola officij autoritate non omnibus magis reuerendos existimet? Soli Pontifici Sancta sanctorum ingredi licet, solis Sacerdotalibus in altari Deo ministrare, solis panes propositiones sumere, & pro populo supplicare: Cedat omnis terrēna potestas: nihil in Sacerdotis potestate cōspicimus, quod non cœlo dignū sit. *Exod. 28. 6.*

*sacerdotes
Nobe.*

HINC sanē est, quod emissarij Saulis regis iussi interimere Sacerdotes Nobe, eò quod David (quem ipse rex persequēbatur) suscepissent, nō sint ausi manū eis inferre. Aderat rex, in facinus vrgebat, cunctantibus iratus minabatur. At illi immoti fixique stetere: adeo ipsimet occidi, si fors ita ferret, quā occidere Dei ministros malebant. Serui denique morte contempta, prætulērunt furenti Domini iussioni reuerentiam Sacerdotū. Doeg verò Idumæus, cui nulla religio, nullus Dei metuserat, nec Sacerdotum quidē eius: cruore manus suas foedare timuit, nec distulit pios coram impio rege iugulare, vt illi morem gereret. Doeg interpretatur mortuus, ne nescias, morte æterna damnandum esse, quisquis tam excellentis Ordinis viris iniuriam irrogare non perhorret. Ac ne tam immane flagitium vel Sauli, vel ipsi Doeg impunē cessisse existimes, ambo simul cum in Gelboe Philistinios fugerent, iusto

1. Reg 31.

Dei

Dei iudicio proprijs mucronibus incubuerunt, semet interficientes, qui Sacerdotes interfecerant. 1. Reg. 22. et 31.

SED si tanta estimationis fuit Sacerdotium Legis: *Sacerdotium nouæ Legis.* quantò maiori esse debet Sacerdotium Euangelij, quod non iam pecudum neque vitulorum, sed Christi Sanguine consecratum est?

ANACLETI Pontificis epistolam extare ferunt, qua *Anacletus Pontifex.* præcipitur, summum ac præcipuum honorem Presbyteris à fidelibus deferendum. Non solum igitur Presbyterum offendit, qui dignè non honorat: sed etiam Pontificis edictum negligit atque contemnit: & cum gemini criminis reus existat, alteras irreuerentiæ, alteras inobedienciæ poenas dabit, si modò poenitentiam non egerit, & correctus tantò deinde Ministros Dei coluerit submissius, quantò erga eosdem insolentius se gesserat peruersus. *Com. 2. Matifcon. Can. 15.*

A Constantino quoque Imperatore Legem edita tradunt, qua decernat, plus honoris deberi homini in Sacerdotali dignitate constituto, quàm ulli alij vel Domino, vel Regi: certum enim esse, in illis honorari Christum, qui vicem Christi in terra gererent: non in illis, qui imperarent terræ. Solis autem Apostolis, quorum locum Sacerdotes tenet, à Dño dictum esse: Qui vos recipit, me recipit & qui me recipit, recipit eum qui me misit. *Gratian. Distinct. 9. Matth. 10.*

IVRE igitur Martinus Turonensis Episcopus à Valentiniano Imperatore inuitatus, cum multis Principibus varijs vna recumbentibus primus poculum accepisset, in quo circumferendo (sicuti tunc mos erat) honoris ratio ducebatur: eo gustato, Presbytero suo post se hauriendum porrexerat, neminè ex omni illo conuiuarij numero digniorem decernens, cui secundum honoris locum daret, ne ipsum quidè Valentinianus Augustus. *Seuer. Sulpit. Sur. Tom. 6. Martinus Episcopus.*

IDEM Valentinianus, cum aliquando adeunti se Martino non assurrexisset, atque etiam rem quandam petenti, subitatus repulsam daret: statim flamma à solo sursum versus emicæte, assurrexit inuitus, & miraculo perterritus

28 DE SACERDOTIBVS HONORAN.

petita cōcessit, multoq; deinde honore afficere Episcopos pariter & Presbyteros coepit : Liquidò iam perspicuus, terrenam dignitatem diuinæ cedere debere, & Sacerdotio præditos æquū esse etiā ab Imperatoribus honorari. *Ibid.*

*Ambrosius
Episcopus.*

PROPTEREA quidē & Theodosius Augustus, quoniam iratus in Thessalonicenses suprā quā quod iustum æquūque esset, animaduerti fecerat, Mediolani ab Ambrosio Episcopo Ecclesiæ aditu prohibitus, palamque repressus, patienti animo pertulit, & commissum confitens poenitentiam egit. Vide quanta est Sacerdotis auctoritas, qui tanto Principi publicè insultare non dubitauit, & cui tantus Princeps, populo inspectante, cedere nō erubuit. *Hist. Trip. lib. 9. c. 36.*

IDEM cum Paschali quodam die Ecclesiam ingressus intra chorum consedisset, audiuit, non eum locum purpuratorum esse, sed Sacerdotum, iubentiq; Ambrosio vt inde suscitatus recederet, obediuit. Post hæc Constantinopoli ad Ecclesiam veniens, vt in choro sessum accederet, à Patriarcha inuitatus, nequaquam acquieuit, magis Ambrosij sententiam sequens atque approbans, qui ne Imperatores quidē Sacerdotū confessione satis dignos iudicauit, *Ibid.*

*Antonius
Abbas.*

ANTONIUS Ægyptius Abbas, virtutibus & miraculis vbique clarus, ipsos Presbyteros ac Sacerdotes in summa veneratione dicitur habuisse, solitusque eisdem caput submittere, benedictionem sibi captare, & pro magno beneficio ducere, si accepisset. Profectò tā sanctus vir haudquaquam tanti Sacerdotalem benedictionem fecisset, nisi per eam sanctiorem se fore cognouisset. Benedici à Sacerdote voluit, vt benedici mereretur à Deo, non in illa solæ suæ integritate confidens, verumetiam aliunde spiritalia sibi subsidia comparans. Nam & palmes ille in Evangelio, quamuis fructuosus atque fecundus, adhuc tamen purgatur, vt fructus plus afferat, & prouentu indies latiore copiosius exuberet. *Athanas. in vita Anton.*

Franciscus.

FRANCISCUM quoque Minorū institutor ac Pater Franciscus, licet omni sanctitatis genere præstiterit, non minimum

nimum in hoc laudatur, quod maximo semper honore Sacerdotes profectus sit. Dicere solitum tradunt, si cui Sanctorum ex coelo in terram delapsus, & cum illo simul Sacerdoti forte occurrisset: prius se Sacerdotis manibus osculatum, deinde reuerentiam facturum Sancto. Plus quidem se debere illi significas, à quo ministrante sacratissimum Christi Corpus acciperet, quam illi quem iam cum Christo regnare nosset. Quanta autem res esset Sacerdotium, in eo ostendit, quod se indignum illo iudicans, nunquam promoueri passus sit, soloque Diaconatus officio contentus quoad vixit, fuit. Cogitent nunc Sacerdotes, qualis eos deceat perfectio, si Franciscus suam non sufficere credidit. *Bonauent. c. 4.*

IOHANNES primus, qui Hormisdæ in summo Pontificatu successit, Constantinopolim versus pergens, cum Corinthum diuertisset, equum ei à quo commodatum acceperat, restituit. Hoc equo, quod inter manus mansuetior esset, uti solebat vxor eius qui commodauerat. Post hæc verò cum illa inscendere vellet, ferocire equus ac veluti effrenis & indomitus circumagere sese, nec omnino pati, ut cuius dorso Pontifex iam sessisset, mulier federet. Cuius rei non mediocris admiratio tum ipsam, tum virum cepit, seque illo equo deinceps indignos iudicantes, eum Pontifici, cui prius commodato concesserant, muneri obtulerunt. Docuit iumentum quod homo ignorabat, non solum Ecclesie Antistitis personam esse honorandam, sed etiam locum in quo constiterit, atque adeo sedem ipsam in qua se aliquando collocarit. *Greg. Dial. lib. 3. c. 2.*

MARCELLINUS Anconæ urbis Episcopus, cum podagra morbo fractus ac debilitatus incedere pedes non posset, gestari se iussit, & contra incendium, quo urbs ipsa conflagrabat, deponi. Mira res, ad illum usque flamma perueniens retrocedere cepit, paulatimque vanescens sequire desijt, & sopita defecit. Quod si ignis. i. animale elementum Sacerdotij virtutem sensit atque refugit, quis tam impudens est, ut eandem reuereri, eidemque sese inclinare subiretque contemnat? *Greg. Dial. lib. 1. c. 6.*

*Marcellinus
Episcopus.*

*Femina.**Maria Aegyptiaca.**Zozimas Abb.*

PROFERAMVS in medium alterius quodque sexus huic præceptioni cōgruens exemplum. Mariam Aegyptiacam Zozimas Abbas in deserto orantem, corpore supra terram attolli vidit, supra aquas Iordanis ambulantem non mergi, & stupefactus congruare ante illam reuerentia gratia voluit. At mulier Sacerdotalem ab ipso dignitatem animaduertens, non permisit: sed è contrà honorem, quo se indignam censuit, ei detulit. Maius quiddam existimans Sacerdotem esse, quàm miracula facere, imò omnibus miraculis mirabilius indicās, ex panē & vino Corpus & Sanguinem Christi conficere, quod solis Sacerdotibus est datum. *In vitis PP.*

*Sacerdotij l-us.**Matth. 5.**1. Pet. 2.**Apocal. 1.**Psal. 131.**Psal. 138.*

AD hæc ligandi soluendiq; potestas eis tribuitur, prædicationis officium, gubernandeq; Ecclesiæ regimen committitur, & vt credentes expiationis lauacro, cæterisque diuini instituti Sacramentis, ad coelestem beatitudinem adipiscendam idoneos reddant, mandatur. Ipsi sunt sal terræ, ipsi lux mundi, ipsi ciuitas supra montem ædificata, ipsi lucerna super candelabrum posita, & lucens omnibus qui in domo Dei sunt. Ipsi ab Apostolo dicuntur gentis electum, regale Sacerdotium, gens sancta, populus acquisitionis. Denique stellarum Angelorumque vocabula in Apocalypsi promerentur. Et in Psal. audiunt: Sacerdotes eius induam salutari, & sancti eius exultatione exultabūt. Hæc sunt igitur quæ sanctus Propheta Dauid suspiciens & admirans, clamat. Mihi autē nimis honorificati sunt amici tui Deus, nimis confortatus est Principatus eorum. Hæc & nos certè mouere debent, vt illos præcipua & singulari quadam veneratione afficientes, quicquid honoris, quicquid officij in eos contulerimus, in Deum contulisse arbitremur, Deo præstitisse.

Quam perfectus esse debeat Sacerdos.

CÆTERVM & Sacerdotes ipsi videant, vt quantum autoritate atque honore reliquos mortales antecesserint, tantum & virtutibus præsent. Cui multum donatum est, multū ab eo exigetur. Quod si ijs, qui semel in anno sacrosanctam Communionem de manu Sacerdotis accipiunt,

vt se

vt se prius probent, præcipitur, & sic de Pane illo edant & de Calice bibant: quanto magis debet probari viuereque syncerius is, qui quotidie ad Altare Dei accedit, & tam mirabile stupendumque Sacramentum verbis conficit, manibus contrectat, ore sumit, & sumendum quandoq; alijs porrigit? Castum igitur mente & corpore, præ omnibus pium, humilitate multa submissum, patientia firmum, puritate mundum, sanctitate perfectum, omni denique virtutum odore præter cæteros fragrantem esse oportet Sacerdotem, vt ei animo consentiat, cui corpore sic adherere præsumit. Si enim castitatem illius consideres, virgo est & *Christum*. Virginis filius. Si humilitatem, formam serui accepit cum esset Deus. Si patientiam, opprobria, contumelias, verbera, necem sustinuit, vt nos saluaret. Si puritatem, peccatum non fecit, & non est inuentus dolus in ore eius. Si sanctitatem, Sanctus Sanctorum est, gratia & veritate plenus. Si perfectionem, nec augeri in illo, nec minui potest. Hic quippe ille est vnigenitus Dei filius, per quem omnia facta sunt, & sine quod factum est nihil, « & », principium & finis, Christus Iesus, cuius nomen super omne nomen, cui omne genus flectitur, coelestium, terrestrium, & infernorum, in quem Angeli prospicere desiderant. Quem cum Patre & Spiritu sancto simplicem inseparabilemque substantiam tremunt Archangeli, reuerentur Dominationes, venerantur Potestates, adorant Virtutes, Cherubin & Seraphin confitentur, omnis spiritus laudat. Ineffabile verbum, incircumscripta Deitas, incomprehensibilis Maiestas, si ibi visibili ista palpabilique specie ad te è coelo dignatur descendere, o Sacerdos. Cogita, perpende, examina, queri te exhibere debeas, ne talis ac tantus Dominus à te inuitatus, ad te veniens, in te inueniat quod ipsum offendat.

De Pace colenda.

Cap. VI.

DI X I M U S de Sacerdotali dignitate honoranda, nunc de pace colenda obseruandaque dicemus. Nani neque Sacer-

Sacerdotem Pontificemve satis honorare videtur, qui quod ab ipso inter Missarum solennia sacra quotidie precipitur, negligit atq; contemnit. Pontifex autem ab Altari ad populum cōuersus dicere solet: Pax vobis: hac nempe precatione nobis innuens, vt cum proximis pacē habeamus, si Deo reconciliari cupimus.

Isaac Patriarcha.
Genes. 26.

ISAAC Patriarcha (vt in Genesi legimus) Gerare apud Abimelech Palæstinorum regem confidens, cum multa rerū hominumq; copia auctus fuisset, in inuidiam incidit. Eiectus ergo abiit, & semper vbi tranquillius viuere posset quærens, in Bersabee sibi posuit sedem. At cum idem Abimelech potentiam eius formidans quem offenderat, vltro amicitiam petentem venisset, ipse oblitus iniuriæ, quod petebatur facile cessit, initoq; inter se foedere, ac pace iureiurando firmata, hospitium conuiuiumq; illi & omnibus qui cum illo erant indulgit. Vlcisci offensore suū poterat viribus iam superior, sed sicut expellenti non repugnauit, ita amicitiam petenti annuit. Et quod sibi magis obnoxium faceret, ad epulas inuitauit laute opipareque instructas: in tantum pacis concordiaq; amator fuit. Genes. 26.

Dauid.
1. Reg. 24.
et 26.

DAVID quoque Saulem regem se vbique hostiliter persequentem, fuga declinabat, & cum posset lædere, noluit. Chlamidis eius oram latenter abscidit, hastam & scyphum secus caput dormientis positum abstulit, vt ea res fidē faceret, ideo se parcere vitæ persecutoris, vt esset cum quo tandem placato in gratiam rediret. Itaque beneficio Dauid victa est Saulis inuidia; pacem inter se iniere. Dauid tamen Saulis inconstantiæ nō ignarus, ne præsentia sua illū turbaret, in Palæstinam ad Achim Gethæorum regem se transtulit, habitauitq; in Siceleg vrbe, donec Saule hostiū armis caeso, rediēs illi successit in regno, cuius odiū placare, quàm vlcisci, maluerat. Sic ergo dei benignitas ac fauor pacis patientiaq; exaltauit cultorem. 1. Reg. 24. et 26.

Idem.
1. Paral 22.

VERVM quoniam ipse Dauid in negotijs militaribus assidue versatus, hostium cruore manus foedauerat, prohibitus est ædificare Templum Domino: Salomon autem iussus,

missus, ut qui semper pacificus & belli abstinens fuit. Nunquid igitur peccati arguitur Dauid, qui Deo fauente prostrauerit inimicos? Minimè quidem, sed tamen ideo ædificatio Templi illi interdicitur, ut omnibus constet, quanti apud Deum momenti sit perpetua in homine pacis observatio, imperturbataque tranquillitas. 1. Paral. 22.

HEZECIAS rex Iuda, cum responsum accepisset, thesauros quos Babylonij glorię cupiditate ostentauerat, isdem futuros prædam, delicti conscius: Bonus est, inquit, sermo Domini: sit tantum pax & veritas in diebus meis. Non negauit iustum esse Dei aduersum se iudicium, sed mala differri precatus est, non ob hoc, ne thesauros, sed ne thesauris chariorem pacem amitteret. Et quoniã pro pace, non pro diuitijs orauit, quoad vixit postea hostem non vidit, deo in posteros calamitatem illam quam interminatus fuerat transferente, ut monstraret, præponendam esse opibus pacem. 4. Reg. 20. *Ezechias rex. 4. Reg. 20. Isai. 39.*

CERTES ipse æterni Patris cœternus Filius, non prius de homine nasci voluit, quàm totus terrarum orbis positus bellis pacem ageret. Cur ita, nisi ut pacem & concordiam sibi gratissima esse significaret? Tunc & Angeli lætantes cecinerunt: Gloria in excelsis Deo, & in terra pax hominibus bonę voluntatis. Ipse insuper Discipulis suis, cum eos ad insinuandam gentibus veritatem mitteret, præcepit, ut quamcunque domum ingrederentur, statim in primo aditu pacem offerrent, pacem domui illi, pacem habitantibus in ea. Et ad Crucem iturus, hanc hæreditario illis dimittere voluit, dicēs: Pacem relinquo vobis, pacem meam do vobis. Nō quomodo mundus dat, ego do vobis. Mundana enim pax vtilitatē respicit, diuina charitatē. Hanc etiã à Deo poscere nos instruit, dum pro omnibus in se credituris Patri supplicat, ut sicut ipse cum Patre vnus sunt, ita & hi in ipsis vnus sint. Non possunt vnus esse in Christo, qui non vnanimiter adhærent vni Christo, ut vnus capitis membra esse mereantur. Non est pax impijs, ait Dominus. Et in Euangelio legimus, non alio erga Discipulos salutationis genere cum *Christus. Luca 2. Luca 9. Iohan. 14. Isai. 40.*

eum fuisse vsum, quàm vt diceret: Pax vobis: Tunc quoq; cum post Resurrectione insufflaret eis: Pax vobis, inquit: Accipite Spiritum sanctum. Nimirum vt doceret, illū, qui Spiritus sancti charismata vellet promereri, prius cū proximis suis concordem æquanimemq; esse oportere. Vnde Apostolus: Idem sapite, inquit, pacem habete, & Deus pacis & dilectionis erit vobiscum. Et Dominus ipse ait: Si duo ex vobis consenserint super terram, de omni re quacūq; petierint, fiet illis à Patre meo qui in cœlis est. Vbi enim sunt duo vel tres cōgregati in nomine meo, ibi sum in medio eorum. O inestimabilis beatæ cōcordiæ merces! Quid enim maius dari potuit hominibus inter se consentientibus, quàm vt quicquid petunt impetrent, & Christus illis semper præsens, semper medius sit?

TALIS pax in Apostolis, in Discipulis, in Martyribus, in Confessoribus Christi fuit. Non potuit eam discindere Tyrannorum sæuitia, non voluptatū illecebra conuertere, non perpetuum diaboli odiū supplantare. Omnes discordiarum machinationes sola pax in arce veræ fidei collocata superauit. Haud illi pacem nunc haberent in cœlo, si eam habere desisissent in terra: idem velle, & idem nolle, supernæ beatitudinis dignos fecit. Concordia enim hæc atque consensus veritatis, non erroris fuit.

QUI eiusmodi pacis tranquillitate delectari solent, nō in se tantum, sed in alijs etiam mentem irritatione aliqua alienatam allicere ac mollire modis omnibus conantur. Vbaldus Eugubinæ vrbis Episcopus, cum ciues suos in seditionem versos, verbis placare non potuisset, & iam ad arma esset concursus: inermis inter tela strictosq; mucrones irrumpēs, humi prono corpore sese prostravit, nec exsurrexit, donec illi saucium iacere rati, mutua odia in vnus miserationem conuertissent. Iacens diremit pugnā, quam stans nequiuerat inhibere. Audacem autem & periculi impavidum fecerat ipse pacis amor. Idē Fredericum Imperatorem Eugubinis infensum iratumq; & ob id graue æris vectigal acceptis obsidibus imperantem, suppliciter

2. Cor. 19.

Matth. 18.

Vbaldus
Episcopus.

Idem.

placiter adiens placuit, ita ut ille & pecuniam remitteret, & obsides restitueret, & ipsum ubi multo honore affectus, discedentem deduci iuberet. Sicque pastor bonus in tanta ouium suarum trepidatione nunquam conquieuit, donec securas redderet, factus eis vix sperata pacis impetrator simul & nuntius. *Steph. Cremon. Sur. Tom. 3.*

IVO quoque Presbyter, cum multis miraculis, cum *Ino Presbyter.* imprimis pietatis operibus clarus, dolens quendam cum matre non leui odio dissidere, postquam reconciliare nulla prorsus ratione quieuit, Missale pro eis Sacrificium obtulit Deo. Exinde nemine iam sollicitante, solo diuino instinctu ita animis resipuerunt, ut & hic filium se agnosceret, & illa matrem. Documento est, ut quos exhortando ad concordiam reuocare non possumus, reuocemus pro eis deprecando, quandoquidem non hominum, sed Dei donum est pax. *Sur. Tom. 3.*

PAFNUTIUS Abbati in solitudine vitam agentis reuelatum est, quendam Heracleam illius regionis vrbe sibi vitæ meritis esse parem; & quærens, inuenit, eum quidem & uxorem, & filios habere, sed post secundam susceptam prolem, castitatem cum ipsa seruare, iustitiam studere, pietatem colere, & hoc præcipue moris habere, ut si quos inter se odio distractos cognouisset, continuo in gratiam reducere niteretur. Non fuisset (ut opinor) ciuis iste tam religioso solitatio comparandus, nisi hoc sibi virtutis genus adsciuisset, quo ille procul ab hominibus manens uti non poterat. Assidua quippe cura in reconciliandis aliorum animis indignationibusque leniendis urbanum hominem dignum fecit, qui sanctis eremi cultoribus esset æquandus. *Pallad. Hist. 64.*

NON immerito igitur Agathon Abbas gloriatus est, se nunquam cepisse somnum, nisi prius & suam aduersum alios, & aliorum aduersum se indignationem placando sopiret: implens illud breue quidem, sed multæ perfectionis præceptum: Diuertere à malo, & fac bonum: inquire pacem, & persequere eam. Eundem dicere solitum accepimus, Iracundos Deo atque hominibus odio esse. Sicut enim

P

humi-

DE PACE COLENDÆ.

humiliter pacem conseruat, ita iracundia concitat lites, concordiam dissipat. *In vitam PP.*

Iohannes Abb.

*H*ENG. & Iohānes Monasterij in Scythi positi, cum ad Pesium Anachoritam visendum venisset, & ab eo quæreret, quantum in solitudine per annos xl. quibus in ea permanerat, profecisset, isque referret, quod sol omnia colustrans nunquam se conspexerit manducantem: nec me iratum: respondit. haud minoris meriti existimans non irasci, quam corpus quotidianis tenuare ieiunijs, inediaque atterere. *In vitam PP.*

*Pascher Abb.
Math. 5.*

*P*A. S. T. O. & de Scythi Abbas, interrogatus super illud Evangelij: Qui irascitur fratri suo sine causa, solam iustæ iræ causam definiuit, separationem à Deo: cæteris quamlibet magnis iniurijs acceptis qui irascitur, eum sine causa irasci. Igitur cum offensis laceßimur, meminisse debemus, nos non habere indignationis causam, sed patientiæ. Ita fiet, ut pacem etiam cum inimicis habeamus. Non est enim cur illis irascamur, quos diligere, & pro quibus orare iubemur. Diligite, inquit Dñs, inimicos vestros, & benefacite, ijs qui oderunt vos, & orate pro persequentibus vos.

Luce 6.

Beno Abb.

*C*IVIS quidē præcepti Benonem deserti Thebaidis Abbatem non immemorem fuisse constat, cum nunquā visus sit iratus. Qui nemini irascitur, nonne semper in pace versatur? Profecto tamen si persecutiones sustinet, fatigantur persecutores odij stimulis agitati: ille omnia æquanimiter ferens, in spe præmij cœlestis cōquiescit, dicente Domino: Mihi vindictam, & ego retribuam. *Pallad. Hist. 49.*

Rom. 12.

Edgarus rex.

*S*ECULARIS quoque potentia in pace conseruanda studium æternæ beatitudinis præmio est repensum. Edgaro enim Britannici regni diadema suscipiente, Dunstanus Cantuariensis Archiepiscopus, sibi diuinitus prædictum audiuit, pacem Britanniæ futuram, quamdiu ille viueret. Igitur annos xvj. quibus regnavit, omnia in summa quiete tranquillitateque fuisse: Perpetuo quippe amicitie fœdere, vicinos reges sibi deminxerat, piratas mari, prædones terra submouerat, in feras etiam prædæ avidas seuerus, à Guindulo

quale Gualdensium rege tributum exegit, annis singulis
 lupos xxx. venatione captos. Id seruatum; donec illud
 bestiarum genus assiduis credibus defecit. Nihil esse in
 regni finibus passus est, quod à pacis quiete foret alienum.
 Tantus ergo pacifici status amor ipsum vsque ad quietem
 euexit sempiternam, & ad coelestis regni gloriâ sublatum
 inter Sanctos collocauit. Hunc imitentur terrarum Prin-
 cipes, & illorum qui turbas cient, ferocitatem coëceant,
 bonos sibi cōciliant, malos persequantur, bello nihil aliud
 quàm pacem quærant, si Deo pacis placere, & ab eo pro
 uilibus factis, post terreni regni successum, supernæ quoq;
 felicitatis recipere mercedem exoptant. *Osbertus & alij
 in vita Dunstani. Sur. Tom. 3.*

Est præterea pacis genus, quæ conspiratio siue coniu- *Pax mala.*
 ratio dicitur, mala hæc & detestanda, odiumq; potius eli-
 gendum, quàm consentiendum xps, à quibus in societatem
 sortemq; flagitij vocatur. Talis pax filios Iacob in Ioseph
 fratris necem concordēs fecerat, nisi quod Ruben Deo in-
 spirante, in cisternam deiiciendum celsuit, & Iudas Ismae-
 litis vendendum. Vixit ille Dei beneficio, quia fratrum ma-
 lignitate perierat. At quantò melius erat talem inter se di-
 rimere concordiam, quàm tanto scelexi consentire? Hæc
 est illa pax de qua Saluator ait: Non veni pacem mittere
 in terram, sed gladiū: quo scilicet talis pax scindi, distrahi,
 separariq; deberet. *Genes. 37.*

De Herode quoque & Pilato in Euangelio legimus, *Herodes &
 Pilatus.*
 quod adinuicem inimici erāt, & facti sunt amici, vt Iesum
 perderent. Sic facinorosos homines par perpetrandi mali
 voluntas coniunxit, quos alienauerat odium. Minus no-
 centes fuissent, si in pristinis simultatibus perseverassent.
 Non debet esse reconciliationis causa consensio mali, sed
 boni. *Luce 23.*

Est & illa pax oppido quàm fugienda, qua obrepat *Pax simulata.*
 dolus, sub qua latet insidix, fraudesque de improviso eru-
 pturæ cubant. Nemo plus nocet, quàm qui simulat se pro-
 futurū: personæ amici malignus induit, vt in cautos ducat.

DE PACÉ COLENDÁ.

in foueam. Lasciat blanditijs, adulatione palpat, promissis
allicit, omni palam permulcet officio, & occultè gladium
acuit, quo iugulet. De talibus per Ieremiá dicitur: Impij
insidiantes quasi aucupes laqueos ponentes, & pedicas ad
capiendum viros. Sicut decipula plena auibus, sic domus
eorum plena dolo. His David Spiritus sancto plenus impre-
catus, dicens: Qui loquuntur pacem cum proximo suo,
mala autem in cordibus eorum. Da illis secundum opera-
eorum, & secundum nequitiam ad inuentionum ipsorum.
Ident ab ijs circumueniri formidans, orat Dominum, & ait:
Ab homine iniquo & dolofo erue me. Et iterum: Custodi
me a laqueo quem statuerant mihi, & a scandalis operan-
tium iniquitatem. Sed profecto sicut malum est ab huius-
modi hominibus irretiri capique, ita pessimum eos velle
imitari. Nam qui decipitur, imprudens est: qui decipit, in-
iustus: alter miserationem, alter meretur poenam.

Idem ex quo utrumque facilius deuenitur, pauca ad-
huc id genus exempla subnectam. Licet enim nobis pro-
positum sit de virtutibus tractare, expediat tamen interdum
& vitij mentionem interseruisse. Abner filium Ner, qui
(ut in Regum libro legimus) principibus Israel persuase-
rat, reiecto Isboseth Saulis filio, regem sibi acciperent
David in Hebron regnantem: cum ob hoc ipsum negoti-
um illuc vehisset, seque ipsi David foedere iunxisset, & re per-
acta iam discederet, Ioab Dauidici duكتور exercitus ad
colloquium reuocatum interemit. Quid hac perfidia ne-
qui-
us? ut regis seruus regis amicum amicitie simulatione
supplantet atque occidat? & duplicis criminis reum se
constituat, capitalis fraudis in Abner, summa ingrati-
tudinis in David. 2. Reg. 3.

Idem Amasæ collegæ suo cum obuiam occurrisset:
Salue mi frater, inquit, faciem ad osculum applicuit,
secum ad latruncinatumque ictu miserum nihilo timentem con-
fecit, ob hoc solum, ne militaris gloriæ secum particeps
esset. Alii inuidit laudem, sibi perpetuam perfidiæ compa-
rauit notam, minus in hostem, quam in socium ferox. Me-
rito

Ierem. 5.

Psal. 17.

Psal. 42.

Psal. 111.

2. Reg. 3.

Ioab perfidia
in Abner.

Idem in Ama-
sam.

2. Reg. 3.

ritò postea & ipse à Salomone rege occidi iussus, malignæ impietatis pœnas dedit. 2. Reg. 20.

GODOLIAS per Nabuchodonosor regem (sicut in 4. Reg. 25. Jeremia habetur) reliquijs terræ Iudææ Præfectus, Ismaël *Ismael in Godoliam.* Nathanæ filium à Bahali Ammonitarum rege ad se in Masphath missum, cum multis qui cum illo venerat, ut socium & amicum domi perquam lautè acceperat, pro charissimo habuerat, ab ijs quibus suspectus erat, lædi prohibuerat. Ille tamen contra tot beneficia (sicuti iam animo propositum habebat) incautum cum omnibus ferè qui in Masphath erant, Iudæis ac Babylonijs simul trucidavit, vrbeque potitus est. Quod bellum quoque hac pace plus habuit crudelitatis: si pax dici debeat, qua nihil aliud nisi nocendi quæsitæ est occasio. *Jerem. 41.*

NON DVM fama tam nefandi facinoris percrebuerat, & idem Ismaël inde digressus octoginta viros de Sichem, Silo & Samaria, Ierosolymam versus ad offerenda in Templo dona petentes, ut ad Godoliam diuerterent, blandè amiceque hortatus est. Nota erat Godoliæ hospitalitas, quam obrem facilè quò volebat persuadet, in vrbeque perductos interimit. Sicque nequissimus hic impostor orè pacem præferebat, corde meditabatur carnificinam. Nihil nocere potuisset, si quicquam se interim nociturum ostendisset. Non difficulter cauetur periculum, si patet, neque inimicus, si minatur. *Ibid.*

ANTI OCHVS quoque Eupator (ut in Machabæorù libro traditum est) cum Silon arcem loci natura munitam vi expugnare non potuisset, dolo aggressus est. Obsessis pacem iurat, obsidionè soluit. Sed intra moenia receptus, omnia funditus euertere iubet, non minus hostiliter agens, quàm si iratus repente cum armis irrupisset. Quos igitur obsidio domare non poterat, simulata pax vicit. 1. Machab. 6.

ALCIMVS Sacerdos cum pessimis ex Israël ad Deme- 1. Mach. 7. trium Asir regem defecerat. Et coacto exercitu cum Barchide regis Præfecto, venerat contra Iudam. Tunc Assiris, qui de stirpe Israël erant, amicū se ostendens, iuravit

nihil se mali illis illaturum. Sic deceptos atque euocatos cum cōprehendisset, lx. ex ipsis die vna neci dedit. Nescio infelicius, ac inconsultius confisos dixerim. Non enim erat cur crederent Sacerdoti etiam iuranti, quem aduersariorum partes secutum non ignorabant. Quomodo enim periurare homini timeret, qui apostatare à Deo non pertimuit? 1. Machab. 7.

*Triphon in
Jonathan &
in regem suū.
1. Mach. 13.*

TRIPHON Antiochi adolescentis Syriæ regis Præpositus, dominandi cupidine incensus, Ionathæ Israël duci socioque & amico regis, quem sibi impedimento fore spectabat, quamprimum imponere deliberat. Ad ipsum venit in Bethsan, dona offert, Ptolemaidam ei se traditurum spondet, utque eò secum pergere maturet, persuadet, cum nō aliam ob causam se illum adisse diceret. Ingressus vnā cum eo in urbem, claudi portas, ipsum comprehendi, reliquos qui cum illo venerant, ad vnū cædi fecit. Acceptis deinde centum talentis & duobus Ionathæ filiis, quæ ut ipsum dimitteret poposcerat, nequaquā dimisit, sed simul cum filiis interimi iussit. Antiochum deinde dominū suū, dum confabulando cum illo iunctis lateribus incederet, transfigit, ac regnum occupat. Habeatur sanè cum talibus pax, si vlli vnquam plus obsuit Triphon, quàm ijs qui sese illi credidère. 1. Machab. 13.

*Ptolemaus in
Simone & li-
berosque eius.
1. Mach. 16.*

PTOLEMAVS Abobi filius Præfectus Iericho, Simonem Machabæum, filiosque eius Matthathiam & Iudam hospitio suscepit, honore affecit, multoque luxu apparatus contiuuium dedit. Ceterum cum pasti potique essent, crapula grauatos, ac semisomnes cum armatis subsefforibus repente inuasit, oppressit, occidit, mensas eorū cruore scedans, quos tam benignè conuitauerat. Haud alia pax villici esse solet cum porcis, quos ideo saginat ut mactet. Nostra interest, talium hominū & cauere dolos, & mores execrari, ac prorsus neque decipi, neque decipere velle. Aut si alterum necesse fuerit, pati mala, quàm inferre, satius iudicemus. Sustinendo autem, non vindicando iniuriam, pax paratur. 1. Machab. 16.

VT

Vt ergo vera synceraque pace vti fruique possimus,
 magno atque constanti animo contemnamus insolentium
 hominum contumelias, probra, maledicta, memores à
 Salomone sapientissimo præceptum esse: Ne respondeas *Prover. 26.*
 stulto iuxta stultitiam suam, ne efficiaris ei similis. Rixas
 & odiosas verborum concertationes abijciamus, quia alius
 quoque Sapiens ait: Abstine te à lite, & minues peccata, *Eccles. 28.*
 Vbi autè zelus & contentio (vt Iacobus Apostolus inquit) *Iacobi. 3.*
 ibi inconstantia, & omne opus prauum. Paulus etiam ad
 Titum scribens, ait: Stultas & sine disciplina questiones
 deuota, sciens quia generant litem. Seruum autem Domini
 non oportet litigare, sed mansuetum esse ad omnes. Rur-
 sum Salomon: Honor est homini, inquit, qui separat se à
 contentione, omnes autè stulti miscentur contumelijs. Et
 iterum: Ne contendas cum pessimis, ne æmuleris impios. Et *Prover. 24.*
 alibi scriptum est: Non litiges cum homine linguato, & non
 strues in ignem illius ligna. Profecto qui pungentes al-
 tercationum aculeos non cauerit, præceptum agatur necesse
 est in perpetuam inquietudinem mentis pariter & corpo-
 ris. Et hoc quoque Salomonis sententia astruemus: Vir
 sapiens, inquit, si cum stulto cõtenderit, siue irascatur, siue
 irrideat, nõ inueniet requiẽ. Modis omnibus igitur enita-
 mur, vt à velitationibus ac iurgijs alieni pacem tranquill-
 itatemq; possideamus, vel Apostolo hortate, qui ait: Obse- *1. Corin. 1.*
 cro vos, fratres, per nomen Domini nostri Iesu Christi, vt
 id ipsum dicatis omnes, & nõ sint in vobis schismata. Mala
 est luxuria, mala auaritia, mala ventris ingluuies, malum
 otium, sed tamẽ vnumquodq; crimẽ suum blãditur voluptate;
 sola discordia nihil in se habet quo delectet. Gignit inui-
 diam, concitat iram, prorumpit ad conuitia, non temperat
 manibus. Hinc cædes, hinc exilium, domorum orbitas, yr-
 bium excidia, regnorum desolatio. Vnde rectè quidam;
 Concordia, inquit, paruæ res crescunt, discordia maxima *Sallust.*
 dilabuntur. Sed & veritas (quæ falli omnino nõ potest) ait:
 Omne regnum contra se diuisum, desolabitur. Et omnis *Matth. 12.*
 ciuitas vel domus diuisa contra se, non stabit. At verò in

222 DE CONSOR. HABEN. FUGIEN.
 pace omni: læta, iucunda, suauia sunt. Si quid aduersi in-
 cidit, pax eleuat moerorem: si prosperi quid cōtingit, pace
 gaudium augetur. Hanc itaque eleganter definiunt Augu-
 stinus, dicens: Pax est serenitas mētis, tranquillitas animi,
 simplicitas cordis, amoris vinculum, consortiū charitatis:
 Nec poterit, inquit, ad hæreditatem Domini peruenire,
 qui testamentū pacis noluerit obseruare. Nec potest con-
 cordiā habere cum Christo, qui discors voluerit esse cum
 Christiano. Cōcordes autem erimus, si dabimus operam,
 ne ab ijs quæ à Domino nobis præcepta sunt, discedamus,
 dicente Dauid: Pax multa diligentibus Legem tuam, Do-
 mine, & non est illis scandalum. Et per alium Prophetam
 populo Israël dicitur: Si in via Dei ambulasses, habitasses
 vtique in pace super terram.

Psal. 118.

Barnab. 3.

De Consortio habendo fugiendoque.

Caput VII.

QUONIAM verò in via Dei ambulare volentibus no-
 bis. i. piè & innocēter viuere, multum interest nosse,
 quorum consuetudine consortioque vti debeamus:
 hoc nunc docere aggrediemur, commemorantes tum eo-
 rum, qui malè sibi hac in parte consuluerunt, ruinam, tum
 eorum, qui bene, vtilitatem atque profectum.

*Idem & Eva.
 Genes. 3.*

IAM primi hominum quoniam callidissimi serpentis
 colloquio vfi sunt, virulentis mortiferisq; eius suasionibus
 sollicitati, à mandato Dei descuerunt, & amissa Paradisi
 amoenitate, ad huius vitæ misérias redacti sunt. Hinc disci-
 tur, nequaquā miscēdos esse sermones cum ijs, qui soli sibi
 videntur sapientes, & dedignati cum multis quæ vera sunt
 sentire, captiosis argumētorum sophismatibus peruertere
 fidelium simplicitatem moliuntur. *Genes. 3.*

*Samson.
 Dauid.
 Salomon.*

FOEMINARVM quoque vti familiaritate quis tutò
 poterit: si earum aspectus atque conuersatio Samsonem
 fortissimum compulit ad necem, Dauid sanctissimum ad
 adulterij homicidijque crimen, Salomonē sapientissimum
 ad si-

ad simulacrorum cultum? Ideo ipse in Prouerbijs vociferatur & clamat: Longè fac ab ea viam tuam, & ne appropinques foribus domus eius. Nemo veriùs iudicat periculù, quàm qui expertus est damnù. *Iud. 16. 2. Reg. 11. 3. Reg. 21.*

Prouer. 5.

TOBIAS cum filium suum in Mediam mittere vellet: *Tobias.*
Perge nunc, inquit, & inquire tibi aliquem fidelem virum *Tobia 3.*
qui eat tecum. Quem ille inuétum, percunctatus est vnde esset, & an viam quæ in Mediam ducit, sciret. Huius exemplo eos nobis comites admittere debemus, quorum nota est fides, & compos veri scientia, nequâdo errore aliorum seducti, ab itinere deuiemus virtutum. *Tob. 3.*

IOSAPHAT rex Iuda, licet rectè vixisse prædicetur *Iosaphat.*
coram Domino, quia tamè amicitia illi intercesserat cum *Ochozias.*
Ochozia rege Israël omnium pessimo, per Prophetam *3. Reg. 22.*
arguitur, & classis, quam cum ipso communem habebat, priusquam in Tharsis quò missa fuerat, peruenisset, naufragio perijt. Rursum alias naues communicatis impensis ædificare ab Ochozia tentatus, renuit: iam damno satis edoctus, ne innocentem quidè securum esse, cum perditis hominibus commercium habentem. *3. Reg. 22.*

MAGOS ab Oriente ad Christum in Bethlehem na- *Magi.*
tum Stella perduxit, sed tamen cum interim ad Herodem *Matth. 3.*
Ierolimam diuertissent, latuit illicò, subtraxitque sese obtutibus eorù. Cum verò inde discessissent, rursum comparuit, & vsque ad locum quo ibant fideliter præcessit. Quid est hoc? nisi quia caligat in nobis rectæ rationis lumen, quamdiu illis iungimur, quos nebulæ premunt viti-
orum. Tunc nitescit & exoritur, cum his relictis ad qua-
rendum Deum conuertimur. Quoniam Deus lux est, & *1. Iohan. 1.*
tenebræ in eo non sunt ullæ.

PETRVS ipse Apostolus, Christi amore inter omnes *Petrus Apost.*
ardentissimus, tunc quidem refrixit, cum atrium Caiphæ *Matth. 26.*
ingressus, impiorum hominum se implicuit colloquijs, compulsusque est negare se illum nosse, quem pauloantè Dei viuientis filium confessus fuerat. Corruptum itaque
(vt Paulus ait) bonos mores confabulationes pessimæ. *1. Cor. 15.*

P 5

Et qui.

Eccl. 17.
Christus.
Matth. 8.

Et qui tangit picem, inquinabitur ab ea. *Matth. 26.*

Luce 9.

Idcirco Dominus noster petenti Discipulo, vt abiectus parentaret patri, nō permisit, ne infidelium cognatorum, quos affore funeri necesse erat, consortio macularetur: Sine, inquit, mortui sepeliāt mortuos suos, tu me sequere. Quia scilicet ego vita sum, mecum viue, & dimitte mortuos, ne fortē & ipse simul moriaris.

Iohannes
Apostolus.

Ab ijs etiam qui hæresi aliqua deprauati sunt, vt declinemus, ipsa Sanctorum exempla nos monent. Iohannes Apostolus balnea cum Discipulis ingrediens, vt eos, qui illō conueniunt, Euangelium doceret, vidit inter lauantes Cherintum hæreticum, atque inde relato statim gradu ad suos conuersus: Fugiamus hinc, ait, ne balnea nos opprimant ruina, in quibus Cherintus lauat veritatis inimicus. Adeo non fidem solū, sed etiam vitam periclitari cū hæreticis cōuersantiū existimauit. *Euseb. l. 4. c. 14. Iren. l. 3. c. 3.*

Polycarpus
Discipulus.

POLICARPVS quoq; eius Discipulus Marcioni hæretico fortē occurrens, cū ab eo an se agnosceret interrogaretur, respondisse dicitur: Agnosco, agnosco diaboli primogenitum. Itaq; docet, haud molliter cum huiuscemodi hominibus loquendū esse, si quādo loqui necesse fuerit. Cur enim dissimulemus, eosdā nos habere inimicos, quos Dei esse nouerimus tantō maiore odio dignos, quāto dolosius Catholicæ insidiantur veritati? Amplius aliquid dicam: etiam cum fidelibus mundana tractantibus, religioso viro periculosa est conuersatio. *Ibidem.*

Antonius
Abbas.

ANTONIUM Abbatem Alexandrinum dicere solitū ferunt: Non expedire Christi seruis, eorum qui seculo seruiunt domos frequentare, aut consuetudine vtī. Sicuti enim pisces de aqua eductos continuo languescere & emori solere, ita Monachum extra cœnobij septa vagantem, si quicquam confabulationi vacuerit alienorum, ad cordis tepiditatem redigi, & circa spiritalia exercenda effici tardio rem. *Athanas. in vita Antonij.*

Hinc sanè est, quòd plerique cum feris bestiis in solitudine viuere sibi satius duxerunt, ne in cœtu hominum mentem,

mentem, quā in sola Dei contemplatione fixā & locatam habere vellent, diuersis cogitationibus diffundere atq; distrahare cogerentur. Ob hoc sanē Arsenius, cur tantopere accessum hominū deuicaret cū interrogaretur, nō posse se cum Deo simul & hominibus esse aiebat. *In vitis PP.* *Arsenius.*

CAPITON itidem rogatus respondit, vereri se, ne ex hoc imbecillior ad sustinēdos inimici impetus redderetur, quocum adhuc sibi superesse certamen sciret. Alterum ergo contemplandi amor, alterum peccandi timor ab humano submouerat consortio: nunc vterq; consortio fruuntur Angelorum. *In vitis PP.* *Capiton.*

PAVLVS primus inter Christianos Eremita, nos septem & nonaginta, Honophrius septuaginta, hominibus inuisi incognitiq; fuere. Ac postremō ne incogniti essent, tunc visi sunt, cum de solitudine terrena ad celebritatem coelestem transferendi erant, Domino nobis prospiciente, vt eorū exemplo ad virtutes capessendas, viamque perfectionis confidenter aggrediendam, magis accenderemur. *Metaphr. & in vitis PP.* *Paulus primus Eremita. Honophrius Eremita.*

QUIS autem perfectionem vitæ professus in ædibus Magnatum securē versari poterit, si seraphicus Franciscus eam ob causam diuino permissu dæmonum verbera passus sit? Apud Leonē sanctæ Crucis Cardinālē dies aliquot moratus, poenā sustinuit, & culpā agnouit, illicoq; discessit, atq; ad Monasteriū rediens, rem quæ sibi contigerat, vt cæteri cauerent, indicauit. Ovis quippe quæ de ouili egreditur, lupi moribus patet. *Bonanen. Cap. 6.* *Franciscus.*

Sed profectō sicuti seculariū, & potentiū consortiū ijs, qui seculo renuntiarūt fugiendū est, ita omnibus Sanctorū quarēda familiaritas, quos vel vidisse incitamentū virtutis est. Hilarion visendi Antonij cupiditate ardēs, eremū adiit, ac statim vt illum vidit, habitum mutauit, Religionis propositū suscepit, duobus ferē mensibus apud eū mansit, contemplās ordinem vitæ eius, morumq; grauitatē, quā creber in oratione, quā humilis in suscipiendis fratribus, scuerus in corripiendis, alacer in exhortandis: & vt
conti-

*Antonius
Hilarion.*

136 DE CONSOR. HABEN. FUGIEN.

continentiam cibi que eius asperitatem nulla vnquam infirmitas frangeret. His imbutus exemplis in solitudinem secessit, tantaque prastitit sanctitate, vt vbique latebras queritans, nusquam latere potuerit, miraculis eum semper prodentibus, vsque adeo quidem adisse aliquando Antonium, & cum Antonio fuisse iuuuit. Hoc ita via venire & Propheta testatur, dicens: Cum sancto sanctus eris, & cum electo electus eris, & cum peruerso peruerteris. Hieron. in vita Hilar. c. 1.

Psalm. 17.

Bernardus &
soror eius.
Femina.

SIC sanè & Bernardi Abbatis soror (vt etiam & hoc loco de foeminis aliquid dicamus) dum fratrem visitat, mundum contempsit. Ornata multo cum fastu, ad monasterium venerat, aditu interdicta est. Causa cur repellere-
tur cognita, lugens pro foribus stetit. Et peccaui, inquit, sed pro peccatoribus Christus mortuus est: Si delinquentem despicias, ne despicias corrigi volentem. Admissa audiuit quantæ vanitatis esset ille ornatus, quo caro mox in terram cessura, & in putredinem resoluenda, comitur decoraturque. Tunc domum rediens, impetrata à viro cui tradita erat coniugij solutione, Religioni sese addixit. Ac tantò deinde Deo seruire coepit humilior, quantò ambiciosius antè seruierat mundo. Magnum profectò fuit, virentis adhuc ætatis & liberalis formæ foeminæ tam citò contempsisse vestem sericam, in aures, monilia, armillas, mytras, vittas, reticula, crepitulum, discerniculum, speculum, stropheam, anulos, gemmas, Margaritas, vniones, aureasque segmenta, & cum vnguentis labaciariscos, multaque alia muliebris insanix fomenta. Sed longè maius fuit, iuuenem reliquisse maritum, nuptialisque thori illecebras, & omnem carnis lasciuiani seposuisse. Cuncta hæc fecit illa, postquam locuta est cum fratre. Vis etenim inesse solet cōfabulationi Sanctorum, quæ interdum (quamuis dura) peccatorum corda frangit, macerat, emollit, ac prorsus à vanitatibus respiscere cogit. In vita Bernardi. lib. 1. c. 7.

Scripturarum
sententia.

CONFIRMEMUS nunc diuinarum Scripturarum auctoritate hoc quod exemplis monstrauiamus.

CAVEN-

CAVENDVM est ab ijs qui linguis suis dolosè agunt, & *Maligni.*
venenum aspidum sub labijs eorum. Tales enim auersans
Propheta ac repellens, clamat: Declinate à me maligni, & *Psal. 118.*
scrutabor mandata Dei mei.

Nec cum foeminis conuersandum est, cum scriptum *Feminae.*
sit: In medio mulierum noli commorari. De vestimentis
eius procedit tinea, & à muliere iniquitas viri. Et alibi
dicitur: Auerte faciem tuam à muliere compta, & ne cir- *Ecl. 42.*
cumspecies speciem alienam. Propter speciem mulieris
multi perierunt, & ex hoc concupiscentia quasi ignis exar-
descit. Et rursum: Cum aliena muliere ne sed eas omnino,
nec accumbas cum ea super cubitum. *Ecl. 9.*

Sed neque illorum cōsuetudine vtendum est, qui ma- *Detrahentes.*
lignis suggillationibus lacerant famam aliorum. Antistes
enim sapientiz Salomon in Prouerbijis ait: Remoue à te *Prouer. 4.*
os prauum, & detrahentia labia sint procul à te.

ILLI quoque nobis valdè declinandi sunt, quorum *Iracundi.*
ad iram procliue ingenium, quique leuissimis de causis
excandescere ac ringi solèt. Idem quippe Salomon: Noli, *Prouer. 22.*
inquit, amicus esse homini iracundo, neque ambules cum
viro furioso, ne fortè discas semitas eius, & sumas scanda-
lum animæ tuæ.

NEQUE cum superbis esse communicandum, quia di- *Superbi.*
citur: Qui communicauerit superbo, induet superbiam. *Ecl. 13.*

NEQUE cum rationis impote ac deliro: Ait enim *Stulti.*
Scriptura: Cum stulto ne multum loquaris, & cum in- *Ecl. 22.*
sensato ne abieris.

NEQUE cum ijs qui semper iocis cachinnisque indul- *Iocosi.*
gent, scurriliq; leuitate iugiter delectantur. Quandoqui- *Ierem. 15.*
dem Ieremias Propheta gloriatur, dicens: Non sedi cum
concilio ludentium. Et Salomō ipse dicit: Risum reputaui
errorem, & gaudio dixi, quia frustra deciperis. Et iterum: *Ibidem.*
Cor, inquit sapientium vbi tristitia est, & cor stultorum
vbi læticia.

Ab infidelium præterea cōsortio nos amoliri oportet, *Infideles.*
qui ad Ecclesiam conuerti neglexerint, Apostolo dicente:

Nolite

23 DE VESTITV CVL. CORPOR.

Nolite iugum ducere cum infidelibus. Quæ enim participatio iustitiæ cum iniquitate? aut quæ societas luci ad tenebras? quæ conuentio Christi ad Belial? aut quæ pars fidei cum infidei? quis consensus Templo Dei cum idolis? Et Dominus in Euangelio: In viam gentiũ, inquit, ne abieritis.

*Matth. 10.
Heretici.*

2. Theff. 3.

Titum 3.

2. Iohann. 1.

E A D E M quidem ratione neque ijs, qui hæretici aliqua deprauati sunt, familiariter vtendum erit. Nam hoc quoque Paulus Apostolus admonet, & hortatur, dicēs: Subtrahatis vos ab omni fratre ambulāte inordinate, & nō secundam traditionem quam acceperunt à nobis. Et ad Titum ait: Hæreticum hominem post vnā & secundam correptionem deuita. Iohannes quoque Apostolus: Si quis venit ad vos, inquit, & hanc doctrinam non affert, nolite recipere eum in domum, nec Aue ei dixeritis: qui enim dicit illi Aue, communicat operibus eius malignis.

*In malitia
obstinati.*

Matth. 18.

1. Cor. 5.

Prouer. 24.

Marc. 9.

Psalm. 6.

1. Cor. 8.

P O S T R E M O ab omnium illorum conuersatione fcedendum est, qui vitijs assueti pertinaciter obdurāt, corrigique & emendari omnino nolunt. Præceptum quippe Domini est: Qui neque Ecclesiam audire voluerit, sit tibi sicut Ethnicus & Publicanus. Et ij quidem sunt qui nihil præ se neque Christiani præter nomen, neque hominis præter figurā gerunt. Cum quibus vnā accumbere Paulus vetat, dicens: Si is, qui frater nominatur inter vos, est fornicator, aut avarus, aut idolis seruiens, aut maledictus, aut ebriosus, aut rapax, cum huiusmodi nec cibum sumite. De ijs & in Prouerbijs dicitur: Ne amiseris viros malos, nec desideres esse cum eis, quia rapinas meditatur mens eorũ, & fraudes labia eorum loquuntur. Hi sunt membra illa quæ scandalizant, & idcirco abscindi proijciq̃ue iubentur, vt potius sine illis vitam ingrediamur æternā, quā simul cum illis mittamur in gehennam ignis inextinguibilis. Discedite igitur à nobis omnes qui operamini iniquitatē. Modicum fermentum totam massam corrumpit. Nihil tam perniciosum est, quā societas hominum perditorum. His itaque caute sapienterq̃ue repudiatis, ad illos conuerſi, illis inhærere, ab illorũ latere nunquā (si fieri potest) disce-

discedere nos decet, quorū vox, gestus, incessus, habitus, norma virtutum est. Cum viro sancto assiduus esto, quem- *Ecc. 37.*
cunque cognoueris obseruantem timorem Dei. Quia sci-
licet nihil æquè proficit ad bene beateq; viuendū, ac opti-
mi cuiusque accessibus identidem copulari.

De Vestitu cultuq; corporis.

Cap. VIII.

REICTI iam tandem reclamatisque malorū ho-
minum cōsortijs, postquam collegio nos intulimus
bonorum, vti dignè cum illis versari possimus: vi-
deamus quo indumentorū genere, qualive corporis cultu
vsi sint, vt eodem & ipsi vtamur, nequando cum rubore
audiamus: Amice, quomodo huc intrasti non habens ve- *Matth. 22.*
stem nuptialem? Sed profectō qui spiritalibus virtutum
indumentis animam suam tegere & ornare student, non
opus habent corporis indumentis, nisi quantum naturæ
necessitas requirit. Adam & Eva in Paradiso nudi erant. *Adam & Eva.*
Tunc illis parandæ vestis cura irrepfit; cum propter man-
dati transgressionem inde eiekti, terram colere, hoc est,
terrenis occupari negotijs cœperūt. Sed ne tunc quidem
vsque adeo cōditionis humanæ obliti sunt, vt carnem iam
morti obnoxiam, luxuriosè vestiendam putarent; consue-
runt folia ficus, & fecerunt sibi perizomata, tunicis deniq;
pelliceis contenti vixerunt. *Genes. 3.*

IOHANNES Baptista, quo non surrexit maior inter na- *Iohannes*
tos mulierum, de pilis camelorū vestem contextam, & *Baptista.*
pelliceam zonam circa lumbos habuisse dicitur. Et de illo
ad turbam Dominus: Quid existis, ait, in desertum videre? *Matth. 23.*
hominem mollibus vestitum? Ecce qui mollibus vestiun-
tur, in domibus regum sunt. Aspera utiq; vestis & cilicina,
continentioris vitæ indicium est; mollis & delicata, lasciu-
ioris. Et vt habitacula quoque de moribus hominum
nonnihil attestari cognoscas, desertum prælatum est aulis
regum. In his nanque voluptatis mundanæ mancipia ver-
sari solent, in illo Christi serui. *Matth. 23.*

APPO-

APOSTOLIS in Euangelio iussu legimus, ne solliciti essent, in perquirendis quibus operirentur, sed consideret in eo qui lilia, id est, momentaneâ creaturam tam eximio vestit candore, multò magis vestiturû ipsos, quos ad imaginem suam rationis capaces, æternæque vitæ destinatos condiderit: Quærite, inquit, primum regnum Dei & iustitiam eius, & hæc omnia adjicientur vobis.

Matth. 6.

VERVNTAMEN quia modicum quid terrenæ opis adiumenti que sufficere debet ei, cui multa reposita sunt in regno cœlorum, iisdem iussu est, ne duas tunicas habeant, non vt simplici tunica contenti sint, si frigoris intemperies non patitur, sed ne metu futurorum aliam induant, aliam referuent. Superflui itaque amictus sollicitudo reprimatur, non necessarij cura.

Actor. 12.

IN calceatu quoque sandalijs tantum vsos cõstat, quæ in Actorum libro alio nomine caligæ appellantur. Quod sanè calceamenti genus non operit pedem, sed sicut expositores dicunt, suffulcit. Igitur ne calcearium saltem paulò cupidius nobis expetendum duceremus, exemplo ostenderunt, satis esse, si ea pars pedis tecta sit, quæ terram terit, nuda relicta quæ cœlû spectat. Rectè enim & religiosè incedentẽ cœlo patere, nõ terræ decet, Deo, nõ hominibus.

Petrus Apost.

HINC ipsi Apostolorum Principi Petro nihil amplius tegumenti fuisse creditur, præter tunicam & pallium, nihil aliud calceamenti præter caligas. Illud in Clementis libro relatum dicunt, hoc in Apostolicis Actis legimus, dicente ad eum Angelo: Præcingere, & calcea te caligas tuas. Rideant hanc tenuitatem, qui ignorant, Ecclesiam, ab ipso fundatâ, olim in paupertate gloriantem, postquâ cumulari diuitijs cœperit, virtutibus decreuisse. Nemo diuitû nunc ægrotos verbo sanat: tunc autem seminudi Pontifices, etiam mortuos reuiuiscere fecerunt. *Clemens in Recogn.*

Actor. 12.

Bartholomæus

BARTHOLOMEVM quoque Apostolum collobio albo, pallioloque purpureo & sandalijs vsu, memoriæ proditum est, sed hoc miraculi adjicitur, quod quinque & viginti annos vestimenta eius nec sordes vllas, nec vetustatem

contra-

contraxerint, nec sandalia subtrita sint. Veruntamen hunc etiam communis nuditas piscatoribus parem fecerat, nisi purpureus color regie stirpis insigne fuisset: sed hic ideo reseruatus est, ut indicio foret, quanta ille reliquerit ut Christum sequeretur. *Abdias.*

JACOBVS Iustus, frater Domini ob formę similitudinē *Jacob. Apost.* appellatus, & ut Egesippus ait, ab utero matris sue sanctus, non laneum, sed lineū habuit amiculum: adhuc, quod ad corporis cultum pertinet, nunquam attonsus est, nec oleo unctus, nec balneo usus. Sic indutus, sic obfusus, etiā apud Iudæos in tanta veneratione fuit, ut soli permissum sit Sancta sanctorum intrare, & Deo laudis sacrificiū pro populo offerre. *Egesip. lib. 5. Euseb. Histor. Eccl. lib. 2. c. 23.*

IOHANNEM etiam Apostolum sola syndone amictum *Iohannes Apostolus.* Ierosolymis aliquando incesisse, ex Euangelio constat, quoniam dum a Iudæis apprehēderetur, ea relicta nudus effugisse dicitur. Nudi ergo nudum Christum sequamur, ne ab aduersarijs comprehendamur. *Beda in 14. Marci.*

AURELIVS Augustinus Episcopus, veste non magis compta magisve ambitiosa, quam illi quibus præerat, uti voluit. Si quis ex cultiorem sibi dono offerret, acceptam venum iubebat dari, ut pecuniam inde exactam cum alijs communicaret, quandoquidem velis ipsa communis esse non posset. Itaque Clericis suis dignitare præstitit, habitu atque vestitu par fuit. *Sermone de vita Cleric. Augustinus Episcopus.*

BERNARDVM Abbatem veste quidem satis vili, sed minimè squalenti usum memorię proditum est: Ac etiam dicere solitum, tunicam sordibus obsoletam, testem desidii atque socordię esse: Et eius immunditiem interdum ad hypocrisim spectare, qua inanis gloria, dum videatur contemni, quæritur. Cum ergo etiam cilicio sub veste latenti carnem attereret, ubi id rescitum est, & ipsum deposuit. Nec vnquam deinde asperius indumentum, quam cæteri fratres ferre voluit, ne fortè illis præstare sanctitate videretur, quorū se ipse minimū reputaret. *In vita Bern. Bernardus Abbas.*

STEPHANO Abbati Grandimontensis Ordinis au- *Stephan. Abb.*
tori,

Q

tori, qui in Moreto Aquitaniæ monte vitâ solitariâ duxit, tametsi rudis modicusque amictus fuerit, hoc tamen admirationem auget, quod sub eodem & æstiuos calores, & brumæ frigus pertulerit, nunquam quicquam panni sibi vel addens, vel demens. Vtranque profectò diuersorum temporum molestiam leuare posset solertia, nisi vtranque tolerare mallet in Deum charitas.

*Apollonius
Eremita.*

APOLLONIUS apud Thebaidâ in finibus Hermopolis, collobio stuppeo, quod lebithen vocabant, operiebatur, neque tamen ullû capitum habuit, sed lineo linteolo collum caputque obuoluebat. Et hoc magis mirandum, quod cum quadraginta annos in deserto manès peregerit, eius tegmina neq; vsu cõsumpta, neq; vetustate labefacta ferantur: vt inde facîle appareat, quâti apud Deû sit humilis habitus, & absque vlla simulatione contemptus. *In vit. PP.*

*Paulus pri-
mus Eremita.*

PAVLVS primus Eremita, cum nihil haberet, nisi quod inculta solitudo suppeditare poterat, tunica de palmæ folijs cõtexta nuditatem textit. Et qua ille veste in necessitate vsus est, hanc ipsam Antonius cum defunctum sepelisset, habuit in delicijs, non nisi festis solennibus eam induens, quam etiam Diuus Hieronymus plurimi faciens: Si mihi, inquit, Dominus optionem daret, multò magis eligerem tunicam Pauli cum meritis eius, quàm regum purpuram cum regnis suis. *Hier. de vita Pauli.*

*Iohannes,
Andreas,
Thaddæus,
Philippus,
Eremitæ.*

PALMEIS quidem tegminibus, & illi quatuor in vastissima Ægypti eremo à Pafnutio inuenti, Iohannes, Andreas, Thaddæus, & Philippus, amicti erant. Hunc tamen tam syluestrem vestitum haud multo tempore post, cum veste immortalitatis commutarunt. Tantò nunc felicius cœlesti lumine illustrantur, quantò antea perusta solis ardoribus cute contemptius squalebant. *In vitis PP.*

Serapion Abb.

SERAPIONEM Abbatem primitus quidem sola tunica simplici que palliolo contentum, deinde his etiam carere pietas compulit, quippe seipsum despolians pauperes cõtextit. Nec erubuit nudus incedere, dum nuditatem miseratur alienam. *In vitis PP.*

TIMO-

TIMOTHEO quoque in Ægypti solitudine degenti, *Timotheus*
 ea duntaxat corporis pars non fuisse nuda perhibetur, quā *Eremita.*
 barba comaq; nunquā tonsæ contexerant. Et hunc Pafnu-
 tius inter bestias incedētem cū vidisset, sylvestre magis
 quā humanum animal ratus, expauit: mox cū loquen-
 tē attendisset, agnouit Dei seruum, simulq; didicit, satis
 indutum esse, qui cū Christo nudus esset. *In vitis PP.*

ONOPHRIVS itidem nudus in vltiori deserto ab *Onophris*
 eodem Pafnutio repertus, verenda tantummodo folijs ar- *Eremita.*
 borum operuerat. Consumptis enim vestibus quæ secum
 attulerat, alia deinde quā quæ natura dabat, non quæsi-
 uit. Cumq; vita functus esset, sanctā animulā eius visibili
 specie ab Angelis in coelū ferri visā tradūt. Et quisquam
 nostrū paululū vsu detritos ferre dedignabitur pannos;
 cū nudi etiā ab Angelis honorentur. *In vitis PP.*

HILARIONEM Abbatē accepimus, nihil aliud quo cor- *Hilarion Abb.*
 pus suū operiret habuisse, præter saccū ac pelliceū epen-
 ditē rusticūq; sagū. Capillū semel in anno Paschæ die
 totōdisse, nunquā lauisse, q̄ superuacaneū esse diceret, mū-
 dicias in cilicio querere, neq; tunicā alteram sumpsisse, nisi
 cū prior penitus discissa esset. *Hier. in vita eius. cap. 3.*

DIVO quoq; Hieronymo saccea tunica erat. Hāc Eu- *Hieronymus*
 sebius discipulus eo defuncto accepit, honorique habuit, *Abbas.*
 tactu eius valetudenarios curās, & ad vitā mortuos reuo-
 cās. Cuius, quæso, regū auro gemmisq; refulgēs, aut cocco
 purpurāq; rubens vestimentum, tantæ vnquā virtutis fuit,
 quātæ Sācti huius saccus iste cilicinus? *Aug. Epist. 206. c. 2.*

NEQVE te, Pater Franciscē, hoc loco præteribo, cuius *Franciscus.*
 tegendo corpori tunica vna, & ea sanè crassi admodū fili
 impolitaque texturæ satis fuit, quam pro cingulo præcin-
 xerat funis nodo astrictus, vbi mittebatur, nō fibula:
 caput & ceruix cuculla velabantur, pedes prorsus nudi
 erant, nisi fortē ligneis socculis veluti sandalijs, ne terram
 contingerent suffulti. Quem morem nunc a professori-
 bus Institutionis tuæ seruari videmus. Multis tūc habitus
 iste ludubrio erat, nunc per orbem celebratur. Sed quā

tu sapienter cuidam nuditatem hanc tuâ hyemis tempore calumnianti, ac petenti, vt guttulam sibi sudoris venderes; eam te Christo, non hominibus, vendere respondisti? O felix ille sic irrisę nuditatis sudor, quem tu soli Christo dedicans, mercatus es regna cœlorum. *Bonauent. in vit. eius.*

*Femina.
Elisabeth
vidua.*

PAVCULA nunc fœminarum exempla proferam, quibus ipsa vestium vtilitas pro ornatu fuit. Elisabeth Pannonum regis filia & Christi ancilla, quàm poterat abiectione amictu se velabat. Scissuras alterius interdum coloris panno assuto, quò vilior appareret, refarciebat. Itaq; vna de grege mendicantium videbatur, contemniq; gaudebat, vt humilitatem cõseruaret. Maluit ergo sic pannosa sicque despecta in xenodochio pauperculis morbo affectis ministrare, quàm in regis patris aula, cùm amisso marito ab eo in Pannoniam accerfiretur, sericis auroque renitere atque omnibus venerationi esse. Christo enim placere volebat, non mundo. *Conrad. Concionat. Eliz. abeth.*

Tora Virgo.

TORAM Deo dicatam Virginem in Monasterio Thebaidis memorât, nunquam noua tunica, aut nouo melore, aut nouis calceis vsâm; semper alijs sororibus recentia cessisse, & ab ijsdem sibi sumpsisse vetustiora tritioraque, vt quantò ceteras forma præstabat (erat enim omnium pulcherrima) tantò incôcinniore magisque inepto habitu se deuenustaret. Neque enim ignorabat, animi, nò corporis, decore Sponsam Christi excellere debere, vt cœlesti thalamo digna sit. *In vitis PP.*

Maria AEgyptiaca.

MARIA Ægyptiaca turpis aliquândo voluptatis quaestui dedita, omni ornamentorum genere sese decorabat, nec à pigmentis fucoque abstinens, vt placeret viris. At postquam cõuersa Christo seruire coepit, tanta illi vestitus nullus curæ fuit, vt eo cõsumpto, quem secum ad eremum tulerat, nuda in solitudine viueret. Et quia sine tecto degebat, æstus, pluuiasque corpore nulla in parte velato excipiens, nigritiem quandam cutis situmque cõtraxerat, sed iam non paucis miraculis clarebat. Vide ergo, quantum interfuit inter ornatum illum, & nuditatem istam. Ille impudi-

puđicitia fomes fuerat, iste meritum prębuit mirandę
sanctitatis. *In vitę PP.*

QVİD est autem, quod Paulus Apostolus ad Timo-1. *Tim. 2.*
theum scribens, velle se dicat, vt mulieres orent in habitu
ornato? Nunquid in sericis aut purpura eas orare pręcipit?
Minimę quidem. Quippe qui habitũ istum continuõ tem-
perauit, subiungens: cum verecundia & sobrietate ornan-
tes se: vt scilicet verecundia luxum declinet, & modum
seruet sobrietas. Non in tortis crinibus, inquit, aut auro,
aut margaritis, vel veste pretiosa, sed quod decet mulie-
res, promittentes pietatem per opera bona. Et si mulier
citra modestiam ornare se & componere prohibetur, quę
coniugio excusare posset ornatũ, ne incomptior displiceat
viro: quantõ minus ornari debet Virgo, quę sese totam
dedicauit soli illi, de quo dictum est: Erit iustitia cingulum *Isaia. 11.*
lumborum eius, & fides cinctorium eius. Et in Psalmo:
Indutus est Dominus fortitudinem, & pręcinxit se virtute. *Psal. 92.*
Qualia ergo Sponsi ornamenta, talia sint & Sponsę: iusti-
tia, fides, fortitudo, cęteręque virtutes: non aurum, non
gemmę, non sericum, non purpura. Nam & Petrus Apo-
stolus: Sit, inquit, non extrinsecus capillatura, aut circun-1. *Petri. 3.*
datio auri, aut indumentum vestimentorumq; cultus, sed
qui absconditus est cordis homo in incorruptibilitate quie-
ti & modesti spiritus, qui est in conspectu Dei locuples.
Alium ergo quàm spiritalem cultum atque ornatum quę-
rentibus, quid Dominus per Prophetam minetur, operę-
pretium est audire. Dixit Dominus Deus, inquit: Pro eo *Isaia. 3.*
quod eleuatę sunt filię Sion, & ambulauerunt extento
collo, & nutibus oculorum ibant, & plaudebant, & ambu-
labant, & pedibus suis composito gradu incedebant, de-
caluabit Dominus verticem filiarum Sion, & Dominus
crinem earum nudabit. In die illa auferet Dominus orna-
mentum calceamentorum, & lunulas, & torques, & mo-
nilia, & armillas, & mitras, & discriminalia, & perisceli-
das, & murenulas, & olfactoriola, & inaures, & anulos, &
gemmas in fronte pendentes, & mutatoria, & palliola, &

*Ierem. 4.**Lucæ. 16.*

lintheamina, & acus, & specula, & syndones, & vittas, & theristra, & erit pro suaui odore foetor, & pro zona funiculus, & pro crispanti crine caluitium, & pro fascia pectorali cilicium. Per alium quoque Prophetam dicitur: Cum vestieris te coccino, cum ornata fueris monili aureo, & pinxeris stibio oculos tuos, frustra componeris, cõtempserunt te amatores tui, animam tuam quærét. Et vt breuiter discamus, quantum obsit elegãs pretiosumque vestimentum, aut quantum profit humile & despectum: Diues ille, qui purpura & bysso induebatur, sepultus est in inferno: Mendicus autem Lazarus, qui nihil penè quo indueretur habebat, ab Angelis sublatus, & in Abrahe sinu collocatus. Tantaque repente facta est rerum statusque commutatio, vt & temporalibus delicijs æterna succederent supplicia, & temporali miseriz æterna beatitudo.

De operibus manu exercendis.

Caput IX.

HA CTENVS de vestitu, cultuque corporis nostri: nunc ne idem corpus inertiz se dedat, otioque corrumpatur, de exercitijs eius ac labore dicendum videtur. Sequenda est quidem illa Hieronymi sententia, maximeque obseruanda: Fac aliquid operis semper, vt te semper diabolus inueniat occupatum.

*Apostoli.**Actor. 18.**Paulus Apostol.*

NON fuit satis Apostolis, tantum spiritualia curare negotia, prædicare, orare, legere: si quid supererat temporis, manuum labori impendebant. Lucas Euangelista in Actis Apostolorum testatur, Paulum Apostolum cum Corinthi apud Aquilam & Priscillâ hospitaretur, Sabbatis quidem in Synagoga disputare solitum, reliquis verò diebus artem schenotactoriam exercuisse. *Actor. 18.*

*1. Cor. 4.**2. Thess. 3.*

ET ipsemet in Epistola ad Corinthios ab Epheso scribens, ait: Laboramus operantes manibus nostris. In Epistola quoque ab Athenis ad Thessalonicenses missa: Non inquieti, inquit, fuimus inter vos, neque gratis panem manduca-

ducauimus ab aliquo, sed in labore & fatigatione nocte & die operantes, ne quæ vestrū grauaemus, non quasi non habuerimus potestatem, sed vt nosmetipsos formam daremus vobis ad imitandum nos. Nam cum essemus apud vos, hoc denuntiabamus vobis, quoniam si quis non vult operari, nec manducet. Rursūq̃ue in Actis, ad maiores natu Ecclesiæ quæ Ephesi erat loquēs, ait: Argentū & aurū, aut vestem nullius concupiui, sicut ipsi scitis, quoniam ad ea quæ mihi opus erāt, & ijs qui mecum sunt, ministrauerunt manus istæ. Omnia ostendi vobis, quoniam sic laborantes oportet suscipere infirmos, ac meminisse verbi Domini Iesu, quoniā ipse dixit: Beatius est magis dare, quā accipere. His verbis monstrauit, etiā Episcopos huiusmodi labori vacare quandoque debere, vt habeant vnde alijs largiantur, nedum vnde ipsi viuant. Pauperulis olim Episcopis hoc iure præceptum fuisse, dicet aliquis: nunc autē opulenti, vt quid necesse est laborare? At ijs etiam, sed alia tamen laborandi causa erit, ne scilicet in multa (vt fit) rerū copia lasciuiare illos, & voluptatibus diffluere, otii cogat. In desiderijs enim est (vt Salomon ait) omnis otiosus.

Act. 20.

Episcopi.

Notate.

A B Haymone quoque Cantuariensi Archidiacono de Paulo traditum est, quod à gallicinio vsque ad horam quintam operi manuum, & inde vsque ad horam vespertinam faciendis ad populū sermonibus vacare solitus sit: residuū verò tēporis impertierit cibo, somno, precationi. Ita nullam horam illi præterisse immunem, expertemque laboris, nisi quam edendi dormiendiq; necessitas interpellarit. Sed in his omnibus ita eum se gessisse credimus, vt mentē nunquā non Deo intentā habuerit. Illudque quod alijs præceperat, prior ipse impleuerit: Sine intermissione orate. Sic ergo nobis opus aliquod faciendum erit, vt dum manus artificio occupatur, animus ipse interim oret, & in coelestiū meditatione iugiter versetur. Haymo. in 2. Cor. 11.

Iohan. 21.

Apostoli.

Petrus.

Thomas.

Iacobus.

Iohannes.

PETRUM, & Thomam, & Iacobum, & Iohannem, post susceptum etiam Apostolatus officium, piscatione se exercuisse, quinimò iubente Domino laxasse rete, in

Q. 4

Euan-

Euangelio legimus. Quis tale opus reprehendere audeat, si Dominus iubendo approbavit? Iam de eleemosynis eorum quos docebant, viuere licebat, iam dignus erat operarius mercede sua: & tamen crebrius ad tendenda retia, quam ad accipienda munera manum porrigebant, vt non auaritiæ, sed honesti laboris exemplo essent. *Iohan. 21.*

Lucas Euangelista.

LVCAM etiam Euangelistam arte picturæ animum spiritualibus negotijs fatigatum remittere consueſſe accepimus. Romæ duæ imagines viſuntur, altera Christi in Sanctis sanctorum, altera Beatæ Mariæ Virginis in Ecclesia quæ Sanctæ Mariæ Maioris dicitur: eas ab ipſo pictas ferunt, ſimilitudinem exprimentes eorum quorum nomini dedicatae ſunt. Conſtantinopoli etiam extare eiſdem Virginis effigiem pictam conſtat, quam ab eodem delineatam ac fabrefactam fama celebrat. Hoc exercitij genere ſi quis vt voluerit, illud tantummodo pingendum fingendumve ſibi meminerit, quod ad virtutem capeſſendam prouocet ſpectatores, non quod ad vitia inani oblectatione poſſit illicere. Hoc enim opus Diaboli eſt: illud, Chriſtiani. *Niceph. lib. 1. c. 34. & lib. 2. c. 34. & alij.*

Antonius Abbas.

ANTONIUS Abbas hominum ad ſe confluentium frequetia inquietatus, relicto Monasterio vterioſiorem Eremitum petijt, ac ne fratres victum ipſi deferendo vexarentur (tridui enim itinere ab eis diſtabat) terram coluit, ſementemque fecit, & oluſcula plantauit, vt etiam ijs, qui inuiſendi gratia eò acceſſiſſent, ad conueſcendum ſatis eſſet. Si quid inſuper otij ſuppeteret, ſportulas de palmarum folijs texebat, vt ſuo potius labore, quam alieno impendio, ſibi neceſſaria in ſolitudine cõpararet. *Athanaſ. in vit. Antony.*

Iohannes Abb.

E O S autem qui nihil agendo, nihil ſibi defuturum ſperant, præſumptione falli, Iohannis Abbatis monſtrabimus exemplo. Huic in Scythiotica eremo ætatem agendi, incidit in animo, vt diuinæ contemplationi abſq; aliqua corporis operatione cibiue cura, iam quaſi Angelus Dei vacaret. Itaque cellam deferens, per vaſtam ſolitudinem euagari cœpit, ſed die tandem ſeptimo fame urgente, cum iam
vesper

vesper esset, redijt, & cùm cellæ fores occlusas offendisset, contubernalem suum quem ibi reliquerat, vt sibi aperiret inuocauit, se Iohannē esse cōtestans. At illē: Nequaquam, inquit, nam Iohannes in Angelum mutatus est, nec cibo illi opus est, nec cum hominibus commorari necessarium. Tali exprobratione taxatum dimisit, passus eum nocte illa sub diuo ante ianuam iacere. Manē verò concessō aditu, cùm longa inedia lassum refecisset, fraterna charitate monuit, debere se hominem meminisse, materialibus adhuc escis nutriendū, vt sufficere possit actioni spiritali: proinde laborem Monachis communem ne detrectaret. Eo enim non solum corpore opportuna facillē parari, sed etiam animum ipsum recreari solere, vt semper quasi nouus ad agēdas Deo gratias, laudesque perfoluendas, redire cum alacritate festinet. Correctus igitur Iohānes, diuina deinceps negotia fabrilis operis vicissitudine impensius est executus, & quantum sua præsumptione lapsus fuerat, tantum consilio alieno vsus profecit. *In vitis PP. Iacob. de Vorag.*

IOHANNES alius Abbas, qui in Thebaidis Eremo vitā *Iohannes Abb.* duxit, singulis Dominicis diebus pane ab Angelo delato se sustentasse perhibetur: cæteris verò diebus fiscellas texendo victum sibi parauisse. Quòd si & alijs diebus, quemadmodum Dominico, feriandum esset: quotidie Angelus cibum illi attulisset. Quo tempore non attulit, id minimè otio conterendum esse iudicauit. *In vitis PP.*

SERAPIONIS Abbatis Monachos ita institutos fuisse *Serapion Mo-* accepimus, vt manuum mercede sibi in diem alimenta *nachus.* conquirerent. Eosdē cùm in agris tempestiua messis esset, operam locare, & quicquid stipis inde exegissent, totum indigentibus (hisque maxime qui vinculis publicis arctati erant) erogare atque distribuere cōsueuissē. Sic illi ne minimam quidem partem desidiæ dabant. Præcipueque largiēdo, cùm quicquam sibi superesset, pietatem excolebāt, sed nec minus humilitatem, cùm seruiles operas non dedignarentur. Vno igitur labore, trium virtutum fructum colligebant, solertiæ, pietatis, humilitatis. *Pallad. Hist. 76.*

Hilarius Abb. MANVM etiā labore victitasse fertur Hilarius Abbas in monte Emilix commoratus, atque ibidem suis impēfis Ecclesiam construxisse. Cū ergo corpus exercēdo animę integritatē conseruaret, & tandē coelestem beatitudinem consecutus sit, apparet verissimū esse illud in Ecclesiastico scriptum: Vita sibi sufficientis operarij condulcabitur, & in ea inuenies thesaurum. *Hist. Trip. lib. 6. c. 12.*

Vando Abbas. VANDO Abbas in finibus Gallix Monasterij Fontanellæ, quod ipse ædificauerat, cum Guidone nepote Deo seruiens, postquam egere cōpisset, à Batylda regina diuinitus monita plaustrum cibarijs onustum accepit. Sed deinceps de operibus manuum victui suo necessaria supeditauit. Quod si is, qui dum penuria premeretur, Dei erga se benignitatem expertus fuerat, manulem laborem non detrectauit, ne tentare videretur benefactorem suum in eo exigendo, quod ipse sibi præstare posset: vis tu necessitati tuæ non succurrere laborando, cū possis? quasi dignus qui ab Angelis, non ab hominibus pascaris? At ob hoc ipsum te indignū statuis, quod præsumptione vtaris, æque marcescere otio finas.

Venerius Abb. QVO d quidem cauens Venerius Abbas, dum solitarius in Palmaria insula, qui à continenti Lunensis oppidi octo millia passibus abest, vitam durē admodum aspereq; ageret, diu herbis pomisq; syluestribus sustentatus: tandem ad agriculturam se accinxit, tanto Domini fauore, vt vnum sarculum hordei que modicum habens, die vno humum prosciderit, semen sparserit, messem secuerit. Quo miraculo & hominis necessitati consultum est, & palam factum, quā istud exercitij genus Deo esset gratum. Nisi enim illi perplacuisset, nunquam tam præcoqua fruge, tam repentino prouentu laborantis curam compensasset. Hinc illud est in Ecclesiastico dictū: Non oderis laboriosa opera, & rusticationem ab Altissimo creatam.

Stephanus Solitarius. STEPHANVS Anachoreta in Mareotide regione, sanctitate vitæ & miraculis clarus, quamuis herniæ morbo (quem Græci Hydrocelam appellant) laboraret, nō tamen inter-

intermittere, quin certa diei hora de palmarum folijs funiculos intorqueret, maiorem morbum existimans otiositatem. *Hystor. Trip. lib. 8. c. 1.*

DANIELI Ægyptio Abbati & Presbytero in Scythiotico Monasterio degenti, sicuti facere aliquid operis post spiritalis labores libuit; ita ea quæ confecerat, ad vicum aliquem deferendo venditare rubori non fuit. Pretiū omne pauperibus dilargiebatur, eleemosynas de proprijs laboribus impendēs, cōperta ratione, qua & minimè otiosus, & maximè pius esset: utq; dignus appareret, cuius exemplo cæteri viuerent, miraculis nobilitatus est. *In vitis PP.*

NUNQVAM autem magis patet vanis cogitationibus mens nostra, quàm cum otio corpus ipsum indulget. Et hoc quidem Antonij exemplo probare possumus. Qui quondam solitudinis tædio affectus, cum dubius animi æstuarer, clamare coepit: Saluari cupio, Domine, & ecce cogitationes meæ mihi aduersantur. Mox ubi de cella prodijt, conspexit hominem monachali habitu succinctum, nunc calathos texentem, nunc ad orandū procumbentem. Et dum rem tacitus miratur, ab eodē tandem audiuit: Sic & tu age, Antoni, sic enim agendo saluaberis. Cumq; id loquentē statim nō comparuisse animaduerneret, Angelū Dei fuisse intellexit. Ac deinde operū orationumq; vices monitu eius diligēter seruās, ad tantā perfectionē cōscendit, ut nemo illis tēporibus, vel Abbatū, vel Monachorū, Anachoretarūq; maiori admiratiōi fuerit. *Ath. in vi. Ant.*

ARSENIUM Abbatem, dum opus faceret, lachrymas effundere solitum, Scriptores tradunt. Quæ res indicio est, longè aliud illum cogitasse, quàm quod manibus fabricaret. Manus quidem labori intentæ erant, sed mens diuinis meditationibus assueta, ad Deum tollebatur, & eius desiderio accensa à fletu temperare non poterat. O cœlestem virum, qui etiam inter laborandum futuræ beatitudinis dulcedinem degustabat. *Metaphrast.*

PHYLORONIVS Presbyter, dum in quodam Galliciæ monte multa se abstinentia fatigaret, nō minus manuum opera-

Daniel Abbas.

Anton. Abbas.

Arsenius.

Phylorionius Presbyter.

operatione exercebatur. Inde illi suppetere potuerunt longinquæ peregrinationis impensæ, Romam Ierosolymamq; ititâti. Et quoniam nunquâ neq; ieiunij angustijs, neq; manû, neq; pedum inquietudine defatigatus est, sempiternæ quietis indicibili bono perfrui meruit, Martyrum coronâ adeptus, non quòd Martyrium passus esset, sed quòd pares martyrio pro Christo suscepit labores.

*Archebius
Monachus.*

DE ARCHEBIO Cassianus refert, quòd dum adhuc in cœnobio cum fratribus versaretur, laborem, quo ibi omnes suis horis exercebantur, sibi duplicando pro matre creditori satisfecerit, cum ipsa ob inopiam soluendo non esset. At neque patrem, neque matrem agnouerat, dum Religionem profiteretur: tunc verò matrem se habere intellexit, cum illam egestate liteq; coarctari vidi, vt ei scilicet qui parentes honorare iussit, obediret, cuius amore & ipsam reliquerat & patrem. Archebius igitur præceptum Domini seruauit, matri oppressæ subueniendo: otio locum non dedit, laborem super doloré cumulando: Religionis cultû non intermisit, in Monasterio permanendo: & charitatis opus auxit, miserendo calamitati alienæ. *Cass. de gastr. c. 38.*

Idem.

DE INDE solitariorum institutum secutus, cum in insula Nili vitam duceret, Cassiano eò aduenienti, atque ibidem inter Anachoretas residere cupienti, cellam cum suppellectili dono obtulit, se inde transmigrare velle dicens. Post paucos autem dies reuersus, alteram multo labore sibi construxit. Sed mox & illam simul cum instrumêto pari simulatione alijs eò appulsis concessit, & iam tertiâ (vt ipse Cassianus tradit) sibi ponere moliebatur, hanc etiam daturus si habitatorem inuenisset. Tali itaque liberalitate ad seruitium Dei aduenas inuitabat, tali commento ne recusarent circumueniebat, tali denique labore perniciosam otij molliem excutere atque abigere lætus alacerq; solebat. Non sensit laboris tardium, dum opus exercet pietatis. *Ibid. cap. 37.*

*Pacomij Abb.
Monachi.*

CUM Pacomio Abbate in quodam Thebaidis monasterio mille quingenti Monachi erant, omnes manibus sibi victum

viſtum comparantes, ita vt etiam extra Monafterium pauperibus alimoniz ſubſidia mitterent. Plurima inter eos artificum opera, & præcipuè quibem exercendi corporis gratia, cudebantur, vt edomita aſſiduis fatigationibus caro diſceret ſeruire ſpiritu. Manus enim fortium (vt Salomon inquit) dominabitur: quæ autem remiſſa eſt, tributis ſeruiet. *In vitis. PP.*

Proverb. 12.

S I Q V I D E M & Paulus Abbas, in Ægypti eremo (cui *Paulus Abb.* Porphyrio nomen eſt) conſidens, cum ſibi ad viſtum hortulus, quem ipſe fecerat, & palmarum ferax regio ſatis eſſent: quotidie tamen aliquot horis palmæ texturæ operâ impendebat. Ea verò quæ texuerat, annis ſingulis concremabat. Septima enim & eo amplius manſione ab hominû habitaculis remoto, neque dare illa cuiquam, neque vendere promaptum erat. Quotidianus igitur labor nõ niſi fugiendi otij cauſa inſumebatur. Quod ſi deſidiæ torpori; ſe deditiſſet, nec in deſerto ſolus permanere, nec ad perfectionem ſanctitudinis peruenire potuiſſet. Multa enim malitiam docuit otioſitas. *Casſian. lib. 10. cap. 24.* *Eccl. 33.*

D I V V S Hieronymus ad Virgines ſcribens: Hoc vnû, *Hieronymus de monachis* inquit, apud omnes obſeruationis præcipuum eſt; & celebre per Ægyptum, vt neminem niſi obedientem & humilem ad omnes labores perficiendos & opera ſuſcipiant. *Ægyptii.* Quatenus domita caro, ex grauedine, cogitationibus vanis & voluptatibus nõ vacet ex otio. Teneatis firmiſſimè, quod omnis concupiſcentiæ & immunditiæ atque peccati mater eſt otioſitas. *Hieron. ad Euſtoch.*

I D C I R C O Simeoni Monacho ex Italiæ partibus in *Simeon Monachus.* illam Nili inſulam (cuius paulo ante mentionem fecimus) ſeſe conferenti, cum nullam artem calleret, præter Latinæ literæ (cuius illic uſus nullus erat) ſcriptionem, à quodam Seniorum prouiſum eſt ne otioſus eſſet. Finxit enim piſſimus ſimulator, habere ſe fratrem in Italica cohorte militantem, latinis literis inſtructum, & Simeonem petijt, vt ſibi Apoſtolicum Pauli codicem latinè conſcriberet, fratri mitterendû, quo ille legendo animi virtutibus proficere poſſet.

Sub

Sub tali prætextu & ipsum adscribendi exercitium exci-
tauit, & quasi mercedis loco cuncta eius victui necessaria
obtulit, veritus ne vel propter rei inopiam, vel otij copiã,
nouis homo illis in locis diutius perdurare nequireret.
Quantæ ergo vtilitatis est, post spirituales actiones aliqua
manuum operatio, si per eam in proposito bene beateque
viuendi perseveretur? quantæ necessitatis, si sine illa coli
habitarique solitudo non possit? *Cassian. lib. 5. c. 39.*

Sylvanus Abb.

APVD Sylvanum Abbatem in Scythiotico cœnobio
quidam hospitatus, cum fratres eius multum manibus la-
borantes vidisset, eam sollicitudinẽ quasi rem superfluum
cauillatus: Maria, inquit, optimã partẽ elegit, sedens secus
pedes Domini, & audiens verbũ illius. Post hæc cum hora
coenæ ex industria ipsum nõ vocassent: vbi coenatum est,
miranti ac quærenti cur ita se prætermisissent? Abbas re-
spondit, ratos fuisse, ipsi qu: se totũ spiritalem profiteretur
cibo potuq; minimẽ opus esse. Tunc demum illo errorem
confitente, subiunxit: Scias igitur, Mariam etiam Marthæ
ministerio indigere, auxilioque iuuari. *In vitis PP.*

*Dorotheus
Abbas.*

QVOD hoc quidem & Dorotheus in desertis Ægypti Ab-
bas, minimo somno indulgens, noctis quoq; partem operi
manuum dabat. Tunc nempe sportulas contexere solitus,
interdiu autem lapides conuochere & cellas ædificare, quas
ibi habitare volentibus (vt modo de Archebio diximus)
vltrò offerebat. Sportulis autẽ diuenditis, pretium omne
indigẽtibus donabat. Itaque semper laborando, semperq;
laborata alijs largiendo, & otium declinauit, & pietatem
coluit. *Hist. Trip. lib. 8. c. 1.*

*Femina.
Maria mater
Domini.*

ALTERIVS nunc sexus in hoc exercitationis genere
solertiam expediãmus. Ferunt ipsam Beatam Virginẽ (quæ
& virgines castitate, & matres partu superauit) dum adhuc
in Templo seruiret, à summo mane vsque ad horam ter-
tiam preces extendisse, à tertia ad nonam lanificio
sefe occupasse. Inde demum sumpto modico cibo, vsque
ad occubitũ Solis lectitasse Scripturas, & in earum medi-
tatione pernoctasse. Hac itaq; vitæ institutione ad tantam
morum

morum sanctitudinem deuenit, vt sola præ omnibus eligi meruerit, quæ & Saluatorem mundi pareret, & post partum Virgo permaneret. Quod si hæc, quæ sine peccato concepta, omnis prorsus peccati semper expers fuerit, id temporis quod orationi lectionique supererat, manuum labore sibi transigendum duxit: quomodo te in ignauia otij mollitudine quandoque desidentem, securam arbitraris, ô Virgo, quam in peccatis genuit mater, quam quotidie interius cogitationes, exterius proni ad vitia sensus impugnant? Crede mihi, non effugit decipulas diaboli, quisquis laborem fugit. *Metaphrast. & alij.*

Hviuscæ quidem sententiæ non ignara illa Monasterij *Euphrasia* Thebaidis antistita, quæ Euphrasiæ Deo sacratæ Virgini & *Virgo.* adhuc puellæ, præter domesticos, id est, cômunes cû alijs labores, hoc iniunxit, vt quotidie magnû lapidû acruum de loco ad locû transferret, & translatos rursus restitueret. Quamuis enim ieiunijs vigilijsq; hæud parû illam fatigari cerneret, timebat tamê, ne si quicquâ paulò remissius egisset, aliqua residens iuuenili in corpore turpis cogitationis scintillula incendium excitaret peccati. Eam autem sopiri vel etiam extingui posse hoc exercitationis additamento sperabat. Neque ipsam spes fefellit, quâdoquidem satis constat, Euphrasiam Virginem inter Sorores virtute atque integritate præstitisse. *In vitis PP.*

Hæc sanè exercendi corporis cura etiam coniugatas honestauit. Lantgrauij Turingiæ Principis vxor Elizabeth, *Elizabeth regis filia.* & eadê Pannonum regis filia (cuius non semel mentionem fecimus) cû multis ante viduitatem opibus polleret: nequâdo per otij luxu diffunderet, ancillarû officia vsurpabat, lanâ linumq; carpendo, nendo, texendo, suendo, cæteraq; id genus opera conficiendo, se plurimû fatigabat. Sic pudicitiam conseruauit, sic humilitatem custodinit, sic ipsa Euangelicæ perfectionis insignia, quibus post obitum mariti abundè eluxit, comparauit. Etenim ad illam veræ beatitudinis quietem perueniri nō potest, nisi per vitæ præsentis frequentes assiduosq; labores. *Conrad. Conc. Eliz. ab.*

A c ne

*Hieronymus
ad Demetriadē*

A c ne plura huiuscemodi exempla enarrādo modum excedat oratio, libet in fine capitis huius apponere verba Diui Hieronymi ad Demetriadem Virginem accuratē admodum eleganterque scribētis: Statue, inquit, quothoris sanctam Scripturam ediscere debeas, quanto tempore legere, non ad laborem, sed ad delectationem & instructionem animæ. Cumque hæc finieris spatia, & frequenter te ad figenda genua sollicitudo animæ suscitauerit: habeto lanam semper in manibus, vel staminis pollice fila deducito, vel ad torquenda subtegmina in alueolis fusi vertantur, aliarumque neta aut in globum collige, aut texenda compone, quæ texta sunt respice, quæ errata reprehende, quæ facienda constitue. Si tantis operum varietatibus fueris occupata, nunquam dies tibi longi erunt, sed quamuis æstiuus tendantur solibus, breues videbuntur, in quibus aliquid operis prætermisum non est. Hæc obseruans, & te ipsam saluabis & alias, erisque magistra sanctæ conuersationis, multarumque castitatem lucrum tuum facies: Scriptura dicente: In desiderijs est omnis anima otiosi. Nec idcirco tibi ab opere cessandū est, quia Deo propitio nulla re indiges: sed ideo cum omnibus laborandum est, vt per occasionem operis nihil aliud cogites, nisi quod ad Domini pertinet seruitutem. *Hieron. ad Demet. circa finem.*

*De corporis Castigatione per flagella.
Caput X.*

AT quoniam contra lasciuientis carnis petulantiā, nec ipsa interdum operum occupatio satis sufficit: alijs insuper castigationibus eam coercendam esse, Sanctorum exempla, quæ modò proponemus, docent.

Paulus Apost.

2. Cor. 12.

PAULVS Apostolus castigat corpus suum, & in seruitutem redigit, ne fortè cum alijs prædicauerit, ipse reprobis inueniatur. Adhæc Angelus Satanæ colaphizat eum, ne reuelationum magnitudine extollatur. Et si illi, qui vas electionis erat, in quo Spiritus sanctus habitabat, non fuit satis

fatis, peregrinando prædicandoque fatigari, & vbiq; fa-
 uientibus persecutionis procellis iactari atque concuti, sed
 ad domandos corporis sensus, aculeosque cupidinum re-
 tundendos, verberum quoque ictibus quati affligi, opor-
 tuit: quis tutum se putabit, & nõ proprii corporis imperio
 se subditum iri timebit, si in eo castigando non æque soli-
 citus fuerit? 2. Cor. 12.

THOMAS Cantuariensis Archiepiscopus tunicam & Thomas Ar-
 & femoralia poplitum tenus cilicina sub vestimētis gesta- chiepiſcopus.
 uit. Quippe indignum se qui Ecclesiæ præesset arbitratus
 est, nisi & membris suis præesse posset. Membra igitur
 tegminis asperitate cōtrita sibi subijcere studuit, nequādo
 ipse illis subiectus appetitum illorum sequi cogeretur, nõ
 suum. Sur. Tom. 6.

MAIORVS quoq; in Insula Britannia Sarina Episco- Maiorus
 pus, qui Episcopali dignitati solitudinis præposuit humili- Episcopus.
 tatem, spretis honoribus, eremum penetrans, præter in-
 credibilem cibi potusque abstinentiam, semper cilicio est
 vsus. Et quia virgo fuerat, virginitati inimicam indumen-
 torum molliem declinauit. Qui enim mollibus vestiun- Matth. 11.
 tur, in domibus regum sunt.

EADDEM cilicij gestatio Eadmundum Cantuariensem Eadmundus Ar-
 Archiepiscopum commendat, & hoc plus adijcitur, quod chiepiſcopus.
 Quadragesimæ diebus pro cilicio loricam plumbo con-
 textam induere solitus sit. Itaque nõ duritia solùm cilicini
 tegminis, verùm etiam plumbei grauitate carnis concu-
 piscentiam frenans, & ipse virginitatem perpetuò incor-
 ruptam seruauit. Abbo Floriac. & alij. Sur. Tom. 6.

MEDERICI verò Eduensis Abbatis cilicium, alijs Medericus
 etiam aduersus immundas tentationes remedio fuit. Mo- Abbas.
 nachus quidam libidinosa cogitationis iam stimulos ferre
 non valens, cū illud induisset, nequam spiritu confestim
 recedente, in castitatis puritate perseuerauit.

QVINTO Lodouico Galliarum regi, multò plus con- Lodouicus rex
 tulit interius cilicium, quàm purpura exterior. Hæc terre-
 ni regni insigne erat, illud cœlestis aditum præbuit. Ad

R

cilicij

258 DE CORPO. CASTI. PER FLA.
 cilicij quippe squalorem respiciens Deus, non ad purpuram
 luxuriam, Christianissimo regi & temporale regnum tu-
 tatus est, & æternum indulgit. *Bonifac. 8. Sur. Tom. 4.*

*Macharius
 Abbas.*

MACHARIUS Alexandrinus Abbas, cum corporis
 affectibus paulò improbius virgeri se videret, sacculum fabulo
 repletum vix homini portabile onus, per eremum ince-
 dens humeris baiulavit. Theosebio fortè obuiam factus,
 & quid ageret interrogatus: quòd vexatorem suum vexa-
 ret, respòdit. Nisi ergo corpus nostrum fatigatione aliqua
 agitauerimus, periclitabitur animæ fortitudo. Quando-
 quidem naturali quodam instinctu duo ista sibi inuicem
 aduersantur, & alterius vis alterius debilitate constat.
Pallad. Laus. Hist. 20.

*Hieronymus
 de quodam
 Monacho.*

DIVVS Hieronymus in eo libello quem ad Virgines
 Deo sacratas còscripsit, vidisse se in eremo affirmat vnum
 ex Monachis, qui à seniore iussus prægrandem lapidem iam
 octo annos bis in die per tria ferè milliaria gestauerat in
 scapulis, ita alacri animo, vt intermedio tempore semper
 noua sibi iniungi opera vltiò Patrè rogaret. Haud irritus
 hic videbitur labor, si còsiderabimus quãti fructus sit, cum
 obedire Patribus, tum otiositatem fugere. *Hier. ad Virg.*

Hieronymus

SI quis autè ipsius Hieronymi in legendo scribendoq;
 laborem consideret, dicet: quomodo sic occupato animo
 vlla turpis cogitatio potuit irrepere? Tum si ad Eustochiũ
 Virginein scribenti atque confitenti crediderit: (Memini
 me, inquit, clamantem diem crebrò iunxisse cum nocte,
 nec prius à pectoris cessasse verberibus, quàm rediret Do-
 mino increpate tràquillitas): planè intelliget, etiam inter
 labores cogitationum tentationi esse locum, easque cum
 labor nequit repellere, flagellis ac verberibus excutièdas,
 & semper auxilium diuinæ miserationis implorandum.
 Neque enim ex nobis sufficimus (vt Apostolus inquit) sed
 omnis sufficientia nostra ex Deo est. *Hier. ad Eustoch.*

2. Cor. 3.

*Bonifatius Ar-
 chiepiscopus.*

ILLUD quoque macerandi corporis genus, quod à
 Bonifacio Mysiæ inferioris Archiepiscopo seruatum legi-
 mus, non est silentio prætermittendum. Ferunt enim cum
 ad illas

ad illas gentes Christum Euangelizaturus proficisceretur, equitantibus ijs qui cum illo erant, ipsum medio brumæ tempore sine equo nudis pedibus incessisse. Et cum ad montium asperiora itinera peruenissent, equum conscendisse, sed tamen calceamenta minimè induisse, ita ut sæuiente hyeme, & niue quæ pedibus inciderat gelascente, plantas de stapede amouere nequiverit, donec aqua feruente superinfusa glacies solueretur. Hanc in illo aliorum patientiam imitetur, qui bullientem in medullis libidinis æstum cupiunt extinguere. Frigescente enim corpore, facile & ipsa frigebit Venus.

ID CIRCO fortasse & Hospitius apud Nuceriam solitarius (ut Paulus, qui Longobardorum Historiam scripsit, refert) ferro solido lumbos nudos præcinxerat, ut scilicet eam corporis partem magis attereret, unde magis voluntatis motum exurgere solere sciret. Virtus enim eius in *Iob. 40.* lumbis eius, & fortitudo illius in umbilico ventris eius. *Paul. Diacon. in Hist. Longobard.*

PHYLORONIVS item Presbyter intra saxeam speluncam inclusus, & ferreis nexibus manus pedesque reuinctus vixisse perhibetur, ut carcerem simul vinculaque perferret. Hic extremo vitæ die confessus est, nullum à se temporis momentum, quo non de Deo aliquid cogitaret, prætermisissimum. Dum igitur corpus voluntaria castigatione premeretur, spiritus ipse terrenis affectibus liber, semper cœlestia meditabatur. *Pallad. Laus. Hist. 113.*

MARTINVS in Marisco Campaniæ monte solitarius manens, ut euagandi facultatem sibi furriperet, catena saxo affixa pedem vinxerat. Et cum diu angustiam hæc libenter pertulisset, Benedicto Abbate id demum resciente, iubenteque ne committeret, ut catena ferrea potius quam catena Christi ibi illum fixum teneret: statim quidem nodos dissoluit, sed nunquam inde longius discessit, quam discedere vinctus poterat. Durum profecto & difficile fuit, hominem veluti rabidum canem ferreis vineulis constrictum permanere, sed multo difficilius, compede soluto longius

R 2

abeundi

*Hospitius
Monachus.**Phyloroni
Presbyter.**Martinus seu
Martinus.*

180 DE CORPO. CASTI. PER FLA.
abeundi voluntatem semper tenereligitam: vtrunque au-
tem difficultatem superauit amor Christi. *Gregor. Dial.*
lib.3.cap.16.

*Iohannes
Monachus.*

I O H A N N E M Monachum sub caua môtis rupe annos
treis rectum perstitisse tradunt, taliq̃ue corporis gestu, &
cibum & somnum cepisse. Et diutina tandem immobiliq̃;
statione tibiâs imas intumuisse, vlceraq̃, fecisse. Quid hac
patientia intolerabilius, si quicquam intolerabile est, quo
beatitudinis æternæ præmia compensantur. Ac ne dubi-
tes, Iohannem nunc in cœlesti gloria esse cum Angelis,
Angeli ministerio pedum eius læguor in terra curatus est.
In vitâ PP.

*Pacomius
Abbas.*

P A C O M I V S Abbas per dumeta & obducta sentibus
locâ nudis vestigijs deambulabat, vt voluptatis aculeos
spinarum aculeis quasi clauum clauo expungeret. Cruen-
tatis quidem pedibus ad cellam suam redibat, sed superata
tentatione magis de victoria, quàm de vulneribus dolens.
Psal. 125. De talibus Propheta Dauid cecinit, dicens: Euntes ibât &
flebant mittêtes semina sua. Venientes autem veniênt cum
exultatione, portantes manipulos suos. *In vitâ PP.*

Simeon Mon.

S I M E O N E M Monachum accepimus, dum apud pu-
teum aquam hauriret, fune de situla soluto, nudum corpus
multo volumine circunduxisse, vesteq̃ue superiniecta vin-
cula illa nullo conscio operuisse. Sed cùm tandem pene-
trantibus nodis exesa, & iam suppurata caro foetore secre-
tum prodidisset: Abbatis iussu funem detractum, ipsum
de Monasterio pulsum fuisse, quoniam id facinus magis
animi stultitiæ, quàm deuotioni imputabatur. Pulsum au-
tem abiisse in solitudinem. Et cùm ab eodem Abbate no-
cturnis terrificationibus peruisum agitato reuocâdus quæ-
reretur, in cisterna ficca inuentum, atque ad Monasterium
reductum, ostendit Deus, quanti talem in illo vitæ austeri-
tatem faceret, sine cunctatione disponendo, vt ab his ipsis
honoreretur qui expulerunt. *Euag. Hist. Eccl. lib. 4. c. 33.*

Franciscus.

P A T E R etiam Minorum Franciscus, quàm in se durus
extiterit, cùm sæpe aliàs, tùm illo potissimum tempore
monstra-

monstrauit, quando connubij cogitationibus eum impug-
nari contigit. Sibimet enim iratus, projectis repente indu-
mentis, & fune quo præcinctus fuerat arrepto, durè admo-
dum sese diuerberauit. Cæterùm vbi verbera parum pro-
fecissent (vsque adeò vehemens tentatio erat) extra Mona-
sterium prorumpens, in altam niuem (sicut nudus erat) se
deiecit, diuque volutauit. Ac deinde ex illa compactas
hominum effigies identidem toto corpore astringens, ipse
se alloquebatur, increpandoque dicebat: En tibi, Frâcisce,
vxor, en tibi liberi: aut vesti illos ne sic algeat, aut dimitte
omnia, & vni Domino serui. Sic ille tandem carnis petu-
lantiam domuit flagellis, & libidinis incendium gelidas
niues nudo amplexans pectore extinxit. *Bonauent. c. 5.*

IN hoc virtutis genere muliebris quoque sexus laude *Fœmina.*
sua non est fraudandus. Elizabeth Turingiæ Ducis coniux, *Elisabeth*
Regia progenies, cùm incolumi sospiteque adhuc marito *Vidua.*
Christum induisset, in secretiori cubiculo cum ancillis cõ-
clusa, vti se flagellorum ictibus onerarent iubebat. Ita sub-
mitti sese, & humilitate deiici didicit, experiendo, an pa-
tienter ferret verbera ancillarum suarum tam clari gene-
ris fœmina, *Conrad Concion.*

ILLÆ quoque Elizabeth Deo dicata Virgo, quam in *Elizabeth*
Comagiensi latentem Monasterio, fama virtutum mundo *Virgo.*
prodidit, & ipsa statutis horis quotidie flagello se cędebat,
vt carne inortificata Christo viueret: non immemor, quòd
ipse etiam pro nobis perpeti flagella voluit, flagellisque
atrociora. *Esbertus Monach.*

MARIA Decegnies Virgo, inuita à parentibus viro *Maria De-*
tradita, cùm præter quotidiana ieiunia crebrasque preca- *cegnies.*
tiones etiam flagris acriter se distringeret, monuit maritũ,
vt communi vtriusque voto castitatẽ seruarent. Naufragium
fecerat Virginitas matrimonij cõmissa fluctibus, sed dum
tabulæ innititur ieiunij, orationis, castigationis, illæsa in-
tactaq; ad portũ enatauit salutis. *Iacob. Virriar. Sur. Tom. 3.*

RADegvndis Clotharij Gallorum regis vxor, sub *Radegundis*
pretiosis & delicatis vestibus vile & asperum ciliciũ tulit. *Regina.*

Sicque omnem penitus venereę voluptatis motum de suo excussit corpore, vt tandiu à viro precibus contenderit, donec impetrarit vinculi coniugalis dissolutionem castitatis obligatiõe, quod fortasse nõ petisset, nisi prius carnẽ cilicio domuisset. Carne igitur spiritui subiecta, præponere coepit Christũ marito: Monasterium, Regno. *Sur. Tcm. 4.*

*Cecilia
Virgo.*

QV ID de Cæcilia Virgine dicam? quæ Valeriano despõsata, ne ipso quidem nuptiarum die cilicium suum dimisit. Exterius noua nupta auro textis fulgebat vestibus, interiùs Christi ancilla cilicio squalibat. Cumq; Fescinini concinerentur, & musici generis perstreperent instrumenta: illa tacita Virginitatem ipsi, cui se prius desponderat, Deo commendabat. Deus igitur per Angelum suum eam ita tutatus est, vt integram inuiolatamque seruarit, Martyrio coronarit, & pro cilicio luce induerit immortalitatis, *Ado in Martyrol.*

Sara Abbatis.

SARA in Scythi Virginum Præposita, cùm ad fluminis ripam posito Monasterio annos lx. habitasset, haud sustinuit, vt aliquando aspicere per fenestram vellet leniter præterlabentes aquas, pratiue adiacentis amoenitatem, ne ex eo aspectu aliquid caperet voluptatis. Nescio an cilicio vsa sit, vel flagellis, sed affirmare ausim, tantam hanc oculorum continentiam difficiliùs obseruari posse, quàm cilicium flagellaque tolerari. Huius exemplo constanter depugnandum est cum sensuum nostrorum affectibus, qui ab illicitis, nedum à vanis, auerti nullo modo possunt, nisi subdatur & laboribus corpus, & animus Deo. *Peir. de Natalib.*

Modus seruandus.

CÆTERVM corpus ipsum ita affligendo moderari debemus, vt rationi pareat, non vt occidat. Sicut & paulò durior seruus, non vt dispereat puniri debet, sed vt mitior submissiorque fiat, & Domini sui imperium magis prõpto exequi maturet famulatu. Certè navis ipsa, si supra modũ oneretur, subsidet, & fundum maris citiùs cõtinget, quàm littus: & si infra modum, ad omnem flatum instabili alueo alternaque laterum iactatione dum vacillat, periclitabitur. Et

tur. Et si lasciuiienti iumento plus oneris quàm ferre præualet imponatur, in itinere corruet: sin minus, contra stimulum calcitrabit. Tentandæ sunt igitur examinandæque vires, & æquandum cum viribus pondus, quod ferentem neque grauitate opprimat, neque leuitate licentiùs insolescere sinat.

LIBER QVARTVS.

De Corporis castigatione per Ieiunium.

Caput I.



QVARTVM nunc operis huius volumen, Domino adiuuante, inchoabimus: sed ne præcedentem materiam nimis citò reliquisse videamur, adhuc de ipsa corporis castigatione quod restat loqui pergemus. Et primum quidē illam, quæ ieiunijs constat, explicare aggrediemur: Vt qui volent hac quoque in parte Sanctorum vitam speculari, cibi potusque abstinentia ritè seruata, ad illud tandem spiritale à Deo electum ieiunium, quod est vitiorum derelictio assumptioque virtutum, faciliùs peruenire possint. Vt scilicet, esurientes & sitientes iustitiam, cum his ipsis, quos sibi proposuerint imitandos, æternæ beatitudinis pabulo saturentur.

QVANTÆ enim virtutis, quantæque, apud Deū æstimationis ieiunium semper fuerit, & vetus Scriptura indicat, *Moyfes Exod. 23.* & noua, Moyfes in monte xl. dies & totidem noctes nihil gustans, facie ad faciem cum Deo loquitur, & Legē digito eius in tabulis lapideis conscriptam accipit, quibus ob populi culpam contractis, rursus ieiunans, & Domini indagationem placauit, & Legem recuperauit. *Exod. 24.*

HINC in Leuitico præcipitur filiis Israël, vt septimi mensis diem decimā celebrem habentes, ieiunio affligant animas suas vsq; ad vesperū, pro satisfactione utiq; peccati

R 4

quod

264 DE CORPO. CASTI. PER IEIUN.

Dies Expiationis vel Propitiationis
Leuit. 23.

Elias Proph.
3. Reg. 19.
4. Reg. 2.

Sammuel Proph.
1. Reg. 7.

Saul rex.
1. Reg. 14.

Iosaphat rex.
2. Paral. 20.

Achab rex.

quod vitulum adorando commiserat, unde dies Expiationum dicitur: & in memoriam, quia Moyse ieiunio ac precibus exoratus Dominus, veniam illis indulserat, unde idē etiā dies, dies Propitiationis nuncupatur. Ieiunio igitur & Dei vindicta reprimatur, & commissā purgantur.

ELIAS Propheta post subcineritij panis esum & aquæ potum, cum dies xl. ieiunus ambulasset, peruenit vsque ad montem Dei Oreb, atq; idem igneo curru sublatus, transuectus est in Paradisum. Si illic satiari cupimus, hic ieiunemus. 3. Reg. 19.

SAMVELIS deprecationes ac simul populi ieiunium respiciens Deus, Philistinorum in Masphath exercitum in ipsos iam irruentem repenti fragore tonitruq; perterruit, & in fugam conuertit. Si sic stat pro ieiunantibus & orantibus Dominus, quis à tentationibus superatur, nisi qui neutrum diligenter exequitur? 1. Reg. 7.

SAVLIS item regis edictum obseruās populus Israël, quo die nihil comedit, ingētes Philistinorum copias, quas paulò ante metu percussus fugerat, fugientes persecutus est à Machmis vsque in Hailon, multisq; interfectis præda potius est. Inermis erat, & ieiunio se muniens armatus vicit. Quippe neminem ex Israëlitis arma tunc habuisse asserit Scriptura, præter Saulem & Ionatham. Non ergo armis, sed ieiunij virtute præualuerunt. Et cum vix decem millium numerum implerent, aduersariorū autem exercitus essent triginta currum, sex Equitum, reliquū vulgus sicut arena: fauente Domino multitudo cessit paucitati, armatura nuditati, saturitas ieiunio. 1. Reg. 14.

IOSAPHAT etiam Iudæ regem legimus ieiunium cunctis quibus præerat indixisse, cum Moab & Ammon & Idumæi innumera penè multitudo contra illum venientes, mutuis inter se vulneribus concidere, & qui cibo vacui erant, non tentato pugna periculo, repleti sunt spolijs inimicorum, 2. Paral. 20.

ACHAB rex scelere quondam quàm regno insignior, impietatis suæ poenā sacco & ieiunio humiliatus, distulit in po-

in posteros. Illo defuncto, Ochozias filius cecidit per can- 3. Reg. 21.
cellos coenaculi, & mortuus est. Ioram filius à Iehu sagitta 4. Reg. 1.
percussus, periit. Iezabelem vxorem vi de fenestra præci-
pitatam, equorum vngulæ contriuerunt, contritam dilace- 4. Reg. 9.
rauerunt frustatim canes, reliqui Lxx. filij in Samaria occisi
sunt. Et qui in Iezrael de domo eius erant, omnes Iehu 4. Reg. 10.
regnate interempti, & omne prorsus genus Achab inter-
necione sublatum. Tantam suorum ruinam, tam miserabile
spectaculum vidisset ipse, (sicuti per Prophetam intermi-
natus fuerat Dominus) nisi ieiunasset: ieiunauit, & vsq; ad
tertium regni successorem ea familiæ dilata est clades.

PECCAVERAT Dauid, & peccatum confitens à Na- *David Proph.*
than Propheta audierat: Transiit à te Deus peccatum *2. Reg. 12.*
tuum, & post hæc tamen infirmata sunt, inquit, in ieiunio
genua mea. Sed cuius genua infirma ieiunio erant, eius in *Psal. 30.*
Deo spes firma fuit. vnde ait: In te, Domine, speravi: non
confundar in æternum, 2. Reg. 12.

DANIELI ieiunanti diuina reuelantur mysteria, & *Daniel Proph.*
dies à sole iustitiæ illuminādus præfinito hebdomadarum
numero panditur. In lacum leonum missus, per dies sex *Daniel. 6.*
nihil comedit, & inter ferocissimas bestias mansit illæsus.
Cumq; esuriret, Abacuc Propheta per Angelum Domini *Daniel. 14.*
de Iudæa translatus in Babylonem, apposuit illi pulmentū
quod messoribus coxerat, & refocillatus est. Ieiunus igitur
Daniel sacramenta discit, leonum ferociam domat, pran-
dium diuinitus missum accipit. Deniq; de fouea in quam
proiectus fuerat liberatur. Et qui Deum Israël prædicanti
non crediderāt, saluato credidēre, mirantes & cōfidentes,
verum timendumq; esse Deum Danielis. *Dan. 6. & 14.*

At verò Prophetes ille de Ierusalē veniens in Bethel, *Propheta.*
cū alterius fraude mendacioq; deceptus fregisset ieiu-
nium, à leone (quod animalis genus ieiunanti Danieli pe-
percerat) suffocatus periit. Qui tamen dum ieiunium ser-
uabat, manum Ieroboam regis, ipsum ferire volentis,
arescere fecerat, & arefactam cū illum poenituisset, rur-
sum sanitati restituerat, Tanta itaque ieiunātis virtus fuit,

R 5

quanta

quanta soluentis ieiunium imbecillitas. Nam quem irati regis potentia lædere non potuit, vnus bestię vis interemit. 3. Reg. 13.

Christus.
Matth. 4.

N V N C nostra percurramus. Quadraginta dies ieiunauit Saluator noster, & à diabolo tentatus, ostendit quomodo insidias eius euitare, & virtutem possimus vincere, dum ieiunando vincit. Quamobrem in hoc pugnæ genere non est nobis viribus corporis opus ad vincendum, sed magis imbecillitas, ne in illo diabolus fomitem inueniat, quę concupiscētīę igne succēdat. Hic est enim faber sufflās in igne prunas, & proferens vas in opus suum. *Matth. 4.*

Isaia. 54.

Idem.
Lucæ 9.

A T Q V B idem Dominus noster, cū in mōte transformatus totus Diuinitatis suę luce resplēduisset, Moysen & Eliam iuxta se apparere fecit, quia & ipsi aliquādo quadragenarij ieiunij obseruatores extiterant, vt ex hoc nobis insinualet, eos qui libēter ieiunauerint, suo glorioso consortio esse dignos. *Luc. 9.*

Idem.

Q V I D est autem quod cū Discipulis orandi rationē tradidisset, continuō ieiunandi documenta ingessit: nisi quia illa demum fortis & efficax est deprecatio, quam cibi comitatur abstinentia? Hoc enim duplici telo validiora inimici machinamēta demoliri ac dirui posse monstrauit, cū de nequissimo spiritu effugando diceret: Hoc genus non eiicitur, nisi per orationem & ieiunium.

Matth. 17.

Idem.

Matth. 6.

N B autem abstinentiæ bono abutamur ad iactantiam, & virtutem in vitium commutemus, ait: Cū ieiunatis, nolite fieri, sicut hypocritæ, tristes. Et vt potius sub aliquo iocunditatis velo lateat alios corporis nostri maceratio: Tu, inquit, cum ieiunas, vnge caput tuum, & faciem tuam laua, ne videaris hominibus ieiunans, sed Patri tuo qui est in absconso, & Pater tuus qui videt in absconso, reddet tibi. Palæstinorum ista mollities erat, cū festum agerent, caput vnguētis delibutum, & lotam præferre faciem. Non ista faciēda, dum ieiunatur, præcipit Dominus: sed metaphora vtitur, per quā lætari & gaudere iubet, vt hypocritarū simulatæ sanctitatis tristitiā arguat. Vis igitur omnia prorsus

prorsus, quæ hic mandantur, implere? Hoc quod ieiunas, quod abstines, totum Deo, nihil ostentationi offeras.

P O S T Dominum Iesum primi inter Christianos Apostoli ieiunio vsi sunt. Ipse enim (vt in Euangelio legimus) cum in Matthæi domo accubuisset, quibusdam interrogantibus, quare Discipuli eius, sicut Iohânis & Phariseorum, non ieiunarent, respondit: Nunquid possunt filij nuptiarum, quàm diu sponsus cum illis est, ieiunare? Venient autem dies, cum auferetur ab eis sponsus, & tunc ieiunabunt in illis diebus. Peracta igitur spiritalis connubij celebritate, Passionis ac Resurrectionis tempus aduenit, & sublatu est ab ijs Sponsus. Exinde illius desiderio vehementer sollicitati, ieiunare & esuritione se afficere cœpere, nec vnquã ab his abstinentiæ angustijs recesserunt, donec in coelesti thalamo rursus eidem, quem tam ardentem desiderauerant, feliciter iuncti sunt: Vbi nunc ieiuniorum famem, quam hic haud multum sustinuerunt, æterni perpetuique conuiuij refectione compensant.

A P O S T O L I C U M autem virû Nicolaû Mireæ vrbis Episcopum ferunt infantulum adhuc in cunabulis vagientem, & fasciarum inuolucris colligatum, cum nutricis huberibus admoueretur, quarta & sexta quaque feria nō nisi semel fugere lac voluisse. Mira profectò res, nondum ad buas papasq; peruenerat, hoc est, potus cibiq; vsu, & iam ieiunia obseruabat. Sed si adulti sanctitudinem considerauerimus, non erit mirû quod talis ac tanti hominis etiam infantia mirabilis fuerit. *Ioan. Diacon. Sur. Tom. 6.*

I D E M miraculum vel portentum potius de Sisinio Thaunensi Episcopo refertur. Scilicet ipsum quoque cum editus lacte genitricis suæ aleretur, quarta & sexta feria tantummodo semel tenelluli oris labella huberibus admouere consueuisse. Cum autem & hunc multa animi sanctitate præstitisse manifestum sit, cur nō speremus, eum sanctum ac beatum euasurum, quisquis vel integræ iam ætatis vitam ab hac ieiuniorum obseruatione auspicabitur? *Sur, Tom. 3.*

Eos.

*Maiores
Episcopus.*

E O S D E M quartæ & sextæ feriæ dies **Maiores Sargien-**
fis Episcopus, ita ieiunio suo consecrauit, vt in illis prorsus
nihil degustaret. Alijs verò diebus pane hordeaceo victi-
tabat. Vis nosse quantum illi sic ieiunasse profuerit? Vir-
ginitatem perpetuò seruauit.

*Eadmundus Ar-
chiepiscopus.*

E A D M V N D V S Cantuariensis Archiepiscopus, ipse
quoq; Virginitatis coronam adeptus est: lasciuiam carnis
domans ieiunijs, feria sexta sicco pane tantum & aqua fri-
gida semper est usus. Nunquam illi curæ fuit, vt pasceret
corpus, sed vt sustentaret. Propter quid cibauit illum
Dominus pane vitæ & intellectus, & aqua sapientiæ salu-
taris potauit illum. Fuit enim Doctor egregius, disciplinis
diuinis apprimè eruditus, multis præterea miraculis cla-
rus. *Osbertus & alij. Sur. Tom. 6.*

Eccl. 15.

*Bonifacius Ar-
chiepiscopus.*

B O N I F A C I O Martyri Misiæ Archiepiscopo, quoti-
diana ieiunia pro delicijs erant, atque vt ad inediam per-
biduum quatrduumque protelaret, Dominicis tantum
diebus quintisque ferijs cibum capiens. Cum tamen do-
cendo gentiles, per Misiæ iter faceret, viæ ac frigoris aspe-
ritate fatigatus, ita temperauit ieiunium, vt quotidie dimi-
dio panis & aquæ poculo vires reficeret. Et quoniã neque
equo vehi voluit, sed pedes ire, detractis etiã calceamentis
(vt alibi diximus) magis mirandum existimo, tanto labori
talem ac tam modicam coenulam sufficere potuisse, quàm
quòd sine illo tot dierum quod dictum est, inediã tolerarit.
Tali vitæ tenore cucurrit ad Martyrium. Et alij quidè Mar-
tyres vnâ martyrij coronam receperunt: hic duas, ieiu-
nij martyrium sanguinis martyrio copulando.

Iuo Presbyter.

I V O N E M Presbyterum & ipsum sollicitum inprimis
abstinentiæ cultorem, omnia ab Ecclesia indicta ieiunia
sola panis & aquæ refectione obseruare solitum legimus,
vt plus aliquid faceret quàm quod præceptum fierat, &
alimenti tenuitas obedientiæ cumulus esset: aliàs etiam
abstemium fuisse, & nunquam vel modico vino vsum.
Sur. Tom. 3.

Anton. Abbas.

D E Antonio quoque Ægyptio Abbate memoriæ pro-
ditum

dictum est, quòd semel in die hora vespertina panem cum sale comederit, & aquam frigidam biberit: & cùm perseverantius ieiunaret, nunc bidui, nunc tridui in ediam passus sit. Tum quòd eam rem illi invidens diabolus, aliquando sumpta monachi forma apparuit, cibos porrexit, & ut aliquid sumeret, nec se fame confici permetteret, exhortatus sit, quòd tandem deprehensa fraude Antonius Crucis signo se munierit, & ille evanuerit. Ex quibus facile apparet, quàm magno emolumento nobis ieiunium sit, cùm tantæ molestiæ diabolo sit: & ieiunantes tentari posse, superari non posse. *Athanas. in vit. Anton.*

SAMSONIS quoque Dolensis Archiepiscopi ieiunia fuere, modò biduo, modò triduo transacto, modò post hebdomadam cibum sumere: Toto verò Quadragesimæ tempore, his aut ad summum ter, parcissimo victu lassum & effoetum viribus corpus recreare. *Baldric. scripsit eius vitâ.*

Samson Archiepiscopus.

SEVERUS Abbas natione Syrus, Dominico quoque die manè sacram Communionem, vesperi panem vnicum sumebat: altero cibo animam alens, altero corpus sustentans. Reliquis autem diebus cibo pariter ac potu vacuus perdurabat.

Severus Abb.

Hoc idem & à Mederico Abbate apud Hæduam Gal-
liæ urbem observatum, legimus.

Medericus Abbas.

ELPIDIVS etiam Abbas genere Cappadox, cùm desertum quoddam incoletet, & squalentis antri angusto carcere se occlusisset, tantum bis in hebdomada, id est, Dominicis, & quartæ Feriæ diebus vesci solitus dicitur.

Elpidius Abb.

MVTIVM item Abbatem in solitudine singulis Dominicis, singulo pane diuinitus sibi allato nutritum accepimus, alijs verò diebus absque cibo ieiunum permansisse.

Mutius Abb.

ILLOS quatuor, quos Pasnuthus Abbas in remotissima Aegypti Eremita commorantes reperit, Iohannem, Andream, Thaddæum & Philippum, hebdomadarum continuata ieiunia Dominicis diebus soluere solitos ferunt:

Quatuor Eremitæ.

Angelo

Angelo tunc iuxta eorum numerum panes deferente, & in aduētū Pafnutij quintū panem additū fuisse dicūt. Nec sanè mirū videri debet, quòd quidā sanctissimi homines in solitudine de cœlo receperint alimenta, cū etiā prauaricator populus Manna in deserto nutritus sit. *In vit. PP.*

*Stephanus
Presbyter.*

I L L V D ego maiore admiratione dignum reor, quod de Stephano Presbytero Constantinopolitano traditum est, quòd scilicet nondum editus ieiunia colere coeperit. Nam (vt aiunt) mater eo grauida, non vinum, non carnē, non lactinia gustare poterat: & si gustasset, præ nausea euomebat. Post hæc ipse iam natus, cū huberibus applicaretur, sugere matrem nisi ieiuantē nolebat. Tali ostēto significatum est, quantæ ille abstinentiæ obseruator mox futurus esset. Vbi enim cum ætate creuit virtus, in Téplo Beati Petri Apostoli clausuram subiens, herbas cum sale coctas absque alio condimento semper vesperi comedebat. Deinde Presbyter factus, pristino victui salem ademit, & ne hoc quidem tam fatuo cibo quotidie vti voluit, sed aut semel, aut bis tantū in hebdomada eum sumere, aut ad Dominicum vsque diem inedia proferre. Postremò cū in solitudinem secessisset, herbis crudis pascebatur, à cocto abstinebat, & monachum professus, cū à seniore iuberetur modico vino vti propter stomachum, vnicam vini guttulam in vrceum aquæ plenum instillare coepit, vt & obediret, & aquam tamen nihilo penè quàm antè sapidiorem biberet. Pauculas etiam ficus festiuis duntaxat diebus in cibo habuit, neque hoc quidem sua sponte, sed obedientiæ iure. Hic igitur iam ab initio in parentis visceribus à Deo electus, prædestinatus & sanctificatus, quàm magna res esset ieiunium ostendit, cū ipsam matrem ad id compellendo, tūc semet vsque in finem eo incredibiliter macerando, id est, à duodevigesimo vsque ad septuagesimum tertium ætatis suæ annum, tūc demum pascuis cœlestibus satiatus est, tantò quidem vberius, quantò hic vixerat abstinentius. *Niceph. lib. 22. rerum Rom.*

Liberalis.

S A N C T O Liberali, cuius ossa Taruisij posita honorantur,

rantur, vitæ merito de coelo concessum fuit, (omne enim donum perfectum desursum est) vti Dominico quoque die *Iacob. 1.* percepta spiritali alimonia Corporis & Sanguinis Christi sine vilo alio cibo reliquum tempus perduraret. Itaque quod ad animæ salutem sumptû erat, illius virtute etiam caro sustentabatur.

IOHANNES quoque Abbas in Thebaidis Eremitio, *Iohannes Abb.* quem sub rupe quadâ manentem toto triennio nunquam sedisse diximus, ipsam sacrosanctam Communionem Dominicis diebus à Sacerdote sibi delatam sumens, nihil aliud gustabat: hoc illi & Sacramentum, & victus fuit. *Pallad. Laus. Hist. 61.*

APELLES item Ægyptius faber ferrarius, vt Christo *Apelles Monachus.* seruiret, eremû penetrans, quemadmodû ferrum malleis, ita semet cudere cœpit ieiunijs, atque à Deo omni morum sanctitudine limatus & expolitus euasit: vt etiâ ipse nihil vnquam degustaret, præterquam Dominicis diebus panem illum qui de coelo descendit, quem qui dignè manducauerit, non esuriet in æternum. *In vitis PP.*

EPESIUM Anachoretam annos quadraginta, quos *Epesius Monachus.* in Scythiotica eremo peregit, Sol non vidit manducantem. Nunquam enim ante vesperum quicquam gustauit. *In vitis PP.*

DIVVS Hieronymus testatur etiam, Hilarionem Abbatem *Hilarion Abbas.* nunquam ante Solis occasum, nec festis diebus, nec in grauissima valetudine soluisse ieiunium, cum tamen duro admodum parcissimoque victu vsum dicat, herbarum syluestrium, hordeaceique panis, & non coctæ, sed aqua frigida maceratæ lentis, ita vt ei aliquando caligarent oculi, corpus scabredine rigeret, & tunc oleum pro remedio in cibatu addidisse. Denique à sexagesimo tertio, vsque ad octogesimum ætatis suæ annum, cum pane quoque abstineret, sorbitiunculis ex farina & holere comminuto sustentatum fuisse, donec reddito spiritu conuiuij coelestis perpetua & ineffabili dulcedine, quam semper appetierat, satiari cœpit. *Hieron. in vita eius. c. 3.*

DE SC

*Hieronymus
Presbyter.*

DE se quoque ipse Hieronymus ad Eustochium Virginem scribens, loquitur ac dicit: Repugnantem spiritui carnem hebdomadarum inedia subiugabam. Non tacuit quod olim in Eremito secretius egerat, ut illam quam docebat suopte exemplo magis moueret: & tamen confiteatur, cogitationum in corde lasciuiuentium illecebris, vix interdum se resistere potuisse. Pallebant, inquit, ora ieiunij, & mens desiderijs aestuabat in frigido corpore, & ante hominem suum iam carne præmorta, sola libidinum incendia bulliebant. Et ipsi nos tutos putabimus, si diem vnum aut alterum in hebdomada ieiunauerimus? Nescio an etiam ieiunium dici debeat, quod consequentis diei obruit repletio, cuius famem succedens exuperat saturitas.
Ad Eustoch. circa finem.

Sylvanus Abb.

SYLVANVS Abbas in deserto Scythi ieiunij die vnâ cum Zacharia discipulo iter faciens, ad quoddam Monasterium diuertit, & humaniter acceptus mādcauit. Cū autem discessissent, discipulum in via reprehendit, quod eo potu ieiunium ante tempus soluisset. Et cū ille tunc se ambos iam soluisse ieiunium diceret, cū in Monasterio comedissent: Minimè, inquit, nam illud non ieiunij solutio, sed charitatis communicatio fuit. Itaq; existimauit, absque ieiunij detrimento posse aliquid prægustari in sodalitia exterorum. i. cū aut ipse alios hospitio susciperet, aut ab alijs susciperetur. Quem morem apud Ægypti Monachos celebrem fuisse, autor est Cassianus: Ita tamen, ut illam prægustationem districtiore postea ieiunio compensarent, vsque adeo neque charitatem dimittere, neque abstinentiæ quicquam derogare volebant. *In vitis PP.*

*Cassian. lib. 5.
cap. 26.*

Odilo Abb.

ODILO Cluniacensis Abbas Quadragesimale ieiunium sollicitius obseruans, cū panem cinere aspersum comedisset, aquam potui poposcit: qua accepta, & statim in vinum mutata, ministrum increpuit, quod vinum pro aqua sibi attulisset. Illoque admirante, & rursus de fonte haustam afferente, idem secutum est miraculum. Vbi tandem agnouit Dei voluntatem, timuit recusare quod ab ipso

offe-

offerebatur, & asperiores cibum molliore poculo temperavit. *Petr. Damian. Sur. Tom. 1.*

GREGORIUS Pontifex ingenio ac sanctitate æquè *Gregorius PP.* clarus, dum adhuc monasticam vitam ageret, aduersa implicitus valetudine, ieiunium Quadragesimale seruare nō poterat. Adueniente verò Sabbati sancti die, flens Eleutherium Abbatem rogauit, vti precibus à Domino tantillum sibi virium impetraret, quod satis esset ad eam saltem tam celebrem diem ieiunio excolendam. Quo orante tantum concepit vigoris, vt etiam in alterum diem inediam facile producere posset, si voluisset. Sic quidem ipsemet in tertio Dialogi sui libro testatum reliquit. Quo exemplo aperte admonemur, vt si qua res ad seruandum ieiunium nobis impedimento fuerit, non negligamus, imò vt ab ea expediatur, votis precationibusq; Dñm solitemus. *Petr. dabitur, & pulsanti aperietur. In vit. Greg. lib. 1. cap. 8.*

NUNC foeminis, si quem fortè viros imitari piget, *foemine.* minarum proponamus exempla. Anna Elcanæ vxor, non *Anna Elcana.* capit cibum, sed luget & orat, & sterilitatem ab æmula *1. Reg. 1.* exprobratam Domino miserante foecunditate compēsat, moeroreque in gaudium verso, concinit, dicens: Exultauit cor meum in Domino, & exaltatum est cornu meum in *Ibidem 2.* Deo meo. Vinum & quod inebriare potest nunquā bibit, & bibentibus vinum hilarior efficitur, dum prolis generositate latatur. *1. Reg. 1. & 2.*

SARA Raguelis filia septem iam maritis, antequàm ab *Sara Tobia.* eistangeretur, viduata, octauum Tobiam triduo ieiunio seruauit incolumem. Cumque coniugum suorum interfector diceretur, omni penitus probro, dum ieiunasset & orasset, meruit liberari. Ipse denique Asmodeus dæmon, qui ipsos septem viros interemerat, vnius mulieris victus ieiunio religatur in deserto, amittitque nocendi facultatē, qui habuerat occidendi. *In libro Tobia.*

IBI VNA BAT Iudith omnibus diebus vitæ suæ, & *Iudith vidua.* Assyriorum exercitu fit fortior. Ozoias Bethulæ princeps & qui cū illo erant, iam se suaq; dedere hosti decreuerant,

S

quem

quem illa interemit. Itaque quos arma à seruitutis iugo defendere non valebant, vnus foeminae ieiunio & orationibus munita virtus liberauit. *In lib. Iudith.*

Anna Phanuelis filia.

ANNA Phanuelis filia quotidianis ieiunijs & obsecrationibus ad prophetandi culmen peruenit, Puerum Iesum, quem Simeon Sacerdos in vlnas acceperat, ipsa superueniens adorat, & Redemptorẽ Israël cõfitemur Spiritu sancto plena: quia cibo vacua, abstinendo & orãdo intellexit, quod Scribæ & Pharisei legẽdo nõ perceperũt. *Luc. 2.*

Asella Virgo.

A SELLA M Virginem Hieronymus laudibus efferens: Ieiunium, inquit, pro ludo habuit, inediã pro refectiõne, & cùm eam non vescendi desiderium, sed humana conditio ad cibum traheret, pane, & sale, & aqua frigida concitabat magis esuriem, quàm restinguebat. *Hieron. Epist. de laudib. Asellæ.*

Paula vidua.

IDEM Paulæ vita iam defunctæ virtutes enarrans: Tantæ, inquit, continentia fuit, vt propè mensuram excederet, & debilitatem corporis nimijs ieiunijs ac labore contraheret. Exceptis diebus festiuis, vix vnquam aliàs oleũ in cibo cepit, vt ex hoc vno æstimetur, quid de vino, & liquamine, & piscibus, & melle, & ouis, & reliquis quæ gustu suauia sunt iudicarit, in quibus sumendis quidam se abstinentissimos putant, & si ijs ventrem ingurgitauerint, tutam pudicitiam suspicantur. Post multa, tandẽ ait: Nulla iuuenum puellarum sano & vegeto corpore tantæ se dederat continetia, quantæ ipsa fracto & senili, debilitatoq; corpusculo. Postremò dicit, quòd cùm febre laboraret, nec medicorum consilio, nec Epiphanijs Episcopi suasionibus compelli potuerit, vt vinum biberet. Et ipse Epiphanius ab ea exiens, tantũ se profecisse dixerit, vt econtrariò sibi iam seni aquam bibere penè persuasum esset. Quòd si hæc & languore & ætate confecta foemina, vinum, in quo est luxuria, vsque adeò gustare timuit: quomodo non magis timere debeant, quæ & sanæ sunt, & iuuenilis ætatis feruore, etiam cùm multum ieiunauerint, incalescunt. *Hieron. de Epitaph. Paulæ.*

Et in

ET in illo Thebaidis Monasterio, in quo Euphraxia *Euphraxia*
 Virgo omnium spiritalium vnguentorum odore fragra- *Virgo.*
 uit, quotidiana seruabantur ieiunia, & non carnem, non
 lactinia, non vinum, non oleum, non denique dulcium
 genera fructuum gustare fas erat. Euphraxia verò biduo
 triduoque & tota interdum hebdomada inedia protra-
 hebat, vacuum cibo ventrem gerens, vt animam repleret
 virtutibus. *In vit. PP.*

MARIA Ægyptiaca, quæ meretricium quæstum in *Maria AEgy-*
 quæstum vertit Paradisi, in solitudinem secedens, tres tan- *ptiaca.*
 tum panes pro viatico secum tulerat. Et quoniam ibidem
 Deo seruiens plus minus xl. vixit annos, nec vnquam in-
 terim hominem vidit, præter (anno illo quo ad Dominum
 migratura erat) Zozimam Abbate, apparet eam hoc toto
 ferè tēpore sine panis esu perdurasse. Et si quicquā ederet,
 more feræ syluestrium herbarum pastu fuisse sustentatam.
 Quicquid culpæ olim per ingluuiē cōtraxerat, tali ieiunio
 purgauit, & quæ diu versata fuerat in prostibulo, post ere-
 mi angustias incola efficitur regni cœlorum. *In vitis PP.*

DE Felicula Virgine & Martyrē traditum est, carcere *Felicula Virgo.*
 inclusam dies septem nihil gustasse, & iterum in templum
 Dæ Vestæ sub custodia translatam, alios septem dies pari
 inedia peregrisse. Hac igitur abstinentiæ virtute roborata,
 constanti & imperterritō animo martyrij pertulit suppli-
 cium, nihil horrescens tyranni sæuitiam, sed mori cupiens
 & esse cum Christo. *In gestis Marcelli. Sur. Tom. 3. fol. 177.*

MARIA Decegnies, cuius ortu Niuela Leodiensis *Maria De-*
 Episcopi viculus nobilitatus est, à festo Exaltationis Crucis *cegnies.*
 vsq; ad Pascha ieiuniū cum sola panis & aquæ refectione
 per annos tres obseruauit. Eandē ferūt aliquando quinque
 & triginta dies absque cibo perseverasse, diuinis fruētē
 colloquijs. Tres itē & quinquaginta dies ante obitū suum
 nihil aliud gustasse, præter vitale viaticum Carnis & San-
 guinis Christi. Hinc defunctæ animā ab Angelis in cœlum
 ferri visam, vt quæ à terrenis alimentis identidē abstinue-
 rat, cœlesti pabulo repleretur in æternū. *Iac. Vitr. Sur. To. 3*

Cecilia.

CACILIA Virgo & Martyr, biduanis & triduanis ieiunijs meruit Virginitatis suæ Angelum habere custodē, & palmam obtinere Martyrij. *Ado in Martyrolog.*

Ieiunia moderata.

CATERVM non omnibus data est eadem abstinentię mensura, idemque modus. Alius dies multos in ediam pati potest, alius ne vnum quidem. Alij ad sedandam famem dimidium panis sat est, alij integer parum est. Tantum ergo sibi quisque ieiuniorum imponat, quantum ferre praualeat; tantum comedat, quantum ad regendos corporis sensus sufficiat, non ad extinguendos, quodque ad continuanda ieiunia cōgruere visum fuerit, non vt duorum aut trium dierum nimia abstinentia, subsequētiū repletione indigeat, & probro locus sit, dicentium: Hic homo cœpit ædificare, & non potuit consummare. Turrim igitur ieiunij constructurus, cōputet sumptus atq; ita moderetur vt futuro operi ad culmen vsq; educēdo suppetere possint.

*Cauenda gula-
fitas.*

Genes. 3.

Genes. 9.

Genes. 19.

Genes. 23.

Numer. 11.

1. Reg. 4.

Ezech. 16.

Luc. 21.

Luc. 6.

SE D cauendum est, ne dum abstinentię immodestiam fugimus, in vitium incidamus gulositatis. Quo subuersi Adam & Eua mandatum Dei contempserunt, & de Paradiso eieci sunt. Noë pudenda nudauit, Loth incestum cōmisit, Esau Primogenituræ ius vendidit, Populus Israeliticus in deserto perijt, Heli sacerdotis filij hostili gladio cæsi sunt, Sodomæ quoque euersio (vt ait Scriptura) superbia & saturitas panis fuit. Ideo Dominus in euangelio: Attendite, inquit, vobis, ne fortē grauentur corda vestra crapula & ebrietate, & curis huius vitæ, & superueniat in vos repētina dies illa. Et, Væ vobis qui saturati estis, quia esurietis. Mediocritate igitur opus est, vt nec nimium, nec parū, cibis abstineamus. Alterum seipsum incautē perdere est: alterum ventri, non Deo, seruire est.

*Ieiunandum
à vitijs.*

Rom. 14.

OMNI præterea ope & totis viribus enitendum, vt semper à vitijs, magis quā à cibo, ieiuni inueniamur. Alioquin nec à cibo ieiunasse proderit, si inter ieiunādum peccato locus erit. Non est (inquit Apostolus) regnum Dei esca & potus, sed iustitia, & pax, & gaudiū in Spiritu sancto. Pietatis igitur & iustitiæ cura, curam superet ieiunandi.

HOC

Hoc est enim ieiunium quod elegit Dominus, & propter quod per Isaïam ait: Sustollam te super altitudines terræ, *Isaïa. 58.*
& cibabo te hæreditate Iacob patris tui.

Ad hæc ne quid simulatè, ne quid iactanter fiat: Nolite ieiunare, inquit, sicut vsq; ad hanc diem, vt audiatur in excelfo clamor vester. Tales quippe Phariseum imitantur, qui ait: Non sum sicut cæteri homines: Ieiuno bis in sab- *Caenda ieiunij iactantia. Isaïa. 58. Lucæ. 18.*
bato. Sed dum insipienter gloriatur, Publicano quem despexerat, factus est deterior. Hos & per Zachariam arguit *Zachar. 7.*
Dominus, dicens: Cùm ieiunaretis & plangeretis, nunquid ieiunium ieiunastis mihi? Non enim Deo & iustitiæ, sed vanitati ieiunant, qui ieiunando hominum rumusculos & inanes gloriolas aucupantur, & dici, quàm esse sancti, malunt. Qui sæpe quidem vt se efferant, alijs detrahunt, nec Apostolum audiunt dicentem: Qui non manducat, *Roman. 14.*
manducantem non iudicet. Tu quis es, inquit, qui iudicas alienum seruum? Domino suo stat aut cadit. Stabit autem. Potens est enim Deus statuere illum.

Sint igitur examinata, sobria, pura, simplicia, humilia ieiunia: non immoderata, non lauta, non animi vitio *Qualia debent esse ieiunia.*
polluta, non ficta, non suæ laudis cupida, alienæ inuida, & liuoris magis, quàm abstinentiæ pallore infecta.

De cibi potusq; vilitate ac parsimonia.

Cap. II.

QUANTA autem ij qui Deo, non mundo seruiebant, cibi ac potus vilitate, parsimoniaque vsi sint, & iam ieiunia eorum explicando diximus, & nûc priuatim plenius dicemus: Vt victum illorum contemplantes, dap-
files helluonum cœnas, & immoderatas vini potationes corpori æquè atq; animo noxias, facilius contemnamus.

Iam primi illi humani generis parêtes Adam & Eva, *Adam et Eva.*
quandiu in paradiso fuere, arborum fructibus aliti sunt. *Hier. li. 1. aduers. Iovin.*
Eiecti quoque, non nisi pomis, olere, frugibus vescébatur, *Ambr. epist. 82*
& aquæ frigide potu. Carniû verò & vini vsus ad Diluuij

278 DE CIBI POT. VILITA. AC PAR.

vsque tempora dilatus est, id est, post duo millia & ducentos quadraginta duos annos quam mundus conditus. Et si tot seculis harum rerum vsu carere potuit humanum genus: profectò si cui nunc earundem abstinentia nimis difficilis videatur, gulæ, non rationi fauet. *Genes. 1. &c.*

Noë.
Genes. 9.

Post hæc igitur Noë primus vineam plātauit, vinum bibit, & inebriatus, detectis verendis iacuit indecorè, ita vt spectantibus ludibrio esset. *Genes. 9.*

Populus Israel
Psalms. 77.

ISRAELITICVS populus in deserto per annos xl. Manna alitur & aqua potatur. Carnium auiditas atq; esus illis exitio fuit. Vnde in Psalmo dicitur; Adhuc escæ eorū erant in ore ipsorum, & ira Dei ascendit super eos. Et occidit pingues eorū, & electos Israël impediuit. Vbi autem sepulti sunt, sepulchra cōcupiscentiæ appellata, vt posteros locus ipse admoneat, non concupiscere illud, ob quod alij morte multati sunt. *Genes. 16. Num. 11.*

Elisæus.
Christus. 1.
Iohan. 6.

VIGINTI panibus hordeaceis centū homines pavit Elisæus: quinque panibus hordeaceis, turbam quinq; millium Dominus satiauit. Vtrunque miraculū, sicuti cætera omnia, soli Deo tribuendum. Sed quoad propositum nostrum pertinet, attendamus, hordeacei panis esum, nec in veteri, nec in nouo Instrumento fuisse despectū. Pudeat nos, id panis genus respuere, quo Prophetæ & Apostoli, & cum Apostolis Dominus vsi sunt. 4. *Reg. 4.*

Aaron Sacerdos.
Leuit. 10.

AD Aaron reliquosque Sacerdotalis Ordinis viros, in Leuitico præcipitur: Vinum & omne quod inebriare potest non bibetis tu & filij tui, quando intrabitis in Tabernaculū testimonij, ne moriamini: & vt habeatis scientiam discernendi inter sanctum & prophanum, inter pollutum & mundum, doceatisq; filios Israël omnia legitima mea, quæ locutus sum ad eos per manum Moyfi. Vide igitur quod ipsa vini potatio & a rerum cognitione animum se-uocat, & in mortis periculum ducit. *Leuit. 10.*

IDEM in Iezechiël, quinto & quadagesimo capite, repetitur his verbis: Et vinū non bibet omnis Sacerdos, quādo ingressurus est atriuū interius. Præcipue ergo sobrios esse

esse oportet Ecclesiæ Altarisque ministros, quorum vita documentum aliorum est.

ET in libro Numeri Nazaræis & sanctificatis Domino *Nazaræi.* præceptum est, vt à vino & ab omni quod inebriare potest abstineant, nec quicquã quod ab vva expressum est bibant; vuas præterea neque recentes, neque siccas gustet cunctis diebus quibus ex voto Domino consecrati fuerint. Quod si ista perfectio eos etiam decuit, qui ad tempus se Dei seruitio dedicabant: quantò magis nostris conuenit, qui perpetuam seruitutem vouent? Et illis quidem matrimonij ius erat, nostri verò maximè castitatem profitentur. Quid autem tam castitati contrarium, quàm vinum in quo est luxuria? *Num. 6.*

SALOMON sapientia plenus, sapientiorem se fore *Salomon rex.* putauit, si abstemius viueret. Cogitauit, inquit, in corde meo abstrahere à vino carnem meam, vt animum meum transferrem ad sapientiam, deuitaremque stultitiã, donec viderem quid esset vtile filijs hominum. Impedit ergo sapientiam, & nutrit stultitiam, nec quid in vita vtile sit satis peruidere finit quantuluscunq; fortasse vini haustus. Nam si etiam modicus non noceret, haud ita penitus ab eo se abstrahere Salomon cogitasset. *Ecl. 2.*

RECHABITÆ etiam patris præceptis obsequentes *Rechabite.* scyphos & calices vino plenos, cum sibi propinarentur, *Ierem. 35.* respuerunt, Et non bibemus vinũ, inquit, quia Ionadab filius Rechab, pater noster, præcepit nobis, dicens: Non bibetis vinum vos & filij vestri vsque in sempiternum, Quamobrem merentur à Domino audire: Non deficiet vir de stirpe Ionadab filij Rechab stans in conspectu meo cunctis diebus. *Ierem. 35.*

TOBIAE in comedendo laudatur continentia, quod *Tobias.* in Ninive vrbe captiuus, & iugo seruitutis pressus, nunquam vt gentilium escis inquinaretur, animum induxerit: ritumque eorum spreto atq; despecto, semper legitima Dei sui seruarit. *Tob. 1.*

DANIEL, Ananias, Misaël, Azarias, & ipsi Babylone *Daniel Proph.* captiui,

180 DE CIBI POT. VILITA. AC PAR.

captiui, contempta regis mensa, legumina comedunt, & aquam bibunt, & eis qui Regijs epulis enutriti erant, apparent rubicundiores, obesioreſque. Atque his ipsis qui legumina carnibus, & aquam uino prætulērunt, à Deo datam scientiam legimus & disciplinam in omni libro & sapientia: Danieli autem intelligentiam omnium visionum & somniorum. Denique omne verbum sapientiæ & intellectus, quos sciscitatus est ab eis rex, inuenit in eis decuplum super cunctos Ariolos & Magos, qui erāt in vniuerso regno eius. Certè neque legumina amara sunt, neq; aqua acerba: & si essent, nōne tanta mercede præptahda ac præsumenda fuissent? *Daniel. 1.*

Daniel. 10.

A L I B I Daniel ipse: Panem, inquit, desiderabile non comedi, & caro & vinum non introierunt in os meū. Sed hic interim visiones videt, cum Angelo loquitur, futura discit: Intantum Deo placent, qui talibus abstinēt. *Dan. 10.*

Christus.

N A C nos mouere debet, quod Saluator noster ad epulas ierit nuptiarum, & cōuiujs interfuerit Publicanorum, & vorator, & potator vini, & peccatorum amicus à Phariseis appellatus sit. Non vt se pasceret hoc egit, sed vt alijs prodesset. Medicus ad curandos ægrotos accessit, non ad inuitatores conuiuia. Quippe qui, vt modestiam victūs doceret, quadraginta diebus nihil gustauit. Esurientes & sitientes beatos dixit, à muliere Samaritana potum aque petijt, Discipulis vt manducaret hortantibus: Cibus meus est respondit, vt faciam voluntatem Patris. Quod autem Corpus suum & Sanguinem sub specie panis & vini sumendum obtulit, Sacramentum id cibi spiritalis est, quo animus pascitur, non corpus. Nam post Resurrectionem quoque vt veritatem resuscitati corporis approbaret, cum Discipulis comēdit, non carnem tamen, nec quicquā aliud præter panem, piscem, fauum. *Luc. ult.*

Iohannes Bap.

E I V S præcursor Iohannes Baptista Spiritus sancto repletus antè, quam natus, locustis in deserto & syluestri melle pascitur, ob quam victūs austeritatem à Phariseis demonium habere dicitur: à Domino neque comedens, neque

neque bibens appellatur, nō quod nihil omnino sumeret, sed quod ijs duntaxat sustentaretur, quæ alij vt insipida viliaque despiciabant. *Matth. 3. & 11.*

APOSTOLI ipsi spicas segetum manibus confricāt, *Apostoli.* & hoc tam simplici cibo esuriē quo modo possunt leuant. Cumq; numero duodecim essent, nihil aliud quā quinque panes hordeaceos, duosq; pisces habuerūt in deserto, quando Dominus turbam quinque millium pauit. Iterum nihil omnino præterquā septem panes & pauculos pisciculos, quādo quatuor millia virorum satiata sunt. Rursum transfretantes obliti sunt panes secum ferre, vsque adeo cibarium curam non habebant, dum eius quem relictis omnibus secuti fuerāt, dulcedine satiantur, & tamē quod non ieiunarent, adhuc excusabantur, quia Sponsus cum eis erat. Quāto ergo continentius atque tenuius eos viditasse censebimus, postquam ablato Sponso, hoc est, crucifixo Domino, nuptiarum gaudium versum est in persecutionis luctum, & iam terrena omnia minus placere coeperunt desiderantibus cœlestia?

IACOBVS frater Domini appellatus cognomento *Iacobus Apost.* Iustus, vinum & siceram nō bibit, carnem nullā comēdit, reliquæ vitæ sanctitate sic excelluit, vt multi suspicati sint, propter necem eius Ierosolymā fuisse subuersam. *Euseb. Hist. Eccl. lib. 2. c. 23.*

PETRO quoque Apostolorum Principi post Ascensionem Domini, panis cum oliuis, rarō cum olusculis cibis fuit, vt moderati victus exemplum foret ijs quibus abstinentiæ præcepta dabat: iam piscator hominum factus, qui fuerat piscium. *Petrus Apost.*

PAVLVS Apostolus ad Romanos scribens: Bonum *Paulus Apost.* est, inquit, non manducare carnem, & non bibere vinum. *Rom. 4.* Et ad Corinthios: Si esca scandalizat fratrem meum, non *1. Cor. 8.* manducabo carnem in æternum. Et ad Timotheum; Noli *1. Tim. 5.* adhuc aquam bibere, sed modico vino vtere propter stomachum tuum, & frequentes tuas infirmitates. Cui propter aduersam valetudinem modico vino vti præcipit, *S* cum,

eum, dum sanus esset, aqua vsum ostendit. Sic etiam male affecto modicitatem, non copiam imperat, quod scilicet ad digerendam stomachi cruditatem satis sit, non quo etiam sopita genitalium voluptas excitari possit, ne corporis remedium vertatur in animæ perniciem.

*Fulgentius
Episcopus.*

H I N c sanè Fulgētius Ruspensis Episcopus, ne morbo quidem affectus, carnis alimento, vel vini poculo uti voluit, veritus ne infirmitati blandiens, semel intermissum vitæ rigorem sanus postea repetere nollet, superatus gulæ voluptate. *Sur. Tom. 1.*

*Honoratus
Abbas.*

H O N O R A T V S Fundensis Monasterij Abbas (vt Gregorius refert) puerulus adhuc, à parétibus inuitatus, cum à carnibus abstinere, deridiculi gratia interrogatur, an piscari in montibus vellet, qui tam procul à mari & fluminibus constitutis, piscibus, nō carne vesci optaret. Cumq; ipse taceret, ecce is qui ad aquam hauriendam perrexerat, piscem de puteo situla sublatum attulit. Quo miraculo effectum est, vt omnes conuiuiam, cuius continentiam irriserant, venerari inciperent. *Greg. Dial. lib. 1. c. 1.*

*Antonius,
Serapion,
Eshbinus,
Stephanus
Abbas.*

A N T O N I V M in Ægypto, Serapionem in Arsenoite regione, Ethbinum in quadā Hybernæ sylua, Stephanum Abbatem in monte Moreto, pane tantum & aqua sustentatos fuisse, legimus: sed Antoniū cum iam infirmior ætas pristina austeritati par esse nō posset, oluscula & arborum fructus cum pane comedisse. *Pallad. Hist. 51.*

Elias Eremita

E L I A Eremitæ in finibus Antinoi, quæ est Metropolis Thebaidis, iam ætate decrepito, exiguus panis & paucissima oliuæ cibus erat; robustioribus verò annis interdum hebdomadarum inediam tolerauit.

*Pastumius
Abbas.*

P A S T V M I O Ægyptio Abbati panis tantum & aqua victus erat, vtrunque appédere solitus, ne edendi auiditas plus hauriret, quàm quod sustentando corpori sufficere posset. Antehac verò dum solitarius viueret, crudæ herbæ illi cibum, fontes potum suppeditabant. *In vitis PP.*

Hor Abbas.

H O R etiam Abbas quàm diu solitudinem incoluit, herbis, radicibus, aqua, sustentatus est, panem abstinuit, donec mo-

nec monasterio prapositus, communi cum alijs cibo vti coepit, vt ipsos lucrificeret, & quadā vitæ æqualitate contineret. *In vitis PP.*

APOLLONIUS Abbas panem, olus, herbas edere *Apollonius Abbas.* solebat, sed ita sanè, vt ea vel sale condiret, vel aceto maceraret, coctum gustauit nihil. *In vitis PP.*

THEONEM quoq; Monachū cruda comesse accepimus, nec in vescendo ignis opera vnquam vsuū. *Ibid. Theon Monachus.*

HONOPHRIUS item Abbas, cū sede incerta per solitudinem vagaretur, diu herbis tantū & fructibus sustentatus dicitur: demum pane & aqua nutritus, Angelo homini ministrante, *Ibid. Honophrius Abbas.*

PALÆMON Monachus in Thebaidis deserto habitās, *Palæmon & Pacomius.* celebri Paschæ die Pacomium contubernalē suū rogauit, vt solito largiūs obsonaret. Coxit ille olus, oleoq; & sale condiuit. Sed posita mensa, Palæmon suspensus parumper stetit, ingemuit, lachrymas effudit, & Dominus meus, inquit, crucifixus, felle & aceto potatus est, & ego oleum addam? Auertentem se ac lugentem, Pacomius hortabatur vt fumeret, & illam olei lauititiam, non tam sibi, quàm Festi solennitati concederet. tantum profecit, vt nec ipse aliud gustarit quàm quod consueuerant, panē scilicet cum sale, aquamq; frigidam. Sic resecti, Deo gratias egere, hoc tantū festo tribuentes, quod escas tunc sapidiores parauerint quàm comederint: ad eò oleū in cibo sumere, luxuriæ deputabant, *In vita Pacom. c. 7. in vitis PP.*

AMANDVS Turoni ad Beati Martini sepulchrum xv. annos mansit, & hoc toto tēpore cibus illi panis hordeaceus, aqua potus fuit. Postea Traiectensis Episcopus factus, miraculis illustratus est, Heraclio in Oriente imperante. *Sur. Tom. 1. Amāds Epif.*

GERMANVS etiā Altifiodorensis Episcopus tenuissimo victu contentus, vino abstinuit. In solennibus tamen Festis ita aqua diluto vtens, vt vinum nō saperet. Antehac hordeaceo pane & leguminibus vixerat, & his non sale, sed cinere conditis, quotidianū seruans ieiuniū. Cum hac
cibi ac

284 DE CIBI POT. VILITA. AC PAR.

cibi ac potus vilitate luxuriam commutauerat epularum, ex Burgundiæ Præfecto Monachus factus, deinde Episcopus Altiſiodori. *Henr. Monach. Sur. Tom. 4.*

*Evagrius
Presbyter.*

EVAGRIVS Presbyter quadraginta annos pane, oleo & aqua vsus est, deinde annos xvj. pomis coſtoque abſtinuit. Poſtea verò etiam panem ſibi interdixit, ac per biennium olere tantum & lentibus vixit. Hic duorum Machariorum diſcipulus fuit, quorum mores imitando adeptus eſt meritum. *Pallad. Hiſt. 86.*

*Hieronymus
Presbyter.*

SANCTVS quoque Presbyter Hieronymus ad Euſtochium Virginem ſcribens, quanto labore in eremo carnis tentationibus repugnarit, recenſet, atque inter multa: De cibis, inquit, & potu taceo, cum etiam languentes Monachi aqua frigida vtantur, & coſtum aliquid accepiffe luxuria ſit. *Hieron. ad Euſtoch.*

Idem.

IDEM Pauli primi Eremitæ vitam deſcribens, Ieſum & Angelos eius teſtatur, in Eremi parte quæ iuxta Syriam Sarracenis iungitur, vidiffe ſe Monachos, quorum vnus per annos triginta clauſus, hordeaceo pane & lutulenta aqua vixit, alter in ciſterna veteri, quam gentili ſermone Syri Cubam vocant, quinque caricis ſuſtēbatnr. *Hieron. de Pauli vita.*

*Paulus pri-
mus Eremita.*

PAVLVS autem (vt idem refert) à ſextodecimo ætatis ſuæ anno vſque ad ſexageſimum, palmæ fructibus vixit. Deinde vſque ad cxij. quo terris relictis ad cœlum migravit, dimidiati panis fragmenſum quotidie coruo alite deferente acceptauit. In aduentu Antonij integer allatus, Deo donante quantum vtrique ſatis eſſet. Qui cum comediffent, ad fontem accedentes, prono ore manibus concavis aquam hauriendo ſitim expulerunt. *Hieron. de laudib. Pauli.*

*Timotheus
ſolitarium.*

TIMOTHEVS quoque Anachoreta in deſerto Ægypti poenitentiā agens, palmæ fructibus & aqua de fonte hauſta, ſuſtentatus eſt.

*Dorotheus
Abbas.*

DOROTHEO Abbati in Ægypto vnciæ panis ſex, & oluſculorū faſciculus, & aquæ cōgius reſectio erat. *In vit. PP.*

PAMBO

P A M B O Abbas cùm animam ageret, confessus est, *Pambo Abbas.*
quòd ab eo die quo solitudinem ingressus fuerat, panem
nō gustarit, neque quicquam cuius ipsum pœniteret pro-
locutus fuerit, & se tamen sic è vita discedere, tanquā qui
modò cœpisset, non tanquam qui profecisset.

P I O N Abbas in Thebaidis deserto, quo minus in edē- *Pion Abbas.*
do voluptatis caperet, deambulādo sumebat cibum, aqua
in potu vsus, quam ipse effosso puteo amarā in dulcem
verterat exorato Domino. *In vitis PP.*

P H I L O R O N I U S Presbyter in Galatia annos duo- *Philoronus*
deuiginti in cella clausus, pane & cocto abstinuit, dein *Presbyter.*
duobus & triginta annis nullum pomi genus gustauit, vt
omni ciborum dulcedine seposita, edendi auiditatem
coercere facilius posset. *Pallad. Laus. Hist. 113.*

H I L A R I O N E M Abbatem D. Hieronymus tradit à *Hilarion Abb.*
quintodecimo vsque ad vigesimum ætatis annum, quin-
decim caricas post Solis occasum comedisse. Triennio
deinde dimidium lentis aqua maceratæ sextariū, ac dein-
de totidem annis panem cum sale & aqua, & totidē alijs,
virgultorum radices herbasque syluestres crudas. Deinde
annis nouem hordeacei panis vncias sex, & coctum mo-
dicè olus absque oleo. Postea debilitate corporis compul-
sum, olei parum addidisse vsque ad tertiū & sexagesimum
vitæ annum. Inde vsque ad Lxxx. pane abstinuisse, sed for-
bitiūculis vsum de farina & olere comminuto factis, potu
ciboque vix vncias sex appendentibus. Cæterum nunquā
ante Solis occasum quicquam gustasse, & neque diebus
festiuis, neque in grauiſſima febre soluſſe ieiuniū. *Hieron.*
in vita Hilarion. cap 3.

H O S P I T I U S ille, qui Longobardorum in Italiam *Hospitius.*
aduentum longè antè prædixit, pane & pomis vſcebatur.
Quadragesimæ verò ieiunia herbarum tantum radicūq;
refectione trāſigebat semper abſtemius. *P. Diacon. de gest.*
Longob. lib. 3. c. 1. Greg. Turon. Hist. lib. 6. c. 6. & 7.

R O M V A L D V S Abbas Ordinis Camaldulensis insti- *Romualdus*
tutor, dum in Eremita vitam ageret, panem & fabam aqua *Abb. u.*
mace-

maceratam comédit. *Sur. Tom. 3. ex Petr. Damiano,*

Maxentius
Abbas.

MAXENTIVS Pictaviensis Abbas, pane hordeaceo & aqua victitavit. Arido in loco cum Monachi siti laborarent, terram virga percutiēs fontem scaturire fecit, ut scias elementa ei servire, qui gulæ & ventri dominatur.

Gregorius
Episcopus.

GREGORIUS Lingonēsis Episcopus panes hordeaceos triticea crusta oblitos esitabat, in aquæ poculum tantillum vini addere solitus, ut aqua suum saporem servaret colore mutato. Sic occultabat victus angustioris usum, ostentationem fugiens, & soli Deo placere affectans, tametsi ciuitas in monte posita latere nō potuit, semperque fugientem sequitur gloria, sequentem fugit. *Greg. Turon. de vit. PP. Gallie lib. 7. & alij.*

Iohannes
Presbyter
Martyr.

IOHANNEM Presbyterū, qui in Gallia apud Castresium pagum Martyrio coronatus est, crudis herbis & aqua frigida sustentatum ferunt. Qui sponte corpus suum sic afflixerat; illud & Martyrio exponere sine hæsitatione potuit, dissolui cupiens & esse cum Christo.

Philippus
Columbanus
Abbas.

COLUMBANVS in Gallia Abbas, annis sexaginta herbis tantum ac radicibus sustentatus est. Fontē de petra Deum precatus eduxit, qui hodie quoque effluit hubertim, & terram irrigat. *Beda c. 8. in vita eius.*

Alcibiades
Martyr.

ALCIBIADI Martyri apud Lugdunum panis, sal, aqua, victus erat. Sed tandem in carcerem trusus, ne scandalo esset ijs qui secum erant, reliqua immunda fortasse credituris, cum adhuc infirmi essent, nihil recusavit eorū, quibus ipsi utebatur, malēs abstinentiæ aliquid remittere, quod fidei scrupulū proximis generare, monēte Apostolo ac dicēte: Noli esca illū perdere, pro quo Christus mortuus est.

Blasius Episcopus
& Martyr.

BLASIUM Sebastæ Episcopum, cum Diocletiano Ecclesiam vastante, ad desertam sine viatico declinasset, aues aluerunt, donec inuentus in Christi confessione vitam finivit. Non solum igitur in necessitate seruum suum Deus non deseruit, sed etiam præregatina Passionis honestavit: esurienti misit cibos, latenti Martyrij coronam. *Ado. Metaphr. Sur. Tom. 1.*

BANE

BENEDICTO Abbati, cum saxæ rupis olim spelunca clauso panis defecisset, Presbyter quidam diuinitus monitus, prandiolum suum attulit, & quoniam tunc solennis Paschæ dies erat, secû cibû liberius capere hortatus. Deo gratias egit Benedictus, tûm quòd sibi victum in tempore prospexisset, tûm quòd Sacerdotem suû sibi in solitudine videndû obtulisset, taliq; lætus hospite, gratanter ea quæ allata erant, vnà cum illo comedit. *Greg. Dial. lib. 2. c. 1.*

Benedictus.

LVPVS Senonum Archiepiscopus, cum secû coenatibus vinum defecisset, sperare omnes in Domino iussit, nec metuere sibi quod sperassent defuturum. Vix dum sermonem finierat, cum nuntiatû est, cados vini plenos ante ianuam stare, ipso qui attulerat incognito atque incerto, neque inter conuiuantes dubitatum est, quin à Deo missi fuissent. *Sur. Tom. 5.*

Lupus Archiepiscopus.

EGIDIUS Abbas ad Rhodani ostia latebram sibi eligens, triennio nulli cognitus, cerua lac præbente nutritus est. Postea inuentus atque inde eductus, præesse Monachis coepit. Igitur quamdiu hominû cõmercio caruit propter Deum, bellæ obsequio dignus fuit. *Fulbert. Carnotens.*

Egidius Abb.

ERASMVS Episcopus Diocletiani persecutionem fugiens, in monte Libano à coruis pascitur, àb Angelis visitatur, feræ etiam syluestres posita ferocitate illi blandiuntur. *Iacob. de Vorag.*

Erasmus Episcopus.

ANTONIUS Martyr Apamæ passus, cum de via fatigatus sisiret, & arentis loci solum nullis rigaretur aquis, preces ad Deum fudit, virga humum percutit, atque inde fons emanauit, cuius potu refocillatus, iam confidentius ad Martyrium cucurrit.

Antonius Martyr.

BASOLVS quoque Rhemensis Abbas in Galliæ partibus, dum montem solitarius incoleret, nec aquam haberet, Deû precatus, fonté de ræpe manare fecit, qui etiamnum fluere dicitur. *Sur.*

Basolus Abb.

BEATVS etiam Franciscus, dum rustici cuiusdam sitim in solitudine miseratur, procumbens Dominum deprecatus est, moxq; humus fonticulû emisit, cuius haustu rusticus,

Franciscus.

288 DE CIBI POT. VILITA. AC PAR.
 rusticus, qui iam moribundus sicco ore anhelabat, recreatus vixit. Ac ne plura eiusmodi enumerem: nudos ad prædicandum Apostolos miserat Dominus: & interrogati, an missis sine sacco, & pera, & calceamentis aliquid defuisset, responderunt, Nihil. Quid enim deesse potest ijs, quibus adest ille per quem facta sunt omnia? *Bonauent. c. 7.*

*In Monasterio
 obseruatum.*

SE D ne à proposito diuertisse videamur, illud quoque hoc loco puto referendū, quod in Monasterio Tabernensi, vbi Amos Abbas mille quingentis Monachis præfuit, legimus obseruatum. Fratres ad mensam congregati, penditibus à fronte cucullis, ita oculos tegebant, vt aliud aliud videre comedentem non posset. Itaque tantum quisque sumebat, quantum collibuisse, & singulorum continentia singulos latebat, ne inani gloriæ daretur occasio, sed diuino cōspectui munus illud sinceriùs offerretur, quod submouebatur humano. *In vitis PP.*

*Femina.
 Agar ancilla.*

PR O M A M V S aliqua etiam hoc in genere foeminarum exempla. Agar ancilla cum Ismaële filio eiecta, panem tantum & virem aqua plenum secum in solitudinem deserti. Consumpta deinde aqua, puer & ipsa siti vexati, fonte Angeli pietate ostenso refocillantur. Abraam diues erat, & inuitus illam emittebat: in Angelo diuina virtus omnipoterat. sed & ille ægrè dimittens, & hic multū miserans, aquam solam ad potum cessisse ei scribuntur, vt hinc facile cōijci possit, iam tum mulieribus nefas fuisse vinū bibere.

*Ruth Moabit.
 Ruth. 2.*

RY T H Moabitis in agro Booz, cū spicas deciduas legeret, benignè ab ipso accepta, panem tantum iubetur comedere, & buccellam intingere in aceto, & cū sitierit, easdem aquas potare, quas potabant messorum. Quod illa quidem pro magno munere habens, gratias egit, comeditque & bibit. At ipse quam victu tam parco, tamq; simplici delectari vidit, dignam censuit, vt sibi acciperet uxorem, & ex ea filios procrearet, non dubitās de pudicitia illius, cuius sobrietatem fuerat expertus. *Ruth. 2.*

*Iudith vidua.
 Iudith. 10.*

IU D I T H cū ad illud grande facinus, quod mente agitauerat, perficiendum properaret, imposuit (vt ait Scriptura)

ptura) Abraz suaz ascopam vini, & vas olei, & polentam, & lapates, & panes, & caseu, & profecta est: à carnibus ergo abstinebat, atque (vt ego existimo) etiam à vino, tunc tantummodo illo vsa, cum & animi audacia opus esset, & vires quas ieiunio cilicioq; ante frègerat, excitandæ acriore potu essent, vt foeminæ dextera ad secandam torosam tyranni ceruicem posset sufficere. Quæ enim vinum contra Holophernem tulit, eam contra carnis molestiâ ieiunijs & abstinentia certasse nouimus. Quoniâ aliter quidê pugiles & gladiatores alendi sunt, aliter serui Christi. *Iudith. 10.*

PRÆTEREA non minor Iudith viduæ, quàm Annæ *Anna Elcana.* Elcanæ vxoris sanctitas in Scripturis prædicatur. Anna tamen vinum & quod inebriare potest, nunquam se bibisse dixit. Et si coniugalîs pudicitia minus tutam se putauit, si vinum gustasset: quomodo vidualis castitas eodem gustu corrumpi non formidaret, cum hæc illâ interior sit, difficilisque seruetur? *1. Reg. 1.*

MARTHA Virgo Christi hospita, & Christi sponsa, *Martha Virgo.* post eius ad coelos ascensum, carnem nullam comedit, à lacticijs quoque & vino abhorruit, quotidianû seruans ieiunium, donec rursus suauissima hospitis & Domini sui præsentia satiari sibi liceret, iam nunquam ab ipso recessuræ. *Iacob. de Vorag.*

MAGDALENAM verò sororê eius in deserto diuinis *Maria Magda-* magis, quàm humanis alimentis, fuisse sustentatam accep- *lena.* pimus, dum partem illam optimâ possidere nititur quam elegerat, & quæ non auferetur ab ea. *Iacob. de Vorag.*

Et vt quædam quæ præcedenti Capite dicta sunt, hic etiam breuiter repetantur, Afella Virgo pane, sale & aqua *Afella.* contenta fuit. Paula oleum in cibo non cepit, lactinia, *Paula.* mel & alia palato suauia, gustare noluit, vinum ne infirma quidem. Enphraxia præter hæc, fructus gustu dulces repu- *Enphraxia.* diauit. Maria Ægyptiaca vel crudis herbis, radicibusq; vel *Maria ABgy-* cibo nullo vixit. Maria Decegnies pane & aqua vacuum *ptiaca.* & ieiunum ventrem reficiebat, inedia semel ad trigesi- *Maria Ognia-* mum, iterum ad quinquagesimum produxit diem, rapta *conf.* in spi-

T

290 DE CIBI POT. VILITA. AC PAR.
in spiritu, vt dictum est. Quisquis ad istarum gloriæ subli-
mitatem peruenire cupit, harum quantū potest imitetur
continentiam. De his D. Hieron. ad Asellam. In vitu PP.
Iacob. de Vitriac.

Otilia Virgo. M-V-L-T-A sunt huiusmodi exempla, quæ longū esset
enarrare. Te tamen, Otilia Virgo, tacere omnino non pos-
sum, quæ leguminibus & hordeaceo pane lassum ieiunij
corpus sustentasti, donec in cœlestibus regnis grano illo
frumenti satiari meruisti, quod cadens in terram multum
fructum attulit. O quàm breuem esuritionem æternæ im-
mensæ quæ dulcedinis subsecuta est saturitas? Dum te cibi
vilitate mortificas, facta es immortalis. Pro hordeaceo pa-
ne panem accepisti vitæ, pro leguminibus huberrimum
perennis lætitiæ fructum. Iacob. de Vorag.

Sententie Hieronymi. H I S iam dictis exemplis, operæ pretiū est etiā, paucas
ē multis D. Hieronymi sententias apponere, vt illa sequi

Epist. ad Latā. volentes, præceptis quoque tanti viri instructi cautius in-
cedant. Ad Latam de institutione filiæ scribens: Ante an-
nos robustæ ætatis, inquit, periculosa est teneris & grauis
abstinentia. Vsque ad id tempus, si necessitas postulauerit,
& balneas adeat, & vino vtatur modico propter stoma-
chum, & carniū edulio sustentetur, ne prius deficient
pedes, quàm currere incipiant. Et hoc dico iuxta indulgen-
tiam, non iuxta imperium, timens debilitatem, nō docens
luxuriam. Deinde cū iam adulta & firmior fuerit, ait:
Cibus eius olusculum sit & similia, caro quæ pisciculi. Sic
comedat, vt semper esuriant, vt statim post cibum possit le-
gere, orare & psallere. Ad Nepotianum: Fortissimum ieiun-
ium est, inquit, aqua & panis, sed quia gloriam Dei non
habet, & omnes pane & aqua viuimus, quasi publicum &
commune ieiuniū putatur. Caue ne hominū rumusculos
aucuperis, ne offensam Dei populorum laude commutes.
*Epist. ad Ne-
potianum,* Virgines quoque Deo dicatas erudiens: Quando vos, in-
quit, ad refectiōē hora debita adunauerit, in cibis vestris
minimè refulgeat coquorum industria: non ciborum no-
bilitas appetitum moueat, sed fames: non apponantur in-
cita-

*Ad Virgines
cap. 35.*

citamenta libidinum, sed quæ possint famem extinguere, aut legumina, aut olera condiantur in oleo. Carnes verò solum sint ex licentia Abbatis, indultæ debilibus & infirmis, alioquin cuius sint saporis, ignoret coenobium. Oua & lacticia post ieiunia debilitatis sororibus, & præcipuis Festiuitatibus permittantur ex gratia. Rarò sciuntur quæ in aquis oriantur & viuunt, nisi parui pisciculi. Deinde subdit: Tanta sit in sumendo sobrietas, tanta talisq; parcitas, ut venter potius cõqueratur, quàm gaudeat, nõ egeat in digerendo stomachus medicinis, ructum potius vacuatio, quàm nimia repletio inducat. Idem ad Matutam Virginem: Carnis & vini species, quasi caloris fomenta & libidinis incitamenta fuge, & tunc fortè vino vteris exiguo, cum stomachi dolore nimio corporis cõpellit infirmitas. Et ne plura id genus congerendo longior sim, ad Demetriadem Virginem scribens, ait: Optimus est in omni re modus, & laudabilis vbique mensura. Corpus non frangendum, sed regendum est. Sic ergo debes ieiunare, ad Rusticum Monachum, inquit, ut non palpitēs, & respirare vix possis, sed ut fracto corporis appetitu, nec in lectione, nec in Psalmis, nec in Vigilijs solito quid minus facias. Hieron. ad Rustic.

Ad Matutam Virginem.

Ad Demetriadem Virginem.

De obedientia seruanda.

Cap. III.

QVONTIAM verò nihil prodest corpus ieiunij & abstinentia tenuari, si mens pariter intumescat superbia; hinc iam Dei Seniorumque mandatis obediendi humilitatem docebimus, Sanctorum sequentes vestigia. Neque enim errare poterimus, si semper eorum dirigemur exemplis, qui Deo placuerunt.

ABRAHAM ut Deo obediret, patriam, domum, cognitionemque reliquerat, se suosque omnes circumcidi iussit, denique filium unicum vniceque dilectum suis immolasset manibus, si Deus quod iusserat, impleri voluisset. Nõ dixit: In Isaac mihi promissum est semen: quare nunc puer

T 2

adhuc

adhuc occidi mandatur? Non dixit, Quomodo vnici filij sanguine infelix pater manus polluat? Tacitus iussa exequi maturat, vt discas, non discutiendum esse mandatū eorum qui præsunt, sed perficiendum. *Gen. 12. &c.*

*Saul & Samuel Propheta.
1. Reg. 15.*

S A V L iussus disperdere Amalechitas, bello superatos neci dedit. Agag autem regi eorum pepercit, Deoque inobedientiæ crimē vlciscente, sublatum est ab eo regnum, & traditum alteri. Non enim Lex impletur, nisi tota seruetur. Cui autem ille pepercerat, eum Samuel Propheta coram adductum, frustatum concidit, vt crudelitatem pietatem esse doceret, dum obsequiū præsatur Deo. *1. Reg. 15.*

Achab rex.

P R O P T E R E A quidem & Achab rex per Prophetam à Domino arguitur, quod deuictis Syris regem eorum Benadab dimiserit illæsum, cū morte dignus esset, & dicitur illi: Erit anima tua pro anima eius, & populus tuus pro populo eius. *3. Reg. 20.*

Ibidem.

I L L E quoque, qui eundem Prophetam, vt sibi vulnus infligeret ex Dei voluntate imperantem, ferire noluit, à leone laceratus inobedientiæ poenas dedit. Alter verò obediendo percutiens, seruatus est. Hinc apparet, quā grande nefas sit, vt alicui mortalium parcas, Deo omnium Conditori ac Domino obsequi nolle. *Ibid.*

Iehu rex.

I E H V verò rex Israël, cū omnes qui de domo Achab regis erant, iussu Domini interfecisset, continuò audire meruit: Filij tui vsque ad quartam generationem sedebūt super domum Israël. Itaque obedientiæ eius meritū filijs etiam, posterisque eorum vsui fuit. Quartæ enim generationis huius extitit finis in Zacharia filio Ieroboā, Sellum filio Iabes regnum occupante. *4. Reg. 10.*

• *Amasias rex.*

A M A S I A S rex Iuda, cū aduersum Syros expeditionem parasset, viro Dei obediendo, exautoratis atque dimissis centum millibus militum quos cōduxerat de Israël, cum triginta millibus suorum copias hostium inuadens superauit, cum vtraque multitudine simul vincendus, nisi paruisset. Caterū hac elatus victoria, cū eiusdem Prophetæ monita contempsisset, à rege Israël Ioas victus captus-

captusque, cognouit quantū sibi prius profuerit obedisse, cum tantum postea non obedisse nocuerit. 2. Paral. 25.

RECHABITA patris Ionadab institutionem secuti, *Rechabita. Jerem. 35.* vinum non bibunt, domos non ædificant, non serunt, non plantant, sed in tabernaculis semper vagi peregrinantesque habitant. Et si illi tam difficilia patris præcepta impense coluerunt, quàm iniquus est, qui multò faciliora leuioraque Dei mandata seruare contemnit? Hinc proposita eorum obedientia, Iudæorum inobedientiam per Prophetam increpans Dominus, alteros captiuitatis iugo affligendos minatur, alteros autem semper suo fructuos conspectu repromittit. Et si sic remunerantur, qui obtemperat patri, quantò magis qui parent Deo? *Ierem. 35.*

QUI custodierint Sabbata mea, inquit, & elegerint *Isaie. 56.* quæ ego volui, & tenuerint foedus meum, dabo eis in domo mea, & in muris meis locum, & nomen melius à filiis & filiabus, nomē sempiternū dabo eis, quod non peribit.

NUMC Euangelij exempla, proprias voluntates cruci affigētes aggrediamur. Mirabilis in primis iam à principio Apostolorum obedientia fuit. Nondum Christum miracula facientem conspexerant, nondum coelestis regni retributionem per illum futuram audierant, & statim ut vocauit eos, relictis omnibus, ipsum secuti sunt, atque ita eidem adhæserunt, ut nulla deinde aduersitate, nullis persecutionum tempestatibus auelli separarique potuerint. Qui enim semel gustauerit quàm suavis est Dominus, omnes alias suauitates facile contemnet. *Apostoli.*

SED neque tunc paruum obediētiæ specimen dedere, *Iidem.* cum in deserto turbæ discumbenti iussi cibos apponere, quinque panes & duos pisces, id est, totū quod habebant, nihil sibi reseruantes, porrexerunt. Siquidem ipsi fame periclitari, quam necessitatē excusando, Domino suo non statim obtemperare, malebant. Et quoniam lubenter paruerant, multò plura collegerunt quàm obtulerunt.

CUM deinde ad insinuandam gentibus veritatem destinarentur, & supplicia & neces sibi perferendas didicissent,

*Pſalm. 18.**Aſtor. 5.**Ieſus
Chriſtus.
Lucæ. 2.*

ciſſent, nunquid quò minus obedirent, exterriti ſunt? In omnem terram exiuit ſonus eorum, & in fines orbis terrę verba eorum. Et cùm verberibus miniſque agitantur, vt tacerent, reſponderunt: Obedire oportet Deo magis, quàm hominibus.

I P S E quoque Dominus, vt nobis obedientiæ ſuo præ exemplo præberet documētum, parentum obſequio ſubdi voluit. Et erat (inquit Euangelifta) ſubiectus illis, & hoc quidem cùm iam ſapientia, & ætate, & gratia proficeret apud Deum & hominēs, ne puerorum more blāditijs aut metu ſubiectum fuiſſe putes. Nō fuit infirmitatis, ſed pietatis, & liberi gratuitique obſequij iſta ſubiectio.

*Idem.**Iohan. 4.**Iohan. 5.**Iohan. 6.**Matth. 26.**Philip. 2.*

Q V A L I T E R autem & cœleſti Patri obſequendum eſſet monſtrauit, cùm diceret: Meus cibus eſt, vt faciam voluntatem eius qui miſit me. Et: Non quaero voluntatem meam, ſed voluntatē eius qui miſit me Patris. Et: Deſcēdi de cœlo, non vt faciam voluntatem meam, ſed voluntatem eius qui miſit me. Et ad Patrem: Non ſicut ego volo, inquit, ſed ſicut tu. Dimiſit voluntates hominis, & Dei Deus, & homo Chriſtus, vt diſcamus diuinam volūtatem ſemper humanæ præferre, & carnis affectum ſpiritus affectui ſubiugare. Denique Apoſtolus de illo: Humiliauit, inquit, ſemetipſum factus obediens vſque ad mortem, mortem autem Crucis.

*Petrus Apoſt.
Iohan. 13.*

Q V O D autem Epiſcoporum, Abbatumq; & aliorum qui præſunt, iuſſa mandataque ſine cunctatione capeſſenda ſint, etiam cum nobis minus rationis habere videbuntur, Petri Apoſtoli exemplo patet: Non lauabis mihi pedes in æternum, inquit, indecens & indignum ratus, vt Dominus fungatur officio ſerui, & ſeruorum quaſi dominorum ſuorum lauet pedes. Sed quod indecens eſſe non poterat, quicquid ille iuberet, mox intellexit, cum audiuit ſe non habiturum partem cum ipſo, niſi lauari permitteret. Ideo protinus obediens exclamat: Domine, non tantum pedes, ſed & manus & caput. Nos igitur quicquid Præpoſiti noſtri nobis iniunxerint, prius exequi quàm cauſas inquirere cure-

curemus. Præposterum enim videtur, vt cuius officium est obedire, is de Seniorum sententia iudicet.

PAVLVS Monachus cognomento Simplex, Antonij *Pauus Simplex.* discipulus, cum primitus myſteriorum ignarus quaſiſſet, eſſet ne Prophetis prior Chriſtus? ineptâ interrogationem ſilentio diluere iuſſus, triennio tacuit. Poſt hæc cum multa illi abſurda & ſuperuacua experiundæ tantum obedientiæ cauſa imperarentur, veluti neceſſaria perficere nunquam diſtulit, ſicuti aquam haurire, & hauſtam effundere, veſtes diſſuere, & eaſdem diſſutas iterum conſuere, & alia huiusmodi, quæ ille non quod friuola, futiliaq; eſſent, ſed quod iuſſa, perpendens, libenter exequabatur, diligenterq; implebat. *In vitis PP. & Pallad. Lauſ. Hiſt. 28.*

Interferamus adhuc aliquod inobedientiæ exemplum, vt quantum hæc nocuerit, tantum obedientia ipſa profutura noſcatur.

FRATER quidam ægrotans in Monasterio Scythi, cum *Quidam inobediens.* adire ciuitatem pararet curationis gratia, & Moyſes Abbas à propoſito illum deterreret, ſimulq; prædiceret, ſi diſceſſet, fornicatione polluendum: Iniuiſſu eius abiit, & mulierem quæ languenti miniſtrabat, cum conualuiſſet, vitiauit. Quando illi melius erat morbo perſiſſe, quàm peccato? Mori timuit, & multò grauiorem mortē incurrit, dum obedire negligit. *In vitis PP.*

IDCIRCO quidem Iohannes Abbas in Scythi, quem *Iohannes Abbas.* Soliratum nō vidit, ex hac vita ad meliorem migraturus, præcipuum Diſcipulis ſuis documentū relinquere volens, nunquam quicquam ſe ex ſententia ſua egiſſe dixit, ſed Seniorum: nunquam aliquid docuiſſe, quod prior ipſe non feciſſet. Hoc erat propriæ renuntiare voluntati, & in docendo nihil præſumere. In hoc ille ſummā penè virtutum putauit, qui dum decederet, fratres ſuos plura monere neceſſarium non eſſe cenſuit. *In vitis PP.*

IOHANNEM alterum apud Lycum Thebaidis oppi- *Iohannes Abbas alter.* dum commorantem, obedientiæ virtus eò prouexit, vt futurorum præſcium faceret. Huic obſequij experiundi cauſa

causa Abbas præcepit, vt palum aridum in terra defixum, aqua, quæ duo millia passuum à Monasterio distabat, bis per diem aduecta totidem vicibus irrigaret. Cumque vidisset, neque labore illum defatigari, neq; ligni nunquam ad viriditatem redituri, desperatione commoueri: post annum in tali opere consumptum interrogat, an lignum illud iam radices egisset, & se nescire respondentem, cæuerso ligno, vt ab irrigatione desisteret, iussit. *Cassian. de Institut. lib. 4. cap. 23.*

Idem.

ALIVD deinde obedientiæ eius periculum facere volens, cum multi adessent præputudinis eius in obsequendo fama exciti, mandauit vt de cellario lenticulam, quæ oleo plena erat, proferes per fenestram projiceret: tantillū illis olci erat, & quidem in deserto, vbi is liquor neque mutuo sumi, neque emi poterat. Concitus tamen ipse, nō inopiæ, non loci ratione ducēs, quod iubebatur, perfecit. *Ibid. c. 25.*

Idem.

ALIAS quoque saxum ingens & quod multi simul mouere non valerent, soli vt aduolueret, Abbas præcepit. Tunc ille quidem toto conatu frustra nitens, vires experiri non cessauit, donec multo sudore madentem, iam quiescere idem Abbas iussit. Hac obsequiorum simplicitate Iohannes prophetandi donum consecutus, in magnis bellorum difficultatibus Theodosium Principem, ne cum hoste congredi timeret, suis animauit oraculis, certissimo victoriæ euentu: ita vt ille deinceps certamen nullū iniret, nisi ipso consulto. Igitur qui olim omnibus Abbatis sui iussis fuerat obsecutus, eius deinde responsis obediuit Imperator. *Ibid. c. 23.*

*Albinus
Episcopus.*

ALBINVM Andegauensem Episcopum, dum adhuc adolescens in Monasterio degeret, & ad perficiendum Abbatis mandatum pergens, effusum repente hymbrem sub tecto declinasset: eo procellæ vi diuulso ac perpluente, cæteris qui illuc conuenerant, haud parum madefactis, ipsum solum aqua non aspersit. Mirabatur omnes, & cum audissent eum ab Abbate missum iter facere, miraculum obedientiæ merito imputarunt. O prægradis virtus, quam inani-

inanimatum elementū ita reueritum est, vt attingere non auderet? *Greg. Turon. de glor. Conf. c. 96. Sur. Tom. 2.*

GVILIELMVS Aquitanix quondam & Prouinciæ *Guilielmus Monachus.* dominus, postea verò ita humilis monachus, vt nihil tam paruum neque tam infirmum esset, quod se indignum iudicaret, dum id sibi faciendum Abbatis autoritas iniunxisset. Iussus ergo aliquando panes coquere, cum iam cœnæ tempus instaret, confestim succendit fornacē, rutabulo ignem circumuertit, sed scopam, qua prunas euerteret, locumque ponendis panibus aptaret, non habuit. Insiliens ergo in fornacem melote pro scopam est vsus. Tum demum coctos panes fratribus nihilo tardius quàm res poscebat, attulit, nulla corporis aut indumentorum parte læsa, vt propensæ obedientiæ alacritatem intelligas, & inter pericula securam, & inter infima nobilem. Factus erat hic quidem de Aquitanix Prouinciæque domino Monachorum furnarius, sed de Monachorum furnario factus est regni cœlestis perpetuus possessor, terrę regibus maior, Dei Angelis par. *Theobaldus & alij. Sur. Tom. 1.*

BERCHARIVS Luxouiensis Monasterij Abbas, an- *Bercharius Abbas.* tequàm præesse cœpisset, singularē apud omnes obedientiæ suæ commendationem miraculo auxit, dum vinum de cado in urnam traheret, ab Abbate vocatus, relicta urna festinus cucurrit. Vinum verò sicuti fluebāt, repleta urna non est effusum, sed sic stetit ac si gelu concretum esset, donec ille reuersus cadi foramen tereti in mucronem ligneolo obturauit. Tunc qui aderant, haud dubitarunt, quin hoc illi alacris admodum atque impigræ obedientiæ merito contigisset, vt qui se totum Abbatis voluntati libèter tradiderat, ad eius votum fluentis naturæ liquor pro tempore suspensus perstiterit. *Vincent. in Spec. Hist. lib. 24. c. 144. 145. Sur. Tom. 5.*

GALLVS Columbani Abbatis discipulus, & Hilde- *Gallus Monachus.* boldus Diaconus, pisciculos quos de flumine retiaculo traxerant, in solitudine assaturi, ignem concinnabant, cum interim Vrsus miræ magnitudinis propius accedens Diaconum,

T 5

conum

conum quidem terruit, sed Gallo iubente vt ligna igni inferret, obediuit. Hoc ideo sanè hic referendum duximus, vt qui Præpositis suis reniti audent, tali exéplo magis confundantur, quando & syluestres feræ iussa Sanctorû reue-
reantur & obseruent. *Sig. b. de viris illustrib. c. 71. & alij.*

*Hieronymus
Presbyter*

SIC & D. Hieronymo Vrsis etiam belua ferocior Leo obsequiû præstitisse dicitur. Asellum monasterij ad pascua educere, pascentemque comitari suetus, agasonis fungebatur officio. Sed asello amisso, iussus ipse ligna dorso deferre, onerari se multa cum mansuetudine patiebatur, donec postea inuentum ante se ad monasteriû agens reduxit. Ecce bruta animalia Seniorû iussis obsequuntur, & homo rationis capax audet refragari. Certè quisquis eorû restiterit imperio, ijs iam dictis exemplis, feris beluis asperior irrationabiliorque conuincetur. *In vita Hieron.*

*Marianus
Monachus.*

Id oppidò caués Marianus Monasterij Bituricésis Monachus, Mamertino Abbati ita se subiecit, vt bubulci seruitio fungi iussus, non grauatim obediret, nihil vile aut contemptibile arbitratus, quod sibi agendum ille iniunxisset. *Iacob. de Vorag.*

Fratrem quendam refert Cassianus non obscuro loco natum, cum relictis mundanæ conuersationis rebus Religioni se tradidisset, sportulas venales Abbatis iussu publicè circumtulisset, vnamquaq; singulatim diltrahendo, ea tantum de causa, vt diutius in foro esset, & an illû tam abiectæ negotiationis depuderet, longiore experientia plenius nosceretur: omnia summa animi constantia curaq; peregisse, postposita generis nobilitate, sanctæ obedientiæ humilitati, ne stiuam manu tenens & aspiciens retrò, ineptum se faceret regno Dei. *Cassian. de instit. lib. 4. c. 29.*

Mutius Abb.

Idem autor Mutij Abbatis miram obedientiam, ac nisi veteris Instrumenti par exemplum ei astipularetur, penè incredibilem enarrat, dicēs eum vnico filio suo non pepercisse, vt Abbati obediret. Vnà enim cum illo paruulo adhuc Monasterium ingressus, vt cellulis dispararentur sustinuit, & cum puer de industria in conspectu eius incre-
pitare.

pitaretur, verberaretur, miseris acciperetur modis, neque lachrymis, neque clamoribus eius moueri potuit, vt verbum vnum proferret. Denique simulata in puerum indignatione Abbas, patientiam pariter obedientiamq; Mutij quam maximo probaturus argumento, iussit vt arreptum filium efferret, & in proximū flumen suffocandū iactaret. Nihil moratus ille, vnicū vt mergeret tulit, sed quibus negotium datū erat, cum ad ripam fluminis ventum esset, sese opposcentes inhibuerunt. Post hæc Abbati renelatur, Mutium Abrahæ Patriarchæ obedientiæ merito comparandū, dignūq; cui post se Monasterij cura cōmitteretur. Cū hoc ita sit, quis dubitat, quin Præpositorū iussū perindē seruāda sint ac Dei, pariq; sedulitate adimplēda? *Ibid. c. 27.*

HINC & Lambertus Traiectensis Episcopus cū in- *Lambertus Episcopus.*
uidorum malignitate Episcopatu motus ad Monasterium Scabolanense confugisset, monachalem seruans vitæ modum, & nocte quadam ad orandum à lectulo desiliens, percussio pedibus pauimento strepitum fecisset: Abbas eò quòd silentij ea hora erat, quasi subindignè id ferens, voce sublata ait, vt quisquis illud culpæ commisisset, continuò ad crucem exiret, non antè, quàm diei crepusculum esset, reuersurus. Crux autē ipsa extra Monasterij septa sub diuo erecta stabat. Repentè igitur Lambertus, sicut nudis pedibus adhuc, & cilicio tantū indutus erat, abiit, & hoc quidem brumæ tempore, vt multi mirarentur, quomodo algore contractus non expirasset. Mane seminiuum redierunt, & Abbas veniam petijt, affirmans nunquam se putasse, hoc Monachorum aliquem facturū, nedum Episcopum. Ideoque ioco, magis quàm seriò, verbum protulisse. Hac tamen obedientiæ subiectione Lambertus meruit, & in Episcopatus sui sedem restitui, & tandem Martyrio coronari. *Godescale. & alij. Sur. Tom. 5.*

NON minus confātis, licet minus prudētis, obedi- *Iohan. Abbatis duo discipuli.*
tiæ est exemplum quod sequitur. Iohānes Abbas Eremitiq; Scythi œconomus, ficus de Mareote Lybiæ sibi muneri missas, duobus adolescentulis ad senem quendam procul
in vi-

in ulteriore deserto manentem, deferendas dedit. Quos dum iter agerent, nubilosa circumfudit caligo, ita ut quò pergerent, nescirent. Per vastam igitur errando solitudinē, diem noctemque consumpsere, senis cellula nusquam inuenta. Cumq; diu expectati, non redirent, reperti sunt positis genibus animas efflasse, illibatis ficibus quas secum tulerant. Siquidem inedia perire, quàm Abbatis præuariari mandatum, maluerunt. Quàm id rectè nescio, cum mandantis voluntas non eò tenderet, ut innocentes discipulos fame confici vellet, & escam quam in manibus habebant non gustare: illi tamen stupendæ cuiusdam constantiæ præbuerunt exemplum.

*Gallus Colum-
bani discipu-
lus.*

COLUMBANVS Abbas Gallo discipulo (cuius paulò antè mentionem fecimus) inobedientiæ crimen obiecit, quòd ad Ligonem fluuium piscationem fecisset, quàm ad fluuium Bruscam facere iussus fuerat. Gallus autem vtrum in hoc, an in illo fluuio piscaretur, nihil referre arbitratus, dummodo opus quod iubebatur peregisset, tum demum aduertere animum cœpit, secumque cogitare, quòd ideo fortasse sine piscibus redisset, quia cuncta quæ iussa fuerant, non plenè fuisset executus. Itaque iterum tentata piscatione, multisque in illo quod sibi assignatum fuerat flumine captis piscibus, didicit mādati non rem solùm, sed etiam verba singula diligentius esse perpendenda. *Bedas Tom. 3.*

*Venerius
Solitarius.*

VENERII quoq; Monachi obedientia non est silentio inuoluēda, cum & ipsa plurimis documēto esse possit. Hic solitariæ vitæ cupiditate ardens, inscio Abbate discesserat, tuguriolumque sibi posuerat in deserto. Cæterum à Sancto Romualdo reprehensus, quòd absque Præpositi sui permissu monasterium reliquisset, ideoque casso & infructuoso labore ipsum cœlum versus niti, quàm diu inobedientiæ premeretur grauitate, non distulit quin statim ad Abbatem suum rediens, & culpæ veniam rogaret, & in solitudine viuendi copiam. Vtroque impetrato, iam certiore promerendi spe Christo solitarius seruauit. Igitur ex

Beati

Beati Romualdi sententia & Venerij exemplo faciet, quisquis ad districtioris vitæ institutum, non nisi eo qui præest consulto ac permittente, transierit.

Alterius nunc sexus exempla perpauca subiungam, ne *Femina.*
modum excedat oratio. Elizabeth regis filia (cuius sæpè *Elizabeth*
fecimus, & sæpè facturi sumus mentionem) adeò vna om- *vidua.*
nibus ferè affluit virtutibus, nolens ne in ipsa quidem ma-
riti domo, suo viuere arbitrio, Conradum mendicum &
religiosum senem sibi magistrum asciuerat, cuius imperio
ac nutu in viam Domini dirigeretur. Igitur die quadã illo
iubente, vt ad audiendum Dei verbum Ecclesiam peteret,
Marchionissę Mesenensis improuiso superuentu præpedita
ire omisit, ne si tantam foeminam modò domi acceptam
tam citò reliquisset, parum honori habuisse videretur. Nò
accepit excusationē Conradus, & vt inobedientiæ culpam
flagellis dilueret, mādauit. Continuo illa positis vestibus,
linea tantum tunica quæ nuditatem tegeret derelicta, ipso
spectante tandiu se loris diuerberauit, donec idem vt ces-
saret, præcepit. Minus obsequiosi animi argumentum edi-
disset, si tunc ad Ecclesiam cum iussu fuerat, accessisset.
Leui in re nò obediuit, vt in multò difficiliore se obedi-
entem probaret. *Conrad. Concion.*

EUPHROSINA Virgo Pasnutyj Alexandrini filia *Euphrosina*
(Smaragdus Monachus dicta & credita) quoniã illi mul- *Virgo.*
tus in vultu decor inerat, quocunque se verteret, omnium
in se oculos conuertebat. Hanc ob rem ne fratrum mētes
Deo intentas præsentia sua labefactaret, iussa est cellula
suę ianuam vltra non egredi, sed ibi humanis pariter diui-
nisque defungi officijs. Paruit non libenter minus quàm
constanter, octo & triginta annos carcerem passa perpe-
tuum. Tunc tandem quòd foemina fuisset deprehensum
est, cum defunctæ corpusculum de more lauarent. O pa-
tientiam animi incredibilem, qua sustinuit tanto tempore
sexum vestibus, se cellula tegere, vt & Christo seruiret, &
Abbati obtemperaret. Quanti autem meriti esset apud
Deum, miraculo patuit. Frater quidam cādauer osculatus,
oculum

302 DE OBEDIENTIA SERVANDA.
oculum quem olim amiserat, integrum recepit. Illa igitur
quæ obediendo oculis omnium se subtraxerat dum viue-
ret, mortua postea, solo tactu reparare erutos poterat.
In vitis PP.

*Obedientia
triplex.*

HÆC sunt perfectæ consummatæq; obedientiæ exem-
pla, non seruilis, non mercenariæ, quarum alteram elicit
timor, alteram præstat cupiditas: neutra laudatur, sed ser-
uilis melior. Per hanc enim plerunq; aditus fit ad istam de
qua loquimur, quæ propria filiorum est, qui nō tam patris
reuerentur seueritatem, quàm probitatem amant. Ea verò
obedientia quæ venalis est, nihil nisi lucrum sequi solet, &
si quando Ecclesiæ seruit, non amore, vel timore Dei du-
citur, sed persione pecuniæq; quam seruiendo capit. Itaque
prauis avaritiæ solitudinibus quasi stimulis furoris per-
cussa, non facile respiscit, nec peccata deuitat, nec virtutes
amplectitur, cū omnes eius studium in parandis cumu-
landisq; diuitijs sit. Hanc fugiamus, & ad illam quam
proposuimus, totis viribus contendamus, vt ad Paradisi
celsum, vnde per inobedientiam superbiamq; eieci
fuimus, per obedientiæ humilitatē ascendamus. Omnis
anima (vt Apostolus inquit) potestatibus sublimioribus
subdita sit. Non est enim potestas nisi à Deo: quæ autē sunt
à Deo, ordinata sunt. Itaque qui resistit potestati, Dei ordi-
nationi resistit: qui autem resistunt, ipsi sibi damnationem
acquirunt. Idem alibi: Obedite Præpositis vestris, & sub-
iacete eis. Apostolorū quoq; Princeps Petrus: Adolescen-
tes, inquit, subditi estote senioribus, omnes inuicē humi-
litate insinuate, quia Dominus superbis resistit, humilibus
autem dat gratiam. Ne quis præterea impatientiam suam
excusare possit Præpositi duritia asperitateq;, idē alibi ait:
Serui subditi estote in omni timore dominis, non tantum
bonis & modestis, sed etiam discolis. Hæc est enim gratia,
si propter Dei conscientiam sustinet quis tristitias, patiens
iniustitiam. Præpositis verò Ecclesiæ rectē religioseque præci-
pientibus ita obsequi debemus, vt Deo. Ad illos enim lo-
cutus est Dominus, dicēs: Qui vos audit, me audit: & qui

*Ad obedientiam
exhortatio.*

Rom. 13.

Hebr. vlt.

1. Petri. 5.

1. Petri. 2.

Luc. 17.

VOS

Vos spernit, me spernit: qui autem me spernit, spernit eum qui misit me. Vetus etiā lex (vt in Deuteronomio legimus) nolētes obedire Sacerdotis imperio, morte mulctādos definiuit. Et si filius contumax & proteruius patris iussa contempserit, lapidibus obrui iubetur. Per inobedientiā vxor Loth verſa eſt in ſtatuam ſalis. Onan Iudæ filius à Domino percuffus perijt. Dathan & Abiron terræ hiatu abſorpti ſunt. Saul à Deo reprobatus, & hoſtili gladio tractus. Ahiel Iericho vrbis reædificator vnā cum liberis interiit. Amasias rex cum obediuit, vicit: cum obedire noluit, victus eſt. At ſi fortè quicquā aliquādo iuſſum fuerit, de quo nō ambigitur quin diuinę repugnet ſanctiōni, deo potius, quā homini, mos geratur. Omnibus omnium mandatis Dei mandata præferenda ſunt. Neque vlla alia cauſa prior potiōrve eſſe debet, cur dignitate vel ætate præſtantibus parendum ſit, quā vt Deo placeatur, Deoque ſeruiatur, dicente Petro Apoſtolo: Subiecti eſtote omni humanæ creaturæ propter Deū. Poſtremò, vt Prophetæ teſtimonio diſcas, quanti apud Deum momenti ſit iſta virtus: Melior eſt obedientia, inquit, quā victimæ, & auſcultare, magis quā offerre adipem arietum.

*Dent. 16.**Vxor**Loth.**Onan.**Dathan &**Abiron.**Saul.**Ahiel.**Amasias.**1. Petri. 2.**1. Reg. 15.*

De Veritate colenda, mendaciōq; fugiendo.

Cap. IIII.

HACTENVS de obedientia, nūc de veritatis obſervatione nobis ſermo erit. Quę virtus cū omnibus conuenit, tūm præcipuè Religioſis. Alioquin quomodo Chriſti ſerui dicerentur qui veritas eſt, ſi mendacijs animum applicarent? Aut quomodo Deo placere poſſent, ſi diaboli opera æmularentur? Ille homicida erat ab initio, & in veritate non ſtetit, quia non eſt veritas in eo: cum loquitur mendacium, ex proprijs loquitur, quia mendax eſt & pater eius.

Iohan. 1.

VETVS Teſtamentum ſummos veri cultores habuit Prophetas, qui quidem pro eo aſſerendo vitæ periculum adire non formidabant.

VIR

*Vir Dei in
Bethel.*

VIR Dei ille in Bethel nequaquā veritus est Ieroboam regis præsentiam, vt prophetaret aduersus sacerdotes excelsorum ab ipso constitutos. Rex verò ira percitus, protenta manu, prophetantem comprehendi iubebat: & manus quam protenderat, aruit. Ita vt quem vlscisci voluerat, continuò eundem pro instauranda manu supplex rogaret. Vsq̃ue ad eò is qui vera prædicere ausus fuerat, ipso etiam rege tūc maior fuit, lædi nō potuit, læsum sanauit. 3. Reg. 13.

*Micheas Pro-
pheta.
3. Reg. vlt.*

MICHEAS quoque Propheta, cū de belli euentu, quod Achab & Iosaphat reges contra Syriæ regem parabant, consuleretur, nihil ad gratiam est locutus, prædixit Israëliti exercitus fugam, & Achab regis necem, ipso audiente, ac Pseudoprophetis ediuerso prospera omnia pollicentibus. Sed quoniam malis inimica est veritas, à Sedechia in maxillam percutitur, ab Achab in carcerem truditur. Cū autem euenissent quæ prædixerat, mendacium interijt, veritas mansit, & qui vera vaticinanti manus intulerant, ab aduersarijs cæsi poenas dedere, ipse vinculis liberatus est. 3. Reg. vlt.

*Zachariæ
Propheta.*

ZACHARIAS Ioiadæ Sacerdotis filius, veritate, id est, Dei spiritu imbutus, non dubitauit Ioam regem Iudæ palam arguere, quod patriæ ritu relicto, ad idolorum cultum conuersus fuisset, prophetantem in atrio domus Domini, lapidibus obruerunt. At verò Deo innocentis necem vlsciscente, ingentes illorum copiæ à paucis Syris prostratæ sunt, Ioas à seruis interfectus. Qui autē pro veritate mori non timuit, vitæ æternæ præmia recepit. 2. Paral. 24.

*Ananias.
Ierem. 28.*

QVONIAM verò os quod mentitur, occidit animā, idcirco Ananias Azur Gabaonitæ filius mendaciter prophetans, per Ieremiam arguitur deuoueturque. Quia prophetaſti, inquit, & nō misit te Dominus, hoc anno morieris. Et eo ipso anno mendacium morte diluit. Ierem. 28.

*Ieremias Pro-
pheta.
Pſalm. 115.
Pſalm. 33.*

AT etiam Ieremiam in Ægypto lapidatum dicit aliquis, licet vera annuntiaret. Cui breuiter respondebimus: Pretiosa in conspectu Domini mors Sanctorum: mors autem peccatorum pessima. Ideo iustos occidi per-

mittit Dominus, ut beatificet: ideo malos, ut damnet.

MULTI præterea ex Prophetis extrema pati, quam vera reticere, præoptarunt, cum ob hoc à Deo dirigerentur, ut regum populorumque vitia corripere, & eis poenas denuntiarent. Isaias in duas partes sectus est, Ieremias lapidibus obrutus, Amos veste per tempora transfixus. Alij etiam sancti homines (fateor) talia passi sunt, sed de morte transierunt ad vitam, de laboribus ad quietem. O præoptanda supplicia, per quæ beatitudinis cumulus augetur, & quorum patientia Deo nos efficit chariores.

Isaias.
Ieremias.
Amos.

NE quis tamen ad solos Prophetas veri observatione spectare arbitretur: Achior Ammonitarum ductor ab Holopherne Bethuliam obsidente, de Iudæorum virtute interrogatus, quod sentiebat non dissimulavit, asserens inexpugnabiles esse, Deo ipsorum cum ipsis stante, nisi quando eo relicto ad deos alienos declinassent. Ob hoc victus in Bethuliam mittitur, ut simul cum illis, contra quos bellum erat, captus puniatur. Sed longè secus, quam veritatis persecutores crediderant, evenit. Holophernes qui nihil armis suis resistere posse gloriabatur, foemina manu interimitur, reliqui fugam petunt. Achior verò vitæ periculum euadens, ne quid in se gentilitiæ falsitatis resideret, etiam circumcisionem accepit. Qui ergo pro veritate steterat, salutem: qui contra nitebatur, necem & nece gratiorem ignominiam, & utroque acerbiora gehennæ supplicia est consecutus. *Iudith 5. & 6.*

Achior.

POST Prophetas fidissimi veri assertores extitere Apostoli Martyresque, & reliqui qui eos imitati, aut docendo, aut reprehendendo, aut prædicando, nunquam quicquam locuti sunt, vel metu, vel odio, vel gratia. Contempserunt potentum minas, deriserunt tyrannorum supplicia, mortem ipsam subire non recusarunt, dum pro veritate starent, soli illi semper placere studentes, qui ait: Ego sum via, veritas & vita. Hinc quidem multos leuissimi etiam mendacij culpam sedulo cauissè accepimus.

Apostoli.
Martyres.

Iob. 14.

THEONAS Abbas in Eremitio Scythi nunquam mentitus

V

titus

titus dicitur, cum tamen tribus millibus Monachorum præfuiſſet. Mirum eſt intentam multitudinem nõ fuiſſe lingua lapſum. Hoc idem & Beonem Abbatē in vita præſtiſſe tradunt. *In viſis PP. Pallad. Hiſt. 49.*

Beon Abbas.

*Quando ſimulare & menti
vi neceſſarium*

A c ſemper quidem illo mendacij genere abſtinendum eſt, quod in detrimentũ verti poſſit animarũ, corporum, rerum: cætera leuiora ſunt, nullũ tamen (vt arbitror) culpa vacuum. Omnẽ quippe ſimulationẽ, quantum à veritate, tantum & à Deo abeſſe neceſſe eſt, cum ſumma veritas ipſe ſit. Interdum tamen ſimulare, & diſſimulare, & mēiri neceſſarium, cum ſcilicet ita res cadet, vt niſi mendacium perpetretur, aut grauius peccatũ committẽdum erit, aut maius bonũ omittendũ. Huiusce rei ſubijciemus exẽpla.

Abraam.

Iſaac.

ABRAAM cum per ſpiritum noſſet, Saræ vxoris ſux pudicitiam, Domino protegente, quocunq; perrexiſſet tutam fore, vitę tamen ſux ob eius formam improbos homines infidiaturos dubitans, ſororem ſuam eſſe dicebat. Itidem & Iſaac illius filium de Rebecca coniuge ſua pari imminẽte periculo ſimulaſſe legimus, neq; propterea hęc vel illum ob hoc aliquando reprehenſum. Ea nanq; ſimulatione occaſio vitabatur homicidij, & grauius deliquiſſent, ſi verum conſistentes, cauſam malis ſeruendi darent. Quę quidẽ dāda fuiſſet, niſi pudicitia ſimul periclitari poſſe dubitaſſent, ne vitę parcendo, animę diſpendiũ incurrent. A mēdacio ſanẽ excuſantur, quoniã cõſuetudo erat, vt quibus aliqua ſanguinis intercedeſſet cognatio, fratres & ſorores inter ſe quandoq; vocarẽtur. Sara autẽ Abræ ex patre neptis erat: Rebecca autem Bathuel filia, qui Iſaac frater patruelis fuit. Nõ tamen eos à ſimulatione defendẽrim, cum eo animo locutos conſtet, vt propriæ ſorores crederentur, ſed tam leuem nõxam puto, vt primo ſtatim conſcientiæ ſtimulo expungatur. Itaq; etiam in neceſſarijs delictis aliquo remorũ opus erit, vt animus ipſe & purior euadat, & ſemper humilitatẽ ſeruet, dũ non inſurgit ad excuſandas (vt dicitur) excuſationes in peccatis. *Gen. 12. et 26*

*Pſal. 140.
Iacob.*

IACOB etiam cum benediſſionẽ primogenituræ, iure quod

quod emerat à fratre, sibi debitā aliter vendicare nō posset, primogeniti formam assimulat, patrem decipit, benedicitur. Denique supplantatum se queritur Esau ejulatu magno, sed Iacob dolus minimè imputatur, quandoquidem nemini iniuriam facit, qui suo utitur iure. Decepit patrem, inquit: sed nisi decepisset, honorum sibi debitorum possessionem amisisset. Ita ergo decepit, ut neminem offenderet, & quod suum erat acciperet. Nō audeo dicere hoc commento eum quicquam deliquisse, qui mox discedens, cum obdormisset, meruit videre scalam ad coelū vsq; erectam, Angelos ascendentes, & descendentes, Dominū summitati innixum, à quo non fraudis alicuius exprobrationem accepit; sed ecōtrario terræ in qua dormierat possidendi regniq; per orbem propagandi promissionē. Nunquid peccauerat, qui ita remunerabatur? Neq; tamē ipsum nō simulasse dicere possumus, cum hedinis pelliculis Esau fratris pilositatem effingeret, neque non mentitū, cum se esse ipsum Esau respōderet: sed ista ita dispensantur, ut nō vitii iudicentur, sed mysterium, & si mysteriū non essent, proculdubio delicti aliquid haberent, sed (ut reor) in tali casu non cauendi, propter commodorum, quæ iure quærebantur, magnitudinem atque fructum. *Gen. 27.*

IOSEPH apud Pharaonem in Ægypto primo loco habitus, fratres à quibus venditus fuerat, eò venientes ut frumenta emerent, se non agnoscere, ipsis incognitis fingit, obiectoque quòd exploratores essent, in carcerem compulit, deinde de carcere eductis iurat (per salutē Pharaonis) nō abituros inde, nisi minimum fratrum Benjamin, quem domi cum patre relictum dixerant, adduci facerent: quasi hoc experimento deprehensurus, utrum terram exploratum venissent, an parandæ annonæ gratia à patre missi, & tamen omnes mox abire permisit præter vnum, quem pro obside tenuit secum. Postremò reuersus vnā cum Benjamin, scypho suo argenteo in sacco eius clam indito, furti insimulat. Nunc ergo quæritur, an illi tunc leuerit, his ex industria confictis circumuentionibus uti:

78 DE VERITA. COLEN. MEN. FV.

& videtur licuisse, cum eò spectarint, vt poenitudinem elicerent, per quam ipsi saluarentur qui in fratrem peccauerant. Vnde toties vexati dicunt: Meritò hæc patimur, quia peccauimus in fratrem nostrum: haud ita doluissent, si se ille repente prodidisset. Qui postquam eos animo angidit, palàm facit se, iniuriam omnem remittit, singulos exosculatur, & vt cum patre totaq; familia ad se in Ægyptum transmigrare maturent, persuadet. Eos cum aduenissent, aluit, possessione terræ optimæ donauit, bonis multis affecit. Euacuata est igitur mendacij culpa, finis merito, dum per illam Ioseph eis plurimum prodesse nititur, à quibus grauissimè offensus fuerat. *Gen. 42. &c.*

**Obstetrices
Pharaonis.**

ÆGYPTIÆ obstetrices iussæ præfocare mulierum Hebræarum mares pueros, obtemperaturas se Pharaoni monstrabant: nec tamen obtemperauerunt, & quoniam non morerentur puerperia, accusatz respòdent, ipsas Hebræas obstetricandi artem callentes antequàm se ad illas applicuissent, parere solere. Maluerunt mendaciunculo isto vti, quàm crudeli regi præstare obsequium. Quamobrem dicit Scriptura: Quia timuerunt obstetrices Deum, ædificauit eis domos, per quas alij temporalia, alij æterna bona illis repensâ intelligunt. Quicquid tamen horum sit, mercedem meruit pietas, etiam mendacio velata. *Exod. 1.*

Raab meretrix

RAAB meretrix certa, Israëlitas Iosue duce urbem Iericho, in qua erat, funditus euersuros, exploratores eorum domi exceptos non prodidit, quinimò operuit lini stipula, & quærentibus abisse dixit. Cumque Iericho solo æquata omnes passim trucidarentur, ipsam cum suis omnibus intactam reliquerunt. Insuper in Tribu Iuda recipi meruit, Salomoni vni ex principibus iuncta. Nisi hoc mendacio hospites suos texisset, vnà cum reliquis interisset, & nisi seruandæ pietatis causâ illi mentiri licuisset, ad tam præclarum coniugium infamis mulier nunquam peruenisset, vt inter illas censeretur, de quibus per successionis lineam nasci voluit Dei filius Iesus Christus. *Iosue 2.*

Gabaonitæ.

MENDACIUM Gabaonitis attulit salutem, sed abstulit liber-

libertatem. Dederat illis Iosue in castris Galgalæ iusiuran-
dum, quòd vitæ illorum parceret, ratus eos (quemadmo-
dum ipsi referebant) gentem magis lóginquam esse, quàm
quæ terræ promissionis finibus concluderetur. Mox falsos
fuisse deprehendens, viuere quidem permisit, sed calones
lixasque constituit redactos in seruitutem. Quòd si seruari
promissum debuit, ne illi cum alijs perderentur, nõ frustra
composito pellacique sermone vsi sunt. Quòd auté seruari
debuerit, ex secundo Regû volumine apparet, vbi dicitur:
Ideo iam trium annorû fame laborare populû Israël, quia
rex Saul Gabaonitas contra fidem, quam à Iosue accepe- 2. Reg. 21.
rant, interfecisset. Sed si præceperat iam pridem Dominus
omnes gentes illas internecione deleri, cur solis deinde
mendacibus parci voluit? quòd scilicet nulli obesse, sed
tantum sibi prodesse mendacio quæsierant, ac ne omnino
impunè mentiros crederes, mancipiorum more serui-
runt. Iosue 9.

DAVID secundum cor Dei electus, capitale Saulis o- David Propb.
dium declinans, cum Nobem peruenisset, finxit se à rege
missum, & decepto Achimelech Sacerdote, panes ab eo
accepit, ensẽque Golizæ Gethæi, quẽ ipse ex propoca- 1. Reg. 21.
tione interemerat. Inde pergẽs venit ad Achim Gethæorû
regem, & periculum veritus, insaniam simulauit, dimissus-
que abiit. Vtrunque dolum summa excusat necessitas: Sa-
cerdoti illudit, ne inedia periret: regi, ne gladio. 1. Reg. 21.

ITERVM ad Achim fugiens cum suis benignè admo- Idem.
dum est receptus; & cum è Philistinorum pagis prædas 1. Reg. 27.
ageret, viros ac mulieres internecione tollens, ne res ad
regem deferri posset, ita illi verba dabat, vt crederet ipsum
mala Israëlitis inferre. Et hoc profectò dignû venia men-
dadium, quo se suosque tueri, & idololatrias potius quàm
fideles offendere fas erat, dicente Domino: Disperдите no- Deut. 12.
mina eorum de locis illis. 1. Reg. 27.

IDEM, Absalone filio persequente cum ab Ierosolymis Idem.
fugeret, negotiũ dedit Chusi Arachitæ, vt Absaloni adha-
rens Achitophelis ducis eius consilia sugillaret. Cum ergo

Achitophel sententiam diceret, Chusi intercessit, & clandestinè per internuntios egit, vt regem subtraheret periculo. Quantum autè Chusi simulata amicitia Absalonem fallendo peccarit, cùm aliter pijssimum regem seruare nō posset, Scriptura testatur, dicens: Domini nutu dissipatum est consilium Achitophelis vtile, vt induceret Dominus super Absalonem malum. Quis igitur Chusi factum accuset, si Dominus non reprehendit? 2. Reg. 17.

Quædam mulier. Quid mulier illa, quæ extento super os putei velamine finxit se ptisanas ficcare, & nuntios David ibi latentes, Absalonis seruis insequentibus non indicauit, sed gustata aqua illos festināter abisso respōdit? debuit ne, quod res erat, nō dissimulare, & innocentes prodere interfectoris? Nōne magis Deū offendisset dum verum dicit, pios neci exponendo, quàm dum falsum, à periculo liberando? Mea quidem sententiā minus displicet, si modò displicet, pietate mixta simulatio, quàm veritas crudelitate. Vtrunque tamén auctoris sine intentione q̃; metiendum est. *Ibid.*

Salomon Rex.

SALOMON regum sapientissimus in re dubia sententiam laturus, nō nisi simulationis vsurpatione inuestigauit veritatem. Afferte mihi gladium, inquit, & diuidite infantem viuum in duas partes, & date dimidiam partem vni, & dimidiam partem alteri. Tunc inter altercantes prodixit pietas matrem, impietas alienam: & nō fuit diuisus puer, vt rex callidè simulateq̃; iusserat, sed integer ac viuus datus matri, vt in animo proposuerat. Et hoc sapientia, non mendacium fuit. Sic enim dicitur: Et audiuit omnis Israël iudicium quod iudicasset rex, & timuerunt regem, videntes sapientiam Dei esse in eo, ad faciendum iudicium. Hæc quidem indagandi veri ratio vsitatior, nec tolerabilis tantum, verumetiam probata, sed nō ita & decipiēdi. 3. Reg. 3.

Iud. 15.

Iudith. 10.

Quis tamen Iudith viduæ sutelas dolosq̃; & mera mēdacia audet accusare, quibus patriam obsidione, Iudæā omnem, hoc est, Dei populū seruitutis periculo liberauit? Omnibus se ornamentis comit, & Dominus auget illi formæ decorē, orisq̃; venustatem, vt trahere possit Leviathan

homo

homo. Egressa ergo occurrit exploratoribus. Et filia sum Hebræorum, inquit; ideo ego fugi à facie eorum, quoniam futurum agnouit quod dentur vobis in deprædationem. Deniq; Holopherni se indicaturam pollicetur, quo aditu sine suorum pernicië capiat ciuitatē. Postremò cum ipso collocuta, sermone, promissis, vultu fallit, atq; eundē quō adorauerat, cuius se ancillam dixerat, captata occasione incautum interemit. Nemo dolos illi vitio vertit, factum omnes laudibus extulerunt. Summus ipse Sacerdos Ioachim cum magno presbyterorum comitatu de Ierusalem Bethuliam venit, vt faciem eius videret, cuius famam admirabatur. Quid multa? omnes vni foeminæ gratias agere, & eius virtute beneficioq; salutem, quam iam desperauerant, se consecutos palam fateri, nihil laudis, nihil gloriæ omittere, quod magno fortiq; animo dignum esset. Tot igitur bona illo figmento comparata sunt, quot sine illo mala secutura erant. Quis enim tot millibus Assyriorum, tātis armatorum copijs aperto Marte resistere valuisset? Et ecce qui multas iā gentes vrbesq; vno impetu subiugauerant, vni ius mulieris fraude capti succubuerunt. Et cum id Dei voluntate auxilioq; factum nemo neget, certè sic imponere impio non illicitum fuit. *Iudith. 10.*

Ac ne hoc simulandi fingendiq; genus veteribus tantum (vt multa) nō ratione, sed indulgentia, permissum fuisse putetur, videamus an etiam nouis, & euangelica perfectione exultis hominibus licuerit aliquando simulasse.

De Paulo Apostolo in Actis relatum legimus, quod cum Timotheum discipulū, cum matre Iudæus esset, propter Iudæos circunciderit: tūm quod sibi in Cenchris Nazariorum more caput totonderit: demum quod Ierosolymis Iacobi Apostoli & seniorum consilio atq; persuasū, ne videretur discessionem docere à Lege, Iudæisq; fidelibus prohibere Circumcisionem, quibusdam Nazaræis secum assumptis vnā purificatus, templumq; ingressus sit, ac tandiu cum illis fuerit, donec tonsis de more crinibus vota perficerent, Sacrificiūq; offerrent. *in Actis Apostol.*

*Paulus Apost.
Act. 10. et 18.*

Ibid. 21.

V 4

H o c

*Sententia Au-
gust. in Epist.
ad Hieronym.*

Hoc quidem multi p̄ simulationi adscribunt, sed ego magis Augustino assentior, qui ait: Diebus illis inter-medijs, qui inter Christi Ascensionem & Euangelij vulgationem fluxere, veniam hanc Iudæis ad fidem venientibus datam, vt simul etiā legalia tenerent si vellent, non autem ita & conuersis ex gentilitate, ne sibi Circuncisionē quoque necessariam esse suspicarentur. Ne verò Lex ipsa cum idololatria pariter execrabilis videretur, noluerūt vtrinq; eodem tempore relinquēdam iubere. Lex igitur paulatim ostendente se gratiæ plenitudine, est euacuata. Idololatria verò statim repellendam iudicarunt, vt constaret, alteram Dei opus fuisse, alteram diaboli. Sic ista omnia quæ dicta sunt, Paulum non simulatè, sed licenter, vt Iudæum inter Iudæos egisse credimus, omnibusque omnia factum, vt omnes lucrificeret. In tantum autem gentiles à legis obseruatione prohibuisse, vt ad Galatas scriberet: Ecce ego Paulus dico vobis, quoniam si circuncidamini, Christus vobis nihil proderit. Et de Tito discipulo: Sed neq; Titus, inquit, qui mecum erat, cum esset gentilis, compulsus est circuncidi. Quinetiam Principem Apostolorum Petrum aliquando ausus est reprehendere, quod ex gentibus fideles Iudaizare fecisset. Cum, inquit, venisset Petrus Antiochiam, in faciem ei restiti, quia reprehensibilis erat. Prius enim quàm venissent quidam ab Iacobo, cum gentibus edebat: cum autem venissent, subtrahebat & segregabat se, timens eos qui ex Circuncisione erant, & simulationi eius consenserunt cæteri Iudæi, ita vt Barnabas duceretur ab eis in illam simulationem. Sed cum vidissem, quod non rectè ambulant ad veritatem Euangelij, dixi Cephæ coram omnibus: Si tu cum Iudæus sis, gentiliter viuis, & nō Iudaicè: quomodo gentes cogis Iudaizare? Quod certè Paulus nequaquā dixisset, si etiā ipse ea quæ suprà dicta sunt, per simulationem, & non per licentiam potius per-gisset, Iudæorum saluti consulens, sed gentiles, ne eadem facerent, coercens.

POSTQUAM autem satis omnibus notificatum est,
veteres

veteres ceremonias legumque sanctiones signa figurisque fuisse futurorum, quæ in Christo impleta sunt: coeptum est infidelitati ascribi, si quis ea adhuc seruaret, veluti qui venturum & nondum venisse Christum asserat, quod Iudaicæ proprium perfidiæ est.

SED quid de ista Petri simulatione dicemus? Reprehensibilem eam fuisse non nego: quis enim sum, ut Paulo contradicam? cum præsertim neque Petrum illi contradixisse constet, sed tamen facile venia dignam tunc extitisse non dubito, cum adhuc Moyse lex apud Iudæos in Christo credentes non illicitè vigeret. Postea verò neque propter Iudæos, neque propter gentiles in fide quicquā simulandum fuit. Cum tandè non simulatio, sed error dici debuit, quicquid iam peruulgatæ officeret veritati.

CETERIS autem in rebus etiam Apostolicis ac Sanctis viris, ac mulieribus simulare, fingere, mentiri, summæ interdum pietatis ingentisque prudentiæ fuit. D. Hieronymus ad Rusticum Monachum scribens testatur, vidisse se in Ægypto adolescentem, cum stimulis libidinis resistere atque obniti posse iam desperasset, Abbatis solerti simulatione seruatum. Dicam, inquit, quod in Ægypto viderim: Græcus adolescens erat in cœnobio, qui nulla continetia, nulla operis magnitudine flammam poterat carnis extinguere. Hunc periclitantem Pater Monasterij hac arte seruauit. Imperat cuidam viro graui, ut iurgiis atque conuiuijs insectaretur hominem, qui post irrogatam iniuriâ primus venit ad querimoniam. Vocati testes pro eo loquebantur, qui contumeliam fecerat. Flere ille coepit contra mendacium, nullus alius credere veræ veritati: solus pater defensionem suam callidè studuit opponere, ne abundantiori tristitia absorberetur frater. Quid multa? Ita annus ductus, quo expleto, interrogatus adolescens super cogitationibus pristinis, an adhuc aliqui id molestiæ sustineret? Papæ, inquit, viuere mihi non licet, & fornicari libet? Num, quæso, consultius meliusve fecisset Abbas nihil talè confingere, & discipulo in æternæ mortis discrimen ruenti non subuenire?

uenire? cū præsertim nullo alio remedio ab imminente perniciæ eximi potuerit. *Hieron. Epist. ad Rusticum.*

Archebius solitarius.

At neque Archebij quidem sanctissimi viri simulatio improbanda, qui in quadam Nili Insula inter Solitarios & ipse solitariam vitam ducens, si quis eò accessisset eiusdem propositi cupiditate accensus, ei suum ipse domiciliū cum vtilibus cedebat, ne qua cellulæ cōstruendę quærendæve supellectilis difficultate victus abiret, ac ne fortē illū quod offerebatur accipere pudor impedisset, certum sibi ac deliberatum esse ad alia transmigrare loca mētiebatur. Et tantisper inde secedens, donec impensas compararet, reuersus alterā sibi cellā non paruo cum labore ponebat. Hac ille simulatione vsus officio fungebatur veræ charitatis, eos in Dei seruitio pia circumuentione retinens, quos fortē necessitas dilabi compulisset, multoq; plus lucri largiendo faciebat, q̄ detrimenti mentiēdo. Et sapiētis erat, modico dāno magnā vtilitatē quærere. *Cassian. lib. 5. c. 37.*

Abbas quidam

ILLIVS quoque Abbatis laudatur mendacium, qui (vt Cassianus tradit) Simeoni Monacho prospexit, vt in proposito vitæ perfectioris perseueraret. Hic nuperrimē ex Italiæ partibus ad Ægypti solitudinem se contulerat, nullius exercitij gnarus, præterquā Latinos libros trāscribendi, quorum illis in locis vsus nullus erat. Senior igitur fingit, olim quæsisse se qui sibi Pauli Epistolas Latino charactere conscriberet, volēs eas (vt aiebat) muneri mittere fratri in cohorte Latina militanti, Latiniq; sermonis non ignaro, vt aliquid de Scripturis diuinis habeat, quo sese etiam inter militiæ labores vtiliter occupet. Hac itaque simulatione illum ad scribēdum compellēns, & quæ operi, & quæ vitæ necessaria erant dedit, tū otio subtrahens adolescentem, tū penuriæ eius mercedis occasione succurrens, Nisi sic Abbas finxisset, Simeon ipse vel cogitationibus per inertiam expugnatus, vel inopia superatus, diu ibi manere nō potuisset. Neque enim puduit accipere quod offerebatur pro labore. Puduit autem, si nihil agenti vltro impenderetur. *Ibid. c. 39.*

QVI

QUOD Abrahæ celebratissimi inter Ægyptios Anachoretas viri simulatio, quante erga proximum charitatis, quantæ miserationis fuit? Posito quippe monachali habitu, secularia sumpsit indumenta, ne posset agnoscī. Et peregrè profectus, neptim quam iuxta se nutriens, diu sanctorum operum sociam habuit, diaboli tandem latrocinio sublatam anxie perquisiuit. Illa enim iuuenis cuiusdam libidini semel consentiens, criminisq; conscia patruī conspectum ferre non valens, clam ad urbem effugerat, & iam desperatione quadam corpus vulgando, pecuniam demerebat. At senex ubi tandem illam conuenit, notam incognitus aliquandiu considerauit, ac deinde in colloquium euocatam, cum se prodidisset, flēs exhortatus est vt secum rediret. Rediit, & multa vitæ districtione commissā diluēs; eum ipso pariter Sanctorum collegio meruit annumerari. At nisi Abraam alieno se amictu occulisset, fama aduentus sui prænuntiā, vt qui vbique celebris erat, illam exteruisset, & vel fugam, vel latebram petere coëgisset. Alium ergo se finxit, vt amissam inueniret, & non alium se dixit, vt inuentam secum reduceret, reductam sanctificaret. Quanti igitur fructus tunc simulasse fuit, liquidò sciemus, si perpenderimus, quanti econtrā damni non simulasse fuisset. *Effren. in vitis PP.*

POSTREMÒ fingi aliquid etiam sine vlla culpa posse, quis dubitat? quandoquidem veritas illa, in quā nullum prorsus vitium cadere potest, in Euāgelio fingere dicitur: Et ipse, inquit, se finxit longius ire. Et coëgerunt illum, dicentes: Mane nobiscum, quoniam aduersperascit, & inclinata est iam dies. Sed talis hæc Domini erga Discipulos fictio, qualis & illa quondam erga Abraam tentatio. Ille tentatus est an obediret Deo, isti an hospitalitatem seruarent. Non quia Deus futura nesciat, sed vt nos habeamus virtutum exempla. Huiusce rei causa fingere ac simulare Patribus Præpositisq; propriū atq; vñtatum, dum iuniorū animos probare student, dumq; probatos cæteris ad imitandum exhibent. Non sunt igitur hæc fictiones mendacii, sed

IESVS

Luc. 24.

sed veritatis. Neque enim aliter ijs mores hominum ingeniaq; experimur, quàm artifex experiri solet. Indice lapide aurum argentumve, vt quale sit cognoscatur, & experimento veritas ipsa pateat.

*Nicolaus
Peregrinus.*

QV I D A M etiam obtegendæ sanctitatis causa simulationis latebram subière, ne fortè honorati placerent sibi, & pro inani gloria veram amitterent. Nicolaus cognomento Peregrinus, natione Græcus, in oppido Apuliz Theano seminudus incedens, & Crucem ligneam manu præferens, Kyrie eleyson clamitabat, eo clamote puerorum turbam excitabat, & hoc ipsum iteratis vocibus vt secum decantarent, innuebat. Excogitauerat vtique quemadmodum & stultus hominibus appareret, & à laudibus Dei non cessaret, qua insaniz simulatione tantum placuit, vt Deo donante defuncti cadauer multorum languores tan-
tu sanaret.

*Marcus
Solon.*

FV I S S E etiam Alexandriz quendam Marcum Solonem nomine, qui se stultum fingens, nudus incedebat, operibus tamen intentus charitatis. Cùm enim humanum labore victum quæreret, quicquid in diem sibi superesset, indigentibus erogabat. Cùmq; iam sedecim annos in hac simulatione perdurasset, postremò adiuratus, manifestauit se aliquando Monachum fuisse, sed libidini deditum annos quindecim in concubinato perseuerasse, tandemq; ad poenitentiam cõuersum, decreuisse tantundem temporis seruire Christo, quantum diabolo seruierat, atq; mox vita functus est, & in Sanctorum numero habitus. Tali ergo simulatz insaniz humiliatione, mudi sapientibus præferri, ac supra coelum inter Angelos meruit collocari.

*Quedã Virgo
monialis.*

I N Thebaidis Monasterio, quod Sancti Ieremiz nuncupabatur, fuisse Virginem quandam memoriæ proditum est, quam omnes reliquæ mentis impotem existimabant. Danieli autem Abbati reuelatum, quòd fatuum Dei sapiētius esset hominibus: proinde ad eam visendã illũ perrexisset. At ipsam cùm se deprehenfam vidisset, clam abiisse, scheda postibus Monasterij affixa, in qua scriptum erat: Quic-
quid

quid in vos peccauit remittite, atque in Domino valete. Quæso, si dementiæ simulatio illi crimini dari debet, quomodo cæteris, quæ ibi erant, sanctior Dei reuelatione iudicaretur? profecto simulatio ista conseruatio summæ humilitatis erat, non culpa. *In uitis PP.*

SE D neque illis figmenta obfuerunt, quas virorum nominibus, tegumentisq̃ue sexum aliquando celasse constat, cum id ea ratione egerint, ut commodius Christo (quod nihil latet) deseruirent. Eugenia Philippi Consulis filia (Eugenius credita) etiam Abbatis officio defungi Alexandriz meruit. In eadẽ vrbe Euphrosina Virgo sub Smaragdi nomine latēs, Monachi vitam duxit. Sic Marina Marinus, Theodora Theodorus, Pelagia Pelagius creditæ, inter viros præstiterunt sanctitate, sexu occultato. Finxerunt se esse quod non erant, ut essent quod esse debuerunt, nihil omit- tentes quod ad perfectæ consummatæq̃ue Religionis cultum pertineret. *In uitis PP.*

*Eugenia.
Euphrosina.
Marina.
Theodora.
Pelagia.*

Hæc sunt quidem iustæ atque interdum etiam (ut diximus) necessariæ fingendi ac mentiendi causæ. Cætera verò mendaciorum genera perniciofa mortiferaq̃ue habentur. Sicuti fuit mendaciũ Gihezi, Pseudoprophetarũ, Ananiz & Saphiræ, Pontificum in Euangelio & Phariseorum, & his similiũ. Simulatio quoque ac dolus Ioab in Abner & Amasan, Triphomis in Ionatham & in Antiochum, Ismaëlis in Godoliam, Andronici in Oniam, Iudæ in Dominum.

*Mendacium
perniciosum.
4. Reg. 5.
3. Reg. 18.
Act. 5.
Luc. 22.
1. Reg. 3. et 10.
1. Mach. 5.
2. Mach. 4.
Matth. 26.
Iob. 36.
Psalm. 11.
Psalm. 27.*

DE talibus dicitur: Simulatores & callidi prouocant iram Dei. His & Propheta imprecatur, dicens: Disperdat Dominus vniuersa labia dolosa. Et iterum: Qui loquuntur pacem cum proximo suo, mala autem in cordibus eorum. Da illis secundum opera eorum, & secundum nequitiam adinventionum ipsorum. In Exodo quoque præcipit Dominus: Nō suscipies vocem mendacij, nec iunges manum tuam, ut pro impio dicas falsum testimonium. Et in Leuitico: Non mentiemini, nec decipiat vnusquisque proximum suum. In Deuteronomio: Testis falsitatis conuictus

*Exod. 23.
Leuit. 19.
Deut. 19.*

plecti

*Proverb. 19.**Ibid. 21.**Ibid. 30.**Psal. 118.**Ierem. 9.**Apocal. 21.**Psal. 5.**Ephes. 4.**Colos. 5.**Matth. 10.**Matth. 6.**Matth. 18.**Proverb. 3.*

plecti talione iubetur, ut quod in alterum molitus sit, ipse ferat. Vnde Salomon in Proverbijs : Falsus testis, inquit, non erit impunitus: & qui loquitur mendacia, peribit. Et rursum: Qui congregat thesauros lingua mendacij, vanus & excors est, & impingetur ad laqueos mortis. Ideo eo vitio inquinari veritus, Deum deprecatur, dicens: Vanitatem & verba mendacia longè fac à me. Et ante illū David: Ne auferas de ore meo Verbum veritatis vsquequaque. Ieremias autem Propheta, quod ipsa maligni impostoria dolositas illi, non alijs noceat, pramonet ut caueamus, & clamat: Vnusquisque se à proximo suo custodiat, & omni fratri suo non habeat fiduciam. Quia omnis frater supplantans supplantabit, & omnis amicus fraudulenter incedet, & vir fratrem suum deridebit, & veritatem non loquetur. Docuerunt enim linguam suam loqui mendacium, ut iniquè agerent, laborauerunt: Sagitta vulnerans lingua eorum dolū locuta est. In ore suo pacē cum amico suo loquitur, & occultè ponit ei infidias. Nunquid super his nō visitabo, dicit Dominus, aut in gente huiusmodi non vliscetur anima mea? Vis scire quomodo vliscatur, vel qualiter visitet? Apocalypsim lege: Et omnibus mendacibus, inquit, pars eorum erit in stagno ardenti igne & sulphure, quod est mors secūda. Breuiter idem in Psalmo expressum est: Perdes omnes qui loquuntur mendacium. Cuius rei haud ignarus Apostolus ad Ephesios, ne fortè in tantam incidant perditionem: Deponentes mendacium, inquit, loquimini veritatem vnusquisq; cum proximo suo, quoniam sumus inuicem membra. Et ad Colossenses: Nolite mentiri inuicem. Saluator etiam noster ad Apostolos: Simples estote sicut columbæ. Et, si oculus tuus fuerit simplex, totum corpus lucidū erit. Et, nisi efficiamini sicut paruuli, non intrabitis in regnum coelorum. Siquidem & cordis simplicitate, & oris veritate nobis opus est, ut eò felicitatis perueniamus, vbi nullus fraudi, nullus fallaciæ restat locus, vbi misericordia & veritas obuauerunt sibi.

Quas duas virtutes Salomon etiam coniungens pariter colen-

colendas docet: Misericordia, inquit, & veritas te non deserant, circunda eos gutturi tuo, & describe in tabulis cordis tui, & inuenies gratiam & disciplinam bonam coram Deo & hominibus. Misericordia & veritas præparant bona. Misericordia & veritate redimitur iniquitas, & in timore Domini declinatur à malo. Demus operam igitur, & enitamur, vt illo digni simus elogio, quod in Malachia legimus: Lex veritatis fuit in ore eius, & iniquitas non est inuenta in labijs eius. *Ibid. 14. Ibid. 16. Mala. 2.*

De Mansuetudine animi.

Cap. V.

Nunc de his dicemus, qui auersis ab omni asperitate animis mites mansuetique vixerunt, affectum ita moderantes, vt vel nunquam in alterum commoti sint, vel adeò temperatè, vt non deliquerint. Obseruarunt enim præceptum illud: Irascimini, & nolite peccare. *Psal. 4.*

MANSVETI igitur iracundique exempla primi ab homine genti Abel & Cain nobis exhibuerunt. Respexit, inquit, Dominus ad Abel & ad munera eius, ad Cain autè & ad munera eius non respexit. Humilia enim respicit, & alta à longè cognoscit. Hinc ergo Cain inuidiæ stimulis actus, & furore fremens, fratrem, cuius mansuetudinem imitari debebat, interemit. Itaque sine causa in fratrem iratus, Dei in se iram magis prouocauit, & à Deo maledictus fuit. *Abel. Cain. Genes. 4. Psal. 137.*

MITIS Noë in Arca seruatur, superbi diluuiò pereunt. Sic & Pharaò in mari rubro mergitur, Moyses saluatur, cuius mansuetudo tunc egregiè apparuit, cum pro eis, qui sibi insultauerunt, Deum est deprecatus. Vnde dicitur: In fide & lenitate ipsius sanctū fecit illum. Pharaonis autem obduratione grauius quidem flagellis mollescere potuit, nec antè ipse sèuire desijt, quàm viuere. *Noë. Moyses. Eccles. 4.*

IACOB fratrem suū Esau capitali odio sibi infensum, se illi submitiendo mitigauit. Occurrentem in Galaad septies in terram pronus adorauit, munera obtulit, domi-

Iacob.

num suum appellauit. Idcirco quem ille perdere cogitauerat, amplexatus, osculatusque est adeò tenerè, vt fieret. Itaque magnum interdum odium, magna frangit mäsuetudo: & ira illius, alterius humilitate coërcetur. *Gen. 33.*

Ioseph.

I O S E P H quoque mitissimi Ingenij adolescens, in ciasternam à fratribus deiicitur, & externis in seruitutē venditur: & tamen eos, à quibus talia passus fuerat, benignè suscipit, largè educat, non malum pro malo reddens, sed vincens in bono malum. Irasci enim nescit mansuetus, & benefacere ijs etiam, à quibus offensus est, nouit. *In Gen.*

Dauid.

D A V I D Saulis toties in se repetitum furorem, non vindicando, sed parcendo leniebat, & quem nullo officio ne rursus indignaretur mouere potuit, eius in regno successor fieri meruit. Qui ergo persequabatur innocentem, hostiū gladijs occubuit. Qui verò persecutori suo manum inferre noluit, regnauit. Proinde iure suo dum oraret, dixit: Memento Domine Dauid, & omnis mansuetudinis eius. *In lib. Reg.*

Psal. 131.

Christus.

S A L V A T O R I S nostri ac Domini mansuetudo maior est, quàm vt verbis explicari queat. Neminem ad se in veritate venientē repellit, aut sine beneficio dimittit, turbas docet, paruulos suscipit, pauperes eligit, ægros visitat ac sanat, proditoris osculum non refutat, vincientibus se & cædentibus non repugnat, pro crucifixoribus suis orat. Mansuetissimus Agnus ad victimam currit: maledicatur, & tacet: irridetur, & sustinet. Quamobrem se nobis in exemplum præbens, clamat: Discite à me, quia mitis sum & humilis corde, & inuenietis requiem animabus vestris: requiem in terra, requiem in cœlo, dicente Propheta: Mansueti hæreditabunt terram, & delectabuntur in multitudine pacis.

Matth. 23.

Psal. 36.

Apostoli.

Act. 5.

A P O S T O L I quoque reliquiq; Discipuli, iugū suauē & onus leue Domini circumferentes, dum Euangelium prædicarent, persecutorum immanitatem patiendo, non contendendo vicerunt. Flagellis cædebantur, & ibant à conspectu concilij gaudentes, quoniam digni habiti sunt pro no-

pro no-

pro nomine Iesu contumeliam pati. Et impletum est illud
Isaia vaticinium : Et addent mites in Domino læticiam, *Isaia 29.*
& pauperes homines in sancto Israel exultabunt. *In Actis*
Apostolor.

Multorum præterea, qui hos secuti sunt, placidæ mētis
facilitatem etiam bestia cognouerunt, neque tactum illo-
rum formidantes, neque recusantes imperium.

CLOTARIO Britānorum rege venationi indulgente,
aper à venatoribus actus, ad Deicolū Abbatem confugisse *Deicolus.*
perhibetur, & ab eo seruatus, syluestre animal tutiorem se
in Deicoli sinu putauit, quàm si syluas fuga petijisset, præsa-
gio quodam lenitudinis pietatisque eius. Qui insequēbā-
tur, pepercere beluæ ob reuerentiam viri, nō ausi eam læ-
dere, quæ sese fidei commiserat Sancti.

MARIANVS quoq; Bituricensis Cœnobij monachus, *Marianus*
bubulci officio defungi non dedignatus, aprum ad se con- *Monachus.*
fugientem tutatus est. Canibus insequentibus imperauit,
ne illum tangerent. Mira res, canes obedierūt, aper disce-
dere noluit, & cuius benignitate se seruatum agnouit, ei-
dem veluti iam pridem mansuefactus humiliter adhæsit.

EADĒM fera ad Basoli Rhemenfis Abbatis cellam con *Basolus Abb.*
fugiēs, pedibus eius prouoluta sic in tuto fuit, vt canes qui
magno cursus impetu iam tergo fugientis imminebant,
repentē subsisterent. Tunc Attila venator rem admiuratus,
prædium quod ibi habebat, Abbati concessit, dignū omni
beneficio asserens, cuius & mansuetudinem aper, & vir-
tutem canes testati sint. *Beda in vita eius cap. 7.*

COLUMBANO Abbati vrsi in syluis obtemperaue- *Columbanus*
runt: Heleno onagri crocodilique. Hos infiliens trās flu- *Abbas.*
uium ibat, illos autem sarcinis onerabat. Haud ita repentē *Helenus Abb.*
mansuescerent syluestria aquaticaque ammalia, nisi in ho-
mine mansuetudinis vim sentirent cui obsequebantur.

D. HIERONYMVS cū inuidorum malitiam atq; in- *Hieronymus*
festationes ne ferēdo quidē posset reprimere, Roma cessit. *presbyter.*
Mansueti enim placidiq; hominis proprium est, dare lo-
cum improbitatibus aliorum, neque cum pertiacium
X maligni-

malignitate contendere. Sed cui Romæ homines aduersabantur, in Syriæ deserto feræ seruierunt. In Bethlemitico deinde monasterio manentem leo posita ferocitate blander adiit, & reliquis qui aderant, metu dilabentibus, ipsi pedem spina vulneratum porrexit, sanatus famulatum exhibuit, nulliq; iam monachorum metuendus asellum ad pascua educebat, reducebatq; ad stabulum, agasonis fungens officio, qui quondam prædonis functus fuerat. Ferocire nempe non potuit, ubi hospitis benignitatem experiri cœpit, nec ab eo prorsus discedere, cuius beneficio se nouerat conualuisse. *Marian. v. flor. Scr. Tom. 5.*

*Marinus
Solitarius.*

MARINVS in Arba Dalmatię insula natus, apud Ariminum vitam solitariã duxit. Cùm autem aliquando cellam suam versus ab vrbe Roma rediret, asellum quo in via utebatur, vrsus terribilis inuadens peremit. Ille vrsu tenuit, & vt asini vices subiens ad cellã vsq; se deferret, iussit. Subitò syluestrem exuēs animum immanis bestia, dorsum homini præbuit, cuius asello non pepercerat: diceret humanitatis eius conscientiam, quoniã ille amissi iumentum iacturam passus, in autorem damni nõ excanduit, neq; indignatus est, sed tantùm seruitio eius vsus, quo præbarer, posse se ab ipso pœnas exigere si vellet, cuius dorso potuisset tam imperiose insidere. *In vit. PP.*

*Bassianus
Episcopus.*

AT etiam timidissimum animal cerua, dum venatorum tela saucia fugeret, ad Bassianum Laudensem Episcopum se recepit: qui persequerentur, miraculo oblupefacti steteret. Quidam verò licentius accedens, eam de manu Episcopi eripere voluit, sed ipse præreptus à diabolo vexari cœpit. Episcopus autem qui bestiam blandè amiceq; exciperat, & clementer fuerat tutatus, nec in hominis violentiam irasci potuit, ab immundo spiritu oppressum, miseratus incunctanter pristinæ restituit sanitati. Idem igitur & tutelam fidem, & patientiæ benignitatem seruauit, amicis inimicisq; iuxta fauens. *Paulin. in vita Ambrosij.*

Egidius Abb.

EGIDIVS quoque Abbas ad ostia Rhodani solitarius manens, & hominibus incognitus, cerua lac præbente (vt
alibi

alibi diximus) vixit. Sed dum illa à venaticis canibus agi-
taretur, perpeti fuga cellam ipsius petijt, & trepida ac soli-
to mœstius immugiēs, ante senis pedes prouoluta iacuit,
vt cuius humanitatem diu experta fuerat, eius etiam au-
xilio ab imminente periculo tegetetur. Igitur illo orante,
tanes, propiùs accedere nequiùere. Vnus autē de venato-
ribus (quia locus vepribus obductus erat) incerto sagittā
dirigens, Abbati vulnus infixit. Post hoc penetrantes la-
tebram, reperiunt senem, ceruamq; iuxta accubantem, &
religione quadam concussis animis procidentes, veniā ab
eo quem imprudenter læserant, suppliciter petunt, atque
impetrant, & ceruam dimittunt intactam. Tam enim ille
libenter ijs, à quibus vulnus acceperat, offensam dimisit,
quàm pro cerua orauit, pari simplicitate & de ipsa solici-
tus, & in illos mitis. *Fulbert. Carnotens.*

A D Remigiū Rhemēsē Archiepiscopum passerem ad- *Remigiū Ar-*
uolare solitos accepimus, & de manu eius certatim cibū *chiepiscopus.*
capere. Cur ita, nisi qd non sic tutò se pasci posse in apertis
cāpis putarūt, vt in māsuetissimi Præsulis sinu. *Sur. Tom. 1.*

BLASIO Sabastæ vrbis Episcopo in solitudine perse- *Blasius Episc.*
cutionem declinanti, syluestres auiculæ victum suppedi-
runt. *Metaphr. Sur. Tom. 1.*

A I V D O C O regis Britanniz filio dum cōtempo re- *Indocus Soli-*
gno soli Christo seruiret, columbas piscesq; escam manu *tarius.*
porrectam acceptasse ferunt. *Rodolp. Agric.*

I V O N E M Presbyterum ad mensam recubentem, *Iuo Presbyter*
auis quædam albo viridiq; colore spectabilis, de improui-
so adiisse dicitur, & tangi se ac contrectari ab eo passa,
post acceptam benedictionem euolasse. Testata mihi vi-
detur naturam eius non gestu solū, quo se illi liberè at-
que vltro obtulit, sed etiam pennis, varietateque colo-
rum. In candore signabatur mentis puritas, in virore spei
alacritas, in plumarum mollitie animi lenitudo atque fa-
cilitas. *Sur. Tom. 3.*

MAXENTII etiam Pictauiensis Abbatis humanitas *Maxent. Abb.*
effecit, vt agrestes volucres non cupidiùs arborum ramis,

24 DE MANSVETVDINE ANIMI.

quā manibus suis insiderēt. Panis micis, aut tritici granis, ab eo pastæ auolabāt. Hinc discamus, nō sine beneficio eos dimittere, qui sine hāsitatione nostræ se crediderint fidei.

Senonis Abbas

SEVERVS Agathensis Abbas passerem aduolantem ita humanitus excepisse dicitur, vt cū ille fracto crure aliorum aucupium effugisset, ipse sua precatione sanatum dimiserit. Qui enim benignè alios accipit, faciliè quod à Domino petit impetrat. Scriptum quippe est: Mansuetus dabit gratiam.

Proverb. 3.

Franciscus.

FRANCISCUS quoque lenitatem auicularum audacia mirabiliorem fecit. Ad prædicantem confluēbant, neque refugiebant manum eius, vsque adeo obsequentes, vt non nisi cū ipse iussisset abirent, non nisi cū ipse innuisset, garritum comprimerent: non quòd iussa intellexerint, sed quòd iubentis auctoritatē virtutemq; senserint. *Bonau. c. 8.*

Idem.

CVM aliquando in horto inter fruteta deambulare, cicada ficulneam linquens, super euocantis manū consedit, & Deum laudare iussa, voce tinnula, gutture fistulato suauiore solito stridorem edidit. Humanum igitur consortium effugere solitæ bestiæ, Franciscū omnibus ex mansuetudine applaudentem creaturis adire non timuerunt, neq; potuerunt nō obtemperare imperanti, cui iam diuina inerat virtus. Talibus enim dictum est: Si monti huic dixeritis: Tolle, & iacta te in mare, fiet. *Ibid. c. 8. & 12.*

Matth. 21.

Apollon. Abb.

APOLLONIUM Abbatem ferunt cuidam fratrum suorum humilitatis māsuetudinisq; virtutem suis precibus à Domino impetrasse, ita vt ille, cuius rigidæ mentis asperitatem nulla mitigare castigatio poterat, postea multis patientiæ ac lenitudinis exemplum fieret. Si quando igitur vllum animi morbum industria nostra leuare non poterimus, ad precationum remedia recurramus. Quia quæ impossibilia sunt apud homines, possibilia sunt apud Deum. *In vitis PP.*

Luc. 18.

Femina.

Brigida virg.

ET ne foeminarum mansuetudinem silentio pertrāsisse videar; Brigida Virgo apro ferocissimo, & qui in pecudum gregem repente irruerat, præsto occurrēs vsque adeo red-

didit

didit mitem, vt eidem gregi ipsum præficeret pastorem. Itaque tam modò immanis fera tam tenellas oues, quas laniatù venerat, mox & ad pascua educere, & pastas reducere domum cœpit. Voluit autem Deus beluæ feritatem Virginis humanitati cedere, vt ostenderet, quanti apud se ponderis esset talis virtus. *Sur. Tom. 4.*

S E D earum mansuetudo foeminarum, quæ in cœnobij perpetuæ seruituti se addixere vt Deum promererentur, in eo apparet, quòd Præpositis libèter obediant, quòd labori alacriter insistant, quòd dicto factòue lacescitæ non reclament, non murmurent, non mussitent, non denique vultum mutant, sed semper eandem animi lenitatem præ se ferât. Harum exempla partim dicta sunt, vbi de labore, obedientiaq; tractauimus: partim dicentur, cum de patientiæ virtute disseremus. Igitur ne eadem sæpiùs repetere necesse sit, hoc loco de illis loqui supersedebo.

Ancille Christi.

O M N E S tamen Christi seruos ancillasq; admonitos velim, vt meminerint, talium hominum & preces à Domino faciliùs exaudiri, & opera largiore remuneratione compensari. Nisi id verum esset, non illos potissimùm in magno rerum discrimine Sophonias Propheta citaret, vt Domino supplicent, dicens: Quærite Dominum omnes mansueti terræ, quia iudicium eius estis operati: quærite iustum, quærite mansuetum, si quo modo abscondamini in die furoris Domini, quia Gaza destructa erit, & Ascalô in desertum, Azotum in meridie eijcient, & Accaron eradicabitur. Tantum infortunium auerti posse sperauit precibus mansuetorum. Hinc & Eliachim Sacerdos, cum excidium ab Holopherne timerent, ad populum dixisse fertur: Si in humiliationibus permanseritis, exaudiet vos Dominus. Hinc & sancta Iudith Dominum obtestata ait: Nec superbi ab initio placuerunt tibi, sed humiliù & mansuetorum semper tibi placuit deprecatio. Ipse etiâ Dauid: Suscipiens, inquit, mansuetos Dominus, humiliâs autem peccatores vsque ad terram. Et in alio Psalmo: Exaltauit mansuetos in salutem. Et in Euangelio Veritas ait: Beati

Exhortatio.

Sopho. 2.

Iudith. 4.

Iudith. 9.

Psal. 146.

Psal. 149.

Matth. 5.

X 3 mites

Ecclesiast. 3.

mites, quoniam ipsi possidebunt terram. Nō igitur temere in Ecclesiastico præceptum est: Fili, in mansuetudine opera tua perface, & super hominum gloriam diligeris. Quātō magnus es, humilia te in omnibus, & coram Deo inuenies gratiam. Profectō si quis ista memoriter tenuerit, rectēque perpenderit, studio diligentiore, diligētia studiosiore contrarijs animi motibus temperabit.

De Taciturnitate sermonisq; moderatione. Cap. VI.

NUNC quoniam mansuetōs præcipuē taciturnitas decet, moderatioque verborum, satis congruē de ijs dicēdum videtur, qui utroque laudabiliter vsi sunt, ut discamus linguam ipsam & coēcere, cum seruandum erit silentium, & cum loqui expediet, pensitare. Quandoquidem Salomonis sententia est: In multiloquio nō deerit peccatum. Qui autem moderatur labia sua, prudentissimus est.

Proverb. 10.

106.

IOB à Domino arguitur, quod cōtendere ac disputare secum concupierit, dum calamitatū suarum causam anxie perquireret. Et respondens ait: Qui leuiter locutus sum, respondere quid possum? Cōfitetur se nō habere quo excuset inconsultā locutionem, & ut pœnitendo veniā consequatur: Manū meam, inquit, ponā super os meū. Vnum locutus sum, quod vtinam non dixissem, & alterum, quibus vltra non addam. Hinc tu si quando res inciderit, in qua diuinæ prouidentix rationem inuenire nequiuers, caue ne quid imprudenter proferas, sed tacitus mirare, & nihil à Deo nisi bonum æquumque proficisci posse, semper tibi habe persuasum.

106. 39.

Ezechias rex.

EZECHIAS quarto decimo regni sui anno obsessus in Ierusalem, plebem silere iussit, ne colloquijs Rabfacis nunc minantis, nunc blandientis, ad deditionem sollicitarentur. Exemplo est, ne quid is, qui de plebe imperitorum est, respondere præsumat captiosis Hæreticorum argumentis,

mentis, ne dum confutare ea nescit, etiam ipse in retiaculo diaboli inuoluatur, & arce veritatis incautè custodita, ab erroribus captus pereat. Tacitus ergo obediat Ezechie, id est, Christo regi, & in silentio oret, & ipse mittet Angelum suum, qui perimat copias Assyriorum, hoc est, dissipet malignorum insidias, mentemq; orâti illuminet, ut amota dubietatis nebula, iam clarè videre possit, eos verè mortuos esse, qui ipsum nitebantur in mortem trahere secum. 4. Reg. 18.

*Imperiti ne
disputent cum
Hæreticis.*

IESVS filius Syrach, dum efficere nequit, ne inter loquendum peccato aliquo nō implicetur, sic in Ecclesiastico suo conqueritur & clamat: Quis dabit ori meo custodiam, & super labia mea signaculum certum, ut nō cadam in ipsis, & lingua mea perdat me? Hoc ipsum periculum, quod in se deprehenderat, alios cauere iubet, dicens: Aurum tuum & argentum tuum confa, & verbis tuis facito stateram, & frenos ori tuo rectos, & attende ne fortè labaris in lingua, & cadas in conspectu inimicorum insidiantium tibi, & sit casus tuus insinabilis in mortem.

*Iesus filius
Syrach.
Ecclesiast. 22.*

IEREMIAS in matris utero sanctificatum se audit, & tamen ait, a, a, a, Domine Deus, ecce nescio loqui, quia puer ego sum. Quomodo ergo illi lingua non delinquant, qui irrequisiti garriant: si peccare loquendo timuit, quem loqui Deus inuitabat? Qui tunc demum ad prophetandum populo se accinxit, cum Dominus non iam inuitaret, sed imperaret, dicens: Noli dicere quia puer sum; quoniam ad omnia quæ mittam te ibis, & vniuersa quæcunq; mandauero tibi, loqueris. Ad hæc ne quid dubitaret, mittit manum suam, tangit os eius. Et ecce dedi, inquit, verba mea in ore tuo. Toties quippe lapsus timendus est, quoties nostra, nō Domini, verba prolaturi sumus, cum etiam de otiosis, hoc est, quæ neque dicenti, neque audienti profunt, reddenda ratio sit.

*Jeremias Pro
pheta
Jerem. 1.*

At ne quis propterea semper tacere operæpretium sibi existimet, Isaiam lamentantem audiat: Væ mihi, inquit, quia tacui. Reprehensibilē se agnoscit Propheta, quod

*Isaias Proph.
Isaia 6.*

X 4 Oziam

Ecc. 4. Oziam regem, populumq; in vitia præcipitem, verbis non corripuerit, iuxta illud: Ne reuerearis proximum tuum in casu suo, nec retineas verbum in tempore salutis.

Agathon Abb. SED propositum nostrum consequentes, veteribus exemplis noua subnectamus. Agathoné Abbatem lapillo assidue ore indito tacere didicisse ferunt, idq; ab eo annos tres obseruatum, ne etiam cum fari vellet, expeditum sibi foret. Legerat quippe illud in Prouerbijs: Qui custodit os suum, custodit animam suam: qui autem inconsideratus est ad loquendum, sentiet mala. *In vitis PP.*

Paulus Mona. PAVLVS Monachus cognomento Simplex, cum quæsisset, etsétne Christus prior Prophetis, insulsam interrogatiunculam silentio diluere iussus, per triennium nemini quicquam proloqui est ausus. Itaque quæ dictu digna indignaque haberentur, tacendo didicit. *In vitis PP.*

Pambo Abb. PAMBO Abbas, cum etiam ipse discere prius quam loqui proposuisset, ad illum, qui trigésimum octauum Psalmum sibi legere cœperat: Dixi, custodiam vias meas, vt non delinquam in lingua mea: Sat est, inquit. Reliqua audiam, cum istud opere impleuero. Multo deinde tēpore post reuersus, cum interrogaretur, cur tantum ad magistrum redire distulisset? nondum se illud quod didicerat, perfecisse dicit, & Apostolicū esse præceptū: Estote factores verbi, & non auditores tantum. *Hist. Tripart. lib. 8. c. 1.*

Idem. IDEM Theophilo Episcopo se aliquando adeunti, & aliquo sermone ab ipso spiritaliter refici petenti, respōdit: Si taciturnitate sua non reficiebatur, nec sermonibus eum refici posse. Hinc quidem die vitæ suæ iam supremo audacter affirmavit, ex quo eremum incolere cœpisset, nullum se vnquam protulisse verbum, quod prolatum nollet. Perfecit ergo quod initio promiserat: Dixi, custodiam vias meas, vt nō delinquam in lingua mea. Quàm igitur lætus, quàm securus hinc decedebat, quem nullius propè culpæ conscium taciturnitas ipsa fecerat?

Beon Abbas. BEONEM quoque Abbatem in Thebaidis deserto habitantem, in summo silentio vixisse accepimus, ita vt perquam

perquam rarò loqueretur, nec nisi quantũ auditoris exigere videbatur necessitas, taciturnitatem seruans, & simul officio fungens charitatis. *Pallad. Hist. 49.*

THEONEM etiam in cellula sua clausum annos triginta, silentij habuisse continentiam perhibent, & quantum ea re profecisset, miraculis postea ostendisse, neminem non sanum dimittendo, qui æger ad se curationis gratia accessisset. *Ibid. Hist. 50.*

Theon Abbas.

IN illo Tabennensi Monasterio, quod in Eremo Scythiotica positum erat, Amona Abbas mille quingentis Monachis preesse dicitur. Et cum tot essent, horis quibus silentium indictum erat, sepe numero aduenæ locum aduenientes, neminem ibi adesse putauerunt, donec interius ingressi, illos unumquemque seorsum in suis cellulis orantes, aut aliquid aliud facientes conspicerent, adeo non strepitus aliquis, non susurrus, non saltem screatus audiebatur, denique multitudo solitudinem taciturnitate æquabat. *Pallad. Hist. 48.*

Amona Abb.

LIBET hoc loco apponere, quanta diligentia, qualique circumspectione hoc idem ab Ægyptijs Monachis olim seruatum, Iohannes Cassianus de Coenobiorum institutis tractans, dicat: Cum solennitates, inquit (quas illi Synaxeis vocant) celebraturi conveniunt, tantum a cunctis silentium præbetur, ut cum in unum tam numerosa fratrum multitudo conveniat, præter illum qui consurgens Psalmum decantat in medio, nullus hominum penitus adesse credatur, ac præcipue cum consummatur oratio, in qua non sputum emittitur, non execratio obstrepit, non tussis intersonat, non oscitatio somnolenta dissitis malis & hiantibus trahitur, nulli gemitus, nulla suspiria etiam astantes impeditura promuntur, nulla vox absque sacerdotis vocem precem concludentis auditur, nisi forte hæc quæ per excessum mentis claustra oris effugerit, quæque insensibiliter cordi obrepserit, immoderato scilicet atque intolerabili spiritus fervore succenso, dum ea quæ ignita mens in semetipsa non prævaleret continere, per ineffabilem quandam

X 5

gemi-

330 DE TACITVRNI. SER. MODE.
gemitum ex intimis pectoris sui conclauius euaporare
conatur. *Cassian. de Instit. lib. 2. cap. 10.*

P O S T hæc qualiter se gerant, describit dicens : Finitis
itaq; Psalmis, & quotidiana congregatione (sicut superius
commemorauimus) absoluta, nullus eorum vel ad modi-
cum subsistere aut fermocinari audet cum altero, sed ne
quidem per totum diei spatium à cella sua progredi, aut de-
ferere opus, quod in ea solitus est exercere, presumit: nisi
fortè cum fuerint ad officium necessarii cuiusq; operis euo-
cati; quod ita explent foras egressi, ut nulla inter eos fer-
mocinatio penitus cõferatur. Sed sic vnusquisq; opus exe-
quitur iniunctum, ut Psalmum vel Scripturam quamlibet
memoriter recensendo, non solum conspirationi noxiæ, vel
consilij prauis, sed ne otiosis quidem colloquijs, vllam co-
piam vel tempus impartiat, oris pariter & cordis officio in
meditatione spiritali iugiter occupato. Summa nanq; ob-
seruantia custoditur, ne quisquam cum alio, ac præcipuè
iuniores, vel ad punctum temporis pariter substituisse, aut
vsq; secessisse, vel manus suas inuicem tenuisse deprehen-
datur. Hinc discant, qui soli Deo placere studet, vel tacere,
vel ea tantum quæ Dei sunt loqui, ut cum Propheta dicere
Ierem. 17. possint: Quod egressum est de labijs meis, rectum in con-
spectu tuo fuit. *Ibid. cap. 15.*

Seuerus presb. S E V E R V S Sulpitius Presbyter, cum multa catholicè
scripsisset (ut Gennadius Presbyter tradit) in senecture sua
à Pelagianis deceptus, & agnoscens loquacitatis culpam,
silentium vsque ad mortem tenuit, ut peccatum quod lo-
quendo contraxerat, tacendo penitus emendaret. *Gennad.
de vir. illust. cap. 19.*

*Hieronymus
de quibusdam
solitarijs.* D. H I E R O N Y M V S libro quæ de institutione sanctarum
Virginum ad Eustochium scripsit, plerosq; se in eremo re-
perisse testatur, qui per septennium nullum prorsus verbum
homini alteri emisserant, scientes quod non in multiloquio
Dominus potest haberi. Puto qui sic se ab humanis collo-
quijs sequestrauerunt, diuinis familiarius perfruebantur,
non interpellata meditatione illa, quæ hominis animum
terrena-

terrenarum rerum cura excussum coelestibus inferere so-
let. *Hieron. in Reg. Monach. cap. 22.*

ROMUALDVS etiam Abbas Ordinis Camaldulensis *Romualdus Abbas.*
autor, dum montem solitarius incoletet, septenni silentio
spiritali Pfalorum intelligentiam meruit percipere.
Quos cū argutē eleganterq; exponeret, dicere videbatur:
Dedit mihi Dominus linguam mercedem meam, & in ip-
sa laudabo eum. Post hæc etiam miraculis nobilitatus est,
vt qui propter Deum tamdiu tacuerat, propter eum signa
loquerentur. *Sur. Tom. 3.*

THOMAM Aquinatem, dum inter scholasticos versa-
retur, naturaq; taciturnus esset, & corporis habitu reliquis
paulò obesiore, bouem mutum appellabant. Magister ve-
rò vbi ingenium illius disputatiunculis experiri coepisset,
deprehendens quorsum eius tenderent silentia: Bos iste
mutus, inquit, talem mox edet mugitū, vt sonum eius to-
tus admiraturus sit mundus. Et cū omnium doctissimus
euasisset, tunc sanè apparuit, quantum docilis taciturnitas
vanæ & arroganti loquacitati esset præferenda. *Anton. Pix. Sur. Tom. 2.*

CETERVM & hac in patre diaboli insidię vitæ sunt. *Quidam Fra-
trum Minorū.*
Cuidam ex fratribus perpetuum silentium seruanti, Pater
Franciscus vt semel tantum in hebdomada confessionē fa-
ceret, persuadere non potuit, & ille sibi de se magis quàm
Præposito suo credens, excidit à sanctorum collegio, & ad
vomitum est reuersus. Primū irrationabile erat, tam ob-
nixo obstinatoq; animo tacere, vt confiteri nollet, quasi
qui nihil vnquam deliquisset: deinde arrogās ac superbus,
maiorum volūtatī suam præponere, cū Dominus dicat:
Obedientiam volo, & non sacrificium. Et qui vult venire
post me, abneget semetipsum. Profectò qui obedire negli-
git, subijci dedignatur: & qui subijci dedignatur, super-
bit: & qui superbit, nunquam proficiet. Igitur ipsum quo-
que oris silentium semper mentis humilitate niti debet,
vt obseruatori suo prodesse possit. *In Speculo S. Francisci.*

QVI s autem ipsam taciturnitatem perutilem esse am-
bigit, *sanctorum
sententia.*

bigit, si præter iam dicta Sanctorum exempla, etiam apostolicis propheticiſq; præceptis ad eam colendam excitamur?

Iacob. 1. Iacobus Apostolus: Sit, inquit, omnis homo velox ad audiendum, tardus ad loquendum. Et paulò post: Si quis autem

Ibidem. putat se religiosum, non refrenans linguam suam, sed sedens cor suum, huius vana est religio. Et Paulus ad Timoth.

2. Tim. 2. Prophana & vaniloquia deuita. Salomon in Prouerbijs:

Prou. 17. Qui moderatur sermones suos, doctus & prudens est. Et

Eccles. 3. idem alibi: Tempus tacendi, tempus loquendi. Et ite-

Prou. 15. rum in Prouerbijs: Lingua placabilis, lignum vitæ: quæ

Ibidem. autem immoderata est, conteret spiritum. Sermo oppor-

Ibid. 25. tunus est optimus. Mala aurea in lectis argenteis, qui loqui-

Ibid. 26. tur verbum in tempore suo. Idem procacitatem garrulorum

Ibid. 29. damnans: Os lubricum, inquit, operatur ruinas. Et, vidi-

Eccles. 10. sti hominem velocem ad loquendum: stultitia magis spe-

Prou. 18. randa est, quàm illius correctio. In Ecclesiaste quoq;: Stul-

Prou. 18. tus verba multiplicat. Et rursus in Prouerbijs: Mors &

Matth. 12. vita in manibus linguæ. Postremò ipse veritatis magister

Matth. 12. & vitæ Dominus in Euangelio, ait: De omni verbo otioso

quod locuti fuerint homines, reddent rationem in die iu-

dicij. Ideo diuitem quoque in inferno positum, quoniam

loquacitatis petulantia maximè deliquerat, linguæ ardo-

rem sentire magis fecit, & ille linguam tantum refrigera-

Femina. ri petijt, qui ardebat totus.

E A D E M hæc sanctæ taciturnitatis moderandæque lin-

guæ exempla atque præcepta, etiam foeminas respiciunt,

1. Cor. 14. & quidem magis quàm viros. Paulus Apostolus: Mulie-

res, inquit, in Ecclesijs taceant. Non enim permittitur eis

loqui, sed subditas esse, sicut & lex dicit. Si quid autem vo-

lunt discere, domi viros suos interrogent. Turpe est enim

mulieri loqui in Ecclesijs.

D I V S etiam Hieronymus ad Celantiam scribès: Sit

intentus, ait, ac vigilans, & aduersus peccata semper arma-

tus animus tuus, sermo in omnibus moderatus ac parcus,

& qui necessitatem magis loquendi indicet, quàm volun-

tatem. *Hieron. ad Celantiam.*

I D E M

Idem eas, quæ in Monasterio sacris initiatæ sunt instruens, etiã silentij tempora obseruare monet, sic dicens: Volo, charissimæ, vt in conuentu vestro ter aut pluries in hebdomada, exceptis Festiuitatibus, loqui omnino, nisi urgente causâ perutili & necessaria, nullatenus liceat, nec simul, nec cum alijs extrâ. Diebus verò omnibus, quibus & pro remedio, & pro salute loqui conceditur, nõ singulis horis vacandum est verbis, quæ vix proferri sine peccato possunt, sed hæc inuiolabilis obseruatio vigeat, quòd singulis noctibus post peractam horam Cõpletorij vsq; post Missam, & à Tertijs vsq; ad Nonâ, sacra obseruentur silentia. Quatenus & linguę Deû laudandi concedatur opportunitas, & inutilia verba penitus abscindantur. In choro verò Ecclesiæ ad diuinas laudes parato, Dormitorio, Cœnaculo, Claustro, ac Capitulo, omni tẽpore loqui non debeat, nisi ea quæ ordinata sunt in laudibus Dei, vt iã & tempus, & locus religionis vestræ prædicet sanctitatẽ, & loquacibus cõpunctionẽ ingerat, & intrandi ad societate vestrâ sancta desideria incitet, & affectus ad cœlestia moueatur. Satis de hoc multa: Nunc castitatis indagabimus exẽpla. Frustra enim os loquacitati clauditur, si mens libidinibus patet. Vt igitur castû silẽtiũ in casto seruetur pectore, discamus incestas voluptates sanctæ pudicitie amore calcare.

*Hieron. in
Reg. Monial.*

*Aduerant
Religiosi.*

De Castitate seruanda exempli virorum.

Caput VII.

DE Castitate tractaturi, nouam potius quàm veterem Legem sequamur. Primis quippe hominibus recẽti adhuc vacuoque mundo præceptum est: Crescite & multiplicamini, & replete terram. Repleta verò terra, posteris, id est, nobis, continentia commendata est, monente Domino lumbos præcingi, vt ex illo eunuchorum genere *Lucæ. 12.* simus, qui se castrauerunt propter regnum cœlorum. Vnde *Matth. 19.* & Apostolus: Bonum est homini, inquit, mulierem non *1. Corin. 7.* tangere. Dico autem, non nuptis & viduis, bonum est illis, si sic

si sic permanferint sicut & ego : quòd si non se continent, nubât: melius est enim nubere, quàm vri. Et de virginibus tanquam de eminentiori virtute, magisq; angelica quàm humana, præcipere non audet, sed consulere, atque concludens, ait: Qui Matrimonio iungit virginem suam, beneficit: & qui non iungit, melius facit. Ex ijs patet, Virginitatē viduitati, viduitatē Matrimonio præferendam esse. Sed ne veterum etiam testimonia idem asserentia nobis aliquis prorsus deesse putet, docebimus olim quoq; nō nisi castos ad Deum accedere, & iratum placare potuisse.

*Populus Israel
Exod. 19.*

POPULO Israelitico Dominū de monte Sinai loquētem audituro Moyses, imò per Moysen ipse Dominus præcepit, dicens: estote parati in diem tertiu, & ne appropinquetis vxoribus vestris. Et quisquam Matrimonium audet æquare castitati, si coniugatos alloqui noluit Deus, nisi cū per triduum sese continuissent? *Exod. 19.*

Moyses ANTEHAC MOYSI in mōte Oreb de rubo loquēs
Exod. 3. Dominus dixisse scribitur: Non appropies huc, solue calceamentum de pedibus tuis: locus enim in quo stas, terra sancta est. Idem dictū est ad Iosue, cū transmissio Iordane in agrum vrbis Iericho peruenisset: Calceamentum autem solui ei, qui nuptijs propinquitatis iure sibi oblaus renuntiasset, mos erat, dicebaturq; domus discalceati.

Deuter. 15. Igitur Deo appropinquare, vel in loco sancto stare volentes, iubentur calceamenta soluere, id est, curæ coniugalis obliuisci, & coelibatus signa præferre.

Lex. PRÆTEREA Matrimonio copulatos, quoties coierint, aqua lauari Lex iubet, & vsq; ad vesperum immūdos esse denuntiat. Mulier quoq; cū masculū peperit, immūda est dies septem: cum foemimam, quatuordecim: purificationis quoq; dies hic sexagesimus sextus, illic trigessimus tertius præscribitur, nec antè puerperæ ingredi Sanctuarium licet, quàm purificata fuerit. Ex quo apparet, Matrimonij operam absque aliqua honestatis labe munditiæque detrimento fieri non posse. *Leuit. 12.*

Leuit. 21. SI filia sacerdotis, inquit, cuilibet ex populo nupta fuerit,

fuerit, de his quæ sanctificata sunt, & de primitijs non vescetur. Sin autem vidua, vel repudiata & absq; liberis, reuersa fuerit ad domum patris sui (sicut puella cõsueuerat) aletur cibus patris sui. Nõne & in hoc videmus, nuptijs prapositam fuisse viduitatem? *Leuit. 22.*

SACERDOTIBVS ipsis neque viduam, neque repudiatam accipere vxorem, sed tantum virginem fas erat. *Leuit. 21.*
Ergo & viduitati præcellebat Virginitas.

MADIANITAS ab Israelitis duce Phinee superatos, *Numer. 31.*
Moyse occidi ad vnum iussit, præter virgines puellasq; ut vel hinc intelligas, matrimonia morte dissolui, virginitatem verò vita æterna esse dignam.

ACHIMELECH Sacerdos panes sanctificatos David *1. Reg. 21.*
esurienti & ijs qui cum illo erant daturus, interrogat: Si mudi sunt, maxime à mulieribus. vsque adeo cibos sacros dare etiam fame periclitantibus, nisi castis, non licebat. Et si hoc olim in pane illo seruatum est, quanto nunc mudiores esse decet, quibus sub eadem specie sumendum datur purissimum Christi Corpus, spiritalis Caro, inestimabile Sacramentum? *1. Reg. 1.* *Notent hæret.*

IOEL Propheta vastationem atq; excidium per Chaldæos futurum prædicens, diuinam leniri iram posse sperat populi ieiunio, & fletu, & supplicationibus, ijsq; addens: Egrediatur, inquit, sponsus de cubili suo, & sponsa de thalamo suo. Continentiã indixit, ut precatio ieiuniumq; & poenitentium gemitus puriora offerrentur, nec illa sufficere putauit sine hac castitatis obseruatione. *Ioel. 2.*

HIS testimonijs congrua quoque exempla subdantur. *Ioseph.*
Ioseph forma insignis adolescens, ab Ægyptia domina ad- *Genes. 39.*
amatus, cum consentire libidini impudenter se ingerentis nollet, vim inferre conantem, relicto quo apprehensus fuit pallio, effugit. O fortem & inuicti animi iuuenem, cum id ætatis esset, quæ ad voluptatem est procliuior, contempsit blanditias, preces, minas, omnia denique impatienter ardentis foeminæ machinamenta pro nihilo habuit, & veluti repentino premeretur incendio, penè nudus ab ædibus

• ab ædibus erupit, vt castitatem illam cōseruaret. *Gen. 39.*

Moyſes.

M O Y S E S quidē, sicut omnes ferē qui sub Legis iugo seruiuerunt, vxorem habuisse describitur. Sed Iesus Naue (qui Euangelij libertatem figurabat) nec vxorem habuit, nec filios, & hic coelebs terram promissionis ingreditur, quam ille maritus tantū vidit, & ingredi non potuit.

Elias.

Elifæus.

S E D neque Eliam, neque Elifzum, vxores habuisse aut liberos habuisse legimus, & à nemine ante Euangelium, præterquā ab ijs, mortuos ad vitā excitatos, vt miraculi raritas ac magnitudo seruata castimoniz testetur meritū.

Ieremias.

Ierem. 1.

I E R E M I A S quoque diuinum accipit mandatum, ne vxorem habere velit, nève prolem suscipere. Itaque quod in matris utero sanctificatus fuisset, virginitate probauit. Qua etiam meruit, vt vrbe à Chaldæis capta Temploque direpto, solus apud hostes liber esse, & qui Sancta sanctorū violare non timuerant, ipsum muneribus honoreq; affererūt: vt hinc agnoscas, hominē qui castitatis professione Deo sese dedicat, omni templo sanctiorem esse. *Ierem. 1.*

Iob.

A C ne etiam coniugatis pudicitiz colendæ ratio desit, non minus continentiam quā patientis Iob exemplum in medium adducam. Hic vnica vxore contentus ac monogamus: Pepigi, inquit, foedus cum oculis meis, vt ne cogitarem quidem de virgine. Quam enim partem haberet in me Deus desuper, & hæreditatem omnipotens de excelsis? Et paulò post ait: Si deceptū est cor meum super muliere, & si ad ostiū amici mei insidiatus sum: scortum alterius sit vxor mea, & super illam incuruentur alij. Hoc enim nefas est & iniquitas maxima, ignis vsque ad perditionem deuorans, & omnia eradicans genimina. Quibus profectò verbis & continentissimum se fuisse ostendit, & quā graue crimen adulterium sit, explicauit. *In lib. Iob.*

Iob. 31.

H A C de veteri libauimus Instrumento, plura de nouo hausturi, utpote cuius initium ipsa virginali castitate consecratum est.

Christus.

D O M I N U S noster Iesus Christus ita de Virgine nasci voluit, vt perpetuam illi de qua nascebatur virginitatem conser-

conseruaret, per portam clausam in mundū hunc veniens, per quam vir non transiit, & ipse in virginitate perseuerans, pudicitiae puritate se plurimum gaudere significauit. Vnde: Sinite pueros, inquit, venire ad me: talium est enim regnum coelorum. Tales quippe & in Apocalypsi, qui canticum cantant nouum, quod nemo alius canere potest, & sequuntur Agnum quocunque ierit. Sine macula enim sunt ante Thronum Dei, & cum mulieribus non fuerunt coinquinati. *In Euang.* *Matth. 19.*

I O H A N N E M Baptistam, ut illum baptizaret, Virginitate meruisse credimus, cum maximè decuerit, ut baptizari volens castus Dominus, casta editus matre, casti serui opera ministerioque vreretur. Itaque Iohannes plusquam Propheta est, quoniam plus est virginem esse, quam futura praedicere. Ipse est Elias. i. robustus dominator, qui carnis lasciuia animi puritate superauit. Deniq; inter natos mulierum nemo maior est illo, quia perfectae castitatis merito iam inter Angelos computatus erat. De ipso enim dictum est: Ecce ego mittam Angelū meum, & praeparabit viam ante faciē meā. Angeli igitur magis quam homines sunt, qui virginitatem sanctè integreque custodiunt. *In Euang.* *Iohannes Baptista.*

I O H A N N E M Apostolum, quoniam & ipse Virgo erat, praeter ceteris à Domino dilectum Euangelia testantur. Ob hoc ab eodem Domino illi matrem commendatam, & illum matri. Virginitatis etiam priuilegium fuit, quod idem & Apostolus est, & Euangelista, & Propheta, quodque in feruentis olei dolium missus laedi non potuit, & in terra relegatus, quae in coelo gerebantur, vidit. *Hieron. contra Iouinian. lib. 1. cap. 14.* *Luc. 7.*

I A C O B U M Apostolū, qui frater Dñi nuncupatus est, instantū castitate, sanctitateque praestitisse ferūt, ut etiā ludæis incredulis admirationi esset. Soli Sancta sanctorū intrare permittebāt. Plerique deinde ob illius necem Ierosolymam euersam putauerūt. Hunc Paulus, & Cephā, & Iohannē, veluti reliquorū Praefides, columnas vocat, & ab ipsdē sibi dexteris datas societatis gloriatur. *Ense. Hist. Eccl. li. 2. c. 23* *Iacobus Apost.*

Petrus Apost.

Ac ne quis calumnietur, Petrum non sine vxore fuisse, nec nos imus inficias, cum & socrum habuisse dicatur ac filiam: sed pro certo affirmamus, tum ipsum, tum si qui alij inter Apostolos vxores habuerunt, eas repudiasse propter Christum, cum præsertim repudij ius nondum sublatum esset, alioquin mendacij argueretur, cum ipse Petrus pro se & pro reliquis diceret: Ecce, nos dimisimus omnia, & secuti sumus te. Quod autem etiam vxoribus renuntiassent, ex Domini responsione apparet: Amen, inquit, dico vobis, nemo est qui reliquit domum, aut parentes, aut fratres, aut vxorem, aut filios propter regnum Dei, & non recipiat multo plura in hoc tempore, & in seculo futuro vitam æternam. Igitur palam est, & quæ reliquerant, & quam pro relictis remunerationem accepturi erant, nec solum ipsi, sed etiam omnes qui ipsos postea imitati fuerint; ut Apostolorum præmia consequi posse speret etiam is, qui Apostolatus dignitate caret. *Luc. 18.*

Paulus Apost.

P A V L V S Gentium Apostolus, viduas virginesque ad perpetuam castitatis obseruationem suo hortatur exëplo, dicens: Bonum est eis si sic permanserint, sicut & ego. Quod nequaquam dixisset, nisi se ab omni penitus mentis & corporis immunditia expertem alienumque cognouisset. Hic ille est, qui raptus vsque ad tertium cælum audiuit verba arcana, quæ non licet homini loqui, & nescit in corpore, an extra corpus raptus fuerit. Sic qui castitatem colunt, se in corpore esse nesciunt, quia corporis affectiones non sequuntur, sed supra cælum animo elati diuina concipiunt Mysteria, quæ quidem terrenis voluptatibus dediti, scire non possunt.

1. Cor. 7.

Quantum igitur in hac virtute seruanda sancti viri ac mulieres solliciti constantisque fuerint, innumeris penè exëplis patet. Nos non multa subiiciemus, quæ tamen, cum ad probandum quod dicimus, tum ad imitandum, sat erunt.

Amon Abbas.

A M O N Ægyptius Abbas, à parentibus accipere vxorem coactus, virgini ut virginitatem seruaret, persuasit. Diuisis ergo lectulis vsi, sed tamen eodem contubernio, cum iam decem

decē & octo annos corpore ac mente integri vnà peregiſſent, vtilius tutiuſq; ſibi viſum eſt, ſi digrederentur. Itaque illa manſit domi, ipſe verò ad ſolitudinē Nitriæ abiens, ab hominū conſuetudine ſemotus vixit. Quid magis mirer, nescio, tres pueros illos in Babylonica fornace inter flammās vinculis conſtrictos ardere nequiuiſſe, an iſtos vigēte iuuenta nuptiali thoro iunctos, nuptiale opus, cū tandiu ſimul vixiſſent, exercere nunquā voluiſſe? Magnum vtrunque miraculum, ſed multò maius donum, mentem caſtam habere, quàm illæſum corpus. *Pallad. Hiſt.* 8.

Hoc idem in Iuliano Antiocheno Martyre & Baſiliſſa Virgine mirari licet, qui nuptijs inter ſe celebratis, cū Iulianus cōtinentiæ votū ſuſcepiffet, brumę tēpore roſarū ac liliorum fragrātiā in cubili collocati ſenſerūt: ſtupeſcentiq; puellæ Sponſus dixit, odorē hunc munditię virginis eſſe. Cuius quidē ſuauitate illa capta, vnà cū ipſo in Virginitate perſeuerare decreuit. Propoſitū amborū cōfirmavit viſio. Chriſtus cū matre Virgine illis apparuit, pudicitiaq; corollis donatos dimiſit. Cūq; diu ſimul caſtē ſanctęq; vixiſſent, Religioni ſeſe tradidēre. Alter Abbas monachis, altera Abbaſſiſſa præfuit Virginibus. Iulianus poſtremò Martyrij quoq; palma glorificatus, ſicut carnis laſciuiā pudicitia, ita tormentorū vim patiētia ſuperauit. *Sur. To. i*

Iulianus & Baſiliſſa.

AMATOR quoq; Antiſiodoreniſis Epiſcopus, parētum ſuorum voluntati cedens, inuitus puellā genere & forma inſignem, cū in matrimoniū accepiſſet, ſua dēdo induxit, vt ſecum caſtitem profiteretur. Suſcepto vtrinque voto, Angelum Domini viderunt, quē antè videre non poterāt, & Virginitatis coronas de manu eius acceperunt. Mox illa virginum Monafterium ingreditur, ipſe Clericus efficitur, Eladioque in Epiſcopatum ſuccedit, dignus Eccleſiæ ſponſus, qui cū maritus eſſet, ſe maritum nesciuit.

Amator Epiſ.

HENRICVM Imperatorem, qui annos tres & viginti imperauit, Virginitatem vnà cum Kunegunde vxore ſeruallē tradunt. Non illos regalis luxus ad carnis inflexit laſciuiam, non ſuſcipiendæ ſobolis cura, cui Impetij faſces reliquiſ-

Henricus Imperator.

340 DE CASTI. SER. EXEM. VIRO.
reliquissent, perpetuæ castitatis mutare propositum fecit.
Omnia contempserunt, vt se mente & corpore integros
Deo offerrent. Id autè multis incognitum, vir ipse vita de-
cedens palàm fecit, testatus se vxorem suam vt virginem
acceperat, ita virginem dimittere. *Iacob. de Vorag.*

*Arnulphus
Episcopus.*

ARNULPHVS natione Gallus, genere clarus, Stam-
bergam Clodouei regis neptim duxerat vxorem. Sed vt
spiritu, non carne iungerentur, Sancto suadente Remigio,
inter se conuenerunt. Ne verò præsentia oppugnaret pro-
positū, ipsa domi resedit, ille peregrè profectus est. Cumq;
multa morū sanctitate polleret, Thuronensem Episcopatū
Domino per Angelū iubēte suscepit, ne scilicet Apostolica
careret dignitate, qui Apostolorum vitam secutus fuerat,
matrimonio præferens castitatem. *Greg. Turonens.*

Vando Abbas.

NON minor casti propositi constantia Vandonis Ab-
batis fuit. Nam cum Pipini Gallorum nepos esset, à Dago-
berto regni successore (cui imprimis charus erat) cōpulsus
est ducere vxorem, neque tamen ne castitatem serualet,
cōpelli potuit. Nuptæ persuasit, ut Deo potius quàm mun-
do seruirēt. Itaque illa sacrarum Virginum collegiū inijt,
ipse Monachorum, Abbatisque officio functus est, & mi-
raculis nobilitatus. At si in carne seminasset, de carne &
messuisset corruptionem. Seminauit autem in spiritu, &
de spiritu messuit vitam æternam.

Eduardus rex.

EDVARDVM quoque Britannorū regem, cum Egica
vxore virginitatem custodisse, memoriæ proditum est. Nō
tam illi vrbes, populos, prouincias vicisse gloriosum foret,
quàm quòd seipsum vicerit, nullum Venereæ voluptati re-
linquens locū. Hunc tamen si quis imitari voluerit, imite-
tur castitatem, consortiū fugiat. Difficile enim creditu est,
nedum factu, vt vir & mulier vnà habitent, & neque hæc
se sciat vxorem, nec ille maritū. Nulla securitas est vicino
serpente dormire. *Ozbert. Sur. Tom. 1.*

Faron Episc.

FARON Meldensis Antistes, postquàm pari cū con-
iuge consensu Religionem professi, altera inter Moniales,
alter inter Monachos diu sanctè vixissent, formæ pulchri-
tudinis

tudinisq̃ue eius memoria sollicitatus, ipsam vt ad se veniret rogatum misit. At prudens fœmina sagaci mente id quod erat concipiens, ire omnino recusabat. Eò ille magis ardere, nec animo conquiescere, nec euocando cessare. Venit tandem mulier cilicio induta, squalore obsita, vultu lugubri, & ipsum immûdæ cogitationis arguēs resipiscere fecit. Quòd si sanctissimum virum procul à mulieribus separaturn recordatio ipsa penè ad vomitum redire cõpulit, quanto propius periculo erunt, qui cum his simul habitare præsumpserint? *Fulcuinus Meldens. Sur. Tom. 5.*

THEONAS Scythiotici Monasterij Abbas, & ipse parentibus, non sibi, obsecutus, coniugij iugũ tulit. Ceterum cum quinquennium vxori seruisset, ad continentiam est conuersus. Illi verò vt itidem se contineret, & iam spiritu secum, non carne copulari vellet, persuadere nullo modo potuit. Vbi autem omnes adhortationes incassum cedere vidit, grauius ingemiscens: Ego te, inquit, mulier abstrahere à morte non possum, nec tu me separabis à Christo. Melius est mihi cum homine, quàm cum Deo habere diuortium. Post hæc relictis omnibus, dimissaq̃ue vxore, Monachum se fecit. Sed nemo legẽ putet vnicum exemplum, vt repudiet inuitã. Nescis enim an sic voceris, vt hic vocatus est, singulari quadam vocatione, non communi. Quippe qui breui tanta profecit sanctitudine ac scientia, vt iub Iohanne Abbate Monasterium ingressus, in successoris eius Helix locũ, omnium suffragijs suffici meruerit, cunctis prælatus qui vxori prætulerat Christum. *Cassian. Coll. 21. cap. 9.*

AD Iohannem Abbatem quendã seculari habitu hominem venisse, autor est Cassianus, primitiasq̃ue obtulisse. Cuius aduẽtu dæmon ab obfesso, quem sanare Abbas non potuerat, repentẽ effugit, propter eum se fugere cõfessus. Admiratus Iohannes vnde ex illo seculi hominẽ tanta virtus emicuisset, curiosius percunctari cœpit, atq; audiuit, eum olim, dum monasticæ professionis desiderio afficeretur, à parentibus cõpulsus ducere vxorem, & iam annum

vndecimum cum illa in virginitate perseuerare, ipsam denique omnibus inscijs sororis, non coniugis, loco habere. Quare in stuporē versus senex, protinus exclamauit: Non immeritò talis viri præsentiā immūdum spiritū ferre nequiuisset, cuius pudicitiae cōstantiā ipse imitari formidaret, ne quod illi in laudem, sibi cederet in perniciē. Tale quippe facinus omnium prædicatione dignum esse, sed nō ab omnibus experiendum: cū semper inter castimonię obseruatores is, qui foëminarum familiaritatem deuítat, secutior sit, fortior, qui non deuítat. *Cassian. Coll. 14. cap. 7.*

*Timotheus
Solitarius.*

TIMOTHEVS Anachoreta in vastissima Ægypti eremo, nulli hominū cognitus, iam annos triginta peregerat, quando à Pasnutio Abbate fuit inuētus, toto eo tempore nudus, & squalidus, & palmæ tantū fructibus vitam sustentans, ac lugens peccatū suum, quod nimia sui fiducia, cū primū secessisset, mulierem religiosā secum habitare passus fuisset. Qua tandem cognita, annos sedecim se abulum fatebatur. Et dum fateretur, lachrymas tenere nō poterat. Vide igitur, quā periculosum sit maris foëminæque consortium, etiā cū ambo perpetuam vouerint castitatem, ambo soli Deo seruire proposuerint. Quod iste expertus, eō iam profugerat, vbi nec uomen foëminæ audire posset. *Metaphr. Sur. Tom. 3.*

Leo Papa.

PRIMUM Leonem Pontificem Maximum ferūt, dum solenni Paschæ die sacrosanctam Corporis & Sanguinis Christi Communicationem populo daret, à quadā matrona in manu osculū excepisse, & cū ex hoc intimis in medullis improbæ cupidinis excitatum sensisset incendium, in semet iratū, manum illā abscidisse. Verissimum est igitur illud Apostoli oraculum: Bonum est mulierem nō tangere, postquam tetigisse tam malum fuit. *In vita Leonis.*

1. Cor. 7.

Benedict. Abb.

SED si Benedicto Abbati in deserto procul ab hominū consuetudine commoranti necesse fuerit nudum iniicere sentibus corpus, & totum multo volutatu cruentare, vt visā aliquando foëminæ incestā recordationem dolore sedaret: profectò bonum est etiam mulierem non videre.

Qui

Qui enim viderit mulierem ad concupiscendum eam, iam *Matth. 5.*
mœchatus est eam in corde suo. *Gregor. Dial. lib. 2. cap. 2.*

AVGVSTINVS interrogatus, quare cum sorore ha- *Augustinus.*
bitare refugisset: quia, inquit, quæ cum sorore mea sunt,
non sunt mææ sorores. Et hanc eiusdem sententiam esse
perhibent: Malum est mulierem videre, peius alloqui,
pessimum tangere. Ex sensibus igitur corporis nostri, vt
quisque periculo proximior, ita magis continendus. *Pos-*
sidon. in vita Augusti, cap. 26.

PROPTEREA quidem Iohannes Anachoreta in qua- *Iohannes*
dam Ægypti præruptæ rupis spelunca obstruso aditu de- *Solitaris.*
gens, cum foeminis nunquam est locutus, rarò cū viris, ad
se tamen intrare permisit neminè. Tribuno roganti, vt se
conungi suæ conspiciendum sustineret, nō est assensus, sed
in quiete se illi apparitutum promisit, quòd eam pio desi-
derio affici sciret. Proxima igitur nocte mulier somnians
ipsum vidit, quem vigilans nunquam viderat, & quòd vi-
derit, formam habitumq; corporis & cuncta vultus linea-
menta rectè vereq; referendo, fidem fecit. Quantæ, quæso,
perfectionis vir iste fuit, qui imaginem suā dormienti foe-
minæ spectandam mittere potuit, cui tamen accessum ad
habitationem suam interdixit? Et si talis lapsus pertimuit,
quis tutum putabit ingerere se obtutibus mulierum?
Pallad. Laus. Hist. 43.

PAVLVM quoque Abbatem qui solitudinē Panephiso *Paulus Abbas*
oppido proximam incoluit, ne foeminam videret, impense
cauisse accepimus. Et cū aliquādo cum Abbate Arche-
bio ad quendam senem pergeret, videns à longè obuiam
venire mulierem, protinus retulit pedē, & comite frustra
retinente, ipso relicto tuguriolum suum cursu concito re-
petijt. Cassianus tantam deuitandi sedulitatē immodestiae
ascribit, Deiq; iudicio factum asserit, vt qui tantopere foe-
mineum conspectum execrabatur, paralyti resolutus, ad
Coenobium Virginū deferretur, & languenti mulier assi-
deret. Sed ego reor etiam dono Dei factum, ne à muliere
prius tangeretur, quàm cū se tangi penè non sentiret,

344 DE CASTI. SER. EXEM. VIRO.
valetudinis vi oppressus . Quòd si ab ea tangi antè contigisset , grauius fortasse animo , quàm corpore ægrotasset . Puritatis autem eius etiam apud foeminas iacentis-testimonium fuit , quòd languentes oleo , quo ipse contactus fuisset , peruncti sanabantur , & infirmus infirmis remedio erat . *Cassian. Coll. 7. c. 26.*

*Pasnuus
Abbas.*

PAFNUIUS Abbas dum hospitibus pulmentum lenticulæ , quod athera appellabant , pararet & subuolantis flammæ vapor manum eius adussisset , cogitare secum tacitus cœpit , cur qui iam pridem & dæmonû infestationes deuicisset , & illicitos carnis motus mortificasset , tam modicæ flammæ læsionem perferret ? Quiescenti Angelus apparuit : Et quid , inquit , Pafnuti ab igne te offendi potuisse miraris , cum necdum ignem qui in te est , sic penitus ut putas extinctum geras ? Tunc te illum extinxisse crede , cum puellam nudam atque formosam complexus , nullo te libidinis motu sollicitari deprehenderis . Euigilans ille expauit tale experimentum , & liquidò intellexit , tutius esse cum dæmonijs colluctari , quàm iuuentulæ mulieris lateri adhærere : & ab igne offendi , quàm ab ea tangi . *Cassian. Coll. 15. c. 10.*

Arsenius Abb.

ARSENIUS Abbas , virorum quoque , nedum foeminarum declinare solitus consortia confabulationesque , ut expeditius diuinæ contemplationi vacaret , cum quædam non obscuri generis matrona illum videre cupiens , de improviso ante hospitium suum ipsi occurrisset , repente auertit sese , & muliebrem audaciâ gestu pariter ac verbis inculcavit . Rogo , inquit illa , ne indignè feras aduentum meum , quæ sincera mente & pio affectu huc veni . Aut si eo quicquam offensus es , veniam da , ac pro me Deum (cui soli seruis) deprecare . Precabor Deû respondit , & quidem multum , ne vnquam meminerim tui . Documento nobis est , ut quas etiam aliquando vidisse contigerit , mente ne retineamus . *In vitis PP.*

Pior Abbas.

PIOR Abbas Antonij Abbatis discipulus , intantum foeminas aspicere timuit , ut nec sororem viduam valetudineq;

dineq; affectā, videre vellet. Cū enim ab ea accerfiretur dicente, si ipsum vidisset, tam sibi gratum fore, vt inde sanitatem se recuperaturam speraret, ire omnino recusabat. Mox tandem Abbate iubente profectus est, & sororis cubiculum oculis clausis alterius ducatu ingressus, se quidē illi videndum præbuit, sed illam ipse minimē vidit, nec ab ea cognitus abiit. Cumque rursus vt veniret, inuitaretur: Et fui tecum, inquit, & vidisti me. Sic ille excogitauit, quemadmodum & Abbati morem gereret, & sororē præsente non conspiceret, ob hoc solū, ne à proposito discederet, quo tuendam castitatem existimauit, *Pallad. Hist. 87.*

VR S I N V S Nursiæ Presbyter vxorem habuisse dicitur, *Vrsinus* sed cū Presbyteratum accepisset, ita ab ea fuisse alienus, *Presbyter.* vt nulla necessitate ipsam ad se propius accedere passus sit. Post annos quadraginta in tali continētia transactos, dum ille animam ageret, & tandē cessante nouissimi singultus anhelitu decessisse putaretur, ipsa admota ad nares aure, an adhuc spiraret, explorare coepit. Mira res, persentit mulieris tactum, qui seipsum iam nō sentiebat: tum quicquid vitalitatis in mortuo penē corpore residuum erat, totum ad os collegit, prorupitque in vocem, dicens: Recede mulier, nondum penitus extinctus est ignis, tolle paleam. Recedente illa, apparuerunt Petrus & Paulus Apostoli, quos ipso vidente cæteri videre non poterant. Et dum ab eis (vt aiebat) inuitatus se venire respondisset, expirauit. Si tales comites habeat hinc discedens casti hominis anima, quis nescit, quales habere soleat eius qui libidini seruit? Aut quò hæc vocetur, si illa vocabatur ad cœlum? Heu, heu, momentanea voluptas, quantum decipis, cū finis tuus æternum malum sit? *Greg. Dial. lib. 4. c. 11.*

PROPTEREA quidem Marcio Marfici Campaniæ *Martius* montis Solitario decretum ac deliberatum fuit, ne foemina *Solitaris.* aspiceret, & dum quædam, non Sancti visendi cupiditate, sed magis propositi eius turbandi causa, illi captata occasione repente astutisset, pronus humi corruit, vultuq; inter palmas collecto, tandiu Deum, vti se in tali pudicitia

discrimine tueretur, orauit, donec illa longioris moræ victa tædio inde discessit. Ac ne quis Christi seruis negotiū facere leue crimen putet, fama est, mulierem hanc simul atque de monte descendisset, vita decessisse, Deo temeritatem eius vlciscente. *Greg. Dial. lib. 3. c. 16.*

*Carilephus
Solitarius.*

EIVSDEM audacię, sed diuersi euentus foemina, Carilephum in Gallia, loci, qui Cassagalla dicitur, Solitarium adiit, virili amictu sexum dissimulans, cū & ipse muliebres congressus semper refugisset; & dum singula nemine impediēte perlustrasset, oculis capitur, ac prorsus facti poenitens, nec iam se celans, nec meritō eiusmodi infortunium se passam negans, & coram illo prouoluta suppliciter veniā petens, ipso orante visum recepit, vitamq; correxit, satis experta sub tutela Dei esse casti propositi viros.

QVOSDAM verò (sicut de Leone Pontifice paulò antè dictum est) in magno castitatis periculo in seipsos sæuisse constat, satius existimantes mutilato corpore intrare in regnum cœlorum, quàm integro mitti in Gehennam.

Anian. Episc.

ANIANVS Alexandrinus Episcopus, Marci Euangelistæ successor ac discipulus, mulierem quandam intuitus, mortem sensit intrare per fenestras, & scandalizantē oculum eruit, proiecitq; à se: posthæc solitus in gelidis mergere corpus aquis, inediaque & vigilijs fatigare, vt æstuantem in præcordijs libidinem extingueret. Et qui tanto labore castitatem custodierat, montes dicitur transtulisse, quod nescio an vllus alius, monte quodam Numidiæ Babylonem vsque ad probandam Christianæ religionis veritatem, ire iussu atque obediente.

Niceta Mart.

NICETA Martyr à patre Maximiano Nicomediæ rege ob Christianam professionē supplicia passus, postquàm omnia constanti animo pertulisset, super plumea culcitra resupinus collocatur, vinctusq; constringitur, ne inde se mouendi facultas esset. Tum adducta est meretrix formæ prædita, vestitu compta, arte instructa, quę & minus fortes allicere, & nō ita cautos posset peruertere. At verò Niceta ubi se ab illa modis omnibus ad impudicitiam concitari vidit,

vidit, manibusque foemineis verenda etiam in parte, improbe ac petulanter attréctari, ne lasciua vinceret, quem non vicerant tormenta, præcisam mordicus linguam in osculantis se faciem expuit, & vi doloris vim repulit voluptatis. Exhorruit viri cruore perfusa mulier, abiitque admirans ac stupens, & iam maius quiddam homine illi inesse reputans, quem ut libidini suæ cederet, ne vincum quidem cogere potuit.

PAR huic exemplum in vita Pauli primi Eremitæ, re- *Quidā Martyr.*
fert Hieronymus, sub Decio & Valeriano persecutoribus apud Ægyptum passi iuuenis. Sed illum, postquam omnia tomentorum genera superasset, in amœnissimos hortulos adductū, inter lilia candentia & rubentes rosas, lectuloque compositum, leni aquarū murmure iuxta labete riuulo, mollisque sibili vento arborum stringente folia, ita ut locus ipse turpem voluptatem mouere posset, nisi dissecæ dentibus linguæ dolor etiam thori mollietis, & metreticulæ procacitatem blandimenta que contempsisset.
Hieron. in Epist. de vita Pauli.

FERVNT etiam quendam in deserto Ægypti solitariū *Quidā Solit.*
singularis probitatis virum, ad quem corrupedum cum venisset meretrix (acceperat autem sponsionem à quibusdam lasciuis & sui simillimis iuuenibus, si illum ad coeundum secum compulisset) finxit se via aberrasse, & quoniam iam vesper erat, flens petijt, uti nocte illa tecto susciperetur. At ipse animi suspensus aliquandiu stetit. Castitatis periculum denegare quod petebatur suadebat, charitas verò cedere cogeatur, ne quid foeminae foris manenti aduersi contingeret, cum locus feris frequens esset. Denique receptā in vno tugurioli angulo posuit, & se in altero collocavit. Noctu tamen cogitationibus ad impudicitiam pulsatus, iam in eo erat ut vinceretur, cum subito in mentem venit, quod pro tam brevi voluptate ignem æternum passurus esset. Exurgens igitur accendit lucernam, & experiar, inquit, an ignem sustinere possim, quem sustinere cogerer si deliquissem; digitosque ad lucernam admotos

admotus vrere pertinaciter cœpit, adustionis cruciatus libidinosas cogitationes dissipauit, & Gehennæ timor intinam voluptatis titillationem repressit. Mulier autē, quæ feruum Christi in mortis foueam præcipitare moliebatur, ipsa ibidem vitam cum morte cōmutauit. Manē iuuenes illi adueniunt, & quam vicisse putauerant, mortuā iacere offendunt. Sanctus verò, vt pro malo redderet bonum, ipsam quæ pudicitia suæ insidiari ausa fuerat, precatione sanitati restituit. Hic attendendum, incauta charitas quā malè cessisset, si tentatus ipse sibi met minus pepercisset, si carnis pruritus flammæ cauterio non curasset, si denique digitos pro castitate dare distulisset. *In vitis PP.*

Hilarion Abb.

DE Hilarione Abbate D. Hieronymus scribēs, ita ait: Iratus sibi, & pectus pugnis verberans, quasi cogitationes percussione manus posset excutere: Ego te, inquit, aselle faciam vt non calcitres, nec te hordeo alam, sed paleis, fame te conficiam & siti, graui onerabo pondere, per æstus agitato & frigora, vt cibum potius quā lasciuiam cogites. Herbarum ergo succo & paucis caritis post triduum vel quadriduum deficientem animam sustentabat, orans frequenter & psallens, & rastro humum fodiens, vt ieiuniorum laborem labor operis duplicaret. Indicauit nobis Hieronymus aduersus libidinem tria præcipua remedia, dum Sancti huius recenset gesta, ieiunium, orationem, laborem. *In vita Hilarion. c. 2.*

*Euagrius.
Bernardus.*

PRÆTER hæc Euagrius Presbyterum hybernis noctibus in puteum, Bernardum Abbatem in lacum descendere solitos accepimus, vt gelascentium aquarum frigore, calorem corporis temperarent castitati infestum. *In vita Bern. lib. 1. cap. 3.*

*Audomarui.
Franciscus.*

AUDOMARVM Tamanensem Episcopum in vepribus, Patrem Franciscum in niuibys nudum voluisse corpus, vt ea castigatione voluptatem carni insitam edomarent. *Bonauent. cap. 5.*

*Bernardus
Abbas.*

RURSVM Bernardus illam, quæ libidinis furore percitata vim castitati suæ inferre conabatur, clamoribus abegit:

Thomas

Thomas Aquinas, rapta de proximo foculo torre. O fida
atque inuicta seruorum Christi pectora, quæ dum pro pu-
dicitæ arce starét, nec occultis inimici insidijs, nec aperto
bello capi potuerunt. *In vitis ipsorum.*

Thomas
Aquinas.

APELLES quoq; Monachus, diabolû sub mulieris for-
ma, se dolosè illicientè, candèti ferro manu è fornace rap-
to (erat enim faber) perculit in faciè, & ille edito eiulatu, vt
à multis audiretur, fugiēs euauit. Apelli deinde sicuti tûc,
candens ferrû manu, nō forcipe tenere, cûm opus faceret,
moris fuit. Què enim libidinis calor diabolo succendente
vrere non potuit, iam nec ferri poterat. *Pallad. Hist. 60.*

Apelles Mo-
nachus.

CHRISTOPHORVM Martyrem, qui mûdi opificem
in humeris gestare meruit, cui ducenti milites manum
inijcere non sunt ausi, quo viso Ammonitarum rex est ter-
ritus, vicissent foeminæ, nisi ille repentè ad orationis arma
confugisset. Vinc̃tus & in carcere positus, dum illum duæ
insignis impudicitæ sorores Niceta & Aquilina ad hoc à
rege missæ, vt turpi voluptate delinitum à Christo auerte-
rent, complexu, osculis, alloquijs oppugnare cœpissent,
sensit in tali certamine suam sibi haud sufficere virtutem,
& Domini inuocauit. Eo orante, carcer illuxit, subitus per-
strinxit oculos fulgor. Mulieres expavidæ in terram cor-
ruunt, mortem sibi timentes, quæ mortem intentauerant
viro. Sed tandem ab eo spe veniæ recreatæ, Christo credi-
derunt, dumque ipsum palàm confiterentur; tyranni gla-
dium immotis iugulis excepere. Tantum itaque valuit
casti cordis deprecatio, vt Christophorus & periculû eua-
deret, & quas pudicitæ oppugnatrices habuerat; socias
haberet Martyrij. *Sur. Tom. 4.*

Christophorus
Martyr.

HELENVS Abbas, discipuli qui carnis petulantia
acrius quàm ferre posset infestabatur, cellam digito per
humum ducto circumscribens, immundis spiritibus ne
signum illud transgrederentur præcepit. Et ille deinceps
eiuscemodi molestia liber fuit. Nos quoque si discipuli
eius fuerimus, qui in digito Dei eijciebat dæmonia, nun-
quam casti propositi locum deferemus. *In vitis PP.*

Luce. II.

M E D E -

Dæder. Abbas

MEDERICVS quoque Eduensis Abbas, & ipse malarum tentationum victor ac virgo, Monachum quendam assiduus incestæ cogitationis oppugnationibus tantum nō superatum, tunica sua induens periculo liberavit, ita ut ille deinde omnis huiusce molestiæ se expertem palam affirmare solitus sit.

*Antonius**Alexad. Abb.*

ANTONIO Alexandrino Abbati diabolus deformi admodum tetraque facie apparens, dixit se fornicationis spiritum, & ab eo superatum esse. Nec tamen ideo Antonius laxavit ieiunij rigorem, precum assiduitatem, laborisque solitudinem, sed potius auxit. Veritus ne diabolo credendo, dum se stare putaret, caderet: & remissis armis quibus vicerat, occasionem vincendi victo daret. *Athan. in vita Antony.*

Euseb. Episc.

EVSEBIUS Episcopus & Martyr, quam virginitatē ab ineunte ætate sollicitē custodierat, Deo protegente nullius insidijs amittere potuit. Mulier quædam forma illius capta, cum ad ipsum impudenter irrumpere vellet, cubiculum aditu aperto intrare non potuit, & culpæ conscia, ac terrore simul perculsa, ante ianuam excito Episcopo crimen confitendo veniam impetrauit, atque abiit moerēs, dum secum reputat quantum malum est libido, ob quam pudicitie cultorem ne adire quidem digna fuerit. Et illum profectō, quem nulla vnquam obscœnitas vicerat, nec persecutoris gladius vicit.

Equit. Abbas.

EQUITIVS in Valeriæ partibus Abbas, dum in iuuentate immundis tentationibus quateretur, ad precum confugia recurrerebat. Post quas somnianti visum est, astitisse Angelum, omnemque sibi genitalium motum ademisse, nec postea sensit se tētari. Quinimō Dei dono fretus præesse monasterio foeminarum cœpit. Interim tamen discipulos admonere non cessabat, ne se in eo prius æmulari vellent, quàm pari miraculo insuperabiles facti fuissent.

Gregor. Dial. lib. 1. cap. 4.

Elias Abbas.

ELIAS quoque Abbas, cum triginta annos natus Cœnobij Virginum curā suscepisset, & carnis molestias ferre nequiret,

nequiret, ad desertum Scythi profugit. Deinde in quiete apparentibus Angelis, cur Deo dicatas Virgines reliquisset, interrogatus causam dixit. Et cum ab eis virilia sibi abscondita putasset, somno experrectus, & corpore se integrum & mente comperit, Virginumque curam securus repetijt, nullum postea pruritus (licet inter foeminas versaretur) improbae cupidinis in se sentiens. Quisquis igitur quantum potest, periculum cauerit, Dei tandem auxilio reddetur tutus. *Pallad. hist. 35.*

De Castitate seruanda exemplo foeminarum. Cap. VIII.

SE non aliquantò longiore quàm oportuit ductu protractus sermo iam admonet, ut foeminis quoque demus foeminae castitatis exempla, ne si ijs tantum quae diximus contenti erimus, ipsae dedignentur sequi sexum alienum.

IAM primum Susannae in cōiugio fides nuptis omnibus documento est, ut mori malint quàm consentire corruptori. Melius est mihi, inquit, absque opere incidere in manus hominum, quàm peccare in conspectu Domini: propterea quidem nec Deus innocentem caedi permisit, nec impune pudicam infamari sustinuit. Hi qui iam ream iudicauerant, sententiam verterunt in accusatores, lapidibusque obruti sunt, quos furens & inextinguenda libido ad mendacium egerat & impietatem. *Dan. 13.*

*Susanna.
Daniel. 13.*

IVDITH viduam & multam diuitiam, & iuuenilis aetas, & elegans praeter ceteris forma ad repetendum connubiū hortabantur. Illa tamē viduitatem praetulit nuptijs, molli indumento cilicium, luxuriae ieiuniū, somno atque otio vigilas & orationē, hisque armis instructa, Holophernis, id est, diaboli dissecuit caput, nullum ei ad se corrumpendam relinquens locū. Hinc illi quae sic vicerat, dicitur: Confortatum est cor tuum, eò quod castitatem amaucris, & post virum tuum alterum nescieris, & ideo manus Domini confortauit te, & ideo eris benedicta in aeternum. *Iudith. 13.*

Iudith. 13.

ANNA

Anna Prophetissa.

ANNA Prophetissa Phanuelis filia, cum septem tantum annos vixisset cum viro, in viduitate ad quartum usque & octogesimum vitæ suæ annum perseverauerat, quando Christum videre, & de illo vaticinari meruit. Didicisti incorruptæ viduitatis præmium: discè & quo sale, ne corrumpi posset, condita fuerit. Non discedebat de Templo, & ieiunijs & obsecrationibus serviens die ac nocte. *Luc. 2.*

Luc. 2.

Virgo Maria Mater Dei.

VENIMVS ecce cum viduis in Templū. Sed iam cum Virginibus etiam ipsa Sancta sanctorum ingredi licebit, quandoquidem illum, quem nec cœli cœlorum capere possunt, Virginis uterus tulit. Virgo electa est, quæ Deum & hominem pareret, & ut propter Virginitatem electam scires, mater facta Virgo esse non desijt.

Sponsa Christi.

QUÆ hanc secuta sunt, non hominis mortalis, sed Christi Sponsarum nomine censentur, cœlestibus dignæ nuptijs, quoniam terrenas contempserunt.

Iphigenia Virgo.

HINC Iphigenia Ægippi Æthiopum regis filia, Matthæi Apostoli prædicatione à falsa ad veram Religionem conuersa, cum virginitatem Domino vouisset, & iam constructo cœnobio multis præesset Virginibus, neque minis, neque blâditijs moueri potuit, ut Hirtacum paterni regni successorem acciperet maritum, æterni regis Sponsam se esse dicens, nec licere sibi illo relicto alteri nubere. Tunc Hirtacus ex amore in furorem versus, Iphigeniâ cum reliquis quæ cum illa erant, atque adeò cum ipso Monasterio, concremari iussit. Admoto verò igne flamma virginalis pudicitia vltrix inde se auertens, in regiam profiliijt, quam Hirtaco cum vnico filio vix euadente, funditus cōsumpsit. Sed tamen filius à dæmonio correptus interiijt, pater elephantia perfusus, morbi dolorem nō ferens, ipse sibi mortem consciiuit. Itaque qui malè perdere Iphigeniam cum suis Virginibus cogitauerat, teterrimè ipse cum filio disperijt. *Abdias in vita Matthæi.*

Tecla Virgo.

TECLA etiā Virgo, Paulo Apostolo Iconij Christum euangelizanti credidit. Cumq; iam desponsata esset, repudiato coniugio virginitatē seruauit, & ob fidei confessionē

in ar-

in ardentem rogam missa, vri non potuit, subitis imbribus igne extincto. Deinde leonibus, vrsis, tauris exposita, tot feris beluis repente mansuefactis euasit inoffensa. Puduic Procosulem vltra in illam sauire velle, cui tam atroces bestiae pepercerant, & liberam dimisit. *Ambros. de virgin. lib. 2. Sur. Tom. 5.*

P H I L I P P I Apostoli quatuor filiae, quia virgines erant, prophetandi donum accipere meruerunt, etiam post *Quatuor Philippi filiae.* Iohannem, cum Prophetas cessare oportebat.

A G A T H A Cathanensem virginem, nec Aphrodisiae meretricis illecebrae, nec Quintiani Praetoris promissa, minae, supplicia, ad impudicitiam trahere potuerunt. Omnia contempsit, vt Virginitatem illibatam Deo offerret. Cum apparuisset illi in carcere Apostolus Petrus, mammillam quae Quintiani iussu auulsa erat curaturus, exhorruit virilem attactum, & chirurgicam refugiebat manum, donec quis esset agnouit, & statim ipso abeunte se sanatam sensit. Cum super acutas telas ardentesque prunas nuda volutaretur, minus poenam doluit, quam nuditatis ignominiam. Quod scelus nec terra ferens intremuit, vrbs concussa est, muri ruina Praetoris affecit, oppressit, ac ne ipsi quoque in virginem impietas impune cederet, equorum suorum calcibus dentibusque petitus periit. Ipsa autem Virgo, cum omnes vicisset cruciatus, vltro optauit mori & esse cum Christo. Quo annuente laeta decessit. Merito ergo venit Angelus ad exequias eius, tumuloque insculpsit: Metem sanctam, spontaneam, Deo honore, & patriae liberatione: ne angelicis in morte careret laudibus, quae in vita castitatis puritate par Angelis fuit. *Metaphr. & alij. Sur. Tom. 1.*

L V C I A quoque Syracusana Virginitatem vita habuit *Lucia Virgo.* chariorem. Iuueni cui pacta fuerat, iungi noluit, vt iungeretur Christo, pro cuius amore martyrium constanter pertulit, cum illo viuere recusauit. Igitur Paschasio consulari potestate tumentis, haud tantum licuit, vt ei castitatem posset eripere. Impietatis furis ardens, puellam duci ad lupanar iussit. Sed illa vis nulla, nulli prorsus conatus mouere

Z

potue-

potuerunt. Funibus circumligatam mille viri, mille boum iuga trahere nitebantur. Sed eodem loco quo eam fixerat Dominus, veluti mōtis rupes immota stetit, atque ibidem vri, cædi, ingulari potuit, abduci vt prostitueretur non potuit, quoniā Deo vouerat castitatē. *Sigeb. & alij. Sur. To. 6.*

*Catharina
Virgo.*

IN Catharina Virgine, victi Philosophi scientiam, patienter tolerata tormenta constantiam, rotarum fractio impiorumque percussio meritum testantur. Sed ne Virginis quoque candoris ac puritatis deessent testimonia, de abscissa ceruicis vulnere, lac, nō sanguis effluxit. Exanime corpus Angeli sepelierunt, monumentum olco manat: & si tantus honor mortuæ in terra, quanta beatitudo viuētis in coelo? *Metaphrast.*

*Cecilia
Virgo.*

CÆCILIA Virgo Valerianum, cui desponsata fuerat, ipso nuptiarum die ita perterrituit, cū Angelum Virginitatis suæ defensorem esse asseruisset, vt ipsam ne cōtingere quidem ausus sit. Quinimō deposito gentilitatis errore ad Christum conuersus, & ipse visionibus perfrui meruit Angelorum. Sed & Martyrij coronam cum fratre Tiburtio laudabiliter consecutus est. Ergo non solum intacta permansit Cæcilia, cupidissimo iuueni tradita, verum etiam eidem salutifuit, non auso prophanare illud quod virtute protegi vidit diuina. Denique ambo rubentibus rosas & candentibus lilijs ab Angelo coronari meruerunt, vt hoc Virginitatis insigne esset, illud Martyrij. Neque enim supplicijs vinci potuerunt, quos non vicerat voluptas. *Ibid. & Sur. Tom. 6.*

*Margareta
Virgo.*

MARGARETA Antiochena Christo deuota Virgo, & patris gentilis odia, & omnes corporis cruciatus pati maluit, quā Olybrio Antiochiæ Praefecto matrimonio copulari. Equuleū, virgas, ungulas, ignem, grauiora morte supplicia, sed ipsam mortem capite truncata fortiter per tulit, ne nuptijs Virginitatem mutaret. Hinc quidem pro Olybrio repudiato accepit Christum, pro breuibz poenis æterna gaudia, pro morte vitam. Nec immeritō à dracone deglutita fracto ventre exiuit incolumis, quæ carne circumdata,

data, carnalis impudicitiae veneno infici non potuit, lasciviam vincens pudore, & in fragali corpore servans mentis integritatem. *Ibid.*

BARBARAM Nicomediae civem, forma, genere, diu- *Barbara*
tius, floreque ætatis præstantem, fidei tamen ardore talia *Virgo.*
contemnentem, cum multis eam petentibus nulli nubere
vellet, & se Christianam Virginitatis votum suscepisse
diceret, furēs gentilis pater Dioscorus, stricto gladio illam
persequi coepit. Sed quam pater persequiebatur, saxa mise-
rata sunt. Eam nanque montis crepido, ad quam fugiens,
confluerat, inclinata trans vallem in aduersa rupe depo-
suit, & rursus se erigens persecutorem impediuit. At ne-
que miraculo mollitus, omni filice durior pater, tamdiu
per deserta latitantem quasiuit, donec inuenit. Tunc per
capillos tractam Martiano Præsidi torquendam tradidit.
Quam Martianus post multos cruciatus, & vtranq; auul-
sam papillam, ignominiae causa nudam per urbis fora duci
iussit. Exhorruit nuditatem Virgo, quam non terruerant
supplicia. Et cum Dominum orasset, extemplo affuit illi
Angelus, papillas restituit, sanatumque corpus candenti
stola contexit. Sed quoniam miracula maleficijs, non vir-
tuti imputabantur, iussa est decollari. Et nequid ad imma-
nitatem deesset, præuenit carnificem pater, filiamque gladio,
quo antè persecutus fuerat, interemit. Qui omnibus feris
ferocior, interficere quidem illam quam genuerat potuit,
cogere autem ut vel idola adoraret, vel Virginitati nuptias
præferret, non potuit. *Ibid.*

SED neque te hoc loco tacitus prætermittam, cele- *Agnes*
berrima Agnes Virgo. Præfecti urbis filium nuptias tuas *Virgo.*
petentem despexisti, diuitias, quæ illi affatim suppete-
bant, offerentem neglexisti, patrem quoque eius ut mi-
nantem, ita iniuria afficientem risisti, ob quam constan-
tiam Dominus, dum te impij expoliant, capillorum vesti-
uit incremento. Dum ad prostibulum trahunt, sua tutatus
est lucē. Infamem locum micātis fulgoris decore honesta-
uit. Perculit horrore corruptores, & in fugam conuertit,

Procum autem illum libidinis furij actum, nihilq; penſi habentem, cum ad te irruisset, repentina nece multauit. Tu in medias proiecta flammam, non es adusta. Neq; enim quam in te exureret, obſcoeni rumoris maculam ignis inuenit. Dissipatus ergo ardor crudelitatis appetijt ministros, & inſonti parcens, conuerſus eſt contra nocentiſſimos, Dei voluntati obſequere elemento. Deniq; ſuſcepto per ingulſi gladio, intactam Virginitatem eidem, cui deuoueris, Chriſto Sponſo obtuliſti. Cuius nunc ſequeris veſtigia quocumque ſe ille verterit, perpetuoq; eius fruereſ conſortio, recepta victoriæ palma, quonia pertnaciffimos pudicitie tue oppugnatores magnifice ſuperasti. O felix victoria, cuius merces eſt Chriſtus. *Prudent. & Ambroſ. Ser. 90.*

Columba.

Et ne qua aliquando dubitet, ne vi eripi poſſit caſtitas, Columbam virginem apud Senones paſſam cum inter meretriculas vitiaſdam pertraxiſſent, uſus ab iniuria tutatus eſt. Martianam Cæſareæ defendit paries, inter ipſam & corruptores mirabiliter ſe interponens. Hyrenem Romæ liberauit Angelus, ijs qui eam ad lupanar trahebant illudés. Flauiam domicillam Terracinæ intactam reliquit repentina eorum inſania, qui vim inferre parabant. Seraphia apud Vendinenſes eripuit horrendus fragor, motuſq; terræ illos exanimans, qui ipſam polluere nitebantur. *Ser. & Ado in Martyrolog.*

Iuſtina.

IUSTINA Damasci munita Crucis ſigno magijs Cypriani ſupplantari non potuit, ut viri copulam virginitate potiorem haberet. Vide igitur quantæ virtutis ſit Deo dicata Virginitas, ut violari nullo modo queat, ipſo eâ protegente cui dicata eſt. *Gregor. Nazianzen. Orat. 20.*

Virginum plurimarum exempla.

HUIUSCE proſiti pariter & conſtantiæ fuere Dorothea paſſa Cæſareæ, Euphemia Chalcedone, Iuliana & Dula Nicomediæ, Euphemia, Dorothea, Tecla, Eraſma Aquileiæ, Suſanna, Baſilla, Domicilla, Anaſtaſia, Felicula, Daria Romæ, Victoria Tiburi, Valeria Lemouici, Viſula cum vndecim millibus Virginum Coloniz. Hæ & aliz tum in ijs, tum alijs orbis partibus, multæ nuptijs Virginitatem,

nitatem, vitæ prætulērunt Christum, nec coniugalīs voluptatis illecebris, nec tyrannorum tormentis victæ.

Sed dicet aliquis, nefas fuisse Christianis puellis maritos habere infideles, ideoque Martyrium potius elegisse quàm illicita cōiugia, legis observandæ gratiā, non Virginitatis. Cuius argumentum vna interrogatiuncula confutabimus. Cur antè fidelibus maritis, cū multi superessent, non se tradiderint, si tantummodo infideles displicebant? Aut cur Cæcilia Virgo Valerianum iam credentem & baptizatum, Martyrij maluit, quàm thori habere consortem? Et ne vllus calumniæ relinquatur locus, subiiciemus etiam illarum aliquot exempla, quæ ne legitimi quidem Matrimonij nexibus implicari voluerunt, vel etiam implicatæ (quod multò difficilius est) castitatis cultum nunquam deseruere.

Cæcilia Virgo

BRIGIDA Virgo inter Scotiæ puellas pulcherrima cū à potentibus (& quidem Christianis) viris in matrimonium peteretur, & illa Virginitatem Domino vouisset, eundem orauit, vt aliquo corporis vitio ipsam deuenustaret, quò procorum inquietudo facile fedari posset. Itaque cū oculorum decore maximè placuisset, alterum subito vlcere percussum amisit. Cui ergo charior oculis fuit Virginitas, nōne tantò pulchrior fuit in conspectu Sponsi coelestis, quantò istis terrenis (qui iam illam, quam paulò antè tam ardentè appetierant, desponderi sibi dedignabantur) visa est deformior? *Sur. Tom. 1.*

Brigida Virgo

ANDRAGASINA Virgo in Gallia Lothario regnante fuit, quæ cū à parentibus Auiberto principi viro (qui postea Rothomagensē Ecclesiam rexit) inuita desponsaretur, multis cum lachrymis Dominū obsecrauit, ne suam pollui Virginitatem pateretur. Moxque lepræ morbo totum corpus occupante, ob fœditatem intacta dimittitur, & ne in incerto esset, cur id mali contigisset, vbi cœnobium Virginum ingressa sanctum velamen accepit, cōtinuò sana euasit. Puro quæ tam enixè orauerat, lepram etiam ipsam quoad vixit pati maluisset, quàm Virginitatem

Andragasina Virgo.

tatem amittere. *Sur. Tom. 1. in vita Ansberti.**Alias, Phara
Virgo.*

FARRA Virgo, cum à patre Agerico (qui primo loco apud Theodebertum Galliarum regem habitus erat) ad nuptiasurgeretur, sic vberim fleuisse dicitur, ut nimio lachrimarum humore oculorum aciem hebetauerit. Et cum visum Beati Eustachij Episcopi precibus à Domino impetratum recepisset, rursum patris molestijs infestationibusque, & iam odio agitata ad Ecclesiam confugit. Ille iratus inde raptam in carcerem detruxit. Nec tamen efficere potuit, ut voto suo filia consentiret, quæ se iam Christo desponderat. Vbi vero firmam in proposito permanere vidit, & neq; minis, neque verberibus moueri, iam placatior, dimitti iussit, nec deinde impedimento fuit, quin ipsa inter sacras Virgines perpetuam virginitatem profiteretur. Tanta pro castitate perpeffam, Martyrem dicerem, nisi obstaret fidelis pater. Martyrij tamen coronam meruit, quæ sic oppugnata, Virginitatem non amisit, *Greg. Turon.*

*Gregoria
Virgo.*

GREGORIAM Romanam Virginem, à Beato Gregorio traditum est, ipso nuptiarum die ad Ecclesiam confugisse, & perpetuæ Virginitatis voto Deo se consecrassse. Reliquit virum, & amplexata est Christum. Reliquit corporis voluptates, & voluptatibus fruitur Paradisi. Prudens deliberatio, sed felicior euetus, & qui perraro sequi soleat in tam presenti periculo. Maioris ergo prudentiæ est, ante in portum se recipere, quam procelle turbinem expectare. *Greg. Dial. lib. 3. c. 14.*

*Spoletana
Virgo.*

SYCVTI fecisse Spoletanam Virginem idem autor est, Quæ diuitis & principis viri filia, cum pater ipsam nuptui collocare decreuisset, illo inscio ad Monasterium abiisset, Virginitatis velum habitumque accepit. Quod si nuptias sustinisset, nescio an ei integrum fugere fuisset. Auidius enim sponsam Sponsus, quam pater filiam obseruasset. Quauis & ipse indignatus illam exheredauerit. Sed quæ exheredauit pater, Deus regni sui coelestis hæredæ fecit, & quæ nihil acceperat à patre, à Dño accepit, ut ab obsessis demonia pelleret, sicuti de illa testatus est S. Eleutherius Abbas, *Ibid.*

E

E

E

EUPHRAXIAM Virginem Antigoni filiam, quia cui- *Euphrasia*
 dam Romano Patritij generis iuueni à parentibus antè *Virgo.*
 pacta fuerat, quàm Religioni se dedisset, cum illū accipere
 Theodosij Imperatoris literis in Thebaidem, quò concess-
 erat, missis vrgeretur, respòdisse tradunt, Sponsum se ha-
 bere in coelo, non in terrà, & certum sibi esse omnia prius
 extrema perpeti, quàm fallere fidem illi datam. Cumque
 insuper Theodosius opulentas viri nuptias suis donis se
 cumulaturū polliceretur; Opes meæ, inquit, Christus est,
 dona tua alijs dato. Quid prius mirer, nescio, senile tenere
 ætatis in respondendo sapientiam, an puellaris animi in
 proposito constantiam? Sed idè ille hanc Christiano Prin-
 cipi respòdere docuit, qui gentilibus Philosophis Catha-
 rinam: & qui fecit ne Luciam Virginem homines bouesq;
 mouere possent, fecit & hanc ne Imperator. Perpetuum
 namq; Spiritus sancti habitaculū est impolluta Virgo, quæ
 perpetuæ sese dedicat castitati. *In Vitis PP. Sur. Tom. 2.*

MARIA Decegnies puellula duodecim annos nata, *Maria Ognia-*
 parentum (non sua) voluntate cuidam Iohanni nuptui tra- *centf.*
 dita, vitæ districtione ac sanctitate commouit virum, vt
 intactam dimitteret. In Virginitate ergo perseveras, multa
 virtute multisque miraculis celebris euasit. E vitæ dece-
 denti, Christus, Angeli, Apostoli in visū apparuerunt.
 Quorum cōsolationibus iocundata, mortis angustias non
 sensit. Solutam deinde à corpore animulam, à Beata Vir-
 gine cum Angelorum comitatu in coelum ferri conspexit
 Episcopus Tolosanus. Haud immeritò tantam consecuta
 est beatitudinem, quæ ne viro quidem iuncta virilem co-
 pulam admisit, & matrimonij iugo cui iam subdita fuerat
 excusso, incorrupta & corpore & mente permansit. *Iacob.*
Vuriac. Sur. Tom. 3.

TAM ancipitis pugne gemina victoria positā Edildri- *Edildrida*
 dam Virginem Sigebertus & Beda scriptores tradūt, quæ *Virgo.*
 Annæ regis Orientalium Anglorum Christianissimi filia,
 primū Tonberto Australium Giruorum Principi in
 coniugium tradita, cum eodem pari voto Virginitatem
 seruauit,

seruauit. Deinde eo defuncto, iterū à patre inuita desponsatur Eegfrido regi. Sed cum ipso quoque in Virginitate annos duodecim vixit. Postea verò eius permissa Religioni se consecrauit, & securiorem quidem in Monasterio, sed nunquam domi castiorem vitam duxit. Haud dubiū quin castitatis merito tanta gratia illam donauerat Deus, vt etiā ijs quibus nubebatur, statim continentiam persuaderet, Rarissimum sanè exemplum, ac nescio an à condito tuo alterum tale, vt aliqua & bis maritata sit, & semper Virgo. *Beda Hist. Eccl. lib. 4. c. 19.*

*Kunegundis
Virgo.*

SEMPER quidem Virgo, sed tamen vnus viri coniux Kunegundis Henrici Imperatoris fuisse dicitur. Denique viro muliebri constantiæ diffidenti, ac zelotypo suspecta, super candentes vomeres nudo, sed inoffenso vestigio ambulando castam se probasse. Eo amisso liberius Deo seruire potuit, nō castius viuere. In eadem ergo castitatis puritate perseverans, nulli postea nubere voluit, ne cum Henrico simul amitteret Virginitatem. Qui ambo, quoniam in coniugio calesces permanserunt, cœlo digni effecti, & ad cœlum sublati, multò foelicius perenniusque regnum acceperunt, quàm reliquerunt. *Iacob. de Vorag.*

*Filia Gunzonis
Ducis.*

GUNZONIS Arbonæ Ducis filia, Galli Abbatis pre-cationibus à dæmonio liberata, Virginitatem vouit. Cœperat enim Spiritus sanctus ibi habitare, vnde immundus fugerat. Cumq; à Sigeberto Galliæ rege in Matrimonium peteretur, à patre tradita, Sponsam se cœlestis regis esse dixit. Quæ vox ita exterruit Sigebertum, vt puellam contingere non ausus, Monasterio Virginū delegaret, ei ipsam cedens, cuius se Sponsam asserebat. Illa itaque in cœlesti beatitudine Christo iungi meruit, quia dum in terris viueret, pluris fecit castitatem quàm Galliæ regnum. *In vita S. Galli. lib. 1. c. 21. Sur. Tom. 5.*

Editha Virgo.

EDITHA Virginis Edgari Anglorum regis filia corpusculum post annos aliquot quàm conditum fuerat, aperto sarcophago redactum in puluerem inuentum est, præter ventrem & genitalia. Cunctisque mirantibus, cur ea pars tantum

tantum integra extaret, cuidam ipsa Virgo in quiete appa-
rens, minime mirandum esse dixit, si reliquo corpore fa-
tiscente, vterus incorruptus maneret, qui Virginitate san-
ctificatus esset, & nulla libidinis labe inquinatus. Dūstano
quoque Episcopo de illa reuelatur, celebrandam esse in
terra, quę digna fuerit vt in coelo celebris esset inter Spon-
sas Christi. O grande Virginalis pudicitie meritum, quo
tanta comparatur felicitas, vt anima hominis honoretur
in Dei regno, & corpus cariem nesciat in sepulchro. *Huius
mentionem facit Po. yd. Hist. lib. 5.*

QVADAM autem etiam apud infideles reuerenter
habitas legimus. Luceiam Romanā Virginem rex quidam *Luceia Virgo.*
barbarus, nomine Ancias, cum captam stuprare vellet, Dei
coeli Spōsam esse audiuit, & vi abstinuit, ac simul liberam
fecit. Quinetiam ad Christum cōuersus, cum ipsam Romę
Martyrio cōsumptam audisset, captiue suę sorte incensus,
relictō regno Romā perrexit, & pro verę Religionis asser-
tione supplicia pertulit, magis iam desiderans regnare in
coelo, quā in terra. Tantum illi profuit venerationi Vir-
ginem habuisse, *Metaphrast.*

EVGENIVS etiam barbarus Aphricę rex Floram & *Flora &*
Lucillam sorores Deoque dicatas Virgines Latium incur- *Lucilla.*
sans, captas abduxerat. Sed cum eas perpetuam castitatem
deuouisse intellexisset, vitare pertimuit, & libertate do-
nauit. Ad bella procedens earum precationibus se com-
mendabat, victorque redibat, & frequēti successu lætatus,
Christo ab ipsis prædicato credidit, intantum vt Romam
ad Martyrium tendentes relinquere noluerit. Iam quippe
didicerat, fragilem & caducam esse regni sui coronam, sed
Martyrij stabilem & æternā, atq; vnā cum illis passus cœlū
petiit. Tantum & isti attulit vtilitatis honorata Virginitas.

VIRGINITATIS amor effecit, vt Euphrosina Ale- *Euphrosina*
xandrina domum, parentes, patriam fugeret, & ne iuueni *Virgo.*
(cui pacta fuerat) iniuita traderetur, sub virili habitu latēs,
proximi cœnobij Monachos adiret, seque in eorum nu-
merum solenni professione redigeret, dicta Smaragdus.

Cur, inquires, vnū fugiens tam multis se credidit? quia eos quibus se credebat, æquè ac se castos esse nouerat. Quem autem fugiebat, longè disparis voti diuersique propositi erat. Neque tamen negare possum, difficillimum esse foemina cum viris versanti mentem integram gerere, & inter scopulos nauigantem nulla in parte elidi. Quàm ergo fortis Virgo Euphrosina, quæ saluas pudicitiae merces per media ipsa pericula vsque ad portum perduxit salutis? *In vitis PP.*

Margar. Virgo.

Hoc idem mirari licet in Margareta Ægyptia Virgine, quæ & ipsa de Sponsi thalamo ad thalamum peruenit Christi. Prima quidem nocte illo ex lassitudine altius dormiente, vt qui diem totum in choreis & tripudijs defudasset, ipsa dormire non poterat, assiduè secum voluens, quomodo Virginitatis suæ thesaurum subtraheret eius rapinæ. Clanculum ergo pedetentimque sese de cubili propriipuit, ædibusq; excessit, & virū assimulata, monasteriūq; ingressa, inter Monachos latuit vocata Pelagius, vbi persanctè vixit, neq; quòd foemina fuerit, vlli ante obitus sui diem cognitus fuit. Igitur non dormiendum Virgini vbi periculum imminet, sed vigilandum fugiendumq; est, si sese integrā cupit conseruare. Et nisi huiuscemodi incumbat necessitas, nunquam viris Virgo se credat; vbi diuersus sexus est, diuersarum cogitationum pugnas incidere necesse est. *Sim. Metaphr.*

Quedā Virgo.

Idcirco Beatus Martinus Episcopus, cum Virginē quandam vitæ sanctitate percelebrem inuifere vellet, & illa aditu negato ei excusando dixisset. Mi pater sancte, ora pro me, quia à viro nunquam sum visitata; gratias egisse Deo fertur, quòd illa talibus imbuta moribus castam custodiret voluntatem, ac benedicens eam abijisse lætus. *Seuer. Sulpit. et Hieron. Epist. ad Oceanum.*

Petron. virgo.

LUBRICA siquidem res castitas est; nisi summa circumspectione fulciatur, facilè labascit. Quod bene intellexit Petrus Apostolus, qui cū omnes morbo aliquo laborantes passim curaret, filiam Petronillam Virginem febri vexari dimisit.

dimisit. Et cùm interrogaretur, cur quí alios sanasset, filiá egrotare sustineret? sic ei expedire, respódit. Didicit virgo in infirmitate esse fortior, & iam nec sana de corporis voluptate cogitare. Maluitq; casta mori, quàm Flacco Cónsuli (á quo petebatur) nupta viuere. Exaudiuit Deus deprecantem, & vitá pariter Consulísq; libidini iam vim paráti ipsam surripuit. Atque eandem quæ hominis vxor esse noluit, Spósam fecit Christi, cælestibus fruituram nuptijs, quia terrenas contempserat. *Apud Aloysium.*

S I C & Hilarius Píctauiensis Episcopus, cùm filiam suam Apram castè sancteq; viuendi præceptis imbuisset, & illa aliquandiu in Virginitatis proposito perseverasset, veritus ne malitia mutaret mentem, Dominú deprecatus est, vt ipsam è medio sublatá, iam in tuto collocaret. Itaq; tam lætus & alacer mortuam extulit, quàm ne Virginitatè in coniugium verteret, anxius ac sollicitus fuit. His exemplis & timere discat ancilla Christi, vt securior sit: Et si casus inciderit, vitám amittere optet priusquam castitatem. *In vita eius.*

S A T I S hæc de Virginitibus: Viduarum nunc nostrarú castitatem exponamus, ne à veteribus (quarum superius fecimus mentionem) victi videamur.

NATALIAM Hadriani Martyris coniugem (quoniam *Natalia vir.* forma multis præstebat) Tribunus Nicomediæ in coniugium petijt. Denegare non erat quod tribunus peteret, & ancilla Christi iam quò se verteret, nesciebat. Impetrat tamen tridui spatium ad deliberandum, atque interim Dominum votis precibusq; sollicitat, vt pudicitiam quam illi vouerat, ipse tueatur. Et somnio edocta, inde solues Constantinopolim versus fugam fecit. Quod vt rescivit Tribunus, consensa naui fugientem persequitur, iam propè erat vt consequeretur, cùm contrario flante vento coactus est reuerri, illa suo, quò volebat, peruenit. Itaq; in viduitate ieiunijs & precationibus vacas, Deo seruit; seruisset autem homini, si iterú nupsisset. *In vita S. Hadr. Mart.*

P A V L A M Romaná, à Hieronymo præditum legimus *Paula vidua.* post mari-

post mariti mortem non solum nubere noluisse, sed etiam cum viris nunquam comedisse. Casta mulier vix se viduam esse putavit, si cui non sui sexus hominum, vel ipsa tantum continendi familiaritate iungeretur. Sic itaque viduitatem sancte pureque custodiuit, ut in Monasterio sacris virginibus praeesset: quas etiam æquauerat castitate, cæteris virtutibus superabat. *Hieron. de Epiaph. Paulæ.*

*Elizabeth
Vidua.*

ELIZABETH Lantgrauio tradita votum vouit, si marito superesse sibi contingat, Deo se in castitate seruituram, & casti propositi meritum habuit etiam coniugata. Post viri obitum, de ingentibus diuitijs ad vltimam deuoluta est paupertatem, rapientibus omnia, qui se Lantgrauio succedere dixerant. Vnde ab Episcopo Bambergensi suscipitur, pieque sustentatur. Quo rursus ad nuptias hortante, dotemque multam pollicente, respondit: Si id conari pergeret, sibi in animo esse, truncatis naribus vel scissa facie ita se deformem reddere, ut qui ducere velit, futurus nemo sit. Igitur inops & egena mulier, nec prioris fortunæ felicitatem amissam doluit, nec secundæ oblatâ accepit, dum sola castitate gaudet. Adeoque impatienter tulit ad coniugium repetendum se inuitari, ut nisi qui inuitabat cessasset, suam ipsa faciem lacerasset. Quanta autem sanctitate profecerit, hinc nosse licet, quod nullum ferè virtutis genus in hoc opere, eius exemplo vacuum sit. Profectò nisi perpetuam castitatem tam ardentem adamasset, ad tantam perfectionem nunquam peruenisset. *Conrad. Concion.*

Galla Vidua.

GALLA Symmachi Cōsulis filia (ut Gregorius refert) Gothis Italiam vastantibus viduato viro, cum quo annum tantum vixerat, nulli postea nubere voluit, licet & ætate integra esset, & non illiberali forma. Ægrotanti foedaque corporis scabredine affectæ, medici consulebant, rursus uti marito, alioquin eo morbi genere vel perituram, vel si vixerit, contra sexus sui morem villosum mentum habituram. At illa neque oris deformitate, neque mortis periculo territa, propositum dimisit castitatis. Dum autem diem suum obiret, affuit in visu Petrus Apostolus, à peccatis absolutam

solutam esse dixit, promissis vitæ æternæ erexit: & vt secū veniret, hortatus est. Tūc sancta animula illo dimisso corpore, quò vocabatur, læta abiit. Si his etiam dignas frui solere visis noſſis, nubite viduz. Sin verò nihil tale de illis memoriæ proditum legistis, non est cur illas imitemini, de quarum beatitudine à scriptoribus ſiletur. Si qua tamen continere se non poteſt, nubat. Melius est enim nubere, 1. Corin. 7. quàm vri, quia minus malū maiore malo melius est. Greg. Dialog. lib. 4. cap. 13.

A quo quidem malo multum abhorrens Euphraxia *Euphraxia.* Virginis Euphraxiæ mater, hac vnica prole suscepta, cum viro suo Antigono castè continenterque vixit. Cæterum illo defuncto, quoniam ætas, forma, diuitiæ suppetebant, ad secundas nuptias vrgeri coepit Theodosij Imperatoris Augustæque suasionibus ac promissis. Quod quanquam amore erga ipsam summo agebatur, illa tamen indignans, & castitati metuens, rebus occultè nauigio impositis, cum filia in Ægyptum nauigauit, & in Thebaidam perueniens, filiam monasterio tradidit, quæ secum tulerat, pauperibus erogauit, pijsque ipsa operibus incumbens, castitatis propositum nunquam dereliquit. Cumq; Abbatiſſa, cui filiam commendauerat, in quiete vidisset Antigoni in Paradiso fulgentem à Domino exorasse, vt coniugem suam de terris euocatam sibi iam sociam faceret, die qua prædictum fuerat, læta decessit. Tanta ergo accepit bona, quia & cum viro castè se habuerat, & sine viro viduitatem constanter seruauerat, quāta Imperator iterum nubenti dare nunquā potuisset. In vitis PP. Sur. Tom. 2.

SALABERGA post quinque filios ex Alduino marito *Salaberga* Dagoberti Galliæ regis Duce genitos, ab eodem impetra- *vidua.* uit, vt deinceps in castitate Deo seruiret. Itaque constructo apud Lugdunum aniplo Monasterio, trecentis fere ancillis Christi præesse meruit, & multorum signorum operationibus celebris fuit. Et quia seruandæ castitatis gratia virum liberosque reliquit, nunc cum Christo regnat, & in quo omnis beatitudinis summa est, eius indissolubili fruitur

fruitur consortio, conspectuque lætatur. *Sur. Tom. 5.*

*Radegundis
Vidua.*

RADEGVNDIS Clotarij Galliarum regis cōiux cum annos aliquot cum marito sine querela vixisset, tandem seruandæ castitatis cupiditate accensa, diuortium impetrat, & monasterio se includit. Quæq; regis vxor fuerat, facta est Sponsa Christi, & magis deinde miraculis claruit, quàm antè claruerat Galliarum regno quod reliquit. *Sur. Tom. 4.*

Melania vid.

MELANIA Urbani Prætoris filia viro tradita, cum duos liberos quos ex eo susceperat, impuberes adhuc, morte immatura amisisset, nequaquam de reparanda prole cogitare coepit, sed de castitate seruanda. Crebris itaq; suasionibus induxit maritum, ut distractis in pauperum usus bonis, ambo animum ad Dei seruitium applicarent. Itaque ille inter Monachos, ipsa inter ancillas Christi, quod vitæ superfuit (relieto geniali thoro) laudabiliter peregerunt, viduitatem seruantes antequam vidui essent, imò quod plus est, religione se vincientes, ne vxorios actus repetere expeditum foret. In nunc insatiabilis libido cui maritum habuisse non est satis, alios atque alios tibi quære, cum hæc sanctissimæ foemina etiam quem habebant habere noluerint, ut Christum haberent. *Pallad. Histor. 119.*

Contra impudicos.

SE D quid de illis dicam siue foeminis, siue viris, qui ne adulteriis quidem abstinere, qui meretricatur, qui libidinibus diffluunt, quandoquidem etiam matrimonia iterare, etsi licitum, non tamè satis honestum putatur, nisi forte honestum sit, vri & continere se non posse. Meminerint igitur in Decalogo præceptum esse: Non moechaberis, Non concupisces vxorem proximi tui. Et in lege adulteros lapidibus obrui. Et à rege Babylonio, id est, diabolo in igne frixos: Pro eo, inquit, quod fecerint stultitiâ in Israel, & moechati sint in vxores amicorum suorum. Reminiscatur in Euangelio gregem porcorum mergi in profundum. Et Samaritanam mulierem, quia quinque viros habuerat, argui à Domino, sextum iam non esse suum. Et ab eodem adulteræ, ne amplius peccaret, iniunctum; ne grauius illi contingat. Sciant etiam, fornicationis reum ab Apostolo traditum

Dent. 5.

Jerem. 28.

Matth. 8.

*Iohan. 4.
Ibidem 8.*

traditum ſatanæ in interitum carnis. Quod vitium vſque-
 adeo execrabile iudicat, vt Corinthijs eorum conſuetu-
 dinem, qui illo infecti ſunt, interdicit, dicens: Ne cõmiſ-
 ceamini fornicarijs. Et idẽ: Nolite errare, inquit, neq; for-
 nicarij, neq; idolis ſeruiẽtes, neq; adulteri, neque molles,
 neq; maſculorũ concubitores, regnum Dei poſſidebunt.
 Iterũ alibi ait: Fornicatores & adulteros iudicabit Deus,
 hoc eſt, damnabit. Et in Apocalypſi legimus: Fornicatorũ
 partẽ cũ veneficis futurã, & idololatriſ & omnibus men-
 dacibus in ſtagno ardenti igne & ſulphure, quod eſt mors
 ſecunda. Sed percurramus etiã Scripturarum exẽpla. quò
 magis innotefcat, quanto odio Deo ſit omnis impudicus.
 Lamech primus duxit duas vxores, & primus Cain occi-
 dit fratrem: dicitur tamen, ſeptuplũ ultio dabitur de Cain,
 de Lamech verò ſeptuageſies ſepties. Sodomitæ & Go-
 morphæi, cùm aduenas turpiter appetiſſent, cæcitate pri-
 mũ lucem amiſere, deinde etiam vitam, cum ipſis vrbibus
 funditus euerſi, & qui igne libidinis exarſerãt, cæleſti igne
 ſuper eos pluyente conſumpti ſunt. Ob Dinã Iacob filiam
 violatã Sichemorum vrbs vaſtatur, & vnus ſtuprũ cæ-
 dibus expiatũ eſt plurimorũ. Ruben maledicitur, quia af-
 cendit cubile patris ſui. Zambri cum ſcorto Madianite, ad
 quod palam intrare non erubuerat, pugione ſacerdotali
 cõfodiuntur: & ne non iure ceſos arbitreris, illis punitis,
 Dei in filios Iſrael ira placatur. Prima Samſonis vxor, quia
 ipſo repudiato alium acceperat, ſimul cum patre igne cõ-
 buſta pœnas dedit. Ipſe Samſon ſecundæ vxoris (vſcias
 qualis digamiæ euẽtus ſit) dolis ac proditiõne periit. Tri-
 bus Beniamin penè internecione deletur, ob vim illatã cõ-
 iugi alienæ. Dauid regẽ adulterij perpetratio ad innocẽtis
 & quidem de ſe bene meriti indignam compulſit necẽ, vt
 intelligas, illicitos concubitos cauſam eſſe plurimorum
 malorum. Et licet peccatum hoc mox per poenitentiam
 tranſlatum dīcatur, ipſa tamen peccati labes non niſi
 multarũ maximarũque patientia calamitatum elui
 purgarique potuit. Filius etiam Dauid Ammon, deſloratæ
 Thamar

1. Cor. 5.

Ibidem 6.

Hebr 13.
Apocal. 21.

Lamech.

Cain.

Sodomitæ.

Sichemitæ.

Ruben.

Zambri.

Vxor Samſon.

Alteræ Samſ.

Dauid Vxor.

Salomon.

Thamar iniuriam morte rependit, à fratre interemptus. Salomonis sapientiam multarum amor fecit insanire, ita ut earum Dijs Deabusque phana poneret. Quamobrem scissum est regnum de manu filij sui, & datum Ieroboam seruo suo. Igitur cum obscenæ libidinis voluptas multò maioribus supplicijs semper compensata sit, certè si nulla etiam castitati præmia proponerentur, castè tamen viuendum esset. Rursum, cum tâta castitatis sit merces, quantam æstimare nemo potest, si nulla libidinem sequeretur punitio, libidine abstinendum esset. Ut ergo & vitium caueamus, & virtuti penitus innitamur, qualis vtriusq; finis sit, iugiter cogitemus. Sed dices: Spiritus quidem promptus est, caro autem infirma: video aliam legem in membris meis repugnantem legi mentis meæ, & non quod volo bonum, hoc ago: sed quod odi malum, illud facio. At castiga corpus tuum, & in seruitutē redige, ut obedire discat spiritui. Deinde quantò infirmior es, tantò sollicitius pete à Domino auxilium: Petenti datur, & pulsanti aperitur: frequētius ora, ventri minimum indulge: hoc dæmonium non eiicitur, nisi per orationem & ieiunium. Somnolentiam caue, & vigilijs operam da: qui vigilat, non finit perfodi domum suam. Fac aliquid operis, ut nunquam tō diabolus inueniat otiosum. Sexum diuersum quantum potes fuge, quantum licet obliuiscere: fugientem deserit concupiscentia, obliuiscens dimittit fœda titillatio. Semper tamen totam vincendi spem in Deo colloca. Sine me, inquit, nihil potestis facere.

*Matth. 26.**Rom. 7.**1. Corin. 9.**Matth. 7.**Iohann. 15.*

*De Pœnitentia peccatorum per exempla
veterum. Cap. IX.*

*Proverb. 24.**1. Iohann. 1.*

HACTENUS de castitate: nunc ijs qui culpa aliquâ lapsi sunt, demus Pœnitentiæ locum ut resurgant. Et quidem nemo est qui non peccet. Septies in die cadit iustus, ait Scriptura. Et Iohannes Apostolus: Si dixerimus, inquit, quia peccatum nō habemus, nos ipsos seducimus,

imus, & veritas in nobis non est. Igitur quoniam omnia Deus cōclufit sub peccato, vt omnium miferetur, omni- bus necessaria est Poenitentia, quæ quanti fructus fit, aut qualiter agi debeat, exemplis patebit.

LEGIMVS Israelitas quoties Legem sanctam præua- *Israelita.*
ricati sunt, Deo vindicante, ærumnis vastationibusq; affe-
ctos. Rursum cū poenitendo sese correxissent, eodē mi-
ferante liberatos, vt & iustum in puniendo agnoscas, &
facilem in remittendo.

CVM ergo Iosue duce iam defuncto, alienigenas con- *Iudic. 3.*
nubio sibi iunxissent, & (quod execrabilius est) immola-
sent eorum dijs Baalim, & Astaroth, obliiti Dei sui, à quo
multa magnaq; acceperāt beneficia, bellis oppressi, Chu-
sanrafathaim Mesopotamiæ regi annos octo seruiuerunt.
Tandem errorem suum incusantes, & ad poenitentiā con-
uersi, Dei quem abiecerant opem implorarunt, & Otho- *Othoniel dux.*
niele duce victis hostibus, recuperauere libertatē, rerumq;
potiti sunt. Percutit ergo Dominus, vt sanet; occidit, vt vi-
uificet. Sed neq; sanat, neq; viuificat, nisi poenitētes. *Iud. 3.*

OTHONIELE verò mortuo, cū iterum iisdē flagi- *Ibidem.*
tijs se polluisent, Eglon Moabitarum regi decem & octo
annos tributa pensitauere. Postremò poenitētes, Aod am- *Aod dux.*
bidexter vindicauit in libertatem, rege ipso interempto, *Barach dux.*
& decem millibus hostiū cæsis. Deinde annos octoginta
nemo illos armis laceffiuit, vt hinc intelligas, cū poeniten-
tibus diabolus congregari minus audere: & si audeat, no-
cere non posse. *Ibid.*

MORTVO Aod, peccauerūt & traditi sunt Iabin regi
Chanaan, sed post annos viginti cū eos sceleris poenituif-
set, clamassentq; ad Dominū: Delbora prophetāte, Barach
tātummodo cum decē millibus armatorum Sisaram regij
exercitus Ducem cū nongentis falcatis curribus & ingēti
militum copia in prælium descendentem fudit fugauitq;.
In decem millibus Decalogi numerus habetur, quo si poe-
nitens se munierit, vitiorum multitudinem contrā insur-
gentem faciliè superabit. *Iud. 4.*

Ibidem.

DE POE. PEC. PER EXEM. VET.

TABELA autem uxor Aber Sifaram, adacto in tempora clauo, interfecit. Tahel interpretatur incipiens, Aber lucidus. Tahel ergo uxor est Aber, quia illum quem poenitere incipit, lux recti prauique dignoscendi comitatur. Sifara exclusionem gaudij designat. i. diabolus, qui nos à Paradisi gaudijs maligna suggestionem nititur excludere, quem clauo in tēpore transfodimus, cum in tempore poenitentiam agimus, compunctionis clauo vitium expungentes. Hoc tempus si elabi sine poenitudine dimiserimus, frustra postea nos poenitebit. Incassum enim tunc lugetur, cum iam actorum ratio exigitur.

Iudic. 6.

Post annos quadraginta in pace peractos, rursus ad impietatem prolapsi à Madianitis deuastantur annos septē. Et tūc tandem illos delicti poenituisse, per Gedeonem opitulatus est eis Deus. Qui diuino fretus auxilio, nō amplius quā cum trecentis armatis, vix numerabiles hostiū copias fudit atque concidit. Oreb & Zeb Principum Madian capita victor abscidit. Oreb dicitur tentatio, Zeb lūpus, Madian contradictio siue iniquitas. Igitur verē poenitens incipit cum tentationibus colluctari, nec se vltā spiritalis lupi rapinis exponit, sed vt primū se impugnari animaduertit, ita primū resistit, & hoc est capita principum cōtradictionis vel iniquitatis truncare, peruersarum cogitationum initia recidere, ne si moram fecerint, Crescant, & tacitum viuat sub pectore vulnus.

Iudic. 10.

Sed Gedcone quoque vita defuncto, auersi sunt post gentiliū ritū, colentes Baalim & Astaroth. Et cum Philistinorū inuasionibus per sedecim annos attriti essent, poenitentiam quidem egerunt, sed non exaudiuit eos Dñs. At cum etiā idola de finibus eiecissent, per Iepte ducē tutatus est eos, vlciscens aduersarios à quibus assiduē vexabantur. ex quo patet, poenitentiam non verbo tantū, sed etiam facto agendā esse, vt veniā promereri possis. *Iud. 10. & 11.*

Iudic. 13.

Rursus ob idololatriæ crimen annos quadraginta sub iugo Philistinorum fuere. Postea verò poenitentes per Samsonem liberati sunt. qui ligatus fregit vincula, & maxilla

xilla asini interfecit inimicos, & de molari maxillæ egressis aquis sitim sedauit. Per poenitentiam quippe diuelluntur nexus peccatorum. In maxilla oratio, in asino humilitas intelligitur, quibus prosternuntur nequitæ spirituales, quia humiliâtis se oratio nubes penetrat. De molari autem maxillæ fluunt aquæ, cum inter orandum conscientia morsus elicit lachrymas, quibus deinde paræ beatitudo restinguit desiderij sitim. *Iud. 14.*

SUB Heli quoq; Sacerdote à Philistinis angustias claudsq; passi, Samuelis admonitione atque hortatu ad poenitentiam inclinantur. Ipsoq; pro eis deprecate, hostiasq; offerre, fleuerunt, ieiunaueruntq; palam cõfidentes, quod Baalim & Astaroth idola coluissent, Dei sui cultu derelicto. Hac poenitentium afflictione placatus Dñs, Philistinorum multitudinem in illos irruere paratam tonitru ac fragore ita exterruit, vt repente auersi terga darent. Filij verò Israël eos fugientes persecuti ad internecionem conciderunt, vrbes quas amiserat recuperarunt: nec postea ab inimicis infestati sunt, quoadiu vixit Samuël. Hinc percipitur, quantum deprecatio, quantum lachrymæ, quantum ieiunia, p̃sint poenitenti. Quid est enim aliud vrbes amissas recuperare, nisi pristinae virtutis meritum, quod peccando deperditum fuerat, instaurare?

PECCAUI, inquit Dauid, Dño, cum adulterio homicidium iuxisset, & statim meretur audire: Dñs quoq; trāstulit peccatum tuum, nō morieris. Magnū peccatū magna remissum est misericordia. Haud dubiū quin & magnus poenitentis dolor extiterit, qui tā repete venia dignus fuit. Quo enim minate Propheta tāti delicti cōsciū nō vehemēter doluisset, qui paruulo ægrotate, quem de illicito genuerat coitu, fleuit, ieiunauit, in terra iacuit? Qui Absalonē filiū fugiēs, nudis pedibus, & aperto capite, & lachrymantibus oculis incessit. Multum ergo dolendum est, cum multū peccatum est. Nec te moueat si aduersis casibus concutitur, cui venia indulgetur. Sæpius excoctum aurum purius nitet.

At idem iam omnium inimicorum suorum victoriam potius, cum describere regni populos iussisset, quorū nu-

merus fuit virorum fortium de Israël octingenta millia, de Iuda quingenta millia. Vidēs se præſſe tantæ multitudini, mentis elatione peccauit, & continuò (vt diſcas non differendam eſſe poenitentiam) Peccaui, inquit, valde in hoc facto, ſed precor Domine, vt transferas iniquitatem ſerui tui, quia ſtultè egi nimis: Ecce moreretur, & poenitens ſe deliquiſſe confitetur. Cur ergo non vt antè ſequitur confeſſionem venia, cùm præſertim illud, quàm hoc, peccatum grauius fuerit? Quia licet deinde quis leuiùs peccet, magis tamen efficitur ingratus, dum poſt remiſſam culpam in culpam relabi negligit. Proinde Dominus, cui priùs facile pepercerat, nunc eundem de tribus eximijs malis vnus optione onerat, hoc eſt, vel famis, vel cladis, vel peſtilentiz, nequis venia pro licentia vtendum putet. 2. Reg. 24.

Roboam rex.

ROBOAM rex Iudæ, & illi quibus præerat, lege Dei contempta, gentilium ritum ſequebantur, cùm Seſach rex Ægypti de improuiſo fines eorū irrumpens, oppida multa & loci natura & armis munita expugnauit, illoſque qui aduerſum ſe in campum deſcenderant, in urbem fugere compulit. Porro cùm per Semeiam Prophetam audiſſent: Vos reliquiſtis me, & ego reliqui vos in manu Seſach, dicit Dominus: ab errore conuerſi poenitentiam egerunt. Inde rurſum Dominus ad Semeiam ait: Quia humiliati ſunt, non diſperdam eos, veruntamen ſeruient Seſach, vt ſciant diſtantiam ſeruitutis meæ, & ſeruitutis regni terrarum. Ergo etiam per poenitentiam placatus Dominus nõ ſemper omnem anguſtiam aufert, cùm ſcilicet hoc illi profuturum nouit cui placatus eſt. Nam virtus in infirmitate perficitur. 2. Paral. 12.

2. Cor. 12.

Achab.

3. Reg. 21.

ACHAB Samariæ regū peſſimus, qui vineam Naboth Iezraelitæ per ipſius cædem ita occupauerat, vt crudelior tunc an auarior fuerit, non facile dignoſci poſſit: minante ſibi Domino per Eliam Prophetam pertimuit, & ſciſſis veſtibus textit ſe cilicio, ieiunauit, in ſacco iacuit. Idcirco Dominus malum quod illi interminatus fuerat, diſtulit poſt eum in diebus Ochoziæ & Ioram filiorum eiùs. Hinc per

Ieze-

Iezechiëlem Prophetâ ait: Impietas impij non nocebit, in quacunq; die cōuersus fuerit ab impietate sua. 3 Reg. 41. *Iezach. 33.*

IOSAPHAT rex Iudæ irruentibus aduersum se Moabit, & Ammonitis, & Idumæis, indixit ieiunium atque *Iosaphat rex. 1. Paral. 20.*

orauit, omnesq; de Iuda steterunt coram Domino, cum paruulis & vxoribus, ac liberis, & in terram proni adorauerunt. Cantores præcedentes exercitum Deo laudes personabant, cum illi, quos pertimuerant, in seipfos conuersi mutuis vulneribus cōcidere. Iosaphat & Iuda diripuerunt spolia, & gratias Deo egerunt, quod sic pro ipsis depugnasset. Cor enim contritū & humiliatum Deus nō spernit. In *Psalm. 50.*
tribulatione, inquit, inuocasti me, & liberaui te. 2. *Par. 20.* *Psalm. 80.*

BENADAB Syriæ rege Samariam obsidete, oppidan famelaborabant, ita vt quædam mulieres à filiorum escâ non abstinerent, quando poenitentia & humiliatione Ioram Samariæ regis, qui cilicio se induerat, die vno summa inopia in summam versa est copiam. Syri enim horrendo armorum strepitu diuinitus excitato, vehementer perterriti, relictis impedimentis omniq; supellectili dimissa, fugam fecere. Samaritæ verò egressi direptis castris insperata præda ditati sunt, & modius similæ stetit statere vno, sicuti prædixerat Elisæus, & duo modij ordeï statere vno.

REX Israel Ioachaz cum suis quos preuaricari fecerat, subditus Azaheli Syriæ regi, & Benadab filio eius, poenitentiam egit, orauitq; ad Dominum, & sicut Scriptura ait: *Ioachaz rex. 4. Reg. 13.*
Datus est illis saluator, cuius ope liberati sunt. 4. *Reg. 13.*

EZECHIAS fide & religione probatus, sed ob plebis & Achaz patris impietatem Ierosolymis obsessus, conscidisse vestimenta dicitur, saccoq; se operuisse, ad Templum venisse, ad Isaiam vt pro ipsis oraret misisse, & continuo ab eodem Propheta meruit audire, ne timeret. Deniq; ira in hostem conuersa, nocte vna cecidere CLXXXV. millia Assyriorum, Angelo cadente, & à pernicië liberate poenitentem. Prophetauerat autem Isaias, dicens: Ca- *Ezechias rex. 4. Reg. 19.*
det Assur in gladio non viri, & gladius non hominis vorabit eum, & fugiet non à facie gladij. 4. *Reg. 19.*

Idem.

4. Reg. 20. 1.

Idem Ezechias, cum ægrotanti sibi diem extremum imminere per Prophetam audisset, flendo atque orando impetrauit vitæ propagationem, vixitque ultra quàm vixisset, si sic non egisset, quindecim annos. Argumento est, verè poenitentes non esse morti obnoxios, sed vitæ destinatos æternæ, dicente Domino Nolo mortem morientis: conuertimini, & viuite. 4. Reg. 20.

Iezech. 18.

4. Reg. 20.

At cum gloriabundus Merodach Babylonis regis legatis gazam suam omnem ostendisset, & ob id illam ad Babylonios quoque transportandam Isaia prophetante didicisset, delicti conscientia consternatus, non est ausus multam hanc auferri poscere, sed differri. Bonus, inquit, sermo Domini, sicut tantum pax in diebus meis. Itaque in posteros dilatum est malum, fortè etiam ab ipsis differendum, si vel non deliquissent, vel continud illos delicti poenituisset. *Ibid.*

Manasses rex.

4. Reg. 21. 1.

MANASSES eius filius cum in regnum successisset, patris virtutes vitijs suis æquauit. Coluit enim idola, somnia obseruauit, artes maleficas exercuit, Domini per os Prophetarum minas denuntiationesque contempsit. Ob hoc ab Assyrijs captus, & catenis atque compedibus victus, abductus est in Babylonem. Et tamen postquam eum flagitationum suarum poenituisset, precatusque esset Deum quem peccando irritauerat, exauditus est, reductusque Ierosolymam, & in regnum postliminio restitutus. Tunc simulacra quæ posuerat euerit, arasque destruxit, & restaurato Altari Domini, victimas & pacifica immolauit, suisque præcepit, vt colant Dominum Deum Israel. In bonum denique ex pessimo mutatus est, in liberum ex seruo, in Regem ex captiuo, quia poenitens ac dolens ad Dominum clamitauit, eodem Domino per Isaiam dicente: In indignatione mea percussi te, & in reconciliatione tua misertus sum tui.

2. Paral. 33.

Isaia. 60.

Iosias rex.

4. Reg. 22.

Iosia Regi Iudæ, quoniam cum Legis librum perlegisset, patrum populique transgressione vehementer tristatus est: Olda Prophetis respondit. Hæc dicit Dominus: Ecce ego adducam mala super locum istum & habitatores eius,

eius, quia dereliquerunt me, & sacrificauerunt Dijs alienis: Te autem quoniam audisti verba voluminis, & perterritum est cor tuum, & fleuisti coram me, colligam te ad patres tuos in pace, ne videant oculi tui mala quae inducturus sum super locum istum: Itaque propter vnius poenitentiam, communis omnium calamitas, quoad ipse vixit, dilata est. Vixit autem posthac duodecim annos. 2. Paral. 34.

Sed plerique sane peccatum suum doluerunt, Iohas vero, & post illum Esdras, etiam alienum. Nam hic quoque cum intellexit, quod ipsi qui secum a Babylone Ierosolymam remigrauerant, miscuissent semen sanctum cum exteris nationibus connubiorum copulatione, scidit pallium & tunicam, vulsit capillos, barbam depilauit, seditque moerens ante Templum usque ad sacrificium vespertinum. Postea demum surgens curauit gentem, expandit manus ad coelum & flens orauit: Ex eius mcerore ceteri suum metientes crimen, & ipsi fleuerunt; magnoque diuinæ ultionis metu expauescunt, tantum illi obedierunt, ut consenserint, & uxores repudiare, & qui de ipsis nati fuerant filios abducere. Igitur ipso Dei Legem exponente, conuenisse dicuntur in ieiunio & in saccis; puluere conspersi, & ab omni filio alienigena separati, confitentes peccata sua, & iniquitates patrum suorum quater in die, & quater in nocte, & adorantes Dominum Deum suum. Ideo in pace stabiliti pristinae libertatis statum sibi recuperarunt; dicente Domino: Si abstuleris offendicula tua, a facie mea non commoueberis. Esdras Sacerdos. Esdr. 9. Ierem: 4.

Ceterum ego non tam miror aliquem proprii reatus grauitate vehementer angere, quam eum qui alienum crimen deslet ut suum. Et iam praeter modum dictos, video etiam Daniele Prophetam oppido quam sollicitum atque anxium, non pro suis, sed pro populi peccatis, dum ea veluti sibi communia confiteretur, & perinde misericordiam Dei implorat, ac si & ipse deliquisset. Video in ieiunijs, in sacco, in cinere illum iponte affligi, per tres hebdomadas lugere, panem desiderabilem non comedere, & neque carnem, neque vinum gustare, neque vnguento perfundi. Video, inquam, illum Daniel Proph. Daniel. 9. Ibid. 10.

illum pro deliciis aliorum talia facientem, & intra me confusus conscientiae metu concutior, quod ego miser pro meis quibus obrutus sum, nihil tale efficio. Contere, Domine, contere duritiem viscerum meorum, & virga directionis tuae percute cordis mei petram, ut saltem aquam effundat lachrymarum, & ipse plangere possim ea quibus te offendi, cum Sancti tui sic lugeant etiam ea, quibus te alij offenderunt.

Sed interim & reliquorum in poenitendo sollicitudinem persequamur, ut & ipse de mea tepiditate magis erubescam, & alij de peccato suo dolore plenius instruantur.

Iudei.

Iudith. 4. 6.

H O L O P H E R N E Iudaeos inuadente, tutatus est eos Dominus, quoniam inuocauerunt nomen ipsius, & ieiunauerunt, & Sacerdotes induti sunt cilicijs, cinereque capita conspersi, & infantes prostrati ante faciem Templi, & Altare opertum cilicio. Illa quoque, quae interfecit inimicum, vidua erat, quotidie ieiunabat, lumbos cilicio praecinxerat, cinere caput perfuderat, in secreto domus suae cubiculo cum ancillis clausa morabatur, & tunc prostrata clamauit ad Dominum, cum tam audax facinus esset aggressura. Huiusmodi ergo poenitentiae afflictionibus atque angustijs conciliatur Deus, reprimitur diabolus, innocentiae status reparatur, reparatus conseruatur, conseruatus demum sortem capit aeternitatis. *Iudith. 4.*

Ninuitae.

Iona. 3.

N I N I V I T A e quoque cum urbem suam post dies quadraginta euerendam audissent, praedicauerunt ieiunium, vestiti sunt saccis, rex ipse surrexit de solio, abiecit regia ornamenta, & saccum induit, seditque in cinere, ac iussit ne homines, iumenta, boues, pecora gustent quicquam usque mane, utque unusquisque conuertatur a via sua mala. Id videns Deus auertit omnem perniciem illam, quam eis comminatus fuerat se illaturum. Quis ergo dubitet, quin a diebus Iohannis regnum coelorum vim patiatur, & violenti rapiant illud, si etiam ante Iohannem hominum poenitentia mutare potuit Dei sententiam? *Iona. 3.*

M A R D O C H A E U S ad Susa abductus, cum Aman per se odio

se odio in ipsum ac similitudine factum esset, ut rex Persarum Affuerus edicto iuberet interfici Iudæos omnes qui Susis atque alibi in regno eius erant, vestimenta scidit, saccum induit, aspersit cinere caput, cum clamore & eiulatu incessit. Illi etiam qui per provincias erant Iudæi ieiunauerunt, cilicioq; & cinere pro stratu vsi sunt, & Deo propitio, cædes quæ in ipsos grassatura erat, versa est in auctore Aman, quodque ipse Mardochæo ac cæteris Israelitis facere intenderat, hoc cum affeculis atq; assentatoribus suis passus est. Tam citò misericors & iustus Dominus, & eos liberat qui in conspectu suo se humiliant, & illos punit qui impiè superbiunt. Mardochæus verò ipse tam præsentis periculo erutus, primum apud regem obtinuit dignitatis locum, & quantum poenitentia humiliationibus se submiserat, tantum fuit exaltatus. *Hist. Hester.*

*Mardochæus
& Iudæi alij,
Hester. 4.*

Ibidem 7.

At etiam iusti interdum quasi qui peccauerint, poenitentia distictione se coartant. Iob, quem diabolus omnium aduersitatum mole premens vincere non potuit, saccum cõsui, inquit, super cutem meam, & operui cinere carnem meam, facies mea intumuit à fletu, & palpebræ meæ caligauerunt, & confidenter ait: Hæc passus sum absq; iniquitate manus meæ, cum haberem mundas ad Deum preces. Ecce in cœlo testis meus, & conscius meus in excelsis. Quod si sic corpus suum sponte atterebat vir innocens, & simplex, & timens Deum, ob hoc solum ut humilitatem probaret: quid nos facere oportet, qui & in multis offendimus, & in non paucis adhuc offendere non cessamus?

*Iob.
Iob. 16.*

Idem quia ingentibus oppressus ærumnis Dei iudicium aliquantulum fugillauerat, se iustum iactando, & cum Deo disputare concupiscendo, à Domino redargutus culpam confiterur, & ait: Vnum locutus sum, quod utinam non dixissem: & alterum, quibus ultra non addam: & iterum, Insipienter locutus sum, ipse me reprehendo & ago poenitentiam in fauilla & cinere. Si iste in fauilla & cinere, qui tam æquo animo tantas tolerauit calamitates: in quo illi, qui multò leuioribus affectu mussitant, indignantur,

Idem.

*Iob. 39.
Ibid. 41.*

cum Deo non disputare, sed pugnare videntur? Et vt sciamus quale propositum poenitentis esse debeat, meminerimus dictum: Quibus vltra non addam. *Iob. 39. et 42.*

Nabuchodonosor.

NABUCHODONOSOR regis ineffrenatam superbiam contundens Deus regno illum menteq; eiecerat, ita vt procul ab hominum consuetudine annos septem cum feris per deserta vagatus sit, foenum quasi bos comederit, altus, pluuias, ventos patiens absque tecto. Postquam tamen ille ad se reuersus, agnouit mundanam potentiam non suum, sed Dei esse arbitrium, ac proinde cōfiteretur, neminem esse qui virtuti eius possit resistere, aut dicere ei, quare sic fecisti? veniam meruit, & sanitati regnoq; restitutus, ampliorem honorē adeptus est poenitēdo, quam fuit quem amiserat peccando. In quo impletum est illud quod per Isaiam dicitur: Vias eius vidi, & sanauī eum, & reduxi eum, & ipsi reddidi consolationes.

Isaia 57.

Iesus filius Iosedech Zacha. 3.

IN Zacharia legimus, Satan accusatione aduersari parantem Iesu filio Iosedech sacerdoti, prohibitum fuisse à Deo, eò quòd ipse Iesus poenitentiam egisset. Qui deinde sordidis tegumentis in quibus iam se submiserat, exui, & cidari munda operiri iussus, desiderabilem illam Domini vocem audiuit: Ecce abstuli iniquitatem tuam, & indui te mutatorijs. Quam ergo magna poenitentiae virtus? Diabolo os obstruit ne accusare possit, & peccatorum sordes cum innocentiae puritate commutat. *Zach. 3.*

Maria soror Aaron.

Num. 12.

Ecclesiast. 5.

ET vt foeminis quoq; aliquod veteris Instrumenti domus exemplum, Maria soror Aaron Sacerdotis, & ipse etiam Aaron Moyse arroganter detraxerant, Sed alter statim commissum doluit, & veniā accepit, altera quia paulò peruicacior fuit, lepram incurrit. Oravit pro ea Aaron, oravit Moyse, & tamen Dei iudicio damnata, extra castra propellitur, nec nisi peracta septē dierum poenitētia, sanitatem recuperare, & in castra redire potuit. Non tardes igitur (vt Ecclesiasticus inquit) cōuertere ad Dominum, & ne differas de die in diem. Subitò enim venit ira illius, & in tempore vindictae disperdet te.

De Peni-

*De Pœnitentia peccatorum per exempla
nstorum. Cap. X.*

ET si istis (quos quamvis sanctos, ad inferna tamen descendere primorum parētum cogebat pręvaricatio) tantę curę pœnitudo delictorum fuit, quantō magis nobis esse debet, quibus per Săluatoris aduentum Legis maledicto solutis, pateat aditus Paradisi? Dies quem illi diu in tenebris expectarunt, nobis lucet, nec iam in Christo credentibus quicquam expectare necesse est. Si pœnitendo satisfecerimus, hinc decedentes rectā ad beatitudinem tendemus. Inspiciamus ergo etiam nouitia nostrorum exempla, vt ipsorum sequentes studium, adipiscamur & gratiam.

PRIMA in Euangelio Pręcursoris vox est: Pœnitentia *Iohannes*
agite, appropinquabit enim regnū cœlorum. Et vt qua- *Baptista.*
liter agenda esset, in se ostenderet: de camelorum pilis *Matth. 3.*
textum habuit indumentum, zona pellicea pręcinctus erat, locustis syluestriq̃e melle vescabatur: lugubris & asper vestitus peccatorum tristitiam indicat, zona pellicea, carnis mortificationem testatur, ciborij vilitas ieiunium abstinentiamque commendat. *Matth. 3.*

POST Iohannem eadem sanē vox Dominicę prędi- *Christus.*
cationis initium fuit: Pœnitentiam agite, appropinqua- *Matth. 4.*
bit enim regnū cœlorum. Sola peccati turpitudine ad pœnitendū mouere debuit peccatorem, quantō magis cum etiam ea promittitur mercēs, qua maior nequit desiderari? Et certē si regnū terrenum offerretur, nullum laborem refugerent mortales, nullum periculum declinarent. Offertur autem cœlesse, & à vitijs ad virtutem retrahi nō possunt. Retraherentur saltem, quando pręmij spe nolūt, pœnæ terrōre, quę manet obduratos, dicente Scriptura: *Ecccl. 3.*
Cor durum habebit male in nouissimo. Aut si verbis non credunt, crederent saltem exemplo.

ECCE enim, serue peccator, innocēs Dominus in deserto solus manere nō dedignatur, quadraginta dierum *Christus.*
inedia *Matth. 4.*

inedia ieiunium protrahere non recusat, & vt hominis in Deo naturam agnoscas, postea esuriit. Denique omnia illa quæ passus est, vt te redimeret, non inuitus sustinuit; tu vt illi (quem quotidie offendis) reconcilieris, exiguam poenitentia fatigationem suscipere detrectas, & erga illum ingratus, & erga teipsum impius.

*Latrō.
Petrus.
Paulus.
Mattheus.
Zacheus
Publicanus.*

RESPICE poenitentem latronem; de Cruce euolat ad Paradisum. Respice poenitentem negatorem; Princeps constituitur Apostolorum. Respice poenitentem persecutorem; vas efficitur electionis. Respice poenitentes publicanos; Matthæus de telonio ad Apostolatum vocatur, Zachæus Iesum hospitio meretur accipere, & ille qui in templo lugens pectus pungens, planxerat, & flagitiorum conscientia coelum suspicere non fuerat ausus, redit iustificatus. Nunquid tantæ istorum gloriæ, quantam assecuti sunt, te participem fore diffidis, si ipsorum imitatus fueris poenitentiam?

*Marcellinus
Papa.*

ADDAMVS tamen his complures alios, vt ex ipsa poenitentium frequentia, multò stultior ac detestabilior appareat obstinatorum duritia. Marcellinus Pontifex Maximus, Diocletiano & Maximiano persecutoribus, tormetorum immanitate perterrefactus, Dijs thura posuerat. Postea in Campaniam discedens, coram octoginta Episcopis astitit, cilicio & cinere opertus, confitens peccatum suum ac petens, pro ea ab ipsis sibi poenam indici atq; decerni. Quibus arbitrium in Præsidem recipere nolentibus, ipse in sententiam tulit. Pontificatum deposuit, corpori sepulturam denegauit, execrans eos qui ipsum nõ fuissent super terram putrescere ac dissolui, & confestim Romam ad Martyrium est reuersus, vltro exponens se supplicijs quæ modo expauerat. Decollati cadauer insepultum iacuit, timen-
tibus Christianis violare Pontificis interdictum. Sed Petrus Apostolus noctu apparens Marcello presbytero, illud iuxta corpus suum sepeliri iussit, dignum esse asserens, vt qui secum peccauerat, secum fleuerat, secum recumbens honoraretur. *Platina in vitis Pontif.*

I A C O.

IACOBVS quoq; natione Persa, sed professione Christianus, dum inter regis Persarum aulicos honori præcipuo haberetur, ad exercendum Idolorum cultum prolapsus est. Mox poenitens, grauius animo angere coepit. Et cum palam se Christianum esse, & deos vanos falsosque despicere diceret, ipsius regis iussu supplicia pertulit, membra-
tim articulatimque dissectus. Inde alij denodatum, alij intercisum cognominant, ego potius deartuatum dicerem. Nihil tamen refert quo cognomento appellandus sit, sed magis cōsiderare decet, à quāta perditione per poenitentiam liberatus, ad qualē peruenerit gloriā, vt inclytissimis Christi Martyribus annumeratus sit. *Iacob. de Vor.*

Iacobus Deartuatus.

BONIFACIVS Aglaie Romanæ matronæ dispensator, diu cum illa inhonestè vixerat, & sub Diocletiani persecutione ad poenitudinem ambo conuersi, finem perniciosæ voluptati statuunt, atque Roma Tharsum peruenientes, cum omnia quæ secum habuerant, in eleemosynas pauperum distraxissent: illa in monasterio degens vitæ sanctimoniam miraculis probauit, ipse Martyrio coronari dignus fuit. *Sur. Tom. 3.*

Bonifacius Martyr.

MONACHVM qui æger de Scythiotico cœnobio ad ciuitatem curationis gratia profectus, in multò grauiorē animæ suæ morbū inciderat, castitatem vertens in libidinem, cū puero quē meretricio coitu sustulerat, reuersum ac in omnium fratrum conspectu scelus publicè confitentē miserabiliterq; lugentē, Moyses Abbas & ipse flens excepit, atque dies aliquot cellæ carcere castigatum, in statum pristinū ordinemq; redegit, & is qui mortuus fuerat peccando, poenitendo reuixit. Potuit quidem crimine quod occultum erat dissimulato, absq; rubore redire, sed maluit tūc manifestus fieri & mundari, quàm postea in die Iudicij multò confusibilius detegi, multoq; infelicius in igne illo inextinguibili sine fine cruciari. *In vitis PP. fol. 1056.*

Quidam Monachus.

VICTORINO Episcopo dum eremū incoheret, Diaboli dolis, qui se foeminam effinxerat, capto, tanto dolori fuit semel perpetratę fornicationis crimē, vt manibus infissuram

Victorinus Episcopus.

fissura ligni impactis, herba cruda, & aqua frigida per triennium se sustentavit. Post hæc miraculis insignis, Episcopatum Amiternensem suscepit, magnificèq; rexit, & Neruæ persecutione Martyrij triumphum reportauit. Magna poenitentis angustia, magna post poenitentiam episcopalis dignitas; sed vtriusq; maius, deuictio persecutore, victoriæ præmium. *Gregor. Hom. 34. in Euangel.*

David Monac.

DAVID Monachus in finibus Hermopolis in latrocinij exercendis ætatem consumpserat, & tandem poenitentia ductus Monachum se fecit, & de lupo in agnū versus, ita vixit, vt Angelo nuntiante omnia peccata sibi à Deo condonata meruerit audire.

Moyse Monachus.

MOYSES Maurus & ipse latrocinij Ægyptum agitauerat, sed Anachoretarum inibi vitam contemplatus, monachum se fecit. Poenitendo igitur mutauit Æthiops pellem suam, & pardus varietates suas. Etenim quinq; & septuaginta annos Deo in solitudine seruiuit, sex annos cella inclusus permansit, ad multam noctem stans orabat, pane tantum & aqua sustentabatur. Deinde charitatis operi se accingēs, noctu peragrabat solitariorū tuguria, hydrisq; eorum aqua replebat, vt procul haustu petentibus laborē eleuaret: peracto officio tacitus redibat. Sic faciendo, qui prius homicidijs infamis fuerat, factus est sanctitate clarus, & qui quondam rapinis terram infestauerat, regnum rapuit coelorum. *Hist. Trip. lib. 8. cap. 1.*

Banō Monac.

BANONEM quoque in Gallia, ex prædone Monachū factum accepimus, & qui in syluis viatores despoliare solitus fuerat, postea in monasterio cella inclusum vixisse, manus ac pedes vinculis ferreis onerasse, hordeaceum panem cinere mixtum esitasse, carne vinoq; abstinuisse, cilicium pro stratu, lapidē pro puluillo habuisse, sæpe dū laudes Deo diceret, eundem lapidē humero sublatū tenuisse. Quibus corporis fatigationibus, grauissimorum quodam criminum erus, catalogo meruit ascribi Sanctorum.

Alban. mart.

ALBANVM furore percitum patri necem intulisse constat, & peregrinationis perpetua labore patricidij crimenu

men diluisse, & cū Martyrio consumptus esset, corporis eius tactu leprosos mundatos fuisse. Nemo igitur dicat, Maius est peccatum meum, quā ut veniam merear. Nul-
Genes. 4.
 lum tam grande flagitium est, quod nō debeat poenitudo.
Petr. de Natal.

IULIANVS cognomento Hospitator, errore magis quā furore parētes interenit. Cū enim summo mane domum reuersus, in suo vxorisq̃ cubili dormientes of-
Iulianus Hospitator.
 fendisset, putauit vxorem esse cum adultero, & educto re-
 pentē gladio ambos transfixit. Vxor autem antequam ille aduenisset, ad Ecclesiam perrexerat. Re tandem cognita, vbertim fleuit, utq̃ commissi veniam promereri posset, relicta domo, prope fluminis ripam, vbi multi vado trās-
 euntes deperibant, Xenodochium posuit, & viatores te-
 cto accipere, & naucula transuectare gratuitō coepit. Po-
 stre mō diuinitus dictum sibi audiuit, quod culpam eluis-
 set hospitalitatis merito. Parentum ergo interfector, per
 poenitentiam factus est coeli habitator. *Iacob. de Vorag.*

GENEBALDVS Laudunensis Episcopus, cū vxorē (cum qua Religionis causa diuortiū fecerat) cognouisset, septem annos in Ecclesia clausus peregit deflens peccatū suum, atque illud tandem sibi condonatum esse, Angelo nuntiante, didicit. Et eiusdem Angeli iussu à Sancto Remigio Rhemensi Episcopo in locum suum restitutus, cau-
Geneb. Epist.
 tius vixit, quq̃ ante peccatum innocentior erat, post pec-
 catum sanctior fuit. *Sur. Tom. 1. fol. 292.*

EVAGRIVM Presbyterum eximie sanctitudinis vi-
Evagrius Presbyter.
 rū, cū eremū incoletet, nescio quod detractionis verbū
 semel protulisse tradunt, & pro eo se ita castigasse, ut dies
 quadraginta sub dio permaneret, nec prius tectū subierit,
 quā se satis pro delicto fecisse cēsuisset. Rectē igitur per
 Prophetā dicitur: Iustus cū ceciderit, non collidetur, quia
 Dominus supponit manū suam: ut scilicet poenitendo re-
Psal. 36.
 surgat, & resurgendo iusti nomē nō amittat. *In vitis PP.*

MAVRILIUS Andagauēsis Episcopus, dū expectaret
Maur. Episc.
 donec missale Sacrificiū peragat, interim puerum quem
 baptiza-

baptizaturus erat, vita defunctum comperit, suazq; id negli-
gentiæ imputans, usque adeò doluit, ut relicta Ecclesia na-
uim conscendens clam effugeret. Fortè Sanctuarij clau-
es secum tulerat, quibus de manu in mare elapsis, existima-
uit eo indicio se prorsus Episcopatu indignum, atque inde
iam proposuit, nunquam se in Sedem suam reuersurum, nisi
inuentas quis ad se retulisset. Transmisso mari, veste secu-
lari indutus, cuidam principi viro operâ seruilem locauit,
olitor eius factus. Septennio sic peracto à Clericis inuētus
& cognitus, nolebat cum illis redire propter clauium il-
larum casum. Ipsi ergo (quas Episcopus requirebat) clau-
es in medium proferunt (eas autem in itinere capto pisce &
exenterato inuenerant). Itaque iam manifestè Dei volun-
tati contradicere non ausum, cum alacritate secum redu-
cunt, quem paulo ante earundem clauium argumento in
mari perisse suspicati fleuerāt. Mauriliū igitur ex Episcopo
culpa seruum fecerat, sed rursus ex seruo Episcopū fecit
culpæ poenitudo, & post poenitudinem vitæ sanctimoniz
extulit supra cœlum. Fama est, cum reductus esset, quam-
primum ad pueri illius urnam prostratum orasse, atque
ipsum à morte suscitatum Baptismo perfudisse: tantam
iam virtutem diuina contulerat pietas poenitentis humi-
liationi. *Fortunat. Sur. Tom. 5.*

*Metron Cō-
fessor.*

METRONEM Confessorem (cuius corpus Veronæ po-
sitū venerationi habetur) cum poenitentiz laborē subiret,
compede ferrea se vinxisse traditum est, & clauē qua nexus
dissoluebantur, in Athesim fluuium proiecisse, atq; orasse,
tunc illam repertam cōspiceret, cum ipse omni culpæ labe
purificatus esset. Inde non post multos annos, intra capti
piscis ventriculum repertam, eiūque restitutam. Sic illum
compedem deposuisse, vitæque defunctum, viuere in cœ-
lesti beatitudine cœpisse. O optandas pedicas, per quas à
vinculis expediri licuit peccatorum, gratanterque excla-
mare: Dirupisti Domine vincula mea, tibi sacrificabo ho-
stiam laudis.

*Psalms. 115.
Arnulphus
Episcopus.*

ARNULPHVS quoque Lotharingæ Dynastes Caroli
Magni

Magni Imperatoris auus, cū relicto Dominatu Christo in solitudine seruiret, anulum suum in fluuium Mosellam iactauerat, tunc se pro delictis Deo satisfecisse crediturus, cū ille repertus sibi redderetur. Postea Metensis Episcopus electus, cū diu Ecclesiam optimè rexisset, allatus est ei piscis, in cuius intestinis inuēto anulo Deo gratias egit, nec tamen poenitentiae rigorem remisit, quinimò dimisso Episcopatu eremum repetijt, & ad solitudinis angustias reuersus, diē suū obijt, nunc amplitudine fruitur Paradisi. O quā bona poenitentis piscatio, cuius hamo suffocatur Leuiathā, & trahitur thesaurus immortalitatis? *Pet. de Na.*

Si quis autem miretur, quomodo aquatile animal, vel clauē illas, vel anulum hunc deglutierit, cū eiusmodi cibis non vescatur: legat in Euangelio didrachmam quod in ore piscis inuentam, & vtrunque diuino factū nutu nihil dubitet. quippe alterum procuratum est, vt haberet Petrus, quo pro se & Domino tributum solueret: alterum, quo isti se solutos à peccatis cognoscerent. *Matth. 17.*

ANTONIO Abbati Alexandrino in spiritu visum legimus, aliquando se ab Angelis in coelum ferri, & dum ferretur, malos dæmones iter impedire conatos, obijcientes ea quæ olim ipse in seculo viuens commiserat, sed ab Angelis repulso afferentibus, ea omnia monachali professione deleta esse, nec quicquam deinde superextare, quod ab ipso perperam factum argui posset. Hoc modo ipsum Satanæ molestia liberatum, coelos ascendisse, & rursum redisse ad terram. Si sic excutiūtur tantæ perfectionis homines, qualiter quæso iudicabitur, qui nullo poenitentiae genere illa quæ iure exprobrari possunt, destruere curat, & poenitendi tempus peccando consumit, de quo dicitur: Dedit ei Deus locum poenitentiae, & ipse abutitur eo in superbia. *Athanas. in vita eius. Iob. 24.*

HINC est quod sanctis viris maximæ semper curæ fuit, vt peccantes traherent ad poenitentiam, quoniam & sine illa infelices, & per illam beatos fore, non ignorabant. Iohannes Apostolus (vt quidā tradunt) peregrè proficiscens, *Iohannes Apost. pro quodam inuene.*

iuuenem conuersum apud Episcopum reliquit, & vt grande quoddam depositum custodiendum comendauit. At cum redisset, illum discessisse comperit, & commeantium itinera subsidendo latrocinari. Statimque conscenso equo, perditam ouem solus quasitum abiit: sed ille venientem conspicatus, præ pudore equum insiliens fugere coepit. Insequi verò Apostolus & succlamare, vt patrem expectaret, qui pro filio rationem Deo reddere paratus esset, si secum modò reuerti vellet. Comotus tanta Apostoli sollicitudine iuuenis atq; erga se pietate substitit, redijt, poenitentiam egit, & de latrone tandem Episcopus fieri meruit, magisque Angeli in coelis gauisi sunt super vno peccatore poenitentiam agente, quam super nonaginta nouè iustis, qui non indigent poenitentia. *Euseb. Hist. lib. 3. cap. 22.*

Luc. 15.

Andreas Apostolus pro quodam Nicolao.

ANDREAS Apostolus cuiusdā Nicolai iam senis fornicandi incontinentiam vehementer dolens, ab hora tertia ad nonā Deū pro illo cū lachrymis obsecrasse dicitur, deinde cū etiā inedia se conficeret, die tādē quinto de cœlo sibi à Domino dictum audisse: Tua opera, o Andrea, Nicolaum quem amiseram, inueni. Quotusquisq; est, qui sic suum lugeret delictum, vt Apostolus alienum? *Abdias.*

Basilius pro quodam.

BASILII quoque Magni studio atq; industria is qui diabolo se mancipauerat, peracta poenitentia, liber euasit. Coacti sunt maligni spiritus reddere chiographum, quo ipsum sibi deuinctum tenebant, cū poenitentem tenere nullo modo possent. Et factus est Dei seruus, qui fuerat diaboli. Ita & Basilius ouem de faucibus lupi ereptam gregi Ecclesiæ reddidit, & proximi salutem lucrum suum fecit. *Amphiloch. in vita Basilij.*

Mutius Abb. pro altero.

MUTIVS Abbas cuiusdam iam animam agentis, Deum precatus trium annorum spatium ad poenitendum impetrauit, sanumq; secum ad eremum duxit. Et ille cū triennium peccata sua luxisset, in vigilijs, ieiunijs, obsecrationibus, decessit securus. Et cuius ope vitæ terminum protelauerat, eius & manibus sepultus in Domino quieuit. *In vitis PP.*

EGIDIUS

E G I D I U S Arelatensis Abbas, dum Missam celebras *Egidius Abb.*
 pro quodam regis Caroli delicto quod nulli cōfiteri ausus *pro rege Ca-*
 fuerat, precaretur, schedulā super altari reperit, in quā re- *rolo.*
 uelabatur peccatū, & Abbatis merito venia cōcedebatur
 regi, si modò ille se peccasse doluisset. Hinc patet, quātum
 proficit peccatoribus iustus precator, vt penē desperanti-
 bus eius oratio saluti sit. *Fulbert. Carnotens.*

S I Q V I D E M & Odonis Cluniacensis Abbatis moni- *Odo Abbas pro*
 tis, quidam ex prädone Monachus factus, dum è vita de- *discipulo.*
 tederet, Beatam Virginem sibi apparuisse dixit, iubentem
 ne timeret, eò quòd Odonis meritis ipsi peccata omnia
 remissa essent. Fecit itaque magistri sanctitas, vt discipu-
 lus diem suum securior obiret. *Sur. Tom. 6.*

A N T O N I U S Ordinis Fratrum Minorum, sed ipse ma- *Antonius pro*
 gna virtutis vir, cuidam confitenti, quòd ira cōcitatus pa- *altero.*
 trem calce ferierat, calcem illā abscindi dignam dixit. Ille
 id pro peccato apponitur, domum abiens, pedem sibi
 amputauit. Postea reuersus, cur claudicaret, cum ab eodē
 rogaretur: impleui, inquit, quod dignum iudicasti. Ob-
 stupuit hominis patientiam Antonius ac simplicitatem,
 qui seruādum sibi duxisset, quod increpationis causa di-
 ctum fuerat. Et pro illo Deum precatus, membrum quod
 mutilatū erat, integrum fecit, atq; vtroq; pedē ambulās
 abiit, qui vno venerat. Profectò qui sic doluit se patri irro-
 gasse iniuriam, dignus fuit & pro quo oraret Antonius, &
 cuius miseretur Deus. Nec tamen laudamus pœnitenti-
 tis factum, sed ex facto pœnitentiam pensamus, cui quod
 simpliciter credidit, feliciter cessit. *Antonin. Hist. part. 3.*

P A C O M I U S quoque Abbas, cum aliquem ex fratri- *Pacomius Ab-*
 bus inimici supplantatione in nequitiam deiectum acce- *bas pro fra-*
 pissent, conquiscescere omnino non poterat, tam diu pro illo *tribus.*
 preces offerens Deo, donec ad pœnitentiam conuersum
 esse certior fieret. *Metaphr. & in vitis PP.*

P I A M O N in Scythiotico monasterio spectata sanctita *Piamon Pres-*
 tis Presbyter, dum Missę sacra conficeret, Angelū Domini *byter pro fra-*
 vidit, qui Monachorū nomina in codice partim scriberet, *tribus.*

B b 2

partim

partim scripta deleret. Visa ergo Monachis explicans, eos peccato obnoxios conperit, quorum nomina subduci vidit. Ac tamdiu cum illis lugens veniã orauit, donec iterum apparens Angelus, etiam illorum nomina conscriberet, quorum ante deleuerat. Illi itaque quãtũ mœroris prius conceperant, tantum deinde latati sunt, cum post poenitentiam se quoque conscriptos in cœlis, ac in libro vitæ repositos agnouissent. *Trip. Hist. lib. 8. c. 1. Pallad. Hist. 72.*

*Theophilus
Presbyter.*

Et hoc sanè quod modò dicemus exemplum, magnæ erga poenitentem misericordiæ indicium est. Theophilus Presbyter in Cilicia ab officio Archidiaconatus per iniuriam eiectus, diabolo chirographum confecerat, quo se illi tradebat, Christo repudiato, si modò per illũ dignitatem amissam recuperasset. Cumque pristino honoris loco restitutus esset, ad se rediens, vehementer animo confictari coepit, & ad Beatam Dei Genitricem Mariam Virginem conuersus, auxilium cum lachrymis implorare. Igitur dies quadraginta in luctu iugique supplicatione peractis, apparens Virgo moestum consolata est, salutem sperare iussit. Ac post triduum iterum apparens, peccatũ ipsi dimissum nuntiavit. Atque ille (ne tanta Dei erga peccatorem poenitentem pietas latere) publicè in Ecclesia peccatũ suum confessus, visa enarrauit, ac deinceps ita sanctè vixit, vt miraculis nobilitatus sit.

*Beati qui lu-
gent.*

BEATI sunt igitur qui lugent, non mundi aduersa, non persecutiones, non corporis ægritudinem, nõ suorum mortes, sed sua aliorumq; peccata. Nihil ita diluit maculam criminis, vt lachryma poenitentis. Huius exundans humor, animam purã reddit, & spiritali replet suauitate, peccatoris tristitiam mox immensũ gaudij spe temperat, vt qui prius gehennæ timore fleuerat, iam auidius fleat beatitudinis desiderio, & incolatum suum prolõgari conquærat, dissolui cupiens, & esse cum Christo.

Philip. 1.

Petrus Apost.

PETRUS negationis culpam amare fleuerat, & tamẽ idẽ impetrata venia, & Clauibus regni acceptis, & summi Pontificatus officio sibi delato, post Domini ad cœlos ascen-

ascensum, vix vlllo die à lachrymis temperasse dicitur, atq;
ad eas identidem siccandas, lineum linteolum de manibus
nunquam dimississe. *Clemens in Recogn.*

ARSENIVM Abbatem ob frequentes lachrymas, fluxus
cilijs, turgidulis ocellis, suffususque rubore genas, fuisse
ferunt. *In vitis PP.* *Arsenius Abb.*

VINCENTIVM quoque Prædicatorem ad lachrymas
promptissimum extitisse legimus, sed tunc præcipue, cum
salutarem hostiam offerret, Corpori & Sanguini Christi
communicaturus. *Pet. Ransan & alij. Sur. Tom. 2.* *Vincentius
Prædicator.*

FRANCISCO Minorum Patri, plorandi assiduitas
hebetauerat visum, & cum oculis parcere moneretur,
respondebat, haud esse tanti ipsos corporis sensus, vt eorū
causa languescere debeat deuotæ mentis vigor, qui certè
suspitijs alitur, & per lachrymas ad Deum sibi accessum
parat. *Bonaue. m. c. 5.* *Franciscus
Pater Mi-
norum.*

DIVVS Hieronymus, præter cæteras poenitentiae suæ
angustias, quas ad Eustochium scribens enumerat: Quo-
tidie, inquit, lachrymæ, quotidie gemitus. Quali autè illas
consolatione terminare solitus sit, declarat, dicens: Post
multas lachrymas, post cælo inhærentes oculos, nonnun-
quam videbar agnibus interesse Angelorum, & lætus
gaudensque cantabam: Post te in odorem vnguentorum
tuorum curremus. *Hier. ad Eustoch.* *Hieronymus
Pre. byter.*

CASSIVS Narniensis Episcopus, quotidie Missam
celebrans, Eucharistiam sumpturus, crebrò in fletum pro-
rumpebat. Et Dominus cuidam Presbytero per visum ap-
parens: I, ait, nuntia Cassio, vti operi solito constanter in-
cumbat, natali Petri & Pauli Apostolorum die accepturus
laboris mercedem. Perseueravit Cassius, & anno demum
septimo post, sed a qua prædictum fuerat die vita defun-
ctus, pro modicis lachrymis gaudia percepit æterna. *Greg.
Dial. lib. 3. c. 6. & Hom. 37. in Euang.* *Cassius Episc.*

SED quid istos tantopere fleuisse miramur, qui flendi
causas dum peccassent habuerunt, cum etiam Dominus
noster Iesus Christus Agnus immaculatus, qui peccatum
*Iesus
Christus.
1. Pet. 2.*

*Luc. 19.**Iohan. 11.**Iob. 1.**Idem.**Luc. 13.**Isaie 30.**Isaie 61.**Femina.**Peccatrix in
Euangelio.
Sapient. 1.*

non fecit, nec dolus inuentus est in ore eius, lachrymas interdum fuisse dicatur, risisse nunquam? Fleuit Ierosolymam vallo inimicorum circumdādam, funditus diruendā, id est, animam vitiorū septam multitudinem, diaboli praeda futuram. Fleuit in monumento foetentē Lazarū, hoc est, peccatorē longa delinquendi assuetudine mortuū, & scelerum putredine corruptum, de quo dicitur: Conputruerunt iumenta in stercore suo. Et flendi ergo nobis exemplum reliquit, & cur flere debeamus, simul monstrauit.

IN SVPER ijs qui poenitentiae iugum subire aspematur, cōminatur dicens: Nisi poenitentiam habueritis, omnes similiter peribitis, sicut illi octodecim supra quos cecidit turris in Siloē, & occidit eos. Rursus idem per Isaiam promissis nos allicit, & ait: Si reuertamini & quiescatis, salui eritis; in silentio & in spe erit fortitudo vestra. Et iterum: Ad annuntiandum mansuetis, inquit, misit me, ut mederer contritis corde, & praedicarem captiuis indulgentiam, & clausis apertionem, ut praedicarem annum placabilem Domino, & diem ultionis Deo vestro, ut consolarer omnes lugentes, ut ponerem consolationem lugēibus Sion, & darem eis coronam pro cinere, oleum gaudij pro luctu, pallium laudis pro spiritu mœroris. Cum hæc ita sint, quis tam auersus est, tam sibimet infensus atque iratus, ut poenitentiae laborem ferre aut recuset tanta mercede, aut recusare audeat, tanto proposito supplicio?

SED iam etiam foeminarum, quæ Christum secutæ sunt, poenitentiam parumper contemplemur, ut saltem pudeat nos qui viri sumus, isto virtutis genere à foeminis vinci ac superari.

MVLIER illa de Euangelio peccatrix in aliena domo quæsiuit Saluatorem, quoniam in sua non habebat. Non enim habitat Deus in corpore subdito peccatis. Cōscientiæ ergo stimulis acta, illuc ubi Iesus accubuerat, irrupit, accessit retrò, & pedes eius lachrymis rigauit, capillis terfit, osculata est, vnguento perfudit. Condonanturq; ei peccata multa, quia dilexit multum. Aduenerat peccatrix, &

poenitu-

pœnitudinis humiliatione abiit sancta . Denique dimittitur in pace, quam turbauerat dolor vitæ nequioris. *Luc. 7.*

P L O R A N T I ad monumentum Mariæ Dominus, antè *Maria Magda*
quàm Apostolis, apparuisse dicitur, quia illa prior cōsolari *lena.*
meruit, quæ lachrymas vberius fudit. Cùm fleret (vt Iohā- *Iohan. 20.*
nes inquit) inclinauit se, & prospexit in monumentum, &
vidit duos Angelos, vnum ad caput, & vnum ad pedes .
Paucis verbis tota pœnitentis ratio comprehēsa est . Qui
enim ad pœnitentiam conuertitur , primò se peccasse do-
let, & compunctus lachrymas emittit , deinde inclinat se
dum humiliatur, & in monumētum prospicit, dum ante-
acta mente voluens quid mali commiserit , quid boni o-
miserit , conscientiam examinat , & singula quæque dili-
genter perpendit . Tunc autem Angelos videt, cum iam
constanti animo angelicæ consentit inspirationi, & vnum
quidē ad caput, alterū ad pedes, quia consentiens à princi-
pio vsq; ad finem perseuerare debet . Postquā autem per-
seuerauerit, restat vt videat Iesum, non in terra sepultum,
sed iam deuicta morte in cœlo triumphantem , quem sic
videre, perfectā consummataq; beatitudo est. *Iohan. 20.*

V T ergo illū in sua Patriſq; gloria aspicere mereamur,
prius eundem imitari debemus in sua humilitate. Idcirco
dum crucifigendus duceretur, populi & mulierū turba cū
lamentis illum & eiulatu sequebatur, vt scias quia hi verè
sequuntur Iesum, qui per pœnitentiam affliguntur, & pec-
catorum sordes imbre lachrymarum eluere festinant .

C H A N A N Œ A quoque mulier non mediocris pœni- *Chananea*
tentiæ nobis exemplum reliquit . Nam & ipsa post Iesum *mulier in*
clamauit, misericordiam eius implorauit, repulsa non re- *Euangelia.*
cessit, despecta se submisit . Quamobrem filix quæ male à
dæmonio vexabatur, salutem (vt voluit) impetrauit. Ita &
tu, si animam tuam diabolicis infestam suggestionibus
dolisque subuersam liberari cupis, ad pœnitentiā conuer-
sus orādo clama, de misericordia Dei ne diffidas, humilia-
re in cōspectu eius, & si te ille statim nō audierit, tu tamē
perseuera. Cumulator gratia datur cum differtur, si tamē

interim nec supplicatio cessat, nec spes deficit, nec titubatur fides. Vnde huic, quæ prius veluti canis contemnebatur, postremò tanquam optimè de Deo merèti dicitur: Magna est fides tua, fiat tibi sicut vis, hoc est, non tantum sicut postulasti, sed si vis, etiam melius quàm postulasti. *Mat. 22.*

Monica B. Augustini mater.

Prius quidem fletus quanta vis sit, Monica etiam Augustini mater testatur. Cui pro filio Manichæa hæresi implicato, multum lugenti atque orâti diuinitus dictum est, ubi ipsa, ibi & illum futurum. Ab Episcopo etiam, quem ut pro illo oraret cum fletu rogauerat, audiuit: Fieri non posse, ut tantarum lachrymarû filius periret. Qui tandem Ambrosij Episcopi prædicatione conuersus, non solum errorem omnem abiecit, sed etiam errantibus viam veritatis monstrauit, obscura quæque declarando, dubia edisserendo, certa confirmando, praua falsaque omnia plenissimè confutando. tantum profecit matris pro filio lugentis assidua sollicitudo. *August. Conf. lib. 3. c. 12.*

Maria Ægyptiaca.

Et quoniâ maius peccatû, maiori indiget animaduersione, Maria Ægyptiaca prostibuli voluptatem cum eremi asperitatibus commutauit, & Deum quæ carni seruiendo vehementer offenderat, carnis castigatione placauit. Quadraginta annos in deserto vixit, quæ fortasse tantundem temporis in obscenitatibus vitæ consumpserat. Antea se ornauerat, ut hominibus placeret: tunc nuda incessit ut placeret Deo. Antea lasciuis cantibus, & delicatis epulis indulserat: tunc assiduis precationibus quotidianisque se fatigauit ieiunijs. Hoc itaque quadraginta annorum labore ad æternæ quietis peruenit felicitatem, tantumque boni percepit pro poenitentia, quantum perceptura erat mali pro obstinatione, si poenitere noluisse. In ea impletum est illud per Ieremiam dictum: Tu fornicata es cum amatoribus multis: tamen reuere ad me, dicit Dominus, & ego suscipiam te. *In vitis PP.*

Ierem. 3.

Pelagia.

PELAGIA etiam illa, quæ cunctas Antiochiæ foeminas diuitijs, luxuria, libidine superauerat, Nonij Heliopoleos Episcopi prædicatione conuersa fleuit, peccata confiteri

teri coepit, & non Pelagiam se, sed Pelagus omnium viti-
 tiorum vocitandā esse dixit. Deniq; seruos suos & ancillas
 manu misit, opes pauperibus distribuit, & relictis omni-
 bus, in monte Oliueti solitaria consedit, sexum veste no-
 mineq; occultas, dicta atque credita Pelagius Monachus.
 Tantum itaque vitæ austeritate profecit, quantum antè
 effluxerat delicijs. Sic poenas effugit inferni, & gaudia com-
 parauit Paradisi, summumq; bonum summi mali declina-
 tione inuenit, inuento sine fine fruitura. *In vitis PP.*

THAIS Alexandrina Pafnutij Abbatis industria atq; *Thais.*
 exhortatione ad poenitentiam conuersa, omnia quæ sibi
 meretricio quæstu parauerat, in foro congesta populo spe-
 ctante combussit, eiusdemque Abbatis consilio, foemina-
 rum Monasterium ingressa, cella se inclusit, lugens pecca-
 tum suum, pane tantum & aqua vitam sustentans, ipsumq;
 Dei nomen proferre non ausa, orabat, dicēs: Qui plasmasti
 me, miserere mei. In tali labore triennio exacto, Paulus
 Antonij discipulus in quiete vidit supra coelum positum
 cubile auro gemmisque refulgēs, arte ineffabili ac decore
 constructum, & cum rogasset, an illud Antonio esset pa-
 ratum: accepit, non Antonio, sed Thaidi meretrici. Educta
 ergo de cellæ carcere, quintodecimo die migravit ad Do-
 minum, & coelestē thalamum feliciter possedit, quia terre-
 num & impudicum aliquando possedisse dolenter tulit.
In vitis PP.

THEODORA commissi adulterij conscia virum reli- *Theodora.*
 quit, & inter Monachos latuit Theodorus dicta, vbi multa
 diaboli tentamenta vicit, & hoc postremò, quòd cum in-
 simularetur, foeminam quandā de se grauidam peperisse,
 patienti animo tulit, puerum educauit vt suum, annos
 septem ante Monasterij fores permansit, veluti stupri rea.
 Recepta deinde cum puero cella se occlusit, atque ipsum
 viam perfectionis impensè docuit. Biennio post vita de-
 fungitur, & à Deo honoratur, quam homines infamaue-
 rant. Foeminam autem fuisse antequàm decessisse sciretur,
 Abbas reuelatione cognouit. Vidit enim nuptiarum pom-
 pam

pam in coelo parari, ipsamque ab Angelis in sponsi cubiculum ingenti cum exultatione induci, tripudiante Sanctorum choro, Deoque laudes cōcinente. O inæstimabile diuinæ largitatis donum poenitentia, per quam meretricibus etiam & adulteris datur ad Sanctarum Virginum gloriam peruenire. *Iacob. de Vorag.*

Aurea Virgo. SED & Virginum lampades extinguuntur, si poenitentiae oleum in vasis suis habere neglexerint. Aurea Virgo Parisiensis monasterij Præposita, quoniam inter Missæ solennia Diacono Euangelium ineptè admodum legēti, stolam eripiens, ipsa sibi apponere, & eius officio defungi ausa fuerat, semet arrogantiae accusans dignitatem deposuit, annosq; septem à cella sua non discessit. Ibi etiam sedile sibi faciendū curauerat, cuius pars quæ humero tenus confidentem hemicyclo amplexabatur, in summo clauorum cuspidibus ad Psalmorum numerū dispositis horrescebat. In eo sedili illa cum psallere vellet, sese collocabat, & dextro lateri innixa quinquaginta Psalmos perlegebat, sinistro totidem, & totidem in tergo resupinata, pungentibus quaquaversum ferreis aculeis. Dum ergo paulo insolentioris facti eam poeniteret, sponte passa est præsentis depositionem, cellæ carcerem, legendi laborem, sedendi dolorem, ad hæc quotidiana ieiunia, noctesq; peruigiles. Hinc saltem discant ij qui alijs præsumunt, quali poenitentia expiari debeāt, si deliquerint. Quia multum quidem imputandum est illi, etiam cum leuiter peccat, à quo reliqui viuendi exempla petunt. *Audoenus in vita Eligi.*

Isaie 55. ER quoniam post lapsum nulla spes est salutis, nisi erigamur per poenitentiam, præter iam dicta exempla, sacrarum etiam Scripturarum crebræ præceptiones ad illam suscipiendam nos prouocant atq; compellunt. Isaías Propheta: Querite Dominum, inquit, dum inueniri potest: inuocate eum dum propè est. Derelinquat impius viam suā, & vir iniquus cogitationes suas, & reuertatur ad Dominum, & miserebitur eius: & ad Deum nostrum, quoniam multus est ad ignoscendū. *Ieremias: Reuertere, inquit, aucta-*

Ierem. 3.

auersatrix Israel, ait Dominus, & nō auertam faciem meā
 à vobis, quia sanctus ego sum, dicit Dominus, & non iras-
 car in perpetuum. Conuertimini filij reuertentes, & sana-
 bo auersiones vestras. Laua à malitia cor tuum, Ierusalem, *Ierem. 4.*
 vt salua fias : vsquequo morabuntur in te cogitationes
 noxiæ? Hæc dicit Dominus exercituum, Deus Israel. Bo-
 nas facite vias vestras, & studia vestra, & habitabo vobis-
 cum in loco isto. Nunquid qui cadit, non resurget, & qui
 auersus est, non conuertetur? Per eundem Prophetam
 ait: Si poenitentiam egerit gens illa à malo suo, quod locu-
 tus sum aduersus eam; agam & ego poenitentia super ma-
 lo quod cogitavi vt facerem ei, & subito loquar de gente
 & regno, vt ædificem & plantem illud. Sin fecerit malum
 in oculis meis, vt non audiat vocem meam, poenitentiam
 agam super bono quod locutus sum vt facerem ei. Hoc
 idem in Iezechiele habetur, dicente Domino : Si impius
 egerit poenitentiam ab omnibus peccatis suis quæ opera-
 tus est, & custodierit omnia præcepta mea, & fecerit iudi-
 cium & iustitiam, vita viuet, & non morietur; omniū ini-
 quitatum eius quas operatus est non recordabor, in iusti-
 tia sua quam operatus est viuet. Nunquid voluntatis meæ
 est mors impij, dicit Dominus Deus, & non vt conuerta-
 tur à vijs suis & viuat? Et iterum : Conuertimini, inquit,
 & agite poenitentiam ab omnibus iniquitatibus vestris,
 & non erit vobis in ruinam iniquitas. Et rursus: Impie-
 tas impij non nocebit ei, in quacunque die conuersus fue-
 rit ab impietate sua. In Iohele quoq; Propheta legimus: *Ibidem 7.*
 Dicit Dominus : Conuertimini ad me in toto corde ve-
 stro, in ieiunio, & fletu, & plāctu, & scindite corda vestra,
 & non vestimenta vestra, & conuertimini ad Dominum
 Deum vestrum, quia benignus & misericors est, patiens
 & multæ misericordiæ, & præstabilis super malitia. Quis
 scit si conuertatur & ignoscat, & relinquat post se benedi-
 ctionem? De hoc fletu & in Psalmo dicitur: Qui seminat *Ibidem 18.*
 in lachrymis, in gaudio metent. Euntes ibant & flebant :
 Venientes autem venient cum exultatione. *Iezech. 18.*
Ibidem 33.
Ibidem 2.
Psalm. 125.

Si diu ad largiorem Euangelij gratiam transeamus, ubi poenitentiae merces coepit esse beatitudo regni coelestis. Poenitentiam, inquit, agite, appropinquabit enim regnum coelorum. Et: Facite fructum dignum poenitentiae. Et: Beati qui lugent, quoniam ipsi consolabuntur. Et: Intrate per angustam portam, quia angusta porta & arcta via est quae ducit ad vitam. Ac ne angustis istis terreamur: Iugum meum suauis est, inquit Christus, & onus meum leue. Neque enim peccatorem ita delectant quies, & otium, & deliciae, ut verè poenitentem labor, sollicitudo, vitaeque asperitas. Hinc nanque regnum coelorum vim patitur, & violenti rapiunt illud. Ergo si manus, pes, oculus scandalizate, abscinde & projice, id est, omnes corporis affectus ad vitia pronos per poenitentiam submoue ac repelle. Melius est sine his intrare in regnum Dei, quam cum his mitti in gehennam ignis. Nisi enim conuersi fueritis, & efficiamini sicut paruuli, non intrabitis in regnum coelorum. Non est voluntas, inquit, ante Patrem vestrum qui in coelis est, ut pereat vnus de pusillis istis. Quis autè pusillus est, nisi qui poenitentiae humilitate se submittit? Vnde & procidenti seruo suppliciterque roganti debitum omne dimittitur. Et: Non veni, inquit, vocare iustos, sed peccatores ad poenitentiam. Beati qui nunc fletis, quoniam ridebitis. Etenim maius gaudium erit in coelo super vno peccatore poenitentiam agente, quam super nonagintanovem iustis, qui non indigent poenitentia.

Ad hanc nos & Apostolus hortatur, per quam ipse ut Apostolus fieret, meruit: Abijciamus opera tenebrarum, inquit, & induamini arma lucis, sic ut in die honestè ambulemus. Et: Expurgate vetus fermentum, ut sitis noua conspersio. Et: Gaudeo, non quia contristati estis, sed quia contristati estis ad poenitentiam. Quae enim secundum Deum tristitia est, poenitentiam in salutem stabilem operatur. Seculi autem tristitia mortem operatur. Idem monet ac dicit: Deponite vos secundum pristinam conuersationem veterem hominem, qui corrumpitur secundum desideria erroris:

renoua

Matth. 3.
Ibidem 4.
Matth. 5.

Matth. 7.

Matth. 11.

Matth. 18.

Luc. 5.
Ibidem. 6.
Luc. 15.

Roma n. 13.

1. Cor. 1. 5.
2. Cor. 1. 7.

Ephes. 4.

renouamini autem spiritu mentis vestræ, & induite nouū hominē qui secundum Deum creatus est in iustitia & sanctitate veritatis. Idem ignauia torpentē excitās ait: Surge qui dormis, & exurge à mortuis, & illuminabit te Christus. Poenitentibus quoque quorsum viam suam dirigant ostendens, inquit: Depohētes omne pondus & circumstās nos peccatum, per patientiam curramus ad propositū nobis certamen, aspicientes in autorem fidei & consummatorem Iesum, qui proposito sibi gaudio, sustinuit Crucem. *Ephes. 5.*

IACOBUS item Apostolus ad poenitentiam nos inuitans: Subditi, inquit, estote Deo; resillite autem diabolo, & fugiet à vobis. Appropinquate Deo, & appropinquabit vobis. Emundate manus peccatores, & purificate corda duplices animo. Miseri estote, & lugete, & plorate, & risus vester in luctum conuertetur, & gaudium in moerorē. Humiliamini in cōspectu Domini, & exaltabit vos. Cū igitur & veteris, & nouæ Scripturæ, hinc minis, inde promissis vrgeamur ad poenitendum; erimūs ne vsque adeo diaboli laqueis irreti, vt non protinus his excussis, ad ipsam poenitentiam curramus? Erimūs ne ita nobismet irati atque infesti, vt potius eligamus breuē vitæ huius voluptatem cum æternis miserijs, quā breuē poenitentiaē laborem cum æterna foelicitate? *Hebr. 12.*

QVOD si obturata vitiorū inculcationibus aure, hos monitus, hasque exhortationes, quibus saluti nostræ consulitur, pertransferimus: quid reliquum erit, nisi vt iræ & ultionis in obstinatos effundendæ poenas cogamur sustinere? Talibus quippe in Leuitico Dominus comminatur, dicens: Si ambulaueritis ex aduerso mihi, nec volueritis audire me, addam plagas vestras vsque in septuplum propter peccata vestra, emittamq; in vos bestias agri, quæ consumant vos & pecora vestra, & ad paucitatem cuncta redigant, desertæque fiant viæ vestræ. Idem in Prouerbijs ait: Quia vocaui & renuistis, extendi manū meam, & non fuit qui aspiceret: despexistis omne consilium meum, & increpationes meas neglexistis: ego quoque in interitu vestro *Contra obstinatos.*

Leuit. 26.

Prouer. 1.

*Isaia 63.**Jerem. 2. & ibidem 32.**Ibidem 5.**Ibidem.**Jerem. 5.**Ibidem 7.**Jerem. 11.**Osee 5.**Ibidem.*

vestro ridebo, & subsannabo, cum vobis quod timebatis aduenerit. Cum irruerit repentina calamitas, & interitus quasi tempestas ingruerit, quando venerit super vos tribulatio & angustia. In Isaia quoque scriptum est: Puer centum annorum morietur, & peccator centum annorum maledictus erit. Et in Jeremia: Verterunt ad me tergum & non faciem, & in tempore afflictionis suae dicent: Surge & libera nos. Cum autem nec afflictionibus ab impietate recessissent, Propheta respondens ait: Percussisti eos, & non doluerunt: attriuisi eos, & renuerunt accipere disciplinam; indurauerunt facies suas supra petram, & noluerunt reueri. Idcirco, inquit, percussit eos leo de sylua, Iupus ad vesperam vastauit eos, Pardus vigilans super ciuitates eorum. Rursum per eundem Prophetam alibi Dominus minatur, & ait: Ecce ego adducam mala super populum istum, fructum cogitationum eius, quia verba mea non audierunt, & legem meam proiecerunt. Et iterum: Locutus sum ad vos, inquit, mane confurgens & loquens, & non audistis: & vocaui vos, & non respondistis. Faciam domui huic, in qua innocatum est nomen meum, & in qua vos habetis fiduciam, & loco quem dedi vobis & patribus vestris, sicut feci Silo, & projiciam vos a facie mea, sicut proieci omnes fratres vestros vniuersum semen Ephraim. Valde praeterea horrendum est, quod pro his ne orare quidem permittit. Sequitur enim: Tu ergo noli orare pro populo hoc, nec assumes pro eis laudem & orationem, & non obsistas mihi, quia non exaudiam te. Et rursum ait: Mane confurgens contestatus sum, & dixi: audite vocem meam, & non audierunt, nec inclinauerunt aurem suam, sed abierunt unusquisque in prauitate cordis sui mali. Ecce ego inducam super eos mala, de quibus exire non poterunt, & clamabunt ad me, & non exaudiam eos. In Osee quoque Propheta dicitur: Non dabunt cogitationes suas, ut reuertantur ad Deum suum, quia spiritus fornicationum in medio eorum, & Dominum non cognouerunt. Deinde infert & ait: Super eos effundam quasi aquam iram meam. Ceterum cum nec

adu-

aduersitatibus concussi in viam iustitiæ redire vellent, exprobrat illis per Aggæum Prophetam, dicēs: Percussi vos *Aggæ. 2.* vento vrente, & aurugine, & grandine omnia opera manuum vestrarum, & non fuit in vobis qui reuerteretur ad me, dicit Dominus. Huiuscemodi hominum consuetudinem familiaritatemque fugiendam etiam in Euangelio discimus. De illo enim qui correptus, neque te, neque alterum, neque Ecclesiam audierit, dicitur: Sit tibi sicut *Matth. 18.* Ethnicus & Publicanus. Væ ergo prægnantibus & nutriendis in illis diebus, hoc est, qui prauis cogitationibus pleni fouent scelus quod conceperunt, & foetum alunt cum ediderint, malefactaque pro benefactis vsurpât. *Matth. 24.* De quibus Salomon ait: Latantur cum male fecerint, & *Marc. 13.* exultant in rebus pessimis. *Prouer. 2.*

Hic sunt terra illa petrosa, super qua verbi Dei semen sparsum, non habet quo radicem agat, illicoque arefcit, & *Luce 8.* cum præceptis minimè moueatur, miraculis quoque non adhibent fidem. Vnde in ipsos exclamat Dominus, dicēs: Væ tibi Corozaim, væ tibi Bethsaida, quia si in Tyro & Sydone factæ fuissent virtutes, quæ factæ sunt in vobis, olim *Luce 10.* in cilicio & cinere sedētes poeniterent. Veruntamen Tyro & Sidoni remissius erit in iudicio, quàm vobis. Hoc quoque mali habet peruersæ mentis obstinatio, vt nec suis finibus contenta indies ad deteriora prolabatur. Inde enim spiritus immundus exiens, non inuenit requiem, & dicit: Reuertar in domum meam vnde exiui, & assumit septem *Luce 11.* alios spiritus nequiores se, & ingressi habitant ibi, & fiunt nouissima hominis illius peiora prioribus. Hic est ficulnea illa, quam bonus agricola circumfodit, dum sarcullo conscientiae intima scalpit cordis, & mittit stercore, *Luce 13.* resipiscendi occasionem præbens. Vbi verò nec sic fructum fecerit, Domini iussu succiditur, ne terram occupet, vt sciamus eos qui bonorum operum sterilitate laborant, ne terrena quidem possessione esse dignos. Talem alloquens Paulus Apostolus: Ignoras ait, quoniam *Roman. 2.* beni-

benignitas Dei ad poenitentiam te adducit. Secundum autem duritiam tuam & impoenitens cor thesaurizas tibi iram in die irae & reuelationis iusti iudicii Dei, qui reddit unicuique secundum opera eius. Dominus quoque in Apocalypsi: Memor esto, inquit, vnde excideris, & age poenitentiam, & prima opera fac. Sin autem, venio tibi, & mouebo candlelabrum tuum de loco suo, nisi poenitentiam egeris.

Psalm 61.
Apoçal. 2.

Genes. 14.

Genes. 4.

Quos in poenitendo imitari debeamus.

Matth. 27.

Nō s ergo cum delinquimus, non sequamur Pharaonis duritiam, ne cum illo mergamur in profundum, non Cain desperationem, ne misericordiae diffidentes grauius fratricidio crimen committamus, nō Iudę proditoris immoderatam ex delicto tristitiam, ne præ nimio dolore citius ad laqueum, quàm ad petendam veniam curramus.

Is enim quem commissi poenitet, mœrore quidem se afficere debet, quia peccauit, sed à spe veniæ nunquam decidere, quia clementissimus est cui peccauit. Quem igitur in poenitendo sequi nobis expediet? Sequamur Sãctos, quorum exempla proposuimus.

Filius prodigus.

Imitemur prodigum filium, ut cum quo in regionem secessimus vitiorum, bona animi consumpsimus, porcos pauimus immunditiæ seruientes, cum eodem ad indulgentissimum patrem reuertamur, & ante ipsum humi prostrati dicamus: Pater, peccauimus in cœlo & coram te: iam non sumus digni vocari filij tui.

Luc. 15.

Tunc ille adhuc aduentantibus occurret, & cum propius accesserimus, amplexabitur, & cum rogauerimus, osculo pacis excipiet, pristinae innocentiae stolam nobis offeret, anulum fidei in manibus, calceamenta Euangelij in pedibus dabit, vitulum etiam saginatum apponet, cuius caro verè est cibus, & Sanguis verè est potus, cuius pastu viuatur in æternum. Tunc demum Sanctis omnibus ad celebre conuersionis nostræ conuiuium conuocatis dicet: Manducemus & epulemur, quia hi filij mei mortui erant, & reuixerunt: perierant, & inuēti sunt. Postremo & præcinget se, & iam in illo cœlesti ineffabili incomparabiliq; diuersorio faciet nos discumbere, & transiens ministrabit nobis incorruptionem, immortalitatem, lætitiā sempiternam.

Iohan. 6.

Luc. 15.

Luc. 12.

ILLVD

ILLUD interea nobis erit præcauendum, ne postquam misericorditer suscepti, clementem ac piū Dominū oblati poenitentiæ muneribus adorauerimus, redire velimus ad Herodem, neue relicta Ægypto, Angelorū iam cibum comedentes, rursus ollas Ægyptias concupiscamus, & tunc de nobis prouerbiū illud ventiletur: Canis reuersus ad vomitum suū, & sus in volutabro luti. Tu ergo qui templum Dei factus es, vide quæso, ne per lapsum iterum efficiare spelunca latronum. Audi Dominum dicentem: Vade, & noli amplius peccare, ne quid deterius tibi contingat. Quāto enim sublimior gratia, tantò cadentis ruina maior. In Ecclesiastico scriptum est: Qui baptizatur à mortuo, & iterum tãgit mortuum, quid proficit lauatio illius? sic homo qui ieiunat in peccatis suis, & iterū ea faciens, quid proficiet humiliādo se? Orationem illius quis exaudiet? Verūntamen si contigerit (quoniam natura fragiles sumus) vt iterum & iterum labamur, semper enitendum erit vt surgamus. Qui citò surgunt, citò & sanantur: iacentium plaga desperabilis est. Iacent autem, qui per abrupta vitiorum præcípites ire cursu irreuocato contendunt. De quibus dicitur: Conuersi sunt ad cursum suū, quasi equus impetu vadens in prælium. Nos ergo quoties inquinamur, toties ad poenitentis nitrum recurramus: quandoquidē etiam septuagies septies delinquenti venia indulgetur. Sed & si cum hamorrhoiſſa peccatorū fluxu diutius cōtabuimus, cum illa quoque retrò accedentes tangamus poenitentiæ ac fidei manu Domini simbriam, & remedij virtutē sentiemus. Quod si vel vñdecima hora patrifamiliās operam locabimus, forsā ab eo non minus lucri, quā qui primo mane laborare cœperūt, referemus. Nunquam fera poenitudo est, donec poenitendi tempus superest. Sed quia donec superfuturum sit nescimus, cur illam hodie agere cunctamur, cras forsitan iudicādi? Nulla profectò res est, quæ maiore cum periculo differtur, quoniam nullam aut gnatūter actam vberior sequitur fructus, aut negligenter omīssam grauius damnum.

C c

De peccat-

Canendū poenitenti ne relabatur.

*Prouerb. 25.
2. Petr. 2.*

Iohan. 8.

Eccl. 34.

Jerem. 1.

Matth. 18.

Matth. 9.

Luc. 8.

Matth. 11.

*De peccatorum Confessione..**Caput XI.*

POENITENTIBVS verò confessionem peccatorum necessariam esse, cum vtriusque Instrumēti præceptis, tum exemplis facile probari potest. Inde est, quod illi Ecclesiæ autoritate execrantur, qui saltem semel in anno non fuerint coram Sacerdote confessi peccata sua; confitendi habētes facultatem. Impius est enim, qui quicquam infectum relinquit, quod ad placandam Dei iram nouerit pertinere. Peropportune igitur de hoc Confessionis genere sermonem facere nunc pergemus.

*Adam & Eva.
Genes. 3.*

PRIMVS homines Adam & Euam cum deliquissent cibum sibi interdictum comedendo, compulit Deus confiteri peccatum suum: Adam, inquit, ubi es? hoc est, quod commisti, quantum commisisti mali? Et ad mulierem: Quare hoc fecisti? Post confessionem, eieci sunt de Paradiso subditiq; laboribus, doloribus, morti. Venit deinde Christus, exoluit pro eis debitum, & reducti sunt vnde pulsi fueras, angustijs liberati, & ex miserrimis felicissimi facti. Tunc ergo gratia accipit Confessio, cum satisfactum est pro delicto. *Gen. 3.*

Leuit. 13.

HOC Sacramentum in Leuitico figuratum est, ubi lepra perfuncti, arbitrio Sacerdotis dijudicantur. Qui immundi fuerint, extra castra eijciuntur, donec mudentur. Quia peccator nisi per poenitentiam & Confessionem fuerit expiatus, non admittitur in consortiū Sanctorum. Itaque illi qui ob lepram separatus est, lex datur, vt habeat vestimenta dissuta, caput opertum, os veste contectum, vtque contaminatū se ac sordidum clamet, & solus habitet extra castra, quæ omnia nō nisi magnæ humiliationis signa sunt, dolorē animi luctumq; præferentia. Per hanc enim purgantur peccata, lachrymisq; & confessione humiliantis se deletur scelus, quod superbiendo contractum fuerat.

Neh. 9.

Delictorum autem Confessionem cum in multis diuinæ Scripturæ locis, tum in Prophetæ Nehemiæ libro legimus, ubi dicitur, quod filij Israel dū de captiuitate reuersi,

recedi-

re edificaret Ierusalem, ieiunantes & operi saccis, & terra conspersi confitebantur peccata sua, & iniquitates patrum suorum quater in die, & quater in nocte, & adorabāt Dominum Deum suum. Poenitentiam igitur iungat Confessione, qui de captiuitate peccati redire cupit ad pristinae innocentiae statum, & construere ciuitatem sanctam in coelo pretiosis lapidibus virtutum, auroque puritatis. Quoniam non intrabit in ea aliquid coinquinatum.

Apocal. 21.

Confitebatur & Iob, dicens: Peccaui. Quid faciam tibi, o custos hominum? quare posuisti me contrarium tibi, & factus sum mihi met ipsi grauis? Cur non tollis peccatum meum? & quare non aufers iniquitatem meam? Ecce nunc in puluere dormiā, & si manē me quāsieris, non subsistam. Instat & vrget, vt citius veniam consequatur, incertus an vsque manē vita sibi suppetet: certus autem, post mortem non esse veniæ locū, sed iudicio, vt quisque recipiat prout gessit in corpore, siue bonū, siue malum. Et si Iob, qui Dei sententia iustus habebatur, non negat se peccatorem, quis existimabit se expertem esse peccati? Aut si ille qui nihil graue commiserat, sic efflagitat dimitti sibi, vt vsque manē differri periculosum arbitretur: tui periculum non erit, procrastinare opus, quo veniam ipsam promereri possit?.

Iob. 7.

I D E M ait: Vias meas in cōspectu eius arguam, & ipse erit Saluator meus: vt ex hoc intelligas, peccatorum Confessionem refugium esse salutis.

Iob. 13.

Q V I D ipse Dauid? nōne statim post Confessionem translātū à se adulterij simul & homicidij crimen agnouit? Peccaui, inquit, Domino. Et continuò responsum accepit à Propheta: Dominus quoq; translulit peccatū tuū. Sed & rursum in Psalmis clamat: Iniquitatē meā ego cognosco, & peccatū meum contra me est semper. Tibi soli peccaui, & malum coram te feci. Ecce in iniquitatibus conceptus sum, & in peccatis concepit me mater mea. Delictum meum cognitum tibi feci, & iniustitiam meam non abscondi. Dixi, confitebor aduersum me iniustitiam meam Domino, & tu remisisti impietate peccati mei. Et iterum:

David rex. 1. Reg. 12.

Psalm. 50.

Psalm. 31.

404 DE PECCATORVM CONFESS.

Psal. 37.
Psal. 118.

Iniquitatem meam annuntiabo, & cogitabo pro peccato meo. Confitebor tibi in directione cordis, in eo quod didici iudicia iustitiæ tuæ. Vias meas enuntiaui tibi, & exaudisti me. Cogitavi vias meas, & cōverti pedes meos in testimonia tua. Ex his discamus Confessionis virtutem, confitentis humilitatem, cogitantis sollicitudinem, ad hæc etiam poenitentis dolorem, ubi ait: Exitus aquarū deduxerunt oculi mei, quia nō custodierunt legem tuam. Et: Laboravi in gemitu meo, lauabo per singulas noctes lectum meum, lachrymis meis stratum meum rigabo. Certè si iugiter considerauerimus, quanto & quali Domino peccauimus, etiam post veniam nunquam deerit nobis flendi materia, donec ille tandem benignitate lachrymas nostras penitus absterget, quæ & peccatum remisit.

Psal. 6.

Ezechias rex.

Isaia 38.

EZECHIAS quoq; (cuius poenitudo & innumeram hostium multitudinem strauit, & longiora vitæ spatia illi meruit impetrare) docet, quo moerore delicta meditanda confitendaq; sint, dum ad ipsum cui confitebatur, ait: Recogitabo tibi omnes annos meos, in amaritudine animæ meæ. Et quid huiuscemodi Confessionē sequatur, ostendit subiungens: Tu autem eruisti animam meam, vt non periret: proiecisti post tergum tuum omnia peccata mea.

Daniel Prophet.
Daniel. 9.

AD DANIELEM Prophetam, dum populi & patrū peccata confiteretur, Gabriel Angelus aduolasse dicitur, & eidem liberationē eorum de Babylonica seruitute mox futurā nuntiassse. Ex quo apparet, humiliter confitenti præsto esse Angelorum ministeria, & eundem his internuntijs Deo reconciliari, & de peccati iugo ad innocentiae libertatem reuocari.

Israelita.

Christus.
Sacerdotes.

CONFITEBANTVR igitur fideles Israelitæ soli Deo, quoniā nullus adhuc inter Deū & homines medius erat. Postquam autem mediator venit Dominus noster Iesus Christus, non nisi per ipsum nobis ad Deum accessus est. Sicut autē ipse est Sacerdos inæternū secundum ordinem Melchisedech, ita cū cœlum conscenderet, vicarios nobis in terra reliquit Sacerdotes. His ligandi soluendique

potestatem

potestatem tribuit, hos gregis sui Pastor bonus curam habere *Iohan. 20.*
iussit, his denique Claves regni coelorum dedit. Per illos ergo
vitam nostram exponamus Deo, & cum hic ab eis remitteretur
nobis peccata nostra, tunc remissa credamus & in coelo.

PORRO ijs delicta nostra confiteri nos oportere, iam tum *Christus.*
innuebat Saluator noster, cum leprosis mundatis, uti se sa- *Luc. 17.*
cerdotibus offenderet, iniunxit. Soluedi quoque ius ad suos *Iohan. 11.*
duntaxat vicarios. i. ad eosdem Sacerdotes pertinere, iam *Matth. 21.*
tum significabat, cum eis ut Lazarum insititis & sudario li- *Marc. 11.*
gatum soluerent, & abire sinerent, mandauit, cumque as- *Luc. 19.*
nam & pullum funiceis vinculis liberare, atque ad se adduce-
re eis praecepit, signis ostendens quod autoritate firmabat.

POST haec sane & Iacobus Apostolus, non ad alios *Iacobus apost.*
quam ad Sacerdotes nos mittit, dicens: Infirmatur quis in *Iacob. 5.*
vobis: inducat Presbyteros Ecclesiae, & orent super eum,
ungentes eum oleo in nomine Domini, & oratio fidei sal-
uabit infirmum, & alleuiabit eum Dominus. Ac ne tantum
de infirmitate corporis curanda dictum putemus, adiun-
git: & si in peccatis sit, remittentur ei: statimque infert:
Confitemini ergo alterutrum peccata vestra, & orate pro
inuicem ut saluemini. Itaque & Presbyteros inducere, &
peccata confiteri iubet, ne sufficere arbitreris, aut intra te *Nota.*
confiteri Deo, aut alteri quam Presbytero confiteri. Alio-
quin frustra Claves datae essent Ecclesiae, si sine illis pateret
aditus regni coelorum. Frustra ad solos Discipulos dictum
fuiisset: Quorum remiseritis peccata, remittentur eis: si &
alii quam Sacerdotes confitentium peccata possent remit-
tere. Hinc illud emanauit Ecclesiae institutum, ut utriusque
sexus fideles proprio Sacerdoti saltem semel in anno con-
fiteantur, & ab eo iniunctum Poenitentiae laborem perfici-
ant. Hoc ut lubentius accuratiusque exequamur, nostro-
rum exempla Sanctorum perquiramus.

LANGVENTI Monacho, qui iam fari nequibat, Phi- *Philiber. 33*
libertus Rothomagensis Abbas Deum precatus linguam *Abbas.*
expetiuit, ob hoc solum ne sine Confessione decederet.
Vbi enim confessus est, illico expirauit. Satis esset in tali

necessitate intimus peccatorum dolor & ipsa cordis contritio. Sed Sanctus Abbas nescius, an ille conuenienter doleret, à confitente discere voluit, vt pro eius salute confidētius oraret, simulq; ostēderet, quàm necessaria sit Confessio, his qui loqui possunt, quandoquidem & pro mutis elaborandū est, vt cōfitendi causa loquantur. *Sur. Tom. 4.*

*Seuerus
Presbyter.*

N O N solūm muto vocē, verūmetiam mortuo vitam aliquando restitutam hac de causa fuisse legimus. Seuerus enim Sacerdos (vt in Beati Pontificis Gregorij Dialogo relatū est) vocatus ad cuiusdam ægrotantis Confessionem audiendam; cū paulò tardius venisset, vita defunctum offendit, eaque vehementer angī afflictariq; cœpit, se illius interfectorem, se homicidam clamitans. Et dum in his lamentis cadaueri incumbens acerrimè fleret, reuixit qui iacebat mortuus, dixitq; se dum ab impijs spiritibus ad horrenda tenebrarum loca raptim traheretur, ab Angelo protinus dimitti, atque corpori restitui iussū, quod diceret Deum id Seueri lachrymis indulsisse. Igitur vbi confessus est, peracta septem dierum Pœnitentia, iterum obiit, corporis vinculis pariter peccatorumq; absolutus. Caueat ergo Sacerdos horam terere cunctando, quoties ad tam necessarium opus accersitur, ne si Seueri fletum imitari nequiuert, reatum subire cogatur mortui, non confessi. Caueat & æger differre Confessionem, ne confitendi mora peccandi pertinaciæ imputetur. Sicuti isti imputata fuisset ad perpetuum supplicium, nisi aliena ei merita peropportune succurrissent. Hinc est illud in Ecclesiastico præceptum: Confiteberis viuens, viuus & sanus confiteberis, & laudabis Deum: & gloriaberis in miserationibus eius. *Greg. Dial. lib. 2. c. 12.*

Ecc. 17.

C A V E A T præterea Sacerdos, ne qua nimis acerba increpatione conturbet confitentem, & vulnus quod leni sotu curandum est, durius contrectans exasperet ac suppurare cogat, ne fortè & ipsi contingat, quod contigisse senicidam in Ægypto refert Iohannes Cassianus. Qui Monachum adolescentē cū in Cōfessione audisset, libidinē

Quidā senior.

incent-

incentiuus identidem vrgeri, immoderata reprehensione
propè ad desperationem compulit, indignum Monachi no-
mine contestans, cuius pectus impudicis cogitationibus
patere potuerit. Sed mox ipse iusto Dei iudicio eadem ten-
tatione tam vehementer inquietari cœpit, vt & hic senex,
sicut & ille iuuenis, iam ad seculum redire secum in animo
versaret. Cæterum sapientia ac sanctitate præditus Apollo
Abbas, iuuenem vultu demissum cernens, cum tristitiæ
causam didicisset, blanditer consolatus est, docens non esse
malum foeda cogitatione impugnari, sed vinci. nam se-
quoque idem sæpe passum, Deo tamen adiuvante nunquam
succubuisse. Deinde senem, iam relicto in quo ætatem ege-
rat tugurio, vagum profugumq; ad se aduocans, vt rediret
admonuit, & iam suam expertus imbecillitatem, alienæ
misereri disceret, non irasci. Posthæc pro illo precatus, ten-
tationem oratione abegit. Improuidus igitur iste confessio-
nis auditor, nonne & se, & confitentem perditum isset? Nonne
cæcus cæcum ducens ambo in foueam corruissent, nisi A-
pollo Domini miserantis nutu, manum suam vtrique sup-
posuisset? Sapienter itaque ab Apostolo præceptum est: Si *Galat. 6.*
preoccupatus fuerit homo in aliquo delicto, vos qui spiri-
tales estis, huiusmodi instruite in spiritu lenitatis, confide-
rans teipsum, ne & tu tenteris. Alter alterius onera por-
tate, & sic adimplebitis Legem Christi. *Cassian. Coll. 2. c. 13.*

QVANTA verò sanctæ Confessionis virtus sit, etiam *Vgo Abbas.*
inde disci potest, quod Vgoni Boneuallensi Abbati quenda-
m ex fratribus post mortem apparuisse ferunt, & mox
vt peccatum confessus est, poenis quibus afficiebatur, se
liberatum dixisse. Hanc autem confitendi facultatem id-
circo sibi reseruata, quoniã absente Abbate decesserat,
deliberatum habens illi confiteri cum redisset. Etenim
fratrum absolutio, ex monastico instituto, ad solum Abba-
tem spectabat. Expedit igitur etiam cum abest cui confite-
ndum sit, confitendi semper habere propositum. Pro in-
confesso erit, qui quamuis copiam confitendi non habeat,
non habuerit voluntatem.

Serapion Abb.

ILLI quoque exemplo vis patuit Confessionis, quod in collationibus Cassiani proditum est de Serapione Abbate. Hic iuuenulus adhuc sub Theona Præposito, edacitatis morbo têtatus, post Nonæ refectioem, paximacium furto sublatum, vesperi latenter comedere consueuerat. Sed tandem conscientia stimulo agitatus, coram Abbate prosternitur, peccatum cōfitetur, & cum poenitentia mœrore veniam exposcit. Vix dum verba finierat, & flamma de sinu eius, in quo praximacia recôdere solitus erat, promicans, intolerabili foetore cellam in qua erant, repleuit. Ille nunquam postea tali edédi auditate se pulsatum sensit. Vincebatur quàm diu occultū tenuit facinus; porro ubi cōfessus est, ita victor euasit, vt ad eandem pugnam redire vltra necesse nō fuerit. Illam quippe diaboli flammam penitus extinxit humilitas confitentis. *Cassian. Coll. 2. c. 11.*

*Institutum
Monasticum.*

RECTE itaque quibusdam in Monasterijs præceptum constitutumque esse legimus, ne iuniores quicquid mente conceperint, pigritentur illud repentē Præpositis manifestum facere, vt nihil ipsi dijudicent, nihil sibimetipsis credant, sed semper Seniorum regantur arbitrio, Seniorum sententijs stare assuescant. Ita fiet, vt in eis neque prauæ cogitationes moram faciant, neque dubia errorem inducāt, neque vllus vnquam aduersario superfit fallendi locus.

Femina.

NE verò nihil de foeminis dixisse arguamur, tamen omnia ferè quæ ad virtutem spectant, vtrique sexui communia sint, vnum tamen earum exemplū promam. Ferunt mulierem quandam peccata sua in volumine descripta, Basilio Magno porrexisse, supplicantem vti pro eorum remissione Deum deprecaretur. Orauit ille, & omnia deleta apparuere præter vnum cæteris grauius. Cuius causa dum ad Effren Eremitam missa mulier nihil profecisset, inde rediens, Basilium iam diem suum obisse comperit, fleuitq; vbertim, mox chartam illam super iacentis pectus deponeus, cum tandem sustulisset, id quoque in ea quod residuum erat, abolitum deprehendit. Hinc nosse licet, quantum pro fit confitenti bonū ac sanctum habere auditorem, cuius

tuius merita sibi ad veniam facilius pleniusque assequendam suffragari possint.

Q u o d verò (vt dictum est) per sacram Confessionem *Arrepti iij.* abolitio fiat peccatorum, etià quotidianis experimentis discimus. In ijs vtique, qui malignis arrepti spiritibus quandoque occulta aliorum facinora manifestant, ea palam obijcientes, quæ illi, quibus obiecta sunt, mox vt confessi Sacerdoti fuerint, & ad eum qui arreptus est reuersi, nihil ultra quod sibi exprobrandum sit audiunt. Quinimò ipse in homine loquens, affirmare solet dæmon, nequaquam esse eos illos qui pauloantè fuerant, sed alios omnino. Tanta ergo res est Confessio, vt diabolo statim os obstruat, ne hominem accusare possit, quem prius in multis damnare ausus fuerat.

Et cum hoc ita sit, quis adeò impudens est, vt in ijs quæ *Exhortatio ad* foeda atque turpia sunt, diabolo prodente deprehendi ma- *confitendum.* nult, quam ea secretò vni homini confitendo antè delere? Aut quis econtrariò tam verecundus, vel potius tã vecors est, vt illud Sacerdoti dicere erubescat, quod in conspectu Maiestatis diuinæ (cui omnia aperta sunt) facere non erubuit? Pudere quidem debet peccatorem, sed eatenus, vt & peccasse confundatur, & nihil subtrahat in Confessione, cum scriptum sit: Pro anima tua ne confundaris dicere verum. Est enim confusio adducens peccatum, & est con- *Ecclesi. 4.* fusio adducens gloriam & gratiam. Altera quippe crimen suum quantùm potest celat, nec tamen ab eo discedit: altera verò detegit cui oportet ac reuelat, & confitendo poenitendoque diluit, atque iterum eò delabi, vbi confundi necesse est, cauet. Qui ergo (vt Salomon sapientia plenus ait) *Prouer. 28.* abscondit scelera sua, non dirigetur: qui autem confessus fuerit & reliquerit ea, misericordiam consequetur. Idem dicit: Reuela Domino opera tua, & dirigentur cogitationes tuæ. Et Iohannes Apostolus, cui futurorum arcana spiritalibus oculis licet intueri: Si confiteamur, inquit, peccata nostra, fidelis est & iustus vt remittat nobis. Quid autem opus est celare hominem, quod non latet Deum?

C c §

Quòd

Quòd si ea quæ malè nequiterq; egisti, vni nunc Sacerdoti absconderis, postea certè in die Iudicij toti publicabuntur mundo, amicis, inimicis, viris, mulieribus, omnibus Angelis, omnibus Sanctis videnda coràm exponentur. Nihil tunc absconditū erit quod non reueletur, nihil occultum quod nō sciatur, nisi quod antè Cōfessione ac poenitudine fuerit abolitum. Pandentur ex cordibus multorū secreta cogitationes, dicta facta que in aperto erunt, dicente Domino per Prophetam: Reuelabo pudenda tua in facie tua. sed omni etiam reuelatæ turpitudinis confusione intolerabilior sequetur ultionis pœna. Quam quidē Osee Prophetæ puerperæ cruciatibus (vt omnium maximam) comparat, dicens: Colligata est iniquitas Ephraim, absconditū peccatum eius, dolores parturientis venient ei: sed vehementiam expressit angoris, non diurnitatem. Parturientis enim labor brevis est, at verò inconfessis & impoenitentibus perpetuum infinitumque supplicium paratum est,

*De Sacrosancta Communione,
Caput XII,*

POST Poenitentiam Confessionemque peccatorum, restat vt ad Mensam Domini accedamus, Corpori & Sanguini eius communicantes, qui est Caput nostrum, sine quo nos qui membra sumus, viuere omnino non possumus. Ait enim: Nisi manducaueritis Carnē Filij hominis, & biberitis eius Sanguinem, nō habebitis vitam in vobis. Cuius nunc Sacramenti veritatem, excellētiam, fructum, exemplis astruere conabimur, quantum in nobis erit, autoritateque Scripturarum, ne cui fortè incredibile videatur, quod supra omnem naturæ vim fieri audierit, & ibi magis eius vacillet fides, vbi credentibus certior beatitudo promittitur.

DOMINVS igitur noster Iesus Christus acceptum panem & vinū benedixit, dicens: Hoc est Corpus meū, &: Hic est Sanguis meus. Non fallit ipse qui veritas est, & si multa

Lucæ. 11.

Lucæ. 2.

Natum. 3.

Osee. 13.

Iohan. 6.

Matth. 16.

Marc. 14.

Iohan. 22.

multa hominibus credimus, cum scriptum sit: Omnis homo mendax: non credemus Deo qui verax est, imò veritas ipsa? Aut non fuit illi possibile panis vinique mutare substantiam, cui possibile fuit creare cuncta? Sed panis & vini, inquires, formam permanere cerno: quomodo vis, ut aliud esse, quàm quod video, credam? Eodem profectò modo quo animal aliquod ex ære lapidève effigiatum conspicias, fucatumque coloribus, & tamen nò animal esse intelligis, sed æs aut lapidem, aut materiam aliam. Rursum dices: Ista quidem animalis effigies visum posset decipere, odoratu tamen, gustu, tactu deprehenditur, non esse id quod videtur. At in Sacramento isto panis & vinum sicuti oculis videntur, ita & sensibus cæteris pariter percipiuntur, Statuarius ergo in æris vel lapidis materia potuit obijcere oculis tuis animalis speciem: nò poterit Christus in Corpore suo panis & vini, sicuti oculis, ita & naribus, & palato & tactui? Non vis plus Deum posse, quàm hominem: & cunctorum autorem, quàm creaturam? Quòd si ille artifex efficere potuit, ut aliud cernas quàm quod est, non poterit artificis Dominus & plasmator omnium efficere, ut aliud etiam gustes, odoreres, tangas, quàm quod est? Si vnum ex sensibus homini subdis, subde & reliquos Deo, aut confitere inter Deum & hominem nihil differre. quod prorsus Deum esse, negare est. Ad hæc nòne inest hydro-meli vini sapor & color, cum mel & aqua sit, non vinum? nòne etiam vsu venit, ut quædam vel vetustate, vel vitio, alienum odorem imitentur, suum amittant? Aquæ cum gelantur, corpus non liquoris, sed vitri habent. Vides igitur quibusdam in rebus interdum contingere alterius rei saporem, colorem, odorem, tactum, nec tamen ideo reris illas esse alias quàm quæ sunt: & de Christi Corpore dubitas, quia quæ panis & vini sunt in se conseruat, non quæ Carnis & Sanguinis, cum tamen Caro & Sanguis sit? Imò idem ille qui natus est de Virgine, qui pependit in Cruce, qui surrexit de sepulchro, qui ad dexteram Dei sedet in cælo? Deniq; noli sensibus tuis credere, qui falli decipique possunt:

1. Corint. 11.
Psalm. 115.
Veritas Corporis Christi sub specie panis & vini.

possunt: crede illi, qui nec falli, nec fallere potest, quo nihil est verius, nihil certius, à quo vel minimum dissentire perniciosissimus error est. Et quid mirum, si ille tibi in panis & vini figura apparet, qui Magdalenz in forma apparuit hortulani, & Discipulis ad castellum Emaus pergentibus in forma peregrini, & quidē ab ijs noluit statim agnosci, tibi verò quoties panis & vinum à sacerdote consecrantur, dicit: Hoc est Corpus meū, hic est Sanguis meus. Et: Beati qui non viderunt & crediderunt, hoc est, qui sacram hostiam illam quam vident, Christū Iesum esse credunt, quem non vident. Latet Diuinitas, latet Humanitas, sed vtrunque sola intuetur fides, dum de vtriusque presentia nihil hæsitat. Credendum ergo est, & citra omnem rei ambiguitatem firmiter tenendum, panis viniq̃ substantiam in substantiā transire Corporis & Sanguinis Christi, & hoc quidem virtute verborum Christi, quæ per illos duntaxat proferuntur, quibus ipse dixit: Hoc facite in meam commemorationem: Iam tum Sacerdotes instituens, per quorum ministerium ipse nobiscum esset vsque ad consummationem seculi. Quoniam sine illo ieiuni & esurientes deficeremus in via, veluti defecerunt, quibus Manna in deserto fastidio fuit.

Cum autem panis & vini, neque forma, neque formæ accidentia immutentur, ne scilicet manducare potareq̃ue exhorrescas. Si enim species illas in Carnem & Sanguinē, sicuti sunt, ita versas cernerēs: respuerēs profectò & stomachans atque auersus cum illis fortasse qui credere noluerunt, dicerēs: Nauseat anima mea super cibo isto leuissimo. Ipse itaque qui manducari, potariq̃ue voluit, facere etiam sumentibus se ita voluit, vt omnem prorsus excusationis occasionē de medio auferret, qua dicere quis posset, sibi horrendū fuisse, ori ac dentibus admouere Corpus Christi viuum, ideoq̃ue ipsi iungi communicariq̃ue noluisse. Sic igitur se nobis offerens, infirmitati nostræ prudenter cessit, & simul salutem clementer consuluit, ne cibum sumere timeremus, cuius pastu immortalitatem, incorruptionem

Iohan. 25.

Luce. 24.

Luce. 22.

Iohan. 20.

Quæ tres species
non mutantur.

Num. 21.

ptionem, beatitudinemque consequimur æternam.

QUOMODO autē Christus & in coelo cum Angelis, *Quæ miranda in Sacramento, sed credenda.*
& in terra nobiscum sit, quomodo vnus in multis hostijs
sicut & in vnaquaque earum, vel qua ratione fractis illis &
communicatis ipse semper integer illæsusque perseueret:
quomodo etiam qui quotidie à fidelibus sumitur, nō con-
sumatur: Vel qualiter sub tam angusta forma totus sit:
Vel quo pacto is qui supra cœlum est, illito vt dicta fuerint
consecrationis verba, in altari adsit: mirari potius, quàm
scrutari licet. Sed quanquā diuina humanis inuisibiliaque
visibilibus nequeant comparari, quæramus tamen aliquas
rerum similitudines, quò magis credibilia videantur, quæ
veriora sunt, quàm vt de illis quicquam dubitare fas sit.

SI C igitur in coelo simul & in Altari est Christus, *Quòd & in cœlo, & in altari sit.*
quemadmodum radij Solis cum oritur, in Oriente pariter
& in Occidente apparent, nec tamen lux illa substantia
Solis est, cum in sacrificio Altaris eadem substantia Christi
sit, quæ in cœlo est.

VNUS quoque Christus in plurimis hostijs est, nec
minus in vna quàm in omnibus, nec plus in omnib⁹ quàm
in singulis, sicuti eadem vox & in ore sermocinantis, & in
omnium auscultantium auribus est: aures multæ, vox vna.
Auris tamē alia magis, alia minus vocis capax est, vtraque
autem Sacramenti species æquè capax Christi est. Quem
quidem haud ineptè Solis luci, atque loquentis voci com-
parauimus, quia ipse & Sol iustitiæ, & lux mundi, & ver-
bum Patris est.

PRÆTEREA fractio illa manducatioq; in specie pa- *Quòd fractio
specie nō fran-
atur Corpus.*
nis & vini, nō in substantia Christi fit, quæ diuidi separariq;
non potest, velut fracto speculo non frangitur intuentis
imago, sed etiam cuique fragmento eadem imago, quæ
speculo integro inerat, inest. Attamen in Sacramento non
imago Christi est, sed substantia eius: imago autem panis
& vini est, quamuis ipse Christus imago Dei inuisibilis sit. *Quòd sepe*

QUOTIDIE enim à nobis sumptus nō consumitur, *sumptum non
consumatur.*
sicut nec amor erga me tuus idcirco minuetur, si alijs quo-
que

que quamuis multis communicatus fuerit. Potest quidem omnibus impertiri, & semper apud te integer permanere. Sicut etiam lucernæ vnius lumen non ob hoc minus fulgoris habebit, cum ab ea plurimæ aliz accensæ fuerint. Et si ijs rebus nihil infertur detrimenti ex communicatione, multò minus Christo, qui & verus amor est, diligens electos suos usque in finem, & lucerna semper lucens omnibus qui in domo sunt.

Iohan. 13.

Matth. 5.

Quòd sub modica specie totus Christus sit.

TOTVS autem: Christus sub tam exigua latet specie, quemadmodum intra pupillam oculi oppidum aliquod videtur, vel mons. Representatio tamè ibi est sicut in speculo, non veritas: in Sacramento autem tota substantia Christi magnitudo est, quam non loci spatium metimur, sed vi naturæ. Ac ne fortè ideo spatium illud quo hostia circumscribitur, vacuum putes, sua specie plenum est: species in loco, substantia in natura est.

Quòd sine motu ex coelo ad Altare adfit.

Ex coelo quoq; ad Altare. i. ad terram usque, delabendo, moram non sustinet, sicut nec oculi nostri acies coelum & sidera suspiciendo, cum hæc à nobis tam distant procul. Verum obtutus noster non ita perfectè absoluteque longinqua, ut proxima, cernit: Deo autem omnia pariter proxima sunt, pariter præsentia, neq; locorum intercapedine præpediri, neque temporis puncto retineri potest, quin statim ibi sit ubi vult, & quali forma videri voluerit, tali repente & appareat: denique omnia potest, per quem facta sunt omnia.

Quòd dicendo omnia non possunt explicari.

NOS profectò (ut in Ecclesiastico scriptum est) multa dicimus & deficimus, nequaquam valentes explicare sermone quod fide tenemus. Igitur quonià ibidem præcipitur, ne laboretis, non enim comprehédetis: imitemur turbam illam quam pavit Dñs, ut quod capere possumus capiamus, reliquias dimittentes in cophinos eorum recondendas, quibus datum est nosse Mysterium Dei: sed tamen cum illis pariter credentes, ut pariter cum illis saluemur. Quam quidem fidem ut nobis magis certam probatamq; redderet Dominus noster, signis manifestissimis interdum dignatus est roborare, nec credere dubitemus etià illud, quod intellectu non percipimus.

VITER-

VITERBIÆ (quod oppidum Piceni est) Sacerdos quidam dum Missam celebraret, hostiam sacram sumpturus dubitavit, essetne illa vera Caro Salvatoris, & cum de more manibus confregisset, cruor inde manare coepit; ita ut album panniculum, quod Corporale appellant, sibi subiectum magna ex parte inficeret, frustra; tentatum est maculam illam elui aquis. Atque ob miraculi fidem, pannus ipse in sacrario Viterbinæ Ecclesiæ adhuc servari dicitur. Eam potissimè ob rem, quartus Urbanus Pontifex (cum forte ibi adesset) diem Corporis Christi festum constituit, qui peractis Pentecostes officijs Feria quinta proxima solennis est. Pontificis maximi testimonio credat, annuæque Celebritari ab eo indictæ, quisquis vel miraculo non interfuit, vel pannum sancto Sanguine perfusum non vidit.

*Miraculum
Viterbij.*

EDVARDUS Anglorum regi sanctitate magis quam regno celebri, dum Missali sacrificio interfuisset, in manibus sacrificantis Presbyteri Christum ea corporis forma, quam de Virgine matre sumpsit, ferunt apparuisse. Nō quod sanctus rex quicquam de veritate Sacramenti ambigeret, sed ut ambigentibus ipse (cuius verbis habebatur fides) visa predicaret. Eo attestante, crediderunt, quibus veritatem persuadere ratio nequiverat. *Osbert. Sur. Iam. 1.*

Edwardus rex.

IN BEATI quoque Pontificis Gregorii vita legimus, cum Corpus dominicum cuidam foeminae sumendum offerret, quæ panes ipsos quos ille consecrabat facere consueverat, incredula renuebat accipere, quod diceret, nequaquam esse illud Corpus Domini, sed panem quem ipsa suis manibus formauerat, ipsa cokerat. Tunc Pontifex ægre ferens infidelitatem mulieris, oravit Dominum, & panis species versa est in speciem carnis. Rursum oravit, atque ubi pristina Sacramento facies rediit, credenti iam ac poenitenti illi obtulit. Experimento credidit mulier, quod si absque eo credidisset, multo maius fidei sibi meritum accessisset. Beati enim qui non viderunt, & crediderunt. *In vita Greg. lib. 2. c. 41.*

*Gregorius
Pontifex.*

STEPHANVS Presbyter Constantinopolitanus, ca-
put foeminae Hostia sacra contingens, ab ea demonem
a quo

*Stephanns
Presbyter.*

à quo verabatur, expulit. Quæ liberata dixit, sibi tunc visum fuisse, quod ille puerum nudum ac viuum vertici supponeret suo. Dubitari posset ne commentum cõfinxerint, si secuta sanitas non faceret fidem. Panẽ quippe malignus ille spiritus minimẽ timuisset, sed ipsum ferre nequiuit, qui panis figuram nobis præfert. Puer ergo terruit dæmonem & fugauit, vt si scemina verbis non credimus, operibus Christi credamus. *Niceph. rerum Rom. lib. 22.*

Maria Decegnies.

MARIA etiam cognomento Decegnies eundẽ pueri figura visum perhibet, dum Sacerdos inter sacrificandum de more manus sustulisset. In quo hoc quoque mirum & ineffabile, quomodo eodem tempore, in eodem corpore alij aliam effigiem viderint, illa pueri, alij panis: illa quod erat, alij quod esse videtur, & nõ esse creditur. Cur autem ita ei, nisi ad submouendum scrupulum dabitatis, non ab ipsius mente quæ sancta & fidelis erat, sed illorum qui dubitassent, si tantæ opinionis mulierem mentiri posse arbitrarentur? At quare non cæteris, sicut & ipsi vni, puer apparuerit? vt scilicet credentes quod non vident, videre mereantur quod credunt. *Iacob. de Vtr. Sur. Tom. 3.*

SATIS hæc de veritate Sacramenti, nunc eius excellentiam dignitatemque tractemus.

De excellentia Sacramenti.

INDE primũ tanti Mysterij panditur magnitudo, vbi in veteri Instrumento figuræ eius præcesserunt, & si in signis nobilitas inerat singularis, quãto maior inest veritati? In typum ergo huius prima libatio fuit panis & vini. Et ne vulgare Sacrificium putes, qui libabat, & rex erat, & Sacerdos, & quidẽ talis, vt Sacerdotiũ significaret Christi, cui per Prophetam dictum est: Tu es Sacerdos in æternum secundum ordinem Melchisedech.

*Genes. 14.
Psal. 106.*

Exod. 12.

AGNVS quoque filijs Israël immolari iussus cùm de seruitute Pharaonis liberati sunt, prænuntiabat Sacramentum istud, quo nos à seruitute diaboli liberamur vniti Deo. Si ad agnum respicit, absque macula est. Si ad dei qua immolabatur, celebritatem nullã apud Hebræos maiorem Phasẽ inuenies.

H O S T I A

HOSTIA etiā illa quę in Lege offerebatur pro peccato, *Leuit. 7.* quę sanctificabat quicquid tetigisset, quę Sancta sanctorū dicebatur, cuius sanguis inferebatur in Tabernaculū testimoniū ad expiandū in Sāctuario, nōne per omnia innuebat hostiām hāc, quę pro peccato in ara Crucis offerenda erat, quę verē Sancta sanctorū est, cuius carnē manducantes sanctificamur, cuius sanguinem potantes mundamur?

ET de hostia pacificorum scriptum est: Qui fuerit mū- *Ibidem.* dus, vescetur ex ea: anima polluta quę ederit de carnibus hostiæ pacificorum quę oblata est Domino, peribit de populis suis. De hac autem, quę de cœlo descendens pacem attulit terræ, cōcilians ima summis, per Apostolū dicitur: *1. Corint. 11.* Probet se ipsum homo, & sic de pane illo edat, & de calice bibat. Qui enim manducat & bibit indignē, iudiciū sibi manducat & bibit, non dijudicans Corpus Domini.

MANNA etiam illud, quo populus Israhēl vixit in deserto, figurabat cibum hunc, quo nos in seculi huius deserto sustentamur. Alioqui fragiles & imbecilli deficeremus in via, neq; diabolo resistere, neq; concupiscentijs repugnare possemus. Et tamen ad illos dicitur, Patres vestri manducauerunt Manna, & mortui sunt. *Exod. 16.* Qui verō comederit panem hunc, viuet in æternum; vt scias quantō figuræ præcellat veritas. *Iohan. 6.*

MULTO ergo validior est panis iste panē illo subcineritio, qui in manu Gedeonis ducis euertit castra Madian. *Judic. 7.* Multo sanctior illo, quē ipsi Dauid & ijs qui cū eo erant, *1. Reg. 21.* edere nō licuit, nisi cum se mundos à mulieribus esse cōfessi sunt. Multo plus vigoris conferens comedenti, quā ille, in cuius fortitudine ambulauit Elias xl. diebus & totidem noctibus, vsque ad montem Dei Oreb. Multo sua- *3. Reg. 19.* uior farina illa, quę ab Elisæo in ollā missā pulmenti amantitudinem vertit in dulcorem. Nullū deniq; sacrificiū, *4. Reg. 4.* nlla oblatio huic oblationi cōferenda, quę quidem lux est, nōn vmbra: veritas, non typus: & indulta in Euangelio gratiæ plenitudo, non in omnibus Legis cæremonijs suspensa futuri expectatio.

Dd Hoc

Isa. 55. Hoc enim est illud conuiuium, de quo *Isaias* Prophetans, ait: Et faciet Dominus exercituum omnibus populis in monte hoc conuiuium pinguium, conuiuium vinemix, pinguium medullatorum, vindemix defecatz. Hæc est illa oblatio, de qua Dominus ipse per *Malachiam* gloriatur, dicēs: In omni loco sacrificatur, & offertur nōmini meo oblatio munda, quia magnum est nomen meum in gentibus. Hanc *Zacharias* quoque in spiritu cernens & admirans, bonum & pulchrum Dei appellat, dicens: Quid bonum eius est, & quid pulchrum eius, nisi frumentum electorum, & vinum germinans virgines? Esto sanè: bona etiam & pulchra pro tempore fuerint legis sacrificia: nunquid tamen aliquod eorum virgines germinare dictū sit? Vnde apparet, non terrenum, sed cœlestem esse cibum, quo aliti homines angelicam vitam viuere cœpere profitentes castitatem. Etenim cibus quoque ipse caro est de Virgine sumpta, Deoque ita vnita, vt Deus & homo non duo sint, sed vnus Christus. Christum ergo in Altari sumimus, quo quid vnquàm dici aut cogitari potest præstātius, magnificentius, sublimius?

Tuo Presbyter Igitur haud temerè Iuoni Presbytero Missam celebranti, dum sacrā hostiā reuerenter offerret, igneus globus super verticē altitisse visus est. Quæ res tantæ admirationi fuit, vt quod ipse manibus extulerat, ijs etiā qui prius dubitauerant, diuinū esse appareret, adorarentq; deinceps in Sacramēto, nō quod viderēt, sed quod esse crederēt. Neq; enim ad species illas visibiles dirigēda adoratio est, sed ad substantiam Christi, quæ sub ipsis occultatur. *Sur. Tom. 3.*

Dominicus. Sic nempe faciens Dominicus ille Prædicatorum pater, dum inter sacrificandum tanti Sacramenti maiestatem secū cogitaret, nimio interdū stupore attonitus, exterius obrigescebat, interius ineffabiliter cōsolabatur. Quantus hic ergo, & qualis est, qui contemplatione suā totum occupat hominem, & manentem in corpore, à corpore facit alienum? & nec sic profectō gloriā suā totā pandit, quā ne Angeli quidē comprehendere possunt, cū incircumscripta atq; infinita sit. *Ioan. Gerson.*

Et

Et ne tam admirabilis Sacramenti homines mortales tantum ministros esse putemus, nonnunquam etiam ab excellentiore, hoc est, spiritali creatura ministratum hominibus est. Ferunt Onophrium in vasta Ægypti solitudine Deo seruientem, dominico quoque die illud Angelo deferente acceptauisse, cum Sacerdotis copiam procul ab humano cultu degens habere non posset. *In vitis PP.* *Onophrius Solitarius.*

MAIORO etiam Episcopo in Britannia Paschali die oranti, Angelum ter apparuisse, terque sacræ Communionem porrexisse, prædicentem quod propediem decessurus esset. Sed qui tali usus est ministro, tantoque donatus viatico ad vitæ finem gratanter cucurrit, ut vitam, quæ finem non habet, inchoaret. *Maiarus Episcopus.*

MARCUS quoque Scriptor apud Ægyptios, ita cognominatus, quoniam curæ illi fuit Anachoretarum Ægypti vitas describere, cum aliquando genibus prouolutus Eucharistiam à Sacerdote poposcisset, apparuit manus eam sibi porrigens, nec dubitauit ille accipere, quod diuinitus offerri credidit, neque ambigitur, quin Angelus fuerit, qui præcipere ausus sit officium Sacerdotis, magisque incutit hominibus reuerentiæ erga se metum panis ipse Trinitatis, cui tam mirabiliter etiâ ab Angelis porrigi visus est. *In vi. PP.* *Marcus Scriptor.*

NON minori admirationi dignum, nec minus ad huius Sacramenti spectans dignitatem illud fuit, quod in vita Faustini & Iouitæ Martyrum legimus. Hi nanque cum Secundum militem Mediolani conuersum baptizassent, & Communionem quoque membrum Ecclesiæ facere voluissent, nec haberent panem ex quo Sacramentum conficerent, à columba alite rostro delatum accepere, eique sumendum porrexerunt, sacrum esse minimè dubitantes, qui sic afferebantur. Quoniam autem in columbæ figura Spiritum sanctum apparere solitum Euangelia testantur, hoc ideo contigisse potuit, ut credamus, sicut credimus ibi Deum Patrem, ibi Spiritum sanctum esse, ubi Filius est, cum trium Personarum simplex vnicaque substantia separari non possit. Quæ ergo honorè toti Trinitati exhibendum cæses, huic vni

Sacramento deferre ne dubites, non visibilē eius figuram tantummodo oculis attendens, sed sub visibili figura inuisibilem veritatē alta mente contemplans *Ado. Sur. Tom. 1.*

Honor. Episc.

Eiusmodi autem honor quanti meriti sit, Honorati Ambianensis Episcopi exemplo disci potest, qui Missam celebrans, cum ante se in altari sacram hostiam attentius cōsiderasset, iā sumere volens, manibus cōtingere hēsitabat. Itaq; depictē ibi imaginis Christi manu sublatā, sibiq; porrectam hausit, sumere non recusans quod diuinitus dabatur, & certē dignus fuit à Christo cōmunicari, qui se tactu etiā eius indignū iudicauit. Non negamus, & Iudā à Christo communicatum. Sed quia irreuerenter simul & impiē accesserat, post buccellā diabolo ad se aditum præbuit, & vitæ autorem inhonorās, mortis laqueo se infelicitè implicauit. *Hilar. Arelat. Sur. Tom. 1.*

*Tharsitius
Martyr.*

At non ita Tharsitius martyr Romæ passus. Qui cum Sacramentum hoc sub veste rectū ad quendam fidelē agrotantem ferret, in impios gentiles fortē incidens, quid sub veste haberet quærentibus non indicauit, magisq; ab his rei, quam ferrebat, contemptū aliquē, quàm sibi necē timuit. Itaq; illi fustibus cæsum interierunt. Et cum iam exanimis vellit tenta excussissent, Sacramentum nusquā comparuit: ipsi autem lymphatico pauore eouulsi diffugerunt. Non ergo licuit sacri legis illud polluto contactu profanare, cuius honorē Tharsitius vitæ suæ antetulit. Illi infidelitatis errore prolapsi ad inferos corruerunt, hic armis eorum fortior, cum martyrij plama coelū petijt, ipsum in sua ibi specie perpetuò visurus, quem hic in aliena dignè coluit. *In gestis Steph. PP.*

*De vtilitate
Sacramenti.*

Hactenus de excellentia Sacramenti, reliquū est, ut aliquid de vtilitate ipsa quam ab eo haurimus, fructuque dicamus, tamen si nihil de illo pro dignitate dici queat, cum omnia diuina humani captu ingenij maiora sint.

Christus.

CHRISTVS igitur panis viuus de coelo descendens, cum ex omni parte perfectissimus sit, haud dubiū quin se pie fideliterq; sumentibus, & præsentis vitæ conferat perfectionē, & futuræ.

CON.

CONFERT primùm peccatorum purgationē. Si enim *Hebr. 9.*
 (vt Apostolus inquit) sanguis hircorum & taurorū & ci-
 nis vitulæ aspersus inquinatos sanctificat ad emundationē
 carnis, quantò magis Sanguis Christi? Et certè hic ille est,
 quem varijs morbis affectu tangere cupiebant, quia virtus
 (vt Euangelista ait) inde exibat & curabat omnes. Et si *Luc. 4.*
 ipsi solùm tangendo curabantur, nos non curabimur su-
 mendo? Sed qui primi sic sumpserunt, eos idem ille quem
 sumebant, exterius lauit, vt ostenderet intimitas quoq; eo-
 rum sordes lauiffe se, & ipsos sicut corpore, ita & animo
 puros nitidosq; reddidisse, quam in illo virtutem nequa-
 quam ignorauit, qui eum digito demonstrans, dixit: Ecce *Iohan. 2.*
 Agnus Dei, ecce qui tollit peccata mundi.

CONFERT deinde spiritualis boni appetēdi copiā, ex-
 ercendiq; facultatē, vt animus noster vitijs eradicatis vir-
 tutibus exuberet. Quod Osee Propheta prēuidēs, inquit: *Osee. 14.*
 Viuet tritico, & germinabūt quasi vinea, memoriale eius,
 sicut vinū Libani. Vnde & Discipuli statim post salutare cō-
 uiniū, montem constendūt Oliueti, iā altiora & fructuo-
 siora petētes, quā antè petierāt. Et Zachæus quidē cū *Zachæus.*
 ipsum Dominum suo suscepisset hospitio, reddit quadru-
 plum pro eo quod antè fraude interuerterat atq; dolo, &
 in pauperes sua incipit effundere, qui rapuerat aliena.

Præstat quoq; cōtra illicitas animi cupiditates resistēdi
 robur, vt seipso fortior sit, qui cœlestis cibi pabulo fuerit
 saginatus. Quemadmodū enim illi qui in mari fluctibus
 agitabatur, cū Iesum vndas pedibus cōculcantē in nauicu- *Discipuli.*
 la suscepissent, viderunt posuisse ventū, & turbinem pro- *Matth. 8.*
 cellarū versum in trāquillitatem: ita nos cū in pectoris
 nostri nauicula eundē piē suscepimus, malarum cogita-
 tionū violenti æstus cessabūt, & omnis turbatę mentis tē-
 pestas lenietur illico atque conquiescet, Quoniam (vt in
 Euāgelio legimus) mari & ventis imperat, & obediūt ei.

IDĒM aduersus improbißimi hostis assiduas pugnas
 vincēdi spem viresq; nobis confert ac suggerit, iuxta illud
 Propheta: Paraßti in conspectu meo mēsam, aduersus eos *Psal. 22.*

qui tribulant me. Nihil quippe magis terrori diabolo esse potest, quàm Sacramentum istud. Et si Dauid parui lapidis ictu prosternere potuit Goliath illum magnum, Deo hominibusque infestum: profectò facilius frangetur diaboli audacia lapide isto, qui de monte absq; opera manuum abstissus còtriuit statuam Nabuchodonosor, & factus mons ingens orbis terræ regna occupauit: lapide, inquam, qui in capite anguli positus, vtrunque parietem vnum fecit, super quo ædificata Ecclesia, nec fluminis impetu subruitur, nec ventorum flatu concutitur: qui & super se cadentē confringit, & super quem cadit, conterit, vsque adeò nihil illo neque solidius est, neq; grauius. Iungamur illi, & appropinquare non audebit Belial, vbi manere viderit Christum.

Hoc præterea præstantissimū Sacramentum discit ignorantie tenebras, & altioris intelligentie nobis lumen infundit. Lux enim vera est illuminans omnem hominem venientē in hunc mundū. Homine, inquam, nō mundum, quia mundus eum nō cognouit, & sui eum nō receperūt, dicentes: Nauseat anima nostra super cibo isto leuissimo. At verò illi, quorum in Emaus pergentiū oculi caligabāt, & Maiestatis Dominū agnoscere non poterant, nōne in ipsa panis fractione ipsum dicuntur agnouisse? & mysteria quæ ignorabant, ipso aperiente, didicisse? Et de viro iusto per hæc ipsa Sacramenta à Domino sapientie luce illustrando, nōne scriptum est? Cibauit illum pane vitæ & intellectus, & aqua sapientie salutaris potauit illum.

Ac ne plura enumerando nimius sim, hæc verissima Sanctorū Communio est, hoc foelicissimū glutinum, quo Dño nostro copulamur, & (vt ita dicā) inserimur atque incorporamur, veluti capiti mēbra. Ait enim: Qui manducat meā Carnē, & bibit meū Sanguinē, in me manet, & ego in eo. In illo manentes viuimus in æternū, quia Panis vitæ est: & qui manducat me, inquit, & ipse viuet propter me.

Quam autem manducatio ista, potiusque nobis necessarius sit, declarat, dicens: Nisi manducaueritis Carnem filij hominis, & biberitis eius Sanguinem, non habebitis vitam

vitam in vobis. Et nemo venit ad Patrē, nisi per me. Igitur cum tam fructuosum sit, ardentè accedamus: cum tam necessarium, nunquam negligamus. Cumque ipse qui & conuiuī & inuitator est, vocet nos atq; hortetur, solerter obsequamur. Scit enim quo indigeamus, & quid expediat nobis. Venite, inquit, & comedite panem meum, & bibite vinum quod miscui vobis. Qualiter autem venire debeamus, instruit subiungens: Relinquitte infantiam & venite, & ambulate per vias prudentiæ. Hoc sanè pœnitudo (de qua superius locuti sumus) vitæque correctio efficiet.

Proner. 9.

Nos interea istud ipsum, quod postremò de vtilitate sacræ Communionis didicimus, diuinarū nixi testimonio Scripturarum, idoneis quoque Sanctorum exemplis more nostro confirmemus.

IN Actis Apostolorum legitur de illis, qui primi ipsis euangelizantibus credidère: Erant autem perseverantes in doctrina Apostolorū, & Cōmunicatione fractionis panis, & orationibus. Fiebat autē omni animæ timor. Sicuti ergo quotidie coelestē panē hūc illis gustare mos fuit, ita & coelestīū desiderio flagrantes, assidui factores verbi erant, non auditores tantum, in oratione solliciti, in timore Dei humiles, in charitate feruentes, vnde sequitur: Oēs etiā qui credebāt, erāt pariter, & habebāt omnia cōmunia. Ad tantā perfectionē quid, quæso, illos adduxerat, nisi fides Christi, & frequēs Christi cōmunicatio? Quæ postquā à posteris desita est frequētari, vitæ quoq; integritas languere cœpit. Panis enim, qui quotidianus fuerat, factus est annuus.

Act. 2.

*Primitia
Ecclesia.*

CASSIO Narniensi Episcopo (vt in Dialogo Gregorius testatur) quotidie hoc Sacrificiū Deo offerēti Presbyter eius retulit, dicens: Per visum sibi à Domino fuisse iniunctum, vt ei diceret: Age quod agis, nec solitum opus intermitte, natalitio Apostolorū Petri & Pauli die venies ad me, recipiesque mercedem. Ille itaque anno quidem septimo, sed tamen die quo prædictū fuerat, cum Missam celebrasset, percepta Communionē vita decessit. Beatus qui per quotidianam Agni immortalis immolationem, ad

Cassius Episc.

Dd 4

cōnam

424 DE SACROSANCTA COMMVN.

coenam nuptiarum eius vocari meruit, celebritate æterna in coelo fruiturus, quia temporalem in altari nullo die intermisit. *Dial. lib. 4. c. 56. & Hom. 37. in Euang.*

Liberalis.

LIBERALIS Heliodori Altinensis Episcopi discipulus, hunc vitalem cibum singulis Dominicis diebus percipiens, reliquos dies absque esu potuque peregrisse dicitur. In fortitudine ergo cibi huius peruenit vsque ad montem qui Christus est, sublati in coelum, cum se de terris transferri postulasset. Quem enim sumendo assidue cernebat per speculum & in ænigmate, ipsum iam facie ad faciem videre concupiuit.

Banon Clericus.

BANON quoq; Gandauensis coenobij Clericus (multa licet vitæ sanctitate præditus fuisset) cum ægrotaret, noluit sine tam salutari viatico decedere, statimq; vocari, qui illud sibi afferret, Presbyterum iussit. Is verò qui missus fuerat, viæ ignarus, ab Angelo ad Presbyterum vsque perductus est, ut iam Angelos ei quamprimum suffragari scias, qui Domino communicari expetierit. Cui Banon ipse communicatus, nunquam postea ab eo discessit, & nunquam discedet, receptus in Paradisum.

Ambrosius Episcopus.

AMBROSIVS item Mediolanensis Ecclesiæ Antistes, doctrina simul & sanctitate insignis, cum à vita decederet, & communicari Domino exoptaret, sed fieri iam non posset, mox Honorato Vercellensi Presbytero Eucharistiam afferente, latus accepit. Qui Presbyter ut hoc faceret, tertia iam vice vocatum se dixit, dum dormiret, neque à quo vocaretur, scire potuisse. Quid hoc est, nisi quia Christus fideles famulos suos absq; se duce ad coeleste regnū transmigrare non permittit, ne viam aberrent, si ab ipso qui veritas est, non continuo dirigantur? *Paulin. in vita Ambr.*

Hieronymus.

ET D. Hieronymus diem agens extremū, sacrū Christi Corpus dari sibi petijt. Illud verò sumpturus de lectulo humi se deponi fecit, saccoq; operiri. Tūc genibus prouolutus lachrymas fudit, pectus pugno percussit, & sic sanctā oblationē hausit, gestu habituq; se illa indignū cōtestans, illā tamē sibi necessariā hauriēdo docēs. *Euseb. in vit. Hier.*

QYPO

QUOD autem & intelligentiam piè sumētibus præ- *Eadmundus*
 stet, Eadmundus Cātuariensis Episcopus testis est. Qui die *Episcopus.*
 crastino de Trinitate disputationem initurus, noctu in
 somnijs vidit, se Sacramentum istud accepisse, columba
 offerēte, & cū manē in auditorium venisset, præter spem
 magna omnium admiratione differuit. Siquidem illi tunc
 spiritualiter communicauerat, qui Dei sapientia est, & Dei
 virtus. *Osbert. Sur. Tom. 1.*

HÆC insuper immortalis & ineffabilis hostia, si in al-
 tari pro mortuis offeratur, maximo illis adiumento erit ad *Presbyter*
 cōmissa in Purgatorij locis diluenda. Gregorius Pontifex *Centumcellen.*
 refert, quendam Centumcellensium Presbyterorum, dum
 in thermis lauaretur, homini ignoto, qui tamen ipsi offi-
 ciosius ibi inferuaret, panes aliquot referendæ gratiæ causa
 muneri obtulisse, illum verò noluisse accipere, quod sibi
 eis non opus esse diceret vita hac iam defuncto. Se enim
 loci illius dominum aliquando fuisse, & eo deinde labore
 expiāre culpam ibi iussū. Quamobrem si sibi gratificari
 vellet, illos panes pro se consecratos Deo offerret. Quod
 cū ille fecisset, die octauo ad thermas reuersus, homine
 non inuento, noxa absolutum agnouit. Ille ergo primū
 poscendo, deinde non comparendo, quanto hoc sacrifici-
 um defunctis emolumento sit, patetecit. *Gregorius*
Dial. lib. 4. cap. 55.

IDEM sanctus Pontifex tradit, dum adhuc Abbatis of-
 ficio fungeretur, monacho sui monasterij, cui Iusto nomē *Gregorius PP.*
 erat, & ægrotanti, fratrum colloquio se interdixisse, & de-
 functo coemiterij sepulturam, eò quod tres aureos apud
 illū absconditos deprehēderat, qui omnibus cōmunes esse
 debuissent: hanc seueritate in languentē primò, deinde in
 mortuū vsus, vt sanos viuētesq; ab eiusmodi vitio cōer-
 ceret. Cæterū & saluti illius cōsulens, Missas triginta p
 eo celebrare, Pretiosum monachū iussit. Iustus ergo trige-
 simo die post fratri suo Copioso apparēs, poenis quibus pro
 delicto afficiebatur, se demū absolutū dixit. Itaq; idē dies
 & oblationū finē statuit & supplicij. *In vi. Greg. lib. 1. c. 15.*

Quedā mulier

QVĒDAM mulier (vt apud eundē autorem legimus) pro viro ab hostibus capto, & in vinculis coniecto, per Sacerdotem sacra Deo hostiam statutis diebus offerre consueuerat; & cum illo postliminio reuerso didicisset, dum captiuus teneretur, identidem se reuinctum comperisse, neque scire potuisse, quomodo id sibi contingere soleret, dies quibus id ei contingerit sciscitans, eosdem ipsos fuisse animaduertit, quibus oblatū fuerat Sacrificiū. *1bi. li. 4. c. 57*

*Agathus
Episcopus.*

IDE M testatur, Agathum Episcopū Panormitanum, cum Romam versus nauigaret, ad Insulam quæ in Tyberis ostio est applicuisse, & Sacrificium Missale obtulisse pro nauta suo Baraca nomine, quem in scapham descendente, dum nauiis plenis velis ferretur, rupto fune in medio mari reliquerat, & fluctibus obrutum perijisse putabat. Cum autem ad Romanum portum peruenisset, egressus in litore Baricam sibi obuium habuit, & vehementer miratus audiuit, eum dum scapham regendo, partim labore, partim inedia iam deficeret, obdormisse, & dormienti sibi visum à quodam panem accepisse, atque eo gustato se refocillatum sensisse, deinde expergesfactum nauigio iuxta prætereunte susceptum Romamq; delatum. Rem ergo curiosus exquirens, comperit ea ipsa die illum pane eo refectum fuisse, qua Sacrificium fuerat oblatum, & Deo gratias egit, quia hic ille panis esset, de quo per Ieremiam dicitur: Inebriaui animam lassam, & omnem animam esurientem saturaui. *Dial. lib 4. c. 57.*

*Ierem. 31.**Femina.
Maria Magda
lena.*

Fœminarum quoque sanctarum hac in re curam studiumque indicabimus, vt ex eo simul & vtilitatem monstrems. Maria Magdalena vitā agēs in deserto coelestium spirituum societate fruebatur, & tamen cum sibi vitæ finē imminere cognouisset, Maximinum Episcopum iussit accersiri, & percepta ab eo Cōmunionē, ad cœlū migravit. Non fuit illi satis cum Angelis iter hoc ingredi, nisi Dominum Angelorum ducem habuisset. Sic olim ad sepulchrum eius lugens, dimissis Angelis quos viderat, illum solum quæsiuit quem lugebat, & tūc demū cōsolata abiit, cum

eum ipsum resurrexisse cognouit. *Iacob. de Vorag.*

PETRONILLA Virgo cupiens iam ad coeleste de terreno *Petronilla virgo.* transferri habitaculo, ne sine viatico discederet, à Presbytero Nicomede panem Trinitatis accepit. Itaque Sponsa æterno copulata coelum adiit, ne frustra illum procis mortalibus præposuisse videretur, si eidem & in terris posita communicare neglexisset. *Sur. Tom. 3. & alij.*

LUCIAM Virginem nec inter flammam constrictam, *Lucia virgo.* nec perfoſſo à sacrilegis iugulo lætaliter vulneratam mori potuisse accepimus, donec sacram sibi Communionem à Sacerdote oblatam sumpsisset. Tunc cum Martyrij corona coelû læta petijt, cum eum, pro cuius amore supplicia contempserat, sibi iunxit itineris ducem. *Aloys. in Hist. SS.*

Si ergo sanctis hominibus tantæ curæ fuit, ad hanc sacrosanctam Communionem etiâ corpore accedere, à qua *Exhortatio.* spiritu & voluntate nunquam discedebant: quantò magis nos, qui peccatores sumus, idẽ oporteat facere? His enim magis opus remedio est, qui grauius ægrotant: hoc autem remedio à peccati morbo conualeſcimus, ab inquinamentis mundamur, ab errore in viam iustitiæ dirigimur, deniq; de morte transimus ad vitam, de tenebris ad lucem.

In primis tamen videndum, quo animo, qua mente accedatur. Aptis ad sumendum corporibus medicina prodest, malè autem dispositis, si sumatur, exitio est. Et si Philisthini, quod Arcam Domini captâ in templo idoli Dagon posuissent, aduersa passi sunt, & Bethsamitæ ab eis restitutam suscipientes, quod parû reuerenter habuissent, penè internecone sublati: quantò deterius afficiendus erit, quisquis vel prætermiſſa quæ Deo debetur adorationis ratione, vel non absterſis prius à se quantum potest, inuidiæ, odij, luxuriæ, cæterorūque vitiorum spurcitij, mundissimum Domini Corpus præsumpserit accipere? In Iudâ, quia malignis cogitationibus æstuans illud sumere non timuit, post buccellâ Satanas introiſſe dicitur. Ideoq; nõ à peccato mundatus est, sed potius peccatum peccato cumulauit, vèditionis crimè veniæ desperatiõe, & cū malè poenitendo sibi ipsi

Philisthini.

1. Reg. 5.

Bethsamita.

sibiipſi præ dolore mortem cōſciuiſſet, in abyſſum corruit tormentorum.

Math. 8.

N o s ergo cum Magdalena lachrymis prius lauemus pedes Domini, & cum Centurione clamemus : Domine, non ſumus digni vt intres ſub tectum noſtrum . Comparantesque aromata poenitentiz & humiliationis exemplo ſanctarum ſœminarum, ad vngendum illum in odore vnguentorum eius feſtinemus , vnctum tandem ritu piſſimi Ioseph, ſyndone conſcientiz noſtræ pura mundaque inuoluamus. Et cū ſic inuolutum in monumento pectoris noſtri nouo repoſuerimus , Paſſionis eius poenas mēte recolentes, ad Reſurrectionis quoque eius gloriam nos peruen-
turos ſperemus, viſuri quidē illum, non iam ſub diuerſarū ſpecierum velamento, ſed facie ad faciem, in eandem imaginem (vt Apoſtolus inquit) transformandi à claritate in claritatem, tanquā à ſpiritu Domini, ſemper cū illo futuri.

2. Cor. 3.

LIBER QVINTVS.

De nemine temerè iudicando.

Caput I.



Math. 7.

E d plerique aliena nimis auidè iudicantes, ipſi errore incauto in culpam labuntur, dum vel incerta pro certis affirmant: vel ſi certa ſunt, iudicare ad eos non pertineat: vel ſi pertinet, occulta pro manifeſtis iudicēt: vel etiam ſi manifeſta ſunt, quo animo fiant ignorent, & veluti male facta perſequantur. Huiuſcemodi autem iudicia quoniā temeraria ſunt, à Domino prohibentur dicente: Nolite iudicare, & non iudicabimini: Nolite cōdemnare, & non con-

condemnabimini. In quo enim iudicio iudicaueritis, iudicabimini: & in qua mensura menſi fueritis, remetietur vobis. Igitur hoc loco colligere exempla decreui, quibus instructi circumſpectiores eſſe poterimus ad noxam hanc deuſandam, Deoq; obediendum, ne quis in alterum quomodo non licet ſententiam proferendo, ſeipſum damnet.

AARON & Maria Moysen probro iactauerant, ob uxorem eius (vt inquit Scriptura) Æthiopiffam, &que tam audacis petulantiæ caput & cauſa fuerat, in lepram incidit, vt corporis morbo mentis vitium puniretur, quoniam ab homine reprehendi nō debuit, quem Deus ſuis colloquijs ſuaque familiaritate dignum iudicabat. Hinc diſcere licet, quanti periculi ſit ſæculo ſeruiſſentibus, vt quicquam ſiſtrum indecens ſeſentiant de ſeruis Dei. Fit enim plerunque, vt quod illi reprehendendum iudicant, apud Deum laudabile ſit. Idcirco & Apoſtolus clamat, dicens: Tu quis es, qui iudicas alienū ſeruum? Domino ſuo ſtat, aut cadit. Et ne de cadēte etiam deſperemus, ait: ſtabit autē. Potens eſt enim Deus ſtatuerē illum.

Aaron & Maria.
Num. 12.

Rom. 14.

QVOD autem ad coniugatos ſpectat, quāmdiu adulterij crimen latet, ſuſpicari fortasſe licet, credere non licet. Et veteri quidem lege mulieris ſuſpectæ cauſam per ſacrificium zelotypiæ viro diſcutere permiſſum erat, nunc neſas eſt accuſare niſi deprehenſam. Sed ſi prehenſam etiam lapidari vetuit Dominus, niſi ab eo qui ſine peccato eſſet, cūm nemo ſine peccato ſit: vix dici poteſt, quā grauius delinquant, qui ſuſpectam veluti deprehenſam lapidant iſtibus detractiōis, & infamiæ dentibus lacerant fortasſe innocentem. Et proſectō de ijs quæ latent, qui iudicat, etiamſi euenerit vt verum iudicet, mentitur, dum ſe ſcire affirmat quod neſcit.

Mulier ſuſpecta.
Num. 5.

QVI Suſannā accuſauerāt, falſitatis conuiſti lapidibus obruti ſunt, ipſa poſt mortis quoque ſententiam abſoluta. Quisquis igitur in ſontem ſcleris alicuius inſimulauerit, ab ipſo iudice, quem nihil omnino latere poteſt, tantidem condēnabitur, quāti dānari accuſatus debuit, ſi deliquiſſet.

Presbyteri in
Suſannam.
Daniel. 13.

Vnde

Dent. 19.

Vnde mendacem testem talione punit Lex, vt quantum poenae quis in proximum parua delatione molitus fuerit, tantum pro impietate ferat. Non misereberis ei, inquit, sed animam pro anima, oculum pro oculo, dentem pro dente, manum pro manu, pedem pro pede exiges.

Ibidem.

A c ne facile delatoribus credamus, aut rumoribus incertis ad iudicandum compellamur, diuina sancitum est Lege: Non stabit testis vnus cōtra aliquem, quicquid illud peccati & facinoris fuerit, sed in ore duorum aut trium testium stabit omne verbum. Cōtra Dei ergo Legem agit, qui contra aliquem vnus tantum verbis fidem adhibet.

*Filij Israel.**Iosue. 22.*

S a d manifestum quoq; aliorum opus, quod ita bono vt malo animo agi potest, qualiter accipiendū sit, sequenti exemplo satis patebit. Dimisa promissionis terra, victisq; hostibus Iosue duce, & iam militiae missione accepta, Tribus Ruben & Gad, & dimidia Tribus Manasse de Silo, vbi tabernaculum fixerant, ad Galaad possessionem suam qua vltra Iordanem erat, reuertentes in ripa fluminis citeriore altare construxerunt, ob hoc duntaxat, vt posteris fidem facerent, se commēandi ius habere ad offerendū in Silo, nequando separati à reliquis Tribubus sicuti possessione; ita & religione viderentur. At verò ceteri filij Israël rati illud ad sacrificandum dijs alienis ædificatum, Dei sui iniuriam armis vlcisci parant. Mox vbi missa legatione ponendi altaris causam didicissent, probare factum coeperūt quod incusauerant, & quos morte dignos iudicabant, laudibus extulerunt. Quod si rem paulo accuratius non inquisissent, falsa decepti opinione, pios pro impijs trucidassent, & non leuius crimen foret inconsultum iudicium, quàm ipsa cui infensi erāt, diuinæ legis prauaricatio. Itaq; semper magnopere cauendum est, ne quid in alijs cōtinuo detestandum putemus, quod sub specie aliqua mali, & bonum esse queat, ne propheticum illud in nos retorqueri possit: Væ qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Semper quidem tutius

Ysaia.

tuus est, honesta potius quam turpia, de ambiguis coniectari, *Iosue. 22.*

QUOD cum quidam terræ Hus Habitatores minus obseruarent, simplicem illum & rectum, Deoq; probatum virum Iob, eò quòd calamitatibus opertus fuerat, iudicant in iustum. Ipsi Dominus inter aduersa patientiæ meritum exaggerat; sed falsi rerum existimatores, non habentes in quo eum manifestò arguant, occulti criminis reum putant, quia in miserijs vident, digni illi talia ob culpam perpeti, qui talia passum vanissimo argumento delictis obnoxii censuerunt. Ex vitæ moribus, non ex casuum angustijs, qualis quisque sit iudicari debet, iuxta Euangelicum illud: Ex fructibus eorum cognoscetis eos. *Iob. 4. Matth. 7.*

SED etià illud inter temerarias iudicationes ponendum, quòd Annam Elcanæ coniugem Domino in Silo ardentius deuotiusque supplicantem, cum cõsiderasset Heli Sacerdos, tumultentam putarit. Vsq; quo ebria eris? inquit: digere paulisper vinum quo mades. At ipsa à Domino exaudita, sterilitatis opprobriũ foecunditate deleuit. Exterio-rem corporis gestum notauit Heli, & ebrietatis obiecit vitium, sed Deus intima respexit cordis, & compotè voti fecit. Sic eum sæpe falli necesse est, qui ex facie hominis animi occulta iudicat. Et quia solius Dei est nosse mortaliũ cogitationes, quisquis eas in altero cõiecturis explicat, dei iudiciũ sibi vsurpat. Dumq; in dubijs malè de proximo sentit, charitatè offendit. Quod vt sollicitius declinemus, meminerimus à Domino præceptum esse: Nolite iudicare secundum faciem, sed rectum iudicium iudicate. *Heli Sacerdos. 1. Reg. 1. Ioban. 7.*

Inconsulti quippe iudicij iustissimas pœnas dedit Ammonitarum rex Hanon, qui David regis legatis ad se de obitu patris sui consolandum missis, obiecto quòd terram suam exploratum venissent, partem barbæ abradi fecit, vestesq; ad nates vsq; succidi, & hac ignominia affectos abire iussit, quos quidè honore prosequi debuerat, si David erga se animum ita vt erat, pensasset. Peruersa igitur de amico suspitione in suã abreptus pernitiè pro barbis rasis capitis diadema *Hanon rex. 2. Reg. 10. 1. Paral. 19.*

diadema amisit, pro succis vestibibus regnum. Hinc quoque patet, quantæ stultitiæ sit, eius amorem despiciere, cuius odio pares esse non possumus.

Michol.

2. Reg. 6.

Peruersum autem iudicium & in Michol vxore Dauid diuina ultione punitum est. Cum enim regē ephod lineo accinctum, & præ gaudio subsilientem coram Arca Domini vidisset, despexit atque contempsit, leuitati ascribēs, quod humilitatis erat & magnæ in Deum pietatis. Ille ergo quantum se humiliauerat, tantum gloriæ adeptus est. Ipsa verò perpetuæ sterilitatis cōtumeliam tulit, vt se eius coniugio indignam agnosceret, quem scurris comparandum existimauit. *2. Reg. 6.*

Salomon rex.

3. Reg. 3.

Videant & ipsi iudices quali examine illos, quibus præ sunt, iudicare debeant. Si enim rex Salomon, Deo offerēte quicquid petiisset, nihil sibi magis necessariū duxit, quàm in decernendo sapientiam: Dabis seruo tuo, inquit, cor docile, vt populum tuum iudicare possit, & discernere inter bonum & malum, quis adeo sibi confidit, vt in iudicando errare non formidet? Qui quidem error nisi grauissimus esset, non pro eo vitando Salomon magis sollicitus fuisset, quàm pro vitæ spatio protelando, pro diuitijs cumulandis, pro inimicis domandis, imperioque propagando. Et quoniam his rebus iuris dicendi scientiā prætulit, plus etiam quàm postularat, accepit: Sapientis vtique opinionis præmium referens, opes & gloriam. *3. Reg. 3.*

Assuerus rex.

Hester 3. 8.

A T Assuerus Persarum rex malignis inuidi Aman delationibus plus æquo credulus, Iudæos qui in regno suo erant, veluti pacis turbatores, edicto omnes perdere iusserat. Mox innocentia eorum cognita, sententiam vertit in accusatorem. Quos autem nec iam addixerat, honore affecit. Laudabilius egisset, si non præcipitasset iudicium. Sed neque in eo laude sua fraudandus, quod iniuste decretū, iuste reuocare non tardarit. in illum animaduertēs, cuius suggestionē deceptus fuerat, tam æquus iniqui hominis ultor factus, quàm sæuus fuisset innocentum interemptor si ante dictam internecioni diem, id quod erat non rescivisset.

nisset. Quàm itaque rectè Iob? Causam, inquit, quā nesciebam, diligentissimè inuestigabam. *Iob. 19.*

SUNT qui suis de rebus alios consulunt, sed cum sibi rectè consultum est, contemnunt, quosq; antè amauerant, odisse incipiūt, si illos quicquàm secum dissentire animaduertunt, eorum iudices facti, quorum iudicijs vsuri videbantur. Horum peruersitatem secuti Iohanan Carex filius *Iohanan.* & qui cum illo erāt, cū post Babylonicam captiuitatem in terra Chanaan, iuxta Bethlehē resedissent, & Chaldæos timentes, quò fugam vertere sibi expediret, Ieremiā Prophetam consuluisent, illeque Deo reuelante ibi tutò manuros dixisset, & si ad Ægyptum (vt parabant) transfugerent, perituros: malè de Propheta suspicati sunt. Et mendacium loqueris, inquiunt: non misit te Dominus, sed Baruch Nerix filius, vt tradat nos in manus Chaldæorum. Transeuntes ergo in Ægyptum, vbi se putabant tutiores, ibi citius à Chaldæis oppressi sunt, & qui mendacem Prophetam iudicauerant, sibi magis quàm illi credentes, in interitus sui foueam corruerunt. Quod nos defugientes, fidelium ac prouidorum consultorum monitis discamus acquiescere, non ea temerè dijudicare. Salomonis quoque *Proverb. 19.* sententia est: Audi consilium & suscipe disciplinam, vt sis sapiens in nouissimis tuis.

NUNC Euangelicæ institutionis exempla, quæ ad propositum quicquam spectare videbuntur, colligemus. Dominus noster Iesus Christus Iudæorum in iudicando rati- *Iudæi.* *Lucæ. 7.* litiam arguens: Venit, inquit, Iohannes Baptista, neque manducans panem, neque bibens vinum, & dicitis, Dæmonium habet. Venit Filius hominis manducās & bibēs, & dicitis: Ecce homo deuorator, & bibens vinum, amicus Publicanorum & peccatorum. Tales sunt qui de omnibus malè sentiunt, & quicquid egeris, vitio vertunt. Humilem appellant hypocritam: simplicem, fatuum; ieiunantem, phreneticum; non ieiunātem, gulosum: delinquentes corripientem, durum & asperum: quieti studentem, desidem & ignauum. Nullum denique bonum agitur, quod hi malis

Ec

lignis

Psal. 30.

lignis peruersisq; suggillationibus denigrare nō cōtendāt. Propterea meritò sanè de illis dicitur : Erubescāt impij & deducantur in infernum : muta fiant labia dolosa. Quæ loquuntur aduersus iustū iniquitatē, in superbia & abusione.

*Simon Phariseus.**Luca. 7.*

SIMONEM quoque Pharisæum Saluator, apud quem discubuerat, falsæ existimationis conuincit. Putauerat ille, non esse Prophetam qui se à peccatrice muliere tangi permitteret. At misericors Dominus hospitem suū ab errore volens reuocare, & secretas eius cogitationes arguēdo in mediū protulit, & mulieri peccata palā dimisit: Vt se non solum Prophetā, sed etiā Deū probaret. Peccatricē deniq; illi prætulit, humilitatis officijs, dilectionis signis, fidei argumentis. Caueat igitur peccator peccatorem contēnere, ne dum aliū accusat, ipse accusabilior appareat, sed potius peccatricis huius more humilior, vt dum ipse ab alijs reprehenditur, à Domino defendi mereatur.

*Judas Iscariotes.**Matth. 26.**Marci. 14.*

SED quorundam iudicium sub honestatis velamento malignitate plenum est. Judas Iscariotes vnguentum quo perfunditur Dominus, perditionem vocat. Vt quid perditio hæc facta est? inquit: Poterat vnguentum istud vendari plus quàm trecētis denarijs, & dari pauperibus. Officiosa erga Iesum venerationi callidè obtrectat, prætendens in egenos pietatem, nō quòd egenis ipse misereri soleret. Quomodo enim in pauperes pius esse poterat, qui in Dominū suum tam impius fuit? P! oh indignum facinus! eleemosynam commendat, qui sacrilegium facit: misericordiam effert, qui prodicionem meditatur. Nō ergo ideo commendat eleemosynam, vt commendandam putet, sed vt animi sui auaritiam tegat, qua vnguēti effusionem non in suum versam lucrum tristatur. Itaque mulier, quam ille accusat, à Veritate defenditur. Bonū, inquit, opus operata est in me: quid ei molestus es? At eleemosyna etiam bona est, bona vtique. Sed qui bonum alterius boni cōparatione malum appellat, tam falsus atque peruersus est, vt ne illud quidem quòd approbat, satis amet.

Scribe & Pharisei.

SCRIBÆ quoq; & Pharisei se Legis diuinæ zelatores ostē-

ostendunt, & Sabbatum obseruant: Christi quidē miraculis eo potissimū die fieri solitis inuidētes, non Deo gratū faciētes, cū nullum omnino tempus sit, quo benefacere non liceat. Eundem in Beelzebub eijcere dāmonia dicūt, *Matth. 12.* ne in eo Dei virtutem confiteri cogantur. Et cū se ille à *Marci. 3.* dextris virtutis Dei sedentem in nubibus iterū venturum *Luce. 11.* respondisset, blasphemare inquit. Atque ipsum qui mortuos viuificauerat, reum esse mortis iudicat. Adeoq; nihil *Matth. 26.* verē videre potest lior, vt innocentē & iustum crucifigi: *Marci. 14.* homicidā & seditiosum dimitti, exposcant. Barrabas liberatur, Iesus occiditur. Quā autem execrāda talia iudicia *Ibidem 15.* sint, Salomon aperit, dicēs: Et qui iustificat impium, & qui *Prouerb. 17.* condemnat iustum, abominabilis est vterque apud Deum.

QVAM etiam iniquum sit aliorum vitia cernere, suum obliuisci, docet ipse Saluator, dum huiusmodi hominem reprehendens, ait: Quid tu vides festucam in oculo *Matth. 7.* fratris tui, & trabem in oculo tuo nō vides? Aut quomodo *Luce. 6.* dicis fratri tuo: Frater, sine eijciam festucam de oculo tuo: & ecce trabs est in oculo tuo. Hypocrita, eijce primū trabem de oculo tuo, & tunc videbis eijcere festucam de oculo fratris tui. Tunc ergo alios decentius corripere poterimus, cū prius nosmetipsos correxerimus: corripere, inquam, non condemnare, vt charitas conseruetur, & semper declinetur impietas.

ILLI quippe qui nimis arroganter adulteram accusauerant, mox Domino in terra scribente, cū suum legisent scelus, alienum vlcisci erubuerunt. Qui sine peccato *Accusatores adulteræ. Iohan. 8.* est vēstrū, inquit, primus in eam lapidem mittat. Non solū autem lapidem in accusatam torquere nequiuerūt, sed nec iusti Iudicis ferre præsentiā. Ad lapidandū conuenerant, sed parua mora, ipsi quasi lapidibus acti, fugam fecerunt. Tamq̃ue indigni erant qui alios arguerent, vt adulterij crimen ab eis delatum faciliē veniam inuenerit. Nos itaq; si nostra peccata ante oculos posuerimus, aliena post tergum relinquemus, nec alterū accusare audebimus, magis ipsi accusandī.

Ec 2

Mor-

Moyſes Abb.

M O Y S E S Abbas in deſerto Scythi nominatiſſimus, cū accerſiretur, vt ſententiam diceret in fratrem qui peccauerat, venit ſaccum arena plenum in tergo baiulans, & rogatus quid illud eſſet: Peccata ſua eſſe dixit, quę vix ferre præualeret, ne dum aliena iudicare poſſet. Quod Prępoſiti Monafterij audientes, fratri pœnitenti veniam indulgere, quā pœnam infligere maluerūt, dum conſiderant, ne ſe quidem ſine peccato eſſe. Nec tamen ideo delinquentibus ignoſcendum eſt, ne coquatur hœdus in lacte matris ſuz. Sed ipſi qui præſunt, ita ſeueritatem in puniendo exercent, vt ſemper ſe quoque infirmos eſſe meminerint.

Exod. 23. et 34.

In vitis PP. & Iacob. de Vorag.

*Monachus qui
dam & Paſtor
Prębyter.*

Eiuſdem loci Prębyter Paſtor, Monacho qui ſe de Cœnobio diſceſſurum dixerat, quod ſe cum Fratre manere, de quo malè auდიſſet, pigeret: Ne facilè malum credideris, inquit, quod auდიſti. Cumque ille id ſibi à viro fideli relatū aſſeueraret, reſpōdit: Si fidelis eſſet, non tibi dixiſſet. Poſtremò propoſuit ei trabem & feſtucam de Euangelio, vt ſemper aliena peccata feſtucā putet, ſua trabem, ſe priuſ condemnans, quā alios iudicans. Quo tandem conſilio ipſe uſus, ibidē habitauit vnde recedere decreuerat, malè de altero obloquentibus credere deſtitit, malè agētes ſibi præferre cœpit, & ſi quis etiam manifeſtò deliquerat, non iam ei iudicandi occaſionem, ſed magis humiliandi præbebat. Et nos ergo Paſtoris vocem audiamus, vt mites & quieti potius cum agnis in partem dexteram cōcedamus, quā laſciuientes & curioſi ad ſiniſtram cum hœdis declinemus. Laſciuunt autem qui præſumptionis ſpeculam inſcendentes, aliorum actus auide explorant, ſuos nō ſatis conſiderant, & dum alios nimis licenter iudicant, ipſi grauius Dei iudicium incurrunt. *Iacob. de Vorag.*

Matth. 23.

*Percuſſor
Vitalis
Monachi.*

S I C V T I de illo legimus, qui Alexandrię Vitali Monacho de proſtubulo egredienti obuiam factus alapam inculſit, quod ab eo libidinis cauſa infamem locum frequentari diceret. Et ſtatim ipſe à dæmonio arreptus, malè torqueri cœpit. Aſſiduus quippe ibi erat Vitalis, non tamen libidinis

libidinis causa, ut ille putauit, sed ut eas quæ se libidini prostituerant, à tam turpis vitæ proposito reuocaret. Ad singulas enim penetrans, oblata pecunia noctem pacifcebatur, neque quicquam tota ea nocte aliud quàm dolenter ingemiscere, & Deum pro salute perditæ mulieris deprecari: ita alias ad Deum conuertere, alias saltem eo tēpore ut à scelere cessarent, compellere. Quæ res tunc clarius patuit, cum post vindictæ diuinæ in percussorem miraculū, illæ ipsæ mulieres, apud quas aliquando pernoctauerat, palam confiterentur, atque idem percussorem suum miseratus, oratione sanitati restituisset. Nos tam anceps iudiciū facile vitabimus, si Iohannis Alexandrini Episcopi prudentiam imitari voluerimus, qui ipsius Vitalis delatoribus ita fidem adhibuit, ut sanctum virum ne in lustris quidem impudicè versari crederet. Tutius nanque consilium, æquior deliberatio, certius iudicium, semper bene præsumere de ijs, quos nunquā in crimine nouim⁹ deprehēfos. *In vi. PP.*

IDEM Sanctus Iohānes Episcopus illos etiam, qui publicè peccauerāt, absentes carpi taxarique prohibuit. Fieri enim posse, ut peccatum pœnitēdo diluissent, & iniquum esse id ab homine petulanter exprobrari, quod à Deo clementer fuerit condonatum. Itaque domesticos suos grauius increpuit, cum quendam virginis raptorem morte dignum dixissent. Et qui scitis, inquit, si ille iam peccare desistit, cum vos fortasse non cessetis? Iure quidem ista Iohannes. Cum enim Scriptura diuina dicat: Nescit homo utrū amore, an odio dignus sit: qua ratione homo in altero sciet, quod in se nescit? utrū scilicet aliquis odio, vel amore, dignus sit? *In vii. PP.*

Iohannes Episcopus.

Eccēs. 9.

BEATVS verò Franciscus etiam obliquæ suspitionis culpam in fratre castigauit. Cum enim pauperculo quodā sibi obuiam factō, nuditatem eius dolens identidem ingemisceret, & frater quocum vnā iter agebat, dixisset: Pater, & si ille rebus pauper est, fortasse rerum concupiscentia diues est: continuō ipsum tunicam suam exuere, & pauperem operire iussit, ut quem lingua læserat, ei beneficio

Ee 3

latis.

satisfaceret. Præuigilatur suspiciones, cum præsertim de crimine nihil constat, sedulo vitandæ sunt. Et licet semper vitari nequeant, quoniam homines sumus, ibi saltem commoriantur ubi ortæ fuerint. Linguam contineamus, si cogitationes non possumus. *Bonaent, c. 8.*

Lupus Episc.

Quis enim de Lupo Senonum Episcopo non male opinaretur, si eum præcessoris sui filiam virginē iam adultam (quam iuxta se educabat) tenerrimè diligere conspexisset, & quāta ille sanctitate polleret, ignorasset? Sed profectò neq; nota sanctitas obstitit, quin aliquādo domestici eius ipsum nimij in puellā amoris inter se taxarent. Quod ipse rescians, coram omnibus euocatam osculo excepit, dicens: Non offendunt obloquentium verba, quæ propria non inquinat cōscientia. Quoniam autem virginis animū in Dei amorem propensum cognouerat, eam ardēter quidem, sed corde syncero diligebat. Nihil prauum de ipso conijcere debuerunt, quem irreprehensibilem totius reliquæ vitæ institutio testabatur. *Sur. Tom. 1.*

Daniel Abb.

Ab hac impudicitæ nota Daniel Ægyptius Abbas miraculo se expediuit. Cum enim rogatus, rustici cuiusdā domum adijisset, vxori eius diu infœcundæ ac sterili sobolem oratione à Domino impetrauit. Vicini verò tumescēte ventre mulierem cernentes, quam olim de marito nunquam grauidā factam nouerant, de Abbate concepisse putauerunt. Postquā ergo peperit, Daniel omnibus ad spectaculum conuocatis, infāntulum per Deum obsecrat, ut quis pater eius esset, palām diceret: & statim ab osculo illo, à quo nihil aliud adhuc nisi vagitus audiebatur, verba proruperunt, quibus cognitum est, mulieris maritum esse pueri patrem. Mutata igitur sententia, omnes Danielis sanctitatem laudibus extulerūt; cuius precatione factū esset, ut & sterilis generaret, & puer mox ut natus est, loqueretur. Itaque tota criminis suspicio in admirationem versā est virtutis. *In vitis PP.*

Briccius.

Idem contigisse Briccio Turonensi Episcopo, sed non eodem successu legimus. Mulier professione, non opere, reli-

religiosa, quæ indumenta & linteamina eius lauare cōsueuerat, illicito cū quodā coitu prolem edit. Briccius commissi reus agitur, afferri puer nondum menstruus iubetur, qui Briccio in nomine Christi interrogāti respondit, ipsum non esse patrē suum: quis autē esset, non indicauit. Itaque ne sic quidem conquieuit aduersum Episcopum concitata plebis indignatio, magicæq; arti deputantes, quòd virtute fiebat diuina, in illum inclementius fremebant. Ipse verò vt se altero quoque signo (quando vnum non erat satis) innocentē probaret, prunas in sinum congestas per vrberem tulit, dicens, quòd sicut vestimentum suum non vrebatur, ita se à libidinis flagitio alienum esse. Illi tamen prorsus increduli, suspectum ab Episcopatus officio vi deponunt, & alium in locū suum constituunt. Cæterum tam insontis infamiam Deus non ferens, duobus iam successoribus eius paucorum dierū spatio vita defunctis, ipsum in Sedē suam per summum Pontificem restitui fecit, ne plus potuisse videretur malorū oblitinata suspicio, quàm iusti manifesta miracula. *Greg. Turon. in Catalog. Episc. l. 31.*

Quomodo autem id quod aperte non viderint, iudi- *Sylvanus*
cantēs non faller, si etiam visā interdum sefellerunt? Dia- *Episcopus.*
bolus namq; Syluani Nazarathensis Episcopi integritatem cūm peruertere nequisset, infamia dehonestare decreuit, & formam eius habitumq; assimulans, matronam quandam noctu adiit, atq; ad concubitus vrgere coepit. Pudica mulier vim timens, domesticorum opem protinus inclamat: ille latebram sub lecto petijt, sed vt volebat, à concurrente familia inuentus, verberibusq; & contumelijs affectus, extra ædes eijcitur. Interim rerum inscius Sylvanus, vbi manē tandem percepit se vulgo diffamari, & pro scelere quod ne cogitarat quidē, iam ad vindictam expeti, furori cedere satius ducens, properē Bethlehē se contulit. Sed cū ibi quoque vitæ suæ insidiarentur, quidam ipsum ferire volentes, versis mucronibus ipsi sibi mortem conscituere. Post hæc cum ad tumulū D. Hieronimi mulier de- *Hieronimus.*
moniacæ curationis gratia adducta est, plurimiq; eò simul

confluxissent, apparuit Hieronymus, & dæmoni ut ab ea exiens, quibus præstigijs Nazarethanos aduersus Sylluanū ludificasset, palā faceret, imperauit. Illicò mulier sanatur, & præsentē Sylluano, Sylluanus alter iuxta illam cernitur, qui rem ordine confessus disparuit, & vulgato miraculo cessauit innocētis infamia, versipellisq; impostoris offuciæ magno omnibus tunc stupori fuere. Quàm igitur circumspectos, quàm vigilantes nos esse decet, ne quid malè de sanctis viris, etiā cū in crimine deprehensos esse credimus, nimis citò affirmemus? *Inter Epist. August. 206. c. 5.*

*Fortunatus
Episcopus.*

ID E M quippe callidissimus hic veteranæque malitiæ veneno imbutus serpens, Beatum quoque Fortunatum Tudertinæ vrbis Episcopū infamiæ probro lacessiuit. Per ipsum nanque ab homine expulsus, peregrini formam assumpsit, & cū clamore incedens, passim queri cœpit, quod Fortunatus Episcopus (qui ab omnibus hospitalis ac pius existimabatur) se ab hospitio suo cum iniuria exturbasset. Hunc quidā malignis rumoribus nimis credulus, ac simul ut munificentiorē Episcopo se ostenderet, domi suæ accepit. Sed dum vnà cum illo ad ignem sedens (frigus enim erat) Fortunato licentius detraxisset, animaduertit confessorē suum nusquā comparere, & filium paruulum iam ab eo possessum vertiginoso volutatu inter prunas deijci, vitæque destitui. Vnici tandem orbitate didicit infelix pater, quantum scelus sit, & quale crimen, sanctorum hominum vitam vel cauillari, vel cauillantibus faciliē credere. *Greg. Dial. lib. 1. c. 9.*

*Effren Solita-
rius.*

MA X I M E quidem lentos continentēsque in iudicandis aliorū moribus nos esse oportet, cū etiā perfectioris vitæ viri in ea re aliquando lapsi fuisse ferantur. Effren Eremita columnam ignis ad cœlum vsque porrectam viderat, audieratq; talem esse magnū Basilium Episcopum, & hac visione illectus Cæsaream venerat, ut tantæ existimationis hominem oculis quoque consideraret. Sed cū solenni Epiphaniæ die pontificali pompa in magno Clericorum cœtu fulgentem cōspexisset, ipsum elatæ superbiz colum-

columnam esse censuit, non ignitæ charitatis. Postquam verò ab illo accitus eiusmodi cogitationis errorem sibi obijci audiuit, cognouit Deum esse in homine, qui aliorum arcana illi reuelaret, & ostētis quàm magnus apud se esset testaretur. Prostravit ergo se, & peccatū confitens veniam petijt, atq; ita iam deinde, vt erat, de ipso definire cœpit: quantò scilicet exteriori apparatu elatior videretur, tantò interius humiliorem esse. *In vitis PP. Sur. Tom. 1.*

Alium quoque eremi cultorem in Basilio deceptū tra- *Quidam Ere-*
dunt, qui cum festo quodam die in Ecclesia multo compo- *mita.*
situm ornatu, atque in loco editiore sedentem cerneret, non hoc (vt quidem debebat) Episcopali dignitati impu-
tauit, sed cuidam inanis gloriæ fucō atque oblectamento. Quamobrem voce ad se de cœlo lapsa audiuit, multò plus
ipsum voluptatis capere solere, selem bestiā, quam in cella
habebat, manu demulcendo, quàm Basilium Episcopum
sacris indumentis se ornando. His exemplis docemur,
non ex signis, quæ foris apparent, animum qui intra homi-
nem latet, iudicare debere, eius præsertim, quem multorum
opinio commendat, sermo celebrat, obsequium honorat,
In vita Basilij.

Sed hic iudicij error ijs ferè cōtingit, qui paupertatis
& humilitatis vitā professi, putant si quis inter ipsos paulò
cultiorem qua vtatur rem habuerit, propositi præuaricato-
rem esse, quasi non eos tantum beatos vocet Dominus qui
spiritu pauperes sunt, aut etiam gloriæ cupiditas sub for-
dido & squalenti amictu latere non possit.

Hinc ergo Carthusiensis cenobij Præpositus Bernardus *Bernardus*
do Abbat, cum ille ad ipsum visendum equo vectus adue- *Abbas.*
nisset, Ephippio nimis eleganti vsum exprobrauit. Attamen
qui Deum magis quàm equi phaleras animo voluebat,
quale ephippium illud esset, cui insidens à Clareualle iter
egerat, penitus ignorabat, & ab ijs qui secum venerant,
quale esset querere cœpit. Tunc haud dubiè apparuit, ma-
gis illi curæ fuisse qualem animum eò afferret, quàm qua-
lem supellectilem. Itaq; non semper ex utensilium aliquo
decore

decore mens hominis erit metienda, sed ex operibus potius, vitæq; conuersatione. Neq; enim qualis quæq; arbor sit, folia ostendūt, sed fructus. *In vita Bernardi. lib. 3. c. 1.*

*Machetes
Abbas.*

MACHETES Abbas in Ægypto (sicut à Iohāne Cassiano traditum est) fratres incusare solitus, quod vnam in faucibus tumentem tolerare non possent, sed præciderent, quod in cellulis sagū haberent, quod secularibus hominibus oleū pro medicamēto consecraret: duo prima ad impatientiā referebat doloris & paupertatis. Tertiū quandā animi arrogantiam, virtutisq; ostentationem præ se ferre aiebat. At verò quicquid dudum in alijs reprehenderat, mox ipse egit inuitus. Nam in morbum vix incidens, præ dolore eam præcidi non solum passus est, sed rogauit. Deinde corpori ex valetudine frigescenti sagum adnuit. Postremò secularium hominum molestijs victus, oleum benedixit. Et confessus est, suoapte iam exemplo se didicisse, Monachū in quo alios labi iudicauerit, ipsum in eo lapsurum vel nolentem. Veram enim esse Domini sententiam dicentis: In quo iudicio iudicaueritis, iudicabimini. Nam si nosmetipsos (vt Apostolus inquit) iudicaremus, non utique iudicaremur. *Cassian. lib. 5. c. 30.*

*Matth. 7.
1. Cor. 11.*

*Femina.
Ancilla in
Saram.*

A c ne foeminas prætermittendo ab hac iudicādi culpa vindicare videamur, Raguelis ancilla Saram eius filiā septies viduam & adhuc virginem, virorum suorum interfetricem, ausa est appellare. Quos tamen Deo volente à dæmonio præfocatos tradit Scriptura, vt illa tandē Tobiz Deum timenti integra inuiolataq; seruaretur. Hanc ergo Deus ita diligebat, vt à prophanis contingi non sit passus: & eandem ancillæ temeritas parricidio pollutam dicere non dubitauit. Pudeat nos vilis ancillulæ procacitatem sequi velle, vt hominum mores ex casibus ponderemus. Non semper quicquid aduersi euenerit, ad culpæ meritum est referendum. Viros amittebat Sara, nō quia peccauerat, vt viduitate puniretur: sed quia non peccauerat, vt intacta digniori viro copularetur. *Tobie lib.*

A dhæc tamen illi inconsultius errant, ne dicam impuden-

dentius, qui etiam bonum aliquod opus, ne bono animo factum videatur, cauillantur.

GERMANA Monasterij Thebaidis soror, sorori Euphraxie per hebdomadam interdum perducta ieiunia, quæ admirari debuerat, vitio dedit, ausa dicere, ijs ab illa nihil aliud quàm viam affectari vt cæteris præsit, eò quòd hoc ieiunij genus nulla antea præter Abbatissam attentasset. Tantam in iudicando temeritatem Abbatissa nequaquam impunitam dimisisset, nisi Euphraxia de se obloquēti protinus veniam suis precibus exorasset. Qua sanè erga æmulam benignitate ostendit, quàm quoque syncero in Deum animo ieiunaret. Tantò tamen Germana malè iudicans discessit confusior, quantò Euphraxia malè audiēs patientior. Et profectò inexpiabilis poenæ inuidiæ crimen est, ob hoc virtutem aliquam in altero mordere, quòd eam ipse assequi posse desperes. Nam etiam Spiritui sancto iniuriam facit, qui donum eius in illo cui datum est, petulanter sugillare contendit. *In vitis PP.*

SED nos ab huiusmodi fatuitate abhorrentes, imitemur Bernardum illum de Quintaualle Beati Francisci in terris olim laboris socium, nunc in coelo gloriæ confortem, regniq̃ue cohæredem. A cuius oculis, veluti duabus lucidissimis stellis, miri splendoris radios promicare in visu conspexit Leo frater, & accepit ipsum ideo habere fulgentes oculos, quòd neminem quondà intuitus fuerat, quem se meliorem non iudicaret. Fertur enim, si quem vili veste tectum aspiceret, sibimet dicere solitus, hic patientius paupertatem tolerat quàm tu, Bernarde; & si quẽ pretiosius indutum, hic fortè sub veste delicata melior est quàm tu, Bernarde, sub tunica rudi. Meritò igitur oculi illi radiarūt, quorū aciem nulla vnquàm temerarij iudicij hebatauerat lippitudo, & semper integram puramq̃ue cõseruiarat veræ sanctæque collyrium humilitatis. *Bonauent. c. 7.*

PORRÒ aduersus eos qui secus iudicant, vas electionis Paulus Apostolus ad Romanos scribens, exclamat: *Rom. 2.* Inexcusabilis es, ô homo, omnis qui iudicas. In quo enim alterum

alterum iudicas, teipsum condemnas. Scimus enim quoniam iudicium Dei est secundum veritatē in eos qui talia agunt. Existimas autem hoc, o homo, qui iudicas eos qui talia agunt, quia tu effugies Iudicium Dei? Et rursus: Is qui manducat, non manducantem non spernat: & qui non manducat, manducantem non iudicet. Deus enim illum assumpsit. Tu quis es, qui iudicas alienum seruum? Quod autem ad Corinthios idem scripserit: Spiritualis iudicat omnia, & ipse à nemine iudicatur: ostendere voluit, quantum differat spiritualis homo ab homine animali. Alteri enim spiritualiter viuenti ad res discurrendas intellectus acuitur, multaque interdum occulta diuinitus reuelantur. Alter verò, quem animale vocat, carnis non spiritus affectibus vacas, id est, voluptatibus deditus, ne illa quidem quæ videt, quæ contrectat, rectè vereque, diiudicat. Animalis inquit, homo non percipit ea quæ sunt spiritus Dei. Stultitia enim est illi, & non potest intelligere, quia spiritualiter examinatur. Spiritualis ergo qui iudicat omnia, iudicet sanè, sed aperta ac manifesta, & de quibus dubitare non est, quo animo fiant, cuiue fini dirigantur. Quæ verò bonæ malæque intentioni communia sunt, quæque vel adhuc occulta latent, vel futura nesciuntur, ea diuinare nisi ex reuelatione non præsumat. Quod si cælitus inspiratus, iam cum Paulo dicere poterit: Nos autem sensum Christi habemus: iudicet omnia. Ita demum ipse omnia iudicans, à nemine iudicabitur, hoc est, iure reprehendi poterit. Propterea idem Apostolus: Mihi autē pro minimo est, inquit, vt à vobis iudicer, aut ab humano die: sed neque meipsum iudico. Nihil enim mihi conscius sum, sed non in hoc iustificatus sum. Discamus in Apostolo magnam animi modestiam. Nullius conscius culpæ, non audet se iustum dicere. At nos, qui quotidie aliquid delinquimus, saltē alijs velle præponi erubescamus. Et cum ipse subsequēter dicat: Qui autem iudicat me, Dominus est: desinamus nosipsos ita iudicare, vt proximos putemus contemnendos, quandoquidem & illorum, & noster, & omniū Iudex & Conditor

vnus

Ibid. 14.

1. Cor. 2.

Ibidem. 9.

vnus Deus, vnus & Redemptor Iesus Christus. Nolite, inquit, ante tempus iudicare, quoadvsq; veniat Dominus, qui & illuminabit abscondita tenebrarum, & manifestabit consilia cordium, & tunc laus erit vnicuiq; à Deo. Interim verò qui se existimat stare, videat ne cadat. Perspicuum autem est, eum labi & ruere, qui se ijs quos iudicat, arbitratur meliorem, Iacobo Apostolo dicente. Qui detrahit fratri, aut qui iudicat fratrem suum, detrahit Legi, & iudicat Legem. Siquidem etiam in Lege scriptum est: Non eris susurro, nec criminator in populis. Pulchrè itaq; Apostolus continuat, dicens: Si autem iudicas Legem, non es factor Legis, sed iudex. Vnus est enim Legislator & Iudex, qui potest perdere & liberare. Tu autè quis es qui iudicas proximum tuum? Nimis itaq; audax est, & plus quàm dici potest temerarius, qui suo iudicio æternum Iudicem præuenire nō formidat. Christus venturus est vt iudicet mundum: qui præuenit, non Christus, sed Antichristus est. Antichristum autè Dominus Iesus interficiet spiritu oris sui. Ergo & illos, qui de incertis, confidenter: de occultis, asseueranter: de ambiguis, indiscusse: de nihil ad se pertinentibus, arroganter: de omnibus denique prauè impieque iudicauerint, simul disperdet.

Iacobi. 4.

Leuit. 19.

Iacobi. 4.

De Patientia iniuria.

Cap. II.

CVm igitur ratio constet, nostris iudicijs neminem lædi debere: quò ab eis facilius abstinere possimus, læsi quoque pati potius offensas, quàm vindicare, discamus. Nihil est enim quod ita animi tranquillitatem conciliet atque conseruet, vt omnium aduersitatum quæ accidere nobis possunt, toleratio stabilis & firma. Et proprium quidem Christiani est, vt non inferre iniuriam, ita illatam obliuisci, vt nō amare diuitias, ita rei amissæ damno non moueri, non mala valetudine concuti, non tyrannorum minis terreri, sed à vita prius quàm à iustitiæ cultu disce-

discedere. Opportunè itaque eorum nunc proponemus exépla, quos in perferreda iniuria fortes fuisse accepimus; deinde de reliquis Patientię generibus suo ordine dicturi.

Ioseph.
Genes. 42. I O S E P H fratrum in se inuidiam beneficiorum relatione compensauit. Fame qua laborabant interijssent, nisi ille eos aluisset, in cuius necem conspirauerant, quem in cisternam, vt ibi extingueretur, deiecerant, quem mox vt seruus potius quàm liber moreretur, inde exemptū alienigenis vendiderāt. Non esset magna in Ioseph patientiæ & benignitatis virtus, nisi & magnum in illum sœuientium fratrum extitisset odium: tantò plus laudis meruit, quantò maiorem iniuriam remisit. *Gen. 42.*

Moyfes.
Num. 12. M O Y S E S illatā sibi non leuem verborū contumeliā, & fratri Aaron statim ignouit, & pro Maria sorore deprecatus est. Quamq; Deus lepræ morbo pro crimine petulantiz corripuerat, ipse vt sanaretur, orando impetrauit.

Idem.
Exod. 32. I D E M cū vituli adorationem vliscens Deus populum internecione delere pararet: Aut dimitte eis, inquit, aut dele me de libro tuo quem scripsisti: & tamen sibi insultantes in deserto sæpe expauerat, ita vt diceret: Adhuc modicum & lapidabunt me. Disfidij ergo & simultatum oblitus, nisi impunè dimittantur, simul optat mori. Ac ne fortè ideo illis gratiā ab eo quasitā putemus, vt supersint quibus ipse præsint, iam Dominū audierat pollicentem sibi: Faciam te in gentem magnam. Sed maius existimauit pro malo reddere bonum, quàm præsidere plurimis.

Saul rex.
1. Reg. 10. S A V L S quoque regis illa patientia cōmendatur, qua rex factus cū à quibusdā suorum contemptui haberetur, nosse dissimulauit. Deinde victis Ammonitis, cū triumphans rediret, milites qui eam contumeliā armis vlisci moliebantur, coërcuit: Turpissimum ratus, si paucorum obtrectātium inuidiam ferre nequiuisset, qui tot millium bellatorum exercitum potuit superare. Magni profectò animi vir, si vitijs postea nō fuisset deprauatus, ita vt idem & patientiæ, & impatientiæ exemplum sit. *1. Reg. 11.*

Dauid rex. Innocentissimum namque Dauid & semper optimè de se me-

se meritū capitali odio persecutus est, ob hoc tantū, quia 2. Reg. 18.
 sibi militaris virtutis gloria eū præferri audiuit. Sed quātō
 ille aduersus Dauid extitit infensior, tantō ipse erga eum se
 gessit submissius. Necis in persecutorem suum non semel
 potestatem nactus, semper illæsum dimisit, fugiendo inui-
 diam declinare malens, quā vlciscendo. Denique ipsum,
 qui viuis vitæ suæ insidiabatur, ab hostibus læsum fleuit.
 Hanc tantam in eo patientiam, tantam animi mansuetu-
 dinem magis ego miror, quā belligerandi præstantiam:
 cū multo magnificentius sit, seipsum quā hostes vin-
 cere. Seipsum autē vincit, qui perturbatæ mētis libidinem
 rationi cedere cogit, & iniuria laceffit non excandescit.

E V N D E M cū de Ierusalem fugeret, filij Absalonis *Idem.*
 factionem timens, & Bahurim vsq; venisset, inde egressus, 2. Reg. 16.
 Semei Geræ filius de cognatione Saul, per montis crepi-
 dinem ex latere incedēs, ausus est maledictis & lapidibus
 incessere, virum sanguinum, ac virum Belial compellans,
 aliāque multa in illum congerens tam petulanter, quā
 temerē. Qui cum rege erant, ad vlciscendam iniuriā con-
 citantur, sed ab ipso cui irrogabatur, inhibiti sunt. Et di-
 mittite eū, inquit, vt maledicat. Dominus enim præcepit
 ei, vt malediceret Dauid: Et quis est qui audeat dicere,
 quare sic fecit? Ecce filius meus qui egressus est de vtero
 meo, quærit animam meam: quantō magis hic filius Ge-
 mini maledicet mihi? Dimittite eum vt maledicat iuxta
 præceptum Domini, si fortē aspiciat Deus afflictionem
 meam, & reddat mihi Dominus bonum pro maledictione
 hac hodierna. Quid hac patientia humilius? quid humili-
 tate patientius? Rex erat, & quidem fortissimorū virorum
 grandi agmine stipatus, & tamen vnus priuati hominis
 tantas corā acceptas contumelias dimisit impunitas.
 Neque eum spes illa frustrata est, qua sibi pro maledictis
 propiciaturum Deum dixit. Post hæc enim ab omnium
 inimicorum suorum molestijs liberatus gratias egit, di-
 cens: Accinxisti me fortitudine ad prælium, incuruasti re- 2. Reg. 22.
 sistentes mihi subtus me.

*Iob.
Iob. 31.*

I O B quoque confitentem audimus, ab omni prorsus vindictæ appetitione semper se fuisse alienum. Ait enim: Si gauisus sum ad ruinam eius qui me oderat, & exultaui quod inuenisset eum malū. Non enim dedi ad peccandum guttur meum, ut expeterem maledicens animam eius. Molliter igitur ferendo inimicos vsque adeo fortis euasit, ut nullo deinde calamitatū genere ad aliquod impatiētiae signum impelli potuerit. In maximas quidē incidit ærumnas, sed omnibus ærumnis maior in illo tolerationis virtus fuit. Denique qui non est gauisus ruinis inimici, idem nec suis vinci potest.

Iesus Christum. **S** E D quibus tandē verbis, quo ore Domini nostri Iesu Christi patientiā explicabimus? Profecto maior est, quā ut pro dignitate exprimi queat. Dei Filius ab hominibus, probris, flagellis, morte afficitur, iustus ab impijs, Dominus à seruis, & ab ijs quidem quos saluare venerat, ac de maledictione, cui addicti ab initio erāt, in benedictionem gratiamq; vindicare. Poterat in vno oculi ictu simul perdere omnes, ne quid mali ab eis pateretur, sed vltro obtulit sese, ut nos per sui Corporis Sacrificium conciliaret Deo. Irridebatur itaque, & tacebat: accusabatur, & nihil respondebat: verberabatur, & sustinebat: crucifigebatur, & pro crucifigentibus ad Patrem orabat. Quis tam durus est, ut hæc secum considerās, ad ignoscendum ijs, à quibus læsus fuerit, non mollescat? Indignè ille passus est, quicquid passus est, quia delictum non fecit. Nobis nulla prorsus iniuria indignè inferri potest, qui peccatores sumus. Feramus ergo æquo animo quicquid in nos committunt homines, quia nos antè peccauimus Deo. Quicquid patimur, non est offensa, sed vindicta.

*Idem.
Luca. 9.*

I D E M omnis patientiæ & exemplar, & magister, & remunerator Iesus Dominus, cum à Samaritanis nō fuisset in urbē receptus, tam leniter tulit, ut Iacobū & Iohannem vlcisci iniuriam volentes increpauerit. Vis, inquit, dicimus, ut ignis descendat de cœlo, & consumat illos? & responsum accipiunt: Nescitis cuius spiritus estis. Filius

homi-

hominis non venit animas perdere, sed saluare. Nos igitur si spiritus Christi esse cupimus, si parere voluntati eius optamus: curemus ne quæ impatientia nostra irritando perdamus, cum ille sustinendo pro salute omnium voluerit mori.

Dicet aliquis, cur ergo Elias quinquagenarios Ochozia *Elias Proph.* regis, qui ad se comprehendendum missi fuerant, igne de *4. Reg. 1.* coelo excito afflari consumique; imprecatus sit? Cui respondimus, quod alij etiam Prophetæ multis in locis diuinę Scripturę itidem fecisse videntur, nec tam irati (ut equidem reor) sed Spiritu sancto inspirati, futurum prædicentes, non malum alicui exoptantes, aut vindictam appetentes. Itaque nec Elias iracundia commotus, sed numine actus, in impios illam sententiam dixit, quam æquam iustamque esse, repentinis probauit euentus. Vel aliter dicendum est. Nondum Christus aduenerat propitiatio nostrā, qui veteris Legis rigorem nouę benignitate mitigauit. Vnde: *Matth. 5.* Dicitur est antiquis, inquit, Diliges proximum tuum, & odio habebis inimicum tuum. Ego autem dico vobis: Diligite inimicos vestros, benefacite ijs qui oderunt vos, & orate pro persequentibus & calumniantibus vos, ut sitis filij Patris vestri qui in coelis est, qui Solem suum oriri facit super bonos & malos, & pluit super iustos & super iniustos. Si enim diligitis eos qui vos diligunt, quam mercedem habebitis? nonne & Publicani hoc faciunt? Et si saluaueritis fratres vestros tantum, quid amplius facitis? nonne & Ethnici hoc faciunt? Estote ergo vos perfecti, sicut & Pater vester cœlestis perfectus est.

Sed hic etiam illud querendum nobis occurrit: Quare *Paulus Apost.* etiam in noua lege Christi Apostolus Paulus in facie cæsus *Act. 23.* tam ægrè tulit, ut Ananias Sacerdoti, qui ipsum cædi iussit, maledixerit, dicens: Percutiet te Deus, paries dealbate, & cum argueretur iniurię in Sacerdotem: Nesciebam, inquit fratres, quia princeps est Sacerdotum. Scriptum est enim: Principi populi tui non maledices. Ignoracionem ergo *Exod. 22.* excusauit, non officij, sed hominis. Nunquid autem si etiam Sacerdos non esset, maledicere illi debuit? Nequaquam.

Ff

Non.

Non igitur maledicēdi affectu hoc dixit, sed Spiritu sancto concitatus, iniquo homini poenam denūtiavit. Vel etiam prophetauit, quia verus Iudaeorum Sacerdotium percutiendum, hoc est, repellendum erat nouo Euangelij Sacerdotio. Vnde alij codices scriptū habent, percutiet, nō percutiat: vt quod futurū erat, significet, nō quod ex indignatione futurum optet. Excusat autem, ne quis eo exemplo putet, in malo Sacerdote dignitatis rationē non habendā, cum etiam malo & discolor honor deferendus sit. *Act. 23.*

*Martyres.
Apoc. 6.*

Sed quo tandem argumento illud in Apocalypsi absoluemus, vbi Sancti Martyres ad Deū clamāt: Vsq̄uequo, Domine, sanctus & verus nō iudicas, & non vindicas sanguinem nostrum de ijs qui habitant in terra? Hoc quidem perinde est, ac si dicerent: Da iam, ne vltra sanguinem nostrum sitiant persecutores nostri, sed ad te conuertantur, & salui fiant. Itaque vindicta ista quam implorant, nō impatientiae est, sed amoris: nō inimicitiae, sed pietatis. Quod ita esse vt dicimus, vel ex eo facile persuaderi potest, quia plurimi inter illos, qui Martyrū cruore manus foedauerāt, mox credētes, & ipsi Martyrio coronati sunt. Quā gratiam nequaquam affecuti fuissent, si in eos aliter vindicandum Sancti postulassent. Vnde Dominus in Psalmo: Vltus sum in eos. Quod exponēs Augustinus: Vindicavi me, inquit, de inimicis meis. Quomodo me vindicavi? occidendo in eis errorem, suscitando fidē. Atq; inde nos admonens, ait: Quando te persequitur homo, noli attendere illā figuram quā fecit Deus, aut animā illam quā inspirauit Deus. Nō te persequitur quod fecit Deus, sed malitia quā fecit homo. In malitiā ergo hominis irasci licet, in hominē nō licet.

*Martinus
Episcopus.*

BEATVS Episcopus Martinus, dum a fello veheretur, fortē obuiam fit quibusdam equitibus: eo viso territi equi, saltibus in diuersum actis, suum quisque sessorem dorso excussere, & illi casum indignātes, Episcopo immodestis insultarunt, ita vt nec manibus temperarent. Sed rursus conscensis equis, cum loco eos & calcaribus, & flagris vrgendo, mouere non possent, diuinam in homine virtutem
(quem

(quem improbè vexauerant) animaduertunt, & repente ante ipsum suppliciter prouoluti, peccatum cōfitentur, & veniam exposcunt. Tunc ille pro iniuria beneficium referens, eos amicè amplexatus est. Equis autem vt dominis suis obedirent, imperauit, qui quasi vinculis carceribusve soluti, statim abiēre, iter coeptū maturantes. Meritò brutis beluis imperare potuit, qui superborum hominum offensam tam moderatè tulit: meritò miracula fecit, qui læsus irasci nesciuit. *Sener. Su'p. in vita S. Mari.*

LUPVS Trecasinæ vrbis Episcopus, Attilā ciuitatem obsidente, interrogauit quis hic esset, qui sic in se arma lacerasset. Vbi accepit, Attilam flagellū Dei esse, ingemiscēs ait: Et ego Lupus vastator gregis Dei, dignus flagello eius. Portas eis referari iussit. Ingressi autē hostes, rectā urbem pertransiēre, nihil hostiliter agentes, ne respicientes quidē ad quenquā oppidanorum, quasi neminem vidissent. Hanc tantam tutandæ ciuitatis gratiam Deus contulit Lupo, vt qui se dignum flagello confessus fuerat, à flagello liber esset. *Sur. Tom. 4.*

BENEDICTVS Abbas Florentinū Presbyterum vitæ insidiantem, patientissimè tulisse perhibetur. Panem veneno infectum sibi ab illo muneri missum (licet dolos cognouisset) benignè accepit, ne recusando scelus hominis (quod cæteros latebat) proderet. Cæterum ab eūtibz qui panem attulerant, coruo aliti præcepit, vt illum rostro sublatum eò transportaret, vbi contingi à nemine posset: & protinus volucris illa iussis eius obediuit, cuius sanctitati homo inuidebat, vt appareat inuidos homines bestiis minus rationales esse. Decipi autē Dei seruus non potuit, Spiritus sancto insidias reuelante: eas tamen ipse nosse tunc dissimulauit, ne malitiā inimici palā faciendo, suam vltus iniuriam argui posset, timens illud: Qui vindicari vult, à Domino inueniet vindictam. *Greg. Dial. lib. 2. c. 7.*

FLORENTIVS verò in flagitio perseuerans, quē occulta fraude vincere nequiuit, aperto bello aggredi decreuit. Meretriculas ergo de prostibulo conuocatas, in hortum

Monasterij adduxit, quæ impudenter inter se lasciuendo monachos ad libidinem prouocarent. Abbas autem cum iam non vitæ suæ vnus, sed animabus cunctorū qui secum erant, periculum verti vidisset, loco cessit, & vnā cum suis longius inde demigrauit. At hic scelestus infelicitissimæ pugnae victor, quod eos fugere compulisset, exultans domum redijt. Sed cum lætabundus tripudiaret, repentino patimenti collapsu elusus, expirauit. Benedictus verò exitialis inimici tristem exitum vehementer dolens, discipulum suum Maurum, quod eo nuntio lætari videbatur, puniuit, vt doceret, ne persecutorū quidem malo quenquam gaudere debere, cum etiam inimicos diligere, & pro eis orare, Domini præceptum sit. Sed eodem exemplo timeant tandem & improbi iustos insectari, qui quamuis ab vltione sui se contineant, suum tamen vltorem Deum habent. *Ibid. cap. 8.*

Bernardus Ab.

BERNARDVS Abbas Presbytero cuidā monachum profiteri volenti refragatus est, quod eum etiam inter suos perfectum esse posse diceret. At ille repulsam ægerrimè ferens, atque iræ impatiens, eidem cui dudum supplicauerat, pugnam in faciem incussit. Fratres vindicare volebant Abbatis iniuriam, sed ab ipso inhibiti sunt, obsecrante atque obtestante, ne vindictæ animum intenderent, sed eum potius, à quo se læsum scirent, impunitum dimitterent. Æquissimum enim esse, alteri parcere ipsum, qui quotidie à Deo sibi parci expeteret: cum præsertim veritas affirmet, dicens: Nisi dimiseritis, nō dimittetur vobis. Ferre igitur, non referre verbera illum oportet, qui ad pacis æternæ quietem peruenire contendit. *In vit. Bern. lib. 3 c. 6.*

Matth. 6.

*Christophorus
Martyr.*

Vnde & Christophorū Martyrem, cum à Præfecto Sami colaphum accepisset, dixisse ferunt, percussissem te, si Christianus non essem. Proprium ergo Christiani esse existinauit pati, nec vindicare iniuriam. *Sic. Tom. 4.*

*Gregorius
Papa.*

GREGORIUM quoque Pontificē ne summa quidem dignitas ad iniuriæ impatientiam compulit. Mauricio Augusto filijque eius se persequentibus dicitur scripsisse:

Quo-

Quoniam ego peccator sum, vos tantò magis (ut opinor) Deum vobis conciliatis, quantò magis me illi ignauiter seruientem affligitis. Post hæc Imperator, cum solus esset in conclau, vidit monachum ad se intrantem, strictoque ense ferociter minantem, nisi à Pontificis persecutione protinus cessaret. Eo visu territus, incunctanter & veniam ab eo, cui vehementer inensus fuerat, petijt, & odium in amicitiam commutauit. Itaque ipsum, cui multorum bel-
lantium exercitus resistere nequiuisset, vnius hominis tole-
ratio fregit. Victusq; est patientia, quem arma vincere non
valuisse. *In vita Greg. lib. 4 c. 17.*

AGILIUS Monachus Columbani Abbatis discipu-
lus, cum manum arefactam ei, qui se in itinere educto
gladio ferire voluerat, sanitati restituisse: Theodoricum
regem ad quem ibat, Abbati suo Columbano iratum, an-
tequam audisset, fama miraculi præueniente, placauit: ita
ut quem ille dudum à monasterio expulerat, protinus re-
uocaret. Igitur in Agilio benigne patientiæ virtus manum
alterius male affectâ sanauit, regis iram molliuit, Abbate
in gratiam redaxit. Qui si pro inimico orare neglexisset,
nihil horum proculdubio efficere potuisset.

LIBERTINUS Fundensis Coenobij Monachus, ab
Abbate irato in faciem scabello grauius percussus, ne ge-
mitum quidè edidit, sed tacitus in cellam suam se recepit.
Postero autem die negotij causa, quod sibi iniunctum fue-
rat, ad ciuitatē iturus, Abbatem adiens eundi potestatem
de more petijt. Ille ob acceptam iniuriam discessurum ra-
tus, cur id peteret interrogat: sed cum causam didicisset,
animaduertit ipsum, tametsi liuidam adhuc & tumentem
ex verberare faciem præferret, iniuriæ tamen omnino non
recordari, & patientiam eius admiratus, genua submisit,
se peccasse confitetur, veniam poscit. Libertinus verò &
ipse in terram procidens, imò se peccasse, asseuerabat, &
sibi magis veniam poscere conuenire. Sic patientis disci-
puli humilitas magistri fregit duritiam, & cui murmuran-
ti iracundus senex plus fortasse mali intulisset, ei malum
illatum

(illatum modicè ferenti se subiecit. *Greg. Dial. lib. 1. c. 2.*

Idem.

Insuper Libertinus quò volebat dimissus cùm peruenisset, & vnde liuorem in facie haberet rogaretur, se in scabellum impigisse respondit. Etenim quoniam patienter ictum pertulerat, sapientiae donum accepit, vt rationem inueniret, qua & Abbatis crimè celaretur, & quod verum erat, sciscitantibus referri posset, vt idè tam expers mēdacij foret, quàm erat impatientiae perturbatione alienus. *Ibid.*

*Pauli Abbatis
discipulus.*

PAULUM in partibus Aegypti Abbatem Cassianus tradidit, magno Monachorum & suorum & alienorum coetu discumbente (qui tunc eo sortè conuenerant) suo cuidam discipulo adolescenti, quòd tardius ferculum apposuisset, colaphum infregisse, ita vt & illi qui non viderat ferientem, ictus tamen sonitum audirent. At verò ipsum, qui percussus fuerat, tanta patientia usum, vt nò mutiret, non tristitiam fronte praeferret, non vultum dmitteret, non colorem saltem mutaret. Omnes tantam adolescentis constantiam admirati, tandem didicerunt, Abbatem quoque patientiae illius conscium, id ex industria, non ex culpae castigatione egisse, vt scilicet ipsa patientiae virtus cæteris (quibus adhuc incognita erat) exemplo foret. O inuidi animi iuuenem! Percussus in maxilla ita stetit, vt præbere videretur & altera, ac tacitus dicere: Posui faciem meam vt petram durissimam, & scio quoniam non confundar. *Cassian. Coll. 19. c. 1.*

Isaie. 50.

*Paphnutius
Presbyter.*

IDEM Cassianus Paphnutij quoque Presbyteri impubis adhuc patientiam commemorat, dicens: Quòd cùm inter fratres Scythioteae solitudinis per sanctè versaretur, quidam inuidiae stimulis agitatùs excogitauit, quemadmodum illum delicti insimularet, & captata occasione, dum Dominico die Paphnutius cum cæteris ad Ecclesiam conuississet, cellam eius clanculo adiens, codicem suum inibi absconditum reliquit. Cumque mox & ipse Ecclesiam esset ingressus, precatatione solenni peracta, questus est codicem sibi esse furto ablatum. Nouum erat id criminis inter eos audire, & cunctis miratibus ipse qui detulerat petijt, ne quis ante ab Ecclesia discederet, quàm missis fidelibus viris cellule singulorum excu-

excuterentur, Missi seniores, codicē ubi suppositus fuerat, inter palmeas Paphnutij fiscellas inuentum referunt. Diu attonitus hoc audito stetit Paphnutius, neque ausus est negare quod tam aperto affirmabatur indicio, & ut sibi poenam qua satisfaceret imponerent, rogauit. Inde verò egressus, per duas hebomadas ieiunijs ac fletu sese afflixit, nec interim ad Communionem accedere præsumpsit, sed tandem in limine Ecclesiæ coram prostratus, veniam petijt cū innocens esset. Tunc demum Dei iudicio factum est, ut eius ignominia autor dæmone arreptus, nequitia suam ac dolos confitendo proderet. Qui cū diu multumque vexatus à sanctissimis viris curari nequiuisset, postremò ipsius Paphnutij oratione curatus est. Sicque mitis ac modestus adolescens, iam labefactatā honestatis & sanctimonie famam patientia sua reparauit, pietate auxit, dum & inculpatus tolerat, & offensus miseretur, *Ibid.* Coll. 18, c. 15.

Sed ne quis ab ingratis saltem per impatientiam *Eulogius* subtrahenda esse beneficia existimet, *Presbyter* Eulogius Presbyter Alexandrinus, leprosum quendam domi susceptum iam per annos quindecim benignius, quam dici potest, aluerat, & tandem pro tanto pietatis officio conuicta exicipiens, & ab eo cui pro amore Christi, contempto contagiosi morbi periculo, suis ipse manibus ministrabat, contumelijs assidue affectus, iam quid ageret nesciebat. Antonium ergo Abbatem consuluit, vtrum illum dimittere deberet, à quo talia patiebatur? Virique consultum est, modicum adhuc sustineret, donec alter sicut pietatis, ita & patientiæ meritum impletet, alter ingratitude vitium emendaret, ne grauiorem animi quam corporis lepram incurreret. Itaque cū admodum tranquillus manere simul cœpissent, Eulogius dies quadraginta superuixit, leprosus die tertio post eum obiit. Pius ergo ac patiens Eulogius consilio saniore usus, geminæ tandem virtutis diademate meruit coronari. Quod nequaquam meruisset, si illum, quem languentem misericorditer acceperat, ingratum impatienter repulisset.

Iunxit patientiam pietati, & duplum adeptus est felicitatis primum. *Pallad. Hist. 26.*

Alexius Romanus.

ALEXIUS quoque Patritius Romanus, sicuti voluntariae paupertatis perpetuus observator, ita ad tolerandas iniurias patientiae extitit assiduus cultor. Mendicus (ut Christum lucraretur) sponte factus, cum in Syria diu de eleemosynis vixisset, Romam rediit, & in paterna domo pro inope susceptus, annos decē & septem nulli cognitus mansit. Toto eo tempore à servis patris indigna passus, dumque acceptus, non se prodidit, neque de aliquo cōquiescit. Rideri, verberari, foeda colluvione perfundi à mancipijs patienter sustinuit, ut Christum suum (cuius paupertatem secutus fuerat) tolerantiae quoque humilitate exprimeret. Quis autem esset, qualiterque vixisset, diuinitus tandem reuelatum est, tunc scilicet, cum à vita discederet, ne tantae patientiae exemplum ignorata generis claritate in obscuro foret. Neque enim satis magnum erat, si & ipse (ut videbatur) servilis conditionis fuisse crederetur. Maximum verò fuit, & omni admiratione dignum, filium familiam patre Consulari natum, ita se domesticis submisisse servis, ut illis omnibus magis infimus appareret. *Metaphr.*

*inigo. na
101. 102. 103.*

Florentius Solitarius.

FLORENTIUS Nursiae Prouinciae Solitarius, in illos qui sibi visum bestiam interemerant, inuidentes quod syluestre animal homini seruiret, dixisse fertur, sperare se in eos Deo vlciscente commissum luituros. Inde ergo vrsinae cedis re, repentino leprae morbo cōfecti, paucos post dies vrsis in sanguinem corporibus contabuere. Tunc qui vrsi necem doluerat, horum inopinatam mortem inuicere ac lachrymis inconsolabiliter prosequi coepit, seipsum reprehendens, quod prius in beluam, impius in proximos fuerit, quod illi vrsum, illos ipse peremerit, quos ita ac seipsum diligere debuerat. Postremo intantum eum poenituit verba vindictae protulisse, ut si fieri posset, sua morte illorum qui consumpti fuerat, vitam redempturus videretur. Itaque semper flebat, fletu ipso ostendens, ne mentionem quidem vindictae esse faciendam. Nos ergo cum laesi fuerimus, linguam

quam quoque à maledicto coërceamus, quādo vox paulo acerbior aduersum iniuriæ autores emissā, huic Dei seruo tantæ inquietudini tantoq; angori fuit. *Greg. Dial. lib. 3. c. 15.*

Quod hoc sanè Paulus cognomento Simplex, uxorem suam cum adultero deprehendens, ne tantam iniuriam vlcisci cogeretur, statim auersus abiit, domo excessit, & se Monachum fecit, magnique Antonij dignus euasit discipulus. Denique manus illas, quas à vindicanda ignominia continuerat, ad Deum porrigens, nihil petijt quod non impetrauit, maximeq; in faciendis miraculis insignis fuit. *Paulus Simplex.*

MACHARIUM verò Alexandrinum Scythiotica solitudinis cultorem tradunt, dum culicis ictu percitus palmæ percussione illam corpori allisisset extinxissetque, mox facti poenituiffe, atque afflixisse se, ita ut sex menses nudus per eremi loca deambulans, vltro culicum moribus se exposuerit, tuleritque multarum iniuriam, qui viuis nō peritulerat. Usque adeo igitur sanctissimi viri omne prorsus vindictæ horrebant genus, ut à bestiis, nedum ab hominibus offensi, perpeti quā vlcisci satius putarent, illud semper animo versantes: Mihi vindictam & ego retribuam, dicit Dominus. *Macharius Alexandrinus.*

Vnde Cassianus de sene quodam Christiano hoc patientiæ virtute prædico testatur: Cū apud Alexandriam infidelium turba constipatus maledictis impulsibusque agitaretur, & ab eo quærerent, quid vnquam miraculi fecisset Deus eius Christus, ipsum respondisse: Ut ijs, quas inferis, atque maioribus non mouear, neque offendar iniurijs. Recte id quidem: neque enim ventorum flatu concuti, aut fluminaum illius reuerti potest domus quæ suprà petram fundata est. Petra autem est Christus. Denique qui confidit in Domino, sicut mons Sion, non commouetur in æternum, in persecutionibus gloriatur, in aduersis gaudet, in omnibus Deo gratias agit, & illi soli penitus inhaerens, offensas non sentit improborum. *Rom. 12. Quidā senex.*

Ipsæ autor Mutij Abbatis patientiam scriptis commendans,

Marius Abb.

mendans, ait: Cùm suscepto religionis voto filium quoque parvulum secum ad Coenobium adduxisset, de industria puer malè à fratribus accipiebatur, coram patre subinde cæsus, ac sæpe per capillos tractus, ob hoc solùm, ut patris in eo constanti periculù facerent. Ille ergo neque fratrum verberatione, neque vñici filij ingibus penè lachrymis moveri poterat, ut vultu saltem tristitià præferret, quin potius gaudebat, eum quoque quem genuerat, quotidianis castigationibus ad patientiam erudiri. Itaque nunquàm cur sic durè attereretur quæsiuit, nunquàm ad flentem respexit, nesciebat se eius patrem quem dedicaverat Deo. Adhæc etiam (ut alibi diximus) in proximum flumè illù proijcere iussus, promptè voluit obedire, nihil nõ faciendum ratus, quod ab Abbate esset iniunctum. Igitur post probatam primò tolerationis, deinde obedientiæ virtutem, Senior Coenobij ipsum cunctis præponēs sibi successorè reliquit, præfuitque omnibus, qui omnium patientissimus obloquentissimusque fuerat habitus. *Cassian. lib. 4. c. 27.*

*Femine.**Sara.**Tob. 3.*

Prosequamur modò infirmioris quoque sexus in perferendis iniurijs equanimitatè. Sara Raguelis filia ab ancillis probro petita, quòd interfecitrix esset virorù, non ad vindicandam ignomià animù applicuit, sed ad Deum preces porrexit, ut sicut crimine se carere nosset, ita infamia liberam faceret. Inde illa, quæ iam septè maritis orbata fuerat, in octavi Tobia thalamo feliciter conquieuit, multoque inter se rerù successu diu latati sunt. Tantum profuit non vindicasse contumelià, sed pro abolenda orasse. *Tobie lib.*

*Chananea.**Matth. 15.*

CHANANAEA mulierem in Euàgelio patientia voti compotem fecit. Cùm repelleretur, non indignabatur, & canibus cõparata, magis se submisit. Quod ergo cõfidenter petierat, efficaciter obtinuit, dum cõtempta atq; despecta mitis modestique animi constantiam non dereliquit.

*Euphrasia**Virgo.*

EUPHRASIA Virgo (cuius sæpè mentionè fecimus) coram illa, à qua cõtumeliàm indignè acceperat, ad genua procidens, veluti quæ offenderet veniam petijt. Abbatissæ quoque in illam animadvertere volenti, ut missam faceret suppli-

supplicauit, nihil ei mali referre cupiens, à qua passa iniuriam fuerat, vt patientiæ remunerationem à Deo sperare posset. *In vitis PP.*

Et Paula Gracchorum stirpe nobilis, sed nobilior vitæ humilitate, cum ne ipsa quidem, quæ omnia cōtempserat, propter Christum morsu hominū carere posset, nihil quicquam moleste ferebat. Cumq; audisset se quorundam iudicio stultam ac mētis emotæ reputari: Theatrum, inquit, *1. Cor. 14.* facti sumus mundo, & Angelis, & hominibus: nos stulti propter Christum, sed stultum Dei sapientius est hominibus. *Hier. in Epitaph. Paulæ.*

ELIZABETH Pannonum regis filia, postquā amisso viro distractisq; fortunis, Deo in paupertate seruire coepisset, fortè per semitam pergens hinc inde lacunosis filicibus voraginefam, notæ cuidam foeminæ, & in quā non pauca quondam beneficia cōtulerat, facta est obuiam. Quæ contemptim admodum superbeq; occurrens, ipsam quā antea coluerat obseruatæque, tunc per iniuriam aduerso impulsam latere euertit in lutum, atque præterijt. Multo ergo deturpata coeno, Christi ancilla nihil indignationis præ se tulit, sed tacita tantum subrisit, gaudēs se ab hominibus despici, vt placeret Deo. *Conrad. Concion.*

Quamobrem quædam vltro etiam quæsiere, vbi huiusmodi patientiæ virtutem exercerent. Sicuti illa nobilis Alexandriæ matrona, quæ (vt tradit Cassianus) Athanasium Episcopum adiens, petijt sibi dari vnā ex viduis, quæ Ecclesiæ impensis alebantur, cui ipsa benefacere posset. Cæterum cum petenti optima concessa esset, queri deinde coepit, non ex animi sui sententia viduam sibi datam. Ea igitur restituta, deterrimam omnium accepit. Et dum illi benignè humaniterque deseruiret, nihil ab ea nisi contumelias maledictæque reserebat, verbera quoque interdum excipiēs, ne quid ad exercendā animi tolerationē deesset. Inde læta gratias egit Athanasio, quod eam tandē sibi delegisset contubernalem, cui pro malo bonum, pro iniuria beneficium reddere afflueret. Nam se ab illa priore (quo-

Paula vidua.

*Elizabeth
vidua.*

*Quædam ma-
trona Alexan-
drina.*

(quoniam miris & mansueti ingenij erat) officijs fuisse superatam. Sancta ergo ac prudens foemina, eam sibi conseruat sociam, quam non tantum liberaliter alendo pietatis meritum consequi posset, sed etiam constanti perferendo patientiae adipisci mercedem. Quota quaeque est quae talenti non abdicasset filiam, qualem ista alienam adoptauit. Quae cum tali manens, se perditum iri non timeret, qualem ista, ut uberiorem beatitudinem promereri posset, elegit? *Cassian. Coll. 18. c. 14.*

*Scripturarum
sententia.*

Leuit. 19.

Prouer. 15.

Ibid. 19.

Ecc. 7.

Prouer. 26.

Psal. 38.

Psal. 118.

Psal. 119.

Matth. 5.

P R A T E R haec iam dicta exempla, operae pretium est praeceptorum quoque idem iubetium meminisse, ut quod recte ac sapienter factum credimus, audius imitemur. Scriptum in Leuitico est: Non queras ultionem, nec memoreris iniuriae ciuium tuorum. Et in Prouerbij: Qui dissimulat iniuriam, callidus est. Vir iracundus prouocat iras: qui patiens est, mitigat suscitatas. Melior est patiens viro forti, & qui dominatur animo suo, expugnatore urbium. Ne dicas, reddam malum pro malo: expecta Dominum, & liberabit te. In Ecclesiaste quoque dicitur: Cunctis sermonibus qui dicuntur ne accommodes cor tuum, ne forte audias seruum tuum maledicentem tibi. Scit enim conscientia tua, quia & tu crebro maledixisti alijs. Et in Ecclesiastico: Humilia valde spiritum tuum, quoniam vindicta carnis impij ignis & vermis. Qui vindicari vult, à Domino inueniet vindictam, & peccata illius seruans seruabit. Ne respondeas stulto iuxta stultitiam suam, ne efficiaris ei similis. Tale est & illud Prophetæ in Psalmis: Dixi custodiã vias meas, ut non delinquam in lingua mea. Posui ori meo custodiam, cum cõsisteret peccator aduersum me. Obmutui & humiliatus sum. Quod vnde affectus fuerit, alibi confitetur & ait: Super inimicos meos prudentem me fecisti mandato tuo, quia in æternum mihi est. Pax multa diligentibus Legem tuam, & non est illis scandalum. Ac se demum talem ostendens: Cum ijs, inquit, qui oderunt pacem, eram pacificus: cum loquebar illis, impugnabãt me gratis. In Euangelio quoque clamat Dominus: Beati mites, quoniam

quoniam ipsi possidebunt terram. Beati pacifici, quoniam filij Dei vocabuntur. Beati qui persecutionem patiuntur propter iustitiam, quoniam ipsorum est regnū coelorum. Beati estis cum maledixerint vobis homines, & persecuti vos fuerint, & dixerint omne malum aduersum vos nientes propter me: Gaudete & exultate, quoniam merces vestra copiosa est in coelis. Profecto talia ac tanta patientia præmia quisquis dignè perpenderit, facile cōtemnet omnia, gaudebit in persecutionibus, & cōtumelias ducet pro delicijs. Et si idem mala etiam, quæ iracundis & impatientibus proposita sunt, considerauerit: tantò remissius iniurias perferet, quantò maiore in periculo se intelliget constitutum, cum præmij amittendi, tūm subeundi supplicij. Omnis, inquit, qui irascitur fratri suo, reus erit iudicio. Qui autem dixerit fratri suo, Racha, reus erit cōcilio. Qui autem dixerit, fatue, reus erit gehennæ ignis. Quod si is, qui tantum verbo offenderit, ad gehennam destinandus sit: quantò magis qui referendo iniuriam facto atq; opere læserit? Ideo nempe Paulus Apostolus ad Romanos scribens: Benedicite, inquit, persequentibus vos, benedicite & nolite maledicere. Nulli malum pro malo reddentes, sed si esurierit inimicus tuus, ciba illum: si sitit, potum da illi. Noli vinci à malo, sed vince in bono malum. Idem suo exemplo Corinthios ad patientiam informans atque intituens, ait: Maledicimur, & benedicimus: persecutionem patimur, & sustinemus: blasphemamur, & obsecramus. Tanquam purgamenta huius mundi facti sumus, omnium peripsa usque adhuc. Ad hanc eandem virtutem capefendam, Thessalonicenses inuitat, dicens: Patientes estote ad omnes, & videte ne quis malum pro malo alicui reddat, sed semper quod bonum est sectamini inuicem, & in omnes. Ac ne quis aduersantium molestijs carere se gloriatur, ad Timotheum, inquit: Omnes qui pie volunt vivere in Christo Iesu, persecutionem patientur. Ex quo potius timendum est illis, ne non satis religiosè viuant, quos nemo neque persequitur, neque aliquando persecutus est.

Quam-

Rom. 12.

1. Cor. 4.

1. Thessal. 5.

2. Tim. 3.

- Hebr. 10.* Quamobrè idem scribens ad Hebræos, protestatur & ait: Patientia vobis necessaria est, vt voluntatem Dei facientes reportetis promissionem. Sic ipsum & in Actis legimus docentem: Quoniã per multas tribulationes oportet nos intrare in regnum Dei. Proinde Petrus quoque improborum in nos malitiam, non tribulationem, sed gratiam appellat, dicens: Hęc est enim gratia, si propter Dei conscientiam sustinet quis tristitias patiens iniuste. Quę enim est gratia, si peccantes & colophizati suffertis? Sed si beneficientes patienter sustinetis, hæc est gratia apud Deum. Et si exprobrabimini in nomine Christi, beati eritis. Satis multa de toleratione iniuriarum: nunc ad illam, quę dispendij & iacturę est, accedamus.
- Act. 14.*
- 1. Pet. 2.*
- 1. Pet. 4.*

*De Patientia damni.**Cap. III.*

RERVUM iacturam fortiter feremus, si nihil accideret absq; diuino nutu posse crediderimus. Cum autem ita Dei voluntas fuerit, quis est qui resistat ei? Si peccauimus, vult vt castigati ad poenitentiam conuertamur. Si non peccauimus, vt sustinendo humilitate proficiamus. Non est ibi querelę locus, vbi exercendę occasio datur virtutis.

Iob.
Iob. 1.

IOB inter omnes Orientales magnus (vt scribitur) pecorum vtique copia & seruorum familieq; nobilitate. At verò his repente amissis, non solum inter Orientales, sed etiam Occidentales magnus fuit. Patientia eius in aduersis vbique terrarum prędicatur atque extollitur. Dum autem prosperitatibus frueretur, in patria tantum notus erat. O verè magnum & omnibus seculis memorandum virum! cum die vno tot opibus, tot seruis, tot liberis orbatum se cognouisset, corruens in terram Deum adorauit. Et nudus egressus sum, inquit, de vtero matris meę: nudus illuc reuertar. Dominus dedit, Dominus abstulit: sicut Domino placuit, ita factum est, sit nomen Domini benedictum.

In om-

In omnibus his non peccauit Iob labijs suis, neq; stultum quid cōtra Deum locutus est. Quia certè vel labijs peccare Deo, maius damnum maioremq; miseriam esse existimauit, quàm cuncta quæ habuit simul amittere.

EZECHIAS cū omnes diuitias suas nimis iactāter ostentasset legatis regis Babyloniorum, omnes pariter Babylonem Deo puniente transferendas audiuit. Cū ergo tantam iacturam se facturum didicisset, non est turbatus. Sed quia peccauerat, libenter & peccati poenam admisit, dicens: Bonus sermo Domini quem locutus est, sit tantū pax & veritas in diebus meis. Qua patientiæ humilitate meruit, vt illa regiæ gazæ direptio ad successores suos Ioachim & Sedechiam vsque differretur, quando etiam populus ipse ob delicta ductus est in captiuitatem. Nō sensit damnum, qui eō se dignum confessus, animum statim ad sustinendum parauit. Qui verò sæpè aduersa passi vitam corrigere neglexerant, amissis tandem omnibus, iugum quoque tulere seruitutis. Et qui leuiora malè tolerauerāt, grauiora ferre compulsi sunt.

SIC in Euangelio Gergezeni illi porcorum damnum pluris facientes, quàm beneficiū quo homines, & quidem ciues ipsorum à dæmonum læsione liberati fuerant, rogauerunt Iesum, vt inde à finibus suis discederet, & discessit. Indigni quippe erant præsentiā ipsa Saluatoris, qui sua magis quàm se saluari concupiscebant.

AT contrā Sanctissimi Apostoli cæteri que discipuli, vt soli Christo adhærerent, omnia quæ habebant, constanti erectoq; animo reliquerūt. Neque Matthæus pecuniosum teloneum dimittere distulit, neque Zachæus dimidium bonorum dare pauperibus, & ijs quibus imposuerat, reddere quadruplū tardauit. Quia multò plus lucri se in vno Iesu facturos confidebāt, quàm in omniū quæstu quæ vbiq; sunt diuitiarū atque opū. Quòd si à posteris quoq; nisi in paupertate Christo fideliter seruire nō potuit, cur nos dolebimus aliquo rei familiaris detrimēto, ob quod ad Dei cultū efficiamur aptiores? Ad quē quisquis cōuertitur, fragiliū bono-

Ezechias rex.
4. Reg. 20.

Gergezeni.
Matth. 8.

Apostoli.
Marci. 2.
Matthæus,
Zachæus.
Lucæ. 19.

bonorum amissionibus non mouetur, dicente Scriptura:

Prouer. 12.

Non contristabit iustum, quicquid ei acciderit.

Chrysostomus.

Luca. 6.

P O R R O ipse etiam Dominus ad seruandū huiusmodi patientiam nos compellit, dicens: Ab eo qui aufert tibi vestimentum, etiam tunicam noli prohibere, & qui aufert quæ tua sunt, ne repetas. Noli prohibere, inquit, ne scilicet prohibendo magis irrites raptorem, & illum ad necem tuam accendas, cui ne rem auferat, obsistis, atque idem & tibi ingentioris damni, & illi grauioris peccati causa fias. Idcirco etiam ablata postea repeti Dominus vetat, ut potius patientia sustinendi, violentum vsurpatorem ad miserandum prouoces, quàm vlla repetēdi molestia, ad iram. Talis præcepti ratio magis elucebit additis eorum exemplis, quæ illud, cum casus tulit, obseruarunt.

Libertinus.

I G I T U R Fundēsis Monasterij Præpositus Libertinus, viam pergens, fortē incidit in quosdam equites Gothos. Cumque equum sibi quo vehebatur abstulissent, etiam flagellum eis porrigere cœpit: Tollite & hoc inquit, quod vobis ad agendum iumentum vsui erit. Illi verò abeuntes, cum ad Vulturū peruenissent, nulla vi equos, ut fluminis vada intrarent, cogere potuerunt, & memores iniuriæ quam Dei seruo intulerant, regressi sunt, ut equum suum sibi restituerent. Sed cum ipse omnino abnueret recipere, ac diceret, eo sibi opus non esse, inuitum superimposuere, & protinus remeantes, locum ubi prius substiterat, recto cursu pertransierūt. Quia ergo Libertinus, non modò non repetere ablata, sed nec recipere restituta volebat, recipere meruit vel inuitus. *Greg. Dial. lib. 1. c. 2.*

Monachus.

Oliu.

Eiusdem Monasterij Monachus, cui excolendi hortos cura erat, cernens in eo olera partim pedibus conculcata, partim sublata furto, & reperto aditu quo fur ingredi consueuerat, serpenti præcepit, ut illum custodiret, nec inde nisi iussus decederet. Proh pudor, irrationale animal seruo Dei obediuit, homo damnum irrogare non dubitauit. Fur ergo reuersus cum serpentem conspexisset, præ timore se retrò ferre voluit, & pede vepribus implicato pronus pepen-

pendit, donec ab ipso olitore superueniente expeditus fuit. Tum ab eodem amice admonitus est, ne ultra furto tolleretur, quod ipse petenti gratuitò concessurus esset. Itaque non olerum damno monachusangebatur, sed furantis peccato. Quippe qui illi sic deprehenso nihil se denegaturum quod poposcisset dixit, & iam poenas pro delicto soluenti, cum per pedes penderet, incunctanter succurrit. *Ibid. c. 3.*

ISAAC quoque apud Spoletanam urbem Solitarius *Isaac Solitarius.* per spiritum præsciens fures ad hortum suum venturos, sarcula & rastros ibi apposuit, atque illi cum noctu hortum ingressi fuissent, instrumentis protinus arreptis, usque manè nihil aliud agere potuerunt, quam terram vertere, & herbas infructuosas conuellere, donec Isaac adueniens eis prandium attulit pro opera, insuper exhortans, ut à furto abstinerent. Semper enim quicquid eis opus esset, se libenter indulturum, & tunc primum omnis generis oleribus oneratos amice dimisit. Itaque & cum abisset, à flagitio illos cohibuit, & cum adesset, rebus donauit, maius damnum reputans proximi peccatum, quam sui hortuli, quo vitam sustentabat, vastationem. *Ibid. lib. 3. c. 14.*

IN Valeriæ prouinciæ partibus, cuiusdam Monasterij *Quidam Sacerdos & Monachi.* greges in proximo stabulabantur. Fur noctu eò accedens, veruece sublato, cum rediret, quia per cœmiteriũ transitus erat, super sepulchrum, vbi illis diebus sanctus quidam Sacerdos conditus fuerat, fixis vestigijs hæsit, & neque progredi, neque regredi potuit, nec prædam quam tenebat dimittere, donec factò iam die à monachis deprehensus, peccatum confitens veniam poposcit. Illisque orantibus, dimisso veruece, abeundi facultatem impetrauit. Sacerdos ergo ostendit grauem culpam esse furtum, reum viuum ipse mortuus mirabiliter retinendo. Monachi ostenderunt nihil se turbari damno, pro illo deprecando qui damnum inferre venerat. *Ibid. c. 22.*

TALIS & in Stephano venerabili apud Reatinam ciuitatem Patre patientiæ virtus enituit. Qui cum ex agello *Stephanus Presbyter.* (quem vnicum habebat) messem ad aream congestisset, &

Gg

quidam

quidam bonorum persecutor, igne supposito ignem incendisset, accurrenti discipulo ac succlamanti, v̄x v̄x Pater Stephane, quid tibi accidit? in d̄ v̄x illi, inquit, fili, per quē accidit, nam mihi nihil accidit mali. Etenim nihil omnino malum esse arbitrabatur præter peccatum. Itaque illi qui damnum intulerat, indoluit, non sibi qui passus fuerat: cum præsertim nihil aliud ad victum ei superesset, nisi quod à Domino nunquam se desertum iri confideret.

Niceph. rer. Rom. lib. 22.

*Medardus
Presbyter.*

MEDARDVS Presbyter Torniaci Galliz oppidi vineæ suæ vastatorem vvas colle ctas exportare frustra conatum cum deprehendisset, absoluit, dimisitque illæsum. Alium mella ex aluearijs suppilantem, sed apum aculeis ita affectum, vt inde se molire non posset, recepto furto poena liberauit. Quidam etiam milites, qui vicum eius Solemniacum depredauerant, loco pedē efferre, nisi præda omni reddita, non valuerunt. Suarij item illius porcorum gregem procul abigere molientes, cum nocte tota iter fecissent, manē ibidem vnde recesserant inuenti sunt, & ipse peccatum cōfitentibus ignouit. Quia ergo semper in eos, qui se incommodo aliquo afficere tentauerāt, mitis & clemens extiterat, ab omni prorsus incommodo tutatus est illū Deus, & eundem Episcopū primò Nouiensem, deinde Torniacensem fecit, super multa constituens, quia super pauca fidelem fuisse nouerat. *Sur. Tom. 3.*

*Matth. 25.
Luc. 19.*

Odo Abb.

O D O Cluniacensis Cœnobij Pater, ei qui equum suū noctu abegerat, & in eo sedēs die luceſcente cōprehensus fuerat, cum nec desilire interim, nec discedere quiuisset, veniā petenti induisit, atque insuper nummos quinq; dari iussit, gaudēs utiq; nō quia equū recepisset, sed quod equi raptorē ad pœnitentiā conuersum cernebat, & iam ab eo Deū timeri, qui prius contemnere consueſſet. *Sur. Tom. 6.*

*Hieronymus
Abb.*

D. quocque Hieronymus illos, qui aſellum Monasterij furtim abduxerant, & inuiti rursus restituerant, cum veniam rogatum aduenissent, dimissa offensa, conuiuio excepit, & admonitos, vt suis rebus contenti aliena non ap-
pete-

peterent, multa cum benedictione dimisit. At illi, quod ab eo quæ leſerāt, tam benignè accepti fuiſſent, quotannis Monasterio eius non parvam olei copiam miſſitarunt, ut iam non ſolum alieni auidi non eſſent, ſed etiam ſua largirentur. *Eufeb. in vita Hieron.*

E I D V C V S in partibus Britannix Abbas, Paulo diſcipulo ſegetis iam matureſcentis delegarat cuſtodiam. Quo obdormiente, graculorum agmen eo delapſum depaſcere agrum coepit, & ille eorum ſtrepitu experrectus, eiſdem in nomine Domini ne auclarent, præcepit. Omnes ergo non ſecus atque quadrupes, ante ſe agens ad Monasterium uſque compulſit, & admirante atq; interrogante Abbate, quid hoc ſibi vellet, frumenti ſe vaſtatores ad illum adduxiſſe, ut pro culpa punirentur, reſpondit. Sed Elducus nihil de iactura dolens, illæſas aues protinus dimitti iuſſit. Diſcipulus itaq; ſoliciti cuſtodis functus eſt officio: Abbas verò patientiæ præbuit exemplum, etiam alitibus parcens, quæ ſe damno aſſecerant.

*Elducus
Abbas.*

I D B M animus in condonando Mamertini apud Antiochodorum Monasterij Sancti Germani Abbatis fuit. Qui uſum ad rapiendas oues ventitantē, cū in laqueos quos Monachi tetenderāt, incidisset, miſeratus exoluit ac dimiſit, tantū iubēs, ne ultra ſibi ſuiſq; damno eſſet. Si ergo Sanctiſſimi viri beſtijs quoque, à quibus rerū ſuarū deductionem factā nouerant, ignoſcendū duxerunt, quomodo nos non ignoſcemus hominibus? *Iacob. de Vorag.*

*Mamertinus
Abbas.*

E V S T A C H I V S Romanus aduerſis caſibus in vita multum conflictatus, & ſemper ſuperior, ita ut nō immerito poſt Beatum Iob alterum patientiæ dicatur exemplar, amiſſis fortunis, ſeruis, vxore, liberis, Chriſtum ſuū (cuius fidem miraculo edoctus acceperat) nunquā dimiſit. Quæ animi conſtantia meruit poſt annos aliquot (durè miſerabiliterq; peractos) recuperare quæ amiſerat, vxorē ſcilicet olim à pyratibus aucltā, duos filios, alterū à leone, alterum à lupo raptos: utrumque enim paſtores illo inſcio feris eripuerāt, atq; à pueritia ad adultam uſq; ætatē educauerant.

*Eustachius
Romanus.*

468 - DE PATIENTIA DAMNI.

Demum ipsam. (quam apud Traianum habuerat) militiæ dignitatem, rursus recepit. Sed maius his omnibus postremò sub Hadriano affecutus est, cum coniuge simul ac liberis Martyrij coronâ, vt quos præter spem viuos in terris reperisse letabatur, cum iisdem etiam viueret in cœlo. *Idem.*

*Bernardus
Abbas.*

BERNARDVS Clareuallensis Abbas, cum ducenta argenti pondo sibi ad impensas construendi Monasterij missa, a grassatoribus intercepta fuisse audisset, gratias Deo egisse dicitur, quod magno se onere leuasset. Tam ergo modicè tulit argenti amissionem, vt eo grauari se putaret, si non amississet.

*Ambrosius
Episcopus.*

QUANTVM autem mali metuendum sit ijs, quos peruersa vulgi opinio putat felices, quia opibus affluunt, illo exemplo discimus, quo traditum est, Ambrosium Episcopum cum apud diuitem quendam hospitâdi gratia diuertisset, & ille se nihil vnquam in vita aduersi passum iactaret, è vestigio cum suis recessisse dixissetque, ideo se inde fugere, ne vnâ cum homine perpetuis prosperitatibus vso simul pereat. Haud ita procul excesserant, & respicientes, vident ædes illas cum omnibus qui ibi erant terræ hiatu iam absorptas. Quàm ergo melius agitur cum ijs, qui idem seculi huius premuntur angustijs, vt illic felicitatem quærant, vbi casus timeri non possit? *Faslin. in vit. Ambr.*

*Femina.
Othilia
virgo.*

QUANTO igitur feliciores (vt ex minarum quoque in calamitate patientiâ explicemus) Othilia Virgo? Hæc apud Bauariam creta nata fuerat, paternas deinde vix effugerat manus, qui eò processerat insanire, vt propter ipsum corporis vitium ei necem intentaret. Illa verò in omnibus quas patiebatur angustijs, Deo gratias agens, meruit tandem & visum recipere, & in gratiam redire patris, & quod his præstabilis beatiusque est, in sanctarum Virginum numero computari. *la. ob. de Forog.*

*Elizabeth
vidua.*

ELIZABETH vidua regie stirpe & Thuringiæ Principis connubio nobilis, defuncto viro, propinquis eius Tetrarchiam occupantibus, cum paruulis liberis eiecta, inops, egens, vaga, ærumnis omnibus obruta, ab ijs quoque
in quos

in quos olim beneficia contulerat contempta, ita omnia constanti animo sustinuit, ut ad patrem regem in Pannoniam, cum accerfiretur, redire nolleret, ne patientiam & humilitatem, quam in miseris inuenerat, inter regales delicias amitteret, vnamquaque animi virtutem thesauris omnibus habens chariorem. Nos quoque talibus instructi exemplis, iacturam omnem presentium bonorum fortiter constanterque feramus, ut huius exaltationis merito, ad illa tandem vera & æterna bona possimus peruenire. *Conrad. in vita Elisab.*

De Patientia ægrotationis.

Cap. IIII.

ADVERSAS etiam valetudines, quoties in has inciderimus, æquo animo ferre, virtutis lucrum erit. Languente enim corpore, animi vigor in contemnendis voluptatibus roboratur, iuxta illud Apostoli dictum: Cum infirmor, tunc fortior sum. Quod si corpore infirmitati quicquam inesset mali, hanc Sanctis suis Deus contingere non permetteret. Permittit autem, ut efficiat sanctiores. 2. Cor. 12.

ISAAAC itaque ab illo benedictus, & dum inter alienigenas non sine magno vite discrimine peregrinaretur, semper protectus, cum senuisset, oculis captus est, intantum ut ne oculis quidem quos genuerat, dignosceret. Et bene hoc cessit illi, quoniam per cæcitatis errorem ad posteritatis sue felicitatem à Deo promissam peruenit. Dilexerat Esau, sed benedixit Iacob. Et cum se deceptum rescivisset, non irritam fecit benedictionem, quia iam Prophetie spiritu repletus, videre mente cœperat, quæ oculis perspicere nequeunt, futurorum arcana. Illumque Dominum constituit fratrum suorum, cuius propaginem in Christo claudendam cognovit. Gen. 26. et 27.

IACOB quoque, cum & ipse corpore ægroto visuque per ætatem caligante, nihil ferme cerneret, vidit tamen quæ ex duobus filiis filij sui Ioseph, alteri preferret. Genes. 48.

Gg 3 enim

enim benedicturus cancellatis brachijs dexteram capiti eius imposuit, qui sinistra adlitterat. Ei verò qui dexteræ se obtulerat, porrexit læuam. Lippientibus oculis prospexit, quod prospicere non potuit qui habebat sanos. Nempe Ioseph dexteram eius apprehensam super Manassen transferre frustra conatus, ab eodē audiuit: Quia Ephraim Manassen maior erit, licet Manasses natu prior esset. Idem Iacob suis postremò filijs conuocatis, certissimo vaticinio prædixit, quæ singulis olim euentura erant, vt intelligas, oculorum hebetudinem spiritus acumini nihil officere. Neque enim qui mundis oculis, sed qui mundo corde sunt, Deum videbunt.

Matth. 5.

Samson.

Iudic. 16.

SAMSONI fortitudinem non minuit cæcitas, multoque plures hostium occidit erutis oculis, quàm antè integris occiderat. Tu quoq; quem corporis visus destituit, mentis fortitudinē excita, bono animo esto, iam securior inueniēs in te vitiorum cuneos excipies clausis obturatisque fenestris, per quas mors ingredi ad animam solet.

Ierem. 9.

Tobias.

Tob. 2.

Tobias viro tum in Deum pietate, tum solitudine in pauperes claro, dum resupinatus obdormisset, stercus de nidulo hirundinum cadens oculos excaecauit, & nihil eo contristatus dicitur, sed gratias egisse Deo, pristinaque religiositatis ardorem accendisse magis quàm restinxisse. Ob quā patientiam anno à cæcitate sua quarto visum recipere Angeli ministerio meruit, & rursū gratias Deo agens: Ipse, inquit, castigauit nos propter iniquitates nostras, & ipse saluabit nos propter misericordiam suam. Qui sic castigatus, sic se humiliauerit, & ipse visum recipiet, non quo mūdus, sed quo mūdi Dominus cōspicitur, visum vtiq; mentis & spiritus.

Iacob.

Gen. 32.

IACOB præterea ipsius Iacob imbecillitatē hoc loco commemorabimus, vt simul & patientiam ostendamus. Cum Angelo luctatus, & ab eo in femore tactus, torpescēte neruo claudicauit. Sed pedū vitium non sensit, dum mōtis aciem in Deum dirigit. Nusquā queritur de femore debilitato; & statim post luctam, vidisse se Dominum facie

ad fa-

ad faciem gloriatur. Vnde illi nomen Israël, id est, Deum videns, inditur. Nequaquam illud malū putauit, quod se à colloquijs diuinis non arcebat: ideo nec lamétari voluit.

MIPHIBOSETH Ionathæ filius, deleta Sathlis domo solus superfuit, quia utroque pede claudus non potuit interesse bello, quo ceciderūt fortes Israël. Insuper auitos agros solus possedit, & regis David mensæ particeps fuit. Tantum ergo illi pedū aegritudo contulit, vt & diutius & felicius viueret, fortasse vnà cū alijs occubiturus, si sanos pedes habuisset. Cū ergo huiuscemodi valetudo plus prodesse possit q̃ obsit, a quo animo tolerari debet, si euenerit.

SED arguet aliquis, hūc ipsum Miphiboseth, eò quòd claudus erat, à Siba seruo cōtemptum ludibrioq; habitū, quippe qui ipso relicto fugiens, falsa ad regem delatione possessionum eius partem intercepit. Respondebimus, multos etiam qui nunquam claudicauerāt, dolis atq; perfidia seruorum deperisse. Itaque neque isti sua pedum imbecillitas detrimento fuit, sed nequitia serui, quem fugientem fortasse peremisset, si consequi potuisset: innocentior fuit, quia ingredi nequiuit. Multò autem satius est, debiles pedes habere, quàm manus cruentas.

IOB ipse nō tantum pedibus aut manibus, aut aliquo membrorum æger erat, sed toto prorsus corpore tabidus atque putridus, & à planta pedis vsque ad verticem foedissimis vlceribus confectus. Testa saniem radebat, iacebatq; in sterquilinio, magis etiam dolendi causas habens, quòd paulo ante omnem substantiam (cū opulētissimus esset) vnà cum liberis amiserat, nec tamen cogi vnquam potuit, vt saltem labijs peccaret. Vxor iacenti assidebat, non quæ consolaretur afflictum, sed petulantia sua grauius exasperaret. Nanque tantarum impatiens ærumnarum iubebat, vt iam in suam ille necem maledictis Deum prouocaret. At verò Iob nō ignarus, longè maiorem esse miserō, Deo peccare, quàm ista pati, in ipsam indignatus: Quasi, inquit, vna de stultis mulieribus locuta es. Si bona suscepimus de manu Domini, mala quare non sustineamus? Affligens me

dolore non parcat, nec contradicam sermonibus sancti. Merito igitur post tot aduersa talemque patientiam duplicia dicitur recepisse, ceteris foelicior futurus, qui dum viueret, miserior existimabatur. *In libro Iob.*

Ezechias rex.
4. Reg. 20.
Ecc. 38.

EZECHIAS rex aegrotauit vsq; ad mortem, sed cum orasset, factus est sibi ipsi superstes. Ita & tu in tua infirmitate (vt Ecclesiasticus inquit) ora Dominum, & curabit te. Sed & hoc diligenter attende, quantum interfuerit inter aegrotantem & sanatum: dum langueret, expers delicti fuit, mox vt conualuit, iactantiae crimen incurrit, ostentans alienis diuitias suas, quas aeger contempserat. Nec leuis culpa fuit, ob quam illas ad alienos quoque transferendas audiuit. Nobis ergo, si meminerimus, quanto ad peccandum propensiores existant qui corpore sano sunt, minus molesta erit infirmitas.

Christus.
Matth. 7.

ORANDVM autem esse pro infirmo & Dominus docuit, suspiciens in coelum, cum surdum ac mutum hominem curare vellet, nec solum suspexit, sed etiam ingemuit, vt precaturi mentem simul cum oculis ad Deum dirigere discant. Paralytico priusquam sanitatem concederet, peccata dimisit, vt quia propter peccata in morbum inciderat, submota causa cessaret effectus. Ex quo sane datur intelligi, aegritudinem quandoque delicti poenam esse. Quod si per poenitentiam & confessionem deletum fuerit, reliquum est vt aeger conualescat. Itaque semper curandum, vt ante animae nostrae remedia adhibeat Sacerdos, quam corpori medicus, vt etiam si alia de causa quam ob delictum male affecti fuerimus, & morbus curari nequiuert, magis securi vitae huius finem expectemus. Ne mors quidem grauis erit vitam meliorem sperantibus. Morbo autem liberatis, magnopere cauendum est, ne veluti canes ad vomitum reuertamur. Ait enim: Ecce sanus factus es, iam noli amplius peccare, ne deterius tibi aliquid contingat. Equum quippe est, vt qui accepto sanitatis beneficio rursus delinquit, grauius puniatur.

Iob. 5.

Paulus 4. cor.

PAVLVS post triduanam caecitatem, ita se correxit, vt de

ut de persecutore Apostolus fieret. Percusserat eum Dominus ut sanaret, & ille sanatus tantum profecit virtute, ut omnia ardua, dura, acerba, contumeliæ, verberationis, vitæque periculi plena non inuitus subiret pro Christo, frigus, famem, gladium, iuxta contemnens. &: Libenter, inquit, gloriabor in infirmitatibus meis, ut inhabitet in me virtus Christi. &: Cum infirmor, tunc potens sum. &: Licet is qui foris est noster homo corrumpatur, tamen is qui intus est, renouatur de die in diem. Id enim quod in præsentī est momentaneum & leue tribulationis nostræ, supra modum in sublimitate æternæ gloriæ pōdus operatur in nobis, non contemplantibus nobis quæ videntur, sed quæ nō videntur. Quæ enim videtur, temporalia sunt: quæ autem non videntur, æterna sunt. Scimus enim quoniam si terrestris domus nostra huius habitationis dissoluatur, quod ædificationem ex Deo habemus, domum non manufactam, sed æternam in coelis. His Apostoli documentis patientiam nostram muniamus, & eiusdē exemplo quicquid enenerit, non modò constanter, verum etiam alacriter perferemus.

IN Vedastī Atrebatēsis Episcopi vita legimus, cū corpus eius de loco, vbi olim positum fuerat, transferretur: quendam cæcum, cui Audomaro nomen fuit, expetiisse, ut videret Sancti ossa, & illicò visum recepisse. Deinde cū rursus orasset, ut si ea res animæ suæ salutē minus conducere, rediret infirmitas, iteratò oculis captum fuisse. O prudens votum, singularemque cæci patientiam, qui ne tunc quidem cernendi copiam postulasset, nisi tam pij desiderij causa incidisset. Ideoque Sancti corpore viso, ad cæcitatem suam reuerti maluit, quàm ad ea, quæ ante cecitatem fortè se commississe reolebat. Contempsit oculos, ut innocentius viueret: & innocentius victurum, obducti denudò oculi fidem fecere. *Sur. Tom. 1.*

PETRVS quoque Abbas Clarenallensis, quadā graui valetudine vexatus, oculū amisit, & se gaudere dixit, quod è duobus inimicis alterius molestia iam liber esset. Argu-

Gg 5

mento

mento est, magis etiam gaudendū illis qui utroque orbantur. Et cur enim non se consolari habeant qui ambobus carent, cum non sit eis opus ad Deum clamitare cum Propheta: Domine, auerte oculos meos ne videāt vanitatem. Qui si illos velauertere per se potuisset, vel omnino nō habuisset, neq; adulterij, neq; homicidij crimine se polluisset.

Psal. 119.

*Pygmenius
Presbyter.*

Æ Q V O animo ferebat & Pygmenius Presbyter Romanus quod oculis captus esset, nequando illi inimicos Ecclesiæ Christianæ aspicere contingeret. Vnde Iulianus Apostata Imperator, cum fortē ipsi occurrisset, deridiculi causa: Gratias, inquit, ago Dijs, o Pygmeni, quod te video. Econtra ille: Gratias Deo meo ago, respōdit, quod te non video. Tam igitur forti animo cæcitātē pertulit, quā tyrannū cōtempnit. Dehinc Martyrij corona donatus, videre cœpit, quæ oculus nō vidit: & audire, quæ auris nō audiuit: & intelligere, quæ in cor hominis non ascenderunt. Et nos (proh nephas) cæcitatem horremus, cum tantam beatitudinem & cæci cernere possint, & qui inoffensos oculos habent, difficilius assequi soleant. *Beda: in Martyrol.*

1. Cor. 2.

*Maïolus
Abbas.*

M A I O - L V S Cluniacensis Monasterij Monachus cæcus erat, & tamē sapientiæ ac sanctitatis merito factus est Abbas Maticensis. Nec sua ipsi obstitit cæcitas, quin alios cæcos curaret, surdos insuper mutosq; & claudos sanauit, proculdubio sanaturus & seipsum, nisi multo plus emolumentī ac fructus percipere se sciret ex eiusmodi imbecillitatis toleratione atq; patiētia. Itaque cæcus quidē vixit, sed miraculorum fama videntibus illustrior fuit. *Sur. Tom. 3.*

*Vbaldus
Episc.*

A D Vbaldum Eugubinae vrbs Episcopum (quoniam & ipse miraculis pollebat) cæcum quendam venisse legimus, opemque implorasse, & ab eodem illi persuasum, ne visum sibi restitui expeteret, quia eo restituto animæ cæcitatem esset passurus. Itaque incuratum dimissum. Consolentur se hoc saltem exemplo, qui videre desierunt, ignari si sani essent, quā continentes oculos forent habituri. Noluit cæco mederi Vbaldus, ne corpori subueniens, animæ faceret detrimentum. *Steph. Cremonenf.*

E r

ET Spem Abbatē virum sanctimoniz fama celebrem, *Spes Abbat.* oculis captū fuisse, in Dialogo Pōtificis Maximi Gregorij traditum est. Sed eundem quadagesimo tandem anno visum diuinitus recuperasse, audisseque sibi dictum, vti proxima monasteria inuisere pergeret, & fratribus perfectius viuendi pręcepta daret, ipse propediem decessurus. Itaque eo perfunctū officio, postquam ad suos redijt, in Fratrum coetu psallentem expirasse. Tunc ergo videre cōcepit, cū ē vita egredi oportuit, vt palam esset, cęcitatem illam non culpę fuisse, sed probationis, qua auctum est per patientię virtutem vitę meritum. Ab ore morientis columbā exisse, & ad coelum euolasse visam ferunt. Columbę igitur puritate interius tōtus nituit, qui oculis tātū exterius orbus fuit. *Greg. Dial. lib. 4. c. 10.*

DE Didymo Alexandrino testatur Hieronymus qui eius auditor fuit, quod ā parua ætate oculis captus, & ob id elementorū quoque ignarus, tantū miraculū sui omnibus prębuit, vt Dialecticam & Geometriam (quę vel maximē visu indiget) vsq; ad perfectū didicerit. Addit etiā plurima opera ab eo nobilia scripta, Cōmentarios in Psalinos omnes, Commentarios in Euangeliiū Matthęi & Iohānis, de Dogmatibus cōtra Arrianos libros duos, de Spiritus sancto librum vnū, in Isaiam decem, in Osee octo, in Zachariam quinque, & infinita alia, quę digerere propriū indicis est. Quod si tanta nosse cæcus potuit, apparet ne in discendo quidē oculis admodū opus esse. Quinimō plerunque videmus, magis docile ingenium tenacioremque memoriā cæcorū hominū esse, quā cernentiū, & eō plus menti eorū datū, quod oculis minus. Conceptus enim & imaginatio, & ipsa rerū reminiscētia, totā se penitus ad animam colligit, firmiterq; inhaeret, dū foras per varia visus obiecta nequit enagari. Ita sit, vt hac quoque de causa cæcitas nobis tolerabilior esse debeat, si acciderit. *Hier. de viris illustrib.*

Reliquarum quoque infirmitatum fortia perquiramus exempla. Gregorio Pontifici, quod pro Traiano infideli Imperatore Deum deprecari ausus esset, pœnæ nomine hanc

*Didymus
Alexandrinus*

Gregorius PP.

hanc optionem datā perhibent, vt siue quamdiu viueret, magnis assidue lāguoribus ageretur, siue cū defunctus fuerit, bidui spacio ignem Purgatorij sustineret, & elegisse languores, constanterque pertulisse. At nos grauioribus quidem obnoxij delictis, & nullo virtutis genere cum hoc Sancto conferēdi, quoties morbo aliquo afficimur, indignamur: Vt scilicet post hæc leuia, quæ impatienter ferimus, nec illa tantò atrociora deuitemus. Neque enim indignando peccata minui solent, sed cumulari. Qui autem libenter corporis mala tolerat, ad expiationem spiritus proficit. *Greg. Dial. lib. 2. c. 44.*

Egidius Solitarius.

PRINCIPE Egidius ad Rhodani ostia solitarius, cū à venatoribus sagitta in incertum missa inter syluas latentem fauciasset, non modò medicinam corpori admittere noluit, sed etiam ad Dominum orauit, nequando lēsa caro sanitatem reciperet. Parum erat solitudinis necessitatem ferre, quotidianas vigilandi, precandi, ieiunādi fatigationes pati; vulnus insuper quasi diuinitus inflictum manere voluit incuratū, vt additus corpori dolor, ab animo procul arceret voluptatis cogitationes. *Fulbert. Carnotens.*

Stephanus Anachoreta.

STEPHANVS verò Marcotidis regionis Anachoreta, cū verendas corporis partes exulceratas taboq; diffuentes haberet, curationem quidem non recusauit, sed dum curatur, maioris patientiæ prebuit exemplum, defectiones à Chirurgo passus nullo emissio eiulatu, nullo edito gemitu, ac si omnino doloris vim nō sentiret. Adhæc eiusmodi agritudine affectus, non intermisit manuum laborem, de palmarum folijs funiculos contorquens, non spiritalis exhortationis curam, semper eorum, qui in eo ad se conuenissent, salutem consulens. Ita magnam languoris molestiam maiore virtutū meditatione vincebat, animo etiā fortior, quā corpore debilior. *Hyst. Trip. lib. 8. c. 1. Pallad. Hyst. 30.*

Beniamin Eremita.

BENIAMIN Eremita aquæ intercutis morbo vehementer laborabat. Ac ne hoc illi ob delicta datum, crederes, alios infirmos oratione sola curauit. Eis verò qui infirmitatem eius miserabantur, è diuerso supplicare solebat, ne cor-

æ corporis sui sed animæ curam haberent, veniamque à Domino sibi exorarent peccatorum, quæ dum sanus esset, se commississe aiebat. Ita quòd peccator foret, plurimumangebatur: quòd æger, nihil. *Hist. Trip. lib. 8. c. 1.*

P A V L U S quoque solitudinis quondam (quæ Panephiæ Ægypti oppido adiacet) cultor, resolutis (vt Cassianus tradit) paralyti membris, in lectulo decumbens ceteris, qui agrotabant, sanitati erat. Oleo enim, cui ipse benedictionem imposuisset, peruncti curabantur. Quæ quidem in re ostendere nobis voluit Dominus, quantum ille & fortis esset in patiendo, & pius in miserendo. Idem enim qui pro sua valetudine nihil sollicitus videbatur, pro aliena anxius erat, & præsentaneum omnibus remedium conferebat. *Cassian. Coll. 7. c. 26.*

D E Seruulo mendico in Homilijs & in Dialogo Gregorij relatum est, quòd toto vitæ tempore paralyti laboraret, ita vt in lectuca iacens mouere se omnino non posset, semper tamen in doloris accessionibus Deo gratias agere, Hymnos decantare, & concitatiores quodam quasi stimulis actus spiritu, aliquid de Scripturis, quod non legendo, sed audiendo didicerat, recitare. Merito ergo moriens Angelorum cantus audiuit, merito mortuus odore suauissimo fragrauit. Quibus indicijs consideratum est, quantam illi beatitudinis æquanimiter tolerata infirmitas attulisset, quantum iam foelix esset, qui dum viueret, tam miser ac tam miserabilis putabatur. *Greg. Dial. lib. 4. cap. 14. & Hom. 15. in Euang.*

D Y N S T A N U S ante morbum ab Elphego Ventano Episcopo necessario suo, nullis hortatibus, vt monachum profiteretur, compelli poterat. At verò febre correptus, mox vt conualuit, vltra ad Monasterium properauit, & Religioni se addixit, multæque vitæ sanctitudine pollere coepit, breui Presbyter factus, atque ad Cantuariensem Ecclesiam regendam accitus, pontificia quoque dignitate effulsit, multis denique miraculorum signis nobilitatus fuit. Itaque tantum illi aliquando agrotasse profuit, quan-
tum

tum, si semper sanus perseveraret, fortasse nocuisset.

Ser. Tom. 3.

Franciscus.

Ipse etiam nunquā satis laudatus Franciscus, non ante coepit esse perfectus, quā grauissimā corporis valetudinem incurrisset. Vigesimo ætatis suæ anno infirmatus didicit terrena contēnere, quæ sanus dilexerat. Aeger soli Deo seruiendum esse intellexit, qui antehac sanus auaritiæ seruierat, dum negotiationibus operam daret: & quisquam infirmitatem incusare audet, quæ tantum gignat boni? Quod autem in plerisque nō eundem sortiatur euentum, non hoc eius vitio fit, sed ipsorum qui sanati sic vitā suam instituire negligunt, vt dum ægrotarent, promiserunt.

Bonauent. cap. 1.

Sergius.

SERGIVS Senogalliæ Princeps, elephantico morbo diuinitus liberatus, omnia quæ habuit, partim Ecclesiæ, partim pauperibus erogauit, & relictis omnibus, soli Deo humilis & egenus toto animi affectu seruire coepit. Compulerat enim sua ipsum infirmitas humani generis conditionem altius considerare, & deprehendit, nihil prodesse homini terrenum dominatum, atque illum, vbi cōualuit, dereliquit, coelestia tantum quærens & æterna. Non ab re igitur in Ecclesiastico scriptum est: Infirmitas grauis sobriam facit animam.

Eccl. 31.

*Marcellinus
Episc.*

MARCELLINI Anthonitani Episcopi sanctitatem haud impediuit podagræ morbus, quippe qui manibus gestatus alienis, vrbis incendium ex aduerso se obijciens deropentē cessare fecit, tam potens virtute, cum pedibus tam debilis esset. Hinc nos quoties imbecillitate aliqua superati velligijs insistere minus valuerimus, meminisse debemus, ob hoc nobis terram calcandam denegari, vt cœlum mente conscendamus: nec dubitemus, brevis infirmitatis nostræ patientiā æternæ illic incolumitatis beatitudine compensandam. *Greg. Dial. lib. 1. c. 6.*

*Thomas Ar-
chiepisc.*

IN vita Thomæ Cantuariensis Archiepiscopi memoriæ proditum est, quendam acquirendæ valetudinis gratia ad sepulchrum eius accessisse, & voti compotem factū, dum
redi-

rediret, secum quærere coepisse, sanitas ne corporis, an imbecillitas, ad animæ salutem magis cessura esset: & rursus Sancti aram repetisse orasseque, ut quod sibi ad beatitudinem adipiscendam accommodatius esset, id eueniret, ac statim eodem implicitum fuisse morbo. Virtus ergo (ut Apostolus inquit) non in sanitate, sed in infirmitate perficitur. *Iacob. de Vorag.* 2. Cor. 12.

NUNC debilioris quidem sexus, nec tamen debiliora *Femina. Agatha Virgo.* exempla contemplemur. Agatha Virgo & Martyr, cum illi post multos cruciatus mamillam à pectore auulisset tyrannus, quoniam fidem non poterat, & Petrus Apostolus eam curaturus in carcere apparuisset, Chirurgum aliquem ad se venisse rata, detrectabat medicinam, dicens: nunquam se pharmaca corpori admisisse, sed illius medici opera semper usam, qui solo verbo omnem infirmitatem curaret. Hunc autem esse Dominum Iesum. Tunc Petrus, Apostolum se eius esse, & ab eodem ad illam missum indicans, euauit, ipsa sana relicta. Nō hoc dicimus, ut infirma Virgo medicamentum respuat, sed semper spem omnem in Christo collocet, semper soli gratias agat: hoc in ægra, patientiæ: in sanata, gratitudinis testimonium erit. *Sur. Tom. 1.*

Quamuis Syluania quoque Ruffini Alexandriæ Præfæti *Sylvania Virgo.* soror, Deoque dicata Virgo, cum malè haberet, medicis consulentibus balnea adire noluit: hoc tamen, non medellam contemnens, sed mollitiem cauens, quippe quæ per annos sexaginta neque vultum, neque pedes lauisse dicitur, neque aliam corporis partem, præter summos manuū digitos, cum capere vellet cibum, non aliud ad cubandum lectulum habuisset, quàm nudam humum. Cogita nunc, qualiter infirmitatem tulerit, quæ talia, dum sana esset, sua sponte, ut Christo placeret, tulit. *Pallad. Hist. 142.*

PAULA Romana cum febris laboraret, & stomachi *Paula Virgo.* cruditate cibum nō digereret, ut modico vino vteretur, nec medicorum placitis, nec religiosorum suasionibus compelli potuit, nolens ab instituto vitæ monasticæ ne in ægritudine quidem declinare. Multo enim tempore aquam bibēs,
magis

magis expauit vini gustum, quàm infirmitatis periculum, neque tanti fecit sanitatem, vt eius recuperandæ gratia spiritalis continentiae modum, quem ad illam vsq; diem perpetuò seruauerat, intermitteret. *Hier. Epist. Si cuncta.*

Galla vidua.

GALLA & ipsa Romana Symmachi Cõsularis viri filia, cùm intra puellares annos marito viduata ægrotaret, corpore toto in tabeficam scabredinem verso, medicis affirmantibus nisi iteraret matrimonium, vel morituram eo morbo, vel mentum pilosum veluti vir habiturâ: neglexit medicorum consilium, & omnia perpeti maluit, quàm ad coniugium redire, ad quod repetendum, si sana extitisset, fortasse nemine hortante solus iuuenilis ætatis ardor eam compulisset. Ægra didicit optare meliora: itaque vt optata possideret, omne carnis detrimentum pro nihilo duxit. Mammillam deinde vlceribus affectâ ita tolerauit, vt iam morti proxima, apparente sibi Beato Petro Apostolo, non vt curaretur rogarit, sed an sibi peccata sua condonata essent, quaerit. Quæ dimissa esse audiens, multò plus ex hoc consolationis cepit, quàm ex ægrotatione ceperat doloris. Si sic animę curam gesserimus, omnis aduersa corporis valetudo tolerabilis erit. *Greg. Dial. lib. 4. c. 13.*

Elizabeth.

QVOD quidem etiam Elizabeth de Sconaugia Deo dicatæ Virginis probatur exéplo. Quæ (vt Sigebertus scribit) toto corpore vlceribus cõtubefacto iacens, nunquàm ob hoc aliquam animi tristitiam vultu prætulit, multas interim futurorũ reuelationes accepit, acceptasq; prodidit, vt facillè dixerim, & ideo sanctam fuisse quia patiens erat, & ideo patientem, quia sancta. *Ecbertus & alij.*

Clara virgo.

SIC & Clara Virgo, cùm languente corpore semota in lectulo decubaret, mentis oculis cernebat quæ procul in Ecclesia agerentur, & ea deinde reuersis ad se sororibus (magna cum omnium admiratione) referebat. Nihil itaq; illi obfuit fracti corporis egritudo, cùm tantum animo valeret. *Sur. Tom. 4.*

*Aplaides
virgo.*

APLAIDEM quoque Virginem toto corpore sanio-
sam, apud Tudotum Gallia: urbem fuisse constat, tantæ
tamen

tamen apud Deum gratiæ ac meriti, vt per annos multos infirmia, nullo alio cibo vixerit, præterquàm Sacrosanctæ Eucharistiæ pane, in spiritu rapta damnatorum poenas beatorumque gloriam viderit, quæque diuersis per orbis locis agerentur scierit, atque interdum futura prædixerit. Si tot ac tanta cum languore possunt venire bona, quis illi præferre audet sanitatem, quæ si præferenda esset, haud dubiû quin diutissimè illa perfrui Sanctos suos Deus concederet, nec ita frequens apud eos esset ægrotationi locus.

QUANTVM verò ad seruandum sanctæ castitatis propositum conferre soleat ipse corporis languor, atque infirmitas, Petrus Apostolus documento est. Qui Tito discipulo interroganti, cur Petronillam filiam suam diutius ægrotare pateretur, cum alijs malè affectis repentinè sanitatè induceret? ita illi expedire, respondit. Ac ne dissimulare impossibilitatem videretur, iussit eam surgere, & ipsis discumbentibus ministrare. Exurrexit sana, & vt perfuncta est officio, rursus patris iussu ad lectulû pariter ac morbum redijt. Ægrotando igitur didicit Virginitatis amare puritatem, ita vt postea sanata, mori præoptaret, quàm Flaccus Prætori nubere. Quare non modò patienter ferenda ægritudo est, verumetiam appetenda, quoties intimis in medullis concitatus ardor iuuenilia occupat membra, venasque succendens ad turpem libidinem illicitasque prouocat voluptates. *Marcell. apud Aloysium.*

HANC siquidè appetijt, & valde appetijt Andragasina Virgo; quæ à patre desponsata, pro tutanda Virginitate Deum orauit, atque hinc lepræ morbo deformatam exhorruit sponsus, qui sanam antè admauerat, intactamque repudiavit. Neque illa quicquàm penſi fecit tam acre malum, dum multò mallet castè viuere, quàm sana. Ne autè morbi huius causa in ambiguo esset, vt primùm professæ est religionem, sana euasit. Ita palam factum est, ideo fuisse leprosam, ne esset corrupta. Et ne plura huiusce patientiæ exempla enumerare longum sit, hac tandem breui sententiola partem istam concludamus: Nullâ esse tam grauem infir-

H h

mita-

483 DE PATIEN. MAR. SEX. VI.
mitatem, nullam tam vastam horrendamq; calamitatem;
quæ non æquo animo perferetur, si æterna cogitabimus.

De Patientia Martyrum sexus virilis.
Caput V.

AETERNA ac coelestia secum meditando fortissimi
Christi milites (vt postremò de Martyrij patientia
differamus) omnia tormentorum genera facillè con-
tempnere. Non sunt enim condignæ passionēs huius tem-
poris (vt Apostolus inquit) ad futuram gloriam, quæ reue-
labitur in nobis.

Rom. 8.

Propheta.

Micheas.

Vrias.

3. Reg. 22.

Jeremias.

Jerem. 20.

Isaias.

PRIMI Veteris Legis Martyres Prophetæ fuerunt, de
quibus Micheas in maxillam percutitur, & in carcerem
truditur, Vrias interficitur, Ieremias carcerem & verbera
patitur, in lacum coeni per ludibrium iactatus lutatur, po-
stremò lapidibus obruitur: Isaias in duas partes viuus se-
catur. Dum enim missi à Domino veritatem prædicarent,
sæuissimorum Principum vim atque minas pro nihilo
habuerunt.

Dan. 3. et 6.

Sidrach,

Misach,

Abdenago,

Daniel.

DEINDE Sidrach, Misach & Abdenago pueri, ætatē
animi magnitudine supergressi, cū regis Nabuchodo-
nosor statuam adorare nollēt, in fornacem ardētem proj-
ciuntur, & inter furentes flammarum globos laudes Deo
decantant. Daniel leonibus deuorandus datur. Sed nec il-
los adussit ignis, neque hunc leones attigerūt, vt omnibus
manifestum fieret, veræ religionis virtutem potentissimo
tyranno fortiolem esse, & fideles, nisi Deo permittente,
nulla vi occidi posse.

Iudei.

1. Mach. 1.

1. Mach. 2.

Posthæc Antiocho Epiphane Ierosolymam vastante,
idolum desolationis super Altare Dei positum multi ex
Iudæis nolentes adorare trucidati sunt. Pueri qui circun-
cisione deprehendebantur, suspendio interempti, & qui
cibis immundis abstinerant, neci traditi. Quidam qui se
prius armis defenderant, deinde ab inuadentibus die Sab-
bati ad vnum ferè cæsi sunt. Etenim ne diuinæ Legis man-
dato

dato derogarēt, ea die repugnare nefas esse duxerūt. Dux *2. Mach. 6.*
mulieres, quæ filios circunciderāt, cum ipsis infantibus ad
vbera alligatis missæ in præceps. Plerique quia Sabbatum
obseruarent, flammis exusti. Adeò hi omnes mori minus
timuerunt, quàm præuaricari.

ELIAZARVS Scriba & ipse sacrarum Legû seruator *Eleazarus Scriba. 2. Mach. 6.*
assiduus, interimi quidem potuit, vt autem porcinam gu-
staret, cogi nõ potuit, præferēs vitæ suæ diuini ritus fidem.
Et cum amici aliam carnē, qua vesci solebat, supponerent,
volentes eum subtrahere neci, non eis acquieuit, nolens
hac simulatione se seruare, & alios perdere, præuaricatio-
nis exemplo, qui putassent ipsum cibo Lege vetito vsum
fuisse. Forti itaque animo cadentium ictus pertulit, vt ad
eosdem constanter tolerandos fidelem populû animaret,
haud ignarus, multò gloriosius esse, Deo obediēdo mori,
quàm obsequendo infideli tyranno, viuere.

SEPTEM verò fratres, septem in Apocalypsi Ecclesia- *Septē fratres Machabæi. 2. Mach. 7.*
rum typus, multò atrocioribus tormentis conficiuntur
cum matre, quia maior persecutio in Ecclesiam quàm in
Synagogam sæuitura erat. Igitur respuentes cibum Lege
vetitum, supplicia constanter sustinuerunt, & quidē alius
post alium, vt prioris poena cæteris cernentibus terrori
esset, sed nequaquam territi sunt. Itaque vice cuiusque ser-
uata, linguas omnibus amputarunt, capita cute decalua-
uerunt, manus pedesque præciderūt, & sic trunca corpora
super ignitam sartaginē torrendo consumpserunt. Mater
deinde quæ non fleuerat filios, sed ad patientiam iam hor-
tata fuerat, iam de illorum victorijs læta, mortem alacriter
subijt, & quos tunc tam acerbos cruciatus tolerare vidit,
nunc vnà secum in æternæ beatitudinis regno triumphan-
tes cernit. tantò facta est post ærumnas felicior, quantò in
perferendo exitit constantior.

Neque te, Rasia, vir non solum castitate (quæ rara in Iu- *Rasias. 2. Mach. 14.*
daismo erat) sed etiam fide præstantissime, hoc loco præ-
teribimus. In quo vno impijssimus Nicanor omnes reli-
quos se superaturû sperauit. At tu, cû iā vndiq; circûdatus

Hh 2

effugere

effugere non posses, vt doceres te non timere necem, sed magis religionis ab infidelibus ridendæ ludibrium, Spiritus sancti instinctu tibi ipsi mortem consciuisti, ferro te feriens, & de arduo loco in præceps mittens, & erumpentiâ viscera manibus proprijs direpta in turbam proijciens, ac Deum tuum inuocans, vt illa tibi iterum redderet, futuræ Resurrectionis spe certissima ipse stabilitus. O incredibile animi tui fortitudinem! Terruisti tyrannum, nihil vitæ tuæ parcens, dum Dei cōsulis honori. Sensit inimicus se ab vno vinci, qui te vno victo, cæteros facili in suam erroris sententiam se tracturum credidit. Ostendisti, te etiâ grauiora pro nomine coelestis regis pati posse; quàm fortasse terrenus omnium immanissimus inferre cogitabat. Felix qui tali priuilegio dotari meruisti, vt in perferendo Martyrio ad confusionem inimici, tua in te vtereris manu, quod paucis admodum concessum aliquando fuisse nouimus: & quod alijs imputaretur ad peccatū, tibi versum est ad gloriam. Nam cum omnibus præceptum sit: Non occides: tibi dispensatum est, vt te percuteres, & vinceret: occideres te, & viueres.

Exod. 20.

*Iohannes
Baptista.
Matth. 11.
Lucæ. 3.*

Hæc de veteribus: ad noua veniamus. Iohannes præcursor Domini, & plus quàm Propheta, & quo nō surrexit maior inter natos mulierum, Herodis Antipæ iussu in gratiam adulteræ carceri mancipatur, obtruncaturque, ac medius inter Legem & Euangelium, huius initium, illius finem sanguine suo consecrat.

*Iesus
Christus.*

*Matth. 10.
Lucæ. 21.*

P o s t illam primitiæ mortuorū Dominus noster Iesus Christus, ludibria, maledicta, cōuitia, multa horrendaque supplicia, & ignominiosissimam Crucis mortē sustinuit, vt pro quibus ipse volēs ac libens talia patiebatur, eosdem ad patiendas Martyrij poenas suo excitaret exemplo: Iam tum dux inclutissimus milites suos non armis muniens, sed toleratione confirmans, cum diceret: Nolite timere eos qui occidunt corpus, animam verò non possunt occidere. Sed eum potius timete, qui potest & corpus & animam perdere in gehennā: Et qui perdiderit animā suam,

inue-

inueniet eam . Et in patientia uestra possidebitis animas uestras . Si ergo commoremur (sicut Apostolus inquit) & conuiuemus . Si sustinebimus , & conregnabimus .

HINC sanè est , quod ipsi Domini Apostoli flagellis primùm acriter cæsi , non dolent , sed gaudent , nō trīstātur , sed exultant , quoniam digni habiti sunt pro nomine Iesu contumeliā pati .

EX his deinde Iacobus Maior Herodis Agrippæ gladio decollatur , & eiusdem iussu Petrus in carcerem catenis vinctus conijcitur . Sed horum alter à vinculis diuinitus liberatur , alter pro temporali vita æternā accipit . Infelicissimus verò Herodes à verinibus consumptus expirat , & ad infernā rapitur , ab immortali verme semper rodendus , igneque illo inextinguibili sine fine cruciandus .

RURSVM Petrus Romæ , cū nec ipsius Neronis immanitate terreri potuisset , ne Christum prædicaret , morti addicitur Crucis , versoque ad terram capite crucifigitur , quoniam erecto suspendi , sicut Dominus suus , indignum se dixerat . Primus igitur crucem ascendere meruit pro Domino , quam pro omnibus ascenderat Dominus : vicem reddidit , & præmiū accepit , eos quandoque cū Domino iudicaturus , à quibus talia passus est .

IPSE quoque vas electum Paulus à Listris lapidibus eijcitur , Philippis cum Sila discipulo virgis cæsus , & compedibus vinctus , carceri includitur . Inde dimissus , plurimisque peragratis locis , profectus Ierosolymam , ibi alligari & mori paratus pro nomine Iesu comprehenditur , ligatur , flagellatur , torquetur , in ore percutitur . Postremò Romæ capite truncatur , tunc demum cessans euāgelizare Iesum , cū in corpore viuere cessasset ,

ANDREAM deinde Apostolum Patras à perniciē erroris vindicare conantem , Egeas Achaïæ Proconsul comprehendendi iussit , & in facie cædi , & in crucem suspendi . At ille ne sic quidem inhiberi potuit , quin pendens quoque Christum plebi astanti prædicaret , donec ingenti luce circumfusus emisit spiritum , illos in tenebris relinquens , qui

increduli in ipsum sœuierunt. *Bernard. Ser. de S. Andrea.*

*Philippus.
Bartholo-
mæus.
Iohannes
Apost.*

PHILIPPVM Apostolum Hieropoli Phrigiæ vrbe crucifixum, ac lapidibus interemptum constat. Bartholomæum apud Armeniam in oppido Albano viuum exco-riatum decollatumq;. Iohannem Apostolum Romę in fer-uenti oleo decoctum, nec tamé læsum, Christo protegēte,

*Thomas
Apost.*

qui sic eum voluit manere, donec ipse veniret. Thomam Didymum apud Indos carceri traditum, nudis vestigijs

*Matthæus
Apost.*

per candentes laminas ductum, & in ardentem fornacem

Iacobus

trusum, postremò lanceis perfoßum. Matthæum Apostolū

Minor.

in Perside, dum Missale Sacrificium offerret, post tergum

Simon

transfixum. Iacobum Minorem Ierosolymis lapidatum,

Zelotes.

& pro inimicis deprecantem, fullonis fuisse interemptum.

Iudas

Fratres verò eius Simonem Zelotem, & Iudā Thaddæum

Thaddæus.

in Persiæ vrbe Senair, quia ipsis ingrediētibus in tēplum

Matthias

simulachra deorum corruerunt, ab ædituis trucidatos.

Apost.

Matthiam, qui Apostolatū, à quo Iudas decedit, sortitus

Barnabas.

est, Ierosolymis à Iudæis lapidatum, & Romano ritu securi

percussū. Barnabam Gentium Apostolum, Salamine à

Iudeis comprehensum, atque igni consumptum. Profectò

nisi summa & præclara esset Martyrij gloria, nunquā Chri-

Matth. 5.

stus Apostolos suos (quos præter omnes dilexerat) tanta æ-

Luce. 7.

taliam pati permisisset. Sed beati, inquit, qui persecutionem

patiuntur propter iustitiam, quoniam ipsorum est regnū

coelorum. Beati estis cū vos oderint homines, & cū

separauerint vos, & exprobrauerint, & eiecerint nomen

vestrum tanquam malum, propter Filium hominis. Gai-

dete in illa die, & exultate. Ecce enim merces vestra multa

est in cœlo. *Abdias. & alij in vitis Apost.*

*Stephanus
Protomar.
Actor. 7.*

HINC Stephanus quoq; Spiritu sancto & fortitudine

plenus, faciens signa & prodigia, lapidibus obruitur. Sed

quid mali illi lapidum ictus inferre poterant, cui cœli iam

apertierant? Vitam impij eripiebant, sed Iesus à dextris

virtutis Dei manens animam suscepturus expectabat. Ille

itaque iam de sua salute securus, pro suis occisoribus ora-

bat: Domine, inquit, ne statuas illis hoc peccatum, auxitq;

Martyrij

Martyrij gloriam pietatis erga inimicos merito, & in Domino obdormiuit, quia vigilauerat pro Domino, nomen eius confitens, & mortem contemnens. *Actor. 7.*

IN Marcum Euangelistam Alexandriae idolorum cultores furentes collo fune circumiecto, per salebrosam humum huc illuc tractum extinxere. *Marcus Euāg.*

LVCAM verò in Bythinia diem suum obiisse tradunt, voluntate, non sorte Martyrem, cum & ipse gentibus ea de Christo predicare ausus sit, quæ scripta reliquit. Sicq; Martyrij corona nec illum caruisse. *Lucas Euāg.*

HVC Apostolorum, Discipulorum, Euangelistarum finem tantò feliciorè fuisse haud ambigimus, quantò passi sunt grauiora. Sed & si alius aliter consumptus sit, omnes tamen pari animi magnitudine nullum supplicij genus expauerunt, dum beatitudinis præmia cogitarent, nullum laborem refugerunt, dum ad supernam quietem ascendere festinarèt, Deo fruituri, qui pro Deo mundum contempserant. *Apostoli. Discipuli. Euangeliste.*

POST hos deinde Martyrū innumerabilis per orbem multitudo exuberavit. Ex quibus paucos commemorabimus, quorum tamen singulorum exempla ad pellendam omnem animi ignauiam, timiditatemque propulsandam, sufficere possint. *Martyres.*

MARTINVS Martyr tenellus adhuc, sed fortissimus Christi miles, in quo (sicuti in plurimis) Deus ostendit, facile se suos fideles ab omni iniuria tutari posse, si id illis expedisset, Romæ Martiani Præfecti iussu bubalis loris flagellatus est, in equuleo extectus, ferreis ungulis laceratus, deinde ad machinam, ut membratim distraheretur, applicitus: at illa mox fracta, diuinitus liberatur, & à plagis quas acceperat, apparuit sanus. Sed rursus quia à puero vinci pudor erat, scissæ apertæque ad medium usque truncum arbori inseritur, ut partibus ad se redeuntibus collisus deficeret. Arbor autem veluti adactis cuneis funditus diuisa in diuersum laxatur. Inde ergo ad ferream cratem torrendus transfertur, plumbo liquato perfunditur, sed repente proximi fluminis inundatione ignis extinguitur. *Martinus Martyr.*

Iterum ille in frixorio coquitur, sed rore cœlesti protectus calorem non sentit. In cacabum pice bullientem iactatur, at ibi etiam effusa pice mansit illæsus. Feris immanibus obiectus nihil iniuriæ patitur. In fornacem missus, die postero cum iam in cineres reductus putaretur, exijt incolomis, capitis tandem truncatione tormentorum finem, & beatitudinis accepit initium. Martianus verò ne tam obstinatam in puero rabiem impune ferret, putrescentibus membris, & toto corpore vermibus scaturiente, infelici morte infeliciorem vitam ad æternos ignes deputatus inchoavit. Nobis operæpretiū erit, hinc p̄sare, quàm suavis est Dominus, cuius amore tam horrenda subire supplicia ne pueri quidem timuerunt.

*Conon cū filio
Martyr.*

CONON cum paruulo filio apud Isauriam sub Aureliano Imperatore passi sunt. Hi iubente Domitiano Prefecto, primum in craticula extenti oleoque peruncti, deinde ad sartaginem translati, torrentur ac fringuntur. Postremo cum magis torqueretur tyrannus, quòd tam diris mortiferisque supplicijs neque cederet, neque consumi possent, constructa copiosiore pyra superinieci expirant. Cur autē sicut alia, ita & hoc pœnæ genus viui nō euaserint, ostendit vox de cœlo lapsa, quæ illos, quoniam strenuè contra dolorem decertassent, ad percipiendas iam Martyrij coronas euocauit. Mori non poterat, donec multiplici cruciatur probaretur tolerationis virtus, probatā autē remunerari restabat. O sapientem pariter ac pium Patrem, qui ipsum quem genuerat secum pro Christo cruciari sustinuit, vt secum cœlo inferret. *In Martyrol. Vuardi May. 29.*

Vitus Martyr.

VITVS puer septem tantum annos natus, ab impio patre ne Christum sequeretur, nullis minis verberibusque coerceri potuit. Et quia patri male suadenti non cessit, miraculis nobilitatus est. Diocletiani filium ab immundo spiritu vexatum, sanitati restituit. Sed non ideo fracta est perfidi Imperatoris duritia, magis indignari cœpit, tātum inesse virtutis homini Christiano, & ipsum ad Deos adorandos compellere perrexit. Tantum autem profecit, vt à puero

puero Imperator victus sit. Potuit illum mittere in carcerem, in olla, pice, resina, & plumbo bulliente excoquere, feris, bestiis laniandum præbere, & in equuleo extentum crudeliter verberare: occidere non potuit. Exclamante enim inter ipsa verbera Vito, Domine, libera me; cœlum intonuit, terra tremuit, Deorum simulacra corruerunt, territus Diocletianus fugit. Vitum Angelus inde sublatum longius transportauit. Vbi ille cùm orasset Dominum suum, ut iam de terris euocatus in ipso requiesceret, tradidit spiritum. Glorietur nunc protervæ potestatis vanus Imperator Diocletianus, maximæ orbis parti se imperitasse, validdissimas quondam gentes suæ subegisse ditioni: Si vni puero Christum colenti imperare nequivit: Si ipse poenas inferendo plus timuit, quàm ille patiando: Si viuum denique dimittere coactus est, ad quem perimendum tam dira expetiuit supplicia. *Iacob. de Vorag.*

FLOCELLVS quoq; decem annorũ puer, Antonino Augusto Ecclesiam persequente, apud Austudinum passus est. Hic Valeriani Præsidis iussu, cùm ad immolandum dijs cogi non posset, in equuleo suspensus flagellatur, in cauea cum leone occluditur, in ignem mittitur, clavis configitur: sed ijs omnibus superstes, feris tandem beluis obiectus, conculcatu pressuque earum præfocatur, in nulla corporis parte cruentatus. Vnde tam tenello tantum animi robur, tanta tolerationis vis? nisi quia Christi charitas in quocunque fuerit, omnibus fortior est supplicijs. *Pet. de Natalib.*

HINC & Mammes puer septennis Cæsareæ, Agapitus quindecim natus annos Preneste, audacter se Christianos esse prædicarunt, neque vlla poenarum magnitudine ab ea confessione dimoueri potuere. Vita eos prophana tyrannorum crudelitas priuauit, sed non etiam fide. Si quæ tali necessitate constrictum patiendi timor agitauerit, horum memor exemplorum, se pueris imbecilliorum esse erubescat, & saltem his exæquari nolle, nefas putet. *Metaphr. Sur. Tom. 3. Ado. Treuerens. & alij.*

H h 5

SICUT

*Dionysius
Martyr.*

SICUTI putauit Dionysius Martyr Romæ passus. Qui iubente Diocletiano fustibus prælumbatus, deinde equuleo suspensus, & virgis cæsus, admotis etiam lampadibus miserabiliter vstulatus, pro eiulatu clamorem edebat, quod se Christianum esse asseueraret. Et si millies, inquit, occidi possem, Dominum meum Iesum confiteri non cessarem. Itaque Imperator non modò vt idola adoraret efficere nequiuit, sed etiam vt ne Christum taceret, donec caput, id iam optanti, amputari iussit. Sic ille ipse Domino, quem tam audacter, tamq; perseveratè in terra positus inuocauerat, feliciter iungi meruit in coelo. *Petr. de Natalib.*

*Eustratius
Martyr.*

EADEM Diocletiana persecutione Eustratius apud Auzaricenos à Lysia Præfide equuleo à terra suspensus, fumo suppositi ignis ac vapore torquetur, depositus cæditur, & toto corpore plagis cōfecto, quò magis doleret, sale, à ceto diluto confricatur. Deinde pedibus perforatis, ne effugere posset, è Satalia ciuitate, vbi hæc primùm passus est, ad Auarim urbem ductus, & hinc quoque cum multis Christianorum Sebasten missus, ab Agricolo Præfecto igne consumptus, Martyrij palmam recepit, cæteri obtruncati, præter vnum Oresten nomine, qui super lectum ferreum distentus, substratis prunis tandiu excruciatuſ est, donec animam exhalaret. Magna quidem hæc poenarum acerbitas, sed maius patientiæ præmium. *Ibid.*

Orestes Mart.

*Gregorius
Martyr.*

SUB Diocletiano & Gregorius Martyr Spoleti passus, dum Flacci & Hircani Præsidum minas rideret, colaphis cæditur, fustibus verberatur, super ferream cratem torretur. At verò vt fidei ab eo prædicatæ virtus pateſceret, pars urbis terræmotu concussa, trecentos & quinquaginta idolatras suis oppressit ruinis. Præfides territi fugam fecere. Cessante autem timore, sed perseveraute perfidia, Martyrem idolis thura adolere nolentem, virgis ferreis cædi iubent, & facibus ad latera admotis vstulari, ac demum capite truciari. Sic extinctum corpus, ne à Christianis honore sepulturæ afficeretur, in theatro feris laniandum datur, sed à nulla læditur. Flaccus verò, qui pertinacius in Grego-
rium

rium saeuierat, eadem hora intestina per os euomitās, miserabiliter expirauit, multò acerbiora apud inferos, & quidem sine fine passurus. *Ibid.*

SEBASTIANVS Romæ Diocletiano & Maximiano Imperatoribus, ad stipitem nudus ligatus, sagittis confoditur. Hirene mulier Christiana, vt corpus mandaret sepulturæ, noctu venit, & ipsum adhuc viuere comperit. Solutum domi fouit, atque ille intra paucos dies curatus, rursus in publicum procedens, Principum in Christianos immanitatem arguere cœpit. Ipsi mirabantur, quomodo viuere potuisset, & cū eo miraculo ad credulitatem moueri debuissent, ad indignationem moti sunt, atq; eundem tamdiu fustibus cædi iusserūt, donec exanimaretur. Tanto igitur Martyrij amore flagrauit Sebastianus, vt nec sagittas passus conuiescere potuerit, quòvſquē ad optatum vitæ finem peruenit. *Iacob. de Vorag.*

*Sebastianus
Martyr.*

VINCENTIUS Martyr in Hispania Cæsareæ passus est, verè Vincentius, quia omnia vicit tormenta, dum se Christianum confitetur. Cū in equuleo sublatus à Daciano Præside per ludibrium rogaretur, vbi nam esset? in sublime, inquit, vnde te potestate terrena tumētē altior despicio. Grauiora minitanti: Non minati mihi videris, respondit, sed quod votis omnibus concupieram, offerre. Igitur cū vngulas, faces, prunas, toto corpore dilacerato constanter exciperet, ait: Frustra fatigaris, Daciane. Non potes tam horrēda excogitare tormēta, quā ipse paratus sum sustinere: carcer, vngulæ, candentes lamine, morsque ipsa ludus iocusq; Christianis sunt, non tormentū. Posthæc alijs atq; alijs cōfectus pœnis, cū victoriæ palma migravit ad coelū. Et qui talia pro Christo pati optauit, nunc regnat cū Christo. *Prudēt. in lib. Peristeph. Auguſt. Ser. 12. 13. de SS.*

*Vincentius
Martyr.*

MARIUM & Martham vxorem eius liberosq; eorum Audifax & Abacuc natione Persas, Claudio Augusto Christianos persequente, Romæ Martyrium passos legimus. Cū enim Deos gentilium dæmonia esse prædicarent, & Martha eos hortaretur, vti cōfidenter pro Christo tor-

*Martyres.
Marius.
Martha.
Audifax.
Abacuc.
Martyres.*

tor-

tormenta exciperent, fustigationem, equuleum, flagella, faces, ungulas pertulerunt. Præcis deinde manibus & ad collum alligatis, per urbem ducti sunt, acclamante præcone, sic puniendos esse deorum contemptores. Postremò capite cæsi Martyrium consummauerunt. Martha post illos in nymphæo aqua suffocata, & ipsa æquæ cōstantis in tolerando animi exemplum posteris reliquit. Quam dum suorum supplicia spectaret, non dolor sollicitauit, sed timor, ne fortè ipsi cruciatuum acerbitate superati, prius à fide quàm à vita decederent. Itaque tantò alacrius ad necem iuit, quantò de illorum victorijs facta est securior. *Vsuard. Martyrolog. Sur. Tom. 1.*

*Pontianus
Martyr.*

PONTIANVS Martyr sub Antonino Augusto Spoletii passus, nolens gentilium sacrificare dijs, virgis cæditur, per prunas nudis pedibus ambulare compellitur, in equuleo tollitur, ungulis ferreis ad ossa vsque proscinditur, leonibus in theatro exponitur. Sed eidem (in quem homines grassabantur) bestia pepercere. Posthæc in carcerem fame consumendus truditur. Sed Angelo hominem nutriente, quem inedia iam extinctum putabant, die decima saluum educunt. Tunc Iudex plumbo liquefacto nudum perfundi iussit. Sed cum neque hoc supplicij genere periri ille potuisset, capitis tandem abscissione finitur. Poterat nec sic mori, sed iam omnes poenas passo beatitatis præmia differre Dominus noluit, & breuem viri patientiam æterna felicitate remunerauit. *Sur. Tom. 1.*

*Ignatius
Martyr.*

*Epist. 11. ad
Rom.*

HINC est, quòd Ignatius Antiochenæ Ecclesiæ tertius post Petrum Apostolum Episcopus, Traiani persecutione damnatus ad bestias, cum Romam victus mitteretur, & iam Smyrnam peruenisset, ad Romanos qui fidem receperant scribens, ait: De Syria vsque Romam pugno ad bestias, in mari & in terra, nocte dieque ligatus cum decem leopardis, hoc est, militibus, qui me custodiunt, quibus cum benefecerim, peiores fiunt. Iniquitas autem eorum mea doctrina est. Sed non idcirco iustificatus sum: vtinam fruam bestijs, quæ mihi sunt paratæ, quas & oro mihi veloces esse ad in-

ad interitum & ad supplicia, & allici ad comedendū me, ne sicut aliorum Märtyrum non audeāt corpus attingere. Quod si venire noluerint, ego vim faciā, ego me ingeram vt deuorer. Ignoscite mihi, filioli: quid mihi profit, ego scio. Nunc incipio Christi esse discipulus, nihil de ijs quæ videntur desiderans, vt Iesum Christum inueniam. Ignis, crux, bestia, fractio ossium, membrorum diuisio, & totius corporis contritio, & tormēta diaboli in me veniant, tantum Christo fruār. Cumq; iam ductus esset ad bestias, & rugientes audiret leones, ait: Frumentum Christi sum, dentibus bestiarum molar, vt panis mundus inueniar. Prefocatum itaque à leonibus, & nusquam cruentatum ferunt. Profecto nō fuisset in illo tam feruens pro Christo patiendi affectus, si quicquam dulcius esse potuisset, quam frui Christo. *Metaphr. & alij. Sur. Tom. 1.*

APRONIANVS Romæ cum ad Sisinium Martyrem de carcere vt torqueretur eductū vocem coelitus delatam audisset: Venite benedicti Patris mei, percipite regnum vobis à constitutione mundi paratum: nihil cunctatus, ad pedes Martyris prouoluitur, Bāptismo lustrari petit, deinde patiendi cupiditate, Laoditum Prætozem de impietate in Christianos redarguere cœpit, se quoque Christianum confessus, capitis tandem abscisionem gaudens lætusque sustinuit, eodem die Martyr factus, quo & Christianus. At nos à natiuitate ipsa fideni tenentes Christi, si fortè inter infideles versari contigerit, Christianitatem dissimulabimus, ne vitæ periculum subeamus, quasi nescij, vitam nostram esse in Christo, & hanc cui tantopere timemus, velimus nolimus mox desitura. Sed meminerimus, nos quoq; voce illa inuitari, qua inuitatus Apronianus, & ante eum Sisinius, mortem contempsere, & vitam æternam adepti sunt. *Vsuard. Sur. Tom. 1.*

POLYCRONIUS Episcopus & Parmenas Præsbyter Polycronius Babylone passi, magni ambo spiritus inuictiq; animi viri. & Parmenas Cum enim à Decio comprehensi multa singulatim inter- Martyres. rogarentur, & Polycronius nihil omnino responderet, quærenti

*Apronianus
& Sisinius
Martyres.
Matth. 5.*

querenti Imperatori an mutus esset, Parmenas ait: Non esse mutum Episcopum, sed ideo tacere, ne impiorum colloquijs inquinetur. Quare in iram ille concitatus, statim Parmenæ linguam præcidi iussit. Polycronio os lapidibus contûdi, deinde vtrumque decollari. Itaque alter ne loqui quidem cogi potuit, alter sic locutus est, vt illum qui in se necis potestatem habebat, contemneret. Hac animi præstantia ostenderunt, verum Christi militem omni terrena virtute esse fortiorem, & occidi posse, terreri non posse. *In Passione S. Laurentij.*

*Marcus &
Marcellianus
Martyres.
Psal. 132.*

Siquidem Marcus quoq; & Marcellianus Romæ passi, gaudéter ad suppliciû ibant, & quoniam fratres Germani erât, stipitibus infixi Psalmû illum alternatim decantarût: Ecce quàm bonû & quàm iocundum, habitare fratres in vnum. Cumq; non modò ferrent, sed etiam irriderent tormenta, erubuit Diocletianus contemptui se haberi ab ijs quos torqueret, & ambos lâcis cõfodi iussit atq; interim, & præclare quidem cum illis actû est, quia tanto maturius ad coronam Martyrij peruenerunt, quantò poenas minus expauescere visi sunt. *Sur. Tom. 1. in gestis Sebast.*

*Tranquillinus
Martyr.*

Per idem tempus Tranquillinus Martyr, cùm audisset Zoen vxorê Nicostrati pro Christo neci datam, exclamans indignum facinus esse, vt foeminæ viros ad subeundum Martyrium præcederent, in medium prorupit, & palâm se Christianum confessus, lapidibus obruitur. O laudabilem inuidiam, qua doluit Tranquillinus, non quia foeminæ fortes essent, sed quòd ignaui viri, proindeq; seipsum tam egregiæ fortitudinis præbuit exemplum. *Ibid.*

*Christophorus
Martyr.*

CHRISTOPHORVS magnus corpore, sed maior fide, Christum in armo tulerat, & eundem in corde fixum gerês nunquam dimisit. In oppido Ammonytarum Lycia, cùm militum cohors, vt ipsum comprehenderet missa, manum illi iniicere timerent, vltro se illis vinciendû præbuit, & eosdem à quibus victus ducebatur, à vinculis erroris exoluens, monstrata veritate Christianos fecit, ita vt Christum confitentes capitalem sententiam libenter subirent.

Ipse

Ipse verò virgis ferreis ceditur, galea sub prunis feruefacta operitur, & igne supposito in ferreo scanino torrendus constringitur. Postremò ad stipitem ligatus, sagittis impetitur, & cum ne sic quidem confici potuisset, capite mulatur. Quòd autè rege illo, à quo peremptus est, superior fuerit, etiam inde apparet, quòd rex oculum sibi sagitta fortè confossum, cruore eius liniens in integrum restituit. Itaque ad se sanandum eius opem, quem interfecerat, requisivit: & impetrata, credidit, mortui religionem sponte sequens, quem viuentem vt suam sequeretur, nulla vi, nullo prorsus supplicio cogere potuit. *Sur. Tom. 4.*

IN Pantaleonem Martyrem Nicomedix passum, dum Maximiani furor defœuaret, tormentorum genera defecerunt, ipsi patiendi ardor deesse nò poterat. Pertulit itaque equitum ungulas, faculas, sartaginem, plumbum, in mare mersionem, in terra feras. Postremò cum ad rotam clauorum mucronibus aculeatam lancinandus ligaretur, solutè protinus machinæ fragmenta impietatis ministros perculere peremereque. Ipse quoque Cæsar magis iam timens quàm timendus, nequid Martyrem torquendo grauius ipse pateretur, statim illum obtruncari iussit. Sed ne sic quidem eum interficere potuisset, nisi remunerandæ virtutis tempus id requireret. Tunc mori miles Christi permissus est, cum per patientiæ merita iam ad immortalitatem transferri debuit. *Iacob. de Vorag.*

Quid de te dicâ, Prime Stephane Pontifex Maxime ac Martyr insignis? Tu ad Martis templû perductus, vt aut sacrificares, aut poenâ capitalem subires, tanti istud periculum fecisti, vt bellatoris Dei, imo diaboli templû funditus euerteres, ac solo æquares. Te enim Iesum inuocâte, idoli ædes corruit, & cultores suos, qui te ad impietate vrgebant, conterritos in fugam vertit. Valerianus quoque Cæsar tua expauesfactus virtute, ad te vnum occidendum, ad te, inquam, & vnum & nudû, atque inermem, cohortem misit armatam. Tu verò dum solennia sacra ageres, nò intermissa precatione imperterritus vitæ finem expectasti.

Ita-

*Pantaleon
Martyr.*

*Primus Ste-
phanus Papa
& Martyr.*

Itaque ante aras iugulatur, sed ante Deum in Paradisum sublatum, plenissimum veræ gloriæ triumphum peregritus; recipiens de manu Domini inuictæ patientiæ incorruptibilem coronam, beatus factus in sempiternum.

*Maximus
Martyr.*

MAXIMVS Martyr sub Decio Imperatore ab Opimio Proconsule in Asia passus, cum fustibus cæsus, & in equuleo extensus, vngulis quoque laniaretur, tormenta hæc non dolori sibi esse dicebat, sed iucunditati. Inde extra urbem tractus, lapidibusque obrutus, iucunditate illa quam inter cruciatus capiebat, iam omni molestia liber frui plenius coepit, fruiturus sine fine. *Sur. pag. 941.*

*Quiriacus
Martyr.*

QUIRIACVM Ierosolymitanum Episcopum (qui ante Iudas dictus est) Beate Helenæ lignum dominicæ Crucis diu sub terra celatum indicauit, quia Christum prædicare non cessabat, Iulianus Apostata comprehendere iussit, & manum illi dexteram abscindi, plumbum liquefactum in os infundi, super lectum ferreum torreri, ferreisque virgis cedi. Matrem quoque eius Annam per capillos altè suspendi, vngulis proscindi, facibus aduri. Ea consumpta, rursus Quiriacum in foueam serpentibus refertam mitti mandat. Sed eo dimisso, serpentes omnes mortui apparuerunt. Ammonius verò veneficus, qui illos incantauerat, viso miraculo, conuertitur, & Christum confitens obruncatur. Quiriacus in cacabum oleo bullientem demersus, cum mori nequireret, gladio transverberatur. O inuictæ fidei virum, qui ut Christum negaret, compelli nulla vi potuit. *In Hist. de Inuent. Crucis.*

*Bonifatius
Martyr.*

BONIFACIUS Tharsi passus, ad locum suppliciorum audacter accedens, Martyres ad patiendum palam hortari coepit. Et Sulpitij Præsidis iussu in equuleo erectus, vngulis ita laceratus est, ut ossa apparerent. Clauiculus deinde harundineos in digitis inter vngues & carnem defixos pertulit, atque in os plumbum infusum, tum demum in bullientem picem in caput præcipitatur. Sed cum neque hoc cruciatu consumi posset, capitis amputatione peregit Martyrium, & dum feriretur, terra tremuit, plurimique conuerſi

conuerſi idola reliquere, tam immania tormenta nihil formidantes, dum Chriſtum ſequuntur. *Sur. Tom. 3.*

S E D vt his tam fortibus ac tam fidis exemplis aliquod *Nicomachus* imbecillum atque infidele, & fidelibus cunctis maxime *torturatus* cauendum interſeratur: Legimus Decio Imperatore quendam *Nicomachum* nomine in vrbe Troade iuiſſe, qui dum *namque* à Proconſule Opinio torqueretur, doloris impatiens, Diis eius ſe dixit ſacrificaturum. Atque vbi dimiſſus thura ante Idolum incendit, illico à dæmonio arreptus, grauiores poenas dedit. Quippe in rabiem verſus, propria linguam dentibus mandens, expirauit. Heu, heu, infelix Nicomache, non tormenta mutaſti, ſed tortorem: non poenam, ſed fidem: nec mortem diſſugiſti, ſed mortem feliciffimam relinquens miſerrimam elegiſti. Inter damnatos computaris, quia inter beatos cenſeri cum poſſes, noluiſti. Pro fide breuiſſimos pati cruciatus reſuſciſti, at pro perfidia patris æternos: & perenni illa amiſſa gloria, eò deſcendiſti, vbi ignis extinguiſſibilis vrit, vermis immortalis rodit, tenebræ indiſcuſſæ caligant, ſulphuris foetor ſemper exhalat, procellarum ſpiritus perpetuo furit. Vbi denique horror ſempiternus inhabitat. Merito talia fortietur, quiſquis oblatam ſibi ex diuina largitate Martyrij coronam, ignauo victus metu accipere contemplerit.

I D E O ſanè nihil formidans Venantius Martyr, ſub *Venantius* Decio Cæſare in oppido Camerino, Præſidis iuſſu ſuſſibus *Martyr.* verberatur, leonibus exponitur, per pedes pendens vertice ad terram verſo, ſubditi ignis fumido vapore torquetur. Inde deſpoſitus, diſpeſſis manibus pedibusque diuaticis, prono diſtentoque funiceis vinculis corpore à ſolo ſubleuatur, & eiufdem ignis flamma ventrem & ilia lambente cruciatur. Poſtremo gladio perimitur, & tamen tot talibusque afflictiſſus tormentis, nunquam ſe Chriſtianum negauit, neque idola dæmonia eſſe timuit conſiteri, omni cruciату fortior, omnibus tortoribus audacior, Cæſarem ipſum contemnens, dum amplexatur Chriſtum. *In Martyrol. Vſuardi.*

Eustachius
Martyr cum
coniuget &
liberis.

EUSTACHIUM cū vxore & liberis Hadrianus Princeps ob confessionem Christi, in boue æneo introclusos cremari fecit, & cū triduo machina illa arsisset, ipsique iam in cinerem redacti putarentur, exanimati quidem inuenti sunt, sed nusquam adusti, ita vt neq; capilli, neq; pili nidorem vllum admiserint: Deo volente etiā in igne corpora eorum seruari integra, quorum in credendo fides, & in patiēdo constantia extitit incorrupta. *Iacob. de Vorag.*

Marcellinus
Martyr.

MARCELLINUM Diocletianus pugnis circa guttur cadi fecit, nudū super vitri fragmenta volutari, in carcere clausum fame sitiq; torqueri. Et cū eum nullo cruciatus genere ad sacrificandum Dijs compellere posset, decollari iussit, victū se testatus: viuū vtiq; dimisurus, si vicisset.

Quadragenta
milites Mart.

Quadragenta milites Sebastæ passi sunt sub Licinio Imperatore, Lysia & Agricola Præfectis. Hos quidem cū Christum publicè prædicarent, in stagnum gelu concretū collo tenus mersos manere vsque ad diem alterum compulerunt. Thermæ propè appositæ erant, vt ad eas confugere liceret, si quis eorū pro Christo pati frigus recusaret. Vnus ex illis alboris impatiēs, vt ad thermas peruenit, vita defunctus est. Reliqui in glacie perdurantes, Deo laudes decantabant. Circa vigiliam noctis tertiam descendit lux super eos, & triginta nouem coronæ in luce apparuerunt. Quod cernens custodum Præfectus, illis qui secum erant à somno excitatis, Christianum se professus est, & vestitu reiecto nudus in stagnum profiliit, atq; vnā cum ijs qui ibi erant psallere cœpit, coronā percepturus quam is qui inde effugerat, cum vita simul amisit. Manē post hæc eductis, & in fidei proposito persiluentibus, crura confregerunt, illiq; animas Deo tradentes, tam gloriosa Martyrij victoria feliciter potiti sunt. *Easil. Hom. in 40. Mart.*

Alexander
Papa cū socijs

QVI Romæ in carcere cum Alexandro Maximo Pontifice vincti tenebantur, post eius Martyrium ad eū & ipsi mori pro Christo concupierunt, vt Quirino Tribuno, qui iam conuersus eorum religionem sequebatur, claustra referante, fugamq; suadente, exire noluerint. Inde eductos
Aure-

Aurelianus Princeps, alligatis ad colla ingentibus saxis, in mari submergi iussit. Quid furis, imò quid insanis, Aureliane? Vincula adhibes fugere nolētibus, extrema minitaris mori cupiētibus. Nō est quòd iustorū nece glories: eos occidisti qui occidi optarunt, ut Christo fruerentur. Nihil illis felicius cōtingere potuit, quàm te inimico uti. Irascere igitur, & quantum vis debacchari, ac sœuire perge, dū magis nocere ignoscēdo queas, quàm puniendo. *Sur. Tom. 3.*

HINC quidem Tiburtius & Valerianus, cū ab Almachio Urbano Prætore in vincula coniecti rogarentur, cur Principum sententijs damnatos honore sepulturæ aspicere præsumerēt? quia, inquit, quos Principes ipsi pro Christo damnandos iudicant, eorum nos fieri serui cupimus. Itaque & ij sicuti volebant, obtruncationem passi, Martyrij coronam perceperunt, tyrannorum sœuitiam in suum conuertentes triumphum. *Metaphr.*

ELEUTHERIVS Hadriani iussu, lectū ferreum, craticulam, sartagine, fornacem expertus, noxam nō sensit: equorum ferociū caudis alligatur distrahendus, & solutis vinculis incolumis euasit. Leonibus in theatro exponitur: sed cū neque leones illi quicquam mali inferrent, capite cæsus diem suum obiit: Hoc quidem postremò permittente Domino, ne Sanctus Martyrij gloria careret: illa verò priora cohibente, ut credere nolentiū inexcusabilior esset peruicacia. *Pontific. c. 14.*

VICTOREM Martyrem Maximianus apud Massiliam iniecto pedibus fune raptatim trahi mandauit, atque ita vexatum, tantumque non exanimem in carcerē trudi. Vbi ille diuino splendore refocillatus ac refectus, carceris custodes ad Christum conuertit, eosque in fide stabiles Imperator capite cædi præcepit. Porro Victorem in equuleo tolli, fustibusque & neruis duriter cædi, ac rursus in vincula cōijci. At ipse cū simulachrū Iouis ante se constitutū adorare iuberetur, id abominatus pede statuā euertit, iacuitque resupinatus Iupiter, suis etiā ridēdus cultoribus. Ceterum Maximianus fortio rem se Deo suo ostendēs, vlscisci voluit

eius iniuriam, qui seipsum defendere, ne saltem caderet, nequiuuit. Victorem igitur, cum pedē illi prius abscidisset, molendini rota subiectum conteri, & adhuc spirantē gladio feriri iussit. Et hic quidem Martyr efficitur, sed euerſi Iouis ignominia non aboletur. Ac ne Imperatori quidem tantum virium fuit, vt torquendo hominem, fidem extorqueret, & quem vincere non potuit, interemit. *In Martyrol. Vſuard. Julij. 26.*

*Hadrianus
Martyr &
Natalia vxor.*

HADRIANVS Martyr Nicomedie passus, cum esset militum Præfectus, cernens nostrorum in supplicijs constantiam, credere cœpit, & se Christianum profitens, inter damnatorum nomina suum ascribi petijt. Itaque Maximiani iussu in carcerem ducitur, & reis per tormenta consumendis cōputatur. Id ubi rescivit Natalia vxor eius (quia Christiana erat) læta ad carcerē cucurrit, virum ad patientiam hortatur: mox enim fore, vt pro tēporali pœna æternis fruatur bonis. His & alijs huiusmodi verbis animatum relinquens abiit. Hadrianus verò cupiens illam suæ fortitudinis fieri spectatricem, cum dies Martyrij instaret, vadi- bus datis dimissus, ipsam accersitum perrexit. At illa aduentantem prospiciens, rata ideo liberum factum, quod præuaricatus esset religionis fidem, claudit ostium, & se nolle eum domo recipere exclamat, qui à Christo descuiisset. Vt autem rem sicuti erat didicit, admissum dulciter amplexata, vnà cum illo ad carcerem redijt. Deinde cum ipse fustibus durè admodum verberatus, fractisque cruribus in terra seminiuus volutaretur, illa leniter plagas refouendo, animum viri in pœnis deficientem adhortationibus erigebat. Vbi tādē ipse manu insuper amputata expirasset, illa Deo gratias egit, & manū eius in sinu suo conditā latēter tulit, siccata mōq; in delicijs habuit. Corpus mandatū est sepulturæ. Mira vtriusque virtus, sed in sexu fragili mirabilior. Vir vltro certè se neci exposuit, vt cum Christo viueret: mulier coniugium viduitate mutare præoptauit, vt maritum Martyrem videret, cum illo simul cupiens torqueri, cum illo mori. *Ado.*

Donec.

DOROTHÆVS & Gorgonius, etiā ipsi Nicomedix *Dorotheus*
passi sunt. Quos quia inter Romanos milites virtute ac no- *Gorgonius*
bilitate præcellebant, Diocletianus primū largitione & *Martyres.*
blanditijs auertere nixus est. Vbi id parum processit, quæ-
stione torquere cœpit, equuleum, flagra, ungulas in eos
experitur, additque vulneribus dolorem, ea sale & aceto
perfricando. Deinde in crate distentos ad prunas applicat.
Postremò suspensos laqueis necat. Adeò nullum tormenti
inuenit genus, quo illos ne magis Christo quàm sibi mili-
tarent, mouere posset. Melioris itaque militiæ stipédia cer-
tiora perceperunt, non argentum, neque aurum, sed ipsum
cœlorum regnum. *Euseb. Hist. Eccl. lib. 8. c. 6.*

NICETÆ Martyris poenas difficilè est enumerare, nec *Niceta Mart.*
miracula minus. Nicomedix illas à Maximino rege passus
est auunculo suo magno, sed primū ab infideli patre.
Nam cum deos argenteos domi sublato cōfregisset, ege-
nisque erogasset, ligatur à patre, & bubalis neruis nudus
acerrimè flagellatur. Mox ab Angelo spiritali consolatione
recreatus, & in cœlum suspicere iussus, vidit manum co-
ronam incredibilis decoris inde sibi porrigentem, ob quod
magis patiendi cupiditate ardere cœpit. Et cum ei super
plumeum stratum vinculis colligato, molliterque compo-
sito meretriculam adduxissent, linguam dentibus præse-
ctam in illam expuit, & stupore attonitā discedere coëgit.
Inde super carrucam clauis præacutis asperatam nudus
collocatur, vt dū raptatus fuerit, ipsa quassatione crebrius
vehementiusque sauciaretur. Sed ipso orante, omnes ferreæ
cuspidēs illæ palearum instar mollescunt. Cumque sic lædi
non posset, atrociora excogitantur tormenta: hamo ori
indito suspenditur, ferro candenti per vtramque aurem
transforatur, per latera quoque pilo perfoditur. Mira res,
tot lætalibus plagis affectus, mori nō poterat. Hinc etiam
per pedes à terra suspensus, fumo cruciatur, mox in pyram
cremandus projicitur, & tamen inde quoque euadit inof-
fensus, manibus pedibusque truncatur, super candenti la-
mina mutilatis cuturibus insistere cogitur, in foueā multæ

altitudinis iactatur, sed & inde membris omnibus ab Angelo redintegratis viuus incolumisque educitur. Posthæc venenum sibi propinatum sine noxa hausit, ac mortuos quosdam precationibus ad vitam reuocauit. Quo quidem miraculo plurimi ad Christum conuersi, mota seditione in regem impetû faciunt, & frustra fugere conantem occidunt. Niceta verò cùm eos baptizasset, Ecclesiâq; aliquot construxisset, ad Dominû tranquillo vitæ exitu migrauit. Verè Niceta, qui tot tormenta vicerit, & de cuius nece tyranno non licuerit gloriari. Illo enim viuente ipse peremptus, impietatis suæ poenas dedit, longè acerbiores apud inferos, & quidē sine fine daturus. *Martyrol. Vsuar. Iul. 24.*

*Romanus
Martyr.*

ROMANVS cùm esset gentilitiæ perfidie æmulator, & Beatum Laurentium tormenta pro Christi amore patientem spectaret, dixit se videre iuuenem forma insignem, candidissimo linteolo cruorē illius detergentē. Laurentiū ergo ad carcerem reductū secutus ab eodem se baptizari fecit, & cùm iam apertè se Christianum esse proclamaret, Decio iubente, virgis cæsus capite truncatur. Quid est, quæso, quòd tam horrēda aliorū supplicia nō deterruerint illum, sed animarint, vt Martyr esse optaret, qui paulò antè fuerat gentilis? Adeone spectaculo illo delectatus est? imò exinde firmissimam æterni præmij spem animo concepit, si eadem sibi credenti pati cōtigisset, & ad quietē properas poenas contempsit. *Prudent. in Peristeph.*

*Laurentius
Martyr.*

LAVRENTIUS verò cùm diuersorum tormentorum instrumenta sibi ante oculos proposita videret, semper se optasse dicit ad eiusmodi epulas inuitatum ire, & ad ipsas hauriendas accedere. Cumq; Decius cæteros Christianos ab eo sibi prodi poposcisset: Vt quid, inquit, eos requiris, quorum cōspectu es indignus? Nam nomina illorū scripta sunt in coelo. Iratus ille, cōtemptorem suum fustibus prælūbari iussit, laminis cadētibus vri, scorpionibus lacerari, in ore lapidibus cōtundi, sic denique excruciatum, super ferrea crate distendi, prunisq; torrerī. At ille supplicia irridens, intentis in Deciū oculis: Iam satis assatū est, inquit, tolle

tolle & manduca. Mox Deo gratias agēs, quòd se Martyrij gloria dignatus esset, animam reddidit, tantò maius recepturus præmium, quantò passus duriora.

HIPPOLITVS quoq; (cuius custodiæ Laurentius traditus *Hippolitus Martyr.* fuerat) & ipse Christum credens atque confitēs Valeriani Præfecti iussu, ad colla indomitorū equorum ligatus cum distraheretur, fidem quam receperat, integram seruauit. Membra diuidi potuerunt, Christi amor scindi nō potuit. Poena quoque hæc non casu inflicta, sed Dei nutu videtur electa, vt nomine eius cui irrogabatur, pulchrè cōueniret. Hippolitus quippe Græca compositio, si in nostrum vertatur sermonem, equo discriptū sonat. O felicem virum, qui quoties nominatur, toties patientiæ suæ laudem simul proferri sentit, id pro Christo passus in corpore, quod à parentibus accepit in nomine! *Prudent. in Peristeph.*

CYPRIANVS Carthaginēsis Episcopus, cuius multa *Cyprianus Episcopus Martyr.* religiosè & eleganter scripta extant, Carthagine passus est sub Valeriano & Galieno Principibus. Hic ob Christianā assertionem primò in exiliū actus, deinde reuocatus, cum edictum, quo capite cædendus decernebatur audisset, Deo gratias egit, nihil præ se tristitiæ ferens. Deinde suis præcepit, vt spiculatori à quo percuti deberet, quinque & viginti aureos mercedi darent, quasi beneficium ab eo, nō interitum, accepturus. Itaque oculos ipse sudario tegens, extensam ceruicem gladio subiecit, & coronā accepit Martyrij, tam animi constantia in patiēdo clarus, quàm eruditione in docendo. *Prudent. & August. Serm. 118. in Nouis Serm.*

ARCHADIUS Martyr (vt Zeno Veronensis Episcopus de illo prodidit) manibus pedibusque articulatim atque membratim discriptis, truncus in suo sanguine volutandus relinquitur. Sed tantò integriorem spiritum Deo reddidit, quantò patientius corporis multilationem tolerauit. *Sur. Tom. 1. 295.*

IACOBUS Martyr in perfide passus, quē à supplicij genere alij denotatum alij intercisum cognominarunt, nos vltiore vocabulo deartuatū potius dicēdum censemus.

Huic enim se Christianum profitenti, manuum pedumq̃, digiti nodatim præciduntur, tum palmæ, tum brachia, tum lacerti ad humeros vsque, sic & pedes, & tibiæ, & crura. Ita tamen ille trunco corpore Deo laudes gratesque agere non cessauit, donec regis iussu dissecta ceruice, consummauit Martyrium, tam fide integer, quàm membris lacer. Sic statur pro Religione, sic dimicatur pro Christo. Hoc militiæ genere, ad coelestem gloriam Angelorumq̃ triumphum peruenitur. *Ia. ob. se. Foraz.*

Dominicus.

Quamobrem haud alium animum etiam ijs inesse oportet, quibus patiendi deest occasio. Sic enim sine Martyrio Martyrij meritum adipisci poterunt, sicut adeptum credimus Beatum Dominicum Prædicatorum Patrem. Qui cum iter ageret, intrepidus in hæreticos qui sibi insidiabantur incurrat. Ab ijs percunctatus quid facturus esset, si comprehensum trucidare vellent: Precarer vos, inquit, ne vno ictu mortem mihi inferretis, sed prius particulatim mutilantes, membrorum meorum frustra ante me numeranda exponeretis: deinde vt hos oculos effoderetis, & postquam me aliquādiu in meo volutassem sanguine, tum demum reliquum corpus cæsum dilanantes, crudeliter extingueretis pro nomine Domini mei Iesu Christi. Obstupefacti illi tanta viri audacia, intactum dimisere. Alius etiam hæreticis necem minitantibus, nondum se Martyrij gloria dignum dixit, sed vt dignus euadat, valde cupere. Igitur neque insidijs inimicorum, neque minis deterritus est, ne vel pergeret, quò necesse erat: vel loqueretur, quod opus erat ad salutem multorum. *Garz. o. in vita eius.*

De Patientia Martyrum fæminei sexus.

Caput VI.

SATIS hæc de viris, fœminarum iam Martyria pertractemus, quandoquidem nec illarum aut minor in sustinendo fuit constantia, aut leuior in patiando poena.

B A R.

BARBARAM Christo deditam Virginē infidelis pater *Barbara virgo* hostiliter persecutus est. Flagris cæsam, & per capillos tractam, Alexandria Præsidi Martiano puniendam obtulit. Præses autem sacrificare nolentem nervis bubalis duriter verberari iussit, & in carcerem trudi. Ob quam illa patientiam meruit à Christo visitari, & passionis dolorem præsentia dominicæ suauitatis mitigauit. Dehinc educ̃ta dum ad supplicium traheretur, gaudebat. Itaque lampades, malleos, flagella constanter pertulit. Cumque amictu ipsam exuissent, magis pudore nuditatis, quam dolore affecta poenæ, ad Deum orauit, & stola candidissima diuinitus induta apparuit. Postremò cum obtruncari iuberetur, pater filix carnifex fuit: sed mox tanti sceleris iustas exoluit poenas, fulminis ictu interemptus. Ipsa verò corporis vinculis expedita, cum Virginitatis Martyrijq; corona ad coelestis tandem Sponsi thalamos læta migravit. *Metaphr.*

P A R in tolerandis tormentis Agathæ Virginis fortitudo fuit. Quintiano Siciliae Proconsuli extrema minit̃ari, nisi dijs thura poneret, respondit, se Deo vero sacrificaturam, non dæmonijs. Et cum fidiculis equuleoque vexaretur, delectari se poenis, non tristari, dixit: Quoniam sicuti triticum non reconditur in horreum, nisi tritura ventilationeque permundatum: ita & se non posse ad patientiæ præmia peruenire, nisi supplicijs antè probetur. Hinc iubente Quintiano, mamillam illi à pectore distorquēt, mox & abscidunt. At ipsa ad Quintianum conuersa, exclamat: Impie, crudelis, dire tyranne, nō te pudet in me amputare quod in matre suxisti? sed nihil proficis. Habeo enim quas auellere non potes interioris fidei speique mamillas, quarū alimento reparatur in me sustinendi virtus. Posthæc in carcere posita, Petrus Apostolus apparens plagā curat, & locus antè tenebris horrens, pedoreque trilis repente illustratur, suauiterque fragrat. Attoniti eo miraculo custodes, reueratis ianuis Virginem vt abiret hortantur. Cæterum ipsa ne stans in limine victoriæ pedem referendo præmium amitteret, nusquam discessit. Postero igitur die

Quintiani iussu super prunas testis permixtas aliquandiu volutata torretur, simul ac laceratur. Fluenteq; vberim cruore ignis extingui coeperat, cum tam immanè facinus terra non ferens intremuit, pars muri quassata Quintiani affeclas oppressit ruina. Virgo rursus carceri reddita, cum finem orasset vitæ, obdormiuit in Domino. Neque illa in funere Angelicis laudibus caruit, quæ in tormentis fidem seruauit. Ab Angelis quippe adposita fertur sepulture eius marmorea tabella, in qua scriptum erat: Mentem sanctâ, spontaneam, honorem Deo, & patriæ liberationem. Et si tam gloriosa iacuit in tumulo, quàm felix regnat in coelo? Vt autem & hinc patecat, quantò sint miseres qui torquent, quàm qui torquentur: Quintianus cum equo cui infederat, in fluuium præcipitatus, vorticibusque obrutus, nusquam comparuit. *Sur. Tom. 1. 842.*

Agnæ virgo. AGNÆ Romana Virgo tertio decimo ætatis suæ anno, primùm contra pudicitie oppugnatores inuicta perstitit, & ad lupanar vi adducta, Deo protegente corrumpi nequiuit. Deinde ab Aspasio Tribuno, quod Christum confiteretur, ei se desponsatam dicens, in ignem comburenda impingitur. Sed diuisa flamma carnifices adussit, ipsam non attigit. Aspasij tamen ira flammis feruentior, ferro illam iugulari iussit, cui ignis pepercerat. Miremur viros contempsisse supplicia, si in tam tenella ætate foemineum pectus tantum exhibuit constantiæ, vt torqueri, vt occidi mallet, quàm vel sanctæ Virginitatis propositum deserere, vel Christianæ credulitatis fidem. *Ambr. Serm. 90. et 1. Offic. 44.*

Cæciliæ virgo. CÆCILIAE quoque Romanæ Christo dedicata Virginitas Martyrij retulit triumphum. Quæ Valeriano desponsata, dum nuptiarum celebris ageretur dies, pro Fesceninis Euangelium intra se tacita decantauit. Et cum iam in cubilis secreto cum Sponso adesset, illi fidem Christi, deinde etiâ Tiburtio fratri eius persuasit, atque ambos ad coronam egit Martyrij, Angelorum visu rosarumque coelestium odore antè animatos. Ipsa quoque, quoniâ Deos gentilium simulachra vana esse diceret, Almachij Urbani Prætoris iussu

iussu in ignem cremanda deiicitur, & cum illæsa permaneret, decollari iubetur. Ter percussa occidi non potuit, & dimissa triduum superuixit, vt neque tunc moreretur, cum carnifici liberet, neque vltra quàm sibi expediret, viueret: ne & ille nece eius gloriari posset, & ipsa tardius quàm vellet, cum seruaturæ castitatis, tum consummati Martij reciperet mercedem. *Ado. & Aloysius.*

CATHARINA Virgo sanctitate magis quàm regia stirpe clara, atque inter Alexandria puellas pulcherrima, plus tamen virtutibus quàm forma pollens, cum Maxétius Cæsar Christianos ad idolorû culturam cogeret, prorupit in medium, Cæsarem increpuit, Martyres præmij spe confirmauit, mundi sapientes disputando vicit, ita vt conuersi pro Christi nomine quod impugnaverât, iam defendendo mori non formidarent, pro quo & ipsa scorpionibus cæsa, in carcere fame siti quæ afflicta, ab Angelis visitatur atque alitur. Faustina Maxentij coniugem, Porphyriumque militum Magistrum cum ducentis militibus in fidem recipit Christi. Quamobrem rotis applicatur, ita arctè compositis, vt in orbem actæ, multiplici mucrone discidissent alligatam, nisi extemplo vi diuina, veluti fulminis cum fragore ruentis ictu, ipsa tormenti moles fracta dissilisset. Itaque Virginem intactam reliquit, multam tamen infidelium turbam violento fragmentorum excussu prostrauit. Cæteri qui euaserant, ferè omnes Christo credidère, Martyrio quæ cum Faustina & Porphyrio coronati sunt. Cum ergo Catharina tantam multitudinem ante se ad cælum præmisisset, & iam eos cuperet sequi, obtruncatur. Vulnus lacte manasse constat, vt Virginali puritatem testaretur. Corpus ab Angelis inde vsque ad montem Sina delatum, vt vbi à Deo data Lex fuit, ibi illius monumentum esset, quæ sic pro lege stetit Christi, vt & Philosophorum sapientiam confutaret, & tyranni scuitiam nec reprehendere timeret, nec ferre recularet. *Metaphr.*

LUCIAM Virginem Syracusanam Pascasius Proconsul ad prostibulum adduci iusserat, & illa neque virorum, neque

*Catharina
virgo.*

Lucia virgo.

neque boum vi , qui funibus vinctam trahere nitebantur , loco moueri potuit. Lignorum ergo struem tyrannus circumponi , & Virginem incendio consumi decernit. At illa inter flammam constituta calorem non sentiens , Deo gratias agebat. Furit Pascasius , & iam quò se vertat nescit , dū ipsum à foemina vinci pudet. Cumque animo conflictaretur , quidam ex licitoribus districto ense Lucie iugulū transfodit , nec tamen illa mori potuit , donec Eucharistię Sacramentum de manu Sacerdotis accepit , illoque comitata ad cælum abiit , cuius fidem in terra , cū torqueretur , non deseruit. *Aloysius.*

Tecle virgo.

TECLA Virgo Pauli Apostoli prædicatione instructa , Christo se dedicat , & iuuenem cui pacta fuerat , repudiat : à matre Christianitatis quasi sacrilegij accusatur , à Proconsule Alexandro igne cremanda condemnatur , sed ignis repétino imbre extinguitur , illa intacta liberatur. Rursum comprehensa bestiis exponitur , sed inter leones & vrsos tuta securaq; permanet. In fossam serpentum deturbatur , & serpentes emoriuntur. Tauris ferocissimis distrahenda alligatur , & ruptis vinculis periculum euadit , omniumq; mentibus in stuporem versis , libera dimittitur . Inde ab Iconio vbi talia passa est , Seleuciam deueniens , multis doctrina sua Christo asscitis , vitam hanc cum æterna commutauit , parata quidē pro veritatis assertionem omnia perpeti supplicia , nisi ab ijs illam Dominus protexisset , multorum consulens saluti , dum vni parcat. Ipsam tamen sic præmijs afficiens Martyrij , ac si poenis Martyrij esset consumpta . O felicem Virginē , quæ non sensit tormentorū cruciatus , & recipere meruit præmium. *Ambr. lib. 2. de Virginib.*

*Dorothea
virgo.*

DOROTHEA Virgo Cæsareæ Cappadociæ oppido pro Christi nomine à Fabricio Præfecto diu torta , cū tandem ad capitale supplicium duceretur , gaudebat quòd se ad Sponsū ire diceret , cuius Paradisus omniū florum , omniumque fructuum ferax , multò amoenius quàm dici possit , vernat , suauius fragrat , copiosius exuberat . Tunc Theophilus Scriba ridiculi causa illam rogauit , vt cū eò

*Theophilus
Martyr.*

perue-

peruenisset, inde sibi rosas aliquot mittendos curaret. Cui ipsa: Ne quid, inquit, impossibile esse credentibus credas, quod petis efficiam. Postquam ergo decollata est, Theophilo in curia versanti, puer cum recentium cistula rosarum apparuit, & quidem brumæ tempore, quando nihil in aruis florere solet, easque ipsi à Dorothea de sui Sponsi Paradiso missas dixit, & cum obtulisset, ex oculis euanuit. Videns ergo ille seridum factum, quod ioco poposcerat, quia fieri posse non credebatur, & altius rem considerans, Christianum se fecit, Martyriumque sustinuit, post rosas, fructum quoque veræ perfectæque beatitudinis percepturus. Si Theophilum rosæ mouerunt, moueant & nos quotidiana Sanctorum miracula, ne pro Christo quicquam ferre perpetique timeamus. *Euseb. Hist. Eccl. lib. 8. c. 17.*

Næc te, Alexandrina Virgo Apollonia, hoc loco tacebimus, cui dentes euellere, quam igne cremare Decij Cæsaris immanitas potuit, fidem corrumpere non potuit. *Apollonia virgo. Ibid. lib. 6. c. 31.*

Et tu inter Aphricanas puellas forma, nobilitate atque Juliana animo præstans, Iuliana Virgo, ut Christo nuberes, Eleusij Nicomediæ Præfecti nuptias contempsisti, & vnus Dei famulam te confitens, ab idolis autem abhorrens, flagella, virgas, plumbum pateris, nec propositum mutas. Diabolus visibili specie tibi insidiantem ligas, & verberibus afficis, & in latrinam præcipitem mittis, hunc vindicando, tyrannum patiundo superas. Sed etiam inter tormenta apparuit patientiæ virtus: rotis conterenda subijceris, & franguntur: in bulliens plumbum mitteris, & tepescit. Capitis demum obtruncatione imple Martyrium, & Ecclesiæ Capiti Christo iungeris, tantò morte facta felicior, quanto fuisti in tolerando constantior. *Sur. Tom. 1.*

Eadem virtus & Margaritam Virginem Christo desponsauit. Hæc ab Olybrio Antiochiæ Præfecto adamata, deinde quod Christiana esset, amore in odiū verso, in equuleo fuit suspensa, virgis caesa, ungulis lacerata, carceri tradita. Vbi à dracone deglutita, rupto illius ventre euasit illæsa. *Margarita virgo.*

Et dæ-

Et dæmonem qui humana figura ad se decipiendam venerat, prostratum pedibus conculcavit, ita vt ille emisso ciulatu, & se victum confessus, euanesceret. Victrix igitur diaboli, nec humanis viribus vinci potuit. Cùm enim iterum in equuleo tolleretur, facibus vreretur, in aquam mergeretur, terra tremuit, vincula soluta sunt, vulnera curata, Virginal caput solari radio coronatum apparuit, multa hominum millia ad Christum cõuersa sunt. Ipsa postremò Virgo capite cæsa, relicto corpore cœlum petijt, vt semper cum Christo viueret, quæ pro Christo mori nõ dubitauit. *Metaphrast. Sup. Tom. 4.*

*Euphemia
virgo.*

EUPHEMIA Virgo, dũ Martyres Chalcedone ad toleranda fortiter tormẽta palam hortaretur, dum cum ipsis torqueri cupiens, clamat: Iniquũ esse, vt sibi quæ Romana esset, & quidem Senatoris filia, aduenæ & ignoti homines præferantur, se prius ad Christum mitti oportere. Hac vociferatione prouocato Prisco Præfecto, in carcerem cum cæteris qui damnati erant detruditur, & Deo gratias agit, quòd se Martyrum numero dignam fecisset. Deinde cum alij vincti, ipsa soluta, in forum producerentur, quæstæ est derogari Principum edicto, quòd non se quoque sicuti reliquos vincula constringerent. Præfectus ergo se ludibrio à puella haberi ratus, iracundè hoc tulit, omniaq; in illam tormẽta, quæ furenti occurrere poterant exercuit, alapas, equuleum, ignem, inediam, trapeta, bestias, gladium, quo tandem illa confossa, tradidit spiritum. Igitur non sola Virginitate Christo placere desiderans, vtrò se exposuit supplicijs, ut placeret & Martyrio. *Metaphr. & alij.*

*Theodotia
virgo.*

THEODOGIA Virgo Cæsareæ Palestinæ oppido passa, quia Christum apertè confitebatur, Urbani Præsidis iussu per capillos nuda suspenditur: nubes autem ab alto delapsa nuditatem eius textit, ferreis nexibus constricta in teterimo carcere cõpingitur. At verò veniente ad ancillam suam Christo, illuxit carcer, vincula cõfracta sunt, ipsa Virgo iocunditate perfusa. Deinde saxo ad collum ligato, in mare præcipitatur, sed ab eo soluta ad littus enatauit.

Tum

Tum etiam leopardis exponitur, sed bestiarum quam illicò dilaniaturarum putabantur, non attigerunt. Denique Præses omnibus bestiis efferatior, quandoquidē illā aliter cōsumere nequiuīt, obtruncari iussit, nullis tamē tormentis ut idolis adoleret, efficere potuit. *Martyrol. Vsuar. l. Apr. 2.*

CHRISTINAM Virginē in oppido Italiæ Tyro (quod ad *Christina*
Vulsinium lacum sitū est) passam, mirari facilius est, quā *virgo.*
laudare. Patris sui Urbani Tyri Præfecti idola argentea confringens, egenis dispersiuit, blandimenta illius, quibus ipsam à Christo auertere moliebatur, despexit, minas irrisit, non flagellis, non ungulis dilaniata constantiā mutauit; Quinimò laceræ carnis frustum in patrem proiciens, ait: Satiare carnibus miser quas genuisti, filiam comedere potes, at certē ut impietati tuæ consentiat, facere nō potes. Hinc rotis alligatur, & subdito igne vritur, in lacumque deijcitur. Mox defuncto patre, à Dione eius successore in oleo, resina & pice coquitur, & cū ab hac quoque perniciē liberasset eam Dominus, ad Apollinem adorandum ducta statuam precatione subuertit, & ipse vates Apollo, quod futurum de se non prauiderat, reductus est in puluerem. Tum Dione quoque morte repentina subtrācto, subrogatur Iulianus. Qui Christinam in fornacem ardentem mitti iussit, sed missa noxam nō sensit. Serpentibus mordendam obiecit, sed serpentes illa dimissa, veneficum inuasērunt, interemptum verò ipsa suscitauit, & serpētes in desertum fugere compulit. Serpentibus tamen sauior Iulianus, mammillas illi amputari iubet, linguam præcidi, ipsam sagittis confici. Tali demum Martyrio consumptam cœlum suscepit, Sancti honorarunt, Angeli laudibus extulerunt, Christus amplexatus est, Deus Pater regni cœlestis hæreditate donauit. Siquidē vna puellula à tribus crudelissimis ciuitatis Præsulibus continenter excruciatā, vinci nequiuīt, hoc est, ut peccaret, compelli nulla vi vnquā potuit.

Vincent. Spec. lib. 12. c. 82. Sur. Tom. 3.

ANTONINO Augusto Ecclesiā persequente, dum in *Stephano*
Sicilia Sebastiani Proconsulis iussu Victor Martyr torque- *Martyr.*
retur.

retur, Stephana militis cuiusdam vxor, visis miraculis ad credulitatem conuersa, Christum Iesum Dei Filium confiteri coepit. Cumque nullo pacto ab ea cōfessione reuocari posset, duobus duarum arborum aliquantulum inter se distantium ramis aduerso inflexu vi ad terram curuatis, alligata atque dimissa, rapido eorum in diuersum reductu repente dilcerpitur, & disperso per humū cruore, diffluentibusque intestinis corporis p̄tēs in suo vtraque ramo suspensæ palpitant: nectamen discerpi mulieris fides potuit, quam illa integram conseruauit, & pro qua seruata immarcescibilem Martyrij coronam accepit, tantò maiori honore à Christo suo affecta, quantò pro eius nomine à tyranno crudelius interempta.

Tulita & Quiricus Mart.

IULITA cum paruulo filio Quirico apud Tharsum Siciliæ oppidum passi sunt. Ipsa primum Alexandri Imperatoris iussu, durè flagellatur. Quiricus verò adhuc trimus puer, spectate matre præcipitio in terram eliditur. Rursum ipsa cum in confessione Christi perseueraret, excoriatur, picis bullore perfunditur, postremò decollatur. Necdum satiata tyranni rabies, aduersus interfectos defæuit: mortua corpora frustatim concidi lateque dispergi iubet. quasi verò si Sancti in terra tūmulo careant, in cœlo non sint habituri locum. Vt tamē illo inuito etiam ab hominibus honorarentur, qui tamen Angelis iuncti erant: frustis illis inter se coeuntib⁹, atq; cōsolidatis, corpora integra inuēta sunt, & sepulturæ mādāta, & à fidelibus reuerētia habita.

Maxima & Donatilla Mart.

MAXIMA & Donatilla sorores, cum se suamque Virginitatem Christo dedicassent, persecutione Salieni Principis in Aphrica passæ sunt. Felle primū & aceto Anolini Præsidis iussu potatæ, gaudebāt, quòd dignè habitæ essent, eam iam bibere pro Domino amaritudinem, quam ante pro ipsis Dominus biberat in Cruce. Inde verberibus disruptæ, calceque confricatæ, vt plagarum dolor duplicaretur, adhuc etiam in equuleo extētæ, compelli nō potuere, vt idolo immolarent. In quod cum expuissent, super craticula torrentur, deinde ad bestias damnantur. Sed igne bestiis.

bestijsque parentibus, non parcat Anolius, gladio ambas cædi iussit, ut se & flammis ardentiorē, & feris animalibus truculentiorē ostenderet. Ipsę autem Virgines, quoniam constanter tormenta pertulere, nunc inter Angelorū choros feliciter exultant, eius conspectu semper fruētes in cœlo, cuius vnius amore terrena omnia contempserant.

C V I V s etiam amore Felicitas Romę passa, nec Antoini Imperatoris edicta, nec Publij Tribuni minas quicquā *Felicitas cum septem filijs Martyres.* pensi fecit. Sequę & septem filios tyrannicę ultro ingessit crudelitati, dum vnā cum illis quos genuerat, ad Martyrij palmam cuperet peruenire. Ecce iam cernit alium plumbatis cædi, alium fustibus mactari, alium præcipitio elidi, cæteros capite truncari, & inde non se animo minus quā illos corpore torqueri, & tamen ut in confessione perdurent, hortatur. Ipsa demum colaphis fracta, carcerisq; angustijs afflictā, cum liberos, quos ad Martyriū præmiserat, sequi optaret, decollatur. Overē felix Felicitas, cui tantum animi fuit, ut & filiorum tormenta constanter spectares, & tua fortiter perferres. Felix, quę octuplici patientia, octies Martyr, octo donanda coronis cœlum ascendisti, toties pro Christo mortua, quota cum filijs, quos vnā tecum morti exposuisti, numeraris. Vicisti fortitudine Machabæorum matrem, quod illa pro Lege sustinuit, tu passa es pro Euangelio. Sed illa cōprehensā dicitur, tu te tua sponte obtulisti: magnificum quidem Christianorumq; proprium existimans, Christianitatem nō dissimulare, supplicia contemnere, quorum toleratione probatur fides, glorificatur Christus, verē Dei cultus innotescit. *Greg. Hom. 3. Euang. & Pet. Chrysolog. Serm. 134.*

Infinita sunt huiusmodi tū virorum, tū foeminarum exempla. Sed nobis ista satis sint, quę retulimus. Et si cui non satis erunt, nec illa profectō satis esse poterunt, quę omissa sunt. Quō tamen quisque ad omnia minus trepide se accingat, libet in fine partis huius etiam quædam Scripturarum dicta, veluti vrgentes ad pœnarum cōtemptum stimulos adhibere. Tu igitur, qui persecutionibus

K k

preme-

premeris impiorum, noli animo concidere: tecum est Dominus, noli timere: ille te de hac breui calamitate, mox ad

Psal. 90. æternam euehet felicitatem. Ait enim: Cum ipso sum in tribulatione, eripiam eum, & glorificabo eum. Longitudine dierum replebo eum, & ostendam illi salutare meum.

Iohan. 16. Hoc idem & in Euangelio affirmavit, dicens: Mundus gaudet, vos verò contristabimini: sed tristitia vestra conuertetur in gaudiū. Idcirco sicut Dominus, ita & serui eius hac spei expectatione patientiam nostram stabilire monendo exhortandoque studuerunt. Iacobus, qui primus

Iacobi. 5. inter Apostolos lauream meruit Martyrij: Patientes, inquit, estote fratres vsq; ad aduentum Domini. Ecce Agricola expectat pretiosum fructum terræ, patienter ferens, donec accipiat temporaneum & serotinum. Ipse etiam

1. Petri. 4. Princeps Apostolorum Petrus: Communicantes, inquit, & Christi passionibus gaudete, vt & in reuelatione gloriæ eius gaudeatis exultantes. Si exprobramini in nomine Christi, beati eritis, quoniam quod est honoris, gloriæ & virtutis Dei, & qui est eius spiritus, super vos requiescit. Hinc quidem vas electionis Paulus magis iam in vinculis,

2. Tim. 1. quam cum liber esset, gaudens: Hæc patior, ait, sed non confundor. Scio enim cui credidi, & certus sum, quia potens est depositum meum seruare in illum diem. Denique

Ibidem 4. in ipso vitæ exitu seruatz innocentiz recordatione, proximique capiendi magnitudine lætus: Ego iam delibor, inquit, & tempus resolutionis meæ instat, bonum certamen certavi, cursum consummaui, fidem seruaui; in reliquo reposita est mihi coronâ iustitiæ, quâ reddet mihi Dominus in illa die iustus Iudex: nō solum autem mihi, sed & ijs qui diligunt aduentum eius. Quod si quis adhuc sanctos Martyres æmulari ignaua timiditate victus hæsitauerit, discat,

Zachar. 6. quia ij sunt equi illi in Zacharia Propheta, cruoris aspersione rufi, patientiæ virtute robustissimi, de quadriga prodeuntes Euangelij, & perambulantes terram. Dum enim ad cælum sibi viam affectant, terrena omnia pedibus calcularūt. Hi sunt illa tertia pars, quæ apud eundem Prophetam;

ram, duabus reliquis, hoc est, Iudæis & gētilibus deficientibus, prædicatur superfutura. Partes duæ, inquit, in terra dispergētur & deficient, & tertia pars relinquetur in ea, & ducam tertiam partem per ignem, & vram eos sicut vritur argentum, & probabo eos sicut probatur aurum. Hi sunt (vt in Apocalypsi legimus) qui venerunt de tribulatione magna, & lauerunt stolas suas, & dealbauerunt eas in sanguine Agni. Ideo sunt ante Thronum Dei, & seruiunt ei die ac nocte in templo eius, & qui sedet in Throno habitabit super illos: non esurient neque sitient amplius, neq; cadet super illos Sol neq; vllus æstus, quoniā Agnus qui in medio throni est, reget illos, & deducet eos ad vitæ fontes aquarum, & absorbet Deus omnem lachrymam ab oculis eorum. Hi (sicut alibi scriptū est) stabunt in magna cōstantia aduersus eos qui se angustiauerunt, & illi videntes turbabuntur. Deniq; gementes dicēt: Hi sunt quos habuimus aliquando in derisum, & in similitudinē improperij. Nos insensati vitam illorum existimabamus insaniam, & finem illorum sine honore. Ecce quomodo computati sunt inter filios Dei, & inter Sanctos fors illorum est. O exoptanda tormēta, desiderabiles poenæ, nunquā satis concupita nex, per quorum patientiā ad tantam peruenitur felicitatem.

Apocal. 7.

Sapieu. 5.

De ratione resistendi diabolo.

Cap. VII.

D I D I C I M V S quemadmodum praua atque impia iubentium minas oporteat contemnere, omniaque extrema pati, prius quàm Religionis fidem violare: Discamus nūc diabolo resistendi rationē, quādo hic quoq; blanditijs allicit, terrificationibus vrget, partim dolo, partim vi contendit, modis omnibus, horis omnibus, nunc occultè, nunc palam, vt hominis innocentiam subuertat molitur, inuidens illi cœlestem beatitudinem, à qua se irreuocabiliter decidisse meminit. Facile autem & calliditatem eius cauere, & vires nō timere poterit, quisquis hac

K k 2

etiam

etiam in parte Sanctorum exempla diligentius inspexerit, accuratiusque obseruauerit.

*Adam & Eua
Genes. 3.*

IAM à principio coluber tortuosus diabolus humano generi infensus, in primos homines inuidiz suæ virus vomere cœpit, ac ligni à Deo vetiti vsum suadens, nequaquã moriemini, inquit, sed eritis sicut dii, scientes bonum & malum. Mendaci promissione pellexit eos ad peccandum, & illi diuinum transgressi mandatum, quàmprimum maledictionibus succubuere. Igitur caueamus ab eo, quia inimicus est, nec verbis eius præstemus fidem, quia fallax est. Homicida fuit ab initio (vt Saluator ait) & in veritate non stetit, quia nõ est veritas in eo: cum loquitur mendacium, ex proprijs loquitur, quia mendax est, & pater eius.

Iohan. 8.

Iob.

Laudatur à Domino Iob. Satanaz inuidet, sed nocere nisi permissus non potest. Vbi verò potestatem nocendi accepit, iustum hominem omnibus afficit ærumnis, postremo & mala corporis valetudine terribiliter vexat. Sed fortis Dei athleta semper inconcussus perstitit, quodque diabolus ad eius integritatem euertendam machinatus fuerat, id illi cessit ad gloriam, & patientiæ virtute tantò est factus clarior, quantò calamitosius oppressus. Constat igitur, aduersos interdum casus diaboli calliditate prouenire, vt hominem ad impatiẽtiam trahat, quem prosperis in rebus modestum, pium ac Deũ timentem videt. Quòd si etiam in aduersis patientem esse cognouerit, iam illum ultra infestare erubescit, quem tot virtutum armis munitum cernit. Duplicia autẽ Iob post probationem recepisse dicitur, vt & tu te multò plura adepturum speres, si amissa æquo animo pertuleris.

Christi.

*Matth. 4.
Lucæ 4.*

QUEM autem hominum omnino intentatum relinquet ille, qui Dei Filium Iesum tentare non timuit? Cùm enim dubitaret an ipse esset, ieiunum & iam esurientem ad gulæ vitium prouocat, dicens: Dic vt lapides isti panes fiant. Mox quem constantem in ieiunando cognouit, posse cum mentis elatione cadere credidit, qua sibi iam sanctus videretur, & supra pinnaculum Templi constituto ait: Si
Filius

Filius Dei es, mitte te deorsum. Scriptum est enim, Ange- *Psal'm. 90.*
lis suis mandauit de te, & in manibus tollent te, ne forte
offendas ad lapidem pedem tuum. Cumq; etiam humilē
esse deprehendisset, adhuc auaritia animum pulsat, osten-
densq; ei regna mundi & gloriam eorum: Hæc omnia tibi *Matth. 4.*
dabo, inquit, si cadens adoraueris me. Cū autem & hoc
incassum suasset, iam omni vincendi spe amissa, reliquit
eum, & Angeli accesserunt, & ministrabant ei. Angelico
ergo ministerio honorari dignus erit, qui diabolū vicerit.

Vt autem vincamus, quoties ad lautiores cibos auidi-
tas vrget, meminerimus, quia nō in solo pane viuunt homo.
Quoties ad subeunda pericula sola temeritas prouocat, *Matth. 14.*
statim occurrat, quia Deū tentare non debemus. Quoties
honorum opulentiaq; cupidine sollicitamur, protinus ad
mentem reuocetur: Dominum Deum tuum adorabis, &
illi soli seruiēs. Postremò quoties perniciosarū cogitatio- *Ibid.*
num stimulis agitabimur, semper resillendo ac repugnando
clamemus: Vade retro Satana; iam satis certi, eò An-
gelos accessuros, vnde diabolus victus recesserit.

At victo etiam Satana, impense cauendum est, ne qua *Apostoli.*
ex hoc surrepat inanis glorię iactatio. Mirabantur se Apo- *Luc. 10.*
stoli, quod dæmonijs imperarent, & audiunt: Nolite gau-
dere in hoc, quia dæmonia subijciuntur vobis; gaudete au-
tem, quia nomina vestra scripta sunt in cælis. Et videbam
Satanam, inquit, sicut fulgur de cælo cadentem. Qui quā-
tò se altius erexerat, tantò inferius corruit. Qui ergo ac-
ceptam gratiam semper integram conseruare cupit, sem-
per humiliari studeat, in omnibus Deo gratias agat, si ma-
larum tentationum victor euaserit, illi soli acceptum refe- *Iohan. 15.*
rat. Ait enim: Sine me nihil potestis facere.

Satanas quippe iste nequissimus, cū Domini discipu- *Petrus Apost.*
los cribrare sicut triticum expetisset, nō est permissus, nisi *Luc. 22.*
in eum, qui de se multum præsumplerat, dicens, Domine,
tecum paratus sum & in carcerem & in mortem ire. Pe-
trus ergo & tentari, & labi dimissus est, vt per poenitentia
humiliatus, disceret iam non sibi met cōfidere, sed ei cuius

Kk 3 beneficio

beneficio etiam post lapsum subleuatus est ne periret. Igitur quisquis aliquid boni operis propria vertute se effecturum promiserit, diaboli vanno concutietur, & cum triticum mundum se esse crediderit, inter decermina cōputabimur. Frustra aliquid conamur, nisi Domini affuerit auxilium; cum illo in carcerem vel in mortem ire tūc poterimus, cum ipse audendi præsiterit fidutiam. Vt autem præsset, rogari vult, dicens: Petite, & dabitur vobis.

Luc. 11.

*Paulus Apost.
Rom. 7.*

Nec solum diabolus, verumetiam corpus nostrum aduersatur nobis. Vas electum Paulus: Video, inquit, aliam legem in membris meis repugnantē legi mentis meæ, & captiuantem me in lege peccati, quæ est in mēbris meis. Deinde exclamat: Infelix ego homo, quis me liberabit de corpore mortis huius? & quia ipse per se non sufficit, respondet: Gratia Dei per Iesum Christum Dominum nostrum. Sed quoniam gratia ista sollicitis, nō otiosis, opitulari soleat, ipse quoque non cessat, quantum potest, reluctari aduersario suo, & flagellationum iugo premere illum, atque imperare volentem, ad obediendum compellere. Castigo, inquit, corpus meum, & in seruitutē redigo. Igitur si pugnat caro, castigatione reprimenda est, reprimentem Dei gratia adiuuabit. Carnis autem castigatio est, Ieiunium, vigilia, deprecatio, verberatio, labor.

1. Cor. 9.

Idem.

1. Cor. 12.

Ad hæc idem Apostolus etiam à Satana verbera sustinuit, neque hoc sine Domini voluntate. Sed ne magnitudo reuelationum, inquit, extollat me, datus est mihi stimulus carnis meæ, Angelus Satanæ qui me colaphizet, propter quod ter Dominū rogavi, vt discederet à me, & dixit mihi: Sufficit tibi gratia mea: Nam virtus in infirmitate perficitur. Qui Apostolo gratiam dederat, dedit & stimulum. Nulla enim potest esse victoria, vbi nulla est pugna. Non coronabitur, nisi qui legitimè certauerit. Rogemus ergo Dominum, non vt submoueat nobis tentatorem, sed magis vt suppeditet vincendi facultatem.

2. Timo. 2.

In illos autem præcipuè diaboli insurgere solet malignitas, qui terrenis contemptis, religiose vitam instituere decernunt.

decernunt. Idcirco præceptum est: Fili, accedens ad seruitutem Dei, sta in iustitia & timore, & præpara animam tuam ad tentationem. Duo iuvenes Iohannem Apostolū secuti (vt alibi diximus) cū deinde angi animo cœpissent, quod facultates suas in pauperū vsus erogassent, nec iam Apostolo meliora certioraq; sperare iubenti acquiescerent, virgis in aurū mutatis, & lapillis in geminas, plus etiam recipiunt quā reliquerant. Mox cuiusdam (cui Staſteo nomen erat) à morte suscitati verbis credentes, quibus ille se vidisse affirmabat, quā ingentem gloriam in cœlo paratam sibi ipsis amisissent, ad quantam infelicitatem deuoluendi essent, quod retrò cesserint: rursus ad populum reuersi, restituto quicquid ab eo acceperāt, paupertatem in vita coluere, vt potius post obitum diuites fierent. Reuocauerat eos diabolus ad pristinæ cōuersationis vomitum, sed Apostoli precibus & Dei dispensatione factum est, vt deprehēsis inimici fraudibus ac dolis, quod impudenter repetierant, constantius refutarēt. Sic in tempore resipiscentes, gloriā illam, quā sibi in cœlo repositam fuisse audierant, iā amissā recuperarūt. *Abd. in vita loh.*

De Hugone quoq; Bonæuallis Abbate legimus, quod Religionem professus, continuò ad seculū redire tentatus sit, nec ferre ad intima vsque penetrantes inimici sagittas potuisset, nisi eis orationum scutum opposuisset. Oranti Virgo Dei Genitrix apparuit, & iam dubium suspensumq; ad perseuerandum in sancto proposito animauit. Non est ausus postea diabolus eum lacerare, quem pro viribus repugnantem ipsa cœli regina, ipsa Angelorum Domina, dignata est adiuuare. *Sur. Tom. 2. & alij.*

Sub hoc Abbate iuuenis quidam religionis voto obstrictus cū itidē peruerſis cogitationibus multum agitur, vt ē monasterio fugam faceret, confessus est Abbati tā perniciosæ tentationis molestias, Tum demum eius exhortationibus roboratus, illis fortiter repugnauit. Bienio post aduersa valetudine corrept⁹, vita decessit, atq; aprensus in visu, Abbati gratias egit, quod eius cōsilio, ope,

operaque, Religionis statum non deseruit; & eam ob rem inter beatos collocat⁹ esset. Tantū ipsi pfuit hasce inimici suggestiones suo detexisse Abbati, neque cælatas tenuisse.

Eiusdem discipuli duo.

Dvo etiam nouitij Monachi, eandem improbißimi spiritus molestiam passi, ab eodem Hugone admonentur ne discederent. Vitam enim æternam in Monasterio permanendo consecuturos, discedendo male finituros. Alter eorum recedens, ab inimicis in prælio peremptus, occubuit: alter manēs, cū aduersa valetudine oppressus animam ageret, Beatam Virginem vidit, & ab ea consolatus, ac certior factus, quōd beatitudinem olim ab Abbate promissam, mox accepturus esset, lætus diem suum obiit. Vtriusque euentus apertè docet, & quantum mali consequantur qui Religionem professi ad seculum redeunt: & quantum boni, qui in ea perseuerant.

S. Bernardi Abbatis discipulus.

Ad superandum hoc diabolicæ machinationis genus, multum profectō adiuuat oratio Sanctorū. Sub Bernardo Abbate quidam nobili familia ortus, cū se Monachum fecisset, in tantum mentis tædium lapsus est, vt palām diceret, nunquām se hilari sedatoq; animo futurum. Frustra illum fratres, vt in Domino consolaretur, & spe præmij cœlestis mœstitiam deponeret, hortabantur. Frustra hoc ipsum Abbas admonendo exaggerabat. At verō vbi idem Abbas pro eo orationē fecit, ita immutatus est, vt e contrario exultaret, ac se iam deinceps perpetuō contentum victurum affirmaret. Quippe diabolus orantis Abbatis virtutem sustinere non valens, ab impugnatione fratris illicō desijt, & ipse spiritalis gratiæ luce perfusus, causam agnouit, ob quam gaudere iocunditateq; affici deberet, & non conturbari neque mœstus esse. *In vita S. Bernardi.*

Sæti Mederici discipulus.

Ne c precationibus tantū Sanctorum, verū etiam rebus quas ipsi contrectauerint, terrentur dæmonia & fugiunt. Siquidē Medericus Abbas apud Edunum sanctitate clarus, cū Monachum libidinosis cogitationibus æstuantem, tunica sua induisset, eiusmodi molestia liberauit, discedentisq; ab illo immundi spiritus vlulatus auditus est, & ipse

& ipse in castitatis proposito, absq; lasciuiæ pruriginè purè integreq; permansit.

ALIVS frater Mederici reliquijs de mensa collectis *Eiusdem Mo-*
atque haustis, vagæ mentis inquietudinem repressit, cùm *nachus.*
antehac tali dæmonis illusione sollicitatus, persistere in
Ecclesiâ omnino non posset, sed semper priuicquàm solen-
nis precatio peracta foret, egrederetur. Itaque vehemen-
tiorum tentationû remedia à viris quidem sanctitate præ-
stantibus petenda erunt, cùm eos impurissimi spiritus
ferre iam nequeant, à quibus toties victos fugatosq; se
reminiscuntur.

BENEDICTVS Abbas, cùm fratrem quendam simi- *S. Benedicti*
liter à diabolo illudi audisset, eius vicem dolens, ad Mona- *Monachus.*
sterium, vbi is habitabat accessit, viditq; ipsum ab Æthiope
puero extra Ecclesiam per vestem trahi, dum cæteri fratres
psallere cœpissent. Insecutus ergo eum atque increpans,
virga percussit, neque ipse postea eiusmodi mētis insta-
bilitatem passus, cum alijs in oratione perseueravit. Sic
Benedictus Monachum feriens, malignum ab eo spiritum
in fugam conuertit. *Greg. Dial. lib. 2. c. 4.*

NATHANAEL Anachoreta, cùm ipsum solitudinis *Nathanael*
pertæduisset, ea relicta cellam sibi proximè pagum consti- *Anachoreta.*
tuerat. Ibi dæmon forma supra modum foeda terribiliq;
ei apparens, ac flagellum manu concutiens, circumstrepere
ferociter cœpit, vt pauefactum inde abigeret: Insuper ia-
ctabundus, quod etiam prius habitaculum eum deferere
compulisset. Quod vt audiuit Nathanael, ne qua in re de
se gloriari diabolus posset, ad desertum reuersus, ita illic
postea habitauit, vt de cellulæ suæ septo annos septem &
triginta pedem non extulerit. *Pallad. Hist. 18.*

SE D rursum Satan illum fraude aggreditur, Agasone in-
assimilat, & asellum panibus oneratum agens, dum sub
onere lapsum attollere nititur, Nathanaelis opè inclamat,
vt foris euocet. Suspensus ille restitit: charitas proximo
auxiliû ferre stimulabat, propositi ratio exire dissuadebat.
Dum autem quid facto opus esset, secum deliberat, venit

Kk 5 in men-

in mentem, ne fortè id quod cernebat, diaboli ad fallendū fabrica esset, & vocanti respōdit: Si Christianus es, Deum deprecare, & ipse adiuuabit te. Sin Christi aduersarius, indignus es cui succurratur. His dictis visio euauit. Et ipse Deo gratias egit, quòd tam callidè confutis dolis non sit captus, nec suum intermiserit institutū. Exemplo est, cū nos in laqueos paulatim labi remissius agēdo senserimus, resipiscences etiam pristinæ perfectioni aliquid addamus, vt potius in laqueos incidat qui illos parauerat, & conuertatur dolor eius in caput eius. *Ibid.*

Psal. 7.

*Antonius
Abbas.*

Plurimum autem circa conuersionis nostræ initia dæmonum in nos cōcitur indignatio, quibus si eo tempore minimè cesserimus, facilius erit reliquarum postea congressionum victoria. Antonium Alexandrinum Abbatem ad eremum pergentē, iam primum verberibus discidēre. Semianimis relictus, ad proximum vicum curandi gratia delatus est. Cūque aliquantulum conualuisset, rursus eodem se referri iussit, iterum verberari cædique paratus, si ita Domini ferret voluntas, nec vlla vnquā diaboli iniuria à proposito deterrendus. Hac animi constantia armatum cū iam contingere nequissimi spiritus non auderēt, monstrosa diuersarum imaginū facie metum illi incutere conabantur, ferarum more in eum rugientes, vlulantesq;, ac simul serpentum sibillationibus perstridentes, rictibus ringentes, dentibus infrendētes, toruo oculorum aspectu scintillātes, & flammæ ore, naribus, auribusq; perflantes, nulla pauoris omissa specie, qua auertere illum possent. Cæterum vbi fortissimum Christi militem, neque ictus curare, neq; tam horrendo tetroq; spectaculo quicquā commoueri vident, victos se confessi, confusiq; discessēre. Ille seruiendi Deo semel iam susceptū votum, magno constantique animo prosecutus est. *Athanas. in vita Antonij.*

Idem.

Posthæc veterator spiritus, ne quid adhuc intentatum relinqueret, cogitationibus Antonij callidè sese insinuās, tantò solitudinis tadio animum eius pullauit, vt ille quid iam agere deberet dubius, ad Deum exclamaret, dicens:
En ego,

En ego, Domine Iesu, cupio his in locis tibi famulari, & nescio quò me inuitum subinde rapit violenta mētis meæ euagatio. Hæc dicenti Angelus monachali habitu iuxta apparuisse dicitur. Et cùm aliquandiu nunc genibus prouolutus orasset, nunc surgēs manibus fscellas texuisset, ad Antonium conuersus dixisse: Ita & tu, Antoni. Et hoc dicto, ex oculis eius euanuisse. Tali ergo precū laborisq; vicissitudine deinceps vsus Antonius, diabolicæ molitionis tentamenta facillè vicit, & cùm minimè esset otiosus, minimum in eum potuit inanis cogitatus distractio. *Ibid.*

Et hoc quoq; relatu dignum de illo ferūt, dum verbera *Idem.* terroresq; perferret, lucem diuinitus apparuisse, qua expauefacti dæmones diffugere. Antonium verò eo splendore recreatum erexisse se, & quasi præsentem Dominum aspiceret dixisse: Vbi eras, bone Iesu, vbi eras? responsūque accepisse: Aderam Antoni, sed euentum pugnx tuæ præstolabar, quam quoniam imperterritus inmotusque viriliter sustinuisti, manet te victoriæ tuæ indeficiens in cœlo triumphus, immarcescibilisque corona premiumq; sempiternum. Igitur omnis diaboli vis atque decertatio, sola pij propositi continuatione destruitur atque dissipatur. Perseuerauit nempe Antonius, & mala quæ perpeßus est, ad gloriæ illi cessere incrementum. *Ibid.*

MACHARIUS quoque Alexandrinus Abbas, & ipse *Macharius Abbas.* quidem multum ab iisdem spiritibus traditur infestatus. Parem autem eorū terrori extitisse vel inde constat, quòd in gentiliū sepulchro nocte quadam amoto cippo decubare ausus sit. Cumq; ossa super quæ iacebat, in vocem prorupissent, mansit inmotus. Vox autem erat alteri respondentis, venire se nunc non posse, quòd eius, quem super se habebat, pondere grauatus esset. Ad quem Macharius, Exi atque abi, si potes, inquit: ego hic pernoctabo. Dæmones igitur tantam hominis audaciam perstupentes obmutuere, ne si plura in eum conari pergerent, victi magis erubescerent. *Pa. lat. Hist. 19. & 20.*

Aliàs etiam terribilis dæmon falcem ferream manu vibrans

vibrans ac percussuro similis, eidem occurrit. Cumq; nec sic eum terrere potuisset, superatum se fateri coepit, superatum tamen non vigilijs, non ieiunijs, cum & ipse neque dormiret, neque comederet, sed sola animi semper se submittentis humilitate. *Ibid.*

Idem.

ITERVM illi apparuit medici speciem præferrés, multasq; vitreas ampullulas circa se gerens, & quò pergeret interrogatus, quidve sibi vascula illa vellent? ad proximũ Monasterium iter se habere respondit, vt fratribus singulis singulas offerat potiones, eosq; qui hauserint, sibi obnoxios reddat. Non multò post Macharius inde reuertentem conspiciens, quid egisset quæsiuit, atque accepit vnũ duntaxat ex fratribus illis Theotiscũ nomine ampullæ veneno delinitum. Anxiusq; de fratris periculo protinus Monasterium adit, Theotiscũ conuenit, inimici in eum captiunculas detegit. Et ille his auditis expavidus, quicquid mortiferum diabolo propinante gustauerat, repentiè corrigèdo sese, totum id euomere curauit. Si quid itaque quod peccatum sapiat, in animũ influxerit, statim est egerendum, ne diutius ibi remoratum nos interimat. *In vitis PP.*

IDEM Macharius fratri, quẽ nequam spiritus occulta suasionẽ eò induxerat, vt crederet inutiliter se in solitudine vitam agere, quòd nemini alteri quicquàm benefacere posset, salubriter consuluit, vt quoties in huiuscemodi cogitatus incidisset, eis respõderet: Hoc saltem in solitudine vtiliter ago, quòd amore Domini mei Iesu Christi à tugurio isto non decedo. Cessarunt ibi præstigiatoris insidiæ, vbi Christi amorĩ datus est locus, & in cellula sua tranquillus permansit, qui iam de abitu cogitabat. *Ibid.*

NEQVE hoc de eodem sancto ac mirabili viro hĩc prætermittendum, quòd carnalis lasciuĩæ titillationem corporis fatigatione suo exemplo docuerit arcendam. Cum enim saccum harena plenum humeris baiulans incederet, curia ageret interrogatus, vexare se vexatorem suum respondit. Quippe voluptas, quæ otio alitur, labore fugatur. *Pallad. Hist. 20.*

MYLTA

MULTA quoque expauescenda, & Hilarionem Abbatem à Satana in deserto perpeſſum, Hieronymus in eius vita tradit. Sæpè enim nocte intempeſta ab eo auditos infantum vagitus, balatus pecorum, mugitus boum, plactus quaſi mulierum, leonum rugitus, murmur exercitus, & rursus variarum portenta vocum, vt ante ſonitu quàm aspectu territus cederet. Deniq; ipſum fronte Crucis ſigno armata ſolicite circumſpicientem, ſplendente Luna viduile currum directis equis ſuper ſe irruere. Cumq; inclamaſſet Ieſum, ante oculos eius in terræ hiatu viſa deſcendiſſe. Poſtremo quoties ille, inquit, nude mulieris cubanti, quoties eſuriēti largiſſimæ apparuere dapes? Interdum lupus ululans & vulpecula ganniens tranſiliit, pſallentiq; gladiatorum pugna ſpectaculum præbuit, & vnus quaſi interfectus, & ante pedes eius corruens ſepulturā rogauit. Orabat ſemel fixo in terram capite, & vt natura fert hominum, abducta ab oratione mens nescio quid aliud cogitabat, inſiliit dorſo eius feſtinus gladiator, & latera calcibus, ceruicem flagello verberans: Eia, inquit, cur dormitas? cachinnanſq; deſuper, ſi deſeciſſet, an hordeum vellet accipere, ſciſcitabatur. Dixerat enim ille quandoque corpori ſuo iratus, quod ſe ad libidinem prouocaret: Ego te, aſelle, iam non hordeo, ſed paleis alam, ne calcitres. Huiuſcemodi ergo inſidijs iniuriſq; contendunt cacodæmones iſti, vt eos exterreant, quos proficere ſtudio virtutis vident. Sed qui confidunt in Domino, ſicut mons Sion non cōmouebitur in æternum. *Hieron. in vita Hilarion. c. 2.*

*Hilarion
Abbas.*

Pſal. 124.

PORRO hæc verſipellis beſtia tranſfiguratur ſe interdum in Angelum lucis, quod facilius id quod velit homini perſuadeat. A Caſſiano relatum legimus, Heronem ſenem in Thebaidis deſerto annos quinquaginta commoratu, ſemperq; ieiunijs intentum, ſuo tamen, non Patrum arbitrio vixiſſe. Hic ergo à dæmone laudatus, cum eum à Deo miſſum ad ſe de cœlo Angelum credidiſſet, credidit etiā quod ab illo audierat, ſe ſcilicet tanti iam apud Deū meriti eſſe, vt ſi ex arduo aliquo loco ad imum rueret, corpus ſuum affligi

Hero Solitarius.

*Dent. 6.**Matth. 4.**Psal. 90.*

affligi lædive non posset. Itaque immemor scriptum esse: Non tentabis Dominum Deum tuum, sed potius in perniciem suā illud imprudenter amplectens, Angelis suis mandavit de te, & in manibus tollent te, ne offendas ad lapidē pedem tuum: noctu surrexit, & in puteum haud modicæ altitudinis se præcipitem misit. Ad sonitum casus excitati fratres, ipsum seminecē extrahūt, & cū rem didicissent, à dæmonio illusum affirmant. Sed ille in sua credulitate præsumptuosāque superstitione perdurans, die tertio post vita defunctus est. Et quoniam in tali errore defecerat, vix illi à Paphnutio Abbate multorum precibus exorato, inter dormientium in Domino fratrum sepultura memoriaque concessa est. Proh dolor, tot tantosque viri labores vna destruxit sanctitatis præsumptio: ea impostorem suum non agnovit, ea nulli de se nisi sibi credidit. Sic sic virtutum quamvis altè structum ædificiū repentē labi solet, vbi subtraxeris humilitatis fundamentum. *Cassian. Coll. 2. c. 5.*

*Quidam**Solitarii.*

DE alio etiam apud eundem Scriptorem traditum est suppresso nomine (quia adhuc supererat) quem captum diabolus diutulē ludificavit, noctu ad eum ventitans, & cellam splendore illustrans, multaque ei occulta verē reuelans, ut postremò in erroris foueam incautū præcipitaret. Nihil ei ultra ad promerendum gloriæ culmen deesse dixit, præter Abrahæ obedientiam: proinde Deo iubete, ne dubitaret, filium quem secum habebat, in holocaustum offerre. Credidit miser. Sed dum præter consuetudinem cultum in cote subigeret, & vincula præpararet: cōtinuò pueri mens mali prælaga, suspicari id quod erat, ac subinde quid ille acturus esset, paulò semotior quàm ut ab eo comprehendi posset, spectare coepit. Cumque iam aduersum se insurgentem vidisset, nihil moratus è cella se proripuit, & fuga salutē petijt. Certè nisi effugisset, pater ipse pessimi parricidæ in filium scelus, non Abrahæ obsequium consummasset, & quem Deo genuerat, diabolo immolasset. Eò iam vesanię processerat imprudens inconsultaque credulitas. *Ibid. c. 7.*

N A R-

NARRAT idem Cassianus, Monachum etiā quendam *Monachus quidam.* Mesopotamenum, qui annos multos clausus vixerat, continentiae ceterarumque virtutum fama supra omnes insignis, eodem fraudis genere, hoc est, sub Angeli forma à diabolo deceptum, ita vt ad Iudaismum declinarit, & circumcisionem acceperit. Etenim multis illius non falsis reuelationibus, & coram se coruscantis luce delinitus, firmissimè credidit, ipsum esse coeli, non tenebrarum spiritum. Vbi hoc persuasum est, illo tandem monstrante, videre sibi videbatur, Apostolos, Martyresque & omnem prorsus Christianum coetum, tristes abiectosque in locis miseriae ac perditionis esse, at e contrariò Iudaicum populum cum Patriarchis & Prophetis ingenti lumine fulgere, & altè fideis in sedibus lætos ac gestientes versari. His itaque diabolicæ malignitatis præstigijs illectus, corruit in errorem, nihil ab eo falsum ostendi posse ratus, à quo toties ea quæ vera erant didicisset, ignarus hanc esse piscatorum malitiam, vt hamum escis tegant, non pascendi, sed prehensendi perdendi que causa. Aut quid aliud diaboli blandimenta, nisi odiorum insidiae sunt? *Ibid. c. 8.*

QVOD quidem bene intelligens Elphegus Cantuariensis Archiepiscopus, cum ab infidelibus in carcere teneretur, & à diabolo in Angelum transformato eductus, multum iam itineris vnà cum illo emensus esset, ambigere coepit, reprobis ne, an boni Angeli opera Martyrium fugeret. Dumque id sibi ostendi Deum orasset, diabolus evanuit. Ille ad carcerem reuersus, coronam recepit Martyrij. Inuidia inimici seruare homini vitam hanc voluit, vt æternam dilferreret. Sed ipse bonum à quo auerterebatur considerans, iustam dubitandi causam habuit, & dolos euasit. *Sur. Tom. 2.*

AD Euagrium Presbyterum amborum quondam Machariorum discipulum, dum solitarius eremum incoleret, *Euagrius Presbyter.* tres demones clericali habitu venisse constat, qui se diuersarum heresum esse simulantes, suū quisque dogma probare nitebantur, vt illum aliquo eorum peruerterent. Ceterum Euagrius cum fidem Catholicam aduersus quemlibet

eorum

318 DE RATIONE RESIS. DIABOLO.

eorum acerrimè tueretur ac defenderet, Deo adiuuante, omnes facillè superauit, ita vt confusi repentinè euanescerèt, nihil aliud. moliri in eum ausi, quem in fide tam firmum cognouerant. *Pallad. Histor. 86.*

Martinus
Episcopus.

MARTINVM quoq; Turonensem Episcopũ, sanctitati eius virtutib; inuidēs, cõmunis iste omnium hostis ludificare conatus est. Aureo enim diademate & purpureo superbus indumento ei occurrens, regē se Christum esse, & ad iudicandũ mundum descendisse asseuerabat. At verò Martinus & diabolicę arrogantię gnarus, & mansuetudinis Domini memor: haud talem, inquit, venturum se pollicitus est Christus, sed cum omnibus Passionis (quam pro nobis sustinuit) signis, cum spinea coronã, vulnerũq; cicatricibus, & ipso victorię suę trophæo Cruce: cum talis apparuerit, eum aduenisse credam, alioquin hoc ab eo præceptum obseruabõ: Si quis vobis dixerit, Ecce hic, aut illic, nolite credere. Immundus ergo spiritus verbis veritatis victus disparuit, nihil ibi suum relinquēs, præter sui indicem foetorem. Luculentus accesserat, foetulentus abiit, vt nullam illi inesse lucem nisi apparentem & imaginariam credas. *Seuer. Sulp. in vita Martini.*

Math. 23.

Pacomius
Abbas.

Idē omnis mortiferę fraudis artifex Pacomio Ægyptio Abbati apparuit, pulcherrimę foeminę formam præ se ferens. Sed quilibidinis ardorem ieiuniorũ frigore iam extinxerat, nulla carnis concupiscētia intellectum occupate, facile perspexit inimici insidias, & frontem Cruce signās, ipsum Crucis fugauit aduersarium. *In vitis PP.*

Pacomius
Monachus.

PACOMIVS alter in Scythi monachus queri solebat annos XII. venereę voluptatis cogitationibus multum se fuisse molestatum, & cum postremò diabolus puellę ætate & forma florētis imaginem gerens, ad genua eius procaciter lasciuendo procubuisset, ipse facinus detestans, atque indignabundus colaphum illi in taciem intorsit, quo ictu repulsus dæmon euauit, & tum illa diutina genitalium titillatio cessauit, quia qui visibili palpabiliq; specie seduci nequibat, frustra iam deinde ijs inanibus cogitationũ offucijs

officijs oppugnaretur. Magis enim visa quam cogitata mouent, multoque magis etiam ad tactum vsque admissa. *Palla 2. Hist. 29.*

S v b eadem puellari figura nequissimus dæmon Paternianus in deserto Ægypti Abbatem, qui postea Vris illius regionis oppido Episcopus operum gessit, longè quidem dolosius, sed æquè casto labore est aggressus. Cùm iam diei vespere esset, ei in limine Monasterij stanti apparuit dicens, seruam se cuiusdam Principis viri nouitiam esse, & dum ad aquam hauriendam missa esset, viam aberrasse, proinde orare, vt sui misertus nocte illa sibi locum intra Monasterij septum concederet, ne fortè foris manentem solitudinis bestię laniarent. Pietate motus Paternianus, puellam admisit, & cùm attentius eam spectasset, formam admiratus concupiscere cœpit. Veruntamen ad se reuersus, illicitum in præcordijs sensum non sine inimici opera prouenire intellexit, ac protinus è foculo qui iuxta erat arrepto torce, faciẽ puellę percussit, & omnis mala tentatio cū tentatore simul dissipata effugit. Incipite igitur peccati morbo, medicorũ imitanda prudentia est, statim ad remedium recurro, nec patiẽdo, vt malũ curationis dilatione inualescat.

S b d nequaquam ita vigilanter sibi cauerat Zozimus Pontifex Maximus, qui diaboli supplantatione in fornicationem semel lapsus, iterum & sæpius lapsurus fuit, nisi Antidij Turonensis Episcopi opera se à scelere retraxisset. Antidius quippe (cùm fortè qua nocte id commissum est) multitudinem dæmonum conspiceret inter se iactantium de illis hominibus, quos captiosa inductione in laqueos mortis impeggerant, & vnum præ cæteris gloriantem audiret, quòd Zozimum Papam annos à se septem sollicitatum, tandem cum Virgine quadam coire fecisset: euestigio visa auditaque ad ipsum Zozimum defert, & ille pro breui voluptate æterni supplicij metu exterritus, poenitentia egit, multoque deinceps vixit circumspectius, nullam prius cum foeminis consuetudinem sibi indulgens, sed potius declinans quantum poterat etiam conspectum earum.

1. Cor. 10. Huius exemplo, & qui stat, caueat ne cadat: & qui ceciderit, poenitendo resurgat, ita ut ne rursus corruat. Nam crebrius corruendo languescere resurgendi potestatem ac debilitari, necesse est.

*Andreas
Episcopus.*

PARI ac penè eadem Iudæi cuiusdā visione, ob quam & ipse (ut Gregorius in Dialogo ait) ad Baptismum venit, seruatus est Andreas Fundanæ vrbis Episcopus. Qui cum sanctimonialem quandam foeminam secum cohabitare, suæ illiusque continentix nimium confidens, permisisset: tandem dæmonis instigatione stimulatus, concupiscere quod semper abominatus fuerat, coepit. Ac die quadam ludens palma tantummodo tergum foeminæ leuiter distinxit. Cæterum ubi audiuit, hac ipsa de re diabolu fuisse iactatum, non solum monialem ipsam, sed omnes prorsus foeminas, quæ sibi in Episcopio famulabantur, expulit atq; abegit, & illa foedæ cogitationis tentatio cum ipsis pariter eliminata prurire desijt. Vide homini quamuis sancto incauta cōuersatio quantum obfutura fuit, nisi Domini erga ipsum pietate inimici insidiæ quàm primum patuissent. *Greg. Dial. lib. 3. c. 7.*

*Launomarus
Abbas.*

IDEM implacabilis & impius humani generis inimicus, etiam orantibus & cum Deo loquentibus nobis negotium facere audet, quoquomodo potest, pietatis iustitixque opera impedire nitens ne perficiantur. Launomaro Carnotensi Abbati nocturnas agēti vigilias, & in oratione posito lucernam extinxit, quasi verò lucernæ lumine indigeat, in cuius corde lucet Christus. Ne tamen vel hoc liceret tenebrarū amatori diabolo aduersus lucis amatorem Launomarū, rursus diuinitus accēsa reluxit. *Sar. Tom. 1.*

*Sulpitius
Episcopus.*

SULPITIUS quoque Bituricensis Episcopus, dum in Ecclesia cum suis Clericis noctu oraret ac psalleret, horrendos circa se dæmonum strepitus fremitusque audiuit, sed interim opus suum minimè intermittendo, fortasseq; ob hoc ipsum intentius orando, cessare tumultum fecit, magis terrens aduersarios, quàm ab eis territus.

*Edmundus
Archiepisc.*

TERRUIT illos & Edmundus Cantuariensis Archiepi-

chiepiscopus, quicū ad multam noctem peruigil iam tandem somno surrepente supinus decubaret, ita graue pondus impositum sibi sensit, vt expectatus mouere se omnino non posset, manum leuare voluit ad signandum se Crucis signo, & impeditus est. Excutere se totis viribus conatus, plus grauitatis addi sibi cognouit, atque adeo vt vix iam sufficeret sustinere. Vbi autem spiritum ipsum vt se dimitteret, per Christi sanguinē adiurasset, statim dimissus assurrexit, & ab eo dē à quo dimittebatur didicit, nullū adiurationis genus magis timori esse dæmonijs. *ur. To. 1.*

ILLAM quoque efficacissimam contra tentationē s pre- *Quidam*
cationem esse credimus, qua vsus Nicolaus quidā in sancti *Nicolaus.*
Patritij Specum apud Scotiam ad Purgatorij (vt aiūt) loca descendens, tanta ac tam varia dæmonum tentamenta, tot fraudes, tot blāditiās, tot iras, tot terrores vnus superauit. Nam quoties ad Dominum conuersus dixit, Domine Iesu Christe, Fili Dei viui, miserere mei peccatoris, toties ab insidijs liber euasit. Breuis quidem oratio, sed permultæ virtutis, si fideliter, si ardentē, si humiliter exprimatur.

NUNC vt maioris ignominie cauterio notetur imbecillitas inimici, & in nobis repugnandi augeatur audacia, *Femine.*
foeminarum quoque de illius conflictu victoriam breuiter enarremus.

SARA in partibus Thebaidis Abbatissa, cū cogita- *Sara Abba*
tiones eius ad libidinem incitare soleret diabolicæ mali- *tissa.*
gnitatis suggestio, nunquam vt recederet tentatio oraue-
rat, sed vt & illa assiduē oppugnaret, & ipsa semper vince-
ret. In hoc carnalis lasciuie bello per annos tredecim for-
titer contendit. Sed tandem aliquantō acius impugnata
quā sustinere posset, clamauit ad Dominum Iesum Chri-
stum, & superauit inimicum, ita vt oranti apparēs dæmon
diceret: Vicisti me, Sara, vicisti. At illa nihil sibi ex hoc lau-
dis vendicans: non ego, inquit, vici te, sed Dominus meus
Iesus. Hinc discamus, si quando vehementior tentatio in-
gruerit, orare sollicitius, & quoties vicerimus, victorię glo-
riam Deo, non nobis tribuere. *Petr. de Natalib.*

*Theodora
Monacha.*

THEODORA Alexandrina semel tantum commissi adulterij conscia, se iam indignam maritali thoro iudicaret, & viro relicto, in Monachorum coetu, nulli quod foemina esset cognita, sub nomine Theodori latens commanebat, in multa vitæ austeritate Deo seruiens, ac peccatum suum lugens. Cæterum diabolus vt illam maiori tristitia oppressam ad desperationem impelleret, ei apparés, adulterij crimen exprobrauit, frustra; illam fatigari dixit, eò quod tam grande delictum veniam promereri non posset. Ipsa verò nequaquam de misericordia Dei diffidens, cum se Cruce signasset, tam manifesti mendacij assertorem eua nescere vt sumum coëgit. *In vitis PP.*

Eadem.

Rursum ille sumpta mariti eius forma, blanditijs assentationibusque ipsam allicere coëpit, impensius orans, vel potius vrgens, vt domum rediret: & cum nec sic doli successissent, ferocium eam beluarum imaginibus, vt à Monasterio discederet, terrere conatus est. Sed & hoc incassum. Theodora enim iam supra firmam petram fundata, tum ad ventorum, tum ad fluminum impetum immobilis, Deo humiliter supplicando, talem quoque visionem repulit, reiecit, in nihilum redegit. *Ibid. & Ruff.*

Eadem.

ATTAMEN inquieta & indefessa malignitate vector diabolus, ne quod adhuc fraudis genus inexpertum dimitteret, multo stipatus comitatu, ac maiestatem quandam præferens ad illam venit, & cum ab omnibus qui circa eum erant, plurimum honoraretur, ipsam quoque, vt se adoraret iussit: nolentem verò, & quod vnus Deus adorandus esset dicentem, flagellis verberauit. Cumque illa ne verberibus quidem cederet, ipse fremens & indignans abiit, patientia victus foeminae, constantiaque superatus. *Ibid.*

Eadem.

POSTREMÒ, vt saltem vel ad avaritiæ, vel ad gulæ vitium incautam traheret, hic auri massam, illic canistrum varijs dapibus plenum ei apparere fecit. Illa autem presentissimi contra omnia tentamenta remedij memor, Crucem designauit, & diaboli laqueus dissipatus est, tantumque in eam profecit malignus, vt quò eam magis tentauerit, eò plus

sed plus sibi confusionis cōparauit, toties victus, nunquā victor. Igitur quæ semel corruerat, ita se crexit, vt nullo deinde aduersarij cōnatu eueri vnquā potuerit. Ob quod quantum receperit mercedis, inde coniectari licet, quod qua die vita decesserat, in visu Abbati apparuit, ad cœlestem thalamum gloriosè sublata, tantoque splendoris fulgore radians, vt prestringeret oculos intuentis. *Ibid.*

PELAGIAM Antiochenam, & diuitijs, & genere, & impudicitia quondam nobilem foeminam fuisse legimus, *Pelagia conuersa.* & (quod peius est) in idololatriæ errore natam atq; adultam: sed postquam ad Christum fuit conuersa, pauperem, humilem, pudicam, & omni inter fideles probitate præstantem. Hanc ergo conuersionis suæ initio; Mammonæ spiritus ad pristinas reuocare sordes tali versutiloquio tentauit, noctu illam adiens: Opes, inquit, quibus affluis, ô Pelagia, Dij patrij, quorū ego nūcius sum, tibi cōcessere, & tu nunc illis relictis, nescio quem Christum sequeris. Illos tamen & crimen tibi remittere, si ad eorum cultum redieris, & hoc insuper polliceri crede, tantum priori opū beneficio addituros, quantum magis ipsa nequeas optare. Facile deprehendit dolo mulier, quæ iam veras diuitias Christum esse nouerat, & cū Crucis in pectore signum dexteræ manus ductu impressisset, sufflauit in suasorem impietatis, & tam facile abegit, quā solet puluerem ventus, tantiq; illius promissa fecit, vt cōtinuò ea etiam quæ habebat, cuncta indigentibus erogaret. Et quoniam Deo, non Mammonæ seruiuit, cœlestes æternasq; diuitias possidere meruit. *Ibid. & Sur. Tom. 5.*

IULIANA Virgini iam pœnis pro Christi nomine affectæ, & tantū coronam Martyrij in carcere expectanti, Belial diabolus formam Angeli fidelis gerens, apparuisse fertur atque dixisse, Christum iubere, vt illa potius dijs gentilium sacrificaret, quā in cruciatibus deficeret. Obstupuit Iuliana tali nuntio, & dubitās quinam esset, à Deo sibi certius indicari postulauit. Mox diuinitus inspirata, manu illum apprehendens, vinculis constrinxit, verbera-

34 DE RATIONE RESIS. DIABOLO.

busque affectit, volente Domino, vt scelestus Belial ab eadem, cui dissuadere ausus fuerat suppliciorum pro Christo patientiam, supplicia ipsa perferret. *1^{ra} Tom. 1.*

*Margarita
Virgo.*

MARGARITAM etiam Virginem post tormenta carceri mancipatâ, terribilis draco latè patenti faucium hiatu ferociter inuadens deglutierat. Verùm vbi illa signû Crucis edidisset, draco crepuisse visus est, quaque crepuerat, Virginem viuam sanamq; euomuisse, sicuti euomitur à pisce Ionas Propheta legitur. *Me'aphr.*

Iona. 2.

Eadem.

ITERVM eidem in specie humana apparens imponere tentauit. At illa per capillos apprehensum humi allisit, & cùm quæreret, cur tam insensus infestusque Christo cultoribus esset, accepit, cacodæmonum proprium ac peculiare esse, inuidiæ odijque facibus accendi erga eos qui saluandi sunt, cùm pati non possint, vt ad coelû, vnde & ipsi deiecti sunt, homines retrahâtur. Semper ergo eos aliquid têtare, moliri, struere necesse est, quo iustitiæ opera impédiant, & innocentes ad peccandum prouocent. Sub hæc dimissus euauit, illa ad Martyrij palmam gaudens peruenit, tam diaboli victrix quàm tyranni. *Ibid.*

*Iustina
Virgo.*

SED nec Iustinam Virginé Cypriani magi laræ præstigæque pervertere valuerût. Cùm enim Aglaius iuuenis eam arderet, & ipsa iam Christo iuncta mortalis hominis nuptias respueret, dæmonem misit Cyprianus, qui illius animum ad libidinem occulta carnis titillatione illiceret. Re autem infecta reuersum, cùm eam mouere nequiuert, interrogat, & audiuit, signo Crucis perterritum inde effugisse. Alium ergo misit, nequiores illo, qui Virginalem formam habitumque indutus ad Iustinam accedens, etiam se sicuti illa Virginitatem Deo vouisse dixit, proinde petens vt si non in societatem, saltem in seruitium reciperetur. Susceptus igitur post dies aliquot captata occasione suspensio tristisque vultu dubitare se ait, ne Virginitatem seruando offendant potius Deum, quàm aliquid promereantur. Scriptum enim esse. Crescite & multiplicamini, & replete terram, indeque in veteri Testamento sanctissimas mulieres

*Ita prorsus
nunc argu-
mentantur*

mulieres Deoque gratas viros habuisse, & filios genuisse. *heretici contra Castitatis vota.*
 Coeperat Iustinae animus iam nutare, ac de Virginitatis proposito penè ambigere: mox seipsam reprehendens, Christi nomine inuocato, Cruce se signauit, & demò Crucis virtutem non sustinens effugit. *Greg. Nyssen. Orat. 20.*

ITERUM idem Aglaj formam assimilatus, noctu ad eam venit, & nunc blandus, nunc minax, vt voto suo consentiret, petijt. Sed eodem quo prius modo ab ea fugatus, abiit. Deinde Iustina Virgo alijs atq; alijs, partim diaboli, partim ipsius magi commentis tentata, cum semper Cruce se muniret, semper superior euasit. Quam rem videns Cyprianus, & ipse Christo credidit, & vnà cum illa Martyriū subiit, fidelis factus, quia fidelibus dæmonia præualere nō posse, liquidò cognouit. *Ibid.*

EUPHRASIA Romana Virgo nobilis genere, sed stirpis nobilitatem mentis humilitate superans, cum se in Monasterio apud Thebaidem inclusisset, ne seruilis quidem opera à se aliena putabat. Inuidens verò virtuti eius diabolus, vt persecutionis molestia propositum turbaret, ad hauriendam aquā se inclinantem in puteum præcipitauit. Sed ipsa inde sana à sororibuseducta, crebrius aquatū ire coepit. Iterum illam dum coquinā faceret, in bullientem ollam impegit, sed ipsa bullore illo humefacta, non læsa, nihilo segnius coeptum opus peregit. Rursum ligna findentem in latus impulit, & ipsa obliquo securis ictu pedem sauciavit, breui tamen curata, multò promptior ad subeundos labores accessit. Deniq; nullis infestationibus, nulla inimici iniuria ab humilitatis officio auocari potuit. Ita victis tandem superatisque tentationibus, etiam miraculorum operatione insignis fuit. *Ruffin. vit. 1. P.*

Ac ne plura de hac re prosequi longum sit, hæc sunt Santarum artes, hi dolī, hæc tendicula, hæc ad decipiendū fraudes atque fabricæ, hæc præterea illius terrificatio, furor, feruitudo, immanitas, ita vt nemo tam prudens ac tam fortis sit, quin vel malitia eius caperetur, vel vi superaretur, nisi virumq; compesceret Dominus, alligans fortē, & vasa eius

Ephef. 6.

diripiens, tentari quidem nos volens, nō cogi: & probari, nō vinci. Ille dūtaxat vincitur, qui dedere se mauult quā repugnare. Nos verò ne quando ad deditiōē istam, cuius comes est interitus, aut astu aliquo inducamur, aut trahamur iniurijs, conscij imbecillitatis nostræ, clamemus ad Dominum, poscāmus opem, oremus præsidium, & non ferro, non fossa, non vallo, non murorum ambitu nos muniamus, sed veritate, iustitia, pace, fide, spe, charitate, cæterisque virtutibus, dicente Apostolo: Induite vos armaturā Dei, vt possitis stare aduersus insidias diaboli, quoniā non est in nobis colluctatio aduersus carnem & sanguinem, sed aduersus Principes & potestates, aduersus mundi rectores tenebrarū harum, contra spiritalia nequitie in coelestibus. Propterea accipite armaturam Dei, vt possitis resistere in die malo, & in omnibus perfecti stare. State ergo, succincti lumbos vestros in veritate, & induti lorica m iustitiæ, & calceati pedes in præparatione Euāgelij pacis, in omnibus sumentes scutum fidei, in quo possitis omnia tela nequissimi ignea extinguere, & galeam salutis assumite, & gladiū spiritus, quod est Verbum Dei, per omnem orationem & obsecrationem, orantes omni tempore in spiritu, in ipso vigilantes. Si sic instructi militabimus, vincemus, & donatium militiæ nostræ erit cœlorum regnum, Iacobo Apostolo dicente: Beatus vir qui suffert tentationem, quoniam cū probatus fuerit, accipiet coronam vitæ, quam re promisit Deus diligentibus se.

Iacob. 1.

De Perseuerantia bene agendi.

Cap. VIII.

SED in omni bene beateque agēda vitæ instituto, consistare nos nobis ipsis decet. Nunc hoc, nunc illud velle, leuitatis indicium est. Multi de ordine Clericali ad Monachalem transmigrant, non profectus desiderio, sed nouitatis. Multi domicilia mutant, suimet tædio, non loci. Multi verò (& id deterrimum inconstantiæ genus est) cū diu

diu sanctè vixerint, ad vitia delabuntur. Nos ista sedulò deuitantes, cum semel boni alicuius exercèdi propositum sancto afflante Spiritu arripuerimus, semper idem simus, eademque animi alacritate curramus qua cœpimus. Viam namque Domini incedentibus magis cauendum est, ne remittant gradum, quàm curandum vt intendant. Nullaque certior ad finem vsque perseveràdi ratio est, quàm viribus æquare onus, vt quisque non quantum ferre potest sumat, sed perferre. Huiusce rei nunc subiiciemus exempla.

Trecentos & sexaginta quinque annos vixit Enoch, & ambulasse cum Deo dicitur, atque ob id non apparuisse, quia tulit eum Deus. Dignus quippe visus est, qui tam diu corpus suum ab immunditia custodierat, vt cum corpore simul transferretur ad Paradisum. *Enoch. Genes. 5.*

N Q E itidem cum Deo ambulasse fertur, iustus perfectusque fuisse, gratiamque inuenisse, & tamen quingentorum iam annorum erat quando cœpit ædificare Arcam, sexcentorum quando perfecit, nongentorum & quinquaginta quando vita defunctus est. Itaque tam diutina innocentie, fidei, spei obseruatione meruit solus cum coniuge liberisque & nuribus, mundo pereante, saluari. Ex quo illi iure arguendi sunt, qui cum ne decimam quidem partem summæ huius viuant, in exercendis tamen virtutibus minus constanter se habent. *Noë. Genes. 6. Ibidem 8.*

A B R A A M centum septuaginta quinque vixit annos, Isaac centum octoginta, Iacob centum quadraginta septem, omnes tam Deo chari gratique, vt eorum Deus dici voluerit, Deus Abraam, Deus Isaac, Deus Iacob. Certè nisi ab ineunte ætate ad vsq; vitæ exitum iustitiam pietatemque coluissent, nunquam ad tantæ dignationis culmen peruenissent. At nobis isdem in virtutibus perseveràdi facultas tantò quidem datur maior, quantò vita breuior, & sic repente deficiamus. *Abraam. Genes. 25. Isaac. Iacob. Genes. 47.*

I A C O B, vt de illo adhuc plerius explicemus, ad Laban iuunculum suum venit, sibi aliquam ex filiabus eius ducturus vxorem. Seruiuit illi annos septem pro Rachæle, *Iacob. Genes. 29.*

L 5

sed Lia

338 DE PERSEVE. BENE AGENDI.

sed Lia data est. Seruiuit alios septem, & Rachelé accepit. Seruiuit etiam annos sex, & valde ditatus est pecudum seruorumq; copia. Igitur quoniam viginti annos perseuerauit seruiendo, tali rerum successu potitus est.

*Moyfes.
Exod. 17.*

M O Y S E S charitate in proximos, pietate in Deū semper præstātissimus, & Aaron Sacerdos à Deo electus, quoniam longum virtutum suarum tractum semel peccando ad aquas contradictionis interruperant, populum Israel in terram promissionis non induxerunt: Quomodo nos terram viuentium intrabimus, qui non semel, sed frequenter peccamus?

*Dauid.
2. Reg. 11.*

Peccauerat tamen & sanctus Dauid. Sed quia post peccatum quod poenitendo deleuit, syncerus vixit, non minus Deo placuit, quàm si omnino non peccasset. Igitur si quo fortè vitij diuerticulo iustitiae iter interruptum fuerit, rursum ad illud per poenitentiam reuertamur. Quoniam autem reuertendi facultas interdum morte præciditur, diuertere periculosissimum est, cōtinuare semper tutissimū.

Prophetæ.

Reges.

Continuauere ex Prophetis Samuel, Nathan, Elias, Eliseus, Isaias, Ieremias, Iezechiel, duodecimque alij. Ex Regibus Ezechias & Iosias, nisi quod Ezechias opulentiae suae ostentatione deliquit. Cæterum quia à Deo puniendus multae denuntiationem submisit, multa ad posteros dilata, ipse pacem habuit quam optauit: vsque adeo expedit repente corrigere sese, & vitium virtute mutare.

Christus.

Matth. 10.

In Euangelio quoque Dominus noster pijs actionibus nos continenter inhærere monet, dum ipse turbis prædicare non cessat, dum varijs languoribus affectos curare nō desinit, dum dies quadraginta neque comedit, neq; bibit, dum in tentationibus perdurat, dū in oratione pernoctat, dum suos vsque in finem diligit, dum denique persecutiones vsque ad ignominiam Crucis æquanimiter tolerat, nunquam ab exercitatione virtutum quietus, vt ab ea nunquā quiescendum esse doceret, dicens: Non qui inceperit, sed qui perseuerauerit vsque in finem, saluus erit.

I O H A N N E S

I O H A N N E S Baptista eius præcursor, quia persevera- *Iohannes Baptista.*
 uerat in abstinentiæ proposito, nunquam opiparos cibos
 ventri suo indulgens, nunquam vinum aut ficeram bibēs,
 nunquam mollibus indutus, assidue in deserto baptismum
 prædicans, iugiter turbas ad se confluentes docens: idcir-
 co ipsius Domini testimonio plus quàm Propheta dicitur,
 & nulli inter natos mulierum posthabendus censetur.
 Denique tantæ constantiæ virum Herodis improbitas oc-
 cidere potuit, terrere non potuit.

Post Dominum Sancti Apostoli Discipuli quæ eius per- *Apostoli.*
 seuerarunt, illum sequendo, illi obediendo, Spiritum san- *Discipuli.*
 ctum per illum à Patre mittendum expectando, per orbem
 vbique Baptismi gratiam annuntiando, nec vnquam defi-
 ciendo, donec quod annuntiauerant, Martyrio confirma-
 runt, morientes prius, quàm tacentes Religionis veritatē.
 Et hi quidem tam fortes, tam quæ magno animo viri, tantò
 primitus pauore perculsi fuerant, vt Domino relicto fuge-
 rent, Petrus etiam se illum nosse negaret. Ne quis itaque *Matth. 16.*
 sibi applaudat quòd firmus sit, ipsa perseverandi firmitudo
 non à nobis, sed à Deo est.

Videt autem Deus boni operis in nobis affectum, exer- *Dens.*
 cendi præstat facultatem, exaudit preces, & consummandi
 affert auxilium. Negotiari volentibus commodat talentū, *Matth. 23.*
 sollicitè lucrantes beat, ignauiter torpentes damnat. Itaq;
 summopere enitendum est, vt semper aliquem quæritū fa-
 ciamus in ijs, quæ nobis à Deo credita sunt, & nunquā otio
 nos corrumpēdos tradamus. Qui super pauca fidelis fue-
 rit, super multa constituetur, & intrabit in gaudium Do-
 mini sui, cælestique beatitudine perpetuò perfruetur.

Illi quidem fideles serui sunt, qui in seruitio perseverāt. *Turba.*
 Perseuerantibus autem miseretur Dominus & cōmodat. *Matth. 15.*
 Misereor turbæ, inquit, quia triduo iam perseverant me-
 cum, & non habent quod māducent. Et dimittere eos no-
 lo, ne deficiāt in via. Sic ergo Dominus perseverātes gratia
 sua pascit, vt deficere non sinat, imò vt abūdare faciat. Nā
 & comederūt, inquit, & omnes saturati sunt. Ac ne quis ad-
 vitæ per-

vitz perfectionem sibi nihil deesse existimet : fragmenta multa superfuérūt, nō à turba, sed ab Apostolis colligēda.

*Dns caci.
Matth. 10.*

Dv o cæci secus viam sedentes, cū post Iesum clamitarent misericordiam implorando, increpabantur vt tacerent. At illi magis clamabāt. Perseuerarunt ergo in clamoribus pijs, & quod volebant assecuti sunt. O constantis inconcussiq̃ue animi viros, quos non retraxit obrectatio multorum ab inuocatione Saluatoris, sed accendit. Qui sicut non cessarunt sanitatem petendo, ita impetrata non fuerunt ingrati, dicente Scriptura: Et secuti sunt eum. Sic peccator si deprecando continēter clamauerit, appropinquabit vt audiatur, auditus illuminabitur, illuminatus asiduē sequetur Iesum, non passibus, sed affectu.

*Paulus pri-
mus Ere-
mita.*

Qv i d de Paulo primo post Christum eremi cultore dicam? Sic Deo seruiens perdurauit, vt à decimosexto ætatis suæ anno quo solus desertū adiit, vsque ad centesimum & decimum tertium, quo vita defunctus est, hominem nō viderit. Hac tam diutina tam pij propositi continuatione meruit (veluti Elias Propheta) diuinitus nutriri, coruo pabulum homini quotidie deferente. Meruit ab Antonio sepeliri, cauata à leonibus terra. Quodq̃ue omnium maximum est, meruit ab Angelis in cœlum ferri, teste Antonio, qui hoc oculis suis conspexisse affirmabat. Cuius quidem mercedis magnitudinē quisquis crebrò secum cogitauerit, nullo vnquā spiritalis vitæ labore grauari poterit, nunquā lassitudinis tædia sentiet, tantorū spe præmiorum sustentatus. *Hieron. in Epist. de vita Pauli.*

*Antonius
abbas.*

ANTONIUS quoq; cū primū & ipse solitudinem inhabitare decreuisset, ne verberibus quidem dæmonum absterri potuit, quin quod cœperat, persequi pergeret. Perseuerauit itaq; ab octauo decimo ætatis suæ anno vsq; ad centesimum quintum, quo in Domino quieuit cui seruierat: Angelorum sortitus gloriam, quia in perseuerando dæmonum contempserat iniurias. *Athanas. in vita eius.*

*Paulus
Simplex.*

E I V S discipulus Paulus Simplex, cū se recipi postu-
lasset, & Antonius ab eo discedēs, donec rediret, expectari
respon-

responsum iussisset, toto triduo ante ianuam persistit, plus moræ ibidem tracturus, nisi Antonius iam satis eius constantiam se expertū arbitratus, illum intrò admisisset. Hoc exemplo eorum sanè arguitur ignauia, qui Religionis habitum sumere volentes, nisi statim in collegium recepti fuerint, indignantur, mulstantesq; abeunt, & priusquam de ipsis periculum factum sit, ea re quam petebant, se indignos ostendunt. *Pallad. Hist. 28.*

At verò post hæc idem Paulus multò etiam constantior perseverantiæ specimen dedit. Nam lingua quandoq; lapsus, cùm se errasse animaduertisset, trienne silentium seruauit, donec scilicet se iam didicisse credidit, quid loquendum, quid tacendū esset. Si cui difficile factu videtur, parte aliqua diei ex monastico instituto silentiū custodire, consideret quantò difficilius sit, annos tres nihil cuiquam proloqui voluisse. *Ibid.*

Symeonem Susotionis filium tredecim annos natum, adisse Timothei Abbatis Monasterium ferunt, & Monachum se profiteri velle dixisse. Cumq; non esset admis-
sus, quòd ea ætas leuitati propior videretur, ante ostium procidisse, & ita dies quinq; sine cibo ac potu perseverasse, ibi mori paratum, nisi quinta demum die receptus votum suum impleisset: stupente Abbate tantam in puero firmitatem, quanta rarò in senibus esset. Hoc ille stabilitatis præludio, sic reliquâ ætatem egit, vt in omnibus mirabilis euaderet, & si cuncta vera sunt, quæ de illo produntur, nemo vnquam corpus suum acerbius afflixit. *In vitis PP.*

Mutius tam diu pro foribus Monasterij rogantem permansisse constat, vt contra consuetudinem vnà cum octenni filio in ordinē Monachorum receptus sit. Immobile fixoque perseverandi proposito extorsit, quod coenobitica lex vetabat. Ab eo enim vocabatur, qui supra Legē erat, & qui ait: Pulsate, & aperietur vobis. Neq; hoc fecit quòd à filio separari non posset, sed quòd simul cum filio saluari optaret, malens illum secum offerre Christo, quàm relinquere mundo. *In vitis PP.*

Et Pa-

*Pacomius
Abbas.*

1. Cor. 9.

2. Timo. 2.

*Theodorus
monachus.*

Matth. 9.

Franciscus.

Aster. 5.

*Thomas
Aquinas.*

Et Pacomio quidem Abbati præter cætera, curæ fuisse legimus, iuniores ad perseverandum exhortari. Frustra aiebat eos ad brauium salutis currere, nisi sic currant ut comprehendant. Frustra cum hoste cōfligere, nisi sic certent ut vincant, dicente Apostolo: Non coronabitur nisi qui legitimè certauerit. Legitimè autem certare esse, certando nō defatigari. *Metaphr. & a'g.*

THEODORVS itaq; eius discipulus, professionis suæ initio à matre multum ut rediret sollicitatus, nunquā assensit. Attulerat illa ab Episcopis literas, quibus reddi sibi filium præcipiebatur. Hisq; obsequi compulsus, Abbas discipulo discedendi potestatem fecerat. Cæterū ipse omnibus præferens Christum, nec egredi de monasterio voluit, nec saltem se ostendere matri. Ne scilicet scandalizantem oculum, quem à se iam proiecerat, rursus quærere videretur. Perseueravit ergo in monasterio, & factus est Dei filius, qui matris esse noluit. *In vitis PP.*

Et beatum Franciscum ipse qui genuerat Pater, in se infenso admodum animo persecutus est, nec efficere potuit, quin ille sicuti coeperat, post Christum ire perseveraret. Verberatur ergo Franciscus, despoliatur, contemnitur, & gaudet quòd dignus habitus sit pro nomine Iesu contumeliā pati. Et quoniā omnia aduersa subire prius paratus erat quā proposito discedere, mox virtutum operatione vitæq; sanctitate tantum profecit, ut & terram sui fama repleret, & gaudio cælum. *Bonauent. cap. 1.*

THOMAM quoque Aquinatem de monasterio Prædicatorum vi tractum, & domi clausum fratres eius ut à religione reuocarent, biennio ferè tenuerunt. Sed cum ille neque minis terreretur, nec ue blanditijs allici posset, neq; meretriculæ quam ad illum intromiserāt, lasciuiā deliniri, dimissus ad monasterium rediit, ac veluti Sol, qui diu nube tectus latuerat, mox serenato cælo irradiare terram incipit, sic ille relictis fratribus & domo, illuminare Ecclesiā coepit, & morum, & ingenij, & doctrinæ nitore. Nequaquam ad tantā gratiæ claritudinem peruenisset, nisi etiam nebula

nebulæ fraternæ fatuitatis circūseptus currere perseverasset, in proposito firmus, in tētationibus inuictus. *Sur. Tc. 2.*

Illā quoq; duorum perseverantia, in primis memoratu

Ioban. Abbas.

digna, Iohannis Abbatis & Pefij Eremitæ. Hunc (sicut à

Pefus Monachas.

Cassiano relatū est) quadraginta annis quos in solitudine

exegerat, comedentē Sol non vidit, quodd occaso duntaxat

Sole ieiunium soluere consueuisset. Illum verò nunquā

vidit iratum, eò quod nunquā omnino in iram concitatus

esset, licet magno fratrum numero præsideret. Quæ

Agastio.

ret aliquis, quomodo infantes castigavit, si nūquā iratus

fit. Neque enim fieri potest, ut in tāta multitudine aliquis

nō peccarit. Huic respondebimus, quodd ne delinquentes

quidem irascendo castigandi sunt, sed miserendo. Iræ pro-

priū nocere est, castigationis prodesset: in altero virtus, in

altero vitiū est. Sed cur, inquiet, in Scripturis Deus irasci

dicatur, si ira vitium est? Irasci quidem Deus dicitur, non

quodd irascatur, sed quia dum iustè punit, iratus videatur.

Iudici autē ac præsidi punire couenit, ut iuuet; non irasci,

ne noceat. Quodd autem & ille iuuetur qui punitur, hinc

pater, quia impunitus plus deliquisset: & ubi plus delicti

est, ibi poenæ grauioris exactio est. Hoc quidem modo Io-

hannem hunc nunquā fuisse iratū crediderim. Alioquin

si peccantem fratrem nunquā corripuisset, si nullo poenæ

genere affecisset, irato nocentior esset. Malum enim,

quodd quantum in ipso est, præcidere debet, crescere licentia

sineret. Itaque, ut eodem vnde digressus sum reuertar:

semper eandem animi lenitudinem seruasse, non omiſſa

delinquentium animaduersione, magnum atque magnificum

fuit. *Cassian. Coll. 5. cap. 27.*

De Elpidio quoque Abbate memoriæ proditum est,

Elpidius Abb.

quodd per quinque & viginti annos nunquam se ad Occi-

dentem verterit, semper ferè orans, & illum cui nomen

Oriens, iugiter contemplans. Non putauit nefas esse re-

trò aspicere, sed sibipſi voluit imperare, ut cum corporis

appetitum ab ijs etiam, quæ licita erant, refrenasset, faci-

lius ab illicitis custodiret. *Pallad. Hister. 108.*

NATHA-

Nathanael NATHANAELIS etiam Anachoretæ quàm constans
Anachoreta in perseuerando animus fuerit, ex eò intelligi potest, quòd
 semper clausus vixit, Episcopos ad se venientes reuerenter
 excepit, abeuntes ad limen vsque officij gratia persecutus
 est. Neque vt inde pedē efferret, callida (vt alibi diximus)
 diaboli euocatione induci potuit, sicq; septem & triginta
 perseuerans annos, elatus inde non egressus est, & corpus
 pariter cellamq; relinquens in consortium receptus est
 beatorum. *Pallad. Hist.* 18.

HANC laudabilem, imò & necessariam perseuerandi
 stabilitatem, nec sanctis foeminis defuisse, nonnullarum
 exemplo monstrabimus, minimeque illis conuenire illud
 quod dici solet, Varium & mutabile semper foemina.

Anna Pha- ANNA Phanuelis filia (vt Lucas tradit) annos septem
uuelis filia. vixerat cum viro, quo defuncto, ad quartū vsque & octo-
Luc. 2. gesimum ætatis suæ annum vidua permansit: semper ca-
 stitatem seruans, nunquam de templo discedens, nocte ac
 die ieiunijs obsecrationib; intentæ. Hac perpetua pij
 propositi obseruatione digna euasit, quæ Spiritu sancto af-
 flaretur, & multa prophetaret, imò quæ illum quem Pro-
 phetæ venturum prædixerant, præsentem cerneret, &
 ipsum esse mundi Saluatorem, palam confiteretur. Perse-
 uerando igitur aditus ad Iesum comparatur, vt vbi ipse est,
Iohan. 7. ibi sit minister eius.

AD quem etiam Chananzæ mulier in Euangelio cla-
Mulier Cha- mat, dicens: Miserere mei Domine: & Dominus tacet. Et
non ea. rursum illa: Adiua me. Respondet ipse: Non est bonum
Matth. 15. sumere panem filiorum, & dare canibus. Illa tamen instat
 & vrget, nec dedignatur canibus comparari. Sed & catelli
 edunt, inquit, de micis quæ cadunt de mensa dominorum.
 Quia ergo & petendo & humiliando sese perseuerauit,
 nec silentio repressa, nec contumelia confusa, meruit au-
 dire: O mulier, magna est fides tua, fiat tibi sicut vis. Ma-
 gnam fidem indefessa supplicatis probauit assiduitas, quæ
 si semel vel iterum repulsa cessasset, profectò neq; magnæ
 fidei esse diceretur, neque quod petebat impetraret.

MARIA

MARIA quoq; Magdalena veniens ad montimentum, *Maria Magda-
lena.*
vidit lapidem reuolutū, currit nuntiare Discipulis, & vnā *Iohan. 20.*
cū illis redit. Mox eis recedentibus, ipsa permanet plorās;
anxia inclinat se, videt Angelos, sed neq; eorū visione cō-
tenta, loco cedit, neq; flere desistit. Solius ergo Domini
desiderio tota ardens, prima mortis victorem videre me-
ruit, quem præ cæteris perseverantius quæsiuit.

SARA in Scythiotico Virginum monasterio Abbatissa, *Sara Abba-
tissa.*
iuxta quod fluuius molliter labēs perspicuisque limpidus
aquis intuentium oculos mira amœnitate detinere sole-
bat, cū tantam in eo cernendo iocunditatem esse audis-
set, sibip̄si imperauit, nequando illum aspiceret, ne quam
ex eo caperet voluptatem. Itaque annos sexaginta quibus
ibi vixit, nunquam fenestram adiit, nunquam tam propē
fluentem fluuium vidit, vt potius flumen illud videre di-
gna esset, cuius impetus lætificat ciuitatem Dei. Et quo- *Psal. 45.*
niam in cauēdis terrenarum rerum oblectatiunculis per- *Petr. de Natal.*
seuerauerat, cælestium felicitatē perenniter possedit, æter-
nis digna delicijs, quæ breues perituraſq; semper cōtem-
psit. Sed quid singula repetentes exempla diutius immo-
rāmur? Omnes enim seculorū Sancti Sanctæq; ad ipsum *Exhortatio.*
sanctitudinis culmen in bonis operibus perseverando per-
uenēre. Alius alia virtute magis excelluit, sed vnusquisq;
in sua vitā finiuit. Nisi bene & rationabiliter inchoata ad
vltimū vsq; deduxissent, nec inchoasse profuisset. A custo- *Psal. 119.*
dia matutina vsq; ad noctem speret Israel in Domino, vt
quod sperarit, accipiat. Seruiamus illi in sanctitate & iusti-
tia corā ipso, omnibus diebus nostris, & merebimur au- *Luc. 1.*
dire: Vos estis qui permāstis mecū in tērationibus meis, *Ibid. 22.*
& ego dispono vobis, sicut disposuit mihi Pater meus, re-
gnum, vt edatis & bibatis super mensam meam in regno
meo, & sedeatis super thronos iudicātes duodecim Tri-
bus Israël. Quòd si tantæ beatitudinis gloria remunerātur
in bono perseverantes, quæ nam tanta mentis infania nos
tenet, vt velimus deficere? cū præsertim deficientes ad
contrariam beatitudini miseriam deuoluantur.

Mm

S I D

Saul.

1. Reg. 31.

Roboam

3. Reg. 14.

Ioas.

4. Reg. 12.

SE D ille, quo non erat in filijs Israhël melior, quia postremò prævaricatus est, ab eodẽ Deo à quo electus fuerat, regno indignus iudicatur, & ab inimicis occiditur. Roboam vnà cù populo cui præerat, in vijs Prophetæ David ambulasse dicitur, mox deinde Legem Domini reliquisse, ob quod à Sefac Ægypti rege capti, spoliati, in seruitutem redacti sunt, dicente Domino per Prophetam: Vos reliquistis me, & ego reliqui vos in manu Sefac. Rex quoque Ioas Ochoziæ filius, quàm diu vixit Ioiaa Sacerdos, à quo vnctus fuerat, recte ac laudabiliter se gessit: eo autem defuncto, ad idola declinauit, & à seruis suis interemptus perijt. Sed & hæc leuijs inconstantia poena, nisi post eam æternis etiam addicti fuissent supplicijs.

2. Pet. 2.

Galat. 3.

Ibid. 6.

2. Theff. 3.

Hebr. 12.

Ecclef. 5.

Q V A N T O melius cum illis actum esset (sicut Petrus Apostolus inquit) non agnoscere viam iustitiæ, quàm post agnitionem retrorsum conuerti? Propterea quidem & Paulus Galatas dementiæ accusat, dicens: Sic stulti estis, vt cum spiritu coeperitis, nunc carne cõsumamini. Et eosdem ad id quod bonum est perseuerandum hortatur, & ait: Bonũ autem facientes non deficiamus: tempore enim suo metemus non deficientes. Idem ad Thessalonicenses: Nolite deficere, inquit, benefacientes. Et ad Hebræos: In disciplina perseuerate. Et in Ecclesiastico scriptum: Esto firmus in via Domini.

3. Reg. 7.

HÆC est ergo columna Iachin, & columna Booz, id est, firmitatis & fortitudinis, quæ epistylia liliorum malogranatorumque sustentat, quia firmi ac fortis est, summam conseruare virtutum quam semel amplexus fuerit. Hæc est talaris tunica sine poderis Aaron, à capite vsque ad pedes demissa. Hæc est hostiæ cauda, quam Deo offerri Lex iubet. Hoc illud calcaneum est, quo serpentis caput conteritur. Hæc denique Crucis longitudo, quæ latitudinem illam fulcit, in qua manus extenduntur. Latitudo quippe bonorum operum inniti debet longitudini continuationis, vt partem illam quæ supernè eminet, valeat attingere, hoc est, ad coelestis beatitudinis altitudinem peruenire.

Opti-

Optima autem perseverandi ratio est, non solum non retrò cedere, sed etiam indies ulterius progredi, & quantum possumus ad sublimiora semper tendere ac niti. Ibunt de virtute in virtutem (inquit Propheta) videbitur Deus deorum in Sion. Vnde & Apostolus? Quæ retrò sunt obliuiscens, & ad ea quæ priora sunt, se extendens, ad destinatum persequitur brauium supernæ vocationis Dei in Christo Iesu. Beati enim qui esuriunt & sitiunt iustitiam, quoniam ipsi saturabuntur, ait Dominus. Quo autem pabulo vel qualibus epulis hi saturandi sint, in Apocalypsi declarat, dicens: Vincenti dabo edere de ligno vitæ, quod est in Paradiso Dei mei. Vincenti dabo Manna absconditum, & dabo illi calculum candidum, & in calculo nomen nouum scriptum, quod nemo scit nisi qui accipit. Quibus verbis quid nisi veræ perfectæque beatitudinis indicibilis designatur suauitudo? Et vt apertius loquatur, ait: Esto fidelis vsque ad mortem, & dabo tibi coronam vitæ. Corona vitæ, gloria immortalitatis est.

Psal. 83.

Philipp. 3.

Matth. 5.

Apocal. 2.

De Mortis meditatione.

Cap. IX.

PERSEVERANTIAM autem boni honestique commodissime in nobis conseruabit mortis meditatio, iuxta illud: In omnibus operibus tuis memorare nouissima tua, & in æternum non peccabis. Haud igitur incongruum erit, si nunc exponere aggrediemur, quemadmodum hi quoque quos imitari cupimus, vltimum vitæ diē semper ante oculos habuerint, menteq; versarint, plurimū in eo curæ ponentes, ne mors offenderet imparatos.

Eccles. 7.

IOB omnia vincens patientia, nullis fractus est ærumenis, nulla collapsus aduersitate, vt qui non ignoraret, breuijs se expeditum iri, eò quòd diu hic viuere non posset, & deinceps multò beatius perenniusq; viuere speraret: Bre- ues, inquit, dies hominis sunt. Et: Expecto donec veniat immutatio mea. Domine, vocabis me, & ego respondebo

Iob.

Iob. 14.

Mm 2 tibi:

tibi; operi manuum tuarum porriges dexteram. Et iterum: Spiritus meus attenuabitur, dies mei breuiabuntur, & solum mihi superest sepulchrum. Dies mei transierunt, & cogitationes meae dissipatae sunt, torquentes cor meum. Noctes verterunt in diem: & rursum post tenebras spero lucem. Denique ait: Scio quia morti trades me, ubi constituta est domus omni viuenti. Hec & talia assidue secum cogitans, cum omnia corporis bona amisisset, animi non amisit.

Dauid.

Psal. 38.

Et Beatus Propheta Dauid identidem reminiscens se esse mortalem, ut morti paratior occurreret, diem quoque quo moriturus esset, nosse optauit, Deumque deprecatus est, dicens: Notum fac mihi, Domine, finem meum: Et numerum dierum meorum quis est, ut sciam quid desit mihi. Ecce mensurabiles posuisti dies meos, & substantia mea tanquam nihilum ante te. Veruntamen vniuersa vanitas, omnis homo viuens. Veruntamen in imagine pertransit homo, sed & frustra conturbatur. Thesaurizat, & ignorat cui congregabit ea. Sub hac omnem spem suam in Deo collocans ac firmans, continuo ait: Et nunc quae est expectatio mea? nonne Dominus? & substantia mea tanquam nihilum apud te est. Itaque ista mente reuoluens, ne inimicorum quidem iniurijs ad iniustitiam potuit concitari.

Salomon.

Eccles. 1. & 2.

Dum eadem considerat sapientiae antistes Salomon, vociferatur & ait: Vanitas vanitatum, & omnia vanitas. Et iterum: Vidi cuncta quae fiunt sub Sole, & ecce vniuersa vanitas & afflictio spiritus. &: Risum reputavi errorem, & gaudio dixi, quid frustra deciperis? &: Nihil permanet sub Sole. &: Omnia tempus habent, & suis spatijs transeunt vniuersa sub coelo. Definire autem volens quid esset in vita optimum: Et cognoui, inquit, quod non esset melius, nisi laetari, facere bene in vita sua. Omnis enim homo qui comedit & bibit, & videt bonum de labore suo, hoc donum Dei est. Ad hac peccatorum sollicitudine exhortans: Quodcumque facere potest, inquit, manus tua, instanter operare, quia nec opus, nec ratio, nec sapientia, nec scientia erunt apud inferos, quod tu properas. Ac ne aliquid esse putemus diu

viuere:

viuere: Si annis multis, inquit, vixerit homo, & in omnib' lætatus fuerit, meminisse debet tenebrosi tēporis & dierū multorū, qui cū venerint, vanitatis arguūtur præterita.

Horum meditatione & Elias Propheta iam vita defungi optabat, dicēs: Sufficit mihi, Domine; tolle animam meam. Neque enim melior sum quā patres mei. Sic & *Eli. 15.*

Dauid: Hei mihi, quia incolatus meus prolongatus est. Et *Reg. 19.*
 Ionas: Domine, tolle quæso animam meam à me, quia *Dauid.*
Psal. 119.
Iona 4.

melior est mihi mors quā vita. Ex quo patet, quantis hīc premimur miserijs, cū etiam illi quibus non nisi ad inferos descensus erat, hīc decedere tantopere concupierint. Cui sanè argumento Iob sententia astipulatur dicētis: *Iob. 14.*
 Homo natus de muliere, breui viuens tempore, repletur multis miserijs. Qui quasi flos egreditur & conteritur, & fugit velut vībra, & nunquā in eodem statu permanet.

Hoc idē vidit & Iesus ille in veteri Testamento Sirachi *Iesus filius.*
 filius, qui in Ecclesiastico suo admonendo nos ita ait: Me- *Sirach.*
 mor esto quoniam mors non tardat. Ante mortē benefac *Eccles. 14.*
 amico tuo, & secundū vires tuas exporrigēs da pauperi.

Ante obitū tuum operare iustitiam, quoniam non est apud inferos inuenire cibum. Omnis caro sicut fœnū veterascet. Quā ergo gnauiter agendum est, vt quotidie lūcū aliquid faciamus, incerti, quando rationē negotiationis nostræ reddere cogemur; & certi, quōd longē abesse non possit. Vnde & Ecclesiastes: Memento, inquit, Creatoris *Eccles. 12.*
 tui in diebus iuuentutis tuæ, antequā veniat tempus afflictionis tuæ, & propinquent anni, de quibus dicas, nō mihi placent. Rursūq; Iesus: Memento nouissimorum, & de *Eccles. 18.*
 sine inimicari. Nihil quippe ita iracundiam nostram frangit atq; emollit, vt isthac recordatio.

Isaia s Propheta, & ipse futura mente scriptisq; *Isaia Pro.*
 pertractando didicit contemne præsentia, nec mori timere. *pheta.*
 Hinc dum illum viuere inter seculi vanitates piget. Hinc etiam exclamat, imò exclamare iussus, ait: Omnis caro fœnum, & omnis gloria eius quasi flos agri. Exiccatus est *Isaia. 40.*
 fœnū & cecidit flos; quia spiritus Domini sufflauit in eo.

Verè foenum est populus, exiccatum est foenum, & cecidit flos: Verbum autem Domini manet in æternū. Hęc recogitans, Manassæ regū nequissimi ferram fortiter pertulit, & sectus, in Dño requieuit. Quis fideiū non præoptet huius necem cum meritis suis, quā illius vitā cum regno eius?

Christus.

Q u o d si crudele aliquod turpē mortis genus expatiēscimus, Domini Iesu Crucem cogitemus. Sin verò id nos terret, quòd nescimus, quando mors ventura sit: occurrere illi semper parati simus. Vigilate, inquit, quia nescitis qua hora Dominus vester venturus sit. Si sciret paterfamilias qua hora fur venturus esset, vigileret utique, & non sineret perfodi domum suam: ideoq; & vos estote parati, quia qua nescitis hora, Filius hominis venturus est.

Matth. 24.

Beatus ille seruus, quem cū venerit dominus eius, inuenierit sic facientem. Amen dico vobis, quoniam super omnia bona sua cōstituet eum. Vigilate ergo, nescitis enim quādo dominus domus veniat, sero, an media nocte, an gallicantu, an manē: ne cū venerit repente, inueniat vos dormientes. Quod autem vobis dico, omnibus dico, vigilate. Id brevius, in Matthæo scriptum est: Vigilate quia nescitis diem neque horam. Sic ergo hodie vivamus, tanquā cras morituri.

Marc. 13.

Matth. 23.

Iacob. Apostol. 4.

Siquidem & Beatus Iacobus Apostolus vitę huius conditionē animo metuit. Quid est, inquit, vita vestra? Vapor est ad modicū parens. Elegāter eam vaporī cōparat, in quo & fumus & calor est. Per calorē libidinis incentiuum, per fumū humanę glorię vanitas designatur. Vtrunq; fluxum atq; fragile, & ideo ad modicū parēs, sed in æternum crucians. Quāmobrē Angelus in Apocalypsi clamat: Eslo vigilans. & cōminatur: Si nō vigilaueris, veniā ad te tanquā fur, & nescies qua hora veniā ad te. Et iterū: Ecce venio, inquit, sicut fui. Quoniam autē qui gnaviter excubat, non suppilatur, subiūgit, dicens: Beatus qui vigilat, & custodit vestimēta sua, ne nud' ambulēt, & videāt turpitudinē eius.

Apocal. 3.
Ibid. 19.

Iohannes Eleemosynarius.

Igitur nequādo vigiliam hanc aliqua obliuionis dormitatione intermitteret Iohānes Eleemosynarius Patriarcha A-

cha Alexandrinus, dum sibi ædificaretur sepulchrum, imperfectum relinqui iussit. Porro ministris suis iniunxit, ne vlla die præterirët, se de illo perficiendo interpellare. Itaq; nunquam ab eo mortis memoria recedente, sic vitam instituit, vt morte multò beatior factus sit, quàm si semper hic viueret, & omnibus afflueret vitæ huius voluptatibus, omnibusque delicijs. Terrena enim cœlestibus conferri non possunt, etiam si æterna essent. *Leontius in vit. PP.*

MACHARIO Alexandrino per cremum aliquando pergenti (vt antè diximus) nocte superueniente cum somnum capere vellet, sepultura, in quâ fortè inciderat, lectus fuit, nec dæmonis intra illa, quæ iacendo presserat, cadauerum cœssa perstreptentis vocibus territus loco cessit, quia iugis futurorum commemoratio & mortis fecerat intrepidum, & dæmonum contemptorem. *Ruff in vit. PP.*

PHILOROMVM quoque Galatam Presbyterum tradit Heraclides, annos sex in sepulturis habitasse mortuorum, vt semper meminisse posset, se mûdo mortuum, & viuere Christo. *Pallad. Hist. 113.*

NEC Apollo Abbas (vt Cassianus refert) oblitus est mundo se mortuum esse, tametsi non ita procul à necessarijs suis posito tuguriolo habitaret. Nam cum à fratre seculari euocaretur, vt sibi auxilio veniret, quòd ipse bouë, qui pedibus alto cœno immersis hæserat, euellere solus non posset, & nisi protinus euelleretur, ibidem eum amissurus erat: Cur, inquit, alterius fratris domum tibi proximorem præteriens huc me rogatum venisti? Cumque ille responderet, annos iam quindecim esse ex quo alter frater diem suum obijisset: Et mihi, inquit, viginti iam anni sunt, ex quo mortuus in mundo sum: tantum autem temporis exegerat in religione. Itaque nihil mundanum ad se pertinere arbitratus, egredi de cella noluit, ne rogatus quidem, & rogatus à fratre, atque in tam præsentij talis iacturæ eius periculo. Quia ergo qua iam morte mortuus esset, semper in mente habuit, immaculatû se ab hoc seculo custodiuit. *Cassian. Coll. 24. c. 9.*

*Sylvanus
Episcopus.*

Philip. 3.

MORTEM quotidie meditando, & ea quæ mortem secutura sunt, intantum quidam proficere, vt non modò non horrerent illam, sed etià appeterent. Nam vt de Paulo taceamus, qui dissolui cupiebat & esse cum Christo, Sylvanus Episcopus Nazarethantis, cùm ei D. Hieronymus in visu apparuisset, & si quid à Deo vellet, interrogasset: Velle se ex hac vita migrare dixit, & subsecutus est euentus. Pergant nunc nimis anxij vitæ suæ amatores, medicamentis sustentare sanitatem, morbos depellere, & breuissimi temporis spatium totis redimere patrimonijs: inuēt sunt Dei serui, qui mori optarent, vt in æternum viuere citius inciperent. *August. Epist. 206. c. 5.*

*Columbanus
Monachus*

NAM & Columbanus Monachus Columbani Abbatis discipulus, cùm febris grauius æstualet, & ei vir apparuisset dicēs, preces & lachrymas Abbatis ipsi obstare ne mori posset: continuò rogauit Abbatem, vt ab oratione cessando, permetteret se de corporis carcere quàm primùm educi, eò quòd ad æternam beatitudinē se transferendum minime dubitaret. Statim ergo sumpto animæ viatico relictaq; carnis sarcina, cœlum petijt quò iam diu peruenire cupierat. O verè pretiosa in cōspectu Domini mors Sancti eorum eius. Nisi enim pretiosa esset, haud ita expeteretur.

Psal. 113.

*Hilarion
Abbas.*

IDCIRCO sanè nec Hilarionem Abbatem latrones cum armis circumstantes terrere potuerunt. Cumq; interpidum permanere mirarentur, nunquid necem non timeret, interrogant? Necem non timet, respondit, qui paratus est mori. Quis, quæso, militum Ducum seculi tam præstanti animo vnquàm fuit, vt in tanto vitæ periculo non contremuisset? Vnus miles Christi nudus & inermis inter tot armatos nihil expauit, plusque ipsi audaciæ ad mortem patiendam, quàm illis ad inferendam fuit. Quem enim interimere, vel saltem spoliare decreuerāt, stupore correpti illæsum reliquere. *Hieron. in vita eius. c. 4.*

Martyres.

SIC & multos Martyrum vitæ huius finem etiam per supplicia quæfuisse constat, dum vitam, quæ finem non habet, concupiscerent: vtrò se persecutoribus offerebant, cum

cùm latére possent : magisq̃ue dimitti, quàm occidi, metuebant. Nunc foëminarum proferamus exempla.

P R A X E D I S Virgo Romana, cùm facultates suas pauperum fecisset, ad illum festinans, cuius amore hoc egerat, orauit vitæ istius finem, & impetrauit. Mira res: robustissimis viris terrori mors est, Virgini iuueculæ desiderio fuit.
Femine. Praxedis. Virgo.
Ado. in Martyrol.

S A V I N A quoque Virgo ad tumulum Sauini Martyris fratris sui prostrata, orasse dicitur, ne vltra viueret, nò fratrem dolens, sed eum sequi cupiens, quem diuino frui conspectu non ambigebat. Illis ergo grauis & terribilis mors est, qui terrena curant, nò ijs, quorum conuersatio in cœlis est, & qui moriendo ad immortalitatem transmigrant.
Sauina Virgo.
Jacob. de Vorag.

Quotidie igitur animo voluamus, quotidie ruminemus, quales mox futuri simus, & præsentium voluptatum illecebras dolos etie patebit. Quibus qui capti fuerint, tunc cùm se ad felicitatis culmen euectos putabunt, ad extremas corruent miseras ignemq̃ue illum inextinguibilem, vnde nullus vnquã sperari regressus potest. At verò qui se ipsum aliquantulum recognouerit, contemplariq̃ue incipiet humanæ naturæ cõditionem, iam intra se tacitus dicet: Heu, quàm magna pars mei indies minuitur, quàm citò ad finem suum ætas properat? Puer eram, & non lentiente me, momento temporis ad pubertatem veni, nec scire possum, quando esse cœpi, & iam factus sum vir, iam iam canis albicat caput, & rugis arata facies cognatâ morti senectam indicat. Denique (vt Propheta ait) Dies mei sicut vmbra declinauerunt, & ego sicut fœnum arui. Quid, quæso, reliquum est, nisi vt de qua confectus sum, terra fiam? Solutum autem corpore, & terra terræ reddita, quicquid deinde animæ erit, æternum erit. Iustis beatitudo, iniquis deputabitur pœna: vtriusque finis nullus. Cur tandem non respisco, miser? Cur hoc non saltem quod superest vitæ, sic dirigo, sic exerceo, vt pro breui labore quietem capiam sempiternâ? & nò sicut adhuc egi, vt pro breuibz delicijs.

Mm 5 in perpe-

Matth. 3.

in perpetuos incidam cruciatus? Ecce iam securis posita est ad radicem, & velim nolim iamiam cadendū est. Quid agis anima? quid torpes? quid otiosa dormitas? consulere salutis tuæ negligis, & perniciæ tuæ lætaris? Age iam tandē, excita te & expergiscere, & vel hoc saltem nouissimo penē temporis puncto pœnitentiā age, quam si differre perges, vide quanto te periculo committas: vita fugit, mors adueniat, semperque propior est quàm esse creditur. Cùm autem venerit, non erit amplius pœnitentiæ tempus, sed iudicij. Iudicij, inquam, sicut districti, ita irreuocabilis, quo quicquid decernitur, sine caret, siue bonū, siue malum sit. Nos igitur inter vtrunq; infinitū constituti, perpendamus animo, dum licet, quàm alterum horrendum sit, alterum cōcupiscendū: & ita nobis ipsis moderemur, vt hoc assequi, illud euitare valeamus. Scriptū est enim: Beati mortui qui in Domino moriuntur. Et: Mors peccatorum pessima.

Apoc. 14.
Psalm. 33.

De hora Mortis.

Cap. X.

QUAM autem beati sint, qui in Domino moriuntur, dici non potest: ex parte tamen interdum omnipotens Deus signo aliquo ostendere nobis voluit in exitu illorum, vt ad eos imitandos magis accenderemur, quorum finem ipse miraculis illustrasset. Itaque & quid singulis eopotissimū tempore contigerit, & qualiter ipsi sese habuerint, hinc iam dicere incipiemus, vt non solum viuere, sed etiam mori eorum exemplis discamus.

Abraham.
Genes. 23.
Isaac.
Genes. 35.
Iacob.
Genes. 50.

Ibid. 51.

A c primū ne nimia cōdendi cadaueris distrahamur cura, Abraham emisit agrum Ephron Hethæi scribitur, in quo antrum erat: eo antro pro sua suorumque sepultura vsus est. Ibi primū ipse, deinde Isaac, postremò Iacob depositi recubuerunt. Desine peccator magnifica tibi extruere monumenta, & inmodico sumptu stupendis artificum operibus exornare. Ecce qui cū Deo colloquebatur, sepeliri voluerunt in spelūca, & ne impelas defuisse credas, diuites

diuites erāt. Dicit enim Scriptura de Abraham: Erat diues valde in possessione auri & argenti. De Isaac: Et locupletatus est, habuitq; possessiones ouium & armentorum & familie plurimum. De Iacob: Ditatus est homo ultra modum, & habuit greges multos, ancillas & seruos, camelos & asinos.

AARON quoque Pontifex Maximus à Deo electus peregrè moritur, & Dei iussu in monte Hor sepelitur, nulla ibi exequiarum pompa, nullus inanis honor, nisi triginta dierum multitudinis luctus fuit. Quippe plurimorum lachrymæ multò melius defuncti probitatē testantur, quàm superflui funebres apparatus.

POST hūc mortuus est seruus Dei Moyses, & sepultus in valle terræ Moab, & non cognouit homo sepulchrum eius vsque in præsentem diem. Quid est, quòd tantus vir in valle sepultus dicitur, nisi quia quantò maior es, tantò debeas te gerere submissius, in morte præsertim, quæ solæquat seruū domino, pauperem diuiti, stultum sapienti, omnesq; pariter conficit atq; consumit? Quid est præterea quòd sepulture eius locus ignoretur, nisi ut illorū arguatur fatuitas, qui nisi in marmoreis cōditorijs, affabrè sculptis, ad vnguem leuigatis, auroque linitis, & in celebri loco positis, putrescere nesciunt? Quinetiam incisis in lapide literis nomina conscribunt, quasi quicquam ei prodesse possit, ut qui fuerint, posterī cognoscant, cū ipsi semet dum viuerent, non cognorint, magis inani gloriæ quàm virtuti studentes. Moyse sepulchrum ignoratur, sed vitæ illius integritas ac sanctitudo nullis vnquam sæculis oblitterabitur. Quisquis illi similis esse curauerit, profectò non quæret, quo loco sepultus iaceat, sed vbi sempiternè viuat.

HOC etiā eiusmodi viris curandū erit, ut sicut in vita, ita & in hora mortis alios piè informēt, quò ipsi decedentes plus meriti secū ferāt, dum ne in fine quidē proximis prodesse recusent. Etenim Iosue Naue filius, cū diē suū esset obiturus, Tribubus Israël cōuocatis, enumerauit Dei erga illos beneficia, & ut legē eius obseruarent, eumq; solum, non deos alienos perpetuò colerent, hortatus est.

E T R E X

Aaron.
Numer. 20.

Moyse.

Deuter. 14.

Iosue.
Iosue. 24.

Dauid.
3. Reg. 2.

ET rex Dauid morti proximus, dedit præcepta filio suo Salomoni. Sed cur illi magis quam cæteris? quia cæteris ipse præfuturus erat, & vnus præpositi instructio, ad omnium vtilitatem spectabat. Salomon autem, quoniam paternis institutis obsequens fuit, sapientiam, & diuitias, & gloriam à Deo muneri accepit.

Tobias.
Tob. 4.

T O B I A S cum & ipse se iam discessurum speraret, sic docuit filiū, vt in illo vno omnes docuisse videatur. Deum inquit, cole, parêtes reuerere, eleemosynas da, à vitijs abstine, æs alienū libenter dissolue, nemini fac quod factum nolis tibi. Sapientum nitere consilijs. Benedic Deo semper, & ab eo dirigi pete. Ista quidem plenius in eo libro, qui Tobias inscribitur, recensentur. Sed nos pro tempore breuiter perstringimus, vt vel hinc cæteri patres discant, talium potius institutionum, quam multarū opum, filios suos relinquere hæredes.

Ezechias.
4. Reg. 20.

Videndum quoque vt deficienti animæ succurrat proprij reatus dolor, & culpam prius abluat fletus, quam flamma exurat. Ezechias rex morbo correptus, cum mortis sue nuntium accepisset, orauit & fleuit, diuināq; miserationē additi fuere vitæ eius quindecim anni, dicente Domino: Audiui orationem tuam, & vidi lachrymam tuam, & ecce sanauit te. Die tertia ascēdes templum Domini, & addam diebus tuis quindecim annos. Ex quo instruimur, tunc maxime precibus, & poenitiæ mœrore nobis opus esse, cum mortis instet dies, vt pleniore venia peccatorum impetrata, addantur nobis vitæ anni, nō quandoque finiendi, sed anni æternitatis.

Enoch.
Genes. 5.
Elias.
4. Reg. 2.

ET ne corporis nostri mox dissoluendi nos conturbet conditio, Enoch & Eliam non mortuos, sed translatos fuisse, Scripturæ testimonio probatur. Vterque autem ambulasse cum Deo dicitur. Ita & nos quidem, si cum Deo ambulantes, hoc est, mandata eius obseruantes, mors occupauerit, trāsferemur in anima prius, postea & in corpore, nō quò illi tūc translati sunt, sed quò ascendit Christus. Nihil igitur doleamus, carnem nostram nunc corrumpi
redi-

redigique in puluerem, cum rursus quandoque reparanda sit in incorruptione & in gloria, si modò usque in finem fuerimus fideles.

IN sepulchro illo ubi positus fuerat Eliseus Propheta, proiectum hominis cadauer statim reuixit: & nos Dei uiuentis voce, & Archangeli iussu, & nouissima tuba euocati, non reuiuiscemus? Hinc etiam liquet, Sanctorum reliquias reuerenter esse habendas, quandoquidem tanta vis eis inest, ut tactu ipsorum interdum etiã mortui ad vitam suscitentur. Satis hæc de veteri Instrumento, noui quoque exempla inspicimus.

Eliseus.

4. Reg. 13.

Reliquie SS.

reuerenter habenda.

OMNIS virtutis fons atque origo Dominus noster Iesus Christus, uti viuendo, quomodo viuere: ita moriendo, quomodo mori debeamus, nos erudiuit. Mortuus est pro salute nostra, ut nec nos pro salute proximorum mori recusemus. Pro inimicis orauit, ut & nos dimittamus, si quid habemus aduersus alterum. Animam Patri comendauit, ne nos quoque discedentem animam Deo commendare prætermittamus, à quo illam accepimus. In alieno monumento condi voluit, ne confundamur, si non habuerimus propriam sepulturam. Quocunque loco humati fuerimus, Domini est terra & plenitudo eius. Syndone munda inuolutus est, & aromatibus delibutus, ut ostenderet, eos feliciter hinc discedere, qui puritatem cordis & odora-menta virtutum secum ferrent. Die tertia resurrexit, & coelum ascendit, ut fidem faceret, nos quoque resurrecturos, coelumq; ascensuros, si tales in fine inueniemur, quales esse debere suo monstrauit exemplo.

Iesus Christus.

Lucæ. 23.

Marci. 15.

Psal. 23.

Idem 16.

Act. 1.

ET Apostoli quidem, omnesque reliqui Martyres pro iustitia, pro veritate, pro Christo morientes, præstantissimum id esse Mortis genus testantur, quod ipsi passi sunt. Sed non omnibus hoc cōtingit, omnibus tamen ea mens esse debet, ut si fors ita ferret, libenter & ipsi sustinerent. Cui is animus vel tunc cum è vita egreditur fuerit, proculdubio Martyrum ipsorum coronæ particeps erit. Corda enim perpendit Dominus magis quàm facta. Dic ergo cum Paulo:

Non

Athor. 21.

Non solum alligari, sed & mori in Ierusalem paratus sum propter nomen Domini Iesu. Certè talis in moriente charitas eleuabit doloris angustiaque sensum, & hominem alterius vitæ desiderio accendens faciet exclamare, Cupio dissolui & esse cum Christo.

*Philip. 1.**Paulus primus
Eremita.*

P A V L U M primum Eremitam Antonius Abbas orantis gestu expirasse offendit, necdum exanimem putabat, donec nullos (vt solebat) gemitus, nulla suspiria ipsum emittere deprehendit. Indoluitque vehementer, quod se relicto mortem obisset. Nec immerito cum illo decedere concupiuit, cuius etiam defuncti corpus Deum adorare conspexit, imò cuius animam ab Angelis in coelum ferri viderat. *Hier. de vita Pauli.*

Antonius Abb.

Ipse verò Antonius, cum diè, qua de terra cessurus erat, multo antè prædixisset, eadè defunctus est. Sed dum adhuc æger spiraret, Monachis vitæ monita dedit: Insuperque iniunxit, vt cum se humassent, curarent, ne qua ibi humationis vestigia apparerèt, & locū nemini vnquā indicarèt, ne ab hominibus honoraretur, volēs & in morte humilitatem seruare, quam apprimè in vita coluerat. *In vit. PP.*

Hilarion Abb.

H I L A R I O N Abbas ad Hesitium Monachum testamenti vice epistolam scripsit, omnes diuitias suas ei relinquens, quæ erant, Euangelium, tunica, saccea cuculla, palliolum. Et cum plerique religiosi viri ad ægrotantem conuenissèt, omnes adiurauit, vt ne puncto quidem temporis post mortem reseruaretur, sed statim se terra operirent, sicut vestitus erat, cum tunica cilicina, & cuculla, & sago rustico. Cumque iam extremo anhelitu laboraret, apertis oculis loquebatur: Egrederere, quid times? egredere anima mea, quid dubitas? Septuaginta propè annis seruisti Christo, & mortem times? In hæc verba beatū exhalauit spiritum, statimque terra obrutū, antè vrbi sepultum, quàm mortuum, nuntiauerunt. *In vit. eius. c. 17.*

*Iohannes Ana-
choreta.*

I O H A N N E S Ægyptius Anachoreta, præter vitæ sanctitatem, futurorū etiam vaticinijs clarus, cum diem postremum sibi imminere cerneret, toto triduo neminem ad se

ad se admisit, ut Deum (ad quem gaudens proficiscebatur) liberius expeditiusque contemplari posset. Triduo verò elapso, complicatis genibus orando spiritum emisit. Qui cum tali gestu taliq̃ humilitate egrediuntur, eos ego misericordiā iam adeptos arbitror. Non enim tanta gratia praeuenirentur, nisi maior esset secutura. *In vitis PP.*

ONOPHRIUS in vastissima Ægypti solitudine moranti, & nulli hominum cognito, & consumptis indumentis nudo, cum iam vita excessurus esset, cōtigit, Panutium Abbatem videre, à quo interrogatus, nomen vitamq̃ exposuit, & ipsum à Deo sibi destinatum, à quo postera die sepeliendus esset, dixit. Cum ergo animam (ut prędixerat) exhalasset, vidit eam Panucius ab Angelis in cœlum tolli. Cuius corpusculum suauissimo odore diuinitus perfusum sepelire volens, instrumentum quo terram cauaret nō habuit. Et ecce accurrunt duo leones, telluremq̃ vnguibus scalpentes, fossam hominis capacē fecere. Sicq̃, ipse pallio suo inuolutum, atque ibi depositum, humo quam bestię egresserant, operuit. Eo vix sepulto, cella corruit, & palma, quę iuxta illam stabat, radicitus euulsā procubuit, quasi dedignant aliorum vsui seruire, quę tam exactę sanctitatis viro seruissent. Cuius ergo tam magnifica in terris mors fuit, quā gloriōsa vita est in cœlo? *ibid.*

*Onophrius
Solitarius.*

D. HIERONYMVS moriturus humi se collocari iussit, saccoq̃ quo induebatur operiri. Tum discipulis conuocatis, eos ut in Dei seruitio perseverarent, multum exhortatus est, deinde Sacramentū Corporis & Sanguinis Domini in genua erectus, & lachrymis perfusus, reuerenter hausit. Mox terram pronō ore petens dispensis manibus: Nunc dimittis, inquit, seruum tuum Domine, secundam verbum tuum in pace. Quia viderunt oculi mei salutare tuum. Quod parasti ante faciē omniū populorū. Lumē ad reuelationē gentiū, & gloriā plebis tuę Israël. Posthęc lux multa circa eū fulsit. Quidā etiā Angelos vidisse se testabantur, vocemq̃ audisse illū ad patriam cœlestē inuitantium, & ipsius respondētis, quod libēter cupideq̃ veniret.

*Hieronymus
Presbyter.*

Luc. 2.

Mox

Mox discedente luce, anima quoq; à corpore suo discessit. Exanime corpus diuinum spirare odorem cœpit, omnia vnguenta suauitate vincentem. Eadem hora diuersis in locis visionibus quorundam, ad quantâ ille beatitudinem translatus sit, liquidò patuit. Nos eius humilitatem saltem in moriendo imitemur, quandoquidem tantam in viuêdo sanctitatem assequi indigni sumus. *Euseb. in vit. S. Hier.*

Eusebius Cremonensis.

Etenim Eusebius quoq; Cremonensis eius discipulus, cùm post illum mortè obiret, ijsdem humiliationibus vsus est. Cæterùm qua hora migraturus erat, repentè caput erigens, oculis pauitantibus circumspicere, & quasi in furorem versus clamitare: Non faciam, non faciam, mentiris, mentiris. Deinde ad terram proclius faciem abscondere, intremiscere, ac quantum poterat vociferari, Adiuuate me fratres, adiuuate me, ne peream. Illi verò partim expauidi, partim mœrore concussi rogitabant: Quid habes, pater? quæ hæc te exagitat sollicitudo? quid times? An, inquit, nō videtis dæmonum cateruam, hic in meam perniciem congregatam? Ille qui præ cæteris horrendus apparet, cōpellit me ad blasphemias, hæresumque prauitatem, & tam dirus est, vt contrà tueri non ausim. Tunc fratrum supplicationibus dæmones in fugam versi sunt. Et Beatus Hieronymus apparens, ipsum ne paucet hortatus est. Eius itaque conspectu Eusebius recreatus, in Domino obdormiuit. Nemo ex incompto aliquo deformique decedentium gestu animas eorum iudicet: si vir tam sanctus ita se in morte habuit, vt de illo dubitaret, nisi quod contigerat palâ factū fuisset. *Aug. Epist. 206. c. 3.*

Ambrosius Episcopus.

AMBROSIVS Episcopus, tùm doctrina, tùm sanctitate notus, cùm animâ esset acturus, Communione sacra sumpta, expansis latè brachijs, demissaque ceruice, tacitus intra se orauit, atque hoc gestu actūq; illi decedere libuit, vt talis Domino occurreret, qualis ipse pro nobis pependerit in Cruce. *Paulin. in vita Ambrosii.*

Augustinus Episcopus.

ET ipse inter quatuor Ecclesiæ candelabra numerandus Augustinus, cùm febri correptus vitæ sibi finem imminere conspi-

confpiceret, Psalms, qui Pœnitentiales dicuntur, conscribi, & ante se legendos parieti affigi iussit. Eos dum legeret, lachrymas hubertim fudisse dicitur, neminem ad se accedere passus est, præter Medicum & Discophorū puerū, he varijs multorū interpellationibus ab earū rerū cōtemplatione auocaretur, ad quas perpetuò fruendas iā se profecturū sperabat. Tandē Cōmunionē venerabiliter percipit, spiriū reddidit. Sed prius & hoc memoratur dixisse, neminē (quāuis sanctū & perfectū virū) decedere debere, nisi antē confessus communicatusque fuisset. Nolle enim confiteri, arrogantis esse: nolle cōmunicare, inobedientis. Si autē Augustinus pœnitentiæ preces cum fletu sibi peragendas putauit, quid nos facere oporteat, qui in nullo ad eum cōparandi sumus? Discamus tamen, nunc maxime pœnitēdum dolendūq; esse, cum periculū est, ne dolere incipiamus in æternum. *Possidon. in vit. August. c. 31.*

BENEDICTVS Abbas diem suum postremum præcognouit, & quibus hoc indicauerat, ne cui antequā euenisset dicerent, iniunxit. Sexto autem die ante euentum aperiri tumultum iussit, & febricitare cœpit. Deinde ingravescente morbo, in oratorium delatus, sublati manibus Deo se commendās, inter discipulorum manus expirauit ea ipsa qua prædixerat die. Quidam in visu viderunt viam in sublime tendentem, pāno stratum, multisq; lampadibus quasi stellis fulgentem, & responsum accepere, patri Benedicto, per quam ad cœlum ascenderet, paratam. Qualis, quæso, gloria illa ad quam fruendam pergebat, si talis viam quam calcabat? *Greg. Dial. lib. 2. c. 37.*

*Benedictus
Abbas.*

ODILONI Cluniacensi Abbati cū ægrotaret, diabolus tetra horribiliq; forma propius altitasse ferūt, sed mox ab eo contemptum confusūq; discessisse. Ille ergo, fugato aduersario, confidentius finem suum expectauit. Quem enim terrere diabolus non potuit, ei ne mors quidem timorifuit. *Hugo Cluniac.*

Odilo Abbas.

AD Probum Reatinę vrbis Episcopum, puer qui ægrotanti assidebat, vidit duos viros ingredi candidis vestibus
Nn indutos,

Probus Episc.

indurōs, radiantique facie lucentes, & mente cōsternātus, qui essent, clamare magis quā interrogare cōepit, donec ab Episcopo Probo sedatus, audiuit, illos Iuvenalē & Eleutherium esse, pro Christi nomine olim supplicia necemq; passos. At neq; hoc ferre valens, & cella profiliit, & rē alijs detulit, qui mox vnā cum ipso ad cubiculum accedentes, offenderunt Episcopum iam expirasse, aliumq; ibi adesse neminem. Nec dubitarūt, quin ille cum iisdem, quos puer viderat, ad cālestem beatitudinem possidendam abiisset, dignus utiq; Mātyrum cōsortio, qui vehemētis languoris molestias æquo animo pertulisset. *Greg. Dial. lib. 4. c. 12.*

Stephan. Abb. STEPHANVM quoque Abbatem sanctimoniz singularis virum, ij qui ad ægotantem conueherant, præ timorefugientes reliquere, pars Angelos ad eum intrantes viderant, pars nihil viderant, & omnes vnus idemq; occupauit pauor. Cū sedato timore rediissent, defunctum inuenere quem viuū adhuc dimiserant. Quā putas gloriosi Angelorum cœtus hominis animam excepere, cum eorum aduentum illi etiam, qui non viderant, sustinere nequiverint? *Ibid. cap. 19.*

Antonius Monachus.

ANTONIO Monacho, qui Romę in Gregoriano monasterio vitam pie sancteq; degebat, die quodam dictū est: Paratus esto, & quia Dominus iubet, migra. Qui cū sibi viatica ad migrandum deesse respondisset, audiuit, si de peccatis ambigeret, iam dimissa esse sciret. Multum tamen ille hac de re dubitare cōepit, & sequenti nocte cū se sopori dedisset, eodem oraculo sollicitatus dubitare desijt. Exinde die quinto febris repentino æstuans ardore, animam reddidit exactori eius Deo, tam feliciter, quā libenter. Et quis enim adeo mortis pavidus est, ut inuitus hinc cessisset, dum sic euocaretur? *Ibid. cap. 47.*

Mernus Monachus.

MERULO eiusdem monasterij Monacho, egregia morum sanctitudine prædito, in quiete visum est, coronā candidissimis floribus contextam e cœlo labi, ac super caput suum sisti. Post hæc aduersa valetudine agitatus, cum magna animi alacritate diem obiit extremum. Anno deinde decimo-

decimoquarto Petri Abbas iussu aperto eius sepulchro, incredibilis odoris inde suauitas exhalauit. Qua ex re illud, quod per somniū viderat, verum fuisse cognitum est. Qui tā feliciter mori cupit, debet sicut ille vixit & ipse viuere. Non potest eius mors mala esse, cuius vita bona fuit. *Ibidem.*

N V R S I A Presbyter Vrsinus, cum animā ageret, prorupit in verba salutationis, quasi qui principes viros ad se accedere cōspiceret, & aduentu eorū admodum gauderet. Optato, inquit, aduenistis Domini mei, & gratias ago, q̄ præsētia vestra me dignamini, qui vester seruus sum. Deinde tanquā ab ipsis inuitatus. Venio, venio, respondebat. Tunc quid videret, vel quocum loqueretur, ab ijs qui aderant interrogatus: Nunquid, ait, non conspicitis hic Petrum & Paulum Apostolos, qui modò huc intrarunt? Et cū rursus ad illos conuersus iam iam se venire diceret, relicto corpore abiit. Hoc ferè ijs contingit, qui piè castèq; vixere; vt decessuri Sanctos videant, ne in morte mortis æternæ pericula formident, & dum tali spectaculo consolantur, vltimę anxietudinis dolorem nō sentiant. *Ibid. c. 11.*

S I C & Seruulus paralyticus (de quo sep̄ locuti sumus) cū extremos iam anhelitus duceret, & quo modo poterat, vnā cum ijs quos circa se cōnuocauerat, Psalms concineret: mox, Tacete, tacete, inquit; nunquid non auditis, quanti & quā dulces cantus resonant in cœlo? & dum intentos in cœlū oculos tacitus teneret, vita elapsus est. Corpus verò donec sepulturæ mandatum est, miro odore fragrauit. O felicem optandumq; exitum, quem sperare beatitudinis duo certissima signa commendarunt, in cœlo, Angelorū melos; in terra, suauitas odoris. *Ibid. c. 14.*

B E A T V S Martinus Turonēsis Episcopus, obitū suum multò antè prædixit, quo iam proximo, mala valetudine grauiter affici cœpit. Tunc discipulis flentibus: Nec mori, inquit, timeo, quia pij Domini seruus sum; nec viuere recusō, si vobis adhuc necessarius sum. Languens autem & morbo tantum non consumptus, cubabat in cilicio & cinere, neq; alio in stratu Christianū mori oportere aiebat.

Nū 2

Sublati9

Sublatis in cœlum manibus indefinēter precabatur. Diabolum vidit, sed cū expirasset, cum Angelis abiit, quorū cantus in sublime volantiū quidā sentire meruerunt. Tam ergo gloriosè ad immortalitatem ascēdit, quā humiliter mortalitatem finiuit. *Seuer. Sulp. circa finem.*

*Cudbertus
Episcopus.*

CUDBERTVS (vt Beda scribit) primò Monachus, deinde Episcopus, obitum suum in proximo futurum, sibi diuinitus prænuntiatum, Herberto Presbytero, quē charissimum habebat, indicauit. Et ille ne in morte quidem amicum deferere cupiens, obsecrare cœpit, vt se quoque ea in re comitem assumeret. Tunc Episcopus Deum aliquandiu precatus: Herberte, inquit, Dominus noster te voti tui compotem facit, proinde præpara te, mecum vnā discessurus. Itaque anno post, quamuis locorum interuallo diuersi manerent, cū die qua prædictū erat, decessissent, iunctis tamē spiritibus cœlum simul petiēre. Grandis charitas, cōmori amico desiderantis: sed maior felicitas quod desiderauerat impetrantis. *Beda Hist. lib. 4 c. 29.*

Liberalis.

LIBERALEM quoque, qui Altini genitus, Taruisij sepultus honoratur, orasse perhibent vitæ huius finem, & se exauditum Angelo nuntiante didicisse. Posthæc vicinas inuississe Ecclesias, & in ea quę Sancti Laurétij est, Deo animam reddidisse. Quid misera mortalitas longioris ætatis annos expetis? Tædet Sanctos diu viuere, dum ad vitam, quæ in Deo est, proficisci festinant.

Beda Presbyt.

Venerabilis Beda Presbyter Domino reuelante præcognouit, die tandē quinquagesimo se à corporis vinculis exoluendum. Itaque festo Dominicæ Ascensionis, dum in Ecclesia cum cæteris vespertas celebraret, nulla ægritudine affectus, atque etiam stans in hemicyclo, cubitusque innixus, finitis vespersis expirauit, mirabilisq; odoris fragrantia subsequuta est, vt planè quo die in cœlum Christus ascenderat, eodem & seruum Christi, relicto in terra corpore, ascendisse nemo dubitaret.

Cassius Episc.

CASSIVS quoque Narniensis Episcopus, per visum cuiusdam Presbyteri accepit, se natalitio Petri & Pauli Aposto-

Apostolorum die, de terris migraturum, & anno tandem septimo, die quo prædictū fuerat, cū Missale Sacrificiū peregrisset, mortuus est, atque inde viuere nunquam moriturus cœpit. Nolle autem mortis tempus meruit, quia omni tempore mori paratus fuit, quotidie & Deo sacram offerens hostiam, & multam pauperibus eleemosynam. *Greg. Dial. lib. 4. c. 56.*

PAVLINI etiam Nolani Episcopi, vt vita, ita vitæ exitus *Paulinus Episcopus.* mirabilis fuit. Cubiculum in quo æger iacebat, ipso expirante intremuit, & eos qui aderant, repentinò pauore obstupefecit. Si viri sanctitatē consideres, ideo in morte eius concussū pauimentum dices, vt beatorum spirituum multitudinem ad suscipiendum defuncti animam eò conuenisse testaretur. Dignus quippe tali tunc comitatu fuit, qui dum viueret, omnia quæ habere poterat, indigentibus dabat, & cū res defecissent, seipsum dedit, vicaria seruitute redimens viduæ filium. Merito nunc cum Angelis gaudet, qui sic homines dilexit. *Ibid. lib. 3. c. 1.*

GERMANVS Parisiensis Episcopus supra lectulum *Germanus Episcopus.* suum inscripserat, Quinto Cal. Iunias. Nemo inscriptionis causam nolle potuit, donec eodem qui notatus fuerat die, ipsum vita defungi contigit. Quid hoc est, nisi quia digni sunt diem transitus sui nō ignorare, qui semper parati sunt transire? *Fortunat. & Sur. Tom 3.*

NAM & Amator Antisiodorensis Episcopus, qui etiam *Amator Episcopus.* in Matrimonio Virginitatem seruare potuit, vltimū diem imminere sibi præsciuit. Et cū ad Ecclesiam perrexisset, sermonem quæ ad populum habuisset, in solio suo sedens animam efflauit. Quam sub columbæ effigie in sublime volantem quidā cōspexere, vt eo visu & puritas Virginitatis, & meritum patefceret sanctitatis. *In vita S. Germani.*

DONATVM Presbyterū apud Aureliā Galliarū urbē fecerūt, cū dies dormitionis eius instaret, nunquā preces intermisisse, donec animā exhalaret. Deprecatio enim misericordiam impetrat, gratiamq; cōciliat, vt vitæ huius finis illius vitæ initium sit, quæ fine caret. *Hist. Trip. lib. 9. c. 46.*

Ius Presbyter.

IONEM quoque Presbyterum tradunt diem, qua mortē obiturus erat, prædixisse, ac ne cū ægrotaret quidem, consuetæ abstinentiæ modum remississe. Postremò Corpori & Sanguini Domini communicatum, die nocteq; intentis in imaginē Crucifixi oculis, orādo perseverasse, & altero illucescente die spiritum reddidisse. Igitur dū passi Domini supplicia insatiabiliter considerat, dum ipsum obsecrare non cessat, resurgentis gloriam hora ipsa qua resurrexisset dicitur, vidit, & à dextris Patris sedentem iam sine fine beatus conspexit. *Sur. Tom. 3.*

Homobonus.

HOMOBONUS Cremonensis multa sanctitate clarus, dum Missales Ceremonias genibus prouolutus audiret, expirauit. Nemo eum non viuere putabat, donec dum Euangelium legeretur, eodem gestu perseverantem, neque se ut solebat, in pedes erigentem, viderunt. O felicem viri exitum, cuius beatitudinem locus, tempus, gestus testati sunt. Adde etiam defuncti miracula, eo quod ægroti, & à spiritibus vexati, cū ad tumultum eius adducti essent, conualuere. *In ipsius Histor.*

Franciscus.

PATREM Franciscum legimus nudā se super nudam humum deponi fecisse, cū diem expectaret supremum, fratribusque benedixisse, & Dominico exemplo singulis buccellam panis dedisse, sumpto demum salutis viatico, vita decessisse. Sic ergo nudus, sic ad terram vsque humiliatus, coelestibus abundauit diuitijs, & supra ecceles exaltatus est, illicque ipsi Seraph inseparabiliter iunctus, cuius olim stigmata in corpore suo portarat. *Bonauent. c. 13.*

Dominicus.

PATER Dominicus ultimo vitæ die, ne intestatus obiret, hæc se fratribus suis legare dixit, charitatem, humilitatem, voluntariam paupertatem. O beatum virum, qui cū hinc decederet, nihil habuit quod suis relinqueret præter exempla virtutum, quarū qui hæres fuerit, coelestis quoque regni hæres erit. *Garz o.*

Antonius Patani.

ANTONIO Hispano, cuius corpus Patani in veneratione est, cū aduersa valetudine oppressus iaceret, Christus apparuit, cuius cōspectu lætus, atque intimis exultans præcor.

præcordijs, Hymnum illum, cuius initium est: O gloriosa Domina, Excelsa super sydera, voce qua potuit, decantauit, simulq; Hymnum & vitam hanc finiuit, illam vitâ feliciter inchoans, quæ finem non habet. *Antonini Hist. p. 3.*

IAM tandem & regibus bene moriendi exemplū aliquod proponamus, quādo ne illos quidē immodicæ opes ditiaque regna à morte redimunt, sed potius ad mortem, dum ab alijs cōcupiscuntur, impellunt. Quintus Ludouicus Gallorum Rex, cū ingentibus copijs ad recuperandam Ierosolymam profectus, parteque iam regionis illius occupata, febris morbo interceptus esset, nequinit præstare quod promiserat. Dum autem ægrotaret, non in fericis, sed in cinere iacere voluit, & extēsis ad instar Crucifixi manibus, animam efflauit. Sic humiliatus regnum deseruit terrenum, & cum Christo regnare coepit in coelō. Sic deuotus dum infimam Ierusalem capere nititur, possedit supernam. Sic denique magnanimus caduca cōtemnens, ad illa quæ æterna sunt, perpetuò fruenda conscēdit. *Iudic. Clithou.*

Quintus Ludouicus rex.

Iam sicut viri à viris, ita foemine à foeminis mori discāt, *Femina.* vt vitæ nunquā morituræ præmia & ipsæ consequi possint.

MARIA Magdalena Domini Iesu Apostola, cū diem dormitionis suæ iam proximum præsciūssēt, nolens quidem absq; Eucharistiæ Sacramento decedere, à Maximino Episcopo illud accepit, & ante Altare humiliter prostrata spiritū tradidit. Corpusculū odore perquā suauī fragrauit: anima ab Angelis in coelum sublata, pro laboribus quos in terra sustinuerat, perpetuæ quietis felicitate gaude re coepit, & quæ quondā lachrymis lauerat pedes Domini, nunc in conspectu eius exultat sine fine. *Iacob. de Vorag.*

Maria Magdalena.

MARTHA deinde soror illius, reuelato sibi vitæ fine, annum febris ignibus æstauit. Cū autē decessura esset, lampades accendi iussit, & astantibus vt vigilarent iniunxit. Noctē propē media ventus irruens luminaria extinxit, demones apparuerunt. Sed cū illa orasset, soror è coelo delapsa, affuit, malignos spiritus in fugam vertit, ipsam

Martia Virgo.

consolata est, lucernas accendit. Tunc & Christus ei præsto fuit, & ut secum veniret, hortatus est. Ipsa igitur tam optato itineri se accingens, efferri se sub diuo fecit, cineréque conspergi, & Crucem sanctam iuxta apponi, atq; Euangelium Dominicæ Passionis à Luca descriptum legi. Postremò in manus Domini spiritum suum commendâs, obijt. Itaq; non minus cum ad Christum proficisceretur, sollicita erat, quàm olim cum ei ministraret, nisi quòd magis gauderet æternitatis hospitio, quàm temporalitatis. *Ibidem.*

Maria Aegyptiaca.

MARIA Aegyptiacæ vasta in eremo degenti, & ferarum tantum sociæ, ne in fine vitæ sine salutari viatico decederet, Zozimas Abbas occurrit. Qui dato ei Trinitatis pane, cum postea defunctam reperisset, reperit simul in pulvere scriptum: Sepeli, Zozima, Mariæ corpus, & terram terra tege, ac pro me ora. Tunc leo ad cauandam sepulturam operam præstitit, Zozimas ad cadauer condendum. Sic ergo & deserti bestię, deserti habitatoribus inferuiunt, & in solitudine Christum quærentibus, neque sacra deest Communio cum oportet, neque sepultura. *In vitis PP.*

Amata Abbatissa.

AMATA in Thebaidis Monasterio Abbatissæ Colonatus Martyr apparuisse dicitur, & ut proximo Dominico die ad Ecclesiam suam coenatum veniret, eam inuitasse. Ipsa igitur, quæ iam per annos quadraginta limen monasterij transgressa nunquam fuerat, tunc primum ut Martyri morem gereret, exijt, & coenulam quam secum tulerat in Ecclesia eius peregit. Inde reuersa, sororibus propediem ex hac vita se migraturam, prædixit. Ac post biduum nulla corporis infirmitate lacescita, ubi se veluti sepeliendam composuisset, expirauit. O omni melle dulcior coena, Mannaque suauior, cui celestis conuiuij nunquam defuturæ dapes tam feliciter succelsere. *Ruff. in vitis PP.*

Salaberga Abbatissa.

SALABERGA quoq; apud Lugdunum Abbatissa, cum diem clausura esset extremum, iocundissima visione ne mortem timeret, roboratur. Vidit enim se ad locum immensi frigoris adductam, & in eo præteritum multiplici florum pictura decoratum, mirabilique odorum suauitate fragrans, & id sibi

& id sibi præparatum audiuit. Dormienti quoque, zona qua cingebatur soluta, nec usquam comparens, ipsam à corpore soluendam portendit. Nam & vox audita est, quæ diceret, die tandem centesima hoc euenturum. Dehinc sancta & prudens foemina, ut veniens Dominus vigilantem inueniret, Psalmos legere non cessauit, nisi cum etiam viuere cessasset, ea quidem visione confidentior facta, sed non & segnior. Neque enim tale quid apparet, ut certiore præmij expectatione piæ operationis ardor in nobis languescat, sed ut accendatur. *Apud Sur.*

GALLA CHRISTO dicata, in monasterio quod a *Galla Roman.* pud ædem Petri Apostoli Romæ situm erat, dum cancri morbum in mamilla patiens iaceret, duo candelabra ante lectulum eius ex monastico fortasse instituto accensa, per noctem lucebant, inter illa medius idem Apostolus ipsi apparuit, cuius repentino conspectu læta magis quam perterrita, interrogauit, essent ne delicta sua sibi dimissa? & cum dimissa esse accepisset, ab eodem euocata, ut iam ex hac vita ad meliorem migraret: Rogo, inquit, ut soror Benedicta mecum veniat, & responsum accepit, alteram nunc secum venturam: Benedictam autem die postea trigesimo ipsas secuturam. Abijt visio, atque illa excitis ad le sororibus, quod viderat, enarrauit. Inde die tertio cum illa, quam Apostolus prædixerat, simul oppetijt. Die deinde trigesimo Benedicta quoque moriens, oraculum impleuit. O verè omnes benedictæ, quæ sic euocantur, ut nullius culpræ conscientia eas terrere possit. *Gregor. Dialog. lib. 4. c. 13.*

In eadem vrbe Romula Redemptæ religiosæ foeminae *Romula Virg.* discipula, Christo fideliter seruiebat. Sed dum debilitatis paralyfi membris langueret, Redemptæque & altera discipula iacenti assiderent, subita lux in cubiculo refulsit, & assidentium oculos pariter mentemque perstrinxit. Mox etiam intrantis turbæ strepitum audierunt, sed neminem viderunt. Excessit lumen, & secuta est odoris grata suauitas, quæ pauore quoque ex luce illa tumultuque conceptum leriret. Sub hæc Romula ipsa, Nolite timere, inquit, non melior modo,

Nu 5 Pollea

Postea verò die quarto, cùm sacram Communionem accepisset, pro foribus cellulæ eius psallentiù chori auditi, & illa corporis vinculis expedita, cū eisdē coelū petijt. Quis dicere queat, quā illi iocūda mors erat, quæ moriēdo supernæ felicitatis tantā prægustabat dulcedinem? *Ibid. c. 15.*

Trasilla Virgo

TRASILLA Beati Doctoris ac Pontificis Gregorij amitæ in visis Sanctus Felix Pontifex apparuit, qui sedē illi ostendens multa luce renitentē: Veni, inquit, te enim hæc sedes manet. Postero die Trasilla febri implicita egrotavit. Iamq; in ipsius morbi accessione vehementer anxietatur, cū Christum vidit, atque ad eos qui aderant: Faceffite hinc, ait, abite, ecce Dominus Iesus venit. Itaque ad eum quē videbat toto animi affectu anhelās, expiravit. Odoris insecuta suavitatis fidē fecit, verē ibi affuisse Iesum, & illam unā cum ipso abiisse. Sed neq; mortem timere potuit, quæ ante mortem mortis destructorem vidit. *Ibid. c. 16.*

Musa Virgo.

MUSA tenella adhuc, & nondum adultæ ætatis Virgo, Virginem Deiparam cum multarum Virginum glorioso comitatu ad se venisse conspexit, & admonita est, ne quid ultra puellari morē leuiter siue incōsideratē ageret, die trigesimo inter ipsas quas videbat Virgines, ab eadem coeli Regina feliciter admittenda. His visis vitam mutauit, quin toque & vigesimo die in febrim incidit, trigesimo verò eandem Beatā Virginē cernens, dicere cœpit: Venio, Domina mea, venio, & in hæc verba de corporis carcere exijt. Quomodo hāc vllam mortis molestiam sensisse rear, quæ se non mori, sed venire dixit? Aut quare non foelicissimam putē, quæ de seculi huius miseria in consortiū Dei Genitricis Mariæ recepta, gaudijs perfrui cœpit æternis? *Ibid. c. 17.*

Elizabetha Vidua.

Quid de Elizabetha illa dicam? quæ longē felicior fuit, quòd Regis cœlestis ancilla eisset, quā terreni filia. Hæc ex febri iacens, cū ad parietem se vertisset, apiculæ fortē aduolantis tinnulo cantu admodum delectata, quasi iam Angelos in cœlo, quo mox itura erat, cōcinentes audiret, & ipsa Deo laudes voce ob languorem tenui pressaq; succinere cœpit. Latā mortem expectabat, iugiter orabat, &
cū

cum prope se dæmonem vidisset, vt protinus recederet, iussit. Eo fugato, Christum vidit, à quo ad coeleste thalamū inuitata mox ire perrexit, & tunc exanime corpusculū diuinum spirauit odorem, quia in odorem vnguentorum Christi dum viueret, ecurrit. *Conrad. Concioni.*

Exhortatio.

A d istorum igitur exemplum, quos modò commemorauimus, nos componentes, tunc præcipuè cum à corpore secedendum est, humilitatem seruemus, poenitentia agamus, precibus instemus, fidè, spem, charitatè nullo modo in nobis labascere patiamur. Quia ex fide uiuit iustus. &:

Roma. 1.

Prouerb. 29.

1. Iohan. 4.

Qui sperat in Domino, subleuabitur. &: Qui manet in charitate, in Deo manet, & Deus in eo. Ad hæc Sacerdoti, cui ligandi soluendique indulta est potestas, confiteamur delicta nostra. Tum demū peccatorum vinculis expediti, submissius quàm possumus accedamus ad Mensam Domini, & salutarè cibum ore sumentes, cordis hospitio suscipiamus Iesum. Hic est enim Panis verus, qui de coelo de-

Iohan. 6.

scendit, & dat vitā mundo. Si quis ex ipso manducauerit, non morietur, sed uiuet in æternum. Et quoniam maxime cum vitæ finis instat, leo ille rugiens modis omnibus am-

1. Petr. 5.

bit nos, vt deuoret: si apertè se ostenderit, faciliè contemnitur. Sin autem occultè dolis contenderit, solerti animi circumspectione opus erit, vt deprehèdatur. Nam (vt alibi diximus) Angelum lucis interdum malignus assimilat, & callidis inductionibus fidem primū euertere nititur, vt subruto fundamento, destruat in nobis ædificium virtutū.

Galat. 3.

Idcirco Apostolus: Licet nos, inquit, aut Angelus de coelo euangelizet vobis, præterquàm quod euangelizauimus vobis, anathema sit. Quamcunque igitur versipellis bestia formam induerit, in quamcunque speciem se verterit, siue Angeli, siue hominis, siue Sancti, siue etiam Christi: in hoc profectò agnosci poterit, si dicto factōve aliquo ab orthodoxæ fidei veritate per erroris anfractus abducere nos incipiet, si ab humilitate ad inanem gloriam fidei laudationibus erigere tentabit, si veniæ spem terrore iustitiæ opprimere conabitur, si denique mentem nostram terrenarum fragi-

fragilibiumq; rerum recordatione ab earum cogitatu, quæ
 coelestes & æternæ sunt, auocare atque auertere molietur.
 Tu igitur, qui ex fructibus malis malam arboré iam nosse
 poteris, ubi patuerint infidiæ, protinus exclama: Discedite
 à me maligni, & ego scrutabor mandata Dei mei. Tum
 demum ad Saluatorem mente, ore oculisque conuersus,
 illum contemplare, illum ora, illi te committe, totumque
 trade, & dic: In manus tuas, Domine, commédo spiritum
 meum. In ijs verbis frigescentia deficiant labia, & palpi-
 tantis pectoris interrupti anhelitus finiantur. In his desi-
 nant laboriosa suspiria, ipseque nouissimus exhaustus vi-
 talitatis conticescat singultus. Felix illa anima, & plus
 quàm dici queat beata, cui supremum vitæ huius diem sic
 tandem claudere contigerit.

De Purgatorio.

Cap. XI.

AD minores culpas post obitum expiâdas ignem Pur-
 gatorium, sicuti ad maiores perpetuò plectêdas, æter-
 num, & quem gehennam nuncupamus, à Deo consti-
 tutum esse credimus. Idque puto per Malachiam Prophe-
 tam significatum, ubi de Domino loquens, ait: Ipse enim
 quasi ignis conflans, & quasi herba fullonum, & sedebit
 conflans & emundans argentum, & purgabit filios Leui,
 & colabit eos quasi aurum & quasi argentum. De hoc &
 ipse Dominus in Euangelio: Omnis, inquit, igne salietur,
 & omnis victima sale salietur, quasi diceret: Sicuti caro sa-
 litur, ut corruptibili humore exiccato dierum multorum
 vsui apta sit: ita qui purgatorio igne salitus fuerit, aptus
 erit vsui vitæ æternæ. Nisi enim ad purum excocti fuerimus,
 nunquàm summæ illi puritati Deo iungi adhærereque po-
 terimus. Neque enim Apostolis ipsis licuit partem habere
 cum Iesu, nisi pedes lauare sibi permisissent. Et qui mûdus
 est, inquit, non indiget nisi ut pedes lauet: ut scilicet mun-
 ditiem eius augeat etiam illarum sordium deterfio, quibus
 nemo

Psal. 118.

Psal. 30.

Malach. 3.

Marc. 9.

Iohan. 13.

nemo, dum in huius vitæ via est, carere potest. Sic & agricola ille Euangelicus palmitem quamvis foecundū purgat *Ioh. 15.* & excolit, vt adhuc foecundior sit, & fructus plus reddat. Ita ignis iste bonos purgando vrendoque efficit meliores. Nemo quippe tam bonus est, vt nulla in illo mali labes residua sit. Quis enim sine peccato, si septies in die cadat iustus? Esse verò ignem, qui fideles animas vrendo purificet, ex Domini verbis colligitur, dicentis: Quicumque dixerit verbum contra Filium hominis, remitteretur ei. Qui *Proverb. 24.* autem dixerit contra Spiritum sanctum, non remittetur ei, neque in hoc seculo, neque in futuro. Qui grauissimum crimen in futuro seculo irremissibile dixit, nonne debet intelligi, leuiora ibidem remitti posse? Quod si nullū illic remitteretur peccatum, de hoc quoque quod non remittatur, simpliciter absoluteque dixisset, neque secula distinxisset. Distinxit autem, quia sciebat esse quasdam in homine maculas peccatorum, quæ si in præsentī seculo conuenienti castigatione penitus dilutæ non fuerint, dilui debeant in futuro: vtrique in carcere illo, de quo non exitur, donec redditus fuerit nouissimus quadrans qui debetur: non in illo, in quo neque soluendi debiti facultas vlla est, neque exeundi potestas. Huic quidem sententiæ etiam Apostolus assipulatur, dicens: Vniuscuiusque opus quale fuerit, ignis *1. Corinth. 3.* probabit. Si cuius opus arserit, detrimentum patietur: ipse autem saluus erit, sic tamen quasi per ignem. Quis est iste, quæso, cuius opus ardet, & detrimentum patitur, & tamen ipse saluus erit per ignem? Non ille, qui supra fidei fundamentum imponit aurum, argentum, lapides pretiosos, id est, meras defecatasque virtutes: non etiam qui ferrum, æs, plumbū, hoc est, delicta grauiora. quis ergo? quis, nisi qui superextruit ligna, foenum, stipulam? quæ quidem leuia tantò leuiora fiunt, quantò magis exuruntur. Et si *Ad. tant. hæ. heretici.* secus res se habet, dicat assertionis nostræ calumniatores, vbi illos collocabunt, qui statim vt conuersi confessique fuerint, vita decedunt? Damnari non merentur, quia doluerunt se peccasse: absolui non debent, quia nondum iusto dolore

dolore satisfecerūt. Neque enim implere illis per mortem licuit, quod à Sacerdote poenæ nomine iniunctum fuerat. Quia ergo iustitiæ ratio exigit, vt nullum prorsus crimen relinqueretur impunitum: profectò necesse est, vt aliquis alicubi existat poenarum locus, in quo puniantur ij, qui ad æterna supplicia delegandi non sunt, sed potius temporalibus purgandi, vt expurgati eo demum regno digni euadant, in quod nihil intrabit coinquiatū, & in quo intrātes gaudeant & dicant: Probasti nos Deus, igne nos examinasti, sicut examinatur argentum. Transiimus per ignem & aquam, & eduxisti nos in refrigerium. Veritas ista ne in obscuro latēret, quorundam defunctorum manifestis apparitionibus illustrata est, perspicaciusque patet, quā vt argumentis ad se probandam indigeat. Ne qua igitur huius rei in cuiuspiam animo residere possit ambiguitas, ea nunc miracula in medium proferre operæpretium erit.

*Apocal. 11.
Psalm. 55.*

*Tres viri per
beatum Hiero-
nymum à mor-
te resuscitati.*

*Hec antiqua
hæresis, nunc
rursus renata
est.*

IN ea Epistola, quam Cyrillus Ierosolymitanus Episcopus de signis D. Hieronymi post obitum factis ad Augustinum scribit, legimus per id tempus hæresim quandam insurrexisse, quæ diceret, defunctorum animas nec beatitudinem, nec poenā sentire, donec communis Resurrectionis die suis iungantur corporibus, hoc cum ipsis vnā messuræ, quod simul seminarunt: Purgatorium quoque post mortem nullum esse. Cumque falsitatis huius pestifera malignitas inualescere cœpisset, iamque altius multorum animis hæreret, quā vt verbis euelli posset, Hieronymus Eusebio apparens, iussit saccum suum, quo pro indumento usus fuerat, trium virorum cadaueribus (qui ea nocte obierāt) imponi, vt vitæ redditi doceant, quanto errore tenerentur, qui talia assererent. Resuscitari ergo, coram omnibus, qui ad Ecclesiam, vt hoc miraculum viderent, magno cœtu conuenerant, confitebantur, & beatorū præsentē gloriam, & damnatorum poenā, & eorum qui minus plenè poenitentiam peregissent, purgamentum. Per quæ omnia, vt vixis testari pollent, à Beato Hieronymo se circumductos, & sic ad vitā redire iussos affirmabāt, rursus die vigesimo vnā

vnâ cum Eusebio eius discipulo decessuros, & cū eodem (si modò æqualem interim delictis poenitentiam egerint) vitæ æternæ præmia consecuturos. Itaque tanto tamque euidenti miraculo explosa & exhibita Hæreticorum sententia est, atque illi qui pauloantè subuersi fuerant, statim resipiscētes, Catholicam amplexi sunt fidem: cū præsertim eos, qui à morte surrexerant, poenarū recordatione indefinenter atque inconsolabiliter flere, lamentariq; viderent, ac tandem qua prædixerant die, Eusebio moriēte, & ipsos iterum mori, vt etiā eiusce rei euentu magis constaret, quàm vera essent ea quæ per illos dicta fuerant.

Inter Epist. Aug. Epist. 206. c. 2.

Adhæc Elias quidâ in deserto Ægypti Solitarius, multæ *Elias Eremita* sanctitudinis vir, & quondam Beato Hieronymo familiariter vsus, in quiete vidit (sicuti idem Cyrillus testatur) animam cuiusdam Episcopi Anconitani, cū ante Diuinæ Maiestatis Tribunal sisteretur, ob vitæ luxum atq; delicias ad æternam poenam destinari, animam verò Theodosij Senatoris, quòd Beatum Hieronymū magno semper honore coluisset, ad Purgatorij tormenta deducendam decerni. Cumque diem signasset, quo ista viderat, comperit eodem ipsos ambos fuisse vitæ defunctos, & credidit vera esse quæ sibi per somnium apparuerāt. Ex hoc præterea liquet, quantū expediat coelestis regni ciues persanctè venerari, cū sæpè cōtingat, vt ipsis opitulantibus ij, qui ad infèrnū corruissent, infernum Purgatorio commutēt, & de futura beatitudine consequenda certi fiant. *Ibid. c. 24.*

Hi autem eò facilius maturiusq; purgari possunt, quò magis viuorum precibus, ieiunijs, eleemosynis, peregrinationibus iuuantur. Pascasius Apostolicæ Curie Diaconus, pietate erga Deū & homines præstans (vt à Gregorio *Pascasius Diaconus.* traditum est) nisi quòd contra Symmachum iam omnium suffragijs Maximo Pontificatu dignum iudicatum, pertinacius quàm fas erat, pro Laurentio, quem ipse digniorem censuerat, stetit. Cū itaque hanc culpam post mortē lueret, à Germano Capnano Episcopo in Angulanis thermis opera

1. Iohan. 5.

opera serui fungens inuētus est. Qui Germanus vt causam didicit, abiit, & per dies aliquot pro illo supplicationes fecit, sicuti ipse rogauerat, atque eodem rediens, liberatum onere illo cognouit, quem iam ibi nō comparere animaduertit. Hoc est illud quod Iohannes Apostolus pręcipit, dicens: Qui scit fratrem suum peccare peccatum non ad mortem, petat, & dabitur ei vita peccanti nō ad mortem. Greg. Dial. lib. 4. c. 46.

PRESBYTER quidam Centumcellis, cū ad balnea lauatum venisset, & homini qui ibi sæpè iam illi operam lauandi gratuitam pręstiterat, panes aliquot muneri obtulisset: accepit, ipsum eis non indigere. Loci enim illius olim dominum fuisse, & post mortem ibidem angustari noxę cuiusdam expiandę causa, piaculiq̃ue soluendi, veruntamen multum profore ei, si ipse panem consecratum Deo offerendo pro illō oret. Quamobrem Presbyter sacrā Hostiam obtulit, Deum precatus est, ad balnea redijt, sed non inuento homine, à poena liberatum intellexit. Agnus igitur, qui immolatus abstulit peccata mundi, & eorū peccata, qui in Purgatorio sunt, si pro illis offeratur, aufert, ita vt multò citi⁹ à debito soluatur, quàm soluerētur. *Ibi. c. 55.*

Iustus

Monachus.

Hoc idem sequenti quoque exemplo astruere possumus. Dum enim Beatus Gregorius Pōtifex (vt ipse in Dialogo suo refert) Abbatis adhuc munus obiret: quidā inter Monachos nomine Iustus grauiter ægrotans, & iam morti proximus fratri suo seculari Copioso indicauit sibi tres aureos nummos esse, quod nemo alius nossset. Cū tamen ea res percrebruisset, Abbas indignans iussit, ne quis Monachorum Iustum monasticę legis violatorem adire, neue cum eo vllum miscere verbum pręsumeret. Id ille per ipsum, qui sibi assistebat, Copiosum fratrem resciscens, considerauit secum quantum ea re flagitij commisisset, & vt par erat, magis doluit, quòd Deo peccauerat, quàm quòd ab hominibus deprehensus esset. Vbi autem vita elapsus est, corpus eius in sterquilinio sepelierūt, cum aureis illis quos reliquerat, dicentes: Pecunia tua tecum sit in perditionem.

Aster. 3.

ditionem. Hoc clarè, ad reliquorum terrorem actum illud occultè, vt scilicet Pretiosus monasterij Przpositus per dies triginta quotidie pro iniustitia Iusti offerret Dominicum Sacrificium. Postea tandem Iustus Copioso noctu apparens: Hactenus, inquit, in tormentis fui, nunc demum sacra Communionem percepta, ab ijs me expeditum certò scias. Nemo prater Abbatem nouerat, pro quo Pretiosus quotidie rem diuinā faceret, sed vbi visio Copiosi vulgata est, & ipsi palàm fecère, eum iam trigessimum diem esse Sacrificiorum pro Iusto actorum, proptereaque illum à Purgatorio erutum cœloque illatum. O quanta hæc Missalis Hostiæ virtus, & prater hanc quàm prudens pijsimi Abbatis erga suos cura? Sic delinquentem puniuit, vt & ipsi prodesset ad salutem, & cæteris ad exemplum. *Ibid.*

ODILONI Abbati Cluniacensi Vgo, qui vitam eius *Odilo Abbas* conscripsit, diuinitus reuelatum tradit, supplicationes pro defunctis die proximo post Festum omnium Sanctorum ab Ecclesia fieri oportere. Idque ipse primus obseruauit, deinde obseruandū vniuersa recepit Ecclesia. Et quisquàm tam temerariæ perfidiæ est, vt negare audeat, esse post mortem expiationi locum? *Sur. Tom. 1.*

Decimus Benedictus Pontifex Maximus cùm mortem *Benedict. Papa* obijisset, Iohanni Portuensi Episcopo apparens, confessus est se Odilonis Abbatis precibus ab æternæ mortis periculo seruatum. Se autem ideo tunc ei apparuisse, vt ipse eundem Abbatem rogatum iret, ne sibi in flammis Purgatorii ardenti subtraheret auxilium, quod ferre adhuc in corpori viuenti cōsueuerat. Hoc nuntio sibi allato Abbas, & ipse suppliciter pro illo orauit, & omnibus qui cum ipso erant Monachis, vt itidē facerent, iniunxit. Haud ita multo post Benedictus totus lucidus ac refulgens apparuit Eldeberto Monacho, seq; à Purgatorio ad beatitudinem translatus dixit, Odilone ac Monachis pro se deprecantibus. Deinde & ipsi Odiloni sub eadem forma se ostendens, gratias egit, cò quòd tam grande beneficium per eum potissimè accepisset. Non frustra igitur pro fidelibus defunctis

orat Ecclesia, non incassum solennem pro eis instituit supplicationem, illatutaq; Sacrificia. Quam quidē rem nequam faceret, si nullū esset post mortem Purgatorium.

Judas Machabæus.

2. Mach. 12.

Hoc etiam ante Euāgelium sub Lege factitatum esse, Machabæorum historia testatur, de Judæ Israëlitum duobus erga eos pietate, qui in bello desiderati fuerant, sic loquens: Fortissimus Judas facta collatione, duodecim milia drachmas argenti misit Ierosolimam, offerri pro peccatis mortuorum Sacrificium, bene & religiose de Resurrectione cogitās. Nisi enim eos qui ceciderant, resurrecturos speraret, superfluum videretur & vānum, orare pro mortuis: Et quia considerabat, quod ij, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis orare, ut à peccatis solvantur. Sic soluti vox illa in Psalmo ad Deum est: Misericordia tua magna est super me, & eruisi animam meam ex inferno inferiori.

Psal. 83.

Ecclesi. 7.

Ibid. 38.

Præter hæc etiam in Ecclesiastico quod scriptum est: Mortuo non prohibeas gratiam. Quis mortuo prohibet gratiam, nisi qui illum in Purgatorio pœnas luētem, cum iuvare possit, negligit? Tale est & illud eiusdem libri præceptis insertum: In requie mortui requiescere fac memoriam eius. Quæ alia memoriz in requie, hoc est, in morte mortui potest requiescere, nisi quæ officio constat pietatis? id est, quando ij qui supersunt, pro eo qui defunctus est orant, ieiunant, & in paupere Christum pascunt? Alia verò quavis memoria non requiescit super mortuum, sed potius in ventos dilapsa evanescit. Quid enim conferunt animæ, vel dum effertur funus, ardentes carei: vel dum conditur cadaver, dealbata sepulchra? Viuorum ista solatia sunt, non suffragia mortuorum.

Quam magna Purgatorij pœna.
Gregor. Papa.

Quam graves autem quamq; acerbæ Purgatorij pœnæ sint, illo celebri Gregorij Pontificis exemplo satis constat: Quoniam (ut aiunt) cum sibi in pœnam piæ cuiusdam temeritatis, vel potius temerariæ pietatis, quod pro Traiano orauerat, optio per Angelum à Deo offerretur; maluit hic omnibus

omnibus diebus vitæ suæ, vario ac multiplici languorum genere affici, quàm per biduum in Purgatorio cruciari.

In vita Gregor. lib. 2. cap. 44.

H V I V S cruciatus gravitatem non mediocrè, sed pro- *Ratio*
pè maximam esse, etiam ratione argumentisq; probari
posse videtur. Quippe exuto corpore quod aggruat, pu-
rior fit in anima intellectus. Vnde in Psalmo dicitur: Ani- *Psalm. 138.*
ma mea cognoscet nimis. Quantò autem quis Deum ma-
gis intelligit, tantò magis appetit. Hic verò appetitus ex
certitudine quoq; spei capit passionis incrementum. Audi-
us enim bonum illud quisq; appetere solet, quod se mi-
nus dubitat affecuturum, ideoq; ex dilatione rei magis ap-
petita, magis animo torquetur. Hinc est illud Prophetæ. *Psalm. 83.*
Concupiscit & deficit anima mea in atria Domini.

D O L E T præterea qui in Purgatorio est, quòd dum vi- *Ratio.*
ueret, non hic potius voluntaria poenæ exactione pro rea-
tu satisfecerit, cum multo leuiore cruciatu id effici potuif-
set. Etenim debitum quod sponte redditur, pluris æstimat
Deus, quàm quod ab inuito iustè extorquetur. In hoc ob-
servatio æquitatis est, in illo remissionis meritum, ut pau-
ca etiam libenter soluenti, multa condonentur. His igitur *Ignis.*
intimis animæ angoribus extrinsecos adde, ardorem utiq;
illum, quo omnis delictorum scoria ita penitus excoqui
debet, ut ad nihilum redigatur, & nulla prorsus culpæ no-
ta, nullum vitij vestigium in anima, quod non deletum ab-
sterfumq; fuerit, relinquatur.

C A T E R V M tametsi poena hæc vehementissima sit, in *Consolatio eo-*
eo tamen consolatur qui patitur, quòd iam de adipiscenda *rum qui pur-*
immortalitatis gloria nihil dubitat, nec si posset, ad vitam *gantur.*
hanc redire vellet, malens illic torqueri cum certi tanti bo-
ni consequendi expectatione, quàm hic delicijs affluere cū
periculo amittendi. Quod quidem bonum qui peccan-
do amittit, supplicijs mancipatur æternis, ut non solum
nō beatus sit, sed etiam infelicissimus ac suprà quàm quis-
quam dicere potest, miser. Is ergo qui in Purgatorio affli-
gitur, afflictiones suas gaudio quandoq; futuro compēsat.

Flammis quidem torretur, desiderioque afficitur, sed videt hâc omnes inquietudines, omnemque laborem ad illum finem indeclinabiliter tendere, in quo sempiternæ quietis initium est, & inter acerrimos dolores quos tolerat, contentatur ipsa dolorum conditione. Ac veluti lucri avidus negotiator, qui naui merces vehit, ventorum turbinem sustinet; procellarumque & aëris intemperie tolerat, fluctibus iactatur, sentinæ foetore torquetur, nausea contabescit, & commotis intestinis, algenteque stomacho, ipsa penè viscera euomit & eructat, & tamé grandem facturum quæstum, omnia turbulentæ navigationis fastidia æquo animo fert: sic se habet qui Purgatorio igne carpitur. præsentem enim poenas futuræ beatitudinis lucro sustentat, & supplicia patiêdo gaudet magis quàm tristatur, seq, ipsum erigens: Quare, inquit, tristis es anima mea? & quare conturbas me? Spera in Deo, quoniam adhuc confitebor illi: Salutare vultus mei, & Deus meus. Et ad Dominum conuersus deprecatur: Educ de custodia animam meam ad confitendû nomini tuo: me expectât iusti, donec retribuas mihi. Nobis ergo in primis enitendum erit, vt hîc potius quæque etiam minima expurgemus pietatis officijs, corporisque labore, ne vel biduum illud, quod sanctissimus Pontifex tantopere exhorruisse dicitur, in Purgatorio peragamus. Deinde si hoc difficile factu videtur, salté caueamus, ne illis poenis obnoxij simus, quarum nullus finis est, nulla requies, nullum leuamen, quas denique cogitare, nedum pati, poena est.

Psal. 41.

Psal. 141.

LIBER SEXTVS.

De Signis vltimi Iudicij.

Caput I.

MVLTO



Mox maxima cum sollicitudine hoc caue-
bimus, si pensitauerimus diuini illius
Iudicij terrores, omniumque formidabi-
lium magis expauescendum diem. Igitur
cum plurimum nobis ea res conducatur,
peropportunum videtur, ut hoc ultimo
volumine de ipso ultimo Domini Iudicio pertractemus.
Et primum de signis quæ præcessura sunt, deinde de Anti-
christo, de Christo, de regno Christi, de damnatorum poenæ,
de iustorum gloria, & si qua alia interim occurrent non ab
ijs aliena, neque memoratu indigna.

SIGNA ergo quæ antè euentura prædicantur, & quæ
multi aliqua ex parte iam euenisse affirmant, horro-
ris & iræ
plena sunt: & si talia signa, quale, quæso, illud & quàm ter-
ribile, quod per ea fuerit significatū? Audituri estis (inquit *Matth. 14.*
Dominus) prælia & opiniones præliorum. Videte ne tur-
bemini. Oportet enim hæc fieri: sed nondum statim finis.
Magnum quippe rerum apparatus multò antè fama nun-
tiare solet, quàm ipse se prodat. Prius itaq; prælia audienda
sunt, postea etiam videnda. Cum autem supremus iam
aduentare dies cœperit, tunc & bella magis sæuiunt, ma-
laque malis cumulabuntur. Consurget, inquit, gens in gen-
tem, & regnū in regnum: neque id satis. Erunt pestilentia
& fames, & terræmotus per loca, & terrores de coelo.
Hæc autem omnia initia sunt dolorum. Quomodo, Dñe,
initia dolorum, & non dolores, vbi tot ac tanta mala? vbi
hominum odia, opum rapinæ, vrbium excidia, liberorum
seruitus, sanguinis sitis, cædes mutua? Vbi statim perimēs
morbus, repente multas domus vastans lues, & super ter-
ram putrescentia humana cadauera, deficientibus qui ea
sepeliant? Vbi etiam illos qui gladio, qui pestilentia super-
erunt, torquebit esuries, inedia consumet? Vbi postremò
& coelum supra verticem fulgurans, & terra sub pedibus
tremens, miserorum corda nouo metu concutient, ita ut
hæc iam se dehiscere velle videbitur, ut viuos deglutiat;

O o 3

illud

DE SIGNIS VLTIMI IUDICII.

illud ruere, vt opprimat & elidat. Terra sanè omnia ista & terrifica nimis, & tamè penè nihil ad ea quę secutura sunt. Pleraque enim talia iam & ante nos, & nostra ætate contingere. Nouimus Italiam intestino bello sæpè afflictam, peregrino vastatā. Audiuius Hispaniam, Galliā, Germaniam, Britannia, inter se frequenter cōcurrissē, Pannonios quoque cum vicinis gentibus cruenta bella assiduè gerere. Scimus Bythiniam, Asiam, Syriam, Græciā, Macedoniam, Mysiam, plurimas denique Christianorum Prouincias à Barbaris nationibus, aut vi, aut deditione occupatas. Non ignoramus pestilentia crebrò in populos famemq; sēuisse. Ad hæc cometas in cœlo crine sanguineo lugubre minantes, facessq; & holidas, & ignitas trabes longo admodum tractu, sed celerrimo aëra transuolantes, & multa id genus ostēta interdū apparuisse. Terrę quoq; vibratione magnas ædificiorū moles funditus conuulsas procubuisse. At verò de hac, quam futuram expectamus, ærumna dicitur: Erit tunc tribulatio magna, qualis nō fuit ab initio mundi vsq; modò, nec fiet. Et nisi, inquit, breuiati fuissent dies illi, non fieret salua omnis caro, sed propter electos breuiabuntur dies illi. Hic ergo dolores, hic gemitus, hic meræ iam angustia, illic initia tantum dolorū. Quāuis enim graue malum, si vn̄i isti compares, aut leue, aut pullum putabis.

Sed iam audi quale hoc malum: quantoque reliquis omnibus plus habeat infelicitatis, diligenter tecum perpende. Et multi, inquit, Pseudoprophetae surgent, & seducent multos. Miserum est, ferro, pestilentia, fame perire; sed multò miserior infidelitatis errore, & alicuius hæreseos prauitate à veritatis Religione deficere. Et quia hic quidem maius periculū, idcirco Saluator noster haud parum nostri sollicitus, præmonet nos & ait: Videte ne quis vos seducat. Multi enim venient in nomine meo, dicentes: Ego sum Christus, & multos seducēt. O misera vtrorumq; cōditio, & qui seducent, & qui seducētur. Felices quidem sibi videbūtur ob delicias voluptatesq;, & rerum omnium copiam, quæ illis satis superq; erunt, & nō animaduertent nec

Matth. 24.

Aduerte diligenter nostrorum temporū miseriam.

Matth. 7.

nec recordabuntur, quòd lata via illa, quam ingredientur, via perditionis sit. Quoniam ergo abundabit iniquitas, & *Matth. 24.* refrigescet charitas multorum, succedētibus vitijs deficiet virtus. Quid autem infelicius, quàm charitatem amittere, sine qua cætera animi bona nihil sunt? Abundabit iniquitas; quæ iniquitas? Illa planè, de qua Apostolus ad Timotheum scribens, ait; Hoc autem scito, quia in nouissimis *2. Timoth. 3.* diebus instabunt tempora periculosa, & erunt homines seipso amantes, cupidi, elati, superbi, blasphemi, parentibus non obediētes, ingrati, scelesti, sine affectione, sine pace, criminales, incontinentes, immites, sine benignitate, proditores, proterui, tumidi, & voluptatum amatores magis quàm Dei, habentes quidem speciem pietatis, virtutem autem eius abnegātes. Et quemadmodum Iannes & Mambres resistērunt Moyse, ita & hi resistent veritati, homines corrupti mente, reprobi circa fidem. Quis locus tunc erit iustis in tam perditorum hominum coetu? Quod consortium pijs cum infidelibus? Quæ bonorum quies esse poterit, vbi improbiſſimi homines terram cælumq; per licentiam conturbabunt? Sed non multum diu feret tantam nequitiam Deus, ideo breuiabit dies, vt innoctibus adsit, & perversitate malorum irritatus, maturabit Iudicium suum, Hinc Osee Propheta vociferatur & clamat: Audite verbū Domini, filij Israël, quia iudicium Domino cū habitatoribus terræ. Non est enim veritas, & nō est misericordia, & nō est scientia Dei in terra. Maledictū, & mendaciū, & homicidiū, & furtum, & adulteriū inūdauerunt, & sanguis sanguinem tetigit. Propter hoc lugebit terra, & infirmabitur omnis qui habitat in ea, in bestia agri, & in volucre celi, sed & pisces maris cōgregabuntur, Hoc ergo propter scelestos, & qui terrenarū rerum cupiditatibus capti, cælestia cōtemplere. Porro propter iustos non solūm dies breuiabuntur, sed etiam ne interim vel hominū improbitate, vel diaboli supplantationibus, euertatur, Enoch & Eliā mittes eis clemens & misericors Dominus. *Enoch et Elias* Et illi quidē alios iā lapsos pijs exhortationib⁹ erigēt,

384 DE ANTICHRISTI PERSECVT.

alios ne labantur cōfirmabunt. Sic quippe de ipsis in Apo-
Apoc. al. 11. calypsi scriptum est: Et dabo duobus testibus meis, & pro-
 phetabunt diebus mille ducentis sexaginta, amicti saccis.
 Hi sunt duæ oliuæ, & duo candelabra lucentia in cōspectu
 Domini terræ stantes, & si quis voluerit eis nocere, ignis
 exiet de ore eorum, & deuorabit inimicos eorū, & si quis
 voluerit eos lædere, sic oportet eum occidi. Hi habent po-
 testatem claudendi coelum, ne pluat diebus Prophetiæ il-
 lorum, & potestatem habent super aquas, conuertēdi eas
 in sanguinem, & percutere terrā omni plaga, quotiescunq;
 voluerint. Per Enoch & Eliā alios quoq; fideles Verbi Dei
 prædicatores intelligimus, qui orbem peragrantes, consu-
 lent credentium salutem, dicente Domino: Et prædicabitur
Matth. 24. hoc Euangelium regni in vniuerso orbe, in testimonium
 omnibus gentibus, & tunc veniet consummatio, id est, se-
Matth. 17. culi finis. Quod autem Elias vêturus sit, etiam in Matthæo
 testatur Dominus, dicens: Elias quidem vêturus est, & re-
 stituet omnia. Quid est, restituet omnia, nisi quia tūc & ipsi
 conuertendi sunt, qui occidentem Legis literam adhuc se-
 quuntur? Sic enim in Malachia legimus: Ecce ego mittam
Malach. 4. vobis Eliam Prophetā, antequam veniat dies Domini ma-
 gnus & horribilis, & cōuertet cor patrum ad filios, & cor
 filiorum ad patres eorum. Tunc igitur & Ieremiæ impletū
Ierem. 33. erit vaticinium dicentis: In diebus illis saluabitur Iuda, &
 Israël habitabit confidenter. Quanto autem tempore du-
 rabit prædicatio hæc, & quibus miraculis proficiet, supe-
 rius expressum est. Posthac verò Antichristi aduersus Ec-
 clesiam furere incipiet persecutio, de qua non sine vehem-
 enti animi dolore nunc nobis restat dicendum.

De Antichristi persecutione.

Caput. II.

TETERRIMA bestiam omni immanitate atrociorē
Ierem. 1. Antichristum, ab aquilonis finibus venturum autu-
 mant, iuxta illud Ieremiæ: Ab Aquilone pandetur
 omne

omne malum super omnes habitatores terræ. A Tribu verò Dan oriturum, ex eo quòd Iacob ad filios prophetante dicitur: Fiat Dan coluber in via, cerasles in semita, mordens vngulas equi, vt cadat ascensor eius retrò. Antichristus enim partim doli veneno, vt coluber, partim potestatis cornu, vt cerasles, eos inuadet, quos per viam veritatis, & semitā iustitiæ ire viderit. Cum itaq; Enoch & Eliæ prædicatio per vniuersum terrarum orbem vulgata fuerit, tūc Satanæ filius prodere se, & aduersus eos inualescere incipiet. Sic enim in Apocalypsi legimus: Et cū finierint testimonium suum, Enoch scilicet & Elias, bestia quæ ascendit de abyssò, faciet aduersus eos bellum, & vincet illos, & occideteos, & corpora eorum iacebunt in plateis ciuitatis magnæ, quæ vocatur spiritualiter, Sodoma & Ægyptus, vbi & Dominus eorū crucifixus est. Iacebunt quippe Catholicorum fidelium corpora in plateis, quoniam pro veritatis religione mori præoptabunt, quā in infidelitate viuere. O gloriosa martyria! iacebitis quidem in plateis, sed habitabitis in cœlo. Pro Christo cadetis, sed cū Christo regnabitis. Sanguis vester super terram effundetur, sed spiritus vester supra cælum requiescet. Pro breui supplicio gloriam capietis æternam. Non vos fraudis laqueis irretire poterit inimicus, quia in Christo credentibus astutia non deerit ad cauendum; non furoris immanitate terrere, quia non timebitis illum, qui tantū corpus potest occidere, sed eum potius, qui corpus & animam potest mittere in gehennam. Quantò terribilior erit hostis, tantò patientia vestra fortior, & gloria insignior, & remuneratio maior. De illo simul ac de vobis per Ieremiam prophetatū: Ecce afflictio egredietur de gente in gentem, & turbo magnus egredietur à summitatibus terræ, & erunt interfecti Domini in die illa à summo terræ vsque ad summum eius, nō plangentur, & non colligentur, & non sepelientur, in sterquilinio super faciem terræ iacebunt. Diuina enim permissione fiet, vt diabolus contra Ecclesiam sæuendi potestatem accipiat. Oportet ergo illum, quem Christus nunc

*Genes. 49.**Apocal. 11.**Ierem. 25.*

Oo 5

vinctum

*Apoc. 11.**Ibid. 10.**Matth. 24.**Matth. 20.**Daniel. 8.*

vinctum tenet, nouissimo tempore dies aliquot solui ac dimitti. Quod Iohannes in Apocalypsi cernens ac dolens, clamat: Væ terræ ac mari, quia descendit diabolus ad vos habens iram magnâ, sciens quod modicū tempus habet. Et idem rursus ait: Soluetur satanas de carcere suo, & exibit, & seducet gentes, quæ sunt super quatuor angulos terræ, Gog & Magog, & cōgregabit eas in prælium, quorum numerus est sicut arena maris, & ascenderunt super latitudinem terræ, & circumierunt castra Sanctorum & ciuitatem dilectâ. Ciuitas dilecta, vel Ierusalê, vel Ecclesia Dei est. In eam imperiū faciet hic diaboli filius, & illorum multitudine quos decipiet, eos opprimere molietur, quos decipere non poterit. Ad hæc etiam, ô facinus indignum, ista desolationis abominatio in Templum Dei irrumpens, omnia sancta prophanabit, & in medio sedens Deum se & Christum impudenter improbeq; mentietur, mittet malignitatis suæ satellites per provincias & loca qui dicant: Ecce iam venit Christus, Venite ad adorandū illū. Quam futuram fallaciam præsciens Dominus, cauere nos iubet, dum ait: Si quis vobis dixerit: Ecce hic est Christus, aut illic, nolite credere. Si dixerint vobis: Ecce in deserto est, nolite exire: Ecce in penetrabilibus, nolite credere. Cur ita? quia nō talis aduentus Filij Dei erit, qualis filij diaboli. Qualis aduentus filij diaboli? in deserto cum bestiis, in penetrabilibus cum facinorosis turpiq; luxuriæ deditis hominibus. Qualis filij Dei? Sicut fulgur exiens ab Oriente, & apparens vsque in Occidentem, Illius ab aquilone, huius è coelo: illius locorum interuallis latens, huius in aëre omnibus æquè manifestus: illius in tenebris, huius in luce. Hoc plenius postea monstrabimus, nunc interim pessimi omnium tyranni audaciam, arrogantiam, impietatem, astū, vim atque potentiam, vt coepimus, prosequamur.

DANIEL Propheta cū visionem de quorundam regum futuro euentu vidisset, sic demū de Antichristi regno sibi dictum audiuit. Post regum eorum cū creuerint iniquitates, consurget rex impudens facie, & intelligens propositio-

positiones, & roborabitur fortitudo eius, sed nō in viribus suis, & suprà quàm credi potest, vniuersa vastabit, & prosperabitur, & faciet, & interficiet robustos, & populum sanctorum secundum voluntatem suam, & dirigetur dolus in manu eius, & cor suum magnificabit, & in copia rerum occidet plurimos, & contra Principem principum consurget. Quod ait, roborabitur fortitudo eius, futurum signa & prodigia significauit, ita vt in errorem inducatur, si fieri potest, etiam iussi: & hoc nō in viribus suis, sed dæmonis, cuius intligatione agitur ad tantam prorumpet temeritatem, vt sui oblitus Deum se reputabit, & contra Christū consurget, & Ecclesiam vastabit, & superbiæ spiritu inflatus, diuina omnia prophanabit, polluet, cōtemnet, ac tantum satanam illum, cuius consilij opeque nitetur, colet. Nam alibi etiam in Daniele scriptum est: Et faciet iuxta voluntatem suam rex, & eleuabitur & magnificabitur aduersus omnem Deum, & aduersus Deum deorū loquetur magnifica, & dirigetur, donec compleatur iracundia. Tum ne quid impuritatis spurcitiaq; eius desit; Et erit, inquit, in concupiscentijs foeminarū, præterea nec quenquā Deorū curabit, quia aduersum vniuersa consurget, Deum autem Maozim in loco suo venerabitur, & Deum quem ignorauerunt patres eius colet, auro & argento, & lapide pretioso, rebusque pretiosis. Vide hominis dementiam, dæmonio supplicat, dæmoniū veneratur, & se ab hominibus pro Deo vult coli haberiq; Quasi verò non seruus diaboli sit, qui ei ancillatur, sed Dominus & Deus. Rursum idem Propheta impietate eius audaciamq; designans, etiam quā diu regnaturus sit, declarat. Sermones, inquit, contra excessum loquetur, & Sanctos altissimi conteret, & putabit quodd possit mutare tempora & leges, & tradentur in manus eius vsque ad tempus, & tempora, & dimidium temporis, hoc est, vsque ad annos tres cum dimidio. Hanc temporis præscriptionem Apocalypsis aperte indicat, vbi dicitur: Et ciuitatem sanctam, hoc est, Ecclesiam conculcabit mensibus quadraginta duobus. Adhuc quidam opinantur, ipsum

*Matth. 24.**Daniel. 11.**Idem. 7.**Apoc. 11.*

Apoc. 13.

ipsum vt se Deum probet, cùm post tridui latebrâ rursùm apparuerit, mortuum se fuisse, & resurrexisse simulaturû, ex eo quòd in Apocalypsi scribitur: Et vidi vnum de capitibus suis quasi occisum in mortem, & plaga mortis eius curata est. Hinc etiam dicunt, quòd finget se cœlum velle conscendere, atque à malis spiritibus in aëra feretur, eoq; modo plaga mortis eius curabitur, quia scilicet illi quibus illudet, verè mortuum & resuscitatum fuisse credet, quem in cœlum quoque sublimem ire cōspicient. vnde sequitur: Et admirata est vniuersa terra post bestiam, & adorauerūt draconem qui dedit potestatem bestię, & adorauerunt bestiam, dicētes: Quis similis bestię? & quis poterit pugnare cum ea? Sed bene illi qui draconem & bestiam adorant, terra dicūtur. Terrena enim sapient, nescientes quia Christus iam non moritur, & mors illi vltà non dominabitur. Qui verò posthac mori & resurgere simulabit, Christum se esse asserens, non Christus, sed Antichristus erit.

Rom. 6.

Interea verò dum dira agetur persecutio, dum Christianorum passim innoxius effundetur cruor, dum vastans omnia prophanorum rabies debacchabitur, dum denique Conditor omnium Deus ore sacrilego vbique blasphemabitur, indignabuntur elementa, & verso naturæ ordine, Sol obscurabitur, Luna non dabit lumen suum, stellæ cadent, terra quassabitur, commotis mare fluctibus rugiet. Et, proh scelus, tam trepida rerum facies nō commouebit impios, vt ab impietate sua desistant. Erunt signa (inquit

Luce. 21.

Dominus) in Sole, & Luna, & stellis, & in terris pressura gentium præ confusione sonitus maris, & fluctuum, arescentibus hominibus præ timore & expectatione, quæ superuenient vniuerso orbi. Putabunt maligni hanc se pressuram pati, quia nondum satis vlti sunt illos qui Antichristum recipere noluerunt, & ob id magis magisque incruDESCENT, dum cædendo eos arbitrabuntur obsequium se præstare Deo. Ita de errore in errorem prolapsi, grauius postea diuinæ vindictæ ferent supplicium, De signis autem his etiam veteres Prophetæ itidem locuti sunt, non alio afflati

Ioban. 16.

afflati spiritu, quàm illi qui Euàgelia scripsere. Isaias: Stellæ, inquit, cœli & splendor earum non expandent lumen suum, obtenebratus est Sol in ortu suo, & Luna nõ splendet in lumine suo. Ieremias ait: Ipse Deus viuens & rex sempiternus, ab indignatione eius commouebitur terra, & non sustinebunt gentes comminationem eius. Et Ioël Propheta: A facie eius, inquit, contremuit terra, moti sunt cœli, Sol & Luna obtenebrati sunt, & stellæ retraxerunt splendorem suum. Et iterum: Sol cõuertetur in tenebras, & Luna in sanguinem, antequàm veniat dies Domini magnus & horribilis. Hinc iam Satanę artificia deficere, prodigia cessare, vires languescere, animos cõcidere incipiet, & sicut maleficorum Pharaonis virtus in faciendis miraculis per Moysen & Aaron superata succubuit, ita tunc omnis vis diaboli & Antichristi & Pseudoprophetarum indies deperiens contabescet. Etenim post Sanctorum cædem, super omnes repentinus irruet pavor, & ante illos flagitiorum suorum torquebit conscientia, quàm ultio consumet diuina. Ac sicut Ieremias ait: Erit in die illa, dicit Dominus, peribit cor Regis, & cor Principum, & obstupefcent Sacerdotes & Prophetæ consternabuntur.

Posthæc Elias & Enoch ab Antichristo interempti, ex diuina virtute resurgent viui, vt fideles qui residui erunt, in spe Resurrectionis mox futuræ corroborentur. Legitur enim de ipsis in Apocalypsi: Et post dies tres & dimidium spiritus vitæ à Deo intrauit in eos, & steterunt super pedes suos, & timor magnus cecidit super eos, qui viderunt eos, & audierunt vocem magnam de cœlo dicentem eis: Ascendite huc, & ascenderunt in cœlum nube, & viderunt illos inimici eorum, & in illa hora factus est terræmotus magnus, & decima pars ciuitatis cecidit, & occisa sunt in terræmotu nomina hominum septem millia, & reliqui in timorem sunt missi, & dederunt gloriam Deo cœli. Terrentur iniqui qui terruerant, & magna pars ipsorum Ecclesiæ sanctę persecutorum concussis terræmotu ædificijs ruina oppressi sunt, vt Dauidicum illud impleatur: Confundantur, & conuer-

conuertantur retrorsum omnes qui oderunt Sion. Fiant sicut foenum tectorum, quod priusquam euellatur exaruit. Arescent quippe illi partim domorum casu elisi, partim pauore perculsi, qui dudum se tutos putabant, & qui innocentum sanguine manus foedauerant, cadente super eos Ecclesiae lapide, contererentur. Iusti verò videntes tot terribilia in coelo, & in terra, & in mari, fortasse & ipsi expauescunt contremiscent, sed tamen manibus in coelum sublati gloriam Deo dabunt, neque spes eos destituet futuri regni quam semper habuerunt, quem inter tot saeuientes persecutionum procellas integram inuiolatamque seruaerunt, nunquam à fide desciscientes, ut usque, in finem perseuerando salui fierent. Timebunt quidem horrendum Iudicii diem iam instare cernentes. Sed memoria repetet, Dominum sibi in Euangelio dixisse: His autem fieri incipientibus, respicite & leuate capita vestra, quoniam appropinquabit redemptio vestra. Et in Ioële Propheta: Eum qui ab Aquilone est, procul faciam à vobis, & expellam eum in terram inuiam & desertam. Qui ergo adhuc reliqui cum Antichristo erunt, limphatico quodam furore acti, veluti dementes discurrent, ac prae horrore circumspectantes latebram quaerent, & non inuenient, iam liquidò cernentes, ad scelorum suorum vindictam elementa conspirasse, & creaturas pariter omnes contra Creatoris aduersarios iusta indignatione esse commotas. Vnde ad eos Isaias: Vultate, inquit, quia propè est dies Domini, quia vastitas à Domino veniet: propter hoc omnes manus dissoluentur, & omne cor hominis tabescet & conteretur, torsiones & dolores tenebunt, quasi parturiens dolebunt, unusquisque ad proximum suum stupebit, facies combustae vultus eorum. Ecce dies Domini veniet crudelis, & indignationis plenus, & ira furorisque, ad ponendam terram in solitudinem, & peccatores eius coterendos de ea. Et Ieremias ait: Ecce turbo Domini, furor egrediens & procella ruens in capite impiorum conquiescet; non auertet iram indignationis Dominus, donec faciat & compleat cogitationem cordis sui:

in no-

Luce. 21.

Ioël. 2.

Isaiæ. 13.

Ierem. 30.

in nouissimo dierum intelligetis ea. Eadem illis obnuntiās
 Ioël Propheta, ait: Clamate ad Dominum, a, a, a, diei, quia *Ioël. 1.*
 propè est dies Domini, & quasi vastitas à potente veniet.

De die Iudicij incerta.

Cap. III.

DE die autem illo vel hora nemo scit, neque Angeli
 in coelo, neque Filius, nisi Pater. Sic in Marco le- *Marc. 13.*
 gimus. Quod si rectè interpretari voluerimus, dice-
 mus: Ideo Pater scit, quia communicat filio. Ideo Filius
 nescit, quia nemini reuelat. Non autè putemus aliquid la-
 tère Filiū quod nouit Pater, aut quicquā minus esse in Filio
 quàm in Patre, ne in Arrij vel Eunonij hæresim erroremq;
 incidamus, qui Filiū Patris negant esse æqualem. Scit ergo
 Iudicij & diem & horā ille qui iudicaturus est, sicut & ille
 qui omne iudiciū dedit Filio, & qui cū Filio vnū sunt. Sed
 ob hoc nos diem hunc ignorare voluit, vt semper verētes
 ne fortè is crastin⁹ sit, quotidie occurrere illi parati simus.
 Itaq; etiā post Resurrectionē suam de ipso die interrogāti-
 bus Discipulis respōdit: Nō est vestrū nosse tempora vel *Act. 1.*
 momenta, quæ pater posuit in sua potestate. Hinc & Apo-
 stolus ad Thessalonicenses scribens, ait: De tēporibus autē *1. Thess. 5.*
 & momentis, fratres, non indigemus vt scribamus vobis.
 Ipsi enim diligenter scitis, quia dies Domini sicut fur in
 nocte ita veniet. Cū enim dixerint: Pax & securitas: tūc
 repentinus eis superueniet interitus, sicut dolor in vtero
 habentis, & non effugient. Et vt ostenderet qui sunt, quos
 repentinē veniens opprimit: Vos autem fratres, inquit, non
 estis in tenebris, vt vos dies ille tanquā fur comprehendat.
 Omnes enim vos filij lucis estis, & filij diei. Vtique qui in
 luce sunt, inuigilāt virtutibus: qui autē in tenebris, in vitia
 impingunt, & mentis oculis capti, furē venientem videre
 nequeūt. His igitur tanquā fur veniet ipse tremēdi Iudicij
 dies, quoniam imparatos offendet. Quamobrem diluui-
 o illum comparans Dominus: Sicut in diebus Noë, inquit,
 ita erit

Matth. 24.

ita erit aduentus Filij hominis. Sicut enim in diebus ante diluuium comedentes & bibentes, nubentes & nuptui tradentes, vsq; ad eum diem quo intrauit Noë in Arcam, & non cognouerunt, donec venit diluuium, & tulit omnes: ita erit & aduentus Filij hominis. O miseri & sibi-met infensi, qui tanto periculo se expositos agnoscunt, & tamé tanquàm nullū sit, negligunt. Comedant, bibāt quātū possunt, gulæ ventriq; indulgeant, nubāt, nubantur, aut etiā (vt faciunt) illicitis libidinibus incumbant; nūquā tantum haurire poterunt voluptatis, vt non pro eo omnes mundi labores, omnes misérias in vita pertulisse mallent, cū ad eas peruenerint misérias; quarum finis nullus est. Et si tam nequiter viuant, tempus quo iudicandi sint nescientes, fortasse cras aut perendie futurū: quātò nequius uiuerent, si ad multorum annorū spatium id prorogatum scirent? Vtiliter ergo diem hunc, de quo loquimur, occultum nobis esse Dominus voluit. Diceret enim quispiam, hinc ad annos quinquaginta iudicandus sum: cur non interim otio delicijsque me oblectem; iocis, risibus, lusibus non vacem, gaudijs præsentibus nō fruam; si tantum temporis ad poenitendum mihi restat? Itaque dum vitæ spatia secum cōputaret, cupidinibus frena permetteret. Quā-obrem hunc secūdi Aduentus Domini diem ne Prophetæ quidem definire potuerunt, cū cetera omnia definissent.

Zach. 14. Et erit, inquit Zacharias, dies vna, quæ nota est Domino: addens, quæ nota est Domino, significauit, alijs notam non esse.

Daniel. 12. Danieli quoque de hoc quærenti responsum est: Vide Daniel, quia clausi sunt signatiq; sermones vsque ad præfinitum tempus. Cæterum quamuis ignoretur quando præfinitum sit, longè tamen esse non potest. Nam in Apocalypsi scriptum est: Ecce venio citò, & merces mea mecū, reddere vnicuique secundum opera sua. Et ante Apocalypsim Isaias: Vlulate, inquit, quia propè est dies Domini, quia vastitas à Domino veniet. Et iterum: Hæc dicit Dominus: Custodite iudicium & facite iustitiam, quia iuxta est salus mea vt veniat, & iustitia mea vt reueletur. Ioël quoque

Zach. 14.

Daniel. 12.

Apoc. 22.

Isaie. 13.

Idem. 5.

quoque Propheta ait : Conturbentur omnes habitatores terre, quia venit dies Domini, quia propè est dies tenebrarum & caliginis. Idem & Sophonias affirmat, dicès : Iuxtà est dies Domini magnus, iuxtà est velox nimis. Ante hos etiam Abdias Propheta dixit : Iuxtà est dies Domini super omnes gentes. Et hunc quidem cōstat prophetare cōpisse anno quinto Iosaphat regis Iuda, & quarto Achab regis Israël. Ex quo ad hanc vsq; diem qua ista scribimus, computantur duo millia quadringenti triginta septem anni. Quòd si tam multò nobis propior factus sit iudicij dies, quàm illis fuerat, qui tot antè seculis proximū vicinūq; denuntiarent; certè nos eundem iam ad ianuam, iam in limine esse, & dicere, & credere possumus. Verùm ne incerta pro certis asserere videamur, concedamus quòd non ita propè sit dies ista, quia mille anni in cōspectu Domini, tanquàm dies vna: dum tamen nō negetur quandoq; vètura, illam euitare nullo modo possumus; aut viuētibus sese offeret, aut resurgentibus. Quid ergo refert, si antè moriamur, quàm Iudicium fiat, cūm quandocunq; futurum est, tales ante Iudicem sistendi simus, quales hinc decedimus? Igitur si mille vel plures adhuc anni restāt, vt omniū extremus ille numeretur dies tunc vnicuiq; nostrū adesse putāndus est, cum obimus. Alioquin nō ad eos pertineret, quib⁹ iā ante mille quadringentos sexaginta sex annos dictū est: Videte, vigilate, & orate. nescitis enim quādo tēpus sit. Et rursū : Nescitis quādo Dominus domus veniat, serò, an media nocte, an galli-cantu, an manè: ne cū veniat repētè, inueniat vos dormiētes. Et ne ad illos tantū dictū suspicaremur, adiunxit: Quod vobis dico, omnibus dico, vigilate, hoc est, omnibus, & qui tunc erant, & qui nunc sunt, & qui postea futuri sunt. Omnibus quippe vigilandū est. quia Stat sua cuiq; dies, breue & irreparabile tempus Omnibus est vitæ. Si breue: cur sic viuimus, tanquàm longissimū sit? Si irreparabile; cur ætatē otio conterimus, tanquàm ea ignauiter transacta, repuerascere liceat? & nō eò concedere necesse sit, vbi & omnis labor irritus est, &

Pp

omnis

394 DE DIE IVDICII INCERTA.

- Apo. 16.* omnis dolor perennis? Ecce venio sicut fur, inquit, Dominus. Beatus qui vigilat, & custodit vestimenta sua, ne nudus ambulet, & videant turpitudinem eius. Vestimenta sua custodit, qui gratiā in Baptismo acceptā integram illibatamq; conseruat: qui verò eam vitijs deturpauerit, & sic Sponsi coelestis thalamum intrare præsumpserit, nōne audiet?
- Matth. 22.* Amice, quomodo huc intrasti non habens vestem nuptialem? nōne ligatis manibus & pedibus, projicietur in tenebras exteriores? Ibi erit fletus & stridor dentium, ibi erit ignis qui nunquam extinguetur, vermis qui nunquam morietur. Illi autem qui vestem hanc, vel sicuti accepit, ita & custodierit impollutam, vel postea maculatam poenitētiæ lachrymis eluere, & antequam dies iste incertus veniat, mundam puramq; reddere curauerit, nōne dicetur? Euge serue bone & fidelis, quia super pauca fuisti fidelis, super multa te constituam: intra in gaudiū Domini tui, gaudium perpetuum, gaudium plenum, gaudium quo maius aut melius, neque desiderari, neque cogitari potest. Profectò si quem talia & ad bene agendum non mouent, & ad male non deterrent, stupidior est terra: nam & ipsa cōtremiscet. Durior est saxis: nam & ea liquefcent. Asperior est montibus: nam & ij sicut cæra fluent. Tumidior est coelo: nam & illud plicabitur vt liber. Adueniet, adueniet dies Domini vt fur, & tanquā laqueus implicabit omnes qui sedent super terram, hoc est, qui terrenarū rerum curis inhærent, vt ad contemplanda coelestia nunquā inde diuertant. Hi humanitatem omnem penitus exuentes, & pecudum amplexi naturam, quocūque appetitus fert, eò vadunt, non quò ratio suadet. Facti sunt sicut equus & mulus, in quibus non est intellectus: cum bestijs & feris habitatio eorum est, & ex hominibus abiecti cum Nabuchodonosor, fœnū vt bos comedunt: vtinā & cum Nabuchodonosor tandem aliquando resipiscerent, atque ad se redirent, oculosq; à terra sublato in coelum erigerent, & non cum Pharaone obdurati, ac semper in omne nefas procliui, præcipientesq; mergerentur in profundū. Nos illis relictis, quoniā & ipsi
- se re-

se reliquerunt, ad diem istum subeundum gnauiter accingamur, quem quidē venturum non dubitamus, sed quādo veniet nescimus. Vt autem ea quoque parte certus sit, quā incertus est, quotidie ipsum expectemus, quoptidie a desse, & ceruicibus imminere cogitemus. Nō poterit imparatos offendere, quem semper erimus parati suscipere. Hæc hactenus: nunc reliqua propositi nostri prosequentes, qualiter iam Domini & Iudicis nostri è coelo aduentus apparere incipiet, contemplemur.

*De apparitione Crucis & Christi, interituq;
Antichristi. Cap. IIII.*

POST QVAM igitur virtutes cœlorū cōmouebuntur: *Matth. 24.*
sicut in Euangelio scriptum est: tunc apparebit signum
Filij hominis in cœlo, & tunc plangent omnes Tribus
terræ. Si virtutes cœlorum tunc commouebuntur, id est,
Angelici spiritus: quantus timor, qualis stupor in pectori-
bus mortaliū erit? Si beati Angelorum chori turbationem
aliquam patientur: quid tunc acturi sunt multorum flagi-
tiorum conscij peccatores? Apparebit Signum Filij homi-
nis, de quo Isaias ait: Cū eleuatū fuerit signum in mon- *Isaie. 18.*
tibus, videbitis, & clangorem tubæ audietis. Et iterum: *Ibid. 20.*
Eleuate signum ad populos, ecce Dominus auditum fecit
in extremis terræ. Hoc illud signum est, quo fideles ipsi
signari iubentur, loquente ad Angelū Domino, sicut Ieze-
chiel Propheta testatus est: Transi per mediam ciuitatem *Iezech. 6.*
in medio Ierusalem, & signa Tau super frontem virorum
gementium & dolentium super cūctis abominationibus,
quæ sunt in medio eius. Signum ergo Filij hominis Crux
sancta est, quam ante aduētum eius in cœlo splendentem *Legant & ad-*
conspiciemus, & nisi multum splēderet, Sole iam obtene- *uertant hæc di-*
brato, conspici non posset. Itaq; luce sua visibilis omnibus *ligenter, qui*
apparebit. Plangent autem omnes Tribus terræ, quoniam *nunc signum*
& ipsi fortasse quos non accusabit conscientia, pauebunt. *Crucis ne in-*
Sed illi præcipue, qui Iesum quidem crucifixum credētes, *tucri quidem*
possunt.

minimè tamen ei obsequentes, carnem suam cum concupiscentijs non crucifixerunt, & illi qui Crucifixum contemptui habentes, de Filio credere noluerunt, Crucisque ignominiam per ludibrium deriserunt, plangent videntes Crucem Domini micare in coelo, quam in terra veluti maledictũ abominati sunt. Et cum maximè venerari debuissent, maximè despicere soliti erant. Plangēt & omnes illi, qui adhuc reliqui cū Antichristo erūt Ecclesiæ sanctæ persecutores, & vnà cum ipso conterriti fugam meditabũtur. Sed peribit fuga à potente. Idcirco repenti pauore cõternati, in faciē suam ad terrā procident, nec ferre conspectũ supra se radiantis Crucis poterunt, cuius adoratores à se pauloantè peremptos recordabuntur.

*Signum Crucis
vexilũ Christi
est, & nũc, &
in Iudicio su-
turo.
Marc. 13.*

O præclarum regis nostri triumphaleq; vexillum! Si eo viso sic formidabunt inimici, quid facient, cum mox & ipsum Dominum cum virtute magna & Maiestate post illud prodeuntem cernere incipient? Et tunc videbunt, inquit, Filium hominis venientem in nubibus cum virtute multa & gloria. Videbũt iniqui, quem videre supplicium illis & mors erit. Iam enim ex timore in stuporẽ versi animis deficient, & tandem Spiritu oris eius percussi, crudeles animas cum diris gemitibus ingentiq; cruciatu exhalabunt. Siquidem dici non potest, quàm horrendus tunc erit impijs vel solus cõspectus Iudicis irati. Egredietur enim Dominus (vt Isaias ait) de loco suo, vt visitet iniquitatẽ habitatoris terræ contra eũ, & reuelabit terra sanguinẽ suum, & non operiet vltrà interfectos suos. Et rursus idẽ: Ecce, inquit, nomen Domini venit de longinquo, ardens furor eius, & gravis ad portandum: labia eius repleta sunt indignatione, & lingua eius quasi ignis deuorans, Spiritus eius veluti torrens inundans vsq; ad medium colli, ad perdendas gentes in nihilum, & frænum erroris quod erat in maxillis populorum. In Apocalypsi quoque legitur: Ecce venit cum nubibus, & videbit eum omnis oculus, & qui eum pupugerunt, & plangent se super eum omnes Tribus terræ: etiã, Amen. Igitur terribili minaciq; facie ad nefandissimum

Isa. 26.

Idem. 30.

Apo. 1.

diffimū illum impostorē bonorumq; interemptorē Anti-
 christū, & impietatis eius ministros cōuersus clamabit, &
 dicet: Dies ultionis meę in corde meo, annus retributionis
 meę venit. Hūc clamorē prauident Ioël Propheta admira- *Isai. 63.*
 tur, & ait; Dominus dedit vocē suā ante faciē exercitus sui, *Ioel. 2.*
 quia multa sunt nimis castra eius, quia fortia & facientia
 verbū eius. Magnus enim dies Domini, & terribilis valdē,
 & quis sustinebit eū? Vox ista gladius ille est, quē Iohannes
 in Apocalypsi vidit ex vtraq; parte acutū procedere de ore *Apoc. 19.*
 fidelis & veracis, vt in ipso percutiat gētes. Et de quo Iob
 ait: Fugite ā faciē gladij, quoniam ultor iniquitatū est gla- *Iob. 19.*
 dius, & scitote esse iudicium. Hoc ergo gladio, id est, hoc
 Spiritu oris sui, Dominus Iesus trāsuerberabit impijssimū
 tyrannum, & eos qui illum secuti fuerint simul delebit, di-
 cente Isaia Propheta; In die illa visitabit Dominus in gla- *Isai. 27.*
 dio suo duro & grandi & forti super Leuiathan serpētem
 veterem, & super Leuiathan serpentem tortuosum, & oc-
 cidet cetum qui in mari est. Hoc neq; Ieremias tacuit, dum
 ait: Dies autem ille Domini Dei exercituum, dies ultionis, *Ierem. 46.*
 vtumat vindictam de inimicis suis, deuorabit gladius, &
 saturabitur, & inebriabitur sanguine eorum. Itaq; quem-
 admodum Sol ortu suo fugat noctē, tenebrasq; dispescit;
 sic apparente iustitię Sole, perfidię nox & erroris tenebrę
 interibunt. Latē iacebit interfectorum strages, & iusti vi-
 debunt vindictam. Id futurum cecinit Isaías, dicens: Et *Isai. 11.*
 percutiet terram virga oris sui, & Spiritu labiorum suorū
 interficiet impiū, & erit iustitia cingulum lumborū eius,
 & fides cinctorium renū eius. Hoc & Apostolus affirmat,
 cum ait: Et tunc reuelabitur ille iniquus, quem Dominus *2. Thess. 2.*
 Iesus interficiet Spiritu oris sui, & destruet illustratione
 aduentus sui. Non ergo armis, non virū vi, non veneno
 perimetur ille nequissimus, sed solo Spiritu oris Domini.
 Et hoc est illud quod Daniel de illo prędicens, ait: Contra *Daniel. 8.*
 principem principum confurget, & sine manu conteretur.
 Etenim qui in humilitate veniens, armatorum manum se-
 quarentem (cū dixisset, Ego sum) retrō ruere in terram

fecit: quomodo idem in Maiestate apparens verbo aut spiritu iræ suæ nō prosternet malignos? Aut quem mitem aut placidum in monte cum Mose & Elia visum Apostoli aspicere nequiuērūt, cū resplenduiſſet: quomodo indignatū aduersarij sustinere poterunt, innumerabilium coelestium spirituum exercitu septū, Sole ipso (cum septemplici luce lucebit) lucidiorē, & iam virtute glorię suæ terram, maria,

Sophon. 1.

coelosq; concutientem? Ambulabunt ergo (vt Sophonias inquit) veluti cæci, quia Domino peccauerunt, & effundetur sanguis eorum sicut humus, & corpora eorum sicut stercora. Sed & argentum eorum non poterit liberare eos in die irę Domini. Quibus ita per Iezchielem minatus est

Iezech. 30.

Dominus, dicēs: Ecce ego super te Gog principem capitis Mosoch & Thubal, & circumagam te, & educam te, & ascendero te faciam de lateribus aquilonis, & adducam te super montes Israël, & percutiam arcum tuum in manu sinistra tua, & sagittas tuas de manu dextera tua deijciam. Super mōtes Israël cades, & omnia agmina tua, & populi qui sunt tecum, feris; auib; omni volatili cœli, & bestijs terrę dedi te ad deuorandum. Per Gog Antichristus intelligitur, quia Gog tectum interpretatur, quę est pars domus superior, & ipse super omnes efferet sese, etiā supra Deum, tanto superbix spiritu inflatus incedet. Mosoch autem & Thubal filij fuere Iaphet, & hoc loco designant illas gētes, quę ab ipsis originem trahentes, cum Antichristo contra Ecclesiam venturę sunt. Sed de earū plaga Zacharias quoque vaticinatur, dicens: Et hæc erit plaga qua percutiet

Zachar. 14.

Dominus omnes gentes, quę pugnaverunt aduersus Ierusalem. Tabescet caro vniuscuiusq; stantis super pedes suos, & oculi eius contabescunt in foraminibus suis, & lingua eorum contabescet in ore suo. De nece verò Antichristi, &

Daniel. 7.

Principum qui eius factionis erunt, Daniel prophetās, ait: Et vidi quoniam interfecta est bestia, & periisset corpus eius & traditum esset ad comburendum, aliarum quoque bestiarum ablata est potestas, & tempora vitę constituta essent eis vsq; ad tempus & tempus. Sicq; Ecclesia sublati

perfe-

persecutoribus conuiescetiam secura, nisi fortè tam gloriosum Sponsi sui aduentum & ipsa stupès timebit, donec ab illo euocata introducatur in cellaria sua, & gaudens dicat: Sub vmbra illius quem desideraueram sedi, & fructus eius dulcis gutturi meo. *Cantic. 2.*

De horrendo Christi ad iudicandum Aduentu, & creaturarum aduersus peccatorem accusatione, & igne quo consumenda sunt omnia.

Caput V.

QUAM enim formidabilis atq; horredus Iudicis Christi Aduetus, cunctis qui tunc in terra erūt, apparebit, sed illis præsertim qui damnandi sunt, quis fando exprimere possit? Quia tamen hoc impensius cōsiderare plurimū expedit, nos vt possumus, adhuc indicare pergemus. Verum ita sit, vt non meis verbis, aut humanæ sapientiæ argumentis quicquam affirmem, ne quis minus credibiliz putet quæ audit: sed diuinarum testimonijs vtat Scripturarum, eaque duntaxat astruam, quæ verissima esse nemo nisi qui errat, dubitat. In Psalmo dicitur: Nubes & caligo in circuitu eius, iustitia & iudicium correctio sedis eius. Ignis ante ipsum præcedet, & inflammabit in circuitu inimicos eius. Alluxerunt fulgura eius orbi terræ: vidit & commota est terra. Montes sicut cera fluxerūt à facie Domini: à facie Domini omnis terra. Ignis ergo sauiet, terra tremet, montes liquefcent. Et quis hominum inter tot terribilia subsistere poterit, nisi cui Dominus manum suam supponet ne cadat? Et si iustus vix saluabitur, impius & peccator vbi apparebunt? In Sapientiæ libro scriptum est: Et accipiet armaturam zelus illius, & armabit creaturam ad vltionem inimicorum. Induet pro thorace iustitiam, & accipiet pro galea iudicium certum. Sumet scutum inexpugnabile, æquitatem: acuet autem diram iram in lanceam, & pugnabit cum illo orbis terrarum contra insensatos. Tot ac talibus armis munito quis resistet? quis à

Psal. 96.

*1. Pet. 4.
Sapient. 3.*

lancea iræ illius satis tutum se putabit? aut quid respondebit is, quæ coram Creatore omnis accusabit creatura? Ait enim: Pugnabit cum illo orbis terrarum contra insensatos. Videamus quomodo pugnabit. Omnia quippe arguēt peccatorē ingratitudinis erga Deum, cum nihil sit vsquā ab eo conditum, ex quo humano generi non accedat aliquid siue gratiæ, siue honoris, siue vtilitatis.

TERRA. Arguet ergo illum terra, & dicet: Domine, fecisti me ad hominis huius vsum, & tuo iussu fructus protuli ei quibus vesceretur. Arbores sub quarum vmbra æstū pluuiæsq; declinaret, Sylvas, ligna, lapides, herbas, odores, flores, succos, vnguenta, linū, byssinum, bombycinum, sericumq; suppeditavi, quibus ei ad varium vitæ commodum opus fuerat. Dedi oues, quarū lana vestitus est: boues, quorum labore fruges comedit: equos, mulos, asinos, camelos, qui ipsum & sarcinas ipsius quod vellet, ferrēt. Dedi omnis generis animalia, quorū lacte, butyro, caseo, carne nutrieretur, & quorū pellibus tectus, frigora ridere posset. Dedi æs, ferrum, plumbum, argentum, electrum, aurum, gemmas. Et ipse pro omnibus his non obediuit tibi.

AQUA. Arguet illum mare, arguent flumina, arguent lacus, & dicent: Nos quoque tuum opus sumus Deus, & te volente piscibus aluimus hominem hunc, & dorso nostro nauigia eius tulimus, potum, salenr, lauacrumque ministrauimus, aquas quibus ab incendio se defenderet, & quibus arescentes agros irrigaret, præstitimus. Corallia, & margaritas, & vniones ad corporis ornatum, formæque decorem, tum etiam conchilia, arenam, algam, spongas, ad multarū rerum necessitatem contulimus, & ipse legem tuam præuaricatus est.

AER. Arguet illū etiā aer, & dicet: Et me, Domine, cōdidisti, vt huic seruirem, teq; iubente respirandi illi potestātē feci, vocis tribui sonū, pluuias & rorem, ventos & aurā, nubes & serenū vtilitatj eius aptavi, mea opera iste percurrit maria, Solis ardores temperauit, arua siccitate pereuntia reparauit. Impendi ei auium genera, vt earum cantu per-
mulceret

mulceret aures, earum plumis mollius quiesceret, earum carnibus dulcius pranderet, & ipse talium immemor tibi seruire contempsit.

Arguet quoq; illū sublimior aëre ignis, ac dicet: Me etiā **IGNIS.** ut huic cōmodarem esse iussisti, Dñe. Mea itaq; opera cūm algeret, calefactus est, cūm in tenebris cęcutiret, illustratus vidit: per me metalla in opus cōflavit ac procudit, per me vasa testacea induravit, vitrea formavit, cæram glaciemq; & quędā duriora in vsum suū liquefecit, petrā ad ferrum in-
nandam murorū structurā in calcem cōvertit, ad linienda nauigia de flagrāti tēda picem liquavit, per me panes co-
xit, cibos confecit, carnes nūc elixas, nūc allas māducauit, sterilescētes glebas, & effœta arua incensis culinis pristinæ
fœcunditati restituit, meo cauterio morbos curauit, meis cineribus ad candificandos poliendosque pannos vsum est. Et cūm tot ex me commoda colligeret, nunquam animum
induxit, ut tibi obtemperando gratiam referret.

Posthæc arguet illum, & aëre & igne excelsius cœlum; **Cælum.** & dicet: Me etiam, æterne Deus, ut hunc iuuarem, desuper extendisti. Solem ei lucere feci per diem, Lunam & stellas per noctem: per me cognouit horas, dies, menses, annos, ver, æstatem, autumnum, brumam: per me distinxit mundi
ætates, ætatumq; secula: per me certorum temporum or-
dinem, rerumq; vices tenuit et obseruauit. At idem do-
norum tuorum oblitus, iussis tuis non paruit, legem tuam implere neglexit.

Postremo et Angeli et Sancti qui cum Christo erunt, **Angeli.** arguent peccatorem. Angelus inquit! Ad custodiā huius hominis, Domine, ego per te missus frequenter eum pro-
texi à periculis, frequenter à dæmonū iniuria tutatus sum. Sed dum in vitia subinde prolabentem tacita cordis ipsius
reprehensione cohiberem, suam sequi voluntatem quā
tuam maluit.

Sancti verò dicent: Multa prædicauimus, multa scripsi- **Sancti.**
mus, multa fecimus, vnde iste plenius apertiusque discere
poterat, quā iter esset ad salutem. Sed omnibus his con-

his contemptis, per abrupta facinorum auersus abiit, nec promissis beatitudinis conuerti potuit, nec æternæ damnationis minis deterreri. Sæpenuerò in memoriam illi reduximus, vt per te ad imaginem Dei factus sit, paulò Angelis minoratus, in Paradiso positus. Vt etiam cùm inde per inobedienciæ crimen eiecтус exularet, tua tandem pietate reuertendi potestatem acceperit, ad patriam multò feliciorẽ, quàm illa fuerit quam amisit. Tu Deus homo factus, ludibria, vincula, sputa, alapas, flagella, spinas, clauos, crucem, fel, acetum, hastam in tuo corpore pertulisti, vt pro hominis peccato hostiam pacificam te offerres Deo Patri. Mori voluisti, vt ipsum viuificares: ad infernum descendisti, vt ipsum super sydera exaltares. Resurrexisti, & in cœlum ascendisti, vt ipsum post te traheres, & beatificares. Dedisti ei carnem tuam in cibum, & Sanguinem tuum in potum, vt vitæ æternæ compotem faceres, atq; in tuum susciperes consortiũ. Et hic quidem tot tantorumq; immemor beneficiorum, non retulit tibi gratiam, sed offensam, cupidinibus deseruiens, & iussu tua paruipendens, bonis fragilibus inhærens, & æterna non multi æstimans. Eat ergo sub terram, qui cœlestibus præponere non dubitauit terrena. Hęc & ijs plura olim exprobrabuntur peccatori. Sicque aduersum iniquos armabitur creatura. Sic orbis terrarum decertabit contra insensatos. Quid facient miseri peccatores, vbi tot aderunt accusatores? vbi omnia contra illos in iudicio stabunt, & pro illis nihil?

Oret'o.
Psal. 50.

Psal. 32.

Ysa. 51.

Peccauimus tibi, Domine, multumq; deliquimus; miserere nostri secundum magnam misericordiam tuam, & secundum multitudinem miserationum tuarum dele iniquitates nostras. Da vt nunc ploremus ingratitudinem nostram, ne tunc confundamur: vt nunc lugeamus, ne tunc semper lugendi causam habeamus. Remitte facinora clementissime Domine, & præsta veniam, quia: Beati quorũ remissæ sunt iniquitates, & quorum tecta sunt peccata. Remitte illa precamur in præsentem, ne imputetur in futuro. Cùm etiam cœli (vt Isaias inquit) sicut fumus liquefcent, & ter-

& terra sicut vestimentum atteretur, & habitatores eius sicut hæc interibunt: Cumque & illa euenient, quæ ipse per Iezechielem minatus est, dicens: In igne ire meæ locutus sum, quia in die illa erit commotio magna super terram *Iezec. 38.* Israël, & commouebuntur à facie mea pisces maris, & volucres coeli, & bestię agri, & omne reptile quod mouetur super humum, cunctique homines qui sunt super faciem terræ, & subuertentur montes, & cadent sepes, & omnis murus corruet in terram: Inter hæc tam expauescēda, esto refugium nostrum, Redemptor noster, ne metu concussis fides titubet, spes deficiat, charitas languescat: commoueantur bestię & homines qui te ignorant, & montes & muri subuertantur, non commoueamur nos, neque subuertamur, neque à te vsquā discedamus, neque vi vlla separemur.

Vtinam (inquit Iſaias) dirumperes cœlos & descenderes, à facie tua montes defluerent, sicut exustio ignis tabescerent, aquæ arderent igni, vt notum fieret nomen tuum inimicis tuis, à facie tua gentes turbarentur, cum feceris mirabilia, non sustinebimus. Desiderat aduentum Iudicis Propheta, quia tunc demum se plenam beatitudinem consecuturum sperat, & tamen non sustinebimus, inquit, vt ostēdat eo die, ne Sanctos quidem sine pauore futuros. Et quis non formidabit videns furere ignem, montes cōteri, valles diuidi, dicente Michea: Ecce Dominus egredietur *Mich. 1.* de loco suo, & descendet, & calcabit super excelsa terræ, & consumentur montes subtus eum, & valles scindētur sicut cæra à facie ignis, sicut aquæ quæ decurrunt in præceps.

Quis non timebit, cum Naum Propheta dicat: Montes *Naum. 1.* commoti sunt ab eo, & colles desolati sunt, & contremuit terra à facie eius, & orbis, & omnes habitates in eo? Ante faciem indignationis eius quis stabit? & quis resisteret in ira furoris eius? Indignatio eius effusa est vt ignis, & petreæ dissolutæ sunt ab eo. Quis denique non cōcidet præ timore, cum Ioël Propheta conqueratur, dicens: Clamate ad Dominum, 2, 2, 2, diei, quia propè est dies Domini, & quasi *Ioel. 1.* vastitas à potente veniet. Et rursum idem: Ad te, Domine, clamabo;

clamabo; quia ignis comedit speciosa deserti, & flamma succendit omnia ligna regionis. Et iterum: Ante faciem eius ignis vorans, & post eum exurens flamma, quasi hortus voluptatis terra coram eo, & post eum solitudo deserti, neque est qui effugiat eum. De hac mundi per ignem vallatione, Sophonias quoque Propheta vaticinatur & ait: In igne zeli eius deuorabitur omnis terra, qui consummationem cum festinatione faciet cunctis habitantibus terram. Hoc idem & Petrus Apostolus testatur, dicēs: Adueniet autem dies Domini ut fur, in quo cæli magno impetu transierint, elementa verò calore soluentur, terra autē & quæ in ipsa sunt opera exurentur. Et rursus: Expectantes, inquit, & properantes in aduentum diei Domini, per quem cæli ardentes soluentur, & elementa ignis ardore tabescent.

Ignis igitur & terribilis flammæ inundatio, summi Iudicis faciem præcurrens, operiet terrarum orbem, excedetque montium cacumina, & contra naturam suam ardebunt aquæ, siccabitur mare, fontes fluminaque deficient, & tanti ardoris torrens veluti diluvium late omnia inuoluet, sed arca, qua aliquis euadere posset, nulla erit: bonos malosque simul fluctus iste igneus absorbebit, sed bonos expiabit, malos verò affliget tantum, & idem ardor alijs erit in salutem, alijs ad poenam, dicente Malachia Propheta: Ecce enim dies veniet succensa quasi caminus, & erunt omnes superbi, & omnes facientes impietatem stipula, & inflammabit eos dies veniens, dicit Dominus exercituum, quæ non derelinquet eis radicem & germen. Et orietur vobis timentibus nomen meum Sol iustitiæ, & sanitas in pennis eius. Id sanè ita erit, quemadmodum etiam nunc videmus aurum in igne purius effici, lapides & ligna corrumpi, & in cinerem redigi. Illo præterea igne terra & cælum immutabuntur, dicente ipso Domino: Cælum & terra transibunt, verba autem mea non præteribunt. Vnde in Psalmo dicitur: Initio tu, Domine, terram fundasti, & opera manuum tuarum sunt cæli. Ipsi peribunt, tu autē permanes, & omnes sicut vestimentum veterascēt. Et sicut opertorium mutabis eos, & muta-

Soph. 1.

1. Pet. 3.

Malach. 4.

Luc. 21.

Psal. 101.

& mutabūtur; tu autem idē ipse es, & anni tui nō deficiēt.
 Et tunc demum terra cultoribus suis vacua relinquetur,
 & ubiq; erit vasta solitudo, nullus prorsus vsquam locorū
 erit, non homo, non iumentum, non pecus, non fera, non
 in mari piscis, non in aëre volucris, non saltem sub terra
 vermis, nullum postremò animal tanto incendio superesse
 poterit. Quod quidem per Sophoniam significauit Domi- *Sophon. 1.*
 nus, dicens: Congregans congregabo omnia à facie terræ,
 congregans hominem & pecus, congregans volatilia coeli
 & pisces maris, & ruinæ impiorum erunt, & disperdā ho-
 mines à facie terræ. Quam rem & Ieremias Propheta in
 spiritu admirans, inquit: Aspxi terrā, & ecce vacua erat & *Ierem. 4.*
 nihil, & coelos; & nō erat lux in eis. Vidi montes, & ecce
 mouebantur, & oēs colles cōturbari sunt; intuitus sum, &
 ecce non erat homo, & omne volatile coeli recessit. Rectē
 ergo ab Apostolo dicitur: Deus noster ignis cōsumens est. *Hebr. 12.*

De Resurrectione mortuorum.

Cap. VI.

POST hāc autē iussu Domini angelica vox intonabit,
 mundum concutiens, & mortuos ab Adam vsque ad *1. Thess. 4.*
 nouissimum hominem omnes veluti è somno excitās.
 Omnes repentē resurgent viui, suis quisq; artibus incor-
 porabitur, & capillus de capite eorū non deficiet. Sic quip-
 pe per os Zachariæ loquitur Dominus & ait: Sibilabo eis,
 & congregabo illos, quia redemi eos. Hoc significauit Ie- *Zachar. 10.*
 remias, cū prophetaret, dicens: Dominus de excelsis ru- *Ierem. 25.*
 giet, & de habitaculo sancto suo dabit vocem suam, rugiēs
 rugiet super decorem suum, ceuleuma quasi calcantium cō-
 cinetur aduersus omnes habitatores terræ, quia Iudicium
 Domini cum gentibus. Dicens, super decorem suū, & ad-
 uersus habitatores terræ, iustos & iniustos complexus est,
 Quia omnes quidem resurgemus, sed non omnes immu- *1. Corin. 15.*
 tabimur. Sic & Ioel Propheta: Dominus, inquit, de Sion *Ioel. 3.*
 rugiet, & de Ierusalem dabit vocem suam, & mouebūtur
 coeli &

- coeli & terra, hoc est, boni & mali simul resurgent. Longè tamen diuersa erit horum illorumque cōditio, teste Apostolo sic inter vtrosque discernente: Ipse Dominus, inquit, in iussu tubæ, & in voce Archāgeli, & in tuba Dei descēdet de coelo, & mortui qui in Christo sunt, resurgent primi, deinde nos qui viuimus, qui relinquimur, simul rapiemur cum illis in nubibus obuiam Christo in aëra, & sic semper cum Domino erimus. Mali ergo in terra quam dilexerunt relinquentur, boni autē cōlū versus in sublimē tollentur, eò quòd illorum conuersatio semper fuerit in cōclis. Quā autē ætate resurrecturi simus, idem declarat, dicēs: Donec occurramus omnes in vnitatē fidei & agnitionis Filij Dei in virum perfectū, in mensurā ætatis plenitudinis Christi. Cæterū eorum quoque qui saluandi erunt, corporibus diuersa inerit claritas. Quāuis enim eiusdem generis semina sint, aliud tamen centesimum fructum reddit aliud sexagesimum, aliud tricesimum. Quā diuersitatē Paulus edisserens, ait: Alia claritas Solis, alia claritas Lunæ, alia claritas stellarum. Inparia quidē merita, sed in omnibus idē Deus. Et quia Deus charitas est, mutu⁹ inter illos amor efficiet, vt beatitudo singulorū beatitudo simul omniū sit.
- Quòd si quis Saducæorum hēresim secutus, negare voluerit futuram Resurrectionem: respondebimus ei quod illis responsum est. Erras nesciens Scripturas, neque virtutem Dei. Si enim Scripturas scires, nosses vtique per Iezechielem, sed non ab Iezechiele dictum: Ecce ego aperiam tumulos vestros, & educam vos de sepulchris vestris, popule meus, & inducā vos in terrā Israël, & scietis quia ego Dominus, cūm aperuero sepulchra vestra, & eduxero vos de tumulis vestris, popule meus, & dederō spiritū meum in vobis, & vixeritis. Nosses & in Daniele scriptum esse: Multi de ijs qui dormiunt in terræ puluere, euigilābūt: alij in vitam æternam, alij in opprobrium, vt videant semper.
- Nec ignores Osee Prophetam idem astruere, cūm dicat: Viuificabit nos, post duos dies, & die tertia suscitabit nos, & viuemus in conspectu eius; sciemus sequemurque, vt.
- cogno-

cognoscamus Dominum. Sicut enim in Adam morimur, *1. Corin. 15.*
ita in Christo, qui die tertia resurrexit, viuemus. Ipse mor-
tis nostrę destructor est, ipse & resurrectio nostra. Vnde per
eundę Prophetam dicit: De manu mortis liberabo eos, de *Osce. 13.*
morte redimā eos. Ero mors tua, ó mors, ero morsus tuus,
inferne. Quę res nequaquam latuit virum iustum Iob, qui
futuram corporū resurrectionem & cōstanter credidit, &
firmiter sperauit, & fideliter cōfessus est: Scio, inquit, quod
Redemptor meus uiuit, & in nouissimo die de terra surre- *Iob. 19.*
cturus sum. Et rursum circumdabor pelle mea, & in carne
mea videbo Deum. Quem visurus sum ego ipse, & oculi
mei conspecturi sunt, & non alius. Reposita est hęc spes
mea in sinu meo. Et ne veterū tātū autoritate hoc nobis
persuasum putes, audi recentiora. Dominus in Euangelio:
Amen amen dico vobis, inquit, quia venit hora & nūc est, *Iohan. 9.*
quando mortui audient vocem Filij Dei: & qui audierint,
viuent. Et paulopōst iterum ait: Venit hora in qua omnes
qui in monumentis sunt, audient vocem Filij Dei. Et pro-
cedent qui bona egerunt in resurrectionem vitę, qui verò
mala egerunt, in resurrectionem iudicij. Et rursum idem:
Hęc est enim voluntas eius qui misit inē patris, vt omne *Idem. 6.*
quod dedit mihi, nō perdam ex eo, sed resuscitem illud in
nouissimo die. Martha fratrem sepultum resurrecturū qui- *Martha.*
dem non diffidebat, sed vix credere poterat, vt iam quatri- *Lazarus.*
duanus reuiuiscere posset antequā resurrectio, quę om-
nibus promissa est, venisset, & respōsum Domini accepit:
Ego sum Resurrectio & Vita, qui credit in me, etiā si mor- *Iohan. 11.*
tuus fuerit, viuet, & omnis qui viuít & credit in me, non
moriatur in æternum. Qui credit ergo, viuet: Incredulus
autem quamuis & ipse resurget & viuet, inter mortuos
tamen non inter viuētes deputabitur, atque (vt apertius
intelligas) neminem non resurrecturum, Iohannes in Apo-
calypsi ait: Et dedit mare mortuos suos qui in eo erant, & *Apo. 20.*
mors & infernus dederunt mortuos suos qui in ipsis erāt,
& iudicatum est de singulis secundū opera ipsorum.
Paulus quoque Apostolus per quem Christus locutus est:

Myſte-

1. Cor. 15. Myſterium; inquit, vobis dico, omnes quidē reſurgemus, ſed non omnes immutabimur; in momento, in iſtu oculi, in nouiſſima tuba. Canet enim tuba, & mortui reſurgent incorrupti, & nōs immutabimur. Oportet enim corruptibile hoc induere incorruptionem, & mortale hoc induere immortalitatem. Poſſem argumētis niti, quibus eam rem non eſſe factū impoſſibilem, atque etiam fieri debere probarem, ſi plus apud me argumenta valerent, quā ſanctarum autoritas Scripturarū, & ſi noſtri nunc propoſiti eſſet, incredulis fidem ſuadere, & nō magis credentes ad virtutem exhortari; apud quos nihil eſt quod Deus æternus facere non poſſit: quippe qui in cœlo & in terra omnia quęcunque voluit fecit, qui dixit & facta ſunt, mandauit & creata ſunt, deniq; per quem omnia facta ſunt, & ſine quo factum eſt nihil. Nos itaque qui Catholicam veritatem plena fide ſequimur; ſic Reſurrectionem futuram mente agitemus, vt prius nobis reſurgere à vitij curæ ſit. Malè illam expectat, qui hanc quę prior eſſe debet, nō peregerit. Beatus autem & ſanctus (vt Iohannes in Apocalypſi ait) qui habet partem in Reſurrectione prima: in eo ſecunda mors non habet poteſtatem. Tales enim cum ſuis corporibus de limo terrę ſeſe ad ſonitum tubę cœleſtis erigentes, atq; in altum ſublati, obuiam ibunt Chriſto, et in parte dextera, hoc eſt, in beatitudine, in quā nihil eſt ſiniſtrum, collocabuntur. Scriptum quippe eſt: Et mittet Dominus Angelos ſuos cum tuba et voce magna, et congregabunt electos eius à quatuor ventis, à ſummis cœlorum vſque ad terminos eorum, hoc eſt, omnes qui vbicunque erunt, ad ſe conuocari iubebit. Quod Propheta etiam præuidēs ait: Deus deorum Dominus locutus eſt, et vocauit terram. A Solis ortu vſq; ad occaſum, ex Sion ſpecies decoris eius. Deus manifeſtè veniet, Deus noſter, et non ſilebit. Poſtea infert: Congregate illi Sanctos eius, qui ordinant Teſtamentum eius ſuper Sacrificia Et annuntiabunt cœli iuſticiam eius, quoniam Deus Iudex eſt.

De Do-

De Domini descensu ad iudicandum viuos & mortuos.

Cap. VII.

Descendens igitur Maiestatis Dominus cum Angelis suis, & cum omnibus Sanctis suis, cōspicius in aëra stabit supra Ierusalem, vt inde homines iudicet, vbi pro hominibus pati voluit. Sed supra illam partem imminet, vnde postquam à mortuis resurrexit, sublatuſ est in coelum, vt locus ille, à quo olim deuicta morte triumphas coelum petijt, rursus e coelo aduenientis gloriā testetur. Quod futurum Zacharias prophetauit, dicens: Et stabunt *Zacha. 14.* pedes eius in die illa super montem Oliuarum, qui est in Ierusalem ad Orientem. Et tunc sedebūt sedes in iudicio, *Psal. 136.* hoc est, Patriarchæ, Prophetæ, Sacerdotes, Apostoli, Discipuli, Martyres, Confessores, Virgines, Viduæ, Coniugata, Sancti, Sanctæque omnes. Tunc implebitur illud: Qui reliquistis omnia, & secuti estis me, cū Filius hominis ad iudicandū venerit, sedebitis & vos super sedes duodecim, iudicantes duodecim Tribus Israël. Inde est quod Paulus ad Corinthios scribens, ait: An nescitis, inquit, quoniam *1. Cor. 6.* Sancti de hoc mundo iudicabunt? nescitis quoniam Angelos iudicabimus? quantò magis secularia? Hinc iam multò terribiliora, quàm quæ hætenus dicta sunt, subsequuntur, & suprâ quàm quis dicēdo exprimere possit horrenda, & signa, & iudicia, & angustia, & dolores. Iam primum sicut Zacharias ait: Scinderetur mons Oliuarum ex media parte sui ad Orientem, & ad Occidentem. Mons iste ideo (vt equidem reor) supererit reliquorum conflagrationi, quò magis terreat scissus, quàm terruisset consumptus. Quid autem innuet scissura tam horribilis & vehemens, nisi discretionem illorum statim futuram, qui iudicandi erunt. Et veniet, inquit, Dominus Deus meus, omnesque Sancti cum eo, & erit in die illa, non lux, sed frigus & gelu. Non enim erit illis lux, quos iam æternæ noctis timor occupabit, in quibus charitatis flamma refriguit, & amoris diuini ardor malitiæ gelu extinctus est. Heu *Quam infelices iniqui*

Qq

in ter-

610 DE DOM. DES. AD IVDI. VI. ET MOR.
 quàm miseri, quàm infelices, quos ista fors manet, qui se
 in terra residere conspicient, cùm alij in aëra ferentur: qui
 se iam ad sinistram compelli cernent, & alios constitui ad
 dexteram: qui se carne liuida, lurida, nigra, & quasi sanie
 taboq; confecta vestitos animaduertent, & alios pulchra
 elegantiq; & iam beatitudinis fulgore luculenta atque
 splendenti, & illos quidem Angelorum cœlestium con-
 sortio copulari: se verò cum apostaticis spiritibus, quibus
 in vita mortali magis quàm Deo obtēperabant, ad inferna
 trudi, ad gehennam mitti, nullo tempore, nullis seculis;
 nullo vnquam die inde egressuros. Caterùm antequam eò
 cōpellantur, tremebundi & eiulantes & plangentes con-
 sistent coram illo tanti horroris, tantæq; Maiestatis Tribu-
 nali. Quo olim admirans Daniel, ait: Aspiciebam donec
 throni positi sunt, & Antiquus dierū sedit, id est, Christus
 Deo Patri cōternus, vestimentum eius candidum quasi
 nix, & capilli capitis eius quasi lana munda, thronus eius
 flammæ ignis, rotæ eius ignis accensus, fluuius igneus ra-
 pidusq; egrediebatur à facie eius, millia millium ministra-
 bant ei, & decies centena millia assistebant ei. Iudicium
 sedit, & libri aperti sunt. Explicabuntur igitur libri præde-
 stinationis, præscientiæq; diuinæ, & Dñs iudicabit orbem
 terræ in æquitate, & populos in veritate sua. Iustū & im-
 pium iudicabit Dominus, ipso per Iezechielem dicente:
 Ecce ego iudico inter pecus & pecus, arietum & hircorū.
 Quemadmodū enim pastor (vt in Euāgelio dicitur) segre-
 gat oues ab hoedis, ita separabuntur iusti ab iniustis. Et ij
 quidem ad sinistram raptim cogentur, quia opera illorum
 sinistra sunt: Illi verò ad dexteram concedent, quia semper
 dexteritas quædam atque agilitas ad bene beateq; viuend-
 um in ipsis effulsit.

Dan. 7.

Psalm. 9.

Iezech. 33.

Matth. 25.

*Locus Iu-
dicij.*

Ioel. 3.

Locus verò iudicandorū ad quē congregabuntur, vallis
 Iosaphat assignatur, dicēte Domino per Ioelē: Cōgregabo
 omnes gētes, & deducā eas in valle Iosaphat, & disceptabo
 cum eis ibi. Et iterum: Consurgant & ascendant gentes in
 valle Iosaphat, quia ibi sedebo, vt iudicē omnes gentes in
 circuitu

circuitu. Sed quoniā vallis illius angustię nō ita multorum hominū capaces sunt; credimus alios in valle, alios circa vallem cōfluxuros, atq; ideo in ea omnes cōgregādos dici, quia super omnes inde iudicij sentētia proferetur. At verō antequā proferetur, antequā (sicut Amos ait) reuelabitur quasi aqua iudicium, & iustitia quasi tōrens fortis peccatores interim illam pręstolantes, intra se grauissimē conflictabuntur, clamabunt, ululabūt, ora lachrymis rigabunt, pugnis pectora plangent, quia deliquerunt ei à quo iudicabuntur. O miserandū spectaculū, & quidē venia dignum, si tūc venię locus esset, cum iudicij erit. Scriptū est autē: Zelus & furor viri. i. Fij hominis, non parceret in die vindictę, nec acquiescet cuiusquā precibus, nec suscipiet pro redēptione dona plurima. Sera enim nimis est poenitentia, cum iā pro delictis paratur poena. Tūc flecte decuit, cū vacabāt iocis: tūc trīstari operępretiū erat, cum irrefrenato animi appetitu voluptatibus indulgebāt, cū denuntiabatur eis: Vx vobis qui nuuc ridetis, quoniam flebitis. Vx ergo illis, quibus nunc veritatis verba pro ludibrio sunt, quoniam tunc quā vera fuerint, damno irrecuperabili experientur. Visito super Orbis mala, inquit per Prophetā Dominus, & cōtra impios impietatem eorum, super hoc coelū turbabo, & mōuebitur terra de loco suo, propter indignationem Domini exercituum, & propter diem irę furoris eius, & erit quasi damula fugiens, & quasi ovis, & non erit qui congreget. Quā hoc vehementer doleret, idem Prophetā ostendit dicens: Propterea repleti sunt lumbi mei dolore, & angustia possedit me, sicut angustia parturientis: corruī cū audirem, conturbatus sum cū viderem, emarcuit cor meum, tenebrę stupefecerunt me. Et si hic alieno malo, quod futurū vidit, sic cōtristatus est; quantus illos afficiet mōeror, quibus tale malum proprium aut peculiare erit? Meditabuntur fugam. Sed idem ubiq; occurreret pauor, nec fugiendo effugere poterunt, nec latendo latere. Vnde in Ieremia scriptū est: Terror vndiq; ait Dominus, non fugiet velox, nec saluari se putet fortis.

Qq 2

Deni-

62 DE DOM. DES. AD IVDI. VI. ET MOR.

Soph. 11.

Denique temporis huius calamitatē designans Sophonias Propheta: luxta est, inquit, dies Domini magnus, iuxta est, & velox nimis: vox diei Domini amara, tribulabitur ibi fortis: dies iræ dies illa, dies tribulationis & angustiz, dies calamitatis & miseriæ, dies tenebrarum & caliginis, dies nebula & turbinis, dies tubæ & clangoris super ciuitates munitas, & super angulos excelsos, hoc est, super potētes & superbos, & tribulabo homines, & ambulabūt vt cæci, quia Domino peccauerunt. Neque enim nisi cæci sunt qui Domino peccant, quoniam dum peccant, nec quantum boni amittant vident, nec quantum mali comparent, perspiciunt.

Mal. 3.

Talibus per Malachiam comminatur Dominus, dicens: Ecce accedam ad vos in iudicio, & ero testis velox maleficis, & adulteris, & periuris, & qui calumniantur mercedem mercenarij, & humiliant viduas & pupillos, & opprimunt peregrinum, nec timuerunt me, dicit Dominus exercituum: ego enim Dominus, & non mitor.

Psal. 49.

Igitur cum iam (vt in Psalmo dicitur) aduocabit Dominus coelum desursum, & terram discernere populum suum:

Mat. 25.

cum paterfamilias peregrè rediens, exiget rationē à seruis de pecunia ipsis olim ad negotiandum tradita, cum etiam de omni verbo otioso ratio reddi iubebitur, cum denique Dominus mittet Angelos suos, & secernent malos de medio iustorum: illos, qui à sinistris erunt, incredibilis (vt dictum est) timor ac moeror exagitabit. Sed & eos qui ad dexteram deducuntur, spes metusq; inuicem sollicitabunt, non tam poenam timentes, quàm ne tanta gloria, quam in Christo vident, indigni sint. Itaque & ipsi de se dubitabūt, donec illam opatissimā pij erga se Iudicis vocem audiēt, quæ continuò illis & metum omnem abiget, & perficiet spem.

Mat. 11.

Audient enim: Venite benedicti Patris mei, possidete paratum vobis regnū à constitutione mundi. O vox omni melle dulcior, omni cibo suauior, omni auro & omni lapide pretioso desiderabilior, omni terreno regno felicior, vox perpetui gaudij, immensæ letitiæ, cœlestis iocunditatis, vox omnia superans desideria, omni voto maior,

Mat. 25.

omni

omni spe plenior. Venite benedicti Patris mei, possidete regnum. Verè benedicti & beati, quibus contigerit vt sic euocetur. Quibus autem operibus tam benigne euocari, tamq; feliciter benedici, ac tanto potiri regno mernerint, declarat, dicēs: Esuriui enim, & dedistis mihi manducare: *Mat. 25.* Sitiui, & dedistis mihi bibere: Hospes eram, & collegistis me: Nudus, & operuistis me: Infirmus, & visitastis me: In carcere eram, & venistis ad me. Tum iussis admiratibus tantæ remunerationis magnitudinem, ac simul quærentibus, quando ea quæ commemorata sunt, ei præstiterint, respódebit: Amen dico vobis, quàm diu fecistis vni de his fratribus meis minimis, mihi fecistis. Christo igitur præstatur, quicquid pauperi Christiano impenditur. Non est *Elemosyna* contemnendus etiam minimus pauper fidelis, quia frater Domini nostri est: non est in necessitate deserendus, ne in illò deferatur Christus. Omni ope qua indiguerit subleuandus est, cùm in eo subleuando tantum lucri sit, quantũ æstimatió non capit humana. Comparantur agri, & edificantur villæ, construuntur vrbes, vt inde annui redditus capiantur, cumulenturque diuitiæ: alij negotiantur, alij manibus laborant, alij militant, alij nauigant, atque alij alijs artibus indulgent, vt pecuniam acquirant. Vis tu omnibus ijs minus fatigari, & plus acquirere? Opera exerce pietatis: modicum est quo pauper indiget, sed immensum est quod largienti comperitur.

De Sententia Christi aduersus impios.

Caput VIII.

Didicisti piæ miserationis præmiũ: disce nunc eorum, qui miseris misereri negligunt, supplicium. Tunc, inquit, dicet & ijs qui à sinistris erunt: Discedite à me maledicti in ignem æternum, qui paratus est diabolo *Mat. 25.* & Angelis eius. Tam plena est indignationis, & iræ, & ærumnarum vox ista, quàm illa superior benignitatis ac munificentiz. Vtrumque infinitum, vtrumq; immensum, & quod illa obtulit, & quod hæc inflixit. De vtraque in

Eccles. 39. Ecclesiastico prædictum est: Benedictio illius quasi fluitus inundabit; & quo modo cataclysmus aridum inebriavit, sic ita ipsius gentes quæ non exquisierunt eum, hæreditabit. Causam autem subdicens cur sic eos damnauerit, *Matth. 23.* ait: Esuriui enim, & non dedistis mihi manducare, sitiui, & non dedistis mihi potum; hospes eram, & non collegistis me; nudus, & non operuistis me; infirmus & in carcere, & non visitastis me. Quàm ergo melior nunc eorum conditio, qui cunctarum oppressi sunt onere calamitatum, quàm illorum qui rerum copia abundat, & nihil impertiunt indigenti. Non ob paupertatem in iudicio damnabimur, sed ob impietatem. O infelices diuites, qui diuitijs uti nesciunt. O felices, qui sciunt, Nesciunt profectò illis uti, qui cum regnum cælorum illas dilargiendo lucrari possint, auarè retinendo cum illis pariter arsurus sunt. Discedite, inquit, à me maledicti. Quid infelicius, quàm à Christo discedere? Discedite in ignem æternum. Quid miserius, quàm nullum finem poenæ sperare? Discedite in ignem paratum diabolo. Quid horribilius, quàm cum diabolo, & à diabolo semper cruciari? Si gravitatem damnationis huius iugiter pensabimus, nihil tam graue est, quod pro ea vitanda non lubenti animo perferemus. Sed interim quidam sinistri gregis & ipsi perditæ pecudes, non ad se damnationem pertinere arbitrabuntur, eò quòd aliquando egenis opem tulerint, licet ipsi in popinis ganeisque versati sint, atque etiam contra vnum eleemosynæ bonum, quod quandoque exercuerunt, plurima perpetrarint mala. At longè aliter illis, quàm putabunt, eueniet. Postquam enim pius Dominus eos, qui viscera pietatis non habuerunt, condemnauerit, continuo reliquorum criminum cognitionem suis committet assessoribus, ut illud quod per Isaiam prædictum est impleatur: Brachia mea populos iudicabunt. Itaque Apostoli ac Prophetæ aduersum ceteros peccatores sententiâ dicent.

De Sententia Apostolorum aduersus peccatores.

Caput. IX.

Primus

Primus igitur omnium ipse Apostolorum Princeps Petrus in illos insurgens, exclamabit ac dicet: Noverit Deus pios de tentatione eripere, iniquos vero in die Iudicii reservare cruciandos. Deinde ad Simonem Magum conuersus, omnes in eo simoniacos execrabitur, dicens: Pecunia tua tecum sit in perditionem, quoniam donum Dei existimasti pecunia possideri. Post illum Iacobus Zebedæi eos, qui intemperanter sine delectu verba effutiunt, siue turpia, siue vana, nimis loquacitatis damnabit, dicens: Si quis putat se religiosum, non refrenans linguam suam, huius vana est religio. Arguet etiam illos qui inter se odio dissident, simultatibusque decertant. Vbi, inquit, zelus & contentio, ibi inconstantia & omne opus prauum. Et contra proximorum diffamatores dicet: Qui detrahit fratri, aut qui iudicat fratrem suum, legi detrahit, & iudicat legem. Postremo iis, qui felicitatem suam in cumulandis opibus ponunt, insultabit ac dicet: Agite nunc diuites, plorate, ululantes in miserijs vestris quæ aduenient vobis: diuitiarum vestrarum patre factæ sunt, & vestimenta vestra à tineis comesta sunt. Aurum & argentum vestrum æruginauit, & ærugo eorum in testimonium vobis erit, & manducabit carnes vestras sicut ignis. Thesaurizastis vobis iram in nouissimis diebus: ecce merces operariorum, qui messuerunt regiones vestras, quæ fraudata est à vobis clamat, & clamor eorum in aures Domini Sabaoth introiuit. epulati estis super terram, & in luxurijs enutristis corda vestra, in die occisionis adduxistis & occidistis iustum, & non restitit vobis. Adhæc, ut illum etiam, qui vel vnum tantum ex mandatis Dei præuaricatus fuerit, morte dignum ostendat, inquit: Quicumque totam legem seruauerit, offendit autem in vno, factus est omnium reus. Iohannes deinde frater eius de peccatoribus definiet in hæc verba: Qui facit peccatum ex diabolo est, quoniam ab initio diabolus peccat. Omnis qui non est iustus, non est ex Deo, & qui non diligit fratrem suum. Omnis qui odit fratrem suum, homicida est: & scitis quia omnis homicida non habet vitam æternam in se manentem.

Petrus.

2. Petri. 2.

1. Petri. 2.
Iacobus.

Iacobi. 1.

Iacobi. 3.

Iacobi. 4.

Iacobi. 5.

Iacobi. 3.

Iohannes.
1. Iohan. 3.

- Idem eos qui terrenis inuoluti diuina negligunt, damnabit dicens : Vx, vx, vx habitantibus in terra . Et illos qui nimis delicatè vixerunt : Quantum, inquiet, glorificauit se & in delicijs fuit, tantum date illi tormentum & luctum . Tum de multis vnam proferens sententiam, dicet : Timidis autem & incredulis, & execratis, homicidis, & fornicatoribus, & veneficis, & idololatræ, & omnibus mendacibus, pars illorum erit in stagno ardenti igne & sulphure, quod est mors secunda. Mox etiam quasi indignabundus exclamabit : Foris canes, & venefici, & impudici, & homicidæ, & idolis seruiètes, & omnis qui amat & facit mendacium . Tunc & ipse gentium Doctor Paulus, quosolim docèdo corrigere nequiuir, increpando damnabit & dicet : An nescitis, quia iniqui regnum Dei non possidebunt ? Nolite errare, neque fornicarij, neque idolis seruientes, neque adulteri, neque molles, neque masculorum cõcubitores, neque fures, neque auari, neque ebriosi, neq; maledici, neq; rapaces regnũ Dei possidebũt.
- Et in eos qui sibi sapientes videntur, contestabitur atque affirmabit, quòd sapientia huius mundi, stultitia sit apud Deũ. Et in eos quoque, qui sermonis magis quàm morum elegantia student : Non in sermone est regnum Dei, inquiet, sed in virtute . Ac ne ignorãtes excusari posse sperent, qui necessaria ad salutem discere contempserunt, dicet : Si quis ignorat, ignorabitur. Præterea aduersus impudicos impurosq; & cupidos, hunc in modum sententiam promulgabit : Omnis fornicator, aut immundus, aut auarus, quod est idolorum seruitus, non habet hæreditatem in regno Christi & Dei. Et iterum : Fornicatores, inquiet, & adulteros iudicabit, id est, damnabit Deus. Et rursum : Caro & sanguis regnum Dei possidere non possunt, neque corruptio incorruptelam possidebit . Quod alibi distinguens atque exponēs ait : Manifesta sunt autem opera carnis, quæ sunt, fornicatio, immũdicia, impudicitia, luxuria, idolorum seruitus, veneficia, inimicitia, contentiones, emulationes, iræ, rixæ, dissensiones, sectæ, inuidia, homicidia,

cidia, ebrietates, comestiones, & ijs similia, quæ prædico vobis, sicut prædixi, quoniam qui talia agunt, regnum Dei non consequentur. Idem de illis qui suorum vel sibi committorum saluti nihil aut parum prospiciunt, definit, dicens: Si quis autem suorum, & maxime domesticonum curam non habet, fidem negavit, & est infideli deterior. Infidelitatis ergo arguentur Episcopi & Ecclesiæ Præsides, qui magis seipsos quam gregem suum pascunt, & lupum venientem videntes, dimissis ouibus fugiunt. Arguentur Principes, qui sibi subiectos minus rectè gubernant. Arguentur patres matresque familiæ, & omnes qui eorum quibus præsunt, saluti atque utilitati consulere negligunt. Posthæc idem Apostolus aduersus perfidos Iudæos excuties vestimenta sua dicit: Sanguis vester super caput vestrum: mundus ego ex hoc ad gentes vadam, ut scilicet Iudæis ob incredulitatis pertinaciā ad æternas tenebras relegatis, ipsos gentiles cōuersos & credentes in cælestia recipiat tabernacula. 1. Tim. 4. Act. 18.

De Sententia Prophetarum aduersum iniquos.

Caput X.

Post Apostolos sancti Prophetæ iudicabunt. David de Psalmis suis proferet sententiās contra impostores: David. Psal. 14.
Ad nihilum deductus est in conspectu eius malignus. Contra amicitie simulatores: Qui loquuntur pacem cum proximo suo, mala autem in cordibus eorum. Da illis secundum opera eorum, & secundum nequitiam adinventionum ipsorum. Contra detractores: Erubescant impii & deducantur in infernum, muta fiant labia dolosa, quæ loquuntur aduersus iustum iniquitatem, in superbia & abusione. Contra homicidas & raptores: Gladium euaginauerunt peccatores, intenderunt arcum suum. Ut decipiant pauperem & inopem, ut trucident rectos corde. Gladius eorum intret in corda ipsorum, & arcus eorum cōfringatur. Contra eos qui honores ambiunt, cum honoribus indigni sint: Vidi impium superexaltatum & eleuatum sicut Psal. 71. Psal. 30. Psal. 36.

Q 95 cedros

- Psal. 43.* cedros Libani. Transiui, & ecce non erat, & quæsiui eum, & non est inuentus locus eius. Et iterum : Homo cū in honore esset, non intellexit, comparatus est iumentis insipientibus, & similis factus est illis. Hæc via illorum scandalum ipsis, & postea in ore suo complacebunt. Sicut oues in inferno positi sunt, mors depascet eos. Cōtra malignos delatores : Quid gloriaris in malitia, qui potens es in iniquitate ? Tota die iniustitiam cogitauit lingua tua, sicut nouacula acuta fecisti dolum. Dilexisti malitiam super benignitatem, iniquitatem magis quā loqui æquitatem. Dilexisti omnia verba præcipationis, lingua dolosa. Propterea Deus destruet te in finem, euellet te, & emigrabit te de tabernaculo tuo, & radicem tuam de terra uiuentium. Contra superbos : Exalta te qui iudicas terrā, redde retributionem superbis. Et iterum : Increpasti superbos, maledicti qui declinant à mandatis tuis. Contra Ecclesiæ persecutores : Confundantur & conuertantur retrorsum, omnes qui oderunt Sion. Fiant sicut foenum testorum, quod priusquā euellatur exaruit. De quo non implebit manū suā qui metet, & sinum suū qui manipulos colliget. Deinde aduersus omnes qui cū vitiorū morbo laborarent, poenitentiæ remediū contempserunt, clamabit & dicet : Longe à peccatoribus salus, quia iustificationes tuas non exquisierunt. Et rursum : Caput circuitus eorum, labor laborū ipsorū operiet eos. Cadent super eos carbones, in ignē deijciet eos, in miserijs nō subsistent. Postremò dicet : Conuertātur peccatores in infernum, omnes gantes quæ obliuiscuntur Deū. Iob quoque vir iustus & timēs Deum, impios & malos dānabit, & execrabitur, dicens : Quoties lucerna impiorū extinguetur, & superueniet eis inundatio, & dolores diuidet furoris sui ? Erunt sicut paleæ ante faciē venti, & sicut fauilla, quam turbo dispergit. In diem perditionis seruatür malus, & ad diem furoris ducetur.
- Salomon.* Salomon & ipse aliquando peccator, sed per poenitentiam iustificatus, arguet peccatores de incōstantia eorum, qui ad omnem fortunæ statum circumaguntur, & dicet :
- Auerſio

Auersio paruulorū interficiet eos, & prosperitas stultorū *Prouer. 1.*
 perdet eos. De impijs : Impij, inquiet, de terra perden- *Idem 2.*
 tur, & qui iniquè agunt, auferentur ex ea. De ijs qui otio
 tempus terunt, quod exercendæ virtuti impendere debe-
 rent, dicit : Usquequo piger dormies ? Quando surges è *Idem 6.*
 somno tuo ? Paululum dormies, paululum dormitabis,
 paululum conseres manus tuas, vt dormias, & veniet tibi
 quasi viator egestas, & pauperies quasi vir armatus. Et ad
 improbos cōuersus, inquiet : Sex sunt quæ odit Dominus,
 & septimū detestatur anima eius. Oculos sublimes, linguā
 mendacem, manus effundentes innoxium sanguinem, cor
 machinans cogitationes pessimas, pedes veloces ad cur-
 rendū in malum, proferētem mendacia, testē fallacem, &
 eum qui sominat inter fratres discordias. Iterum aduersus
 mendaces proclamabit : Abominatio est Domino, labia *Prouer. 12.*
 mendacia. Et rursum : Testis falsus nō erit impunitus, qui *Idem 19.*
 mendacia loquitur non effugiet. Illis quoque qui in iocos
 risusq; plus æquo effusi sunt, ita denuntiabit : Risus dolore *Idem 14.*
 miscebitur, & extrema gaudij luctus occupat. Et quoniam
 etiam occultę cogitationes examinabūtur, dicit : Abomi- *Idem 15.*
 natio Domini cogitationes malæ. In eos verò qui tergi-
 uersantes obliquato iudicio recti tramitem deserunt, sic
 decernet : Et qui iustificat impium, & qui condemnat iu- *Idem 17.*
 stum, abominabilis est vterq; apud Deum. Et illos quibus
 institutio spiritalis ludibrio esse solet, damnabit, dicens :
 Parata sunt derisoribus iudicia, & mallei percutientes *Idem 19.*
 stultorū corporibus. Et illos qui parentes probro lacerāt :
 Qui maledicit patri suo & matri, extinguetur lumen eius *Idem 10.*
 in medijs tenebris. Rursum alibi : Oculum qui subsannat *Idem 30.*
 patrem, & qui despicit partum matris suæ, suffodiāt eum
 corui de torrentibus, & comedant eum filij aquilæ. Et de
 his qui ad hæreses declinant, inquiet : Vir qui errauerit in *Idem 21.*
 via doctrinæ, in cœtu Gigantum commorabitur. De illis
 quoque qui de vsura, furto, rapina, aut aliquo turpi
 lucro eleemosynas offerunt, dicit : Hostiæ impiorum
 abominabiles, quæ offerūtur ex scelere. Superborū etiam
 arro-

- Idem 30.* arrogantiam contundens, dicit: Per tria mouetur terra, & quartū quod non potest sustinere. Per seruum, cū regnauerit: per stultum, cū saturatus fuerit cibo: & per odiosam mulierem, cū in matrimonium fuerit assumpta: & per ancillā, cū fuerit hæres domini suæ. Post hæc impijs maledicet: Nō sit bonū impio, nec prolongētur dies eius: sed quasi in vinbra transeant, qui nō timent faciē Domini.
- Ecclesi. 3.* Post Salomonem confurget Isaias Propheta, & eorum primū spem irritam faciet, qui cū in proximos impij & immisericordes sint, in ijs duntaxat quæ Deo offerunt, confidunt. Audite, inquit, verbum Domini Principes Sodomorū: Cū extenderitis manus vestras, auertā oculos meos à vobis. Et cū multiplicaueritis orationem, non exaudiam: manus enim vestre sanguine plenæ sunt. Ad iudices verò qui pecuniam pluris quàm iustitiam faciunt, dicit: Principes tui infideles, socij furum, omnes diligunt munera, sequuntur retributiones, pupillo non iudicant, & causā viduæ non ingreditur ad illos. Propter hoc, ait Dominus Deus exercituum, fortis Israël: En ego consolabor super hostibus meis, & vindicabor de inimicis meis. Deinde aduersus mulieres, quæ plus opere ponūt in corporis decore, quàm in pudiciæ cultu, vociferabitur ac dicit:
- Isai. 1.* Pro eo quòd eleuatz sunt filæ Sion, & ambulauerunt extento collo, & nictibus oculorum ibant, & plaudebant, & ambulabant, & pedibus suis composito gradu incedebāt, decaluaabit Dominus verticem filiarum Sion, & Dominus crinem earum nudabit. In die illa auferet Dominus ornamentum calceamentorum, & lunulas, & torques, & monilia, & armillas, & mytras, & discriminalia, & perichelides, & murenulas, & olfactoriola, & inaures, & anulos, & gemmas in fronte pendentes, & mutatoria, & palliola, & linteamina, & acus, & specula, & syndones, & vittas, & teristra, & erit pro suauī odore foetor, & pro zona, funiculus, & pro crispanti crine caluitium, & pro fascia pectorali cilicium. In illos quoque quos luxuria voluptasque corrumpit, exclamabit, dicens: Vt qui confurgitis manē ad ebrie-

ebrietatem sectandam, & potandum vsque ad vesperam, ut vino zstuatis: cithara, & lyra, & tympanum, & tibia, & vinum in conuiujs vestris, & opus Domini non respicitis, nec opera manuum eius consideratis. De tyrannis autem qui iniustis exactionibus plebem vexant, inquit: Vt qui *Idem 10.* condunt leges iniquas, & scribentes iniustitiã scripserunt, ut opprimerent in iudicio pauperes, & vim facerēt causæ humilium populi mei, ut essent viduæ præda eorum, & puillos diriperent: quid facietis in die visitationis & calamitatis de longè venientis? Ad cuius confugietis auxiliũ? & ubi relinquetis gloriam vestram, ne incuruemini sub vinculo, & cum interfectis cadatis? De superbis dicit: Dominus exercituum cogitauit hoc, ut detraheret superbiam *Idem 23.* omnis gloriæ, & ad ignominiam deduceret vniuersos inclytos terræ. Notabit etiam illos qui aliena vi occupant, & contemptui proximos habent: Vt, inquit, qui prædaris, *Idem 33.* nõnne & ipse prædaberis? & qui spernis, nõnne & ipse sperneris? cùm consummaueris depredationem, de prædaberis: cùm fatigatus desieris contemnere, contemnèris. Tum etiam in mathematicos, qui ex syderum motu futura temerè iudicant, sic sententiam dicit: Augures coeli qui *Idem 47.* contemplabantur sydera, & supputabant menses, ut ex eis annuntiaret futura, ecce facti sunt quasi stipula, ignis combussit eos, non liberabunt animam suam de manu flammæ.

Post hunc sequetur Ieremias, & pro concione exurgēs declamabit cõtra obstinatos, dicens: Confregerunt iugũ, *Idem 5.* ruperunt vincula, quia scilicet nec iugum legis, nec vincula Euangelij ferre voluerunt. Idcirco percussit eos leo de sylua, lupus ad vesperam vastauit eos, pardus vigilans super ciuitates eorũ, hoc est, propterea vitijs corrupti sunt, percussitque eos leonis superbia, vastauit lupi auaritia, excitauit pardi leuitas. Vel aliter: Percussit eos diabolus fortis ut leo, rapax ut lupus, & multarum fraudum maculis distinctus, ut pardus. Deinde in eos qui cibo potuq; repleti in libidinem turpiter effunduntur, sub persona Domini indignabitur, & dicit: Saturavi eos & moechati sunt, & *Idem 9.* in do-

in domo meretricis luxuriabantur. Equi amatores in for-
 minas & emissarij facti sunt, vnusquisque ad vxorem pro-
 ximi sui hinniebat. Nunquid super his non visitabo, dicit
 Dominus? & in gente tali non vliscetur anima mea? Et
 aduersus iniquos iudices respiciens; vociferabitur: Cau-
 sam viduæ non iudicauerunt, causam pupilli nō dixerunt,
 & iudicium pauperū non iudicauerunt. Nunquid super
 his non visitabo, dicit Dominus? aut super gentem huius-
 cemodi non vliscetur anima mea? Et incredulos Iudæos
 manu ostentans: Hæc est gens, inquiet, quæ non audiuit
 vocē Domini Dei sui, nec recepit disciplinā: periit fides,
 & ablata est de ore eorum. De adulantium verò maligni-
 tate dicit: Sagitta vulnerans lingua eorum, dolum locuta
 est, in ore suo pacem cum amico suo loquitur, & occultè
 ponit ei insidias: nunquid super his nō visitabo, dicit Do-
 minus? aut in gente huiuscemodi non vliscetur anima
 mea? Illos quoq; deuouebit, qui contempta Dei ope, totā
 spem in hominū auxilio collocant. Maledictus homo qui
 confidit in homine, & ponit carnem brachium suum, & à
 Domino recedit cor eius. Erit enim quasi myricæ in de-
 serto, & nō videbit cū venerit bonum, sed habitabit in
 siccitate in deserto, in terra falsuginis & inhabitabili. Et
 iterū: Domine, inquiet, omnes qui te derelinquunt, con-
 fundentur, recedētes à te in terra scribētur, quoniā dereli-
 querunt venam aquarū viuentium, Dominū. Illos etiā in
 damnationē mittet, qui per dolum alienis damnis ditari
 student. Vx qui ædificat domū suam in iniustitia, & coena-
 acula sua non in iudicio; amicū suum opprimet frustrā,
 & mercedem non reddet ei. Qui dicit, ædificabo mihi do-
 mum latā, & coenacula spatiosa; qui aperit sibi fenestras,
 & facit laquearia cedrina, pingitq; synopide. De Præposi-
 tis autē Ecclesiæ, qui minus gnauiter suo fungūtur officio,
 dicit: Hæc dicit Dominus Deus Israël, ad Pastores qui
 pascūt populū meum; Vos dispersistis gregem meum, &
 eiecistis eos, & non visitastis eos. Ecce ego visitabo super
 vos malitiā studiorū vestrorū, ait Dominus. Et Hypocritas
 execra-

Idem 7.

Idem 9.

Jerem. 17.

Idem 22.

Idem 23.

execrabitur dicēs: Maledictus qui facit opus Domini fraudulenter. Ad superbos inquiet: Ecce ego ad te superbe, dicit Dominus Deus exercituum, quia venit dies tuus, tempus visitationis tuæ, & cadet superbus & corruet, & non erit qui suscitet eum, & succendā ignem in urbibus eius, & deuorabit omnia in circuitu eius. Voluptarijs etiā insultabit, dicens: Qui vesecebantur voluptuosē, interierunt in vijs: qui nutriebātur in croceis, amplexati sunt stercora. *Idem 48. Ierem. 50. Thre. 4.*

Exurger & Baruch Propheta cōtrā diuites avaros, & dicit: Vbi sunt Principes gentiū, & qui dominātur super bestias quæ sunt super terrā? qui in aubus cœli ludūt, qui argentū thesaurizant, & aurū in quo confidunt homines, & non est finis acquisitionis eorū, qui argentū fabricāt & solliciti sunt, nec est inuentio opum illorum? exterminati sunt, & ad inferos descenderūt, & alij loco eorū successerunt. In eosdē & Iezechiel Propheta succlamabit, dicens: Argentum eorum foris projicietur, & aurum eorum in sterquilinium erit, argentū eorum, & aurum eorum non valebit liberare eos in die furoris Dñi. Idē aduersus diuites & ariolos loquetur, dicens: Hæc dicit Dñs Deus: Væ Prophetis insipientibus qui sequuntur spiritū suū, & nihil vident, quia locuti estis vana, & vidistis mendacium: ideo ecce ego ad vos, ait Dñs Deus, & erit manus mea super Prophetas qui vidēt vana, & diuināt mendaciū, in cōcilio populi mei nō erūt, & in scriptura domus Israël non scribentur, nec in terra Israël ingredientur, & scietis quia ego Dñs Deus. Tum quoq; ad Pōtiffices Episcoposq; cōuersus, qui relicta Ecclesiæ gubernandæ cura, in voluptatibus & delicijs contabuerunt, dicit: Hæc dicit Dñs: Væ pastoribus Israël, qui pascebāt semetipsos. Nōne greges à pastoribus pascuntur? Lac comedebatis, & lanis operiebamini, & quod crassum erat occidebatis: gregem autē meum non pascebatis, quod infirmū fuit, non consolidastis, & quod ægrotum non sanastis, quod contractum non alligastis, & abiectum non reduxistis, & quod perierat non quæsisistis, sed cum austeritate imperabatis eis & cum potentia. *Baruch. 3. Iezech. 7. Idem 13. Idem 34.*

Post

614 DE SENT. PROPHE. ADVER. INI.

- Osee.* Post illum Osee Propheta Sacerdotes illos, qui sibi necessaria discere neglexerunt, cæcicos in foueam ducentes, arguet in persona Domini, & abominabitur, dicens: Quia
- Osee. 4.* tu scientiam repulisti, repellam te ne Sacerdotio fungaris mihi. Sed aliorum quoque ignorantiam accusans, dicet: Populus non intelligens vapulabit. Assentatores etiam, qui arrogantia fomitem subdere cordibus Principū eos efferendo solent, reprehendet, & increpabit, & dicet: In malitia sua latificauerūt regem, & in mendacijs suis Principes, omnes adulterantes quasi clibanus succensus à coquente. Auaris quoque & cupidis exprobrabit: Aurum suum, inquiet, & argentum suum fecerunt sibi idola vt interirent. Et quoniam hinc decedētes nihil ex his ferre secū possunt, dicet: Desiderabile argentum eorum vitiā hæreditabit, lappa in tabernaculis eorum, cum venerunt dies visitationis, venerunt dies retributionis. Hunc sequetur
- Ioel. 1.* Ioel Propheta, & helluones, meribibulosque arguens, inquiet: Expergiscimini ebrij, flete & ululate omnes qui bibitis vinum in dulcedine, quoniam perit ab ore vestro. Et de ijs qui in carnis lasciuiā longo vsu obsorduerunt, dicet: Computruerunt iumenta in stercore suo. In eisdem &
- Amos*
Amos. 4. Amos Propheta clamabit, dicens: Audite verbum hoc vaccæ pingues, quæ calumniam facitis egenis, & confringitis pauperes, quæ dicitis dominis vestris, id est, vitijs quorum serui facti estis: Afferte, & bibemus. Iurauit Dominus in Sancto suo, quia ecce dies venient super vos, & leuabunt vos in contis, & reliquias vestras in ollis feruentibus. Deinde Præsides Ecclesiæ, qui luxuriōsæ vitæ exemplo etiā eos perdunt quibus præsunt, damnabit, inquiens:
- Amos. 6.* Væ vobis qui opulenti estis in Sion, & confiditis in monte Samariæ, optimates, capita populorum, ingredientiés pompatice domum Israël, qui separati estis in diem malum, & appropinquatis folio iniquitatis, qui dormitis in lectis eburneis, & lasciuitis in stratis vestris, qui comeditis agnū de grege, & vitulos de medio armenti, qui canitis ad vocem Plalterij. Postremò ad frumentarios qui horrea obtru-
- rant,

rant, vt ingruente fame, annonam carius vendant, contemnabitur ac dicet: Audite hoc qui conteritis pauperem, & deficere facitis egenos terræ, dicentes: Quando transibit messis, & venundabimus merces, & sabbatum, & aperiemus frumentum, vt imminuamus mensurā, & augeamus siculum, & supponamus stateras dolosas, vt possideamus in argento egenos & pauperes, pro calceamentis, & quinquilias frumenti vendamus. Inde Micheas quoque Propheta auaritiam multorum detestabitur, ita illis denuntiāns: Vt qui cogitatis inutile, & operamini malum in cubilibus vestris, in luce matutina faciunt illud, quoniam contra Dominū est manus eorum, & concupierunt agros, & violenter tulerunt, & rapuerunt domos, & calumniabantur virum & domum eius, virum & hereditatē eius. Idcirco hæc dicit Dominus: Ecce ego cogito super familiā istam malum, vnde non auferatis corda vestra, & nō ambulabitis superbi, quoniam tempus pessimum est. Tunc etiam Abacuc Propheta in raptos, in auaros, in sanguinolentos fraudulentosque exclamabit, dicens: Vt ei qui multiplicat non sua, vsquequo & aggrauat contra se densum lutum? Nunquid nō repente consurgent, qui mordeāt te? & suscitabuntur lacerantes te, & eris in rapinam eis? Vt qui congregat auaritiam malam domui suæ, vt sit in excelso nidus eius, & liberari se putat de manu mali. Vt qui ædificat ciuitatem in sanguinibus, & præparat urbem in iniquitate. Vt qui potum dat amico suo, mittens fel suum & inebrians, vt aspiciat nuditatem eius.

Sophonias Propheta sub persona Domini aduersus malos Principes & Hæreticos, & superbos, & malignos, & molles proferet sententiā, dicens: Visitabo super Principes, & super filios regis, & super omnes qui induti sunt veste peregrina, id est, qui alieno dogmate se imbuerunt. Et visitabo super omnem qui arroganter ingreditur super lumen in die illa, qui complent domum Domini Dei sui iniquitate & dolo, & visitabo super viros defixos in fœcibus suis. Ac ne quis opibus redimi se posse speret, in-

Rr quieti

Malathias.
Malath.3.

quiet: Argentū eorum, & aurum eorum non poterit liberare eos in die iræ Dñi. Postremo loco Malachias Propheta in persona Christi peccatoribus minabitur ac dicet: Et accedā ad vós in iudicio, & ero testis velox maleficis & adulteris, & periuris, & qm̄ calūniantur mercedē mercenarij, & humiliāt viduas & pupillos, & opprimūt peregrinum, nec timuerunt me, dicit Dñs Deus exercituum. Ego enim Dominus, & non mutor. Ac fortasse ridebit aliquis hanc nostrā de Sanctorū iudicio assertionem, & qui scis, dicet, quòd Sancti ita die illo iudicaturi sint? Cui respōdebimus: Cū eos iam pridē ita iudicasse cōstet, haud aliter postea quoq; iudicatuos. Quoniā qui spiritu Dei agūtur, sibi ipsi cōtrarij esse nō possūt. Itaq; tales illorū sentētię in die iudicij erūt, quales & antē fuisse, Scripturarū veritas testatur.

De damnatorum ad inferna abductione.

Caput XI.

CVM igitur tot Sanctorū accusationibus conuicti fuerint infelices illi, quos non antē scelerum suorū poenituit, quā cum poenitere nihil profuit, quid agēt? quò se vertent? Nulla erit reliqua cauillatio, nullum argumentum, nullum effugium. Videbunt supra se Deum iratum, infra se ignem paratum, circa se terribiles dæmones grauiter infrendētes, & iam ad teterrima illa inferni loca cum furore vrgentes, cōpellentes, trahentes. Qui clamor, qualis planctus, quantus & quā flebilis vlulatus inter illos audietur, quā miserabile spectaculum illud erit, cum & pectora pugnis, & ora vnguibus tœdantes incedent? laniabunt capillos, percutient scœmora, complodent palmas, comprimant digitos, totis artibus, toto corpore contremiscent: alij in terram proni corruent, alij horrore attoniti rigeant, alij lymphatico pauore acti, huc illuc veluti amentes discurrent, ora pallor, corda dolor, mentem stupor, membra tremor languorq; occupabūt, atque interea incessabilis immugiet gemitus, personabit planctus, obstrepet eiulantium nunquam moestior auditus clamor. Et vt Iohan. ait: Quærent mortem, & non inuenient eam;

Apoc. 9.

& desiderabunt mori, & fugiet mors ab eis. Quod si populus Israël, qui ad montem Sinai, ut præcepta Dei audiret, sanctificatus accesserat, eo loquente adeo exterritus sit, ut statim inde pedē referentes Moyfi dicerent: Loquere tu nobis & audiemus, nō loquatur nobis Dominus, ne forte moriamur, quomodo ij qui nihil in se sanctitudinis habebunt, sed è diuerso multorum criminum conscij erunt, ferre poterunt, non iam præcipientis Dei vocem, sed iracundi damnantis clamorem, & in ignem æternum abigētis? Adde illas omnium creaturarum accusationes, omnium Sanctorum execrationes, non quod Sancti pietatem tunc relinquent, sed quod Dei iustitiæ conformes erunt, hominibus quidē miserantes, sed Deo obsequentes, quoniam misericors & iustus Dominus. Addē etiam dæmoniorum insultantium, & singula cuiusque facinora exprobrantium, diros rugitus ingentesque minas. Quomodo deinde non etiam ob hoc supra modum confundentur? quia iam nihil absconditū erit, quod non sciatur; nihil occultum, quod non reueletur, dicente Apostolo: Omnes autē nos manifestari oportet ante tribunal Christi, ut referat vnusquisque propria corporis prout gessit, siue bonum siue malum. Et in veteri Instrumento de scelesto homine scriptum est: Reuelabunt coeli iniquitatē eius, & terra consurget aduersus eum. Et ad eundem per Naum Prophetam dicitur: Ecce ego ad te, dicit Dominus Deus exercituum, & reuelabo pudenda tua in facie tua, & ostendam in gentibus nuditatē tuā, & regnis ignominia tuā. Quot ergo furta, quot adulteria, quot veneficia, homicidia, simulationes, perfidiæ, proditioes, insidiæ, fraudes, quot pessimæ cogitationes cæteraq; mala, quæ ad illam vsque diem nemo mortalium, nisi qui commisit, nouerat, tunc cunctis in propatulo erunt, tam hominibus quàm Angelis? Et quē tam ignominiosæ manifestationis non vehemētissimē pudebit, ut vel ob hoc solum peccasse nollit, ne toti mundo proditus erubescat? Itaque antē eos erubescentiæ, quàm inferni, flamma torquebit.

*Psalm. 110.**Matth. 10.**2. Cor. 5.**Job. 10.**Naum. 3.*

Rr 2

Adhæc

84.5.

A dhæc etiã iustorum gloriam videntes turbabuntur, stupebunt ac dicent: Hi sunt quos habuimus aliquãdo in derisum, & in similitudinem improperij. Nos insensati vitam illorum existimabamus insaniam, & finem illorum sine honore. Ecce quomodo computati sunt inter filios Dei, & inter Sãctos fors illorũ est. At nos vbi decidimus? quò perduxere nos cõcupiscentiã nostrã, delitiã molles, lauta conuiuia, obscenã libidines, auarã opes, blandi sopores, ignaua otia, ioci, risus, luxus, luxuria, voluptas? Illa ocysimẽ desiere, & successit nũquã defutura calamitas. Felices nobis videbamur, & heu quã repenti in quantã collapsi sumus miseriã? Cur concepti fuimus? aut cur conceptos nõ est abortiua mater? vel cur nõ statim natos aboleuit mors? vel adultos oppressit valetudo? vel angustiauit egestas? vel despoliauit, & in seruitutẽ captiuos abduxit hostis? Cur vis aliqua non afflixit? non vexauit? vt aliam vitam, alios mores instituere nos cogeret, quã eos pro quibus ista patimur. O si mors in igne illo esset ad quem compellimur, quã libetẽ in eum irrueremus, vt sic consumptis fugere supplicia æterna liceret? Sed hoc omnino supra quã cogitari potest, grauius est, quòd semper ardere cogemur, & nunquam dabitur mori: semper viuemus, vt semper tormenta patiamur. O quã breui labore quã magnam potuimus adipisci beatitudinem: & ecce pro quã modica delectatione, momentaneisque delicijs in quã immensas incidimus arũas? In hæc & eiusmodi lamenta, qui damnati fuerint, flebiliter concitabuntur.

Iudei.

Psal. 109.

Inter hos autẽ & Iudæi erũt, qui in errore infidelitatis pertinaces, obduratiq; periẽre. Videbũt Crucem in salutẽ credentiũ refulgentẽ, videbũt ipsum qui in illa crucifixus fuerat, ponentem inimicos suos scabellũ pedum suorũ, & tunc demũ credere incipient, cùm credere nihil proderit.

Gentiles.

Videbunt ipsum & Gentiles, & dicent: Vbi sunt dii quos coluimus? Ecce Crucifixus quem cõtẽpsimus, ipse est Deus. Ecce illi quos eum confitentes occidimus, nostri nunc iudices sunt. Cernebamur in illis miracula, & putabamus

bamus maleficia. Illi pro veritate moriendo vicerunt, nos eos persequendo perimendoque defecimus. Et quia mendacium secuti sumus, meritò nunc ad inferna relegamur, vnà cum ipsis fatuitatis nostræ dijs cruciandi.

Tunc & qui varias hæreses asserere conati sunt, lugētes *Hæretici.* ac semet inuicem mutuis compellationibus mordentes, dicēt: Ecce Arri, quem Patre minorem affirmabas, in Maiestate & potestate Patris venit, vt se Patre æqualem probaret, & te condēnaret erroris. Ecce Cherinte & Hebion, & Marcion, & Paule Samosatane, & Photine, quē purum hominem putabatis, supra omnes Angelos & Sanctos eminet, & mundū sibi subditū ipse iudicat. Nūquid homo tantū hic: & non etiā Deus? Nunquid nō ideo venit, vt à vobis infidelitatis pœnas exigeret? At tu Manichæ, & tu Valentine, ecce ille quem non ex Virgine genitum, sed alter in phantasmate apparuisse, alter è coelo corpus attulisse dixistis: nūc eandē ipsam Virgine supra omnes lucidā ac sublimem iuxta se ostentat, & verā matrem præ cæteris honorandō cōsitetur, vt vos tantæ prauitatis arguat, & in tenebras exteriores mittat. Vos quoq; Manichæ, Marciō, Basilides, qui Prophetas & Legē non accepistis: ecce Prophetæ & Legis obseruatores, vnà cum Euangelij professoribus cōmuni beatitudinis gloria illic collucent. Quoniam ipse angularis lapis Christus parietem ad parietem iungens, fecit vtraque vnum. Meritò igitur quos ipsi olim diuidere conati estis, eorū nunc pari concordique iudicio condemnamini. Et tu Nouariane, qui misericordiæ Dei nimium diffidens, negabas post Baptisma peccantibus esse veniē locū: aspice quā grandis numerus eorū cū Christo in aere sit, qui etiā post Baptismum lapsi, per poenitentiam saluati sunt. Te verò tuus perdidit error, etiāsi nihil aliud cōmisisses. Hinc & reliqui Hæresiarchæ atq; eorū sectatores inter se vicissim laceissentos, alij alijs proprium dogma exprobrabūt. Mox verò cōmunicatis doloribus, lugentes pariter exclamabunt: Væ miseris nobis. Deprauauimus enim sensum Scripturarū, peruertim⁹ veritatē, induximus

Lutherani omnes, Calvinistæ, Puritani, &c. hæc aduertant seriò.

630 DE SAN. CVM CHRI. AD COE. ASC.
 errorem, vbi nō erat error: nunc gehēna nos excipiet, nō
 vt corrigāt, sed vt puniat, & si ut hacten⁹ animas nostras,
 ita deinceps etiā corpora simul atq; indefinenter exurat.
 Sic & vnumquemq; sua scelerum accusabit cōscientia, &
 cōmunis infelicitas ad vnā omnes compellet querelam.
 Insuper ipsi nequam spiritus foeda terribiliq; facie obcur-
 santes in illos exclamabunt: Quid moram facitis? quid
 cūctamini venire nobiscū? nostri estis, & à Deo reprobati:
 quoniā nobis magis quā Deo paruistis. Ibūt ergo omnes
 maledicti in suppliciiū æternū, in poenas indicibiles, & in
 multo acerbiores, quā vt verbis exprimi possit, cruciatus.

Matth. 25.

De Sanctorum cum Christo ad calum ascensione.
Caput XII.

Posthac Sol & Luna, qui amisso fulgore lugere dam-
 natorum calamitatem videbātur, rursus ob lætitiā
 gaudiumq; beatorū reparato lumine, multo clariores
 quā vnquam antea visi sunt, apparebunt. Ac iuxta illud
 Isaiæ vaticiniū: Erit lux Lunæ sicut lux Solis, & lux Solis
 erit septemplex, sicut lux septem dierum. Eruntq; noui
 coeli & noua terra, dicente Apostolo: Coeli ardentes sol-
 uentur, & elementa ignis ardore tabescent. Nouos verò
 coelos & nouam terram, & promissā Dñi expectamus, in
 quibus iustitia habitat. Vnde & Iohannes in Apoc. Vidi,
 inquit, coelū nouum, & terrā nouam. Primum enim coe-
 lum, & prima terra abiit, & mare iam nō est. Interim om-
 nes Sancti Christū ad coelū comitantes, vnā cū Angelicis
 choris glorificabunt in Hymnis, & Psalmis, & Canticis,
 & vno ore omnes benedicent ei. Sicut per Sophoniā Spi-
 ritus sanctus oīm locutus est, dicens: Tunc reddā populis
 labium electū, vt inuocent omnes nomen Dñi, & seruiant
 ei in humero vno. Sicut etiā ipse per Isaiā ait: Mihi curua-
 bitur omne genu, & iurabit omnis lingua. Tūc enim etiā
 illi qui dānati erūt, cōfitebuntur Christū experti virtutem
 potētiamq; eius, qua sibi subiecit omnia. Et tūc adorabūt
 cum (vt in Psalmo dicitur) omnes reges, omnes gētes ser-
 uient

Isaiæ. 30.

2. Petri. 3.

Apoc. 21.

Sopho. 3.

Isaiæ. 45.

Psal. 71.

uient ei. Et timebunt gentes nomē tuū, Dñe, & oēs reges terræ gloriā tuam. Tunc tu Dñe, implebis ruinas, vt vnde reprobi spūs præcipientes corruerūt, ibi homines à te electi tecum habitent, & te ad dexterā Patris in magnificentia æqualitatis confidentē semper videant, semperq; laudent.

Psal. 101.
Psal. 109.

Hoc sanè illud erit, quod Danieli quondam reuelatum credimus dicenti: Aspiciēbā in visione noctis, & ecce cum nubibus cœli quasi Filius hominis veniebat, & vsque ad Antiquum dierū peruenit, & in cōspectu eius obtulerunt eum, & dedit ei potestatem, & honorem, & regnum, & omnes populi, Tribus & linguę ipsi seruiēnt. Potestas eius potestas æterna, quæ non auferetur: & regnum eius quod nō corrūpetur. Iam enim omni prorsus dæmonū malignitate ad inferos cū impijs ablegata & in abyssum detrusa, iam Sanctōrū omnium animis corporibusq; beatificatis, Christo victori triumphus æternus celebrabitur in cœlo, vt ipso regnante regnent & ij, qui illum fide, & cōfessione, & opere in terra coluerunt, eodem Propheta dicente: Et iudicium sedebit vt auferatur potentia, & conteratur, & dispereat vsq; in finē, hoc est, potētia principis tenebrarū, & eorum qui illū secuti sunt. Regnum autē, & potestas, & magnitudo regni, quæ est super omne cœlū, detur populo Sanctōrum Altissimi, cuius rognū, regnum sempiternum est, & omnes reges seruiēnt ei & obedient. Et erit (vt Zacharias inquit) in die illa Dominus vnus, & erit nomen eius vnum. Omnes enim vnum erūt in Deo, ideo & vnus rex omnium erit Christus, & in Christo Pater, & Christus in Patre, & cum vtroq; Spiritus sanctus. Humanitas Diuinitasq; pariter in illo videbitur, sicut scriptum est: Et in lumine tuo videbimus lumen. Inde iam gloria in excelsis Deo concinetur, neq; in terra vt olim, sed in cœlo pax hominibus bonæ volūtatē erit. Inde voces illæ magnæ, quas Iohannes in Apocalypsi audiuit, personabunt, dicentes: Factum est regnū huius mundi Dñi nostri & Christi eius, & regnabunt in secula seculorum, Amen. Et iterum ait: Et audiuit quasi vocē tubæ magnæ, & sicut vocem aquarum

Daniel. 7.

Idem. 7.

Zach. 14.

Psal. 35.
Luce. 2.

Apoc. 11.

Idem. 19.

631 DE SAN. CVM CHRI. AD COE. ASC.
multarum, & sicut vocē tonitruorū magnorū dicentium
alleluya, quoniam regnavit Dominus Deus noster omni-
potens, gaudeamus & exulemus, & demus gloriā ei, quia
venerūt nuptiæ Agni, & vxore eius præparauit se, id est, Ec-
clesia, & datū est illi vt cooperiat se byssino splendenti &
cādido. Byssinū enim iustificationes sunt Sanctorū. & dixit
mihi: Scribe: Beati qui ad coenā nuptiarū Agni vocati sūt.

*Ad Tit. 3.
Rom. 8.*

Hi quidem iam in tanta beatitudine se constitutos cer-
nētes admirabūtur. Fortasse quærēt, quibus operibus, quo
labore, qua exercitatione tantā percipere meruerint mer-
cedem? Sed audient: Non ex operibus iustitiæ quæ fecistis
vos, sed secundū suam misericordiā piissimus Dominus
saluos vos fecit. Neq; enim cōdignæ erant passionēs seculi
tanta ac tali gloria, sed omnium bonorum largitor Deus,
diues in omnibus, nouit dare magna pro modicis, pro bre-
uibus sempiterna. Modica sanè imperata sunt, sed magna
promissa sunt: hæc accepistis, quia illa obsequenter solici-
teq; implestis. Credidistis in Deū: nūc perpetuo eius con-
spectu gaudete. Timuistis eum: nunc in illo exultate. Dies
festos ei sanctificastis: nunc festiuitate nunquā finienda
frui mini. Parētes Præpositosq; vestros digno honore pro-
secuti estis: nūc à cœlesti Patre honorē accipite Angelorū,
& in mātionibus à quibus Lucifer cum satellitibus suis eb
superbiam lapsi sunt, vos pro humilitate vestra Domino
fauente succedite. Dilexistis proximos vestros: nūc amici
Dei facti estis, & domestici, & filij. Pudicitiam, castitatē,
virginitatē obseruastis: nunc incorruptionis immortalitatisq;
lucem induimini. Ieiunastis ablato Sponso: nūc illo
vobis reddito cœlestis conuiuij indeficienti dulcedine sa-
turamini. Flestis aliquādo: nunc cōsolamini. Precēs obtu-
listis: nunc quod precando petistis, accipite. Vigilastis in
noctē: nunc in die qui noctē nescit, conquiescite. In vine
Domini laborastis: nunc promissum vobis perfectæ felici-
tatis denarium sumite. Vicistis cōcupiscentias carnis: nūc
in spiritu iubilate. Vicistis mundū: nunc in cœlo corora-
mini. Vicistis diabolū: nunc in Deo cū Christo triūphate.

*Caro.
Mundus.
Diabolus.*

Nemo

Nemo à vobis tollet gaudiū vestrū, null⁹ imminuet casus, nullū finiet tēpus. Sicut modò, ita & semper, & in secula seculorū beati eritis in Deo, & dño Iesu, & Spū sancto Amē.

De damnatorum pœna.

Cap. XIII.

DE istorum beatitudine paulò diffusius Deo adiuvāte dicemus, si prius illorum ærumnam, quos proprium damnauit scelus, pœnasq; indagare pro virili parte conabimur. Quantò enim plenius æternæ perditionis considerabimus periculum, tantò ad vitandum cautiores ac sollicitiores efficiemur.

Pœnalem igitur locū damnatorum subterraneum esse, *Locus inferni.* credi par est, & eum quidē, à quo maximè distat cœlum. Quantū enim peccando iniqui à iustitia pietateq; recesserunt, tantū & mansione à mansionibus Sanctōrū separari, congruum atq; consentaneū videtur. Sed neq; nomē sedis infelicissimæ in eo discrepat, cū ab omnibus vocetur infernus. Quid autē aliud infernus, quàm terræ centrum, si cœlū hoc, quod terrā quaqua versum ambit, mundi pars summa sit? Legimus præterea, Dathā, & Abirō, & Chore, quia à Deo ob delicta improbari sunt, viuos terræ hiatu fuisse absorptos, vt vel hinc constet, sub terra esse tormentorum locū, non supra terrā. Vnde & per Iezechielē dictū *Iezech. 32.* est: Descenderūt incircuncisi ad terram vltimā, hoc est, in viscera terræ, ne scilicet cœlū, Solem, Lunamq; & reliqua sydera videre possint, qui dum viuerent, cœlestiū contemplationi nunquā vacauerunt. Ideo & in tenebras mitti dicuntur, quoniam illic nulla dies est, nulla omnino lux, nisi quam fegerint flammæ illæ inextinguibiles, quæ sic fulgēt, vt etiam fulgore ipso torqueant & excrucient. Cū enim *ignis.* sine intermissione vrant peccatorē, hoc insuper ei præstāt, vt etiam illos inibi vri cernāt, quos charissimos habuit, & duplicentur sibi pœnæ, dum suas cumulat alienis, vt quæ idem cōspectis terribilibus dæmoniorū figuris, ex pauoris

634 DE DAMNATORVM POENA.

Locus. magnitudine magnitudinē augeat supplicij. De his po-
stea: nunc locum istum (quāvis sub terra sit) perscrutemur,
vt qualis & quā trīstis existat, saltem ex parte nosse pos-
simus, & cū nouerimus, cauere enitāmur, ne illō concī-
damus, vnde spes nulla reuertendi.

Isaia. 30. In Isaia scriptum est: Præparata est ab heri topheth, ab
heri, hoc est, à principio. Topheth autē interpretatur ge-
henna pauoris, vel ampla poena vitę stultorum, vt per hoc
intelligas & horrorem loci, & immensitatem poenarum.

Matt. 20.
Cap. 22. Deinde sequitur: A rege præparata profunda & dilatata,
vt scilicet capax esset multorū, quoniā multi sunt vocati,
pauci verō electi: si illorū qui vocati sunt, numero cōpa-
rētūr. Idē Propheta poenæ quoq; genus indicat, dū subdit:
Nutrimenta eius ignis & ligna multa. Flatus Dñi, id est,
diuina iustitia, sicut torrens sulphuris succendens eam. De

Isaia. 34. hoc alibi idē ait: Et conuertentur torrentes eius in picem,
& humus eius in sulphur. In ijs quidem partim fomenta
ignis apparēt, partim grauitas sceleris. Et erit, inquit, terra
eius in picem ardentem nocte & die, non extinguetur in
sempiternum, ascendet fumus eius à generatione in gene-
rationem, desolabitur in secula seculorum. Quomodo de-
solabitur in secula seculorum, si res quæ desolantur, minui
& deficere soleant, & ad nihilum redigi? Alia ergo cōditio
infernalis foueæ erit, quæ & ardendo desolabitur, & nun-
quam ardere desinet, perpetuæq; combustioni perpetuò
sufficiet, nec ignis extingui, nec ipsa cōsumi poterit. Et nō
erit, inquit, transiens per eam: Quia fortasse ignei torrētes
illi, vel ubiq; aduersi & occurrentes nequitie spiritus trāsi-
tum denegabunt. Vel aliter: Non erit transiens, ita vt inde
exire possit, dicente Propheta: Cōgregabuntur in congre-
gatione vnus fascis in lacum, & claudētūr ibi in carcere.

Isaia. 34. Carcer ergo nunquā aperiendus homines dæmonesq; pa-
riter cōtinebit inclusos, obstructo omni exitu portis æreis
vestibusque ferreis, ac feris sempiternis. Hinc igitur idem
Propheta ait: Et possidebunt eam onocrotalus, & ericius,
& ibis, & coruus habitabunt in ea. Per hæc sanē animalia,
quæ in

quæ in Deuteronomio inter immunda cēsentur, homines peccatores designat, flagitiorumq; immundicia pollutos. Postea infert: Et erit cubile draconum, & pascua struthionum. Et occurrent dæmonia, onocentaurus, & pilosus clamabit alter ad alterum: ibi cubauit lamia, & inuenit sibi requiem. Ibi habuit foueam ericius, & natriuit catulos, & circumfodit, & fouit in vmbra eius: illuc congregati sunt milui, alter ad alterum. Miluus quoque ex immundis est. Draco verò diabolus est, vt in his etiā bestiarū vocabulis peccatores & simul improbos spiritus intelligam⁹. Quod autem ait: Inuenit sibi requiem, nō requiem significat qua finitur labor, quia ibi nulla laboris quies est, sed quia sedes domiciliumque non mutatur. Semper enim in tenebris, & in igne, & in foetore, & in tumultu, & in luctu, & in omnibus miserijs poenifque permanebunt. Vnde concludens Propheta dicit: Vique in æternum possidebunt eam. In generatione & generationem habitabunt in ea.

*In inferno
dæmones &
homines.*

Tale ergo erit damnatorum cum diabolo habitaculū, *Quæ tormenta
in inferno.* talis carcer. In quo tenebræ, multò quidem illis tenebris, quibus in Ægypto Pharaon flagellatus est, tritiores. In quo ignis, nō sicut noster consumēs est, sed longè quàm noster grauius exurens, vt qui in illo torquētur, vehementiorem morte dolorē sentiant, & mori nō possint. In quo picis & sulphuris affiduē bullientis intolerabilis foetor, fumique omni nausea grauius olentis nunquā desinēs exhalatio. In quo etiā omnia perturbās procellarū spiritus, iuxta illud: Ignis, sulphur, & spiritus procellarū pars calicis eorū. *Psal. 10.* Spiritus tamē nō qui ardores ignis refrigeret, sed magis flammarum impulsu sauire cogat: veluti si quis in nemoroso monte vnā tantum arbusculā incendat, mox flamma ventis agitata totum montē cōprehendit, lateq; omnem occupat syluam. Aut si magnis parua conferenda sunt: Veluti cum faber alterno follium flatu prunas in vnū coactas exuscitat, scintille crepitant, flamma furit, vstrina refulget, & sub prunis positum ferrum concepto calore candescit, æraque liquatur: sic procellarū illarū irruentē turbine concussū infernale incendium flammarū ingentes globos anhelati

Comparatio.

vapore diffabit. O diram loci faciem, ô sorté omnibus seculi huius ærumnis, omni calamitate, omni exilio, omni torméto, omni morbo magis expauescendam, non solum quia æterna sit, sed etiâ quia cunctis vitæ huius (si in vnû cõferantur) malis acerbior sit. Sicut enim beatorû gloria verbis explicari nequit, sic nec damnatorû poena. tantum in hac mali est, quantû in illa boni, quoniâ inter se opposita sunt, vt dies & nox, lûx & tenebræ, vita & mors. Id quidê manifestius patebit, si etiâ illud quod superius propositum à nobis fuit, paulò plenius considerabimus, quòd scilicet ignis iste in tenebris micans, nò solum calore cruciet, verum etiâ fulgore ipso. Tantû quippe inter fumidas nubes lucis ostentat, vt miseri nihil aliud oculis haurire possint, nisi quod visum aut terrore affligat, aut dolore.

*Quàm hor-
rèdi in lu-
ferno da-
mones.*

Vident igitur præter horribilè inferni situm, formidabiles daemones in diuersas portentorû facies ex industria identidem se transmutantes, vt ipsa quoq; deformitate cõcurrant eos, quos persequuntur immanitate. Videbunt, inquâ, & vidèdo contremiscent, serpentè illum antiquum, colubrum tortuosum, Mammonâ iniquum, Satanâ dolosum, Asmodzum cruentum, Belial peruersum, Beelzebub demomiorû principem. Videbunt & illos beluinos ferosq; spiritus, quos Isaias Propheta bestias, dracones, struthiones, pilosos, vlulas, syrenas appellat. Videbunt Behemoth illû immanem, cuius (vt in Iob legitur) fortitudo in lûbis, & virtus in vmbilico ventris, qui stringit caudam quasi cedrû, & absorbet flumina, & depascitur montiû scœnum.

Isaiæ. 34.

Iob. 40.

Idem 41.

Videbunt parem illi, vel eo etiâ vastiorè, Leuiathan, cuius per dentiû gyrum formido, cuius corpus quasi scuta fusilia, compactû squamis se prementibus, cuius sternutatio splendor ignis, oculi & palpebræ diluculi, de cuius ore procedunt lampades, & de naribus fumus, cuius halitus prunas ardere facit, & in cuius collo moratur fortitudo, & in cuius faciè præcedit egestas, qui feruescere facit quasi ollâ profundû maris. Deniq; de quo dicitur: Non est super terram potestas quæ comparetur ei, qui factus est vt nullum time-

timeret, omne sublime videt, & ipse est rex super omnes filios superbiz. Nemo me Poëtarum commenta loqui putet: de veritatis fonte haurimus quæ dicimus. Ibi ista leguntur, vbi nefas est credere quicquam inesse fabulosum, aut mendaciter confictum, sed vel mysterio adumbratum, vel ita vt res habet positum.

Videbnt ergo & fabrum illū de quo per Isaiam ait Dominus: Ecce ego creavi fabrum sufflantē in igne prunas, & proferentē vas in opus suū, & ego creavi interfectorem ad disperdendū. De quibus Naum Propheta loquitur, dicēs: *Isaia. 54.*
 Clypeus fortium eius ignitus, viri exercitus in coccineis, aspectus eorū quasi lampades, quasi fulgura discurrentia. *Naum. 2.*
 Et quorū frūitiā Abacuc admirās, ait: Omnes ad prædam venient, facies eorum ventus vrens, & congregabit quasi arenā captiuitatē, & ipse de regibus triumphabit, & tyranni ridiculi eius erunt, totum in hamo subleuabit, traxit illud in sagma sua, & cōgregauit in rete suum. Expandit, inquit, sagemā suam, & semper interficere gētes nō cessat. *Abac. 1.*
 Aderunt ibi & ferę bestię à Daniele quondam visę: *Dan. 7.*
 Leona expandens alas, Vrsus dentibus infrendens, vt comedat carnes plurimas. Pardus quoq; cum quatuor alis & totidē capitibus. Alia etiā bestia dentes ferreos habens magnos, & vngues ferreos, comedens atq; comminuens, & reliqua pedibus conculcans, & alia quæ Propheta se cōspexisse cōmemorat, supra modū monstrōsa atq; horrenda. Aderit & ille qui de cœlo cecidit in terrā, cui data est clauis putei abyssi. De quo puteo (vt in Apocalypsi scriptū est) ascendit *Apoc. 9.*
 fumus sicut fumus fornacis magnę. Et de puteo, inquit, exierunt locustę in terrā, i. dæmoniorū agmina in eos qui terrena bona beatitudinē putant. Et data est illis potestas, sicut habent potestatē scorpiones terrę, & præceptum est illis ne læderent foenū terrę, id est, humiles. Neque omne viride, in quo scilicet fidei, spei & charitatus viget succus: neq; omnem arborē, hoc est, eum qui à terra sese erigens cœlestia cōtemplatur, & bonorū operum fructu exuberat. Sequitur: nisi homines qui non habent Signum Dei in fron-

frontibus suis. Electos enim, & sanctos & fideles offendere nequeunt, sed illos duntaxat, qui licet labijs Deum honorent, corda tamen procul ab eo auersa gerunt, quibus dicturus est: Nescio vos. Discedite à me omnes qui operati estis iniquitatē. Attēdendum autem quales locustæ istæ, quān terribiles. Et similitudines locustarū, inquit, similes equis paratis in præliū, super capita eorū tanquā coronæ similes auro, & facies eorū sicut facies hominū, & habebāt capillos sicut capillos mulierū, & dentes earū sicut dentes leonū erāt, & habebāt loricas sicut loricas ferreas, & vox alarum earū, sicut vox curruum equorum multorum currentium in bellum, & habebant caudas similes scorpionū, & aculei erant in caudis earum. Præterea; Vidi, inquit, equos in visione, & qui sedebāt super eos, habebant loricas igneas, & hiacynthinas, & sulphureas, & capita equorum erant tanquam capita leonum, & de ore eorum procedit ignis, & fumus, & sulphur. Porro caudæ, inquit, eorum similes serpentibus habentes capita, & in his nocent. Aliam quoque bestiam vidit ascendētem de mari, habentem capita septem, & cornua decem, & super cornua decem diademata, & super capita eius nomina blasphemiarum. Et bestia quā vidi, inquit, similis erat pardo, & pedes eius sicut pedes ursi, & os eius sicut os leonis. Ac ne plura huiusmodi prosequi longum sit, flamma illa ad hoc tantū lucebit, ut hæc vel his similia monstra obijciat obtutibus impiorum. Etsi enim ista, quæ à Iohanne vel Prophetis relata sunt, ad allegoricos sensus referri soleant: nihil tamen obstat, quin ipsi impurissimi spūs in hæc formas (vel potius deformitates) vertere sese & possint, & velint, ut homines quib⁹ semper infensi sunt, formidine ipsa vexēt, antequā verberibus cædant. Quòd si sanctissimis viris quandoque tales apparuere, quomodo non apparebunt damnatis? Et si illis iniuriam inferre ausi sunt, quibus nocere Christo protegente non poterant; quantò magis eos infestabunt, in quos iam sauiendi ius accipient? Iob iustū Satan humani generis inimicus, impetrata in eum potestate, opibus

Mat. 18.

Marci. 7.

Matt. 15.

Apoc. 9.

Idem. 15.

Iob.

opibus exiit, liberis orbauit, seruis priuauit, vlcere percussit. Insuper quosdā qui calamitatibus eius insultarent, concitauit. Idem beatos Apostolos veluti triticum cribrare expetiuit. Paulum vas electum colaphizauit. Antoniū Alexandrinum Abbatem fustibus committigando tantū non exanimem reliquit. Machario bipennē manu vibrans hostiliter minatus est. Hilarionē variarū portentis vocum terrere aggressus est, & eiusdē orātis dorso insiliens, latera calcib⁹, ceruicē flagello verberare nō timuit: & eis parceret, qui sibi traditi erūt, quos igneis vinctos catenis trahet secū in abyssum? Sed & ipse in igne cruciabitur. Doloze ergo stimulatus, acius ad inferendā homini iniuriā insurget.

Apostoli.
Paulus apostolus.
2. Corin. 12.
Antonius abbas.
Macharius.
Hilarion.

Diximus de terrore qui damnatis per lucē gehennalis ignis incutietur; dicamus nūc de dolore. Sicuti enim monstrosas dæmonū species in lumine illo atro caliginosoque cōcernendo formidabunt: ita eorū supplicia, quos in vita charos habuerunt, intuēdo magis tristabūtur. Fraterfratri cōmisererebitur, filijs parentes, parētibus filij, amicis amici. Dumq; inuicē quilibet nunc suo, nunc alieno malo dolēt, duplicabitur omnibus grauitas mōeroris. Hinc sanē diues ille sepultus in inferno, multū de fratrib⁹ quos superstitēs reliquerat sollicitus, mittere ad eos Lazarum precabatur, vt ab ipso admoniti cauērent eō deuenire, vbi illorū afflictio suā poenæ additamentum foret. Audiuius quosdam in furto deprehensos, cū corā iudice cōstituti crimen negarent, patiēter tormēta tulisse. Vbi autē & filios in quaestione adductos cōspexissent, eorū ferre supplicium nequiuisse, atq; continuō furtum cōfessos. Et si necem ipsi subite maluerunt, quā liberis fidiculas intendi videre: quā quantaq; premerentur tristitiæ acerbitate, si vnā secum in inferno illos ardere vidissent, & flebiliter exclamare; & ab ijs qui ope indigent, opem implorare? Puto & ipsi exclamassent, obsecrātes, vt tota in se verterētur incēdia; & illis leuaretur poena. Aut si id effici nō liceret, vt saltē procul ab eis, vbi etiam grauioribus atterendi supplicijs essent, secedere sibi permitteretur; tantū ne illos, quos genuissent, vti as-

Do'or damnatorum in inferno.

Diues purpuratus.
Luc. 16.

uri aspicerent, gemere audirent, affligi angique sentirent. Denique in imo infernalis baratri flêdo demergi ac defigi præoptassent, & ut hunc vnũ effugerent, omnes alios dolores nō ita grāues credidissent. Ad augendā ergo reorum anxietudinē atq; ærumnam, ignis iste (sicuti diximus) non modò torrebit, sed etiā splêdoris aliquid diffundet, illarũ duntaxat rerum videndarum copiam, suppeditans, quæ spectantibus multò plus afferent molestiæ, quàm si etiam ipsas tenebrę caliginosiores occuluisent. Et de hoc hæcenus: nũc patientiũ poenas, utrũ diuersæ sint, perpédamus.

*Pœnarum
diuersitas.*

Diuersas esse nulli dubiũ est, nisi cui fortè libuerit Stoicorum more vitia omnia paria esse definire, ut pares etiā poenæ vitiõrũ sint. Quæ quidem sententia toto Catholicæ veritatis theatro explòditur & exhibitur. In Lege quippe

Leuit. 13.

veteri Sacerdos eos, qui lepræ morbũ cõtraxerint, cõsiderare iubetur, ac dijudicare, alba, an nigra, an rufa sit: diuersa auté lepræ genera, diuersitatē significant peccatorũ. Lex

Dent. 22.

etiā illum qui infamauerit vxorē, verberibus afficiendum decernit. Qui verò alienā stuprauerit, lapidibus obruendũ iubet. Inæqualis poena inæqualitatē criminis indicat. Idcirco de ijs quoque qui verberandi sunt, mandatur, ut pro

Dent. 25.

mensura peccati, fiat & plagarum modus: Et plures plagæ irrogentur ei, cuius grauior fuerit culpa. Sed ne quis differentia hanc in præsentī vita, nō in futura haberi cauillari possit, in Sapientiæ libro scriptũ est: Iudiciũ durissimũ in eos qui præsumunt, fiet, & potentes potenter tormenta patientur, & fortioribus fortior instat cruciatio. Cur ita, nisi quia in eodē quoq; genere peccati, magis delinquit is qui dignitatē præcellit? Adhæc etiā in Euangelio perspicua est criminũ & animaduersionũ discretio. Omnis, inquit, qui irascitur fratri suo, reus erit iudicio. Qui auté dixerit fratri suo tacha, reus erit concilio. Qui auté dixerit, fatue, reus erit gehennæ ignis. Frustra nimirũ fieret isthæc diuisio, si nulla esset vitiõrũ diuersitas, & si alia leuius, alia grauius

Matth. 5.

nō punirétur. Aut si diuersa nō sunt, cur qui verbũ dixerit contra Filiũ hominis, remittetur ei? qui auté dixerit cõtra

Matth. 12.

Spiri-

Spiritum sanctum, non remitteatur ei, neque in hoc seculo, *Matth. 12.*
 neque in futuro? Quare illo nequā spiritu cum septē alijs *Luce. 11.*
 nequioribus se (differēs enim etiā spiritū nequitia est) re-
 uertēte ad eū à quò exierat, fiunt nouissima hominis illius
 peiora prioribus? Quamobrē seruus qui cognouit volun- *Luce. 12.*
 tatem dñi sui, & nō se pręparauit, & nō fecit secūdū vo-
 luntatem eius, vapulabit multis; qui autē nō cognouit, &
 fecit digna plagis, vapulabit paucis? Quomodo denique
 Iudæ peccatū maius dicitur Pilati peccato, dicēte ad Pila-
 tum Domino: Non haberes potestātē aduersum me vllā, *Iohan. 19.*
 nisi tibi datū esset desuper; propterea qui me tradidit tibi,
 maius peccatum habet. Quod aut aliud alio leuius sit, mi-
 nusque noxę habeat, Iohannes Apostolus declarat, dicēs:
 Qui scit fratrē suū peccare peccatū non ad mortē, petat & *1. Iohan. 5.*
 dabitur ei vita peccāti nō ad mortē. Est peccatū ad mortē,
 nō pro illo dico vt roget quis. Grandis distātia; alteri pec-
 canti vita orādo impetratur, pro altero qui in morte est, ne
 orare quidem permittitur. Igitur sicuti distincta sunt deli-
 ctorū genera, ita & delinquentiū supplicia distincta sunt.

EST Gehenna & caminus ignis inextinguibilis, est *Tormentorū*
 vermis & tinea immortalis, sunt tenebrę aliz exteriores, *genera.*
 aliz interiores, est profundū & puteus abyssi, sunt glareę
 cocyti, secūdum quod dicitur: Dulcis fuit glareis cocyti; *Iob. 21.*
 est sicut calor, ita & frigus, iuxta illud: Ad nimīū calorem *Iob. 24.*
 trāsiet ab aquis niuium. Sunt spiritus creati ad vindictam,
 sunt pix, sulphur, grando, sitis, fames, mors, scorpij, serpē-
 tes, est romphęa vindicās in exterminium impios, est ab-
 synthium, & aqua fellis, est turbo indignationis Domini,
 & tempestas erumpens & irruēs super capitā iniustorum:
 Est & de quo superius dictū est, procellarū spiritus, qui flā-
 mas non finit quiescere, neq; prunas consopiri, aut cinere
 obduci. Sunt denique omnia mala, & nihil prorsus boni,
 & hoc vnum omnium pessimū, nulla vnquam neque mi-
 nuendę, neq; finiedę tantę acerbitalis expectatio. Quam *Quare pęna*
 rem quidam admirantes, quęsiere qua ratione iustū eisset, *eterna consli-*
 quod criminibus, quę tam breui temporis spatio perpe- *raliter peccā-*
 trantur tibus.

trantur (brevis enim est vita mortaliū super terram) poena cōstituatur æterna. Quibus respōsum est, hoc nō tantū diuinæ, verum etiam humanæ conuenire seueritati atque censuræ, vt scelera quædā, licet horæ vnius vel puncti momento commissā fuerint, plurimorū annorum mulctentur exilio, diuturniore carcere castigentur, longioribus discutiantur tormentis, quoniā nō tam tempus in peccādo spectatur, quā pondus. Peccat qui vno ictu homicidiū peragit, peccat qui tota die verba blaterat otiosa, & absque intermissione garrit atq; argutatur, & cū vterq; peccet, alterq; multū tēporis, alter parū in peccādo cōterat: homicidiū tamē poena interdū longiore punitur, incōsulta verò loquacitas ne breui quidem coërcetur. Deinde tamen si ad delinquendū non multū temporis hominibus præscriptū sit, animus tamē illius quē nunquā delictorū poenitet, qui nunquā male agere cessat, tēdit in infinitū. Et vt Gregorius inquit, vellent iniqui semper viuere vt semper possint peccare: ideo iustē quidem flagello plectuntur sempiterno. Præterea vt appareat, qualis quantusq; sit qui offensus est, oportet vt offensor ipse & grauissimē & diutissimē, id est, sine fine puniatur. Huc accedit, quod ei quidem qui breui tēpore peccans æternis addicitur supplicijs, non sit iniuria neque dolus, quoniā antequā peccasset, hæc eadem peccantibus proposita esse non ignorauit. Sciuit etiam, quod si breui tempore virtutis opera exercere studuisset, æterna remuneratione se fuisse potiturum, & tamen virtute contempta vitium sequi maluit. Quis ei, quæso, fraudi fuit? quis eum in illam nunquā satiabilem carnificinam precipitauit, nisi suamet peruersa in eligendo mala voluntas? Ad aquam ineffabilis dulcoris manum extēdere poterat, & prunis potius ardentibus eam immerisit. Talibus per Prophetam dicitur: Ecce vos omnes accendentes ignem, accincti flammis, ambulate in lumine ignis vestri, & flammis quas succēdistis. Profectō quisquis infinitæ beatitatis promissa paruipendit, infinitæque calamitatis minas non timet, quando & has euadere licet, & illa promereri, dignus

dignus est cruciatibus infinitis pro tanta animi sui temeritate, tantaq; stultitia. At aliquis fortasse incredulus eiusmodi minis nō adhibet fidē: tātō magis meretur illas experiri, vt quod credere noluit libēs, credat inuit⁹: cognoscat quia vera sunt, quę falſa eſſe impiē dubitauit: tradatur diabolo & angelis ei⁹, qui nō credidit Chriſto & Apoſtolis ei⁹.

Quoniam autem docuimus, diuerſa eſſe ſupplicia, ne quis aliqua vt alijs minus dura, ita etiam nō multū acerba putet, ideoq; ad euitanda negligentior efficiatur: oſtendemus ea quoque quę illic leuiſſima ſunt, omnibus quę hic habentur eſſe grauiora. Nihil hic quidē tam triſte eſt, tam luctuolum, vt non habeat aliquid cōſolationis. Pauperes, ſiti, fame, nuditateq; conſectus: inuenies qui miſerebitur & ſtipem porriget. Incurabiles morbi doloris interualla habent, & poſt vehementem acceſſionem, vel feſtina remiſſio expeſtatur, vel protinus exitus. Perpetuū exiliū non adimit patriam, ſed mutat, & plerique natale ſolum reliquiſſe vſui fuit. Qui in latomijs vinculisve coarctatur, aut perfractis clauſtris, aut Præſidis miſeratione euadere ſperant. Qui expeditur, mutilatur, vritur, in equuleo ſuſpenditur, ungulis raditur, virgis verberatur, cruci aſſigitur, membratum diſcerpitur, omnia deniq; quę crudelium tyrannorū furor adinuenit tormenta, in ſuo ipſo corpore excipit, quanto vehementior dolor eſt, tantō citius finem affore doloris conſidit, & totū quē intolerabiliter ſuſtinet angorem, ſe morte mox effugiturū gaudet. Soli illi qui ad tartarum relegātur, nihil penitus habere poſſunt vnde conqueſcāt, nedū vnde gaudeāt. Quis enim illic miſerebitur, vbi omnes miſeri ſunt? Quis cōſolabitur, vbi omnes lugere nō ceſſant? Quādo dabitur vel modica tormentorū intermiſſio, vel vllū leuamen, vbi vrēs ignis nunquā extinguitur, rodens vermis nunquā moritur, vexantia demonia nullo labore defatigātur, nulla crudelitate ſatiātur? Quis poſtremo malorū ſperari termin⁹ poterit, vbi diuini Iudicij irreuocabilis maledictio in æternū perſeuerabit? Deinde vitę huius aduerſitatum tribulationumq; cauſa

*Quod mini-
ma in inferno
pena maior
ſit illa quę hic
habetur maxi-
ma.
Auguſti. in
Pſal. 37-*

hæc ferè est, vt aut iustus per patientiã coronetur, aut peccator per timorẽ corrigatur. sed causã gehennæ ignis alia nõ est, quàm vt obstinatus, quẽ nunquã flagitij poenituit, nunquã careat tormẽto: hic ira, illic pietas Dei est. Nõne ergo satis patet, grauiorẽ esse animaduersionẽ Dei irascẽtis, quàm castigationẽ diligentis? Verberat aliquis filium, sed vt à vitijs deterreat: verberat hostẽ, sed vt interimat. Nõne igitur leuissimus in hostẽ ictus durius feriet, quàm maximus in filium? Sic & minima in inferno poena maior est, quàm quæ hĩc inferri potest maxima, quoniã hĩc filij, illic hostes Dei sunt. quanquã multi & hĩc hostes, sed ita vt esse possint filij. Hoc idem nobis contrarij quoque ratio suadet. Nam quemadmodũ in cœlesti gloria minimo beatorum ij, qui in terra felicissimi exultantur, cõparari nequeunt: ita è diuerso qui in inferno minimum miser est, omnibus quẽ supra terrã haberi possunt miserijs, miserior est. Quanto itaq; plus haurit gaudij, qui in cœlo minimus est, quàm qui in terra maximus: tãtò plus poenæ sentit, qui in inferno minimã sentit, quàm qui maximam in hoc seculo.

De reuelationibus infernalium poenarum.

Caput XIII.

HIs rationibus addamus etiam reuelationum argumenta, vt eorum ipsorum, qui vel periẽre, vel à perditionis limine reuocati sunt, confessionibus, quãta pereuntium infelicitas sit, certius innotescat. Audiuius epulonem diuitem de Euangelio perquàm lugubriter conquerentem, & sancto Patriarchæ supplicatẽ, vt mitteret Lazarum, qui intincto in aqua digito guttulam vnã lingux suæ instillaret, eò quòd totus in igne arderet totusq; cruciaretur. Quanta ergo calamitas est sic torreri, & vna aque gutta indigere, nullaq; postulatione eam impetrare posse? Sed huic tam ingenti miserix additur præteritæ felicitatis amara recordatio. Respõsum enim accipit: Memento quia bonis multis in vita fruebare, Lazarus verò pressus erat malis: tu nunc cruciaris, ille consolatur. Additur & fratrum
supersti-

*Dives purpuratus.
Luc. 16.*

superstitum irrequieta sollicitudo, cum tam vehementer expauescat, ne eandem & illi perniciem sortiantur, quos fortasse sciebat haud alijs moribus vivere, quam ipse vixerat. Non ergo satis est flammis excoqui, & ne linguam quidem tanti ardoris habere expertem: multiplicium insuper curarum perpetua anxietudine exaestuandum est.

STACTÆVM Ephesium Iohannes Apostolus, dum efferreretur, ad vitam reuocatum percunctatus dicitur: Quid in alio orbe de illis duobus fratribus discipulis suis viderit, qui sibi aliquandiu religiosè adhærentes, rursus per inconstantiam lubricitatemq; descuerat. Cum ergo is quantum beatitudinè cum quali infelicitate permutassent, coram recensuisset, continuò illi ambo omnes diuitias pauloante repetitas acceptasq; (hæ autè erant virgæ in aurum versæ, & lapilli in gemmas) vt his redimerent possessiones, quas pro amore Christi distraxisse dolebant, ad pedes Apostoli effudere, multis cum lachrymis rogantes veniam ac dicentes, omnia se perpeti paratos, tantum vt pristinam gratiam apud Deum sibi recuperare liceret. Nequaquam tam citò tantas opes iterum cõtempnissent, & ad Apostolicam reuersi fuissent egestatem, nisi certò cognouissent, & omnibus opibus maiorem esse Paradisi gloriam, & omni egestate angustiores inferni ærumnam. *Abdias.*

Duo Iohannis discipuli.

MACHARIUS Alexandrinus dum aliquando per Scythoticam solitudinem deambulare, caluariam hominis humi iacentem conspicatus, coepit per Christum Iesum obsecrare & interrogare, cuius fuisset dum viueret, quove nunc in loco animus quondam inhabitator suus degeret? Grande miraculum: aridum os, carneque & nervis nudum prorupit in vocem, ac se getilem fuisse, proximique vici indigenam, respondit: nunc verò in foueam baratri infernalis tam altè retrusum angustiari, quam procul à terra distet cœlum. Sed etiam se inferius corruiere Iudæos incredulos, & ipsis inferius hæreticos Christianos, qui reuelatam diuinitus veritatem mendacibus pervertere sententij moluntur. Merito quidem ipsi hæretici & Genti-

Caluaria cuiusdam Ethnici.

libus, & Iudæis, damnabiliores sunt. Nam utriq; illi aperte cum Ecclesia pugnant: hi verò amicitie simulatione ex insidijs nocent, & cum se Christianos nuncupet, nulli Christianos perniciosius lædunt. *Sur. Tom. 1.*

cadaver cuiusdā rustici.

EADMONO Cantuariensi Archiepiscopo die quadam in visu apparuisse ferunt, latè patentem campū, squalentibusq; aruis vallum, & in eo rustici cuiusdam sola vitæ prauitate nō ignobilis, exanime corpus ab ingēti coruorū multitudine certatim impeti, distrahiq; & dilacerari. Deinde compertū ea ipsa die rusticū illū fuisse vitæ defunctū. Quid mali, quid iniuriæ usquā esse potest, quod nequissimi spiritus damnatorū animabus illic in inferno nō irrogent: si hic in cadauera eorum tam auidē debacchantur?

Iosaphat regis filius.

IOSAPHAT Auenir Indorum regis filius Barlaam Eremitæ industria & disciplinis ad Christianitatem cōuersus, meretriculæ cuiusdam forma blanditijsq; & procacitate captus fuisset, nisi diuina miseratione contigisset, ut parumper obdormiscens, & Sanctorum gloriam, & damnatorum pœnas videret. Eo somno confirmatus, in castitatis proposito perseverauit. Tyrunculus adhuc in fide erat, & puto turpis voluptatis tam violentæ sollicitationi succubuiisset, nisi per huiuscemodi visum, & Paradisi delicias omnibus mundi oblectamentis magis expetisset, & omnibus formidalibus ipsa inferni tormenta magis expauisset. Si ergo ista per speculum & in ænigmate, & quandam soporis umbræ visā tantam vim habuere, quid virium quantumq; efficaciarū haberent, ita ut sunt, conspecta? *Damasc. in vita Barlaam. c. 36.*

Tres à morte ad vitam reuocati.

Sicuti conspexerant tres illi Ierosolymis bis morte defuncti, de quibus tunc quoque mentionem fecimus, cum de Purgatorio tractaremus. Qui (ut Cyrillus tradit) ad destruendam hæresim quandam precibus ipsius Cyrilli & Eusebij, Hieronymique iam cum Christo regnantis meritis, qua die mortui fuerant, resuscitati sunt. Tunc palam testari cœperūt, se Hieronymo duce loca Paradisi, inferni, Purgatorijq; perlustrasse, & cum damnādi essent, eiusdem apud

apud Deū gratia antequā iudicārētur, ad vitā redire iussos. Enarratis igitur omnibus quæ vidissent, sola infernalium poenarū recordatione à lachrymis se tēperare nullo modo poterāt, quòd dicerent, tales ac tantas esse poenas illas, vt nullæ penitus excogitari possent cū ipsis cōparandæ. Itaq; sine intermissione flebant, donec peracta viginti dierum poenitentia, rursum (vt prædixerant) suis exuti corporibus decessēre, non vt prius ad mortem, sed ad vitam. Perpendamus horum testimonio, horumq; luctu, quàm immensum malum sit illud, quod cum nullo malo cōferri queat, & cuius timor lachrymas cohibere nō sinebat. Horū quoque poenitentiā imitemur, qui tam pauculorū dierū fletu tantam euaserūt perniciem, & simul beatitudinē cōsecuti sunt æternam. *Inter Epist. August. Epist. 206. c. 2. et 3.*

Idem Cyrillus refert, dum mœstus oraret, indicari sibi petens, qualiter se haberet Rufi nepotis sui nuper defuncti anima, se foetorem primò sensisse supra modum grauem, neq; naribus omnino nisi cōpressis tolerabilē, mox deinde Rufum conspexisse catenis candentis ferri præcinctum, flammis fumo mixtas ore vomentem, & toto prorsus corpore ex ardoribus, quos intra se habere videbatur, scintillantem. Cumq; hoc spectaculo conterritus miraretur, & vehemēter expavidus quæreret, quam ob culpam iuuenis moribus integer, & ob id quondam omnibus charus talibus poenis dignus iudicatus esset, ob eodē didicisse, nihil ei aliud crimini fuisse datum pro quo ita vexaretur, præter alex lusionem, quoniam ipsa identidem vsus esset, & leuissimum vel nullū peccatum existimans, illud Sacerdoti confiteri neglexisset. O seuera diuinæ iustitiæ iudicia, & expauescendum examen! Si vnum in homine vitium, tot virtutibus quæ eidem inerant, non est compensatū, vt ipse à damnatione liber esset: quomodo illis cōpensabitur, qui pleni flagitijs nulla cū probitate decedunt? Et si tam sauos patiebatur cruciatus alex lusor: quales, quæso, passuri sint fenerator, fur, adulter, homicida, vel hæreticus, vel idololatra? Non dubitamus, quin isti grauius peccent: proinde

*Rufus Cyrilli
nepos.*

nec dubitemus; præter hæc Rufi supplicia esse adhuc quædam multò grauiora. *Ibid. c. 14.*

Gregorius Papa. Exempla quæ sequuntur, de Beati Pontificis Gregorij Dialogo recitabo, ne quis ambigat, quin ea verissima sint, quæ tanto teste proferentur.

Quidam Seueri precibus vitæ restitutus. Quidam in finibus Valeriæ Prouinciæ agrotans, priusquam Seuerus Presbyter ad ipsum à peccatis absoluendû adueniret, diem suum obiit. Mox eiusdè Seueri lachrymis ac precibus, annuente Domino, reuixit. Interrogatus quid sibi cum è corpore migrasset, cõtigerat, respondit se à quibusdam hominibus nigrioribus quàm Æthiopes sunt, & qui ore naribusq; ignem efflabant, repètè correptû fuisse, & per opaca loca; atque aspera raptim deductû. Sed dum adhuc deduceretur, à candidissimis iuuenibus, multaquæ luce coruscantibus obuiam factis dimitti, ac vitæ pristinæ restitui iussum, quòd diceret Seuerò Presbytero hoc poscenti Deum concedere. Igitur cum peccata sua eidè confessus poenitentiam peregisset, die septimo iterum, sed felicius, obdormiuit. Terribiles illi nõdum confesso, cum per tenebras traheretur, dæmones fuere, haud dubiè terribiliores futuri, si ad gehennâ vsq; pertraxissent. At verò quâ fortis Seueri pietas, quàm potens meritû, qui de ore tam rapacium luporum eripuit prædam, & animam ab Orci faucibus auulsam inferuit cœlo? Ex quo liquet, tunc maxime Sanctorum precibus nobis opus esse, cum expiramus. Iam iudicatis nihil proficiunt preces: Nulla est in inferno redemptio. *Greg. Dial. lib. 1. c. 22.*

Orcus, id est, infernus.

Theodoricus rex.

Neque enim Theodoricum Italiæ regem Arrianum, ne in interitum rueret æternum, sua tenere vis, suusq; valuit potentatus. Quem Solitarius quidam in Lipara Siciliæ Insula Deo seruiens, in foueam illam quæ flammæ eructat, vinctum deijci vidit à Iohanne Papa, Symmachoq; Patrio, quos ille Catholicam tuentes fidem non multò antè occiderat. Merito ab ipsis præcipitari visus est, quos ipse præcipitados in mortis ignominiam putauit, dum martyrio coronarentur. Deprehensum quoq; est, eodè die ipsum
inte-

interijſſe, quo talia de illo Solitarius viderat. *Ibid. li. 4. c. 35.*

Opinor locum illum in quem eſt deiectus, ſicuti & alia *ignis in Sicilia inſulis.*
quæ in illis circa Siciliam inſulis, atque in ipſa Sicilia perpetuò ardere conſtat, infernæ fornacis infumibulum eſſe, & flammas ac fumum ipſum inde à Gehénæ igne ſurſum verſus euaporari. Si enim is ignis eiſdem cum noſtro naturæ eſſet, vnde illi materia ſufficeret, per tot iam ſecula aſſiduè flagranti? Nónne iampridem inſulas illas omnes in nihilum redegiſſet? Is ergo ignis eſt, qui ad cruciandum factus eſt, non ad conſumendum, niſi fortè quod conſumptum aut terroris aut poenæ plus adiſciat. Si quis autem noſſe cupit, quàm alta profunditas ſit, à ſummo ore bullientis foraminis ad ultimum vſq; inferni fundum, Theodoricum interroget, quem ideo totum præcipitium illud emenſum credimus, quia nullum crimé grauius eſt, quàm ab Eccleſiaſtica diſſentire veritate, & Hæreſum prauitatis implicari. *Hæreſeos crimen quàm grauiſſimum.*
Quò autem minus dubitemus, eſſe apud inferos tormentorum ignem, hucvſq; illum noſtris oculis viſendum diuina prouidentia iuſſit promicare. *Ibid.*

Quod ita eſſe, Eumorphi quoq; Romani Gallæ viduæ filij exemplo probari poteſt. Qui cum animam ageret, clamare coepit, dicens: Pergite citò accerſitum mihi Stephanum Optionem. Ecce enim nauis ambos nūc ad Siciliam vectura in portu nos præſtolatur, iam ora ſoluit, iam vela ſuſpēdit. Inſanire putabatur, donec rurfus morantes ſamulos increpans: Non inſanio, inquit, agite, iam ite, ſi libet, & quod vos volo, perficere ne cunctamini. Dum eunt, audiunt Stephanum illum deceſſiſſe: dum redeunt, Eumorphum extinctū offendunt. Vtriuſque exitus eodem temporis puncto contigit, vt talis euentus doceret, haud temerè viſum eos ad Siciliam euocari, vbi Ethna ſicut & infernus igni flagrat inextinguibili. *Ibid. c. 35.*

Proſequamur adhuc ignis huius non leuia viſa, vt aliorum caſus repetentes diſcamus nobis cauere. Quo tēpore Gothi Italiam vaſtabant: Reparatus Romanus improbus *Reparatus Romanus Tiburtius Presbyter.*
magis quàm ignobilis vir, dum deſunctus plangeretur,

S s s reui-

renixit: Et mittite, inquit, ad Ecclesiam Laurétij Martyris sciscitatú, quid Tiburtius presbyter agat. Vidi enim cum rogo impositum acriter torrerì, vidi & alium rogam, qui flammæ mucrone cœlum lambere videbatur, de flamma quoque vocem erumpentē audiui, quæ indicaret quis ille esset; cui poena parabatur. His enarratis, repentē obmutuit, non sydere, sed morte percussus, atque iterum illuc vnde redierat abiit. Tiburtius etiam infelicem animā tunc exhalasse compertus est, de quo hominum quoque præiudiciū factum fuerat, nemine non vitam illius detestāte. Cū enim Presbyter esset, nihil Presbyteri habebat, præter figuram ac nomen. Reparato autem alios admonendi, non suā à perditione liberādi copia data erat, Deo per illū cæteris cōsulēte, vt cauerēt eorū vitia imitari, quos ad Gehennā dānatos satis certo indicio cognouissent. *Ibid. c. 31.*

*Curialis ar-
dens in sepul-
tura.*

In Valerię provinciæ regione fuisse Curialis quidā perhibetur, qui cū in Vigilia Paschę filiam cuiusdā sibi amicissimi iam adultam ad Baptismum tenuisset, contracta spiritali nēcessitudine eam illo die secum manere petijt, concessam lautē atque opiparē accepit, & quasi à se genitæ amoris signa ostendit, longē alium amorē cælans in corde. Nocte enim superueniente, miscellam nihil tale timentem inuadens, vitiauit. Cæterū cū illuxisset, tanti sceleris conscius ad Ecclesiam procedere verebatur; ne tamē de se suspicionem alijs generaret, si tam solenni festo Missæ non interesset, perrexit non cum modico diuinæ vindictæ timore, sed diei illius impunitas reliquorum securitatē suppeditaui, quasi verò malorum obliuiscatur Deus, si non ita citò castiget. Die igitur septimo post commissum flagitium cū sanus ambularet, repētē cōcidit mortuus. Cūque sepelissent eum, flamma de tumulo erumpens ardere non desijt, donec cadauer simul cū conditorio consumpsit. Hinc coniectare libet, quātò vehemētius anima eius viuēs ac sentiens torqueatur in inferno, cuius exanime & insensibile corpus comburi dignum fuit in sepulchro. *Ibid. c. 32.*

*Petrus Mo-
nachus.*

Monachus quidā natione Hiber⁹, cui Petro nomē fuit, cū

eum non satis monasticè uiueret, mortè obijt. Mox autem corpori restitutus, dixit se uidisse inferorū tormētā, perpetuumq; Gehennæ ardorē. Cumq; propè esset vt & ipse in ignē proijceretur, ab Angelo fuisse ereptū, & ad mortālē vitam quam reliquerat, redire iussū, hoc addito, vt iam disceret qualiter sibi deinceps viuendum esset. Intantum itaq; postea immutatus est, vt ipsa corporis maceratione se uidisse testaretur, quod tantopere timeret. *Ibid. c. 36.*

STEPHANVS Romanus vir sua ætate illustris, Constantinopolim profectus, in valetudinē incidēs vita decessit. Et quoniā ij qui illū comitati fuerāt, officij gratia corpus eius ad patriā referre volebāt, quæsitus est pollinctor qui illud exenteratū sale cōdiret, ne in itinere putresceret. Pollinctore tūc nō inuēto, is qui mortuus iacebat, die postero exurrexit uiuus, vixitq; postea nō parū diu, sed minus quā debuit emendatè, adeo quosdā ne visā quidē horrenda ita terrēt, vt corrigāt. Igitur narrare solebat, tūc se ad inferos deductū uidisse formidabilia illa quæ olim audita nō crediderat, & dū veluti reus ante ludicis tribunal sisteretur, dimitti iussū, reprehenso errore eorum qui ipsum adduxerant, cum non ipse, sed Stephanus Ferrarius adduci iussus esset: se itaque restituto, eadē hora Ferrarium hunc vicinū suum defunctū fuisse, & tantæ visionis fidē fecisse, ne somnium putaretur. Quod autē nō se satis correxerit, hoc quod sequitur exemplo, perspicuum erit. *Ibid.*

Miles quidam in eadem vrbe Roma pestilentia morbo extinctus, cū reuixisset, dixit, apparuisse sibi pontem angustum, fluuiumque subterlabentem, tetrū admodum & caliginosum, ac foetore incredibili grauem. At verò ad ulteriorem ripam loca amoena, & quæ oculos florum varietate, nares odorum fragrantia, multum præcipueque oblectarent, tum habitacula passim disposita diuini cuiusdam nitoris ac formæ, sed inter ipsa vnū cæteris maius elegantiusque, quod totū aureis laterculis adhuc construebatur, cui autem construeretur, se scire nequiuisse. Considerasse tamen, quod iussu pontem securè pertransirent, reprobi
verò

*Stephanus
Romanus.*

*Stephanus
Ferrarius.*

Miles quidam.

*Peregrinus
Presbyter-*

*Petrus Ire-
narcha-*

*Stephanus
Romanus-*

*Adolescens
secularis-*

verò laberentur, & in fluviū ruerēt. Tunc vidit (vt aiebat) Peregrinum Presbyterū tam inoffensē per angustias illas gradum tulisse, quā hic piē vixerat. Sed inter eos quoq; qui ceciderant, quosq; rapidi gurgitis spumosi vortices agitabāt, vidit Petrū ecclesiasticæ familiæ Irenarchā, qui quadriēnio antē obierat, ferreis vinculis cōplicatū, & de horribili alueo enatare frustra conantem, atque idcirco ei supplicio mancipatum audiuit, quōd reos olim quos puniendos accipiebat, sœuiter magis quā obsequenter punierit. Vidit & Stephanum, de quo modò diximus. Qui cū transire pontem vellet, ad medium perueniens pedibus delapsus est, ventre adhæsit ponti. Per pedes ergo ab immundis spiritibus in fluuium trahebatur, per manus ab Angelis, ne mergeretur, tenebatur. Interim qui talia vidit, vitæ restitutus, pendētis in ponte qui finis fuerit, scire non potuit. De quo ne Beatus quidem Gregorius præiudiciū facere ausus, lapsum adhæSIONemq; tantū interpretatur, dicēs: Deorsum deprimit carnis lasciuiā, sursum attollit eleemosyna. Ex ijs autē duobus quid in Stephano magis excelleret, incertū erat. Ideo nec totus mergi visus est, nec totus emergi. Nos inde discamus, non sic incedere vt labamur, cū tā atra & sœua sit perditionis æternæ vorago, cūq; tā virosam exhalet mephitim, vt nō min⁹ foetore ipso cruciet, q̄ vortigine fremituq; ruentiū aquarū. *Ibid.*

Fuit Romæ in monasterio Beati Pōtificis Gregorij (vt idem tradit) adolescens quidam secularis, cum fratre monacho manens, ita mundanæ vanitati deditus, vt nulla pię conuersationis præcepta admitteret, proteruus, levis, vecors erat, vt qui magis rei familiaris defectu, quā amore fratrem secutus esset. Hic ipse pestilentia percussus, cū iam moriens extremos ederet anhelitus, monachis affidentibus, & pro salute eius Deum deprecantibus, magno omnes pauore turbauit, dicens: Faceffite hinc, cur prohibetis ne à dracone isto deuorer, si illi datus sum? iam ignitis faucibus hausit caput meum, & stridentibus squamis, quasi ferris tractim terens enecat me. Abite, quæso: nam præsen-

præsentibus vobis totum absorbere non potest, & idcirco magis cruciat. Cumq; admoneretur, vt se Crucis signo cōtra illum defenderet: Quid possum, inquit, cū & manus & pedes meos caudæ suæ spiris circumuolutos colligarit? Hoc audito, fratres in terra cum lachrymis prouoluti, ardentius pro eo supplicare cœperūt. Inde ipse meliusculus factus, gratias Deo agere, quod exauditis fratrum precibus, à se tam immanem bestiam effugasset, insuper vitam se aliam, si conualesceret, inchoaturum polliceri, terrenaq; omnia contempturū. Conualuit, & quod promiserat præstitit, tam sanctè posthac viuens, quàm antea petulanter. Timeamus & nos crudelissimum hunc draconem, qui nō tantum caput, sed totos penitus cupit deglutire, totos perdere, & in ardentē flāmis alueum demittere, vt veluti fornace conclusos torreat semper & excruciet. *Ibid. c. 37.*

Cuius quidem credulitatem subsequētis quoq; calus infelicitas facit manifestam. Iconiæ in monasterio (quod Tongalathon dicebatur) monachus erat, qui simulata sanctimonia magnā apud omnes æstimationē sibi comparauerat. At verò cū ægrotans ad diem vitæ suæ supremum accessisset, expauescens fratres cōuocat, hypocrisim (quā diu cælauerat) prodit. Et nunc videte, inquit, quō me perduxit diu mentita sanctitas. Ieiunijs me identidem affligi fingebam, sed occultè comedēs nunquā ieiunabam, nunc inimico traditus sum. Ecce me terribilis serpens tortuosi corporis voluminibus implicatum tenet, ecce in os meū, quod clādestinis dapibus replebatur, caput indidit suum, & latifero morsu sanguinem suctans, adimit spiritum. Sub hæc verba miser defecit, quibus profectō nō illi, sed nobis consultū est, vt cognito hypocritiæ fine, hypocrisim euitemus. Nimis animæ suæ insensus est, qui tam diri serpentis venena nō perhorrescit, cū etiā in Ieremia scriptum sit: *Ierem. 8.* Ecce ego mittam vobis serpentes pessimos, quibus non est incantatio, & mordebunt vos, ait Dominus. *Ibid. c. 38.*

Chrisorium Romanū, opulentū quidem, sed scelestum hominem fuisse cōstat, ita vt diuitijs, an vitijs magis abundaret,

*Monachus
Hypocrita.*

*Chrisorius
Romanus.*

darit, incertū sit. Cū aut graui valētudine quāteretur, & iam expirās anxiaretur, apparuēre illi teterrimi dæmones ipsum certatim prehēfantes, trahereq; ad infernā nitētes. Qui cōterritus ac tremēs, Maximi filij sui opē flebiliter implorare, seque super lectū in quo iacebat, huc atq; illuc vertere miseris cōepit modis. Nemo spūs videbat, & tñ nemo ibi conuenisse dubitabat, cū illius gestus lamentaq; considerasset. Postremò cū iā amicorū auxiliū desperasset, ad hostes conuersus, inducias oro, inquit, inducias vel tñ vsque mane: dum hoc poscendō ingēminat, animā exhalauit. Quā dura igitur & inexorabilis dæmoniorū improbitas, à quibus nō solū pax nulla impetrari potest, sed neq; breuissimi temporis induciæ; perijsse horā arbitrātur, quā ab inferēda homini molestia fortē cessarint. Assiduus itaq; & perpetuus eorū qui dānantur tortor & carnifex est diabolus, nec solū animas perditas vexans, sed interdum etiā ossa pereuntium in sepulturis quiescere non sinens. *Ibid.*

*Valentinus
curator.*

Valentinum nanque Mediolanensis Ecclesię curatorem cū Genuę defunctus in Ecclesia Beati Syri Martyris sepe liretur, noctū terribili clamore exciti custodes, viderunt per pedes vinctum foras protrahi à dæmonijs, vlulantem vociferantēque; eo visu conterriti, abierūt quisque ad cellam suam. Manē verò reliquis fratribus quæ viderant referunt, & vnā cum illis adeunt Valentini sepulchrū: aperiūt; vacuum inueniunt, admirātur. Deinde extra Ecclesiā corpus eius quærētes, illic vbi transpositū fuerat, iacere conspiciunt, sic vinctis pedibus, sicuti tractum custodes dixerant. *Ibid. c. 35.*

Tinctori quidam.

Romæ quoque tinctor quidam in Beati Ianuarij Martyris Ecclesia sepultus, nocte sequēti eiulare auditus est, & quodd arderet, grauitè lamētari. Manē ad aperta sepultura, vestimenta cum quibus positus fuerat inuenerunt, corpus nusquam comparuit. Hinc considerandū, qualiter animæ illorū torqueātur in inferno, quorū corpora à dæmonū iniurijs, ne in ecclesia quidē cōdita tuta esse possūt. *Ibi. c. 34.*

Femina.

Nam in Sabīnorū quoque Prouincia Monialem quandam

dam fuisse traditum est, quæ corporis castitatem seruans, *Monialis*
linguam procacitatis vitio polluebat. Cumque diem o- *quedam.*
bisset extremum, & in Ecclesia sepulta esset, adituus nocte
intempesta ecclesiam ingressus, vidit illam ante altare di-
stantiam secari per medium, partemque superiore igne cre-
mari, inferiorem verò relinqui intactam. Manè igitur visa
fratribus narrans, dum locum in quo eam vri conspexerat
ostendit, deprehensa sunt in marmoreo solo ardoris ve-
stigia. Qui ergo linguæ intemperantis est, timeat tam cru-
entam sectionem, timeat ignem, non igne qui tunc in ec-
clesia visus est, sed qui per illum significatus est, ignem Ge-
hennæ quouis alio igne acriorem. *Ibid. c. 51.*

Cuius quidem ignis tam vehemens erit cruciatus, vt ad *Ignis crucia-*
maledicendum Creatori suo multos compellat. Sic enim *ius.*
in Apocal. relatum est: Commandauerunt linguas suas *Apoca. 16.*
præ dolore, & blasphemauerunt Deum cœli præ doloribus
& vulneribus suis. Quorum impatientiam furibundaque
lamenta Isaias cernens, dicebat: Quis poterit habitare de *Isaia. 33.*
vobis cum igne deuorante? quis habitabit de vobis cum
ardoribus sempiternis? Quod si illū blasphemare nō vere-
buntur, qui paulo ante in iudicio tam timendus apparebit;
satis cōstabit, ipsos cedere, nihil iam posse sibi interri gra-
uius, quàm quod illatū erit. Ex immensitate ergo pœnæ ca-
pient blasphemadi audaciā. Illa præterea tanta vis doloris
atque acerbitas conturbabit, peruertetque in illis intelle-
ctus rationem, memoriæque vigorem. Nihil cognoscent,
nisi vnde doleant, nullius rei recordabuntur, nisi cuius re-
cordatio augebit tristitiam. Cognoscet quantum boni ami-
serunt, dum eos peccati non poenitet, quantum mali subie-
runt, dum à committendis malis non cessant. Execrabuntur
liberi parētes, quod se à flagitijs iusta castigatiōe nō coër-
cuerint. Execrabūtur parētes liberos, quod propter nimium
eorum amorem, indignos se fecerint amore diuino, nihil
pensi habentes Deum offendere, dum ipsis blandiuntur,
propter ipsos auaritiæ cupiditatiue dediti, & semper per
illicitos quæstus diuitias, quas eis relinquāt, comparantes.

Maledicet

Maledicet frater fratri, amicus amico, quod sibi perperam actorum socius comessque fuerit, & non æqui, non honesti sedulus monitor atq; cōsultor. Maledicet filia matri, quod impudicitia sibi exemplum fuerit. Maledicet filia mater, quod dum eam corripiendo lædere cauet, ipsa correptionem nō cauerit ultionis diuinæ. Maledicet, inquam, alius alium, dum suā quisq; considerat ærumnam, suāq; poenæ stimulatur aculeis. Attamen etiā quisq; (vt diximus) propinquorū amicorūq; tormentis quos iuxta se cernet torquetur, mutuaq; inter illos cōmiseratio cōmunis afflictionis erit incrementum. Vellent poenas eorū nō videre, quibus cogūtur maledicta ingerere. Sua singulis cruciatio excitabit iram, aliena multiplicabit terrorē. Quid multa? nihil ibi sciatur, nihil videbitur, nihil audietur, nihil sentietur, nihil cogitari poterit, nisi quod poenis cumulū addat, quodq; afflictos magis premat ac vexet. Heu, heu terribilissima damnatorū fors! Quantō melius cum illis actum esset, si omnia mala, quæ hīc haberi possunt, pertulissent: & quæ illic habentur, euasissent? Si, sicut Adonibezzech, manibus pedibūq; abscessis, inutilis truncus facti fuissent: Si, sicut Sichemitæ, quos Abimelech in phano Berith compulerat, fumo & igni necati essent: Si, sicut Sedechias, liberos corā se crudeliter cēdi vidissent: Si, sicut Ammonitæ, quos Dauid oppida eorū Rabba expugnato cōcepit, carpentorum substrati rotis, contusi atque contriti expirassent: Si, sicut Aman, de summo penē dignitatis gradu repente ad imum deuoluti, & in crucem suspensi, ignominiosa morte vitam finissent: Si, sicut mulier illa, quæ Zachariæ Prophetæ in medio amphoræ apparuisse dicitur, plumbea massa in os indita suffocati fuissent: Si, sicut Danielis accusatores à leonibus, vel Elifæi derisores, ab ur̄sis: Vel Achab regis vxor, à canibus membratim discepti, dilaniatiq; essent: Si denique, sicut illi septē Machabæi fratres, tyrāno sæuiente, linguis mutilatis, capite pelle sua deglabrato, pedibūq; ac manibus defectis, in sartagine fricti atque exusti fuissent. Nullum crudelitatis genus est, cuius toleratu infē-

Iudic. 1.

Ibid. 9.

4. Reg. 25

1. Paral. 20.

Hester. 7.

Zachar. 5.

Danil. 6.

4. Reg. 2.

Ibid. 9.

2. Mach. 7.

Inferorū tormenta redimi non debuerint. Introibūt enim in inferiora terræ peccatores, tradentur in manus gladij, *Psalm. 62.* partes vulpium erunt. Dentibus frement & tabescent, & *Psalm. 111.* omne desiderium illorū peribit. Et vt Amos Propheta ait: Leuabunt eos in contis, & reliquias eorum in ollis feruentibus. Atque etiam in Apocalypsi scriptum est: Fumus tormentorum eorum ascendet in secula seculorum, nec habebunt requiem die ac nocte. Quid ergo agimus, o animae? quid desidia torpescimus? & fallacium voluptatum blanditijs deliniti, vitæ religiosæ laborem subire cunctamur? Sit graue in paupertate ætatem agere, nisi multò grauius est siccis faucibus anhelantem vna aquæ stilla perpetuò indigere. Sit ignominiosum humilitate subijci & se nihili reputare, nisi multò ignominiosius est, omnia immundorū spirituum ludibria sine fine sustinere. Sit durū ac difficile cōtempta carnis lasciuiā castitati studere, nisi multò durius difficiliusque est, gehennæ flammās, abyssi tenebras, demonū iniurias, totius inferni multiplices variosque horrores atque supplicia semper perpeti, semperq; perpetiēda expectare, nunquam finiēda. Hactenus de damnatorum poena; nūc ē diuerso de Beatorū gloria, sicut proposuimus, dicere aggrediamur, vt si quē fortē tātæ perditionis metus ad bene beateq; viuendū non satis mouet, moueat saltem promissi præmij spes, coelestiumq; cupiditas gaudiorum.

De Beatorum gloria.

Caput. XV.

ILLE igitur, qui post mirabilem corporum suorum resurrectionem ad possidendum æternitatis regnum à Domino euocati fuerint, iamprimum multo splendore re- *C'aritas corporum.* nitent, ac veluti lucetia sidera Solem iustitiæ comitantes, Angelorum mixti agminibus cælū vertus ferentur. Inerit sacris artubus insula beatitudinis fulgor, dum eos Maiestatis diuinæ aspectus ita illuminat, sicut Sol iuste, quem videmus, Lunā ac stellas. Quod si Moysi facies ex colloquio diuino sic radiabat, vt multorū oculi præstringerentur, nec

T t

in eum

- in eum intueri possent, cum tamē ille corpore corruptioni obnoxio ac mortali adhuc in terra degeret: quanto lucidiores facies eorum erunt, quorū corpus immortalitatem induet & incorruptionē, qui nunquā a Deo separabuntur, qui non terram hanc, sed terram viuentiū, id est, cœlestem patriam semper inhabitabunt, iam ciues facti Sanctorum, & domestici Dei, & cohæredes Christi? Fulgebūt ergo iusti (sicut scriptū est) & tanquā scintillæ in arundinetō discurrent: tunc semet inuicē admirabūtur, & mutuo affecti gaudio dicent: O quā pulchra est casta generatio cum claritate? De hac sanē illorum claritate prophetabat Baruch, dicens: Stellę dederunt lumen in custodijs suis, & lætata sunt: vocata sunt, & dixerunt, Adsumus, & luxerūt ei cum iocunditate qui fecit illas, hic est Deus noster. Et Daniel: Fulgebunt, inquit, quasi splendor firmamenti, & quasi stellæ in perpetuas æternitates. Hoc idem testatus est ipse Dominus, & ait: Tunc iusti fulgebūt sicut Sol in regno Patris eorū. Solem autem septēmpliciter lucidiore futurū prophetica nobis vox attestatur. Hoc ergo Sole, in quem prospicere visus noster non sufficit, multo clarius coruscabunt corpora iustorū. Quod vt indubitanter crederetur, idem Dominus in seipso manifestum facere voluit, quādo in monte, & Sole lucidior, & niue candidior apparuit. Nec splendor ille fuit, qui tædium oculis afferret, sed qui tantam mentem Apostolorū dulcedine perfunderet, vt Petrus ibi construi tabernaculum, sedemq; perpetuam sibi constitui expetierit, & cum ipso fulgente in deserto vel solus permanere, quem non fulgentem in ciuitate celebriq; in loco etiam nosse denegauit. A Patre luminū splendorem istum oriri, & per Filium Sāctis cōmunicari, ipse Filius ad Patrē loquens confitetur, cū ait: Claritatem quam tu dedisti mihi, dedi eis, nō quod aliquando ipse claritatem non habuerit, sed quod a Patre eam etiā acceperit, qua nunquam caruit. Veruntamen pro meritorū mensura claritas ista singulis impertietur: vt quisq; plus lucis capax fuerit, ita plus accipiet. Et sicut cæteris beatitudinis dotibus alij alios antecel-

tecellent, ita & hac splendoris gloria, dicente Apostolo:
 Alia claritas Solis, alia claritas Lunæ, alia claritas stellarum. *1. Corin. 15.*
 Stella enim à stella differt in claritate, sic & resurrectio
 mortuorum. Nec tamē diuersitas gloriæ inuidiam inter eos
 parere poterit. Nam quāuis alius alio plus hauriet, omnes
 æquē pleni erūt. Satiabor (inquit Propheta) cū apparue- *Psal. 16.*
 rit gloria tua. Deniq; nullus erit ibi liuori locus, vbi perfe-
 ctus amor etiā minores præstantioribus aliorum bonis ita
 gaudere cōpellet, vt suis. Rursus idem Apostolus omnia *2. Corin. 3.*
 beatitudinis insignia in Deū referēs, ait: Nos verò omnes
 reuelata facie gloriā Dñi speculantes, in eandē imaginem
 transformamur, à claritate in claritatem tanquā à Domini
 spiritu. Et iterū: Saluatorem expectamus, inquit, Dominū *Philip. 3.*
 nostrum Iesum Christum, qui reformabit corpus humili-
 tatis nostræ cōfiguratum corpori claritatis suæ, secundū
 operationem qua etiā possit subijcere sibi omnia. Iohānes
 quoque Apostolus ille, qui in sepulchro positus fulgere
 coepit: Scimus, inquit, quoniam cū apparuerit, similes *1. Ioh. 3.*
 ei erimus, quoniam videbimus eum sicuti est. Et omnis
 qui habet spem in eo, sanctificat se, sicut & ille sanctus est.

Præter claritatem istam, & hoc beato corpori accedet, *Agilitas cor-*
 quodd nihil penitus in se habebit, quo grauari retardariue *porum.*
 aliquando possit, semper præpes atq; agile erit, vt ibi præ-
 sto sit, vbi voluerit, quasi qui oculis, aut cogitatione (cum
 libitum est) multa terrarū spatia momento temporis per-
 currat, atque adeo ipsas mundi regiones, Orientem, Occi-
 dentem, Meridionalem, Septentrionalemq; cœli plagam
 quàm celerrimè peruagetur ac lustrat. Scriptum est enim: *Psal. 126.*
 Sicut sagittæ in manu potentis, ita filij excussum. Cuius
 quidem doni spe atque expectatione exhilaratus Abacuc
 Propheta, ait: Ego autē in Domino gaudebo, & exultabo *Abacuc. 3.*
 in Deo Iesu meo. Deus Dominus fortitudo mea, & ponet
 pedes meos quasi ceruorum. Et super excelsa mea deducet
 me victor, in Psalmis canentem. Hoc idem Isaias prophe-
 tando promittit, dicens: Qui sperat in Domino, mutabūt *Isaie. 40.*
 fortitudinem: assumēt pennas sicut aquilæ: currēt, & non

laborabunt: ambulabunt, & non deficient. Mutabunt, inquit, fortitudinem, quia nemo nunc ita fortis ut sine peccato esse possit, ne puer quidē vnus diei. Tunc autē nemo erit cum peccato, nemo ibi peccare poterit, vbi nulla iniquitas praeualebit. Pennas verò aquilae illis tribuendo, gressus eorum velocitatē expressit. Et ut lassitudo aliqua fatigatione itineris timeretur, non laborabunt, ait, neque deficient. Leue quippe & expeditum corpus erit, quia excusso omni penitus terrae puluere, totum defaecatū, totum purū, & ab omni prorsus labe alienū, mortalitatis corruptibilitatēq; naturā in immortalitatē & in incorruptionē cōuertet, ut diuinū potius quā humanū sit. Quamobrē nō solum refulgens ac leue agileq; erit, sed etiā impassibile, suaueolens, penetrabile, subtile, attamen palpabile.

*Apocal. 7.
Impassibilitas
corporum.
Apoc. 21.*

Impassibile erit, quia in Apocalypsi scriptum est: Non esurient, neque sitient amplius, neque cadet super illos Sol, neque ullus aestus, quoniam Agnus qui in medio Throni est, reget illos, & ducet eos ad vitae fontes aquarum, & absterget Deus omnē lachrymā ab oculis eorū, & mors ultra nō erit, neque luctus, neque clamor, neque dolor erit ultra, quae prima abierūt. Et dixit qui sedebat in Throno: Ecce noua facio omnia. Et ut sciamus gratiae munera ista esse, nō naturae, ait: Ego sitienti dabo de fonte aquae viuae gratis. Idē in Isaia legimus, ac penē iisdē verbis scriptū: Nō esurient, neque sitient, & non percutiet eos aestus & Sol, quia miserator eorum reget eos, & ad fontes aquarum potabit eos.

Isaia. 49.

*Suaueolentia
corporum.
Cantic. 3. & 4.*

Suaue etiam olens erit. Quia in Cant. Canticorum de sponsa, id est, de Ecclesia canitur: quae est ista quae ascendit per desertum sicut virgula fumi ex aromatibus Myrrhae & Thuris, & vniuersi pulueris pigmentarij. Et iterum: Odor, inquit, vnguentorum tuorum super omnia aromata. Quod si nunc etiam videmus beatorū corpora in sepulchris posita atq; ex anima magis egregie fragrare amomo Assyrio, & thure, & myrrha, & balano, & cardamo, & nardo, & opobalsamo, & omnibus splenijs: quantō praestantius fragrantura eadē crediderim⁹ suis animabus iūcta, supra coelū sublata,

sublata, ante conspectum summi Dei viuentia & lætitia?

*Penetrabili-
tas & subti-
lit as corporū.*

Penetrabile præterea & subtile erit, neque tam corporeum corpus quàm spiritale, vt quemadmodū aqua pisci, & aer volucris, ita illi quæque solidiora cedant, & (quod mirabilius est) sine fractura, sine apertura peruia sint, veluti cum solares radij permeant vitrum vel lapidem specularem, vel aliud perspicuum, non offensa eius materia, neque vlla in parte læsa. Sic enim & Saluator noster non aperto sepulchro cum surrexisset, exijt. Sic ad Discipulos clausis ianuis ingressus est. Et ne phâstasma putaretur: Palpate & videte, inquit, quia spiritus carnem & ossa non habent, sicut me videtis habere. Itaque post resurrectione eiusdē naturæ corpora Sanctorū erunt, cuius fuit corpus Christi, vt membra sua capiti suo conueniāt, & digna sint quæ in Deo maneant, & in quibus habitet Deus.

*Iohan. 20.
Luca. 24.*

Post hanc corporum prærogatiuā cumulabitur gratia gaudiumque perpetuum ex loci præstantia, iustorum consortio, Angelorum societate, malorum euacuatione, repletionēque bonorum, Dei que conspectu. Locus igitur beatorum sicuti sublimior cunctis est, ita & pulchrior, nobilior, amplior, atque splēdidior. Hic quippe supra cælos est, & terra viuentium dicitur, vt terrā istam, in qua nunc sumus, morientium, non viuentium, esse intelligas, & eō ascendere, vbi vera vita est, concupiscas & enitaris. Quod si in ista etiam terra quædam & visu iocunda, & vsu grata, esse non negamus, quantò in illa quæ suprā est, omnia tūm iocundiora, tūm gratiora existere dixerimus? Laudantur multis in partibus florētes campi, foecundi colles, amœni valles, montes argenti, auri, gemmarumque feraces, piscosā maria, molliter labentia flumina, perspicui fontes, dulces aquarum scatebræ, diffusi lacus, nō insalubria stagna, præstantissimæ etiam vrbes, & in ijs delubra, fora, porticus, ceteraque ædificia, cum marmorū specie, tūm artificū opere mira. Et si tot egregia in hoc infimo visuntur elemento, quātò omnia excellētiora esse credi par est, illo in loco, qui cuncta supereminet elementa, qui cuncta sibi subiecta, &

Loci præstantia.

quasi sub pedibus posita despicere videtur, & sua sublimitate se omnium nobilissimum profiteri, quem summus & immortalis opifex fabricauit atq; ornauit Deus, ut esset Angelorum sedes hominumq; beatorum domiciliū sempiternū. Videmus ista etiā quę sub coelo sunt, Solem, Lunam, sydera, cuncta terrena corpora luce sua formositateq; superare, nec dubitamus ea quę supra coelum sunt, longē illustriora formosioraq; esse, quę mortales oculi videre nō possunt. Nouimus præterea, cōcepti formatiq; hominis primā habitationē maternū vterum esse; secundam, hunc terrarum orbem; tertiā, si sanctē pieq; vixerit, regnū ipsum cœlorū. Quanto igitur primam secūda, tantō secundam tertia superat decore, claritate, amplitudine. Prima quoq; in vtero habitatio nouē mensium est, secunda in terra, cum longissima, centum annorū est. At verō tertia in coelo perpetua est & æterna, nullo temporis spacio concluditur, nullo annorū numero terminatur. Quę quantū cæteras diuturnitate præcellit, tantum etiā operis pulchritudine, materię nobilitate, naturę virtute, bonisq; omnibus præcellere putanda est. Quid quod mundus homini simillimus sit, adeo ut à principibus Philosophiæ viris homo ipse microcosmus nuncupetur? Sed in homine ipso apparet, ut quęque membra iufirma sunt, ita minus insignia esse, minusq; habere decoris. Infima sunt pedes, femora, inguina, venter: suprema sunt pectus, manus, collum, facies, vertex: & hæc quidem partes nudę sunt, ut quas formę suę minimē pudeat: illas verō quasi erubescences plerunque tegimus, & operimētis cælamus. Inferiora etiam nullū sensum præter tactū habēt: at in superioribus cuncti pariter sensus cōueniēre. Cor sedet in pectore, vbi cogitationū cōceptaculum est, animiq; passionum. In manibus, præter tactū, qui toti corpori cōmunis est, etiam perfectio earum voluntatū est, quę operationem exigunt. In collo siue palato gustus est, quo sapores discernimus: lingua, qua vocem formamus. In facie odoratus, visus, auditus. In vertice intellectus quo Deū cognoscimus: memoria, qua præterita recordamur,

mur, voluntas, qua à malè agendo declinamus, & ad bene beateq; viuendū disponimur. Animaduerte igitur huius minoris mundi, id est, hominis, quantò superiora inferioribus ornatoria, generosioraque ac meliora sint: ita maiorem quoq; mundum se habere crede, vt quantum coelum distat à terra, tantum quoq; & coelorum regnum à regnis terræ, rerum omnium copia atque magnificentia distare nunquā dubites. Quin potius cum Baruch Propheta attentus exclama: O Israel, quàm magna est domus Dei, & *Baruch. 2.* ingens locus possessionis eius? Magnus est, & non habet finē, excelsus & immensus. Vel illud cum Psalmista: Gloriosa dicta sunt de te, ciuitas Dei. Et, Domum tuam, Dñe, *Psalm. 86.* decet sanctitudo in lōgitudine dierum. Adhæc etiā nemo ignorat, inferiora ista per illa superiora regi & gubernari, *Psalm. 92.* Inde nobis dies, inde nox; inde numeramus annos, inde anni partes distinguimus, inde discernimus menses, inde terra cōcipit, inde animātibus alimenta suppeditat. Multò ergo nobilior locus vnde talia donantur, q̃ hic qui recipit donata. Hic certè sine illi⁹ munificētia ac liberalitate stare nō posset, ille verò nulla huius ope indiget, neq; quicquā pro quotidianis beneficijs repetit, sed etiam multa bona largiēdū, ad plura possidēda sursum nos inuitat, seq; nobis vltro offert, & si per viā quæ ad illū ducit contenderimus, bonis eius perfruemur. Cuius quidē pulchritudinē Propheta admiratus, dicebat: Dñe, dilexi decorem domus *Psalm. 25.* tuæ, & locū habitationis gloriæ tuæ. Et: Quàm dilecta ta- *Psalm. 85.* bernacula tua, Dñe Deus virtutū? cōcupiscit & deficit anima mea in ariā Dñi. Et: Beati qui habitant in domo tuā, Dñe, in seculū seculorū laudabūt te. Postremò si loca ipsa ex ijs qui in ipsis manēt cōsiderauerimus (debet enim domus forma habitatoris personæ dignitatique respondere) omnis terræ pulchritudo coelestis machinæ pulchritudinē collata deformius erit. Hic mortalium habitatio est, illic immortalū: hic peccatorū, illic iustorum: hic hominum, illic etiam Angelorū, etiam Dei. Supremi ergo celestisq; habitaculi elegans & ineffabilis decor, & nulli cōparanda

structura, & omnibus lignis, omnibus gemmis, omnibus metallis magis excellens materia, pars magna gaudij lætitiæque Beatorum erit.

*Societas San-
ctorum.*

Psalms-121.

Iohann. 1.

Psalms-36.

*Societas Ange-
lorum.*

Sed profecto magis etiam gaudebunt sua inter se societate Sanctorumque Angelorum. Electus gloriosusque conuentus immensam singulis pariet animi voluptatem. Illic enim ascenderunt Tribus, Tribus Domini, testimonium Israël, ad confitendum nomini Domini. Illic sunt primi parentes nostri, illic Patriarchæ, illic Prophetæ, Sacerdotes, Duces, Iudices, Reges, reliqui; veteris legis obseruatores, non per legem, sed per gratiam, quæ successit legi, beatitudinem adepti, quia lex per Moysen data est, gratia & veritas per Iesum Christum facta est. Illic itaque cum Christo & Apostoli eius sunt, & Pontifices, & Presbyteri & Diaconi, & Monachi, & Anachoretæ, & Martyres, & Virgines, & Viduæ, & omnes Christi serui, omnesque fideles, qui fidem sinceram, spem firmam, charitatem veram in fine non deseruere. Hi omnes tam veteres, quam noui, quoniam utrique vnum in Christo sunt, concordia inter se confortio letabuntur, paresque animis ac voluntate, delectabuntur (ut Propheta ait) in multitudine pacis. O si modo, sicut speramus, eodē cōscenderimus, quale nobis gaudiū erit, viuos presentēque cernere in cœlo, quorū nunc ossa in sepulchro iacentia, multorum interdum dierum, multique periculi peregrinationibus videre expetimus, visaque veteramur? Quanta iocunditas erit, loquelas eorum audire, quorum nunc scripta admiramur? Qui si mortali adhuc ore tam comptum, elegantemque sermonem edere consueuere; quanto dulciore nunc iubilant sono, cum mortis expertes sunt, cum nihil terrenum sapiunt, sed tantum spiritalem diuinamque sapientiam mente concipiunt incorruptibili. O quantum oblectamentum erit, eorū iam consuetudine familiariter uti, quos tamen nunquā vidimus, memoriā tamē ipsorū festis, ceremonijs rituque solenni celebramus. Quid præterea de societate Angelorum dicam? Vnum quandoque sub hominis figurā conspexisse, magni miraculi loco

loco habetur: sed quid miraculi erit, eos in propria imagine videre? Nam & hoc beatis oculis datum erit, ut cernere angelicos spiritus possint, & non vnum tantum, aut duo, aut tres, sed tot millia millia millium, & quorum numerum scit ipse qui creauit. Deinde quo ordine disponantur, quibus discernantur dignitatibus, qua quisque præstet auctoritate. Hic sunt Angeli, illic Archangeli, alibi Throni, alibi Dominationes, alibi Virtutes, alibi Potestates, alibi Cherubin, alibi Seraphin, Gabriel, Raphael, Michael, & si quæ alia sunt illorum nomina qui in cœlo sunt. O iocundissimum spectaculum, in quo licebit nobilissimam Dei creaturam ineffabili visionis dono clarè intueri, & cum ea fraterna iam charitate coniungi, consortioque eius perpetuo frui: & una cum ipsa communem Dominum semper laudare, in Psalmis & Canticis illis, quorum iubilus omnia musica instrumenta superat suauitate: & non tubæ, non cytharæ, non lyræ, non cymbala, non tympana, non naba, non organa, non symphoniarum, non sambucæ, non Psalterium, non cornu, nõ ulli qui in terra sunt hominum auriumve cantus illi valent comparari. Cunctis dulcius est angelicū melos, eunctis iocundior beatorum vox, cunctis delectabilior canticis coelestis festiuitas, Alleluyaque sempiternum.

Sed quid tandem de ipsa Virgine Beata loquar? Quam *Societas Vir-*
etiam iocundum erit, sacram eius micantemque faciem *ginis Beata.*
cernere? quæ pulchrior est quàm Luna, fulgentior quàm Sol, cuius decorem Angeli mirantur, Sancti obstupeſcunt, vtrique honorant. Hæc est cœli Regina, stellis coronata, Sole amicta, supra omnes mulieres benedicta. Hæc est Dei mater, & tamen Virgo: ipsum genus, per quem ipsa facta fuit, imò per quem facta sunt omnia. Hæc est Virga de ra- *Isai. 11.*
dice Jesse, de qua flos ascendit Christus. Hæc terra, quæ *Ibid. 45.*
germinauit mundi Saluatorem. Hæc porta clausa, per quā *Ezech. 44.*
non apertam Dominus Deus Israël ingressus est. Huius *Cant. 6.*
virtus, huius gloria talis est in cœlo, ut ordinatæ castrorum aciei comparetur: quod sanè partim ad ipsam, partim ad comitatum ipsius aptè accommodateq; referre possumus.

T t 5

Ad ip-

Ad ipsam, quia nihil post Christum ita compositum est, ita ordinatum, ita omni fortitudine, omni bonitate, omni gratia plenum: ad Comitatum, quia Virgines Virgini affi-
sunt, seruiunt Sancti, Angeli quoque ancillantur, & ipsa innixa super dilectum suum omnibus præsudet, præ omni-
bus conspicitur sublimis, quoniam sublimissimus est, qui de ipsa nasci dignatus est.

Psalms. 8.
Societas
Christi.

Galatas. 3.

Coloss. 1.

Iohann. 12.
Iohann. 17.

Eleuata est enim magnificentia eius super coelos, vt sit sanctæ Ecclesiæ caput, & Sacerdos, & Dominus. Per ipsum accessus patet ad Patrem, quia Dei & hominum mediator est, & Dei Filius, & imago, & virtus, & sapientia, & lux, sedens à dextris Maiestatis eius, ipsi omne genu flectitur, coelestium, terrestrium, & infernorum, ipsum omnis spi-
ritus laudat, omnis lingua confitetur, quia ipse est Verbū, in quo condita sunt vniuersa (sicut Apostolus inquit) in coelis, & in terra, visibilia & inuisibilia, siue Throni, siue Dominationes, siue Principatus, siue Potestates, omnia per ipsum & in ipso creata sunt, & ipse est ante omnes, & omnia in ipso constant. Ipse Redemptor, ipse Saluator noster, ipse salus nostra, pax, gaudium, beatitudo. Cum illis habitabūt Sancti in hereditate coelesti, in lumine inenarrabili, in gloria sempiterna. Ait enim: Vbi ego sum, illic & minister meus erit. Et: Pater quos dedisti mihi, volo vt vbi ego sum, & illi sint mecū, vt videant claritatem meam, quam dedisti mihi, quia dilexisti me ante constitutionem mundi. O felix societas hominū & Angelorum, & præ omnibus desiderabilibus magis desiderandum consortium, vbi & Virgo Dei Mater, & Christus Dei Filius, non in imagine picta aut ficta, nec sub aliena specie, sed in propria forma proprioq; decore cōspicui præsentesq; apparent, & ab omnibus illa honoratur, hic colitur & adoratur. O plenum perpetui gaudij, spectaculū, & nullius vnquā aduersi particeps felicitas! Procul est à te omnis sollicitudo, omnis metus, omne periculū, procul omnis labor, omnis dolor, omne tēdiū, nullus tibi proximat morbus, nulla te infestat ægritudo, nullus inquietat hostis, nulla cōturbat cōtentio,
nullum

nullum vexat odiū, nullū tentat vitium, abest æstus, abest hyems, abest tépestas, abest omnis ventorū hymbriumq; procella, omnisq; maligni aëris intemperies. Nemo est qui de casu aliquo sortéve conqueratur, nec qui sibi præter id quod habet, amplius optet, iocundius desideret, melius concupiscat. Tecum est quies & securitas, gaudiū & gratia, salus & pax, concordia & charitas, iustitia & virtus, ver perpetuum, amoenitas perennis, & indicibili suauitate cuncta permulcens sancti Spiritus aura. Omnes in te exultant, omnes iubilant, omnes omnibus bonis plenos esse, ac semper fore se agnoscunt.

Hoc illis præstat clara visio inuisibilis Dei, & lucis illius *Societas Dei.*
 inaccessibleis gratuitus conspectus. Quanquā diuinus Euangelista Iohannes dicat: Deum nemo vidit vnquam. Et vas electum Paulus: Quem nullus hominum vidit, sed *Iohan. 4.*
 nec videre potest. Quæ quidē dicta sic accipienda sunt, vt *1. Timo. 6.*
 vel ad Maiestatis eius immensitatē referantur, quā nemo *Q. ño videtur*
 comprehendere potest, nisi qui immensus est: vel ad eam *Deus.*
 formam, quæ corporis oculis cerni nequit, quia Deus spi- *Iohan. 4.*
 ritus est, & sicut in spiritu eum adorare oportet, ita & spi-
 ritu aspicere, vt qui carneis oculis inuisibilis est, mentibus
 beatis visibilis sit, & hoc quidem verē aperteq;, sed modo
 mirabili atque inaudito, & qui verbis exprimi nō potest.
 Hinc sanē idem Apostolus, qui Deū à nemine videri posse *1. Corin. 13.*
 dixerat: Videmus, inquit, nūc per speculum in ænigmate,
 tunc autem facie ad faciem. Nunc cognosco ex parte, tunc
 autem cognoscam sicut & cognitus sum. Et ille quoque
 qui Deum à nemine vnquā visum asseruerat, rursum
 ait: Charissimi, nunc Filij Dei sumus, & nondum apparuit *1. Iohan. 3.*
 quid erimus. Scimus quoniam cū apparuerit: similes
 ei erimus, quoniam videbimus eum sicuti est. Et iterum;
 Serui eius seruiant illi, & videbunt faciem eius. Et ipse
 Dominus in Euangelio: Beati mundo corde, quoniā ipsi *Matt. 5.*
 Deū videbunt. Discipulis quoq; rogantibus ostēdi sibi Pa-
 trē, respōdit primò id quod credere debeat: Ego in Patre, *Iohan. 14.*
 & Pater in me est. Deinde quod sperare: in illo die, inquit,

VOS

vos cognoscetis, quia ego sum in Patre meo, & vos in me, & ego in vobis. O immensam erga nos diuinæ bonitatis charitatem: in hominibus manere dignabitur, vt ab hominibus cognoscatur, cognitus videatur, visus beatos efficiat. Vnde sequitur: Qui diligit me, diligitur à Patre meo, & ego diligam eum, & manifestabo ei meipsum.

Mat. 18.

Iohan. 14.

Dabit ergo nobis credentibus Paracletum Spiritum, vt maneat nobiscum in æternum, Spiritum veritatis, quem mundus non potest accipere, quia non videt eum, nec scit eum. Nos autem cognoscemus eum, & apud nos manebit, & in nobis erit. I nunc insane seculi amator, dilata tibi honorum phylacteria, magnifica iactantiæ tuæ fimbrias, cumula opes, posside regna, impera terrarum orbi: nunquam tam magnus eris, vt te conferre possis cum Christi amatore, qui accipit quod mundus non potest accipere, & videt, & scit, quæ tu neque videre, neque scire potes. Tu cum pompis & delicijs mox deficies, ille cum suis semper erit. Deliciæ tuæ terra tecum simul transibit. Deliciæ suæ Deus stabit in æternū, cum illo permanebit, & in illo erit. Nihil ei vnquam ad beatitudinem deesse poterit, cui semper tam præsens propitiussque aderit omnium bonorum, omnisque perfectæ felicitatis largitor Deus. Gloria & diuitiæ in domo eius, & iustitia eius manet in seculum seculi. Beati ergo, non qui terrenum & caducum regnum obtinebunt, sed qui coeleste & æternum. Hi quippe videndo illum, qui summum bonum est, omnibus quæ desiderantur bonis replebuntur, incorruptione, immortalitatē, intellectus illuminatione, cordisque lætitia sempiterna, beatitudineque perfecta. In lumine videbunt lumen, in Deo Dei Verbum, & ab utroque procedentem Spiritum. Intelligēt, quomodo Pater, & Filius & Spiritus sanctus sint vnus Deus, discreti in personis, vnum in substantia. Aperientur eis mysteriorū libri, & secreta coelestis arcani pandentur, vt quod

Psal. m.

vt quod nunc fide tenent, tunc sicuti est vidēdo intelligen-
doq; agnoscant. Audient arcana illa verba, quæ non licet ^{2. Cor. 12}
homini loqui. Denique quod Oratorum princeps Demo-
sthenes, aut par illi in dicendo Tullius nunquam eloqui
potuissent, quod gentilis Philosophiæ antistes Plato, aut
ipso argutior Aristoteles nunquam inuestigare valuissent:
hoc minimus inter cœlestis patriæ ciues deprehendet, in-
telliget, tenebit, possidebit, dicente Domino per Prophe-
tam: Dabo tibi thesauros absconditos, & arcana secretorū, ^{Isaia. 45.}
vt scias, quia ego Dominus. Oculus non vidit, nec auris ^{1. Corin. 2.}
audiuit, nec in cor hominis ascendit, quantum aut quale
sit bonum illud, quod præparatū est iustis, quod fidelibus
repositum est in thesauris æternitatis. Cui Apostolicæ sen-
tentix astipulatur Isaias Propheta, dicens: A seculo non
audierunt, neque auribus perceperunt: oculus non vidit, ^{Isaia. 64.}
Deus, absque te, quæ præparasti expectantibus te.

De reuelationibus cœlestis Beatitudinis.

Caput XVI.

Immensam quidem & inenarrabilem esse gloriā illam,
Sanctorum quoq; nobis exempla certis manifestisque
argumentis ostendunt. Iacob in quiete scalam vidit de ^{Iacob.}
terra ad cœlū vsq; extensam, Angelosq; per eam ascēden- ^{Gene. 28.}
tes ac descendentes. Vidit Dominū scalæ innixum, sibiq;
benedicentem, & euigilans ait. Verè Dominus est in loco
isto, & ego nesciebā, simulq; obstupefactus: Quàm terri-
bilis est, inquit, locus iste? nō est hic aliud nisi domus Dei,
& porta cœli. Somniās ergo imagines mēti oblatas vidit,
& tanta demū admiratione correptus fuit. Quid si beatos
spiritus & inuisibilē Deum, nō in imagine, sed in veritate,
in qua ab ijs qui in cœlesti regno sunt, vidētur, cōspexisset?

Idem cum viro luctatus, marcescente, tacto ab eo fe- ^{Idem.}
moris neruo, claudicauit. At vbi in viro Deum agnouit,
gloriatuſ est, dicens: Vidi Dominum facie ad faciem, & ^{Gene. 32.}
salua facta est anima mea. Contempsit exteriorē corporis
læſionem, dum ex præſentia Dei intus in mente exultat,
dumq;

dumque animæ salute lætatur, membri non sensit detrimentum. Sed quantò magis tunc exultasset, si claram, non adumbratam faciem Dei vidisset, & salutem tam animæ, quàm corporis, perpetuam perennemque fuisset assecutus?

*Moyfes.
Exod. 3.*

Moyfi Dominum in flamma Rubi apparuisse legimus, atque ad se accedenti dixisse: Non appropies huc, solue calceamentum de pedibus tuis. Locus enim in quo stas, terra sancta est, & ego sum Deus patris tui, Deus Abraam, Deus Isaac, Deus Iacob. Expauit ille tanti nominis horrore perculsus, nec iam aspicere flammam audebat, ad quam ausus fuerat accedere. Quam magna igitur coelicolarum felicitas, quibus nec accessus denegatur, nec visionis diuinę fruitio subtrahitur?

*Idem.
Exod. 33.*

Sub alijs quoque creaturam formis latens Creator Moyfi apparebat, & (ut testatur Scriptura) loquebatur ad eum facie ad faciem, sicuti solet loqui homo ad amicum suum, & tamen ad ipsum Moyfes: Si inueni gratiam in conspectu tuo, inquit, ostende mihi faciem tuam, ut sciam te, & inueniam gratiam ante oculos tuos. Et iterum: Ostende mihi gloriam tuam. Quibus verbis indicauit, tametsi figuram ignis aut nubis cerneret, & inde vocem emissam audiret, non tamen se faciem illam videre, quam in Paradiso beati vident. Vnde respondit Dominus: Non poteris videre faciem meam. Non enim videbit me homo, & viuere.

*Idem.
Exod. 24.*

Post hæc Moyfes de monte Sinai descendens, cum ad populum verba faceret, apparuit (sicut scriptum est) facie cornuta ex consortio sermonis Domini. Ea cornua quosdam lucis radios fuisse exponunt. Et Apostolus gloriam vultus eius appellat, qua luce ita illorum ad quos loquebatur visum præstrungebat, ut nisi velatus aspici non posset. Et si tantus glorię splendor in hominis adhuc mortalis vultu effulsit, quanto fulgentiores futuros putamus vultus eorum, qui induent immortalitatem? qui non momentanea & breui, ut olim Moyfes, sed perpetua & æterna mansione cum Deo erunt, & faciem, quam ipse videre non poterat, clarè aperteque spectabunt.

Idem.

Sunt tamen quidam, qui Moyfi Deum clarè & secundum naturam

naturā suam quandoque apparuisse assenerent, ex eo quod dicitur: Palam, & non per ænigmata & figuras Deū videt. *Num. 12.* Dictum est autem, non quòd Dei essentiā viderit, sed quòd colloquijs eius vsus sit simplicibus & apertis, nō per somnium neque per ambages verborum, aut res aliud quā ostendunt significantes, vt tantò cæteris Prophetis prælati videatur, quantò minus obscura oracula meruerit accipere.

ELIAS curru igneo per turbinem in coelum raptus *Elias Pro-* videri potuit beatus, quoniam non est morte solutus, ne *pheta.* sicuti cæteri omnes ante Saluatorem, ad inferna descen- *4. Reg. 2.* deret. Sed quātò illi beatiore erūt, qui resumpto corpore obuiam Christo in aëra rapiendi sunt, ne vt ille per turbinem, sed per resurrectionis gloriā, nec vt ille in coelū, sed supra coelum, nec ideo beati futuri, quia ad inferna non descendent, sed quia diuino semper fruuntur conspectu: Vis nosse quantum inter se differant? & ipsi in fine moriēdum est, Antichristo perimente, deinde resurgendum Christo resuscitate, vt ad solidam hanc (de qua loquimur) consummatamque perueniat felicitatem.

IEZECHIEL Propheta vidit super firmamento se- *Iezechiel Pro-* dentem in Throno; & cum multa alia quæ viderat enar- *pheta.* rasset, postea intulit: Hæc visio similitudinis gloriæ Do- *Ezech. 1.* mini. Quantæ autem admirationis, quantiue mysterij sint *Idem. 2.* ea quæ vidit, legere possumus, explicare non possumus. Et si tā stupēda gloriæ similitudo, qualis quæso ipsa gloriæ? Et si similitudinem videns, territus (vt ipse fatetur) cecidit in faciē suam, quomodo sustinuisset eius, qui sub illa similitudine latebat, Maiestatis conspectum? Nisi fortē eodem spiritu confirmatus, qui iacentem erexit, de quo ait: Et ingressus est in me spiritus, & statuit me supra pedes meos. Ex quo coniectare libet, quātò illi fortiores sint, qui gloriā ipsam videntes exultant, si hic similitudinem tantūmodo eius videns tam vehementer timuit.

Porrò vt iam perfectioris gratiæ vtamur documentis, ipse Dominus noster Iesus Christus coram Petro *Christus.* & Iacobo

Math. 17.

Luc. 9.

& Iacobo, & Iohanne in monte transfiguratus refulsit, ita ut splendorem illius cernentes, futuræ beatitudinis dulcedinem degustarent, & bonum est nobis hic esse dicerent. Nondum plenè gloriam eius videbant, sed tantum quoddam gloriæ simulacrum: & tamen ubi ipsum sic coruscantem viderunt, ibi cum ipso quàmprimum permanere exoptarunt. Moysen & Eliam circa eum stare conspiciunt, & ecce quos nunquā antea viderant, diuino fulgore mentem illuminante agnoscunt. Exclamat Petrus: Domine si vis, faciam hic tria tabernacula: tibi vnū, Moysi vnum, & Eliz vnum: cur quartum sibi fieri non petijt? quia sub eodem tabernaculo cum Domino habitare cōcupiuit, cuius aspectum tantæ suauitatis esse persensit. Sed cur ab eo Moysen & Eliam seducebat? ut ostenderet sufficere sibi solū Christum. Cæterum ut imbecillitatem humanæ naturæ agnoscamus, nubis lucidæ superuentu, & de nube diuinæ vocis sono conterriti Apostoli, in faciem ceciderunt. Maiores itaque restabant quæ nondum sustinere poterant, & quibus nunc gloriosi fruuntur.

Stephanus

Protomartyr.

Act. 7.

CHRISTVM tamen cum gloriæ suæ sublimitate Stephanus primus Martyr ante vitæ finem vidisse creditur. Sic quippe de illo legimus: Cū esset plenus Spiritu sancto, intendens in cœlum vidit gloriam Dei, & Iesum stantem à dextris Dei, & ait: Ecce video cœlos apertos, & Filium hominis stantem à dextris virtutis Dei. Plenus igitur Spiritu sancto sit oportet, qui vult videre Christi gloriam. Cuius visæ iocunditate captus Stephanus cū lapidaretur, non ut mortem euaderet orauit, sed ut per mortem cum Christo viuere inciperet, dicens: Domine Iesu, suscipe spiritum meum.

Paulus Apô-

stolus.

2. Cor. 12.

PAVLVS quoque Apostolus gloriam Dei vidisse creditur, sed ad tertium vsque cœlum raptus, idque vtrum in corpore, an extra corpus sibi contigerit, nescit: & cū ita sit, manifestum est, ad videnda quæ vidit, & audienda quæ audiuit, non sensibus corporis vsum, sed alio quodā sensu lōgè puriore, diuinioreq; . Et audiui, inquit, arcana verba, quæ

quæ nō licet homini loqui. Profecto si aure audisset, & lingua eloqui valuisset. Sed supernæ gloriæ bonum maius est, q̃ ut ijs instrumentis aut percipi queat, aut exprimi possit.

IOHANNES in Apocalypsi se in cœlo fuisse testatur, *Iohannes*
non tamen cum corpore, sed in spiritu. Ibi vidit sedentem *Apostolus.*
in throno, voces audiuit, sensit tonitrua, lāpades cōspexit, *Apocal. 1.*
& quatuor animalia Deum laudantia; & vigintiquatuor
Seniores, honorē officiūque deferentes sedenti in throno. *Apocal. 4.*
Vidit sanctam ciuitatem Ierusalē tanquam Sponsam orna- *Idem. 21.*
tam viro suo Christo. In qua neque luctus, neque clamor,
neque dolor, neque mors erat, sed gaudium, pax, quies, vi-
taque sempiterna. Cuius muri ex lapide pretioso; ipsa au-
rum mundum, templum eius Deus omnipotēs & Agnus.
Claritas Dei illuminat illam, & lucerna eius est Agnus.
Non intrabit in ea, inquit, aliquid coinquinatū, aut abo-
minationem faciens & mendacium. Vidit fluuium aquæ *Idem. 22.*
viuæ procedentem de sede Dei & Agni, de quo in Psalmo *Psal. 45.*
dicitur: Fluminis impetus lætificat ciuitatem Dei. Vidit li- *Apoc. 22.*
gnum vitæ reddens fructum, & folia ad sanitatem eorum,
qui seruiunt Deo, & faciem eius intuebuntur, & nomen
eius frontibus inscriptum gerent. Non egebunt, inquit,
lumine lucernæ, neque lumine Solis, quoniam Dominus
Deus illuminabit illos, & regnabunt in secula seculorum.
Quam præclarè Apostolus reuelatam sibi supernæ gloriæ
descripsit dignitatem? Audimus quidem verba, considera-
musque Myſteria, & miramur. Sed vbi sunt quæſo, illa in-
effabilia? Profecto si omnium insuper hominum linguæ
hac de re sola quotidie loquantur, semper bonū illud resi-
duum erit, quod dici non potest, quodque omnē exuperat
fandi pariter & scribendi facultatem.

Idem Apostolus iam ferè centenarius senex, cū su- *Idem.*
p̃remus vitæ dies vrgeret, sepulturā sibi parari iussit, quam
dum palām intrat, ingenti lumine diuinitus operitur. Lux
recessit, sed ipse non comparuit. Locus in quo se animam
redditurus collocauerat, Manna adhuc scaturire cernitur.
Illum itaque cum corpore ad cœlum assumptū credimus!

tum quia nusquam terrarum reliquiae eius ostenduntur, tum etiam quia non incongrue assumptus videtur. Nam quemadmodum Beata Virgo carne & spiritu sanctificata post Filium quem genuit, supra coelum ascendit: sic decuit, ut etiam iste adoptivus filius carne & spiritu sanctificatus, sanctam sequeretur Matrem, & integer eo perveniret, quod ipsa, cui commedatus fuerat, integra abiit. En quantum largior novi quam veteris Testamenti gratia. Tulit Deus cum corpore Enoch, tulit Eliam, sed ut differret mortem eorum, non ut auferret. Iohannes vero ita sublatum est, ut amplius mori non posset. Illi futuram in fine corporum resurrectionem expectant, hic multo ante praevenit, prius resurgens, quam esset sepultus, prius coelum penetrans, quam putaretur mortuus. Nec mirum si servens oleum membris illis nocere non potuit, quae tanto privilegio mox donanda erant.

*Petrus
Apostolus.*

In Petri Apostoli Martyrio à multis Angelos visos tradunt, coronas illi rosarum liliorumque porrigentes, atque etiam iuxta stantem Christum, apertumque librum manu tenentem, in quo ea scripta conspiciebantur, quae Petrus ad populum fando expromebat, & dum plebs eum subtrahere neci vellet, ne oblatam sibi gloriam impedirent, petiit. Sed quanta haec beatitudinis eius pars? quae tantum ad fidelium consolationem, vel infidelium conversionem se ostendit, cum ille etiam inuisibilibus intra se iam frueretur bonis, quae plenius liberiusque amplecti affectans, crucifigi optavit, & tam immane supplicium gratanter subiit, neque mors ei gravis, sed dilatio mortis erat.

*Paulus
Apostolus.*

PAULI Apostoli caput à corpore dissectum, ter per humum profiliit, ter Iesu Christi nomen inuocavit, tres fonticulos, quae saliendo terram contigit, scaturire fecit. De vulnere eius lac primo, deinde sanguis emanavit. Quorsum tot miracula in morte Sancti huius? nisi ut haec tam magnifica oculis nostris obiecta pensitantes, quantum illa in coelo magnificentiora sint eius praemia, quae oculus non videre potest, cogitemus. *Gregor. Turen. de glor. Mar. cap. 28. & August. Serm. 26. de Sanctis.*

AN-

ANDREAS quoque Apostolus, cum in crucem Egeæ *Andreas*
Proconsulis iussu actus esset, deliberantibus turbis, ut *Apostolus*
ipsum per vim irruentes eriperent, non acquieuit, dissolui
cupiens & esse cum Christo. Cum igitur iam biduum de *Philip. 1.*
cruce ad illos verba fecisset, vitæ æternæ promissis omnes
erigens, si religionē à se prædicatam cōstātē tenuissent:
postremò animam Deo commendans, luce de cœlo lapsa
circumfulsus expirauit. In quanto ergo lumine viuunt San-
cti, si etiam moriendo luce sepiuntur?

Sic & Odilo Abbas Cluniacensis, qua die defunctus est, *Odilo Abbas*
Gregorio monacho multa luce resurgens apparuit, seque *Surinus Tom. 1.*
æternæ beatitudinis præmio potiri dixit. Sic quadraginta *fol. 49.*
martyrū apud Sebalten Armeniæ oppidū combustorū ossa *Quadragesima*
in fluuiū proiecta, sub aquis veluti micantiū stellarū ima- *Martyres.*
gines lucere visa sunt, & ab Epō, qui ea quæsitū ierat, latē *Basilii Hom.*
ter collecta, reuerētēq; seruata. Sic supra Nicolai Remensis *in 40. Mart.*
Epī & sororis eius tumulum, quos capta vrbe effera Van- *Nicolaus Epis*
dalarū gens Christū confitētes peremerat, & lapades ar- *scopus cum*
dere visæ, & Angelorū cantus auditus. Sic deniq; multorū *sorore.*
vel in sepulchris corpora, vel in visu apparētes imagines,
dum miro fulgore splenduissent, fidem fecēre, illos æterni
luminis beatitudinē in cœlesti gloria consecutos: contra
eorū prauitatē atq; dementiā, qui ad vltimū vsque Iudicij
diē & bonis differri dixerūt Paradisum, & infernū malis.
Quod si ita esset, profectò plus gloriæ cadauera Sanctorū *Legant & in-*
nūc suauis odore fragrantia, nūc ingēti luce cōspicua habe- *telligant hac*
rēt, q̃ ipsæ animæ, nescio vbi, neq; quo veterno cōsopitæ. *Hæretici.*

Diui quoque Hieronymi corpus, cum spiritum reddi- *Hieronymus*
disset, subita lux circumfulsit, visi sunt Angeli, & Christi *Presbyter.*
vox audita, quæ illum ad possidendū cœleste regnū inui-
taret. Lux cum spiritu abiit, odor suauissimus cū corpore
remāsit. Eadē hora Cyrillus Episcopus Hierosolymitanus
animam eius Angelicis manibus gestatam cœlum versus
tendere conspexit. Eodem die sancta hæc anima miro ra-
dians fulgore, Augustino Hippone apparuit. Thuroni etiā *Epist. 205. in-*
duo monachi lucentem globum æra transire, & inde *ter. Epist. Aug.*
dulciter

dulciter canentium choros audiri, dum admirantur, intellexerunt Hieronymi Presbyteri animam tunc apud Bethlehem defuncti ab Angelis ad Paradisi quietem ferri, & hoc quidem pro laboribus, quos ipse in vita exhaustis, Dei laudibus & hominum utilitati semper intentus. Tot præterea signa de illo, tot miracula enumerantur, vt mihi certè vel præcedere reliquos beatos apud Deum dignatione videatur, vel paucos habere pares.

*Paulus primus
Eremita.*

PAULI etiam primi Eremitæ beatâ animâ Angelico ministerio ad coelû tolli vidit Antonius Abbas, mox defunctum esse deprehendit, & questus est, quod se in itineris comitè nō assumpsisset, nihil dubitans, quin è corpore statim ad beatitudinem translatus esset. Idem Antonius non modico locorum interuallo discretus, Ammonis Abbatis obitû cognouit, cum animam eius multò candore illustrè, & in sublime tendentem conspexisset. *In vitis PP. fol. 31.*

*Hieron. de
vita Pauli.*

*Ammon
Abbas.*

Abbat.

*Martyres
Episcopi.*

Monachi.

Adhæc Pasnuri, Benedicti, Stephani, Egidij, Spei Abbatum, Tyburtij, Valeriani, Maximi, Marcellini, Petri, Iuliani, Pastoris, Quintini, Seueri Martyrum, Decimi Leonis Papæ, Amatoris Antisiodorensis Episcopi, Germani Capuani Episcopi, Onophrij Solitarij in Ægypto, Speciosi in monte Cassino monachi, compluriumque aliorum, quos enumerare longum esset, felices animæ, quo die corpora sua reliquerunt, eo ad coelum tolli visæ sunt, & dum tollerentur, melos interdum lætantium Angelorû auditum; Deo volente, felicitatis ad quam euocabantur, testimoniû in terra residere, ne alios pigeret eorum vitâ imitari, quos beatos esse tam certo indicio agnouissent.

*Augustinus
Episcopus.*

AUGUSTINVM quoque, quo die corpus eius mandatum sepulture fuit, monachus quidam procul inde manès, & in spiritu raptus, vidit insula & pontificalibus indumentis insignem, sedere intra nubem candoris eximij, de oculis eius promicantes radij totam illuminabant Ecclesiam, & vbique incredibilis odoris fragrantia nares oblectabat. Posthæc à Bernardo Abbate visus est, dum per noctē sermones eius à fratribus in Ecclesia legeretur, limpidissimas

ore

ore aquas vomens, quibus totum Ecclesiæ patimentum supra modum inundabat. Verè enim ille quasi quidam inundans fluuius Ecclesiam Dei salutaribus documentis irrigauit, & lumine ingenij Scripturarum obscura clariora fecit. Sanctitatis etiam virtutumque suarum odorem tam latè effudit, vt nomen eius & in terris celebre sit, & in cœlo. Palàm igitur factū est, quibus potissimè meritis ad æternitatem vitæ peruenerit, inæstimabilemque mercedem.

Quo die Abbas quidam duos lectos ineffabili ornatu *Hugo Abbas.* comptos, multoque nitore splendentes ab Angelis ferri viderat atque audierat, in altero Hugonē Abbatē Cluniacensem collocandū, in altero Anselmū Archiepiscopum Cantuariensem: cognouit ambos tūc simul vita ista defunctos, *Anselmus Archiepiscopus.* & in lectis veræ felicitatis requieuisse, de quibus dictū est: *Psal. 149.* Exultabunt Sancti in gloria, lætabuntur in cubilibus suis.

ERASMO Episcopo Martyri, post ingentia pro Christo *Erasmus Martyr.* fortiter tolerata supplicia, visi sunt sancti Apostoli & Prophetæ coronam sibi de cœlo afferre. Qua visione delectatus, orauit vitæ huius finem, eoque impetrato, spiritum exhalauit. Nunc itaque Martyrij gloria coronatus exultat, & in conspectu Dei Optimi Maximi clarus atque inclytus incedit, eorum vtens consortio, à quibus coronari, & ad cœlum usque deduci meruit. *Sur. Tom. 1.*

In Dominici quoque Prædicatorum Patris obitu, ad *Dominicus.* quantam ipse migrasset beatitudinem, testatū est duorum visione, Guualæ Præpositi Conuentus Brixienfis, & Rhæonis fratris. Alteri somnianti apparuit cœlum apertum, & Angeli Dominicū eò de terra trāsferentes, & Iesus Christus multa cum iocunditate eundē suscipiēs, ac susceptum Mariæ matris offerens amplexibus. Alter cum Missam celebraret, sensibus corporis cōsopitis tātū, spiritu vigilās, illum cum reuerendo quodam virorum comitatu ab vrbe Bononia processisse vidit, aurea corona micantiq; fulgore conspicuum, quē nondū vita audierat defunctum. Quanti ergo esset apud te, Domine, Dominicus tuus, neminem latere voluisti. Quoniā præuenisti eum in benedictionibus *Psal. 20.*

Actu. 7.

Iohan. 19.

Franciscus.

1. Corin. 13.

Martinus
Episcop.

dulcedinis, posuisti in capite eius coronam de lapide pretioso. Coelum illi sicut Protomartyri tuo Stephano patere fecisti, & sicut Iohannem Apostolum tuum, ita & hunc seruum tuum Virgini matri Virginem commendasti, ut pariter ostenderes, quantum ipse meruisset & prædicandi officio, & proposito castitatis. *Sur. Tom. 4.*

FRANCISCI etiam Patris (à quo Minorum Ordo coepit) ut vita, ita vitæ finis nobilis ac magnificus fuit. Quo expirante, quidam fratrum animâ eius in stellæ specie de ore eius emicuisse, coelumque petiisse vidit: eâdem illa hora Minister Terræ laboris grauitè ægrotans, cum iam deficiente spiritu & languescente lingua obmutuisset, repente in vocē prorupit, dicens: Expecta me, pater, expecta me. Et interrogatus, patrem Franciscum se videre dixit, multa cum luce coelum versus tendentem. Hoc dicto de corpore exijt, & verba re comprobauit, illū continuò sequens quē cernere se aiebat: nunc cum illo simul coelestibus fruitur diuitijs, quocum simul terrenas contempsit. Cæterum Franciscus sicut hîc multis humilior, ita illic clarior, Quod ne dubitarem, in visu apparens, figurâ stellæ fulgētis præ se tulit. Nam etsi alij quoq; Sancti stellis comparentur, stella tamen à stella differt in claritate, sic & ipse in gloriæ dono, Nec mirum, si illic proximus accedit Christo, qui hîc stigmata portauit Christi. *Bonauen. c. 14.*

MARTINI Episcopi vultus, cum obijisset, splendidus apparuit, ut non mori eum, sed ad immortalitatem trāsire fidem cuius faceret. Angelici præterea cantus circa ipsum auditi. Eâdem hora Seuerinus Coloniensis Episcopus animam eius ab Angelis ad coelum ferri vidit. Seuerus etiam Monachus ipsum in quiete conspexit, niueo tegumento, vultu rutilo, radiantibus oculis, librum manu gerentem, summa coeli petere. Et euigilās audiuit eundem tunc decessisse. Ambrosio quoque Missam Mediolani celebranti, & in spiritu raptò visum est, se exequijs eius interesse, & cum ad se redijset, nuntiavit astantibus, Martinum Turo-nensem Præsulem obijisse, Tot itaq; testimonijs declarata est eius

est eius beatitudo, vt si pietatis iustitięque opera quę fecerat, latērent, beatus tamen crederetur. Rursū tanta eius probitas fama celebris fuit, vt si nulla in morte signa apparuissent, in Sanctorum tamen numero ab omnibus habendus esset. *Seuer. Sulp. in vita eius.*

NICOLAVM Myreæ Episcopum, adhuc infantem, *Nicolaus Episcopus.* vite æternæ prædestinatum esse, signis quibusdam miracul. sęque apparuit, sed præcipuē visione Sabatij Religiosi viri in secessu mentis abducti. Aiebat enim, se in cœlo vidisse diuerforium quoddam regio luxu instructum, auro gemmisq; fulgens. In quo & sedile erat, tam opere quàm materia inprimis insigne, atque ita coruscans, vt Solis radios vincere videretur. Audisse autem, ea Nicolao puero præparata, & in cœlesti reposita regno. Præsciū quippe futuræ vitæ eius Deus, præmiū ei decreuerat ante pugnā, coronam ante victoriam. *Ioan. Diacon.*

THOMÆ quoque Cantuariensi Archiepiscopo adhuc *Thomas Archiepiscopus.* viuo, sedem contiguam sedibus Apostolorum à Deo concessam se vidisse dixit quidā, qui mortuus mox reuixerat. Inde dum Thomās pro iuribus Ecclesię sibi commissę staret, ab impijs cęsus Martyrio coronatur, dumq; illi exequię à Clero agerentur, Angelorum accinentium vox audita testis beatitudinis eius fuit, fidemq; fecit, haud vana fuisse de illo visa hominis rediuiui, quę Apostolis annumerandum significarant. *Sur. Tom. 6.*

GREGORIO Pontifici Maximo (qui vnus ex columnis *Gregorius Papa.* est Ecclesię Christi) dum Missale Sacrificium offerret, & iuxta ritum ad plebem conuersus, Pax Domini sit semper vobiscum, diceret; Angelica vox cunctis audientibus respondit, Et cum spiritu tuo. Exinde mos inoleuit, vt Pontifici ea verba repetenti, nihil à Clero respondeatur, vt scilicet dignū se exhibeat, cui Angeli respōdeant, non homines. Præstare enim cæteris vitæ sanctitate debet, qui præstat officij dignitate. Beatitudinis verò Gregorij hoc quoq; testimoniū additur, q̃ Petrus eius discipul⁹ pluries capite ipsius Spiritū sanctū in figura columbæ cōsedisse viderit.

680 DE REVELA. COELEST. BEAT.

Cumque id prodidisset : Ne credite, inquit, nisi me nunc mori conspexeritis , Hac tanti veri assertionis usus est , vt inuidiam nonnullorum reprimeret, qui scripta Pontificis lacescentes, delenda, ignique tradenda censebant. Sciebat autem moriturum se, vt primum secretum illud vulgasset. Ipso igitur Petro sicut prædixerat moriente , expauesciti aduersarij, illum quem paulo ante petulenter mordere non dubitabant, venerari coeperunt, Sanctumque ac beatum dicere. Itaque Gregorij beatitudinem, & qui sciebat, moriendo probauit , & qui liuebant , admirari compulsi sunt. *In vita Gre. lib. 4. c. 70.*

*Ricarius
Solitarius.*

Ricario Solitario sepulto, discipulus eius Sigobardus in spiritu raptus, vidit ipsum in aula quadam decoris & odoris incredibilis confidentem , splendoreque coruscum, ac per hæc visibilia beatitudinem inuisibilem ei obuennisse facile intellexit , magisque mores magistri sui æmulari & effingere conatus est , quem tantam felicitatem consecutum fuisse minimè dubitauit. *Pet. de Na: al.*

*Torquatus
Episcopus.*

In ciuitate Acitana ad tumulum Torquati Episcopi de eius natalitio, hoc est, Idibus Maijs , olea floré mittit, fructum facit ac maturat. Inde expressum oleum, cuiusque generis ægitudini efficax habetur. *Ado in Martyrol.*

*Baudelius
Martyr.*

Pari miraculo Remansi Galliarum vrbe secundum sepulchrum Baudelij Martyris laurus fuit, cuius folijs contacti infirmi curabantur, & ab immundo spiritu vexatiliberi fiebant. Quid per ista Dominus significare voluit, nisi animas eorum apud se habitare, de quorum sepulturis tanta procederet virtus?

*Monachus
quidam.*

Monachus quidam cum mortem obijisset, à Mutio Abbate interrogatus , vellet ne ad vitam quam reliquerat redire? se cum Christo esse malle, respondit, nec amplius locutus est. Cum Christo igitur beatorum animæ sunt, non cum sopore, quo verius illi dormiunt , qui beatitudinem earum ad diem Iudicij differri somniant. *In vitis PP. fo. 11.*

*Alexius
pauper.*

ALEXIO Romæ defuncto vox celestis insonuit: Querite virum qui oret pro Roma. Ille sub pauperculi humilitate

tate latens, mundo ignotus erat, & monstrante cœlo patuit. Cur autem vt pro Roma oret, quæri iussus sit, qui iam mortuus erat, nisi quia post mortem melius viuere cœperat, digniorque esse, qui quod orasset, impetraret. Vir iustus igitur & post obitum orat, non pro se, quia beatus est, sed pro alijs qui nondum beati sunt. Siquidẽ quantò quis proximior Deo est, tantò citius quod orarit, exorat. Hinc nempe Ecclesiæ mos est, illos quos in Sanctorum catalogo redactos colit, vt pro se deprecetur precari. Ita nunc & Alexius ipse, vt oret pro nobis inuocatur, qui prius à nemine noscebatur. Sed quoniã soli Deo notus esse studuit, notus factus est omnibus, & id quidem post vitæ huius finem, quando multi, qui noti sunt, venire in obliuionem solent, & cum nomine pariter sepeliuntur. *Metaphrast.*

VICTOR Martyr persecutoris gladio cæditur, & continuo vox de cœlo auditur: Vicisti Victor beate. Non propter illum hoc contigit, qui iam cum Deo erat, sed propter illos, qui fortasse tormentorũ quæ perpessus est, memores, beatũ esse dubitarent, nisi tam certo indicio verum didicissent. Quanta autẽ beatitudo ea sit, docet in Martyribus vitæ huius contemptus, intrepida suppliciorum toleratio, & nulla vnquam sæuendi arte superata Christum cõsistentium firmitudo. Nihil quippe tam durũ est, vt durũ esse possit, dũ perẽne bonũ speratur, neq; quicquã tã dulce est, vt dulce esse queat, cum diuina suauitudo degustatur.

AGILVS Resbacensis Abbas cum annos plurimos Deo seruisset, confidẽter precatus est, vt e vita decederet, & responso accepto, eiusscẽ voti peracto biennio compotem se futurum, gaudere cœpit, vtpote qui tum demum veram vitam inchoaturus esset, cum hãc finisset. In obitu eius Ado monachus lætantium Angelorũ cantus audiuit. Dpo præterea, alter febrilaborans, alter dentium dolore vexatus, tactu corporis eius curati sunt. Si quis igitur visionum reuelationibus parum credit, experimento credat operis. Palàm est, beatas esse animas eorum, quorũ mortua corpora tanto adiumento viuus sunt.

62 DE REVELA. COELEST. BEAT.

*Sergius &
Bacchus
Martyres.*

SERGIVS & Bacchus Martyres, carceris angustia cō-
stricti, beatæ vitæ spe gaudebāt. Et cū prior Bacchus per
tormenta consumptus animam exhalasset, Sergius relictu
se querens, valde animo affligebatur, vbertimq̃ue flebat.
Flēti noctu Bacchus apparuit, visu iocūdu, luce decorus,
gēmea corona insignis. Tum ne lugeret, iussit. Mox enim
fore, vt ipse quoque pōenis conficiatur, sibiq̃ue iungatur.
Non immeritō igitur Sergio supplicij dilatio supplicium
erat, si post supplicia ad tantā gloriā Bacchus peruenerat.

*Mercurius
Martyr.*

MERCVRII Martyris apud Cæsareā passi corpus ca-
pitē truncum splendore fulsit, odore fragrauit, quo mira-
culo plurimi ad Christianam credulitatem conuersi sunt;
iam certi, animam eius coelesti perfrui beatitudine, in cu-
ius cadauere contra aliorum cadauerum naturam, & lux
pro pallore erat, & odor pro foetore. *Pet. de Nata.*

*Marcellus
Tudertinus.*

MARCELLVS Tudertinę vr̃bis non ignobilis ciuis,
magis tamen animi probitate notus (vt in Dialogo Beati
Gregorij relatum legimus) cū mortuus iaceret, à Fortu-
nato Episcopo ad vitam reuocatus est. At verō non dissi-
mulauit, hoc se oppidō quā aggrē ferre, quōd diceret, ad
quietis beatæ loca iam se perductū fuisse, cum ad corpus
redire iussus est, annuente Domino precibus Fortunati.
Vixit itaque iterum moriturus, ita tamen, vt beatitudinis
præmia quæ acceperat auxisse potius credatur, quā mi-
nuisse, adeo se ipso melior euasit, dum intermissa amittere
timet. *Greg. Dial. lib. 1. c. 10.*

*Vrsinus
Presbyter.*

VRVINVS Nursiæ Presbyter, castus ac sanctus, dum
animam ageret, lætus exclamauit, gratias agens ijs, quos
ad se venisse solus cernebat. Et quærentibus qui ei asside-
bant, qui essent illi quorum aduentu tantopere gauderet:
Nunquid non vidētis, inquit, Petrū & Paulum Apostolos
hic adesse, & euocare me? Mox ad eos quos tantum ipse
videbat, conuersus dum repeteret: Venio, venio, ecce ve-
nio; cum ijsdem abiens, corpus exanime reliquit. O felix
animula, quæ nec mortis dolorem sensit, dum conspectu
Sanctorum lætatur, nec de futura salute dubitauit, dum à
Sanctis

Sanctis ut secum veniret inuitatur. *Ibid lib. 4. c. 11.*

De Probo quoq; Reatino Episcopo memoriæ proditū *Probus Episcopus.*
est, quod cum ex languore mox se decessurū cognouisset, omnibus qui ei assidere solebāt tunc fortē summotis, præser vnum puerum, vidit ad se intrantes Iuuenalē & Eleutherium Martyres, quorum aduentu puer contritus, & repētino fulgore stupefactus, vbi qui essent didicit, fugiēs prorupit è cubiculo, familiā clamore concitat, ad locū vbi Episcopus iacebat concurrunt, neminem inueniūt, præter corpus eius iam exanime. Quo quidē relicto, ipse cū illis abierat, quorū domiciliū in cœlo, nō in terra erat. *Ibi. c. 12.*

SERVVLVS paralyticus moriens, homines circa se psallentes filere iussit, quoniā Angelos audire cœpit. Et cū ad cœlestem cantum, quem sentire solus poterat, oculos, aures, animumq; intendisset, corporis vinculis solutus, abiit. Tam autē suauis odor à corpore iam extincto exhalauit, ut nemini dubiū esset, quin eius animam cantus illi, quos ipse audierat, egredientem suscepissent, & in beatorū sedibus collocassent. *Ibid. c. 14. & Hom. 15. in Euang.*

Duo Valentij Abbatis discipuli in Valeria Prouincia à Longobardis ad arborem laqueo suspensi, necatique, vespere diei illius psallere auditi sunt, ita ut carnifices ipsi, qui *Duo à Longobardis suspensi.*
eos interemerant, attoniti terrentur. Quid hoc est, nisi ut credamus, eos qui Deo seruiunt, tunc demum feliciter ac beatè viuere incipere, cum contingit mori. *Ibid. c. 21.*

Neque hoc omnino prætermittendū, quod beato Gregorio testante verum fuisse non ambigitur. Quidam religiosæ vitæ vir moriens, Ionam & Iezechieli & Danieli Prophetas vidit, visos cognouit, cognitos salutauit, & dum reuerentiæ illis, quos nemo alius cernebat, cū multi adessent, officium exhibet, mortem oppetijt. Si hic corpore adhuc grauat eos, quos nunquam viderat, statim cognouit, quātō clarior certiorq; erit notitia illorum, qui vel modò sarcina carnis deposita ad cœlum euolant, vel prolepta cum eadem carne beatificata, illuc ascensuri sunt. *Ibid. c. 34.*

Tantę

*Femina.**Maria Magda-
lena.*

Tantæ beatitudinis magnitudo non minus in foeminis illis conspici considerarique potest, quæ ipsam non solum feliciter, sed etiâ manifestò assecutæ sunt. Mariam Magdalenam cum in solitudine vitam ageret, solitarius quidam Presbyter ab Angelis in cœlum tolli, & iterum loco suo restitui vidit. Ab ipsa deinde quid hoc esset curiosè sciscitatus, didicit, triginta iam annos eam non alio cibo sustentatam, præterquam coelestium gaudiorum contéplatione: beatis, quemadmodum ipse conspexerat, spiritibus eò se perducentibus ac reducentibus, & iam finem vitæ huius facturam, ut vitam illam inchoet, quæ nullo concluditur fine, nulla carpitur molestia, nullo indiget bono. O quanta hæc diuinæ dilectionis gratia, id mortali corpore cōcedere, quod concedi solet immortalī, ut tandiu sine alimento viuat, & terrenum adhuc in tam sublime feratur! Sed cur tandem solutam animam Deo reddidit? ne scilicet animæ perpetuæ beatitudini impedimento esset, cuius alternam aliquatenus non impedierat. *Metaphr.*

*Margarita
Virgo.*

MARGARITA Virginis capiti, dum ipsa grauibus afficeretur poenis, nec interim cessaret confiteri Christum, cunctis qui aderant cernentibus, columba de cœlo aduolans, auream corollā imposuit. Eò miraculo quatuor millia hominum relictis idolis Christum colere cœpere, nec timuerunt capitis subire discrimen, dum diuinitus coronari concupiscunt. Haudquaquam sic præsentem vitam despicerent, nisi meliorem certissimè expectarent. *Idem.*

*Dorothea
Virgo.*

DOROTHEA Virgo & Martyr, ad Paradisum Sponsi sui Christi se per tormenta peruenisse probauit, brumæ tempore missis rosis Theophilo scribæ. Quam rem ille impensius considerans, cum prius Christianorum religionem irrideret, sequi cœpit, ita ut gratanter & ipse iugulum gladio submitteret, nihil iam ambiguus de beatitudine adipiscenda, quam tali argumento in Christo tantum esse didicerat. Præferens igitur huius vitæ voluptatibus cœlestes rosas, vltro martyriū adiit, & illarum odore decoctus captus mori optauit. *Euseb. Hist. Eccl. lib. 8. c. 6.*

EVL-

EULALIA Virginis post multa tormēta capite cæsa, *Eulalia*
 anima sub columbæ volantis figura visa est coelum petere, *Virgo.*
 & nubibus condi, vt palam esset, Martyrum animas carnis
 nexu expeditas, illò protinus tendere, quò ipse præcessit,
 pro cuius amore torqueri, vri, occidiq; gauderēt. *Prudent.*

PRISCA Virgo dum Christum confitens torqueretur, luce de coelo lapsa circumfunditur, cum Sanctis in carcere sibi apparentibus psallit, carceris pector in odore suauissimum vertitur, ipsa ab Angelis in Throno diuini fulgoris gloriosè collocatur. Si tanta illi inter tormēta affuit beatitudo, quantam exhaustis iam tormentis, consummatoq; agone secutam credimus? Neq; enim æqua esse debet merces pugnātis adhuc, & post pugnam iam victricis: illic auxilium petitur, hic triumphus debetur. *Prisca Virgo.*

SEPTEN mulierum, quæ cum Beato Blasio Episcopo ad Sebasten martyrium passæ sunt, cum capite cæderētur, *Septem mulieres Martyres.*
 animas virginali forma à corporibus egredi viderunt, coelumq; versus ferri, candidas admodum, & corollis circa capita fulgentibus decoras: & hoc ipsi sicarii testabantur, à quibus interemptæ sunt. Nunquid non satis verum putabitur, quod ne inimici quidem negare potuerunt, eas videlicet statim post necem, beatitudinis æternæ fructum percepisse? *Metaphrast.*

AGATHA Virgo & Martyr, per Apostolum à vulneribus curatur, & peracto agonis cursu cum mortua effertur, Angeli sub visibili specie exequias celebrant, & literis in marmore incisis, beatitudinis eius testimonia relinquant: Mentem sanctam, spontaneam, honorem Deo, & patriæ liberationem. Quis dubitat, quin ab ijs ad Spōsi vsque thalamum, perennesque nuptias euecta sit, quorum tanto obsequio in morte meruit honorari? At cur Apostolorum cōsortio non dignā dixerimus, ad quam sanandam Petrus de coelo ad terras descendere iussus sit? *Sur. Tom. 1.*

AGNES Virgo post Martyrium parentibus ad sepulcrum suam excubantibus ac lugētibus, gloriosa apparuit cum splendido elegantique Virginum comitatu, aureis armil-

armillis, candiduloque amictu multum fulgens, & Agnum niue albioré dextera baiulans. Tum represso parumper gradu, parentes ipsos dulciter admonuit, ne se velut mortuâ flerét, sed potius cum Christo beatè viuenti congratularentur. A Sanctarum, inquit, Virginû quas videtis recepta collegio, ei in cœlo iuncta sum, quem in terra posita toto corde dilexi. Meritò igitur non solum Martyrij eius diem festum agit Ecclesia, sed etiam eum quo se talem ostendit, celebrem habet. In martyrio, quæ passa sit, recolluntur; hic autem, ad quantam beatitudinem post passionem peruenerit, commemoratur. *Ambros. Ser. 90.*

*Cecilia
Virgo.*

CACILIA Virgo Angelorum visione fruens, rosarum liliorumque media hyeme vernantium odoramētis, quæ sibi de Paradiso allata fuerant, Valerianum & Tiburtium conuertit; tam suauiter illa redolebât, vt isti repente contempto simulacrorum cultu Christum sequerentur, qui sibi seruientes talibus iam impertiret donis, indeque coronari cupientes, libèter ad Martyrium perrexere. Ipsa quoque nullis auerti à Christo supplicijs potuit, quoniam certa erat eius consortio se in cœlo vsuram, cuius Angelos videre meruerat in terra. *Ado in Martyrol.*

*Catharina
Virgo.*

CATHARINAM Virginem, cum post tormēta capite truncanda esset, orantem vox de cœlo consolata est, quæ diceret, preces suas exauditas esse, & iâ aperto cœli aditu à Domino aduentum suû expectari. Itaque læta & hilaris, ceruicem gladio subiecit persecutoris. Defecto autē collo, lac pro sanguine exiliit, corpus ab Angelis ad montem Sinai delatum est. Talis itaque honor corpori exhibitus testatur, quanto magis in cœlo spiritus eius honoretur. Colligamus cuncta simul, & summatim perpendamus, quali beatitudinis gloria in illius ineffabilis Maiestatis cōspectu, Sanctorumq; omniû Virgo ista repleatur, cui in cōspectu hominû tot mira cōtigerūt: vox de cœlo bládiens, lac pro cruore manans, Angeli corpus transferētes. *Mesa.*

*Theodora
Theodorus
diſſa.*

THEODORA Alexandrina, quæ sexu dissimulato inter Monachos per sanctè vixit, cum decessisset, Abbati in quiete

quiete apparuit cum quadam nuptiali pompa, Sanctorum exultantium agmine eam circumuallante, ipsa in medio gemmis auroq; coruscans. Tunc se illā esse cōfessa est, quæ Theodorus Monachus diceretur, mas credita. Mox deinde expectatus, ut sibi met redditus Abbas, continuo cellam eius adiit, & defunctam esse reperit, & foeminam fuisse cognouit. Deniq; constantiā mulieris inter viros tam diu tam integrè versatę miratus, beatitudinem quoque palam prædicare coepit, atq; in quali eam gloria exaltatā conspexerit, vtrò prodere. Gloriosa quidē sunt, quæ de illa vidit, sed multò gloriosiora sunt, q̄ videre nō potuit. *In vi. PP.*

Apud Alexandriam Paulus Antonij Abbatis discipulus, in spiritu ad coelum vsque pertractus, vidit thalamum quendam miro ornatu excultum, lateq; fulgentem, & Antonio paratum putabat, donec audiuit, Thaidi meretrici illum seruari. Ex quo cognitum est, ei mulieri peccata per poenitētiā dimissa esse, & coelestē beatitudinē condonatā, dicente Domino: Poenitentiam agite, & appropinquabit regnum cœlorum. *Ibid.*

Thais meretrix conuersa.

Mat. 3.

Ibid. 4.

SCHOLASTICÆ Virginis animā frater eius Benedictus Abbas in columbæ forma ad cœlos euolantem vidit. Cognitoq; quod obijisset, corpus illius ad monasteriū suum deferendum curauit, & in sepulchro quod sibi parauerat, condidit, ut iunctis ossibus in terra cubarent, qui animis iungendi erant in Paradiso, pariq; vitæ merito pari beatitudine fruituri. *Greg. Dial. lib. 2. c. 34.*

Scholastica Virgo.

Thebaidis monasterij Abbatisa Euphraxiam Viduam propediem vita decessuram intellexit, cum Antigonus eius virum in coelesti beatitudine constitutum per somnium vidisset, ac supplicantem, ut ipsa iam de terris euocata sibi in coelo copularetur. Somnij fidem præbuit euentus, & Euphraxia (sicut prædictum fuerat) breui defuncta, ad eandem beatitudinem ascendit, ad quam præcesserat maritus. Euphraxiæ quoq; eius Deo dicatæ Virginis eadem Abbatisa obitū prædixit, deinde Præpositę eius Iuliæ, postremū suū, neq; secus quā prædixerat euenit. In yno cōditorio

Euphraxia Vidua.

tres

tres posita una beatitudine gaudet in Paradiso. Quoniam ideo in proximo secum hinc migraturas Abbatisa præcognouit, quod quanta ipsis parabantur præmia, ante supra coelum in spiritu rapta vidit. *In vitis PP.*

*Gertrudis
Virgo.*

GERTRUDIS Virgo Nigellani Monasterij qua die obiit, Abbatisæ Treuerensis monasterij ante Altare orati apparuit, seque ad Sponsum suum ire dixit, coelesti gloria fructuram. Alio quoque miraculo beatam esse patuit. Cum monasterium arderet, supra tectum visa est candenti velo flammam premens, restinctoque statim incendio, cum totum ædificium consumptum iri timeretur, nihil damni illatum fuit, igne Virginis imperio cedente, quia illi iuncta erat, cuius voluntati subiecta sunt vniuersa.

*Edeltrudis
Virgo.*

EDELTRUDIS Virginis corpus, cum post sextum decimum obitus sui annum ad aliud sepulchrum transporteretur, integrum inuentum est, ineffabilique odore fragrans, quinetiam (quod multo mirabilius est) in vocem prorupit, dicens: Sit gloria nomini Domini. Ex quo apparet, quanta sit animæ eius cum Deo viuentis beatitudo, cuius mortuum etiam corpusculum Deo laudes gratesque ageret. Præterea tactu eius multi, qui morbo affecti fuerant, protinus conualuerunt. Et si caduera sanctarum animarum sic separata sanctitatis earum sentiant virtutem, quantæ virtutis futura sunt, cum illis iterum fuerint copulata? *Bed. Hist. Angl. lib. 4. c. 19.*

*Galla Romana
na.*

GALLA Romanæ Christi ancillæ ægrotanti, Gregorius autor est, Apostolum Petrum apparuisse, atque illam ut secum veniret inuitasse, eò quod peccata sua dimissa essent. Hanc visionem cum alijs ipse retulisset, corpore exutæ cum illo utique abiit, cui clauis data sunt regni coelorum. Illum igitur beatitudinis locum ascendit, cuius ianitor est qui inuitauit, hic iacentem vocauit, hic venienti aperuit. *Greg. Dia. lib. 4. c. 13.*

*Romula
Virgo.*

ROMULA quoque Virginis beatitudo, ex eo planè percipi potest, quod paralyti dissoluta, cum ad vitæ finem peruenisset, luce repente circumfusa est. Cuius lucis fulgore
atto-

attoniti qui ei affidebāt, & expauescēt, magis etiā timuerunt, cūm mox cōuenientis illuc turbæ strepitum perferissent, & neminē viderent. Represso deinde ambulantium fragore, successit suauitas odoris, qui ibidem tandiu permansit, donec Romula spiritum tradidit. Tunc etiam ante ostium cellulæ eius psallentium cantus auditus. Haud dubium quin ideo, vt palām fieret, dignā fuisse animā illam, quam hinc abeuntem Angeli exultantes comitarentur, & cum tripudio ad cœlum perferrent, atque in illo æterni Sponsi thalamo feliciter collocarent. *Ibid. c. 15.*

HANC Angeli comitati sunt, Trasilla verò Virginis *Trasilla Virgo.* Beati Pontificis Gregorij amitæ animam, ipse Angelorum Rex & Dominus Iesus Christus. Huic primū in visu apparuit Felix Pontifex, & perpetuæ lucis illi sedem ostendens: Veni, inquit, & fruiere confesso hoc beatorum. Mox ipsa febris morbo affecta, & iam animam agens, vidit ad se venientem Iesum, & eis qui aderant, vt assurgerent iussit, eò quòd aduenisset Dominus. Tum ad visionem quam sola cernebat, mentem oculosque dirigens expirauit, atque, illico odor suauissimus nares omnium occupans, nemini dubium reliquit, quin verè ibi Dominus ipse affuerit. Sed quis dicere potest, quāta is Trasillam felicitate beatificauit in cœlo, qui ad consolandum descendere dignatus est in terram? *Ibid. c. 16. & Hom. 38. in Euang.*

DE MUSA puellula idem autor Gregorius tradit, ei *Musa Virgo.* per visionem nocturnam Dei Genitricem Mariam cum Virginum choro apparuisse, atque iniunxisse, vti risu iocisque, & omni vanitate abstineret. Futurum enim, vt post trigessimū diē suo suarumque virginum consortio gauderet. Tota itaque immutata est, tatoque promisso illecta nihil egit, ob quod eo indigna videri posset. Inde morbo implicata, & tandem die qui prædictus fuerat imminente, eadem visione iterum consolata, quasi vocāti se respondere cœpit: Venio, domina, venio. Sub ijs verbis efflauit spiritū, ipsam cœli Reginam Virginesque eius ad cœlum præeuntes, tam exultanter secuta, quāam feliciter. Neque enim de beatitu-

dinis possessione mox capienda dubitabat, cuius pollicitationem ex ore ipsius, cui concessum est vt dare possit, acceperat. *Ibid. c. 17.*

Exhortatio. Hic & huiusmodi exemplis (vt antè diximus) edocemur, quanta sit illa inuisibilis & incomprehensibilis nobis Sanctorum felicitas, cum tam mira sint, quæ de ipsis mortales oculi videre potuerunt. Gaudeamus igitur, quia maius est bonum illud, quam vt quis (donec carnis huius pòdere premitur) aut cernere possit, aut dicere, aut etiam cogitare. Gaudeamus, inquam, quia tam ingens immensumq; bonum promissum est nobis ab ipso qui veritas est, ab ipso qui neminè fallit, & in cuius ore non est inuentus dolus neque mendacium. Erimus ineffabilis beatitudinis perpetui possessores, modo brevis vitæ huius cursum post illum qui via est dirigamus, post illum qui lux est pietatis iustitiæque, passibus ambulemus. Hic magister noster, hic dux, hic Dominus, hic omnium sequentium se Saluator est. Quomodo autem eum sequi oporteat, & ipse docuit, & Sanctorum suorum egregia præclaraque exempla, quibus totum opus istud contextum est, satis nos abundeque instruxerunt. Horum itaque dum licet, dum res tempusq; suppetit, vestigijs insistamus, vt vbi illi sunt, & ipsi simus. Non declinemus neque ad dexteram, neque ad sinistram, non pes titubet, non mens vacillet: constanti fide, spe firma, forti magnoq; animo viam salutis ingrediamur. Modicum laborabimus, multum metemur. Accipiemus enim (sicuti scriptum est) regnum decoris, & diadema speciei de manu Domini Dei nostri. Ipse dextera sua teget nos, & in brachio sancto suo defendet nos. Ipse ponet còsolationem lugentibus Sion, dabit coronam pro cinere, oleum gaudij pro luctu, pallium laudis pro spiritu mœroris. Ipse sustollet nos super altitudines terræ, in hæreditatem inextimabilem diuitiarum, regniq; coelestis. Ibi erit (vt Isaias ait) mensis ex mense, Sabbatum ex Sabbato, nullus deniq; finis, nulla vnquam decessio erit gloriæ Beatorum. Non cesset igitur manus nostra operando, lingua orando, oculi vigi-

vigilando, mens contemplando, corpus abstinendo. Contemnamus opes, renuntiemus voluptatibus, paruipendamus honores, nihil terrenum concupiscamus, nihil nisi quod naturæ necessitas exigit, habeamus. Non efferamur prosperis, nec frangamur aduersis. Irrisorû cauillationes, inuidorum morsus, maleuolorum odia, superborum contumelias, indignantium minas, furentium verbera, omnisque generis offensas atque iniurias æquò animo toleremus. diligendo quidem illos, qui nobis infesti sunt, & pro persecutoribus nostris deprecando, nec malum pro malo, sed potius bonum reddendo. Paruus breuisque omnis labor est, si pro nobis mercedis immensitas æternitasque penetur.

N V N E, quoniam tandem ad instituti operis finem *Peroratio* peruentum est, & sexto iam peracto volumine Sabbathum instat quiescendi, tibi coeli terræque Conditor ac Moderator Deus, gratias ago, manipulos offerens de plenioribus Ecclesiastici agri spicis variè cōsertos, ut quos tuis auspicijs tuoque auxilio collegerim, tuo etiam nomini consecrentur. Tu da, ut horum semina in terra cordis nostri sata coelestis gratiæ hymbre irrigentur, & fructum faciant, in tuis horreis recondendum. Da, ut Sanctorum tuorum (quos passim commemorauimus) vestigia obseruantes, post vitæ huius miseriam ad illas veræ felicitatis perducamur mansiones, in quibus ipsos accipere dignatus es, & cum iisdem Angelorum tuorum iuncti choris, tuoque conspectu beatificati, in te gloriantes, in te exultantes, te vnum in Trinitate, & trinum in Vnitate adorantes, visibilibus inuisibilibusque perfruamur bonis tuoque sempiterno.

A M E N.

X x 2

Hic Liber Exemplorum dignif-
simus est qui recudatur, 1:973.
Cal. Iulij.

*Io. Molanus, Apostolicus & Regius
Librorum Censor.*

ANTVERPIÆ,
Typis Gerardi Smits.

Österreichische Nationalbibliothek



+Z223460509

